





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.6









Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.6






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.6





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.6


6  
Ald. 3/1




*Ex Libris Joannis Nenoni*

*1874*













M. TVLLII CICERONIS  
EPISTOLAE AD ATTICVM,  
AD M. BRVTVM,  
AD QVINCTVM  
FRATREM,

Cum correctionibus Pauli Manutii.



VENETIIS, M D LXIII.





AD CAROLVM PISAVRIVM.

Leonardi, clarissimi viri, filium, egregijs  
animi bonis, multisq; laudibus iuue-  
nem ornatum, Pauli Manutij,  
Aldi F. in epistolas Cice-  
ronis ad Atticum  
prefatio.

BENEFICIORVM, Carole Pisauri,  
non eadem omnium est ratio. multi,  
quid detur, spectare solent, sua quid-  
que magnitudine metiuntur, nihil at-  
tendunt præterea: ego potius, quibus de causis, et  
a quo homine detur, animaduerto; ac, si quid in ali-  
quem, aut in me ipsum collatum est gratiæ, tanti  
soleo æstimare, quanti uidetur is, qui contulit, æsti-  
mandus. hinc fit, ut, quæ a patre tuo, viro sapien-  
tissimo, & cum alijs laudibus ornato, tum uero  
omnium, quos ego in uita nouerim, humanissimo,  
quæ item a patruo, qui nuper magno bonorum o-  
mnium merore decessit, Ioanne Maria, Paphi  
Episcopo, excellenti non minus doctrinæ, quàm  
bonitate, prædito, diuersis temporibus in me pro-  
fecta sunt officia, ea quamquam summa non fuerint,  
(neque enim tulit occasio, neque rationes meæ po-  
stularunt) pro summis tamen acceperim, & ea-  
rum rerum loco duxerim, quas qui possident, bea-  
tissimi putantur. fons enim ille, unde manarunt,

A 2 amor,



amor fuit, & cum amore iudicium, quod uterque  
de me habuit: quod equidem, si potero, tuebor  
officijs: studio certe, omniq<sup>3</sup> prorsus cura, atque  
industria bonum uirum, meritorumq<sup>3</sup> memorem  
præstabo. quod si liceret ingenium cum uoluntate  
coniungere; ut alterum alteri responderet, & cu-  
piditati uires equarentur: illustrarem beneficia ue-  
stra; ac fortasse efficerem, ut gratia mihi a uobis  
aliqua deberetur, gratiam persoluenti. uerum ut,  
hoc quidem ab infirmitate mea sperari minime pos-  
se, non solum intelligo, uerum etiam ingenue con-  
fiteor: sic illud facile polliceor, uereq<sup>3</sup> affirmo; si  
quid aut iam est in me facultatis, aut erit aliquan-  
do, ijs, in quibus assidue uersor, studijs partum,  
& uigilijs, uelle me id in omni mea uita, quan-  
tumcunque erit, seruire totum uestræ laudi, tue  
presertim; quæ cum a meis præceptis, & consi-  
lijs originem duxerit, exornabo eam, tamquam o-  
pus meum, quibus potero artibus, qua licebit in-  
dustria; florentemq<sup>3</sup> pulcherrimis uirtutibus a-  
lumnæ disciplinæ meæ cum inspiciam, gratula-  
bor utrique nostrum pariter, fructumq<sup>3</sup> amoris et  
studij ueteris in te mei ex tua gloria uberrimum  
capiam. Ac tu quidem, mi Carole, cum tibi nasci  
contigerit ex ea familia, in qua semper uerus ho-  
nor, & splendor uirtutis enituit, nihil debes hu-  
mile cogitare, nihil angustum, nihil obscurum,  
aut inane. excelsa petat animus tuus, ampla, il-  
lustria,




lustria, plena dignitatis, & glorie. quò te semper a tua prima pueritia mea uox incitauit; quò pater tuus, cuius ad te cogitationes, curæq; referuntur omnes, assidue cohortatur; quò denique te uocant maiorum tuorum exempla; quorum nomina nulla dies extinguet, nulla obscurabit obliuio. non enim, si præsiteris ea, quæ a te expectantur, quæ maxima sunt, nouum in tuam familiam decus inferes: antiqua renouabis, præclaramq; consuetudinem retinebis in tua domo laudis expetende, exercendarumq; artium optimarum: quibus instructos, utiles fuisse patriæ ciues, sibi & familie gloriosos, de tua gente multos, annales euolueris, inuenies. Verum, quando te sacris addixisti, & illud uitæ genus complexus es, quod est totum in laudabili ratione, totum in præclaris cogitationibus, & factis constitutum; non te libera uoluntas, ut alios, ad honestum, rectumq; ducit; sed, quo te primum die ad religionem contulisti, eodem die legem ipse tibi imposuisti perpetuæ continentie; exclusisti rerum inanium cupiditatem; uelle ad solidam laudem omnia referre, uelle summi Dei gloriam in omni uita, id est tuam salutem spectare professus es. Quare non tibi monitores, quorum te moueat oratio, expectandi: ipse te excita, ipse acue, & impelle. Multæ sunt propositæ adolescentibus uie, fallaces, obliquæ, insidiosæ, oculis incunda, specie quadam obiecta



uoluptatis: in quibus errare quotidie uides; & la-  
bi ducem sequentes libidinem, non rationem, de  
tuis aequalibus quamplurimos. tu uiam uirtutis in-  
gredere, simplicem, rectam, apertam, principio  
fortasse difficilem, atque asperam, exitu certe sa-  
lutarem, & gloriosam. hanc, inquam, uiam, si-  
gnatam, & impressam uestigijs proborum sancto-  
rumq; uirorum, si uis ipse tibi carus esse, si uis ipse  
tibi recte consulere, unam ingredere; aut, si ingres-  
sus iam es, curre per eam celeri gradu ad ea, quæ  
te manent, præmia immortalitatis. Hæc ego, pro  
meo in te amore singulari, uetereq; erga parentem  
tuum studio, scriptis tecum ago, quæ sermonibus  
& libentius agerem, & sæpius, si liceret. sed,  
quando te Patauij tua studia, a quibus abduci non  
debes, me Venetijs mearum rerum ratio, & uale-  
tudinis detinet infirmitas: proficiscetur ad te mea  
uox, his consignata litteris: quæ tecum erit perpe-  
tuo, ubicunque fueris, te prosequetur, quocunque  
iueris. nec uero dubitavi, quin ea tibi paullo gra-  
tior esset futura, coniuncta cum Ciceronis uoce, id  
est cum ijs epistolis, in quibus cum Attico, fami-  
liari suo, non minus grauitè, & sapienter, quàm  
elegantè, & splendide loquitur. fructum, ut spe-  
ro, capies ex utraque non uulgarem. ego enim, ut  
uelis optima, te hortor: Cicero uolentem adiuuat:  
ornat enim eloquentia, consilijs instruit sapientis-  
simis. nam disputat sæpe in his epistolarum libris,  
sermone



sermone perquam eleganti, de statu reip. de uitis  
principum, unde fluunt exitia ciuitatum, de uicif-  
situdine fortunæ. qui tibi erit, accurate legenti,  
sapientia fons uberrimus. A me uero munuscu-  
lum hoc habebis, meæ in te uoluntatis & studij ar-  
gumentum. exiguum, inquires. fateor: sed uelim  
spectes animum, non rem: quam tamen ne ipsam  
quidem debes contemnere: siquidem eiusmodi est,  
ut tuas, tuorumq; laudes, a me, non expressas, sed  
tamquam tenui penicillo designatas, simul cum be-  
neuolentia mea cunctis gentibus patefaciat.  
Venetijs, M. D. LVIII.





5

M. TVLLII CICERONIS  
EPISTOLARVM AD  
T. POMPONIVM ATTICVM  
Liber primus.

CICERO S. D. ATTICO. I

PETITIONIS NOSTRAE, quam  
tibi summæ curæ esse scio, huiusmodi  
ratio est, quod adhuc coniectura pro-  
videri possit. Prensat unus P. Galba,  
sine fūco, & fallacijs, more maiorum. negatur. ut  
opinio est hominum, non aliena rationi nostræ fuit  
illius hæc præpropera prensatio. nam illi ita negant  
uulgo, ut mihi se debere dicant. ita quiddam spero  
nobis profici, cum hoc percrebescit, plurimos no-  
stros amicos inueniri. nos autem initium prensandi  
facere cogitamus eo ipso tempore, quo tuum pue-  
rum cum his litteris proficisci Cincius dicebat. In  
campo, comitijs tribunicijs, ad XVI. kal. Sext.  
competitores, qui certi esse uidebantur, Galba,  
& Antonius, & Q. Cornificius. puto te in hoc  
aut risisse, aut ingemuisse, ut frontem ferias. sunt,  
qui etiam Cæsonium putent. Aquillium non ar-  
bitramur; qui denegat, & iurauit morbum, &  
illud suum regnum iudiciale opposuit. Catilina,  
si iudicatum erit meridie non lucere, certus erit  
competitor. de Aufidio, & Palicano, non puto  
te expectare, dum scribam. de ijs, qui nunc pe-  
tunt, Cæsar certus putatur. Thermus cum Silano  
contendere



## LIB. I. EPIST.

*quod  
fratrem non  
petit.*  
 contendere existimatur: qui sic inopes & ab ami-  
 cis, & existimatione sunt, ut mihi uideatur non es-  
 se ἀδύατον, Curium obducere. sed hoc præter me  
 nemini uidetur. nostris rationibus maxime condu-  
 cere uidetur, Thermum fieri cum Cæsare. nemo est  
 enim ex ijs, qui nunc petunt, qui, si in nostrum  
 annum reciderit, firmiter candidatus fore uideatur:  
 propterea quod curator est uia Flaminia: quæ cum  
 \*erit absoluta, sane facile eum libenter nunc ceteri  
 consuli acciderim. Petitorum hæc est adhuc infor-  
 mata cogitatio. Nos in omni munere candidatorio  
 fungendo summam adhibebimus diligentiam: &  
 fortasse, quoniam uidetur in suffragijs multum pos-  
 se Gallia; cum Romæ a iudicijs forum refrixerit,  
 excurremus mense Septembri legati ad Pisonem,  
 ut Ianuario reuertamur. Cum perspexero uolunta-  
 tes nobilium, scribam ad te. cetera spero prolixa  
 esse, his dumtaxat urbanis competitoribus: illam  
 manum, tu, mihi, cura, ut præstes, quoniam pro-  
 pius abes, Pompeij, nostri amici. nega me ei ira-  
 tum fore, si ad mea comitia non uenerit. Atque  
 hæc huiusmodi sunt. Sed est quod abs te mihi igno-  
 sci peruelim. Cecilius, auunculus tuus, a P. Va-  
 rio cum magna pecunia fraudaretur, agere cæpit  
 cum eius fratre Caninio Satyro de ijs rebus, quas  
 eum dolo malo mancipio accepisse de Vario diceret.  
 una agebant ceteri creditores, in quibus erat Lucul-  
 lus, & P. Scipio, et is, quem putabant magistrum  
 fore, si bona uenirent, L. Pontius. uerum hoc ridi-  
 culum



culum est, de magistro nunc cognoscere. rogauit me Cæcilius, ut adessem contra Satyrum. dies fere nullus est, quin hic Satyrus domum meam uentitet. obseruat L. Domitium maxime: me habet proximum. fuit & mihi, & Quinto fratri magno usui in nostris petitionibus. sane sum perturbatus, cum ipsius Satyri familiaritate, tum Domitij, in quo uno maxime ambitio nostra nititur. demonstraui hæc Cæcilio: simul & illud ostendi, si ipse unus cum illo uno contnederet, me ei satisfacturum fuisse: nunc in caussa uniuersorum creditorum, hominum præsertim amplissimorum, qui sine eo, quem Cæcilius suo nomine perhiberet, facile communem causam sustinerent, æquum esse, eum & officio meo consulere, & tempori. durius accipere hæc mihi uisus est, quàm uellem, & quàm homines belli solent: & postea prorsus ab instituta nostra paucorum dierum consuetudine longe refugit. Abs te peto, ut mihi hoc ignoscas, & me existimes humanitate esse prohibitum, ne contra amici summam estimationem miserrimo eius tempore uenirem; cum is omnia sua studia, & officia in me contulisset. quòd si uoles in me esse durior, ambitionem mihi putabis obstitisse. ego autem arbitror, etiam si id sit, mihi ignoscendum esse: ἐπεὶ ἐχ' ἐπ' αὐτῷ, ὅδ' ἐ' βοεῖν. uides enim, in quo cursu simus, & quàm omnes gratias non modo retinendas, uerum etiam acquirendas putemus. Spero tibi me causam probasse, cupio quidem certe. Hermathena tua ualde me delectat, *Minerva. Alena. & curia. Alena.*



## LIB. I. EPIST.

Et posita ita belle est, ut totum gymnasium ἡλίου  
ἀνὰ θύρας esse uideatur. multum te amamus. L. Iu-  
lio Cesare, C. Marcio Figulo cos. Filiolo me au-  
ctum scito, salua Terentia.

CICERO S. D. ATTICO.

ABS TE tam diu nihil litterarum? Ego de  
meis ad te rationibus scripsi antea diligenter. hoc  
tempore Catilinam, competitorem nostrum, defen-  
dere cogitamus. iudices habemus, quos uolumus,  
summa accusatoris uoluntate. spero, si absolutus e-  
rit, coniunctiorem nobis fore in ratione petitionis:  
si aliter acciderit, humaniter feremus. Tuo ad-  
uentu nobis opus est maturo. nam prorsus summa  
hominum est opinio, tuos familiares, nobiles ho-  
mines, aduersarios honori nostro fore. ad eorum  
uoluntatem mihi conciliandam maximo te mihi u-  
sui fore uideo. quare Ianuario ineunte, ut conslitui-  
sti, cura ut Romæ sis. Auia tua scito desiderio tui  
mortuam esse, et simul, quod uerita sit, ne Latinae in  
officio non manerent, et in montem Albanum hostias  
non adducerent. eius rei consolationem ad te L. Sau-  
feium missurum esse arbitror. Nos hic te ad men-  
sem Ianuarium expectamus: ex quodam rumore,  
an ex litteris tuis ad alios missis? nam ad me de eo  
nihil scripsisti. Signa, quæ nobis curasti, ea sunt ad  
Caietam exposita. nos ea non uidimus. neque enim  
exeundi Roma potestas nobis fuit. misimus, qui pro  
uectura solueret. te multum amamus, quod ea abs  
te



te diligenter, paruoq. curata sunt. Quod ad me sæpe scripsisti de nostro amico placando, feci, et expertus sum omnia: sed mirandum in modum est animo ab alienato; quibus de suspicionibus, et si audisse te arbitror, tamen ex me, cum ueneris, cognosces. Sallustium præsentem restituere in eius ueterè gratiam non potui. hoc eo ad te scripsi, quod is me accusare de te solebat, in se expertus est illum esse minus exorabilem, meum studium nec tibi defuisse. Tulliolam C. Pisoni L. F. Frugi despondimus. Vale.

CICERO S. D. ATTICO. 3

CREBRAS exspectationes nobis tui commoues. nuper quidem, cum te iam aduentare arbitramur, repente abs te in mensem Quinctilè reiecti sumus. nunc uero sentio, quod commodò tuo facere poteris, uenias ad id tempus, quod scribis. obieris Quincti fratris comitia; nos longo intervallo uiseris; Acutilianam controuersiam transegeris. hoc me etiam Peducæus, ut ad te scriberem, admonuit. putamus enim utile esse, te aliquando iam rem transigere. mea intercessio & est, & fuit parata. Nos hic incredibili singulari populi uoluntate de ac C. Macro transegimus. cui cum æqui fuissetus, tamen multo maiorem fructum ex populi existimatione, illo damnato, cepimus, quam ex ipsius, si absolutus esset, gratia cepissemus. Quod ad me de Hermathena scribis, per mihi gratū est: et ornamentum Academiæ proprium meæ; quod & Hermes commune omnium, & Minerva singulare est eius gymnasij.



## LIB. I. EPIST.

gymnasij . quare uelim , ut scribis , ceteris quoque rebus quamplurimis eum locum ornes . Quæ mihi antea sibna misisti , ea nondum uidi . in Formiano sunt : quò ego nunc proficisci cogitabam . illa omnia in Tusculanum deportabo . Caietam , si quando abundare cæpero , ornabo . Libros tuos conserua : et noli desperare , eos meos facere posse . quod si assequor , supero Crassum diuitijs , atque omnium uicos , & prata contemno . Vale .

CICERO S. D. ATTICO. 4

QUANTVM dolorem acceperim , & quanto fructu sim priuatus & forensi , et domestico , Lucij fratris nostri morte ; in primis pro nostra consuetudine tu existimare potes . nam mihi omnia , quæ iucunda ex humanitate alterius , & moribus homini accidere possunt , ex illo accidebant . quare non dubito , quin tibi quoque id molestum sit ; cum & meo dolore moueare , & ipse omni uirtute , officioq. ornatissimum , tuiq. & sua sponte , & meo sermone amantem , affinem , amicumq. amiseris . Quod ad me scribis de sorore tua ; testis erit tibi ipsa , quantæ mihi curæ fuerit , ut Quincti fratris animus in eam esset is , qui esse deberet . quem cum esse offensioem arbitrarer , eas litteras ad eum misi , quibus & placarem ut fratrem ; & monerem ut minorem , et obiurgarem ut errantem . itaque ex ijs , quæ postea sæpe ab eo ad me scripta sunt , confido ita esse omnia , ut & oporteat , & uelimus . De littera-

rur



rum missione, sine causa abs te accusor. numquam enim a Pomponia nostra certior sum factus, esse cui litteras dare possem. porro autem neque mihi accidit, ut haberem, qui in Epirum proficisceretur: neque dum te Athenis esse audiebamus. De Acutiliano autem negotio quod mihi mandaras; ut primum a tuo digressu Romam ueni, confeceram: sed accidit, ut & contentione nihil opus esset; & ego, qui in te satis consilij statuerim esse, mallem Peduceum tibi consilium per litteras, quam me, dare. etenim cum multos dies aures meas Acutilio dedissem; cuius sermonis genus tibi notum esse arbitror; non mihi graue duxi scribere ad te de illius querimonijs, cum eas audire, quod erat subdiosum, leue putassem. sed abs te ipso, qui me accusas, unas mihi scito litteras redditas esse; cum et otij ad scribendum plus, & facultatem dandi maiorem habueris. Quod scribis, etiam si cuius animus in te esset offensior, a me recolligi oportere: quid dicas? neque id neglexi: sed est miro quodam modo affectus. ego autem, quae dicenda fuerunt de te, non praeterij: quid autem contendendum esset, ex tua priuata uoluntate statuere oportere: quam si ad me perscripseris, intelliges me neque diligentiore esse uoluisse, quam tu esses, neque negligentiore fore, quam tu uelis. De Tadiamare, mecum Tadius locutus est, te ita scripsisse, nihil esse iam, quod laboraret; quoniam hereditas usucapta esset. id mirabamur, te ignorare, de tutela legiti-  
ma,



LIB. I. EPIST.

ma, in qua dicitur esse puella, nihil usucapi posse. Epiroticam emptionem gaudeo tibi placere. Quæ tibi mandavi, & quæ tu intelliges conuenire nostro Tusculano, uelim, ut scribis, cures; quod sine molestia tua facere poteris. nam nos ex omnibus molestijs, & laboribus uno illo in loco conquiescimus: quò fratrem quotidie expectamus. Terentia magnos articulorum dolores habet, & te, sororem tuam, & matrem maxime diligit, salutemq. tibi plurimam adscribit, & Tulliola, delicia nostræ. Cura, ut ualeas; & nos ames; et tibi persuadeas, te à me fraterne amari.

CICERO S. D. ATTICO. 5

NON committam posthac, ut me accusare de epistolarum negligentia possis. tu modo uideto, in tanto otio ut par mihi sis. Domum Rabinianā Neapoli, quam tu iam dimensam, et ex ædificatā animo habebas, M. Fonteius emit HSCCCLXXX. id te scire uolui, si quid forte ea res ad cognitiones tuas pertineret. Q. frater, ut mihi uidetur, quo uolumus animo est in Pomponiam, & cum ea nunc in Arpinati prædio erat, & secum habebat hominem Xenioquādū D. Turraniū. Pater nobis decessit ad VIII. kal. Dec. Hæc habebam fere, quæ te scire uellem. Tu, uelim, si qua ornamenta γυμνασιώδην reperire poteris, quæ loci sint eius, quem tu non ignoras, ne prætermittas. Nos Tusculano ita delectamur, ut nobismet ipsis tum denique, cum illò

*i. intellig. decessit  
tem. hoc est  
decessit. lib. 1.  
non uoluit  
i. apta gymna  
sic.*



illò uenimus, placeamus. Quid agas omnibus de rebus, & quid acturus sis, fac nos quamdiligentissime certiores. Apud matrem recte est; eaquē nobis curæ est. L. Cincio HS XX C D constitui me curaturum idibus Febr. tu, uelim, ea, quæ nobis emisse, et parasse scribis, des operam, ut quamprimum habeamus. & uelim cogites, id quod mihi pollicitus es, quemadmodum bibliothecam nobis conficere possis, omnem spem delectationis nostræ, quam, cum in otium uenerimus, habere nolumus, in tua humanitate positam habemus. Vale.

CICERO S. D. ATTICO. 6

APUD te est, ut uolumus, mater tua, & soror a me, Quintoquē fratre diligitur. Cum Acutilio sum locutus. is sibi negat a suo procuratore quidquam scriptum esse; & miratur istam controuersiam fuisse, quòd ille recusarat satisfieri, amplius abs te non peti. Quod te de Tadiano negotio decidisse scribis; id ego Tadio et gratum esse intellexi, & magnopere iucundum. Ille noster amicus, et mehercule uir optimus, et mihi amicissimus, sane tibi iratus est. hoc, si, quanti tu aestimes, sciam; tum, quid mihi elaborandum sit, scire possim. L. Cincio HS CCL D C C C C C pro signis Megaricis, ut tu ad me scripseras, curauī. Hermæ tui Pentelici cum capitibus æneis, de quibus ad me scripsisti, iam nunc admodum delectant. quare uelim, & eos, & signa, & cetera, quæ tibi eius loci, &

B

no-



## LIB. I. EPIST.

noſtri ſtudiij, & tuæ elegantia eſſe uidebuntur, quamplurima, quamprimumq̃. mittas, & maxime quæ tibi gymnaſij, xyſtiq̃. uidebuntur eſſe. nam in hoc genere ſic ſtudio efferimur, ut abs te adiuuandi, ab alijs prope reprehendendi ſimus. ſi Lentuli nauis non erit, quò tibi placebit, imposito. Tulliola, deliciolæ noſtræ, tuum muſculum flagitat, & me, ut ſponſorem, appellat. mihi autem abiurare certius eſt, quàm dependere. Vale.

CICERO S. D. ATTICO. 7

NIMIVM raro nobis abs te litteræ afferuntur: cum & multo tu facilius reperias, qui Romam proficiſcantur, quàm ego, qui Athenas; & certius tibi ſit, me eſſe Romæ, quàm mihi, te Athenis. itaque propter hanc dubitationem meam breuior hæc ipſa epiſtola eſt; quòd, cum incertus eſſem, ubi eſſes, nolebam illum noſtrum familiarum ſermonem in alienas manus deuenire. Signa Megarica, & Hermas, de quibus ad me ſcripſiſti, uehementer exſpecto. quidquid eiſdem generis habebis, dignum Academia tibi quod uidebitur; ne dubitaris mittere; & arcæ noſtræ confidito. genus hoc eſt uoluptatis meæ: quæ γυμναſιάδῃ maxime ſunt, ea quæro. Lentulus naues ſuas pollicetur. peto abs te, ut hæc cures diligenter. Chilius te rogat, & ego eiſus rogatu, διμολπίδῳ πάτρι.

Vale.

C I-



Præterea typos tibi mando, quos in teſtorio atrio-  
li, possim includere, & pute alia sigillata duo. Biblio-  
thecam tuam caue cuiquam despondeas, quamvis  
acrem amatorem inueneris. nam ego omnes meas  
uindemiolas eo reseruo, ut illud subsidium sene-  
etuti parem. De fratre, confido ita esse, ut semper

B 3



## LIB. I. EPIST.

uolui, & elaboravi. multa signa sunt eius rei, non minimum, quod soror prægna est. De comitijs meis, & tibi me permisisse memini, & ego iam pridem hoc communibus amicis, qui te expectat, prædico; et te non modo non accersam, sed prohibebo; quod intelligam multo magis interesse tua, te agere, quod agendum est hoc tempore, quam mea, te adesse comitijs. proinde ea animo te uelim esse, quasi mei negotij causa in ista loca missus esses. me autem eum et offendes erga te, et audies, quasi mihi, si qua parta erunt, non modo te præsentem, sed per te parta sint. Tulliola tibi diem dat, sponso rem non appellat. Vale.

CICERO S. D. ATTICO. 9

ET mea sponte faciebam antea, & post, duabus epistolis tuis perdiligenter in eandem rationem scriptis, magnopere sum commotus. eò accedebat hortator assiduus Sallustius, ut agerem quamdiligentissime cum Luceio de uestra uetere gratia reconcilianda. sed, cum omnia fecissem, non modo eam voluntatem eius, quæ fuerat erga te, recuperare non potui, uerum ne causam quidem elicere immutata uoluntatis. tametsi iactat ille quidem illud summum arbitrium, & ea, quæ iam tum, cum aderat, offendere eius animum intelligebam. tamen habet quiddam profecto, quod magis in animo eius insederit: quod neque epistola tua, neque nostra legatio tam potest facile delere, quam tu præsens non modo oratione, sed tuo uultu illo familiari tolles; si modo



modo tanti putabis id, quod, si me audies, & si humanitati tuæ constare uoles, certe putabis. ac, ne illud mirere, cur, cum ego antea significarem tibi per litteras, me sperare illum in nostra potestate fore, nunc idem uidear diffidere; incredibile est, quanto mihi uideatur illius uoluntas obstinator, & in hac iracundia obfirmator. sed hæc aut sanabuntur, cū ueneris; aut ei molesta erunt, in utro culpa erit. Quod in epistola tua scriptum erat, me iam arbitrari designatum esse; scito, nihil tam exercitum esse nunc Romæ, quàm candidatos, omnibus iniquitatibus; nec, quando futura sint comitia, sciri. uerum hæc audies de Philadelpho. Tu, uelim, quæ Academiæ nostræ parasti, quamprimum mittas. mirum, quàm illius loci non modo usus, sed etiam cogitatio delectat. Libros uero tuos cæue cuiquam tradas. nobis eos, quemadmodum scribis, conserua. summum me eorum studium tenet, sicut odium iam ceterarum rerum: quas tu, incredibile est, quàm breui tempore quanto deteriores offensurus sis, quàm reliquisti.

CICERO S. D. ATTICO. IO

TEVCRIIS illa lentum sane negotium: neque Cornelius ad Terentiam postea rediit. opinor, ad Considium, Axium, Selicium confugiendum est. nā a Cæcilio propinqui minore centesimis nummū mouere non possunt. sed, ut ad prima illa redeam, nihil ego illa impudentius, astutius, lentius uidi. libertum mitto: Tito mandauit: σκέψαι, atque ἀναβοῶναι.

B 3. sed



LIB. I. EPIST.

sed nescio, an ταυτόματον ἡμῶν. nam mihi Pompeiani prodromi nuntiant, aperte Pompeium acturum, Antonio succedi oportere: eodemq. tempore aget prator ad populum. res eiusmodi est, ut ego nec per bonorum, nec per popularem existimationem honeste possim hominem defendere; nec mihi libeat, quod uel maximum est. etenim accidit hoc, quod totum cuiusmodi sit, mando tibi, ut perspicias, Libertum ego habeo, sane nequam hominem, Hilarum dico, ratiocinatorem, & clientem tuum. de eo mihi Valerius interpretis nuntiat, Chiliusq. se audisse scribit hæc; esse hominem cum Antonio; Antonium porro in cogendis pecunijs dictitare, partem mihi quæri, & a me custodem communis questus libertum esse missum. non sum mediocriter commotus: neque tamen credidi: sed certe aliquid sermonis fuit. totum inuestiga, cognosce, perspice, & nebulonem illum, si quo pacto potes, ex istis locis amoue. huius sermonis Valerius auctorem Cn. Plancium nominabat. mando tibi plane, totum, ut uideas, cuiusmodi sit. Pompeium nobis amicissimum constat esse. diuortium Muciae uehementer probatur. P. Clodium, Appij filium, te credo audisse, cum ueste muliebri deprehensum domi C. Casaris, cum pro populo fieret, eumq. per manus seruulæ seruatum, & eductum: rem esse insigni infamia: quod te moleste ferre certo scio. Quod præterea ad te scribam, non habeo. & mehercule eram conturbatior. nam puer festinus, ana-



anagnostes noster, Sositheus decesserat, meq. plus,  
quam serui mors debere uidebatur, commouerat.  
Tu uelim sæpe ad nos scribas. si rem nullam habe-  
bis; quod in buccam uenerit, scribito. Vale. ka-  
lendis Ian. M. Messalla, & M. Pisone cos.

## CICERO S. D. ATTICO. II

ACCEPI tuas tres iam epistolas, unam a M.  
Cornelio, quam a Tribus ei Tabernis, ut opinor,  
dedisti; alteram, quam mihi Canusinus tuus hospes  
reddidit; tertiam, quam, ut scribis, anchoris so-  
lutis de faselo dedisti. quæ fuerunt omnes rheto-  
rum. pure loquuntur, cum humanitatis sparsæ sa-  
le, tum insignes amoris notis. quibus epistolis sum  
equidem abs te laceffit ad scribendum; sed iccirco  
sum tardior, quod non inuenio fidelem tabellarium.  
quotus enim quisque est, qui epistolam paullo gra-  
uiorem ferre possit, nisi eam per lectionem releua-  
rit? accedit eò, quod mihi non est notum, ut quis-  
que in Epirum profisciscatur. ego enim te arbitror,  
cæsis apud Amaltheam tuam uictimis, statim ef-  
se ad Sicyonem oppugnandum profectum. neque id  
ipsum tamen certum habeo, quando ad Antonium  
profisciscare, aut quid in Epiro temporis ponas. ita  
neque Achaicis hominibus, neque Epiroticis paul-  
lo liberiores litteras committere audeo. sunt autem  
post discessum a me tuum res dignæ litteris nostris,  
sed non committendæ eiusmodi periculo, ut aut in-  
terire, aut aperiri, aut intercipi possint. Primum

B 4 igitur



## LIBER. I. EPIST.

igitur scito, primum me non esse rogatum sententiam, præpositumq. esse nobis pacificatorem Allobrogum, idq. admurmurante senatu, neque me inuito esse factum. sum enim & ab observando homine peruerso liber, et ad dignitatem in rep. retinendam contra illius uoluntatem solutus: & ille secundus in dicendo locus habet auctoritatem pæne principis, & uoluntatem non nimis deuinctam beneficio consulis. Tertius est Catulus, quartus (si etiam hoc queris) Hortensius. Consul autem ipse paruo animo, & prauo, tantum cauillator genere illo moroso, quod etiam sine dicacitate ridetur, facie magis, quam facetijs, ridiculus, nihil agens cum rep. seiunctus ab optimatibus: a quo nil speres boni reip. quia non uult; nil metuas mali, quia non audet. eius autem collega & in me perhonorificus, & partium studiosus, ac defensor bonarum. quinimmo leuiter inter se dissident. Sed uereor, ne hoc, quod infectum est, serpat longius. credo enim te audisse, cum apud Cæsarem pro populo fieret, uenisse eò muliebri uestitu uirum; idq. sacrificium cum uirgines instaurassent, mentionem a Q. Cornificio in senatu factam: (is fuit princeps; ne tu forte aliquem nostrum putes) postea rem ex s. c. ad uirgines, & pontifices relatam, idq. ab ijs nefas esse decretum: deinde ex s. c. consules rogationem promulgasse: uxori Cæsarem nuntium remisisse. in hac caussa Piso, amicitia P. Clodij ductus, operam dat, ut ea rogatio, quam ipse fert, & fert ex s. c. & de



de religione, antiquetur. Messalla uehementer  
adhuc agit seuerè. boni uiri precibus Clodij remo-  
uentur a caussa. operæ comparantur. nosmet ip-  
si, qui Lycurgeti a principio fuissetus, quotidie de-  
mitigamur. instat, & urget Cato. Quid multa?  
uereor, ne hæc, neglecta a bonis, defensa ab im-  
probis, magnorum reip. malorum caussa sit. Tuus  
autem ille amicus, (scin' quem dicam?) de quo tu  
ad me scripsisti, postea quàm non auderet repre-  
hendere, laudare cœpisse, nos, ut ostendit, admo-  
dum diligit, amplectitur, amat, aperte laudat;  
occulte, sed ita, ut perspicuum sit, inuidet. nihil  
come, nihil simplex, nihil ἐν τοῖς πολιτικοῖς hone-  
stum, nihil illustre, nihil forte, nihil liberum.  
Sed hæc ad te scribam alias subtilius. nam ne-  
que adhuc mihi satis nota sunt: & huic terræ fi-  
lio nescio cui committere epistolam tantis de re-  
bus non audeo. Prouincias prætores nondum sor-  
titi sunt. res eodem est loci, quo reliquisti.  
Το ποδεσίαν, quam postulas, Miseni, & Pu-  
teolorum, includam orationi meæ. ad III.  
non. Decemb. mendose fuisse animaduenteram.  
Quæ laudas ex orationibus, mihi crede, ual-  
de mihi placebant: sed non audebam antea di-  
cere: nunc uero, quod a te probata sunt,  
multo mihi ἀπικώτερα uidentur. in illam o-  
rationem Metellinam addidi quædam. liber ti-  
bi mittetur; quoniam te amor nostri φιλήτο-  
ρα reddidit. Noli tibi quidnam scribam?  
quid?



## LIB. I. EPIST.

quid? etiam. Messalla cōsul. Autronianam domum  
emit HS CCCCXXXVII. quid id ad me? in-  
quies. tantum, quòd ea emptione et nos bene emis-  
se iudicati sumus; & homines intelligere cœperunt,  
licere amicorum facultatibus in emendo ad dignita-  
tem aliquam peruenire. Teucris illa lentum nego-  
tium, sed tamen est in spe. Tu ista confice: a nobis  
liberiores epistolam exspecta. Vale. VI. kal.  
Febr. M. Messalla, & M. Pifone cos.

CICERO S. D. ATTICO. 12

VEREOR, ne putidum sit scribere ad te, quàm  
sim occupatus: sed tamen ita distinebar, ut uix  
huic tantulæ epistolæ tempus habuerim, atque id  
ereptum e summis occupationibus. Prima concio  
Pompeij qualis fuisset, scripsi ad te antea, non iu-  
cunda miseris, inanis improbis, beatis nō grata, bo-  
nis non grauis. ita que frigebat. tum Pisonis cōsulis  
impulsu leuissimus tribunus pl. Fusius in concionem  
produxit Pompeium. res agebatur in circo Flami-  
nio: et erat in eo ipso loco illo die nundinarum *παι-  
νις*. quæsiuit ex eo, placeret ne ei, iudices a præ-  
tore legi, quo consilio idem prætor uteretur. id au-  
tem erat de Clodiana religione ab senatu constitu-  
tum. tum Pompeius *μαλ' ἀριστοκρατικῶς* locutus est;  
senatusq. auctoritatem sibi omnibus in rebus ma-  
ximam uideri, semperq. uisam esse, respondit, & id  
multis uerbis. Postea Messalla consul in senatu de  
Pompeio quæsiuit, quid de religione, & de pro-  
mulgata

*In quibus  
conuincit*



mulgata rogatione sentiret. locutus ita est in senatu, ut omnia illius ordinis consulta γενικῶς laudaret: mihi quæ, ut assedit, dixit, se putare, satis ab se etiam de istis rebus esse responsum. Crassus postea quàm uidit illum excepisse laudem, ex eo, quòd hi suspicarentur homines ei consulatum meum placere, surrexit, ornatissimeque de meo consulatu locutus est; ut ita diceret, se, quòd esset senator, quòd ciuis, quòd liber, quòd uiueret, mihi acceptum referre; quoties coniugem, quoties domum, quoties patriam uideret, toties se beneficium meum uidere. Quid multa? totum hunc locum, quem in Aristocratia ego uarie meis orationibus, quarum tu Aristarchus es, soleo pingere, de flamma, de ferro, (nosti illas ἀνύδους) ualde grauiter pertexuit. Proximus Pompeio sedebam. intellexi hominem moueri; utrum Crassum inire eam gratiam, quam ipse prætermisisset; an esse tantas res nostras, quæ tam libenti senatu laudarentur, ab eo præsertim, qui mihi laudem illam eo minus deberet, quòd meis omnibus literis in Pompeiana laude perstrictus esset? Hic dies me ualde Crasso adiunxit: & tamen, ab illo aperte, te te quidquid est datum, libenter accepi. ego autem ipse, dii boni, quo modo ἀνεπερπερασάμην nouo auditori Pompeio. si unquam mihi ἐπιχειρήματα suppedita uerunt, illo tempore. Quid multa? clamores. etenim hæc erat ὑπόθεσις de grauitate ordinis, de equestri concordia, de consensione Italiae, de immortalis reliquijs coniurationis, de utilitate,



## LIB. I. EPIST.

tate, de otio. nosti iam in hac materia sonitus nostros: tanti fuerunt, ut ego eo breuior sim, quod eos usque istinc exauditos putem. Romanae autem res sic se habent. Senatus ἀπειρος πάλως nil constantius, nil seuerius, nil fortius. nam cum dies uenisset rogationi ex s. c. ferendae. concursabant barbaruli iuuenes, totus ille grex Catilinæ, duce filio-la Curionis; & populum, ut antiquaret, rogabant. Piso autem consul, lator rogationis, idem erat dissuasor. operæ Clodianae pontes occuparant. tabellæ ministrabantur, ita ut nulla daretur, Vti rogas. hic tibi Rostra Cato aduolat, conuitium Pisoni consuli mirificum facit; si id est conuitium, uox plena grauitatis, plena auctoritatis, plena denique salutis. accedit eodem etiam noster Hortensius, multi præterea boni. insignis uero opera Fidonij fuit. hoc concursu optimatum comitia dimittuntur: senatus uocatur. cum decerneretur frequenti senatu, contra pugnante Pisione, ad pedes omnium singillatim accidente Clodio, ut consules populum cohortarentur ad rogationem accipiendam: homines ad xv. Curioni nullum s. c. facienti assenserunt: facile ex altera parte cccc assuerunt. acta res est. Fusius tertium concessit. Clodius conciones miseras habebat, in quibus Lucullum, Hortensium, C. Pisonem, Messallam consulem contumeliose lædebat, me tantum comperisse omnia criminabatur. Senatus & de prouincijs prætorum, & de legationibus, & de ceteris rebus decernebat, ut ante, quam rogatio



gatio lata esset, ne quid ageretur. Habes res Romanas. sed tamen etiam illud, quod ego non speraram, audi. Messalla consul est egregius, fortis, constans, diligens, nostri laudator, amator, imitator. ille alter uno uitio minus uitiosus, quod iners, quod somni plenus, quod imperitus, quod ἀπαρ-τότατος, sed uoluntate ita καχέτης, ut Pompeium post illam contionem, qua ab eo senatus laudatus est, odisse cœperit. itaque mirum in modum omnes a se bonos alienauit. neque id magis amicitia Clodij adductus facit, quam studio perditarum rerum, atque partium. sed habet sui similem in magistratibus, præter Fusium, neminem. bonis utimur tribunis pl. Cornuto uero pseudocatone. Quid queris? num ut ad priuata redeam? Teu xris promissa patrauit. tu madata effice, quæ recepisti. Quinctus frater, qui Argiletani ædificij reliquum dodrantem emit HS DCCXXV, Tusculanum uenditat, ut, si possit, emat Pacilianam domum. Cum Luceio in gratiam redi. uidero hominem. ualde petitur. renauabo operam. Tu, quid agas, ubi sis, cuiusmodi istæ res sint, fac me quam diligentissime certiores. Idibus Febr. Vale.

ASIAM Quincto, suauissimo fratri, obtigisse au disti. non enim dubito, quin celerius tibi hoc rumor, quam ullius nostrum litteræ nuntiarint. nunc, quoniam & laudis auidissimi semper fuimus, et præter ceteros



## LIB. I. EPIST.

ceteros φιέλληνες & sumus, & habemur, et multorum odia, atque inimicitias reip. causa suscepimus; παντοίως ἀρετῆς μιμησκειο; curaque, et effice, ut ab omnibus & laudemur, & amemur. His de rebus plura ad te in ea epistola scribam, quam ipse Quinto dabo. Tu me, uelim, certiore facias quid de meis mandatis egeris, atque etiam, quid de tuo negotio. nam ut Brundisio profectus es, nulla mihi abs te sunt redditæ litteræ. ualde aueo scire, quid agas. Idibus Mart. Vale.

CICERO S. D. ATTICO. 14

QVAERIS ex me, quid acciderit de iudicio, quod tam præter opinionem omnium factum sit: et simul uis scire, quo modo ego minus, quam soleam, præliatus sim. respondebo tibi ὕστερον ὀρότερον, Ὀμπρικῶς. Ego enim, quam diu senatus auctoritas mihi defendenda fuit, sic acriter, & uehementer præliatus sum, ut clamor, concursusq. maxima cum mea laude fierent. quod si tibi unquam sum uisus in rep. fortis, certe me in illa causa admiratus esses. cum enim ille ad conciones confugisset; in hisq. meo nomine ad inuidiam uteretur: dii immortales, quas ego pugnæ, & quantas strages edidi: quos impetus in Pisonem, in Curionem, in totam illam manum feci: quo modo sum insectatus leuitatem senum, libidinem iuuentutis. sæpe, ita me dii iuuent, te non solum auctorem consiliorum meorum, uerum etiam spectatorem pugnarum mirificarum



carum desideravi . postea uero quàm Hortensius excogitauit , ut legem de religione Fusius tribunus pl. ferret ; in qua nihil aliud a consulari rogatione differebat , nisi iudicum genus ; ( in eo autem erant omnia ) pugnavitque , ut ita fieret ; quòd & sibi , et alijs persuaferat , nullis illum iudicibus effugere posse : contraxi uela , perspicuens inopiam iudicum ; neque dixi quidquam pro testimonio , nisi quod erat ita notum , atque testatum , ut non possem præterire . itaque , si causam quæris absolutionis , ( ut iam ὁπὸς τὸ ὁπότερον reuertar ) egestas iudicum fuit , & turpitudine . id autem ut accideret , commissum est Hortensij consilio : qui , dum ueritus est , ne Fusius ei legi intercederet , quæ ex s. c. ferebatur , non uidit illud , satius esse , illum in infamie relinqui sordibus , quàm infirmo iudicio committi : sed ductus odio properauit rem deducere in iudicium ; cum illum plumbeo gladio iugulatum iri tamen diceret . Sed iudicium , si quæris , quale fuerit ; incredibile exitu , sic , uti nunc ex euentu ab alijs , a me tamen ex ipso initio consilium Hortensij reprehendatur . nam ut reiectio facta est clamoribus maximis ; cum accusator , tanquam censor bonus , homines nequissimos reijceret , reus , tanquam clemens lanista , frugalissimum quenque secerneret ; ut primum iudices confederunt , ualde diffidere boni cæperunt . non enim unquam turpior in ludo talario confessus fuit . maculosi senatores , nudi equites , tribuni non tam ærarij , quàm , ut appellantur , ærati .



## LIB. I. EPIST.

erati. pauci tamen boni merant, quos reiectione fugare ille non potuerat; qui mæsti inter sui dissimiles, et mærentes sedebant, et contagione turpitudinis uehementer permouebantur. hic, ut quæque res ad consilium primis petitionibus referebatur, incredibilis erat seueritas, nulla uarietate sententiarum: nihil impetrabat reus: plus accusatori dabatur, quàm postulabat: triumphabat (quid quæris?) Hortensius se uidisse tantum: nemo erat, qui illum reum, ac non millies condemnatum arbitraretur. me uero teste producto, credo te ex acclamatione Clodij aduocatorum audisse, quæ consurrectio iudicum facta sit, ut me circumsteterint, ut aperte iugula sua pro meo capite P. Clodio ostentarent. quæ mihi res multo honorificentior uisa est, quàm aut illa, cum iurare tui ciues Xenocratem testimonium dicentem prohibuerunt; aut cum tabulas Metelli Numidici, cum hæc, ut mos est, circumferrentur; nostri iudices adspicere noluerunt. multo hæc, inquam, nostra res maior. itaque iudicum uocibus, cum ego sic ab his, ut salus patriæ, defenderer, fractus reus, et una patroni omnes conciderunt. ad me autem eadem frequentia postridie conuenit, qua cum abiens consulatu sum domum reductus. Clamare præclari Ariopagitæ, se non esse uenturos, nisi præsidio constituto. refertur ad consilium: una sola sententia præsidium non desiderauit. defertur res ad senatum: grauissime, ornatiissimeq. decernitur. laudantur iudices: datur negotium



gotium magistratibus. responsurum hominem nemo arbitrabatur. Εἰπετε νῦν μοι μᾶται, Ὅπως δὴ πρῶτον πῦρ ἔμπεσε. nosti Caluū, ex Nanneianis, illum laudatorem meum, de cuius oratione erga me honorifica ad te scripseram. biduo per unum seruum, & eum ex ludo gladiatorio, confecit totum negotium: accersiuit ad se, promisit, intercessit, dedit. iam uero (o dij boni, rem perditam) etiā noctes certarum mulierum, atque adolescentulorum nobilium introductiones non nullis iudicibus pro mercedis cumulo fuerunt. ita, summo discessu bonorum, pleno foro seruorum, x x iudices ita fortes tamen fuerunt, ut, summo proposito periculo, uel perire maluerint, quā perdere omnia. xxxi fuerunt, quos fames magis, quā fama, commouerit. quorum Catulus cum uidisset quendam, Quid uos, inquit, præsidium a nobis postulabatis? an, ne nummi uobis eriperentur, timebatis? Habes, ut breuissime potui, genus iudicij, & causam absolutionis. Queris deinceps, qui nunc sit status reip. & qui meus. Reip. statum illum, quem tu meo consilio, ego diuino confirmatum putabam, qui bonorum omnium coniunctione, & auctoritate consulti mei fixus, & fundatus uidebatur, nisi quis nos deus respexerit, elapsum scito esse de manibus uno hoc iudicio: si iudicium est, triginta homines populi R. leuissimos, ac nequissimos, nummulis acceptis, ius, & fas omne delere, & quod omnes non modo homines, uerum etiam pecudes factum esse

C      scie-



sciebant, id, Calurum, & Plantum, & Spongiam,  
et ceteras huiusmodi quisquiliis statuere, nunquam  
esse factum. sed tamen, ut te de rep. consoler, non  
ita, ut sperarunt mali, tanto imposito reip. uulne-  
re, alacris exultat improbitas in uictoria. nam pla-  
ne ita putauerunt, cum religio, cum pudicitia, cum  
iudiciorum fides, cum senatus auctoritas concidisset,  
fore, ut aperte uictrix nequitia, ac libido pœ-  
nas ab optimo quoque peteret sui doloris, quem  
improbissimo cuique inusserat seueritas consulatus  
mei. Idem ego ille, (non enim mihi uideor insol-  
lenter gloriari, cum de me apud te loquor, in ea  
præsertim epistola, quam nolo alijs legi) idem, in-  
quam, ego recreaui afflictos animos bonorū inum-  
quenque confirmans, & excitans. insectandis uero,  
exagitandisq. nummarijs iudicibus, omnem omni-  
bus studiosis, ac fautoribus illius uictoriæ παρρησίαν  
eripui: Pisonem consulem nulla in re consistere un-  
quam sum passus: desponsam homini iam Syriam  
ademi: senatum ad pristinam suam seueritatem re-  
uocaui, atque abiectum excitaui: Clodium præsen-  
tem fregi in senatu, cum oratione perpetua, plenif-  
sima grauitatis, tum altercatione eiusmodi, ex qua  
licet pauca degustes. nam cetera non possunt habe-  
re eandem neque uim, neque uenustatem, remoto  
illo studio contentionis, quem ἀγῶνα uos appella-  
tis. Nam, ut idibus Maij in senatum conuenimus,  
rogatus ego sentētiam, multa dixi de summa reip.  
atque ille locus inductus est a me diuinitus; ne, una  
pla-



plaga accepta, patres cōscripti conciderent, ne defi-  
cerent: uulnus esse eiusmodi, quod mihi neque dissi-  
mulandū, neque pertimescendum uideretur: ne aut  
\* ignorando stultissimi iudicaremur: bis absolutū esse aut pertimescen-  
Lentulum, bis Catilinam: hunc tertium iam esse a iu-  
dicibus in rep. immissum. Erras Clodi: non te iudi-  
ces urbi, sed carceri reseruauit; neque retinere in  
ciuitate, sed exsilio priuare uoluerunt. Quamobrē  
patres cōscripti erigite animos, retinete uestram di-  
gnitatem. manet illa in rep. bonorum consensio: do-  
lor accessit bonis uiris; uirtus non est imminuta: ni-  
hil est damni factum noui, sed, quod erat, inuen-  
tum est in unius hominis perditū iudicio. plures simi-  
les reperti sunt. Sed quid ago? pæne orationem in  
epistolam inclusi. Redeo ad altercationem. Surgit  
pulchellus puer: obijcit mihi, me ad Baias fuisse.  
falsum: sed tamen quid huic simile est? inquam.  
quasi in operto dicas fuisse. Quid, inquit, homini  
Arpinaticum aquis calidis? narra, inquā, patrono  
tuo, qui Arpinates aquas concupiuit. nosti enim  
marinas. Quousque, inquit, hunc regem feremus?  
regem appellas, inquam, cum Rex tui mentionem  
nullam fecerit? ille autē Regis hereditatem spe de-  
uorarat. Domum, inquit, emisti. putas, inquam,  
dicere, iudices emisti? Iuranti, inquit, tibi non cre-  
diderunt. mihi uero, inquam, xx iudices credide-  
runt: xxxi, quoniam nummos, ante acceperunt,  
tibi nil crediderunt. Magnis clamoribus afflictus  
conticuit, & concidit. Noster autem status est hic.

C 2 Apud



LIB. I. EPIST.

Apud bonos iſdem ſumus, quos reliquiſti; apud ſordem urbis, et faciem multo melius, quàm reliquiſti. nam & illud nobis non obest, uideri noſtrum teſtimonium non ualuiſſe. miſſus eſt ſanguis inuidiæ ſine dolore, atque etiam hoc magis, quòd omnes illi fautores illius ſagitij, rem manifeſtam illam re demptà eſſe a iudicibus, conſitentur. Accedit illud, quòd illa concionalis hirudo ararij, miſera, et ieiuna plebecula, me ab hoc Magno unice diligere putat. & hercule multa et iucunda conſuetudine coniuncti inter nos ſumus, uſque eò, ut noſtri iſti comesſatores coniurationis, barbatuli iuuenes, illum in ſermonibus Cnæum Ciceronem appellent. itaque et ludis, et gladiatoribus mirandas ἐπισημασίας ſine ulla paſtoricia fiſtula auſerebamus. nunc eſt exſpectatio comitiorum: in quæ omnibus inuitis trudit noſter Magnus Auli filium: atque in eo neque auctoritate, neque gratia pugnat, ſed quibus Philippus omnia caſtella expugnari poſſe dicebat, in quæ modo aſellus onuſtus auro poſſet adſcendere. Conſul autem ille, deterioris hiſtrionis ſimilis, ſuſcepiffe negotiũ dicitur, et domi diuiſores habere: quod ego non credo. ſed S. C. duo iam facta ſunt, odioſa, quòd in conſulem facta putantur, Catone, & Domitio poſtulante; unum, ut apud magiſtratus inquiri liceret; alterum, cuiuſmodi diuiſores haberent, aduerſus remp. Lurco autem tribunus pl. qui magiſtratum ſimul cum lege Aelia iniit, ſolutus eſt et Aelia, et Fuſia, ut legem de ambitu ferret; quam ille



le bono auspicio claudus homo promulgauit. ita co-  
 mitia in ante diem v i. kal. Sext. dilata sunt. noui  
 est in lege hoc, ut, qui nummos in tribu pronuntia-  
 uerit, si non dederit, impune sit; sin dederit, ut,  
 quoad uiuat, singulis tribubus HS. ∞ ∞ ∞ de-  
 beat. dixi, hanc legem P. Clodium iam antea ser-  
 uasse: pronuntiare enim solitum esse, & non dare.  
 Sed heus tu, uides ne consulatum illum nostrum,  
 quem Curio antea ἀποθέωτιν uocabat, si hic factus  
 erit, fabulam minimum futurum? quare, ut opinor, <sup>fabulam, nimum</sup>  
 φιλοσοφίῳ, id quod tu facis, & istos consulatus <sup>at. fabulam no-</sup>  
 non floccifaciteon? Quod ad me scribis, te in Asiam  
 statuisse non ire: equidem mallem, ut ires. ac ue-  
 reor, ne quid in ista re minus commode fiat. sed ta-  
 men non possum reprehendere consilium tuum, prae-  
 sertim cum egomet in prouinciam non sim profe-  
 ctus. Epigrammatis tuis, quæ in Amaltheo posui  
 sti, contenti erimus; praesertim cum & Chilius nos  
 reliquerit, & Archias nil de me scripserit. ac ue-  
 reor, ne Lucullus, quoniam græcum poema condi-  
 dit, nunc ad Cæcilianam fabulam spectet. Anto-  
 nio tuo nomine gratias egi; eamq. epistolam Man-  
 lio dedi. Ad te ideo antea rarius scripsi, quod non  
 habebam idoneum, cui darem; nec satis sciebam,  
 quid darem. te ualde uindicaui. Cincius si quid ad  
 me tui negotij detulerit, suscipiam: sed nunc magis  
 in suo est occupatus; in quo ego ei non desum. Tu,  
 si uno in loco es futurus, crebras a nobis litteras ex-  
 specta; ast plures etiam ipse mittito. Velim, ad me

C 3 scri-



## LIB. I. EPIST.

scribas, cuiusmodi sit Ἀμαλθεῖον tuum, quo ornatu, qua τοποθεσία; & quæ poemata, quasq. historias de Ἀμαλθείᾳ habes, ad me mittas. lubet mihi facere in Arpinati. ego tibi aliquid de meis scriptis mittam. nihil erat absoluti. Vale.

CICERO S. D. ATTICO. 15

MAGNA mihi uarietas uoluntatis, et dissimilitudo opinionis, & iudicij Quincti, fratris mei, demonstrata est ex litteris tuis, in quibus ad me epistolarum illius exempla misisti. qua ex re et molestia sum tanta affectus, quantam mihi meus amor summus erga utrumque uestrum asferre debuit; & admiratione, quidnam accidisset, quod asferret Quincto, fratri meo, aut offensionem tam grauem, aut commutationem tantam uoluntatis. atque illud a me iam ante intelligebatur, quod te quoque ipsum discedentem a nobis suspicari uidebam, subesse nescio quid opinionis incommodæ, sauciumq. eius animum; et insedisse quasdam odiosas suspiciones: quibus ego mederi cum cuperem & antea sepe, & uehementius etiam post sortitionem prouinciæ; nec tantum intelligebam ei esse offensionis, quantum litteræ tuæ declarant; nec tantum proficiebam, quantum uolebam. sed tamen hoc me ipse consolabar, quod non dubitabam, quin te ille aut Dyrrhachij, aut in istis locis usque uisurus esset. quod cum accidisset; confidebam, ac mihi persuaseram fore, ut omnia placarentur inter uos non modo sermone, ac disputatione, sed conspe-



specu ipso, congressuq. uestro. nam, quanta sit in  
Quincto, fratre meo, comitas, quanta iucunditas,  
quam mollis animus & ad accipiendam, & ad de-  
ponendam offensionem, nihil attinet me ad te, qui  
ea nosti, scribere. sed accidit perincommode, quod  
eum nusquam uidisti. ualuit enim plus, quod erat  
illi non nullorum artificijs inculcatum, quam aut  
officium, aut necessitudo, aut amor uester ille pristi-  
nus, qui plurimum ualere debuit. Atque huius in-  
commodi culpa ubi resideat, facilius possum existi-  
mare, quam scribere. uereor enim, ne, dum defen-  
dam meos, non parcam tuis. nam sic intelligo; ut  
nil a domesticis uulneris factum sit, illud quidem,  
quod erat, eos certe sanare potuisse. sed huiusce rei  
uitium totius, quod aliquanto etiam latius patet,  
quam uidetur, presenti tibi commodius exponam.  
De ijs litteris, quas ad te Thessalonica misit, & de  
sermonibus, quos ab illo et Romæ apud amicos tuos,  
et in itinere habitos putas; ecquid tantum causæ sit,  
ignoro: sed omnis in tua posita est humanitate mihi  
spes huius leuandæ molestiæ. nam, si ita esse statue-  
ris, & irritabiles animos esse optimorum sæpe ho-  
minum, & eosdem placabiles; & esse hanc agilita-  
tem, ut ita dicam, mollitiemq. naturæ plerunque  
bonitatis; & id quod caput est, nobis internos no-  
stra siue incommoda, siue uitia, siue iniurias esse  
tolerandas: facile hæc, quemadmodum spero, mi-  
tigabuntur. quod, ego, ut facias, te rogo. nam ad  
me, qui te unice diligo, maxime pertinet, nemi-



## LIB. I. EPIST.

nem esse meorum, qui aut te non amet, aut abs te non ametur. Illa pars epistolæ tuæ minime fuit necessaria, in qua exponis, quas facultates aut provincialium, aut urbanorum commodorum & alijs temporibus, & me ipso consule, prætermiseris. mihi enim perspecta est & integritas, & magnitudo animi tui: neque ego inter me, atque te quidquam interesse unquam duxi, præter uoluntatem institutionis uitæ: quod me ambitio quædam ad honorum studium, te autem alia minime reprehendenda ratio ad honestum otium duxit. uera quidem laude probitatis, diligentiae, religionis neque me tibi, neque quenquam antepono. amoris uero erga me, cum a fraterno amore, domesticoq. discessi, tibi primas defero. uidi enim, uidi, penitusq. perspexi in meis uarijs temporibus et solitudines, & latitias tuas. fuit enim mihi sæpe et laudis nostræ gratulatio tua iucunda, et timoris cōsolatio grata. quin mihi nunc, te absente, non solum consilium, quo tu excellis, sed etiam sermonis communicatio, quæ mihi suauissima tecum solet esse, maxime deest. Quid dicam, in publicare? quo in genere mihi negligenti esse non licet. An in forensi labore? quem antea propter ambitionem sustinebam, nunc ut dignitatem tueri gratia possim. an in ipsis domesticis negotijs? in quibus ego cū antea, tum uero post discessum fratris te, sermonesq. nostros desidero. Postremo nō labor meus, non requies; non negotium, non otium; non forenses res, non domesticæ, non publicæ; non priuata



te carere diutius tuo suauissimo, atque amanti-  
mo consilio, ac sermone possunt. Atque harum re-  
rum commemorationem uerecundia saepe impedi-  
uit utriusque nostrum. nunc autem ea fuit necessi-  
ria propter eam partem epistolæ tuæ, per quam  
te, ac mores tuos mihi purgatos, ac probatos esse  
uoluisti. Atque in ista incommoditate alienati illius  
animi, et offensi, illud inest tamen commodi, quod  
et mihi, et ceteris amicis tuis nota fuit, et abs te ali-  
quando testificata tua uoluntas omittendæ prouin-  
ciæ; ut, quod una non estis, non dissensione, ac dis-  
sidio uestro, sed uoluntate, ac iudicio tuo factum  
esse uideatur. quare et illa, quæ uiolata, expiabun-  
tur; et hæc nostra, quæ sunt sanctissime conseruata,  
suam religionem obtinebunt. Nos hic in rep. infir-  
ma, misera, commutabiliq. uersamur. credo enim  
te audisse, nostros equites pæne a senatu esse disiun-  
ctos. qui primum illud ualde grauiter tulerunt,  
promulgatum ex S. C. fuisse, ut de ijs, qui ob iu-  
dicandum pecuniam accepissent, quæreretur. qua  
in re decernenda cum ego casu non affuissem; sensis-  
semq. id equestrem ordinem ferre moleste, neque  
aperte dicere; obiurgauì senatum, ut mihi uisus  
sum, summa cum auctoritate; et in caussa nõ uere-  
cunda, admodum grauis, et copiosus fui. Ecce aliæ  
deliciæ equitum, uix ferendæ, quas ego non salum  
tuli, sed etiam ornaui. Asiani, qui de censoribus  
conduxerant, questi sunt in senatu, se, cupiditate  
prolapsos, nimium magno conduxisse: ut inducere-  
tur



## LIB. I. EPIST.

tur locatio, postulauerunt. ego princeps in adiutori-  
 bus, atque adeo secundus. nam, ut illi auderent hoc  
 postulare, Crassius eos impulit. inuidiosa res, turpis  
 postulatio, et confessio temeritatis. summum erat pe-  
 riculum, ne, si nihil impetrassent, plane alienaren-  
 tur a senatu. huic quoque rei subuentum est maxi-  
 me a nobis; perfectumque, ut frequentissimo sena-  
 tu, et libentissimo uterentur; multa quoque a me de ordi-  
 num dignitate, et concordia dicta sunt kalendis Dec.  
 et postridie. neque adhuc res confecta est, sed uo-  
 luntas senatus perspecta. unus enim contradixe-  
 rat Metellus consul designatus. diu erat dicturus,  
 ad quem propter diei breuitatem peruentum non  
 est, heros ille noster Cato. sic ego conseruans ratio-  
 nem, institutionemque nostram, tueor, ut possim,  
 illam a me conglutinatam concordiam. sed tamen,  
 quoniam ista sunt infirma, munitur quedam nobis  
 ad retinendas opes nostras tuta, ut spero, uia, quam  
 tibi litteris satis explicare non possum, significatio-  
 ne parua ostendam tamen. uitor Pompeio familia-  
 rissime. uideo, quid dicas. cauebo, quae sunt cauenda:  
 ac scribam alias ad te de meis consilijs capeffen-  
 da reip. plura. Luceium scito consulatum habere  
 in animo statim petere. duo enim soli dicuntur pe-  
 tituri. Caesar cum eo coire per Arrium cogitat: &  
 Bibulus cum hoc se putat per C. Pisonem posse con-  
 iungi. Rides? non sunt haec ridicula, mihi crede.  
 Quid aliud scribam ad te? quid? multa sunt; sed in  
 aliud tempus. Te si expectari uelis, cures ut sciam.

iam



iam illud moleste rogo, quod maxime cupio, ut  
quamprimum uenias. Nonis Dec. Vale.

NIHIL mihi nunc scito tam deesse, quàm  
hominem eum, quicum omnia, quæ me cura aliqua  
afficiunt, una communicem, qui me amet, qui sa-  
piat, quicum loquar, nihil fingam, nihil dissimu-  
lem, nihil obtegam. abest enim frater ἀφελῆσατος,  
et amantissimus Metellus. non homo, sed litus, at-  
que ær, et solitudo mera. tu autem, qui sæpissime  
curam, et angorem animi mei sermone, et consilio  
leuasti tuo; qui mihi et in publica re socius, & in  
priuatis omnibus conscius, et omnium meorum ser-  
monum, & consiliorum particeps esse soles, ubi-  
nam es? ita sum destitutus, ut tantum requietis  
habeam, quantum cum uxore, et filiola, et melli-  
to Cicerone consumitur. nam illæ ambitiosæ nostræ,  
fucosæq. amicitiae sunt in quodam splendore forensi,  
fructum domesticum non habent. itaque, cum be-  
ne completa domus est, tempore matutino, cum ad  
forum stipati gregibus amicorum descendimus, re-  
perire ex magna turba neminem possumus, qua-  
cum aut iocari libere, aut suspirare familiariter pos-  
simus. quare te exspectamus, te desideramus, te  
iam etiam accersimus. multa sunt enim, quæ me  
solicitant, anguntque: quæ mihi uideor, aures na-  
tus tuas, unius ambulationis sermone exhaurire  
posse. ac domesticarum quidem sollicitudinum acu-  
leos



## LIB. I. EPIST.

leos omnes, & scrupulos occultabo, neque ego huic  
 epistolæ, atque ignoto tabellario committam. at-  
 que hi (nolo enim te permoueri) non sunt permou-  
 lesti, sed tamen insident, et urgent, et nullius aman-  
 tis consilio, aut sermone requiescunt. In rep. uero,  
 quanquam animus est præsens, tamen uoluntas e-  
 tiam atque etiam ipsa me deficit. nam, ut ea bre-  
 uiter, quæ post tuum discessum acta sunt, colli-  
 gam; iam exclames necesse est, res Romanas diu-  
 tius stare non posse. etenim post profectionem tuam  
 primus, ut opinor, introitus fuit in causam fabu-  
 læ Clodianæ: in qua ego nactus, ut mihi uidebar,  
 locum refecandæ libidinis, et coercendæ iuuentutis,  
 uehemens fui, & omnes profundi uires animi, atque  
 ingenij mei, non odio adductus alicuius, sed spe non  
 corrigendæ, sed sanandæ ciuitatis. afflicta resp. est  
 empto, consupratoq. iudicio. uide, quæ sint po-  
 stea consecuta. Consul est impositus is nobis, quem  
 nemo præter nos philosophos adspicere sine suspicio  
 posset. quantum hoc uulnus? factò S. C. de ambi-  
 tu, de iudicijs, nulla lex perlata, exagitatus sena-  
 tus, alienati equites Romani. sic ille annus duo fir-  
 mamenta reip. per me unum constituta, euertit:  
 nam et senatus auctoritatem abiecit; & ordinum  
 concordiam disiunxit. Instat hic nunc ille annus e-  
 gregius. eius initium eiusmodi fuit, ut anniuersa-  
 ria sacra Iuuentutis non committerentur. nam M.  
 Luculli uxorem Memmius suis sacris initiauit.  
 Menelaus, ægre id passus, diuortium fecit. quan-  
 quam



quam ille pastor Idæus Menelaum solum contem-  
pserit: hic noster Paris tam Menelaum, quàm A-  
gamemnonem liberum non putauit. Est autem C.  
Herennius quidam tribunus pl. quem tu fortasse ne  
nosti quidem: tametsi poteris nosse: tribulis enim  
tuus est; et Sextus, pater eius, nummos uobis diui-  
dere solebat. is ad plebem P. Clodium traducit;  
idemq. fert, ut uniuersus populus in campo Mar-  
tio suffragium de re Clodij ferat. hunc ego accepi  
in senatu, ut soleo: sed nihil est illo homine lentius.  
Metellus est consul egregius, & nos amat; sed im-  
minuit auctoritatem suam, quòd habere dicit caus-  
sam promulgatam. illud idem de Clodio. Auli au-  
tem filius, o dii immortales: quàm ignauus, ac si-  
ne animo miles; quàm dignus, qui Palicano, sicut  
facit, os ad male audiendum quotidie præbeat.

Agraria autem promulgata est a Flauio, sane le-  
uis, eadem fere, quæ fuit Plotia. sed interea πολι-  
τικός ἀνὴρ οὐδ' ὄντα quisquam inueniri potest. qui  
poterat, familiaris noster (sic est enim: uolo te hoc  
scire) Pompeius togulam illam piætam silentio tue-  
tur suam. Crassus uerbum nullum contra gratiam.  
ceteros iam nosti: qui ita sunt stulti, ut, amissa rep.  
piscinas suas fore saluas sperare uideantur. nunc  
est, qui curet, constantia magis, & integritate,  
quàm, ut mihi uidetur, consilio, aut ingenio, Ca-  
to; qui miseros publicanos, quos habuit amantissi-  
mos sui, tertium iam mensem uexat, neque ijs a  
senatu responsum dari patitur. ita nos cogimur re-  
liquis



## LIB. I. EPIST.

liquis de rebus nihil decernere ante, quàm publica  
nis responsum sit. quare etiam legationes reiectum  
iri puto. Nunc uides, quibus fluctibus iactemur:  
& si ex ijs, quæ scripsimus, tamen etiam a me non  
scripta perspicis; reuise nos aliquando; &, quan-  
quam sunt hæc fugienda, quò te uoco, tamen fac,  
ut amorem nostrum tanti æstimes, ut eò uel cum  
his molestijs peruenire uelis. nam, ne absens cen-  
seare, curabo edicendum, & proponendum locis  
omnibus. sub lustrum autem censeari, germani ne-  
gotiatoris est. quare cura, ut te quamprimum ui-  
deamus. Vale. XI. kal. Febr. Q. Metello, &  
L. Afranio cos.

## CICERO S. D. ATTICO. 17

NON modo, si mihi tantum esset otij, quan-  
tum est tibi; uerum etiam, si tam breues epistolas  
uelim mittere; (quod tu soles facere) te supera-  
rem, & in scripto multo essem crebrior, quàm tu:  
sed ad sùmas, atque incredibiles occupationes meas  
accedit, quòd nullam a me epistolam ad te sino abs-  
que argumento, ac sententia uenire. Et primum ti-  
bi, ut æquum est, ciui amanti patriam, quæ sunt in  
rep. exponam: deinde, quoniam tibi amore nos pro-  
ximi sumus, scribemus etiam de nobis ea, quæ scire  
te non nolle arbitramur. Atque in rep. nunc quidẽ  
maxime Gallici belli uersatur metus. nam Edui,  
fratres nostri, pugnant: Sequani male pugnarunt:  
&



et Heluetij sine dubio sunt in armis, excursionesq.  
 in prouinciam faciunt. senatus decreuit, ut consu-  
 les duas Gallias sortirentur, delectus haberetur,  
 uacationes ne ualerent, legati cum auctoritate mit-  
 terentur, qui adirent Galliae ciuitates, darentq.  
 operam, ne eae cum Heluetijs se iungerent. legati  
 sunt Q. Metellus Creticus, & L. Flaccus, &  
 τὸ ἐπὶ τῇ φανή μῦρον, Lentulus Clodia filius. Atque  
 hoc loco illud non queo praeterire, quod, cum de  
 consularibus mea prima sors exisset, una uoce se-  
 natus frequens retinendum me in urbe censuit. hoc  
 idem post me Pompeio accidit: ut nos duo, quasi  
 pignora reip. retineri uideremur. quid enim ego a-  
 liorum in me ἐπιφωνίματα expectem, cum hac do-  
 mi nascantur? Urbanae autem res sic se habent.  
 Agraria lex a Flauio tribuno pl. nehementer agi-  
 tabatur auctore Pompeio: quae nihil populare ha-  
 bebat, praeter auctorem. ex hac ego lege, secun-  
 da concionis uoluntate, omnia illa tollebam quae ad  
 priuatorum incommodum pertinebant: libera-  
 bam agrum eum, qui P. Mucio, L. Calpur-  
 nio cos. publicus fuisset: Syllanorum hominum pos-  
 sessiones confirmabam: Volaterranos, & Arte-  
 mitanos, quorum agrum Sylla publicarat, ne-  
 que diuiserat, in sua possessione retinebam: u-  
 nam rationem non reiciebam, ut ager hac ad-  
 uenticia pecunia emeretur, quae ex nouis uecti-  
 galibus per quinquennium reciperetur. Huic toti  
 rationi agrariae senatus aduersabatur, suspicans  
 Pom-



Pompeio nouam quandam potentiam quæri. Pompeius uero ad uoluntatem perferendæ legis incubuerat. ego autem magna cum agrariorum gratia confirmabam omnium priuatorum possessiones: (is enim est noster exercitus, hominum, ut tute scis, locupletium) populo autem, Pompeioq. (nam id quoque uolebam) satisfaciebam emptione: qua constituta diligenter, & sentinam urbis exhauriri, & Italiæ solitudinem frequentari posse arbitrabar. sed hæc tota res interpellata bello refrixerat. Metellus est consul sane bonus, & nos admodum diligit. ille alter ita nihil est, ut plane, quid emerit, nesciat. Hæc sunt in rep. nisi illud etiam ad remp. pertineret, Herennium quendam, tribunum pl. tribulem tuam, sane hominem nequam, atque egentem, sæpe iam de P. Clodio ad plebem traducendo agere cœpisse. huic frequenter interceditur. Hæc sunt, ut opinor, in rep. Ego autem, ut semel nonarum illarum Decembrium, iunctam inuidiæ, ac multorum inimicijs, eximiam quandam, atque immortalem gloriam consecutus sum; non destiti eadem animi magnitudine in rep. uersari, & illâ institutam, ac susceptam dignitatem tueri. sed postea quàm primum Clodij absolute leuitatem, infirmitatemq. iudiciorum perspexi; deinde uidi nostros publicanos facile a senatu disiungi, quanquam ta me ipso non diuellerentur; tum autem beatos homines (hos piscinarios dico, amicos tuos) non obscure nobis inuidere: putauim, mihi maiores quasdam opes,



opes, et firmiora præsidia esse querenda. itaque pri-  
mum eum, qui nimium diu de rebus nostris tacue-  
rat, Pompeium adduxi in eam uoluntatem, ut in  
senatu non semel, sed sæpe, multisq. uerbis suis mi-  
hi salutem imperij, atque orbis terrarum adiudica-  
rit. quod non tam interfuit mea, (neque enim illæ  
res aut ita sunt obscuræ, ut testimonium, aut ita du-  
biæ, ut laudationem desiderent) quàm reip. quod  
erant quidam improbi, qui contentionem fore ali-  
quam mihi cum Pompeio, ex illarum rerum dissen-  
sione, arbitrarentur. cum hoc ego me tanta fami-  
liaritate coniunxi, ut uterque nostrum in sua ratio-  
ne munitior, & in rep. firmior hac coniunctione es-  
se possit. odia autem illa libidinosæ, & delicatæ  
iuuentutis, quæ erant in me incitata, sic mitigata  
sunt comitate quadam mea, me unum ut omnes illi  
colant. nihil iam denique a me asperum in quēquam  
fit, nec tamen quidquam populare, ac dissolutum:  
sed ita temperata tota ratio est, ut reip. constantiā  
præstem, priuatis rebus meis, propter infirmita-  
tem bonorum, iniquitatem malorum, odium in me  
improborum, adhibeam quandam cautionem, &  
diligentiam. atque ita tamen nouis amicitijs impli-  
cati sumus, ut crebro mihi uaser ille Siculus insu-  
surret Epicharmus cantilenam illam suam:

Νῦν φε, καὶ μέμνησ' ἀπιστεῖν. ἀπ' ὅρα ταῦτα τῶν φρενῶν.  
Ac nostræ quidem rationis, ac uitæ quasi quandam  
formam, ut opinor, uides. De tuo autem negotio  
sæpe ad me scribis: cui mederi nunc non possumus:

D

est



LIB. I. EPIST.

est enim illud S. C. summa pedariorum uoluntate,  
nullius nostrum auctoritate factum. nam, quod me  
esse ad scribendum uides; ex ipso S. C. intelligere po-  
tes, aliam rem tum relatam, hoc autem, de popu-  
lis liberis, sine causa additum. & ita factum est  
a P. Seruilio filio, qui in postremis sententiam di-  
xit. sed immutari hoc tempore non potest. itaque  
conuentus, qui initio celebrabantur, iam diu fieri  
desierunt. tu si tuis blanditijs tamē a Sicyonijs nū-  
mulorum aliquid expresseris; uelim, me facias cer-  
tiores. Commentarium consulatus mei græce com-  
positum misi ad te. in quo si quid erit, quod homini  
Attico minus græcum, eruditumq. uideatur; non  
dicam, quod tibi, ut opinor, Panormi Lucullus de  
suis historijs dixerat; se, quo facilius illas probaret  
Romani hominis esse, iccirco barbara quædam, &  
obsoleta dispersisse. apud me si quid erit eiusmodi,  
me imprudente erit, & inuito. latinum si perfece-  
ro, ad te mittam. tertium poema exspectato; ne  
quod genus a me ipso laudis meæ prætermittatur.  
hic tu, caue, dicas, τίς πάτερ αἰνέσει; si est enim  
apud homines quidquam, quod potius sit; laudetur,  
nos uituperemur, qui non potius alia laudemus.  
quanquam non ἐγκωμιαστικά sunt hæc, sed ἰσοπικά,  
quæ scribimus. Quinctus frater purgat se mihi per  
litteras; et affirmat, nil a se cuiquam de te secus es-  
se dictū. uerū hæc nobis coram summa cura, et dili-  
gētia sunt agēda: tu modo nos reuise aliquando. Cos-  
sinius hic, cui dedi litteras, ualde mihi bonus homo,

&



& non leuis, & amans tui uisus est, & talis, qualem esse eum tua mihi litteræ nuntiarant. Vale. idibus Martijs.

## CICERO S. D. ATTICO. 18

CVM e Pompeiano me Romam recepissem ad IV. id. Maij, Cincius noster eam mihi abs te epistolam reddidit, quam tu idibus Feb. dederas. ei nunc epistolæ litteris his respondebo. Ac primū, tibi perspectum esse iudicium de te meum, lætor; deinde, te in ijs rebus, quæ mihi asperius a nobis, atque a nostris, et iniucūdius actæ uidebantur, moderatissimū fuisse, uehementissime gaudeo; idq. neque amoris mediocris, et ingenij summi, ac sapiētiae iudico. quæ de re cum ad me ita suauiter, diligenter, officiose, humaniter scripseris, ut nō modo hortari te amplius nō debeam, sed ne expectare quidem abs te, aut ab ullo homine tantū facilitatis, ac māsuetudinis potuerim: nihil duco esse cōmodius, quàm de his rebus nihil amplius scribere. cum erimus congressi, tum, si quid res feret, coram inter nos cōferemus. Quod ad me de rep. scribis, disputas tu quidem et amanter, et prudenter; et a meis consiliis ratio tua non abhorret: (nam neque de statu nobis nostræ dignitatis est recedendum, neque sine nostris copijs intra alterius præsidia ueniendum: et is, de quo scribis, nihil habet amplū, nihil excelsum, nihil non summissum, atque populare) uerūtamen fuit ratio mihi fortasse ad tranquillitatem meorum temporum non inutilis,

D 2 sed



LIB. I. EPIST.

sed mehercule reip. multo etiam utilior, quàm mihi, ciuium improborum impetus in me reprimi, cum hominis amplissima fortuna, auctoritate, gratia fluctuantem sententiam confirmassem, & a spe malorum ad mearum rerum laudem conuertissem. quod si cum aliqua leuitate mihi faciendum fuisset, nullam rem tanti aestimassem: sed tamen a me ita acta sunt omnia, non ut ego illi assentiens. leuior, sed ut ille me probans grauior uideretur. Reliqua sic a me aguntur, & agentur, ut non committamus, ut ea, quæ gessimus, fortuito gessisse uideamur. eos bonos uiros, illos quos significas, & eam, quam mihi dicis obtigisse, παρταῖν non modo nunquam deferam, sed etiam, si ego ab illa deferar, tamen in mea pristina sententia permanebo. illud tamen, uelim, existimes, me hanc uiam optimatum post Catuli mortem nec presidio ullo, nec comitatu tenere. nam, ut ait Rhynton, ut opinor,

Οἱ μὲν παρ' οὐδ' ἐν εἶσιν, οἷς δ' ἐδ' ἐν μέλει.  
mihi uero ut inuideant piscinarij nostri, aut scribam ad te alias, aut in congressum nostrum reseruabo. a curia autem nulla meres diuellet: uel quòd ita re-  
ctum est: uel quòd rebus meis maxime consentaneum: uel quòd, a senatu quanti fiam, minime me pœnitet. De Sicyonijs, ut scripsi ad te antea, non multum spei est in senatu: nemo est enim iam, qui queratur. quare, si id exspectas, longum est: alia uia, si qua potes, pugna. cum est actum; neque animadu-  
uersum est, ad quos pertineret; et raptim in eâ sen-  
tentiam



tentiam pedarij concurrerunt. inducendi S. C. maturitas nondū est: quòd neque sunt, qui querantur; & multi partim maleuolētia, partim opinione æquitas delectātur. Metellus tuus est egregius cōsul, imū reprehēdo, quòd otii e Gallia non magnopere nūciari gaudet. cupit, credo, triūphare. hoc uellem mediocrius: cetera egregia. Auli filius uero ita se gerit, ut eius cōsulatus nō cōsulatus sit, sed Magni nostri ὑπὸ πτόιον. De meis scriptis, nisi ad te græce perfectū cōsulatū meū. eum librū L. Cossinio dedi. puto te latinis meis delectari, huic autē græco græcū inuidere. alij si scripserint, mittemus ad te: sed, mihi crede, simul atque hoc nostrū legerūt, nescio quo pacto retardantur. Nunc (ut ad rē meam redeā) L. Papius Pætus, uir bonus, amatorq. noster, mihi libros eos, quos Ser. Claudius reliquit, donauit. cum mihi, per legē Cinciā licere capere, Cincius amicus tuus diceret; libēter, dixi, me accepturū, si attulisset. nūc, si me amas, si te a me amari scis, enitere per amicos, cliētes, hospites, libertos denique, ac seruos tuos, ut scheda ne qua depereat. nā et græcis ijs libris, quos suspicor, & latinis, quos scio illū reliquisse, mihi ne hemēter opus est. ego autē quotidie magis, quod mihi de forēsi labore tēporis datur, in his studijs cōquiesco. per mihi, per, inquā, gratū feceris, si in hoc tam diligens fueris, quā soles in ijs rebus, quas me ualde uelle arbitraris: ipsiusq. Pæti tibi negotia cōmēdo: de quibus tibi ille agit maximas gratias: & ut iā inuisas nos, nō solum rogo, sed etiā suadeo. Vale.



M. TVLLII CICERONIS  
EPISTOLARVM AD T. POM-  
PONIVM ATTICVM LIBER II.

CICERO S. D. ATTICO.

K A L. Iun. eunti mihi *Antium*, & gla-  
diatores *M. Metelli* cupide relinquen-  
ti, uenit obuiam tuus puer. is mihi lit-  
teras abs te, & commentarium consi-  
latus mei græce scriptum reddidit. in quo lætatus  
sum, me aliquanto ante de iisdem rebus græce item  
scriptum librum *L. Cossinio* ad te perferendum dedis-  
se. nam, si ego tuum ante legissem, furatum me  
abs te esse diceres. quanquam illa tua (legi enim li-  
benter) horridula mihi, atque incompta uisa sunt:  
sed tamen erant ornata hoc ipso, quod ornamenta  
neglexerant; & ut mulieres, ideo bene olere, quia  
nihil olebant, uidebantur. meus autem liber totum  
*Isocratis* *μυροδύκτιον*, atque omnes eius discipulorum  
arculas, ac non nihil etiam *Aristotelica* pigmenta  
consumpsit: quem tu *Corcyrae*, ut mihi alijs litteris  
significas, strictim attigisti, post autem, ut arbi-  
tror, a *Cossinio* accepisti. quem tibi ego non essem  
ausus mittere, nisi eum lente, ac fastidiosè proba-  
uissem. quanquam ad me rescripsit iam *Rhodo* *Posi-  
donius*, se, nostrum illud *ὑπόμνημα* cum lege-  
ret, quod ego ad eum, ut ornatius de iisdem rebus  
scriberet, miseram, non modo non excitatum esse  
ad



ad scribendum, sed etiam plane perterritum. quid  
 quæris? conturbavi græcam nationem. ita, vulgo  
 qui instabant, ut darem sibi, quod ornarent, iam  
 exhibere mihi molestiam destiterunt. tu, si tibi pla-  
 cuerit liber, curabis, ut & Athenis sit, & in cete-  
 ris oppidis Græciæ. videtur enim posse aliquid no-  
 stris rebus lucis asferre. Oratiunculas autem, &  
 quas postulas, & plures etiam mittam: quoniam  
 quidem ea, quæ nos scribimus adolescentulorum  
 studijs excitati, te etiam delectant. fuit enim mihi  
 commodum, quòd in eis orationibus, quæ Philippi-  
 cæ nominantur, enituerit ciuis ille tuus Demosthe-  
 nes, et quòd se ab hoc refractariolo iudiciali dicendi  
 genere abiunxerit, ut σεμνότερός τις, καὶ πολιτικώτε-  
 ρος videretur, curare, ut meæ quoque essent oratio-  
 nes, quæ consulares nominarentur: quarum una est  
 in senatu kalendis Ian. altera ad populum de lege  
 agraria, tertia de Othone, quarta pro Rabirio, quin-  
 ta de proscriptorum filijs; sexta, cum provinciam  
 in concione deposui; septima, quæ Catilinam emisi;  
 octaua, quam habui ad populum postiridie, quàm  
 Catilina profugit; nona in concione. quo die Allo-  
 broges inuocarunt; decima in senatu, nonis Dec.  
 sunt præterea duæ breues, quasi ἀποσπασμάτια λε-  
 γis agrariæ. hoc totum σῶμα, curabo, ut habeas.  
 & quoniam te cum scripta, tum res meæ dele-  
 ctant; ijsdem ex libris perspicias, & quæ gesserim,  
 & quæ dixerim. aut ne poposcisses: ego enim tibi  
 me non offerebā. Quod quæris, quid sit, quo te accer-

D 4 sam,



## LIB. II. EPIST.

*sam; ac simul, impeditum te negotijs esse, significas; neque recusas, quin, non modo si opus sit, sed etiam si uelim, accurras: nihil sane est necesse: ueruntamen uidebare mihi tempora peregrinationis cōmodius posse distribuere. nimis abes diu, præsertim cū sis in propinquis locis: neque nos te fruimur, & tu nobis cares. ac nunc quidem otium est: sed, si paulo plus furor Pulchelli progredi posset, ualde te ego istinc excitare. uerum præclare Metellus impedit, & impedit. quid quæris? est consul φιλόπατρις, et, ut semper iudicavi, natura bonus. ille autem non simulat, sed plane tribunus pl. fieri cupit. qua de re cum in senatu ageretur, fregi hominem; & instantiam reprehendi, qui Romæ tribunatum pl. peteret, cum in Sicilia ædilitatem sæpe dictitasset. sed neque magnopere dixi esse nobis laborandum: quòd nihilo magis ei licitum esset plebeio remp. perdere, quàm similibus eius me consule patricijs esset licitum. Iam, cum se ille septimo die uenisse a Freto, neque sibi obuiam quenquam prodire potuisse, & nocte se introisse dixisset, in eoq. se in concione iactasset: nihil ei noui dixi accidisse: ex Sicilia septimo die Romam, tribus horis Roma Interamnam: noctu introisse; item ante: non esse itum obuiam; ne tum quidem, cum iri maxime debuit. quid quæris? hominem petulantem modestum reddo, non solum perpetua grauitate orationis, sed etiam hoc genere dictorum. itaque iam familiariter cum ipso cauillor etiam, ac iocor. quin etiā cum candida-*



candidatum deducerem, is quærit ex me, num consueſsem Siculis locum gladiatoribus dare. negaui. at ego, inquit, nouos patronos instituam. sed soror, quæ tantum habeat consularis loci, unum mihi solum pedem dat. noli, inquam, de uno pede sororis queri. licet etiam alterum tollas. non consulare, inquires, dictum. fateor: sed ego odi illam male consularem. ea est enim seditiosa: ea cum uiro bellum gerit, neque solum cum Metello, sed etiam cum Fabio; quod eos mihi esse amicos moleste fert. Quod de agraria lege quæris, sane iam uidetur refrixisse. Quod me quodâ modo molli brachio de Pompeij familiaritate obiurgas: nolim ita existimes, me mei presidij causa cum illo coniunctum esse: sed ita res erat instituta, ut, si inter nos esset aliqua forte dissensio, maximas in rep. discordias uersari esset necesse. quod a me ita præcautum, atque ita prouisum est, non ut ego de optima illa mea ratione decederem; sed ut ille esset melior, & aliquid de populari leuitate deponeret: quem de meis rebus, in quas eum multi incitarant, multo scito gloriosius, quàm de suis, prædicare. sibi enim bene gestæ, mihi conseruatæ reip. dat testimonium. hoc facere illum, mihi quàm proſit, nescio; reip. certe prodest. quid, si etiam Cæsarem, cuius nunc uenti ualde sunt secundi, reddo meliorem? num tantum obsum reip.? quin etiam, si mihi nemo inuideret; si omnes, ut erat æquum, fauerent; tamen non minus esset probanda medicina, quæ sanaret uitiosas partes reip.

quàm



quàm quæ exsecaret . nunc uero , cum equitatus il-  
 le , quem ego in cliuo Capitolino , te signifero , ac  
 principe , collocaram , senatum deseruerit ; nostri  
 autem principes digito se cælum putent attingere ,  
 si muli barbati in piscinis sint , qui ad manum ac-  
 cedant ; alij autem negligant : non ne tibi satis pro-  
 desse uideor , si perficio , ut nolint obesse , qui pos-  
 sunt ? nam Catonem nostrum non tu amas plus ,  
 quàm ego . sed tamen ille , optimo animo utens , &  
 summa fide , nocet interdum reip . dicit enim tan-  
 quam in Platonis πολιτεία , non tanquam in Romu-  
 li sæce , sententiam . quid uerius , quàm in iudicium  
 uenire , qui ob rem iudicandam pecuniam accepe-  
 rit ? censuit hoc Cato : assensit senatus . equites cu-  
 riæ bellum , non mihi : nam ego dissensi . quid impu-  
 dentius publicanis renuntiantibus ? fuit tamen , re-  
 tinendi ordinis causa , facienda iactura . restitit , et  
 peruicit Cato . itaque nunc , consule in carcere in-  
 cluso , sæpe item seditione commota , aspirauit ne-  
 mo eorum , quorum ego concursu , itemq . consules ,  
 qui post me fuerunt , remp . defendere solebant .  
 Quid ergo ? istos , inquires , mercede conductos ha-  
 bebimus ? Quid faciemus , si aliter non possumus ?  
 an libertinis , atque etiam seruis seruiamus ? sed , ut  
 tu ais , ἀλλῶς ποιοῦμεν . Fauonius meam tribum tulit  
 honestius , quàm suam , Lucceij perdidit . accusa-  
 uit Nasicam inhoneste , ac modeste tamen dixit : ut  
 Rhodi uideretur molis potius , quàm Moloni , ope-  
 ram dedisse . mihi , quòd defendissem , leuiter suc-  
 censuit .



consuit. nunc tamen petit iterum reip. causa. Luc-  
ceius quid agat, scribam ad te, cum Cæsarem uide-  
ro, qui aderit biduo. Quod Sicyonij te lædunt, Ca-  
toni, & eius æmulatori attribuas Seruilio. quid?  
ea plaga non ne ad multos bonos uiros pertinet?  
sed, si ita placuit, laudemus; deinde in dissensionibus soli relinquamur. Amalthea mea te expectat,  
& indiget tui. Tusculanum, & Pompeianum ualde me delectant; nisi quod me, illum ipsum uindi-  
cem æris alieni, ære non Corinthio, sed hoc circum-  
foraneo obruerunt. In Gallia speramus esse otium.  
Prognostica mea cum oratiunculis propediem ex-  
specta. & tamen, quid cogites de aduentu tuo, scri-  
be ad nos. nam mihi Pomponia nuntiari iussit, te  
mense Quinctili Romæ fore. id a tuis litteris, quas  
ad me de accessu tuo miseras, discrepabat. Pætus,  
ut antea ad te scripsi, omnes libros, quos frater  
suus reliquisset, mihi donauit. hoc illius munus in  
tua diligentia positum est. si me amas, cura, ut  
conseruentur, & ad me perferantur. hoc mihi nil  
potest esse gratius. Et, tum Græcos, tum uero la-  
tinos diligenter ut conserues, uelim. tuum esse hoc  
munusculum putabo. Ad Octauium dedi litteras:  
cum ipso nil eram locutus. neque enim ista tua ne-  
gotia provincialia esse putabam: neque te in Tocu-  
\* lionibus habebam. sed scripsi, ut debui, diligen-  
ter. Vale.

CICERO



CICERO S. D. ATTICO. 2

CURA, amabo te, Ciceronem nostrum. ei nos  
 θεῖοι uidemur. Πελοπιδῶν in manibus tenebam. &  
 hercule magnum acernum Dicæarchi mihi ante pe-  
 des extruxeram. o magnum hominem, & a quo  
 multo plura didiceris, quàm de Procilio. Κορινθίων,  
 καὶ Ἀδινναίων puto me Romæ habere. mihi heredes.  
 lege. hoc doceo: mirabilis uir est. Ἡρώδης, si homo  
 esset, eum potius legeret, quàm unam litteram scri-  
 beret: qui me epistola petiuit: ad te, ut uideo, com-  
 minus accessit. coniurasse mallet, quàm restitisse  
 coniurationi, si illum mihi audiendum putassem.  
 De Lollio sanus non es. de Vinio laudo. Sed heus tu,  
 ecquid uides kal. uenire, Antonium non uenire? iu-  
 dices cogi? nam ita ad me mittunt; Nigidum mi-  
 nari in concione, se iudicem, qui non affuerit, com-  
 pellaturum. uelim tamen, si quid est de Antoni  
 aduentu, quod audieris, scribas ad me: & quoniam  
 huc non uenis, cenes apud nos utique prid. Kal. ca-  
 ue aliter facias. Cura, ut ualeas.

CICERO S. D. ATTICO. 3

PRIMUM, ut opinor, & ἀγγέλια. Valerius ab-  
 solutus est Hortensio defendente. id iudicium Ati-  
 lio condonatum putabatur: & Epicratem suspicor,  
 ut scribis, lasciuum fuisse: etenim mihi caligæ eius,  
 ut fasciæ cretatæ, non placebant. quid sit, sciemus,  
 cum ueneris. Feneſtrarum angustias quòd repre-  
 hendis,



bendis, scito te Κύρου παιδείαν reprehendere. nam, cum ego idem istuc dicerem, Cyrus aiebat, radiorū τὰς διαφάσεις latis luminibus, non tam esse suaves. etenim ἔσω ὅψις μὲν, ἦ, α: τὸ δὲ ὁρώμενον, β, γ: ἀκτίνες δὲ, δ, καὶ ε. uides enim cetera. nam, si κατὰ εἰδώλων ἐμπώσεις uideremus, ualde laborarent εἰδῶλα in angustijs, nunc fit lepide illa ἔκχυσις radiorum. cetera si reprehenderis, non feres tacitum, nisi si quid erit eiusmodi, quod sine sumptu corrigi possit. Venio nunc ad mensem Ianuarium, & ad ὑπόστασιν nostram, ας πολιτείαν: in qua σωκρατικῶς εἰς ἑκάτερον, sed tamen ad extremum, ut illi solebant, τὴν ἀρέσκουσαν. est res sane magni consilij. nam aut fortiter resistendum est legi agrariæ; in quo est quædam dimicatio, sed plena laudis; aut quiescendum; quod est non dissimile, atque ire in Solonium, aut Antium; aut etiam adiuuandum; quod a me aiunt Cæsarem sic expectare, ut non dubitet. nam fuit apud me Cornelius. hunc dico Balbum, Cæsaris familiarem. is affirmabat, illum omnibus in rebus meo & Pompeij consilio usurum; daturumq. operam, ut cum Pompeio Crassum coniungeret. Hic sunt hæc, coniunctio mihi summa cum Pompeio; si placet, etiam cum Cæsare, reditus in gratiam cum inimicis, pax cum multitudine, senectutis otium. sed me κατὰ κρίσιν mea illa commonet, quæ est in libro III.

Interea cursus, quos prima a parte iuuentæ,  
Quosq. adeo consul uirtute, animoq. petisti,

Hos



## LIB. II. EPIST.

Hos retine, atque auge famam, laudesq. bonorum.  
 hæc mihi cum in eo libro, in quo multa sunt scripta  
 ἀριστοκρατικῶς, Calliope ipsa præscripserit; non o-  
 pinor esse dubitandum, quin semper nobis uideatur  
 εἰς ὁίωνος ἀρίστος ἀμυνέσθαι περὶ πάντας.  
 sed hæc ambulationibus compitalicijs reseruemus.  
 Tu pridie Compitalia memento. balneum calefieri  
 iubebo: & Pomponiam Terentia rogat: matrem  
 adiungemus. θεοφράσου περὶ φιλοτιμίας affer mihi  
 de libris Quincti fratris. Vale.

CICERO S. D. ATTICO. 4

FECISTI mihi pergatum, quòd Serapionis  
 librum ad me misisti: ex quo quidem ego (quod  
 inter nos liceat dicere) millesimam partem uix in-  
 telligo. pro eo tibi præsentem pecuniam solui im-  
 peraui; ne tu expensum muneribus ferres. At quo-  
 niam nummorum mentio facta est; amabo te, cu-  
 ra, ut cum Titinio, quoquo modo poteris, transi-  
 gas. si in eo, quod ostenderat, non stat; mihi ma-  
 xime placet, ea, quæ male emptæ sunt, reddi, si  
 uoluntate Pomponiæ fieri poterit. si ne id quidem;  
 nummi potius reddantur, quàm ullus sit scrupu-  
 lus. ualde hoc uelim ante, quàm proficiscare, a-  
 manter, ut soles, diligenterq. conficias. Clodius  
 \* ergo, ut ais, ad Tigranem? uelim, Syriæ condi-  
 cione: sed facile patior. accommodatius enim no-  
 bis est ad liberam legationem tempus illud; cum et  
 Quinctus noster iam, ut speramus, in otio conse-  
 derit,



derit, & iste sacerdos Bonæ deæ cuiusmodi futurus sit, sciri possit. interea quidem cum musis nos delectabimur animo æquo, immo uero etiam gaudenti, ac libenti. neque mihi unquam ueniet in mentem Crasso inuidere, neque penitere, quod a me ipse non descuiuerim. De geographia, dabo operam, ut tibi satisfaciam: sed nihil certi polliceor. magnum opus est; sed tamen, ut iubes, curabo, ut huius peregrinationis tibi opus extet. Tu quid indagaris de rep. & maxime quos consules futuros putes, facito, ut sciam. tametsi nimis sum curiosus: statui enim nihil iam de rep. cogitare. Terentiæ saltum perspeximus. quid quæris? præter quercum Dodonæam nihil desideramus, quo minus Epirum ipsam possidere uideamur. Nos circiter kal. aut in Formiano erimus, aut in Pompeiano. tu, si in Formiano non erimus; si nos amas, in Pompeianum uenito. id & nobis erit periucundum, & tibi non sane deuium. De muro, imperaui Philotimo, ne impediret, quo minus id fieret, quod tibi uideretur. censeo tamen, adhibeas Vettium. his temporibus, tam dubia uita optimi cuiusque, magni æstimo unius æstatis fructum palæstræ Palatinæ, sed ita tamen, ut nihil minus uelim, quàm Pomponiam, & puerum uersari in timore ruinæ. Vale.

CICERO S. D. ATTICO. 5

CUPPIO equidem, & iam pridem cupio Alexandriam, reliquamq. Aegyptum uisere, et simul  
ab



## LIB. II. EPIST.

ab hac hominum satietate nostri discedere, & cum aliquo desiderio reuerti: sed hoc tempore, & his mittentibus, αἰδέομαι πρῶτας, καὶ πρῶτάδας ἐλεγεσιπέ-  
 πλους. quid enim nostri optimates, si qui reliqui sunt, loquentur? an me aliquo præmio de sententia esse deductum? πουλυδάμας μοι πρῶτος ἐλεγχείην ἀναθήσει, Cato ille noster, qui mihi unus est pro cen-  
 tum millibus. quid uero historiae de nobis ad annos DC prædicarint? quas quidem ego multo magis uereor, quàm eorum hominum, qui hodie uiuunt, rumusculos. sed, opinor, excipiamus, & exspectemus. si enim deferetur; erit quædam nostra pote-  
 stas, & tum deliberabimus. et iam hercule est in nō accipiendo non nulla gloria. quare si quid θεοφάνης tecum forte contulerit, ne omnino repudiaris. de istis rebus exspecto tuas litteras, quid Arrius nar-  
 ret, quo animo se destitutum ferat; ecqui consules parentur; utrum, ut populi sermo, Pompeius, & Crassus, an, ut mihi scribitur, cum Gabinio Ser. Sulpicius; & num quæ nouæ leges, & num quid noui omnino; & , quoniam Nepos proficiscitur, euiam auguratus deferatur. quo quidem uno ego ab istis capi possum. Videte ciuitatem meam. sed quid ego hæc, quæ cupio deponere, & toto animo, atque omni cura φιλοσοφεῖν? sic, inquam in animo. sic uellem ab initio. nunc uero, quoniam, quæ pu-  
 tauī esse præclara, expertus sum, quàm essent ina-  
 nia; cum omnibus musis rationē habere cogito. Tu tamen de Curtio ad me rescribe certius; & num  
 quis



quis in eius locum paretur; & quid de P. Clodio fiat: & omnia, quemadmodum tu polliceris, ἐπὶ ἁλῶνς scribe: & quo die Romae te exiturum putes, uelim ad me scribas; ut certiore te faciam, quibus in locis futurus sim: epistolamq. statim de de ijs rebus, de quibus ad te scripsi. ualde enim expecto litteras tuas. Vale.

## CICERO S. D. ATTICO.

6

QVOD tibi superioribus litteris promiseram, fore, ut opus extaret huius peregrinationis: nihil iam magnopere confirmo. sic enim sum complexus otium, ut ab eo diuelli non queam. itaque aut libris me delecto, quorum habeo Antij festiuam copiam: aut fluctus numero. nam ad lacertas captandas tempestates non sunt idoneæ. a scribendo prorsus abhorret animus. etenim γεωγραφικὰ, quæ constitueram, magnum opus est: ita ualde Eratosthenes, quem mihi proposueram, a Serapione, & ab Hipparcho reprehenditur. quid censes, si Tyrannio accesserit? & hercule sunt res difficiles ad explicandum, & ὁμοειδῆς, nec tam possunt ἀνθροπογραφείδαι, quàm uidebantur: & quod caput est, mihi quæuis satis iusta causa cessandi est. quin etiam dubitem, an hic Antiy considam, et hoc tempus omne consumam: ubi quidem ego malle diu nimirum, quàm Romæ, fuisse. tu uero sapientior Buthroti domum parasti. sed, mihi crede, proxima est illi municipio hæc Antiatum ciuitas. esse lo-

E ciam



LIB. II. EPIST.

cum tam prope Romam, ubi multi sint, qui Vati-  
nium nunquam uiderint? ubi nemo sit, præter me,  
qui quenquam ex x x uiris unum esse saluum ue-  
lit? ubi me interpellat nemo, diligant omnes? hic,  
hic nimirum πολιτεύειν: nam istic non solum non  
licet, sed etiam tædet. itaque ἀνέκδοτα a nobis,  
quæ tibi uni legamus, Theopompino genere, aut  
etiam asperiore multo pangentur, neque aliud iam  
quidquam πολιτεύομαι, nisi odisse improbos, &  
id ipsum nullo cum stomacho, sed potius cum ali-  
quâ scribendi uoluptate. Sed, ut ad rem, scripsi ad  
quæstores urb. de Quincti fratris negotio, uide,  
quid narrent, ecquæ spes sit denarij, an cistophoro  
Pompeiano iaceamus. Præterea de muro, statue,  
quid faciendum sit. Aliud quid? etiam, quando te  
proficisci istinc putes, fac ut sciam. Vale.

CICERO S. D. ATTICO. 7

DE GEOGRAPHIA etiam atque etiam  
deliberabimus. Orationes autem me duas postulas:  
quarum alteram non libebat mihi scribere, quia  
abscideram; alteram, ne laudarem eum, quem  
non amabam. sed id quoque uidebimus. denique  
aliquid extabit; ne tibi plane cessasse uideamur. De  
Publio quæ ad me scribis, sane mihi iucunda sunt:  
eaquæ etiam uelim omnibus uestigijs indagata ad me  
afferat, cum uenies; & interea scribas, si quid in-  
telliges, aut suspicabere, & maxime de legatione  
quid sit acturus. equidem ante, quàm tuas legi lit-  
teras,



teras, in hominem ire cupiebam; non mehercule, ut differrem cum eo uadimonium; (nam mira sum alacritate ad litigandum) sed uidebatur mihi, si quid esset in eo popolare, quod plebeius factus esset, id amissurus. quid enim? ad plebem transisti, ut Tigranem ires salutatum? narra mihi, reges Armenij patricos salutare non solent? quid quæris? acueram me ad exagitandam hanc eius legationem. quam si ille contemnit; & si, ut scribis, bilem id commouet & latoribus, & auspiciibus legis curiata: spectaculum egregium. Hercule, uerum ut loquamur, subcontumeliose tractatur noster Publius: primum, qui, cum in domo Cæsaris quondam unus uir fuerit, nunc ne in uiginti quidem esse potuerit: deinde, alia legatio dicta erat, alia data est: illa opima ad exigendas pecunias Druso: ut opinor, Pisauensis nebuloni Vatinio reseruatur: hæc ieiuna, ac bella relegatio datur ei, cuius tribunatus ad istorum tempora reseruatur. incende hominem, amabo te, quoad potes, una spes est salutis, istorum inter istos dissensio. cuius ego quedam initia sensi ex Curione, iam uero Arrius consulatum sibi ereptum fremit, Megabocchus, & hæc sanguinaria iuuentus inimicissima est. accedat uero, accedat etiam ista rixa auguratus. spero me præclaras de istis rebus epistolas ad te sæpe missurum. Sed, illud quid sit, scire cupio, quod iacis obscure, iam etiam ex ipsis quinque uiris loqui quosdam. quidnam id est? si est enim aliquid; plus est boni, quam puta-



## LIB. II. EPIST.

ram, atque hac, sic uelim existimes, non me abs te κατὰ τὸ πᾶντινόν querere; quod gestiat animus aliquid agere in rep. iam pridem gubernare me tadebat, etiam cum licebat. nunc uero, cum cogar exire de naui, non abiectis, sed ereptis gubernaculis; cupio istorum naufragia ex terra intueri; cupio, ut ait tuus amicus Sophocles, καὶ ὑπὸ σέῃ Πυκνὰς ἀκούσαι φεκάδος δίδου ὀρεῖ. De muro, quid opus sit, uidebis. Castritianum mendum nos corrigemus: & tamen ad me Quinctus CLOCCLOCCLOCC scripserat, non ad sororem tuam HSXXX. Terentia tibi salutem dicit. Cicero tibi mandat, ut Aristodemo idem de se respondeas, quod de fratre suo, sororis tuae filio, respondisti. De Amalthea quod me admones, non negligemus. Cura, ut ualeas.

CICERO S. D. ATTICO. 8

EPISTOLAM cum a te auide expectarem ad uesperum, ut soleo; ecce tibi nuntius, pueros uenisse Roma. uoco, quero, ecquid litterarum? negant. quid ais, inquam, nihil ne a Pomponio? perterriti uoce, & uultu, confessi sunt se accepisse, sed excidisse in uia. quid quaeris? permoleste tuli. nulla enim abs te per hos dies epistola inanis aliqua re utili, & suauis. nunc, si quid in ea epistola, quam ante diem XVI. kal. Mai. dedisti, fuit historia dignum, scribe quamprimum, ne ignoremus: sin nihil praeter iocationem, redde id ipsum. & sci-

to



to Curionem adolescentem uenisse ad me salutatum. ualde eius sermo de Publio cum tuis litteris congruebat. ipse uero mirandum in modum reges odisse superbos. peræque narrabat incensam esse iuuentutem, neque hæc ferre posse. bene habemus. nos, si in his spes est, opinor, aliud agamus. Ego me do historiæ. quanquam licet me Sauseium putes esse. nihil me est inertius. Sed cognosce itinera nostra; ut statuas, ubi nos uisurus sis. In Formianum uolumus uenire Parilibus: inde, ( quoniam putas prætermittendum nobis esse hoc tempore cratera illum delicatum ) kal. Mai. de Formiano proficiscemur, ut Antij simus ad v. non. Mai. ludi enim Antij futuri sunt a i v. kal. ad prid. non Mai. eos Tullia spectare uult. inde cogito in Tusculanum, deinde Arpinum, Romam ad kal. Iun. te aut in Formiano, aut Antij, aut in Tusculano, cura, ut uideamus. Epistolam superiorem restitue nobis, & appinge aliquid noui. Vale.

CICERO S. D. ATTICO.

9

SUBITO, cum mihi dixisset Cæcilius quæstor puerum se Romam mittere, hæc scripsi raptim, ut tuos elicerem mirificos cum Publio dialogos, cum eos, de quibus scribis, tum illum, quem addis, & ais, longum esse, quæ ad ea responderis, perscribere; illum uero, qui nondum habitus est, quem illi Βιάντις, cum e Solonio redierit, ad te est relatura. sic uelim putes, nihil hoc posse mihi esse iucundius.

E 3

si uero



## LIB. II. EPIST.

si uero, quæ de me pacta sunt, ea non seruantur; in  
 celo sum; ut sciat hic noster Hierosolymarius tra-  
 ductor ad plebem, quàm bonam meis putissimis o-  
 rationibus gratiam retulerit: quarum expectata di-  
 uinam *παλιωδίαν*. etenim, quantum coniectura  
 auguramur, si erit nebulo iste cum his dynastis in  
 gratia, non modo de cynico consulari, sed ne de istis  
 quidem piscinarum Tritonibus poterit se iactare.  
 non enim poterimus ulla esse in inuidia, spoliatio opi-  
 bus, & illa senatoria potentia. sin autem ab ijs dis-  
 sentiet; erit absurdum in nos inuehi. ueruntamen  
 inuehatur. festiue, mihi crede, & minore sonitu,  
 quàm putaram, orbis hic in rep. est conuersus: ci-  
 tius omnino, quàm potuit: id culpa Catonis, sed  
 rursus improbitate istorum; qui auspicia, qui *Ae-*  
*liam* legem, qui *Iuniam*, et *Liciniam*, qui *Cæciliã*,  
 & *Didiam* neglexerunt; qui omnia remedia reip.  
 effuderunt; qui regna, qui prædia tetrarchis, qui  
 immanes pecunias paucis dederunt. uideo iam, quò  
 inuidia transeat, et ubi sit habitura. nihil me existi-  
 maris neque usu, neque a *Theophrasto* didicisse, ni-  
 si breui tempore, desiderari nostra illa tempora, ui-  
 deris. etenim si fuit inuidiosa senatus potentia; cum  
 ea non ad populum, sed ad tres homines immodera-  
 tos redacta sit, quidnam censes fore? proinde isti li-  
 cet faciant, quos uolent, consules, tribunos pl. de-  
 nique etiam *Vatini* strumam sacerdotij *δικάτω* ue-  
 stiant. uidebis breui tempore magnos nò modo eos,  
 qui nihil titubarunt, sed etiam illum ipsum, qui pec-  
 cavit,



cavit, Catonem. nam nos quidem, si per istum  
 tuum sodalem Publium licebit, σοφισδ'εν cogita-  
 mus: si ille cogitat, tantum dumtaxat nos defende-  
 re, et, quod est proprium artis huius, ἐπαγγέλλομαι  
 Ἀνδρα ἀπαμύεσθαι ὅς τις πρότερος χαλεπήνῃ.  
 patria propitia sit: habet a nobis, etiam si nō plus,  
 quān debitum est, plus certe, quān postulatū  
 est. male uehi malo alio gubernante, quān, tam  
 ingratis uectoribus, bene gubernare. Sed hæc co-  
 ram commodius. nunc audi, quod quæris. Antium  
 me ex Formiano recipere cogito ad v. non. Mai.  
 Antio uolo nonis Mai. proficisci in Tusculanum.  
 sed cum e Formiano rediero, (ibi esse uolo usque ad  
 prid. kal. Mai.) faciam statim te certiore. Te-  
 rentia tibi salutem. Κικέρων ὁ μικρὸς ἀσπάζεταιται Τί-  
 τον Ἀδριανόν.

CICERO S. D. ATTICO. IO

VOLO ames constantiam meam. ludos Antij  
 spectare non placet. est enim ὑποπόλοικον, cum ue-  
 lim uitare omnium deliciarum suspicionem; repen-  
 te ἀναφαίνεσθαι non solum delicate, sed etiam inepte  
 peregrinātem. quare usque ad non. Mai. te in For-  
 miano exspectabo. nunc fac, ut sciam, quo die te ui-  
 suri simus. Ab Appij Foro, hora quarta: dede-  
 ram aliam paullo ante a Tribus Tabernis. Vale.

CICERO S. D. ATTICO. II

NARRO tibi: plane relegatus mihi uideor, po-

E 4 stea-



## LIB. II. EPIST.

steaquam in Formiano sum. dies enim nullus erat, Antij cum essem, quo die non melius scirem, Romæ quid ageretur, quàm ij, qui erant Romæ. etenim litteræ tuæ, non solum quid Romæ, sed etiam quid in rep. neque solum quid fieret, uerum etiam quid futurum esset, indicabant: nunc, nisi si quid ex prætereunte uiatore exceptum est, scire nihil possumus. quare quanquam iam te ipsum exspecto; tamen isti puero, quem ad me statim iussi recurrere, da ponderosam aliquam epistolam, plenam omnium non modo actorum, sed etiam opinionum tuarum: ac diem, quo Roma sis exiturus, cura ut sciam. Nos in Formiano esse uolumus usque ad prid. non. Mai. eò si ante eam diem non ueneris, Romæ te fortasse uidebo. nam Arpinum quid ego te inuitem?

Τῆν χεῖρ', ἀλλ' ἀγαθὴν κουροτρόφος. οὔτι ἔγωγε  
 Ἡς γαίης δυνάμει γλυκυρώτερον ἄλλο ἰδέσθαι.  
 Hæc igitur. Cura ut ualeas.

## CICERO S. D. ATTICO. 12

NE GENT illi Publium trib. pl. factum esse. hoc uero regnum esse, ferri nullo pacto potest. emit-  
 tat ad me Publius, qui obsignent. iurabo, Cnæum  
 nostrum, collegam Balbi, Antij mihi narrasse, in  
 auspicio fuisse. o suaues epistolas tuas, uno tempo-  
 re mihi datas, duas: quibus & ἀγγέλια quæ reddam,  
 nescio, deberi quidem plane fateor. sed uide συγκύ-  
 ρημα. Emerferam commode ex Antio in Appiam  
 ad Tres Tabernas, ipsis Cerialibus, cum in me in-  
 currit



currit Roma ueniens Curio meus. ibidem illico puer  
abs te cum epistolis. ille ex me, nihil ne audissem no-  
ui? ego negare. Publius, inquit, tribunatum pl.  
petit. quid ais? & inimicissimus quidem Cæsaris,  
& ut omnia, inquit, ista rescindat. quid Cæsar? in-  
quam. negat, se quidquam de illius adoptione tulif-  
se. deinde suum, Memmij, Metelli Nepotis ex-  
prompsit odium. Complexus iuuenem dimisi, pro-  
perans ad epistolas. Vbi sunt, qui aiunt, ζῶνς κα-  
νῆς? quanto magis uidi ex tuis litteris, quàm ex il-  
lius sermone, quid ageretur? de ruminatone quo-  
tidiana, de cogitatione Publij, de lituis βοώπιδοι,  
de signifero Athenione, de litteris missis ad Cnæ-  
um, de Theophanis, Memmijq. sermone. quantam  
porro mihi expectationem dedisti conuiuij istius ἀ-  
σελγούς? sum in curiositate ὀξύπνεος: sed tamen fa-  
cile patior te id ad me συμπόσιον non scribere: præ-  
sentem audire malo. Quod me, ut scribam aliquid,  
hortaris: crescit mihi quidem materies, ut dicis:  
sed tota res etiam nunc fluctuat. κατ'ὁπώραν τε αὐ-  
τῆς. quæ si defederit; magis erunt iudicata, quæ  
scribam: quæ si statim a me ferre non potueris, pri-  
mus habebis tamen, & aliquandiu solus. Dicæar-  
chū recte amas: luculentus homo est, et ciuis haud  
paullo melior, quàm isti nostri ἀδινγίαρχοι. Lit-  
teras scripsi hora decima Cerialibus, statim, ut tuas  
legeram: sede eas eram daturus, ut putaram, po-  
stridie ei, qui mihi primus obuiam uenisset. Te-  
rétia delectata est tuis litteris, et impertit tibi mul-  
tum



tum salutis : καὶ Κικέρων ὁ φιλόσοφος τὸν πολιτικὸν  
τίτον ἀπαύζεται.

CICERO S. D. ATTICO. 13

FACINVS indignum : epistolam , αὐθαρᾷ tibi  
a Tribus Tabernis rescriptam ad tuas suauissimas  
epistolas , neminem reddidisse ? at scito , eum fasci-  
culum , quò illam conieceram , domum eo ipso die  
latum esse , quo ego dederam , & ad me in Formia-  
num relatum esse . itaque tibi tuam epistolam iussi  
referri ; ex qua intelligeres , quàm mihi tum illæ  
gratæ fuissent . Romæ quod scribis sileri : ita puta-  
bam . at hercule in agris non siletur : nec iam ipsi  
agri regnum uestrum ferre possunt . si uero in hanc  
Τηλέπυλον ueneris Λαισυγονίην , ( Formias dico )  
qui fremitus hominum ? quàm irati animi ? quanto  
in odio noster amicus Magnus ? cuius cognomen una  
cū Crassi Diuitis cognomine consenescit . credas mi-  
hi uelim : neminem adhuc offendi , qui hæc tam len-  
te , quàm ego fero , ferret . quare , mihi crede , φιλο-  
σοφῶμεν . iuratus tibi possum dicere , nihil esse tanti .  
Tu si litteras ad Sicyonios habes , aduola in Formia-  
num : unde nos prid . non . Mai . cogitamus . Vale .

CICERO S. D. ATTICO. 14

QUANTAM tu mihi moues expectationem de  
sermone Bibuli , quantam de colloquio Εωπίδος ,  
quântam etiam de illo delicato conuiuio . proinde ita  
fac uenias ad sitientes aures . quanquam nihil est  
iam,



iam, quod magis timendum nobis putem, quàm ne ille noster Sampsiceraamus, cum se omnium sermonibus sentiet uapulare, & cum has actiones d'ava  $\pi\epsilon\tau\alpha\varsigma$  uidebit, ruere incipiat. ego autem usque eò sum eneruatus, ut hoc otio, quo nunc tabescimus, malim  $\epsilon\upsilon\tau\upsilon\pi\alpha\nu\epsilon\iota\delta\alpha\iota$ , quàm optima spe dimicare. De pangèdo quod me crebro adhortaris, fieri nihil potest. basilicam habeo, non uillam, frequentia Formianorum. at comparem basilicæ? tribum Aemiliam. sed omitto uulgus: post horam quartam molesti ceteri non sunt: C. Arrius proximus est uicinus, immo ille quidem iam contubernalis: qui etiam se iccirco Romam ire negat, ut hic mecum totos dies philosophetur. ecce ex altera parte Sebosus ille Catuli familiaris. quò me uertam? Statim mehercule Arpinum irem, ni te in Formiano commodissime expectari uiderem, dumtaxat ad prid. non. Mai. uide enim, quibus hominibus aures sint dedit a meæ. occasionem mirificam, si quis nunc, dum hi apud me sunt, emere de me fundum Formianum uelit. & tamen illud probem. magnum quid aggrediamur, & multæ cogitationis, atque otij. sed tamen satisfiet a nobis, neque parceretur labori.

CICERO S. D. ATTICO. 15

VT scribis, ita uideo, non minus incerta in rep. quàm in epistola tua. sed tamen ista ipsa me uarietas sermonum, opinionumq. delectat. Romæ enim uideor esse, cum tuas litteras lego, et, ut fit in tantis



## LIB. II. EPIST.

tis rebus, modo hoc, modo illud audire. illud tamen explicare non possum, quidnam inueniri possit, nullo recusante, ad facultatem agrariam. Bibuli autem ista magnitudo animi in comitiorum dilatione, quid habet, nisi ipsius iudicium sine ulla correctione reip. ? nimirum in Publio spes est: fiat, fiat tribunus plebis: si nihil aliud, ut eo citius tu ex Epiro reuertare. nam, ut illo tu careas, non uideo posse fieri, praesertim si mecum aliquid uolet disputare. sed id quidem non dubium est, quin, si quid erit eiusmodi, sis aduolaturus. uerum ut hoc non sit, tamen seruet remp. praclarum spectaculum mihi propono, modo te confessore spectare liceat. Cum hac maxime scriberem, ecce tibi Sebosus. nondum plane ingemueram; salue, inquit Arrius. hoc est Roma decedere? quos ego homines effugi, cum in hos incidi? ego uero in montes patrios, & ad incunabula nostra pergam. denique, si solus non potuero, cum rusticis potius, quam cum his perurbanis, ita tamen, ut, quoniam tu certi nihil scribis, in Formiano tibi praestoler usque ad III. non. Mai. Terentiae pergrata est assiduitas tua, & diligentia in controuersia Muluiana. nescit omnino, te communem causam defendere eorum, qui agros publicos possideant. sed tamen tu aliquid publicanis pendis, haec etiam id recusat. ea tibi igitur, & Κίερα, ἀρισκρατικώτατος παῖς, salutem dicunt.

CICERO



CENATO mihi, & iam dormitanti, prid. kal. Mai. epistola est illa reddita, in qua de agro Campano scribis. quid quæris? primum ita me pugnabit, ut somnum mihi ademerit, sed id cogitatione magis, quàm molestia. cogitanti autem hæc ferre succurrebant. primum ex eo, quod superioribus litteris scripseras, ex familiari te illius audisse, prolatum iri aliquid, quod nemo improbareret; maius aliquid timueram: hoc mihi eiusmodi non uidebatur. deinde, ut me ego consoler, omnis expectatio largitionis agrariæ in agrum Campanum uidetur esse deriuata. qui ager, ut dena iugera sint, non amplius hominum quinque millia potest sustinere. reliqua omnis multitudo ab illis abalienetur, necesse est. præterea, si ulla res est, quæ bonorum animos, quos iam uideo esse commotos, uehementius possit incendere, hæc certe est, & eo magis, quod, portorij Italiae sublatis, agro Campano diuiso, quod uectigal superest domesticum, præter uicesimam? quæ mihi uidetur una conciuncula, clamore pedisequorum nostrorum esse peritura. Cnæus quidem noster iam plane quid cogitet, nescio.

φυσᾷ γὰρ οὐ μικροῖσιν ἀλίσκοις ἔτι,

ἀλλ' ἀγρίαις φύσαισι φορβερίας ἄτερ:

qui quidem etiam istuc adduci potuerit. nam adhuc hoc ἐσοφίζετο, se leges Cæsaris probare, actiones ipsum præstare debere: agrariam legem sibi placuisse;



## LIB. II. EPIST.

cuisse; potuerit intercedi, nec ne, nihil ad se pertinere: de rege Alexandrino placuisse sibi aliquādo confici; Bibulus de calo tum seruasset, nec ne, sibi querendum non fuisse: de publicanis, uoluisse illi ordini commodare; quidquid futurum fuerit, si Bibulus tum in forum descendisset, se diuinare non potuisse. nunc uero Sampficerame quid dices? uetigal te nobis in monte Antilibano constituisse, agri Campani abstulisse? quid, hoc quemadmodum obtinebis? oppressos nos, inquit, tenebo exercitu Caesaris. non mehercule me tu quidem tam isto exercitu, quā ingratissimis animis eorum hominum, qui appellantur boni; qui mihi non modo præmiorum, sed ne sermonum quidem unquam fructum ullum, aut gratiam retulerunt. quod si in eam me partem incitarem, profecto iam aliquam reperirē resistendi uiam. nunc prorsus hoc statui, ut, quoniam tanta controuersia est Dicæarcho, familiari tuo, cum Theophrasto, amico meo, ut ille tuus τὸν πρακτικὸν βίον longe omnibus anteponat, hic autē τὸν θεωρητικὸν, utrique a me mos gestus esse uideatur. puto enim me Dicæarcho assatim satisfacisse: respicio nunc ad hanc familiam; quæ mihi nō modo, ut requiescam, permittit, sed reprehendit, quia non semper quierim. quare incumbamus o noster Tite ad illa præclara studia, & eò, unde discere non oportuit, aliquando reuertamur. Quod de Quinti fratris epistola scribis, ad me quoque fuit πρόδε λέων, ὅπιδεν δέ. quid dicam nescio. nam  
ita



ita deplorat primis uersibus mansionem suam, ut quemuis mouere possit: ita rursus remittit, ut me roget, ut annales suos emendem, & edam. Illud tamen, quod scribit, animaduertas uelim, de portorio circumuectionis. ait, se de consilij sententia rem ad senatum reiecisse. nondum uidelicet meas litteras legerat; quibus ad eum, re consulta, & explorata, perscripseram, non deberi. uelim, si qui Græci iam Romam ex Asia de ea caussa uenerunt, uideas, & si tibi uidebitur, ijs demonstres, quid ego de ea re sentiam. si possum discedere, ne caussa optima in senatu pereat; ego satisfaciam publicanis: εἰ δὲ μὴ; (uere tecum loquar) in hac re malo uniuersæ Asiæ, & negotiatoribus. nam eorum quoque uehementer interest. hoc ego sentio ualde nobis opus esse. sed tu id uidebis. Quæstores autē, quæso, num etiam de cistophoro dubitant? nam si aliud nihil erit; cum erimus omnia experti, ego illud ne quidem contemnam, quod extremum est. Te in Arpinati uidebimus, & hospitio agresti accipiemus; quoniam maritimum hoc contempsisti. Vale.

CICERO S. D. ATTICO. 17

PRORSVS, ut scribis, ita sentio. turbatur Sampsiceramus. nihil est, quod non timendum sit. ὁμολογούμενος τυραννίδα συσχεάζεται. quid enim ista repentina affinitatis coniunctio, quid ager Campanus, quid effusio pecuniæ significant? quæ si essent extrema, tamen esset nimium mali: sed ea natura rei est, ut hæc extrema esse non possint. quid enim



## LIB. II. EPIST.

enim eos hæc ipsa per se delectare possunt? nunquam huc uenissent, nisi ad alias res pestíferas aditus sibi compararent. dii immortales. uerum, ut scribis, hæc in Arpinati ad VI. circiter id. Mai. non deflebitur, ne & opera, & oleum philologiæ nostræ perierit, sed conferemus tranquillo animo. neque tam me Δελτία consolatur, ut antea, quàm ἀδιαφορία; qua nulla in re tam utor, quàm in hac ciuili, & publica. quin etiam, quod est subinane in nobis, & non ἀφιλόδοξον, (bellum est enim sua uitia nosse) id afficitur quadā delectatione. solebat enim me pun gere, ne Σάψις cerami merita in patriam ad annos DC maiora uiderentur, quàm nostra. hæc quidem cura certe iam uacuius  
 \* sum: jacet enim ille sic: ut Phocis Curiana stare uideatur. Sed hæc coram. Tu tamen uideris mihi Romæ fore ad nostrum aduentum. quod sane facile patiar, si tuo commodo fieri possit. sin, ut scribis, ita uenies: uelim e Theophane expiscere, quonam in me animo sit Arabarches. quæres scilicet κατὰ τὸ ἀνδεμονικόν, & ad me ab eo quasi ὑποθήκας afferes, quemadmodum me geram. aliquid ex eius sermone poterimus περὶ τῶν ὅλων suspicari. Vale.

CICERO S. D. ATTICO. 18

ACCEPI aliquot epistolas tuas: ex quibus intellexi, quàm suspensio animo, & sollicito scire aures, quid esset noui. tenemur undique: neque iam, quo minus seruiamus, recusamus; sed mortem, et eiectionem,



eiectionem, quasi maiora, timemus: quæ multo sunt minora. atque hic status, qui una uoce omnium gemitur, neque uerbo cuiusquam subleuatur. σκοπὸς est, ut suspicor, illis, qui timent illam cuiusquam largitionem relinquere. unus loquitur, & palam aduersatur adolescens Curio. huic plausus maximi, consalutatio forensis perhonorifica, signa præterea beneuolentiæ permulta a bonis impertuntur: Fusum clamoribus, & conuicijs, & sibilis consecretantur. his ex rebus non spes, sed dolor est maior; cum uideas ciuitatis uoluntatem solutam, uirtutem alligatam. ac, ne forte quæras κατὰ λέπὸν de singulis rebus, uniuersa res eò est dedueta, spes ut nulla sit, aliquando non modo priuatos, uerum etiam magistratus liberos fore, attamen in oppresione sermo in circulis dumtaxat, & in conuiujs est liberior, quàm fuit. uincere incipit timorem dolor, sed ita, ut omnia sint plenissima desperationis: habet etiam Campana lex execrationem in coitione candidatorum, si mentionem fecerint, quo aliter ager possideatur, atque ut ex legibus Iulij. non dubitant iurare ceteri. Laterensis existimatur recte fecisse, quòd tribunatum pl. petere destitit, ne iuraret. Sed de rep. non libet plura scribere. Displiceo mihi, nec sine summo scribo dolore. me tueor, ut oppressis omnibus, non demisse; ut tantis rebus gestis, parum fortiter. a Cesare ualde liberaliter inuitor in legationem illam, sibi ut sim legatus. atque etiam libera legatio uoti causa datur. sed hæc &

F præsidij



LIB. II. EPIST.

præsidij apud furorem Pulchelli non habet satis, et a fratris aduentu me ablegat: illa & munitior est, & non impedit, quominus adsim, cum uelim. & hanc ego teneo, sed usurum me non puto. neque tamen scit quisquam. non libet fugere: aueo pugnare. magna sunt hominum studia. sed nihil affirmo: tu hæc filebis. De Statio manumisso, & non nullis alijs rebus, angor equidem, sed iam prorsus occalui. tu, uellem ego, & cuperem, adesses. nec mihi consilium, nec consolatio deesset. sed ita te para, ut, si in clamaro, aduoles. Vale.

CICERO S. D. ATTICO. 19

MULTA me sollicitant, & ex re ip. tanto mihi, & ex ijs periculis, quæ mihi ipsi intenduntur: & sexcenta sunt. sed mihi nil est molestius, quàm Statium manumissum. nec meum imperium: ac mitto imperium, non similitudinem meam reuereri saltem? nec, quid faciam, scio: neque tantum est in re, quantus est sermo. ego autem ne irasci quidem possum ijs, quos ualde amo. tantum doleo, ac mirifice quidem. cetera in magnis rebus, minæ Clodij, contentionesque, quæ mihi proponuntur, modice me tangunt. etenim uel subire eas uideor mihi summa cū dignitate, uel declinare nulla cum molestia posse. Dices fortasse, dignitatis alius, τὰν ἀλὶς: salutis, si me amas, consule. Me miserum, cur non ades? nihil te profecto præteriret: ego fortasse τυφλώθη, & νικῶν τῷ καλῷ προαίποντα. scito nihil unquam fuisse



fuisse tam infame, tam turpe, tam per æque omnibus generibus, ordinibus, ætatibus offensum, quàm hūc statum, qui nunc est, magis mehercule, quàm uellē, non modo quàm putaram. populares isti iam etiam modestos homines sibilare docuerunt. Bibulus in cælo est, nec, quare, scio; sed ita laudatur, quasi Vnus homo nobis cunctando restituit rem. Pompeius, nostri amores, quod mihi summo dolori est, ipse se afflixit, neminem tenet: uoluntate, an metu necesse sit ijs uti, uereor. Ego autem neque pugno cū illa causa propter illam amicitia: neque approbo, ne omnia improbem, quæ antea gessi: utor uia. populi sensus maxime in theatro, & spectaculis perspectus est. nam, gladiatoribus, quā dominus, quā aduocati sibilis conscissi: ludis Apollinaribus Diphilus tragædus in nostrum Pompeium peiulanter inuectus est. Nostra miseria tu es Magnus. millies coactus est dicere eadem. Virtutem istam, ueniet tempus, cum grauitur gemes: totius theatri clamore dixit, itēq. cetera. nam et eiusmodi sunt ij uersus, uti in tempus ab inimico Pompeij scripti esse uideantur. Si neque leges, neque mores cogunt: & cetera magno cū fremitu, et clamore sunt dicta. Cæsar cum uenisset mortuo plausu, Curio filius est insecurus. huic ita plausus est, ut salua rep. Pompeio plaudi solebat. tulit Cæsar grauitur. litteræ Capuam ad Pompeium uolare dicebātur. inimici erant equitibus, qui Curioni stantes plauserant; hostes omnibus: Rosciæ legi, etiam frumētariæ minitabātur. sane res erat perturbata.

F 2 equidem



## LIB. II. EPIST.

equidem malueram, quod erat susceptum ab illis, silentio transiri: sed uereor, ne non liceat. non ferunt homines, quod uidetur esse tamen ferendum. sed est iam una uox omnium, magis odio firmata, quàm præsidio. Noster autem Publius mihi minitatur, inimicus est. impendet negotium: ad quod tu scilicet aduolabis. uideor mihi nostrum illum consularem exercitum bonorum omnium, etiam satis bonorum, habere firmissimum. Pompeius significat studium erga me non mediocre. idem affirmat, uerbum de me illum non esse facturum. in quo non me ille fallit, sed ipse fallitur. Cosconio mortuo, sum in eius locum inuitatus. id erat uocari in locum mortui. nil me turpius apud homines fuisset: neque uero, ad istam ipsam ἀσφάλειαν, quidquam alienius. sunt enim illi apud bonos inuidiosi: ego apud improbos meam retinuissem inuidiam, alienam assumpsissem. Cæsar me sibi uellet esse legatum. honestior hæc declinatio periculi. sed ego hoc non repudio. quid ergo est? pugnare malo: nihil tamen certi. iterum dico, utinam adesses. sed tamen, si erit necesse, arcessemus. Quid aliud? quid? hoc, opinor. certi sumus perisse omnia. quid enim ἀκρίβοις tam diu? Sed hæc scripsi properans, & me hercule timide. posthac ad te aut, si perfidelem habebo, cui dem, scribam plane omnia: aut, si obscure scribam, tu tamen intelliges. in his epistolis me Lælium, te Furium faciam: cetera erunt ἐν ἀνιχνυοῖς. Hic Cæciliū colimus, & obseruamus diligenter. Edicta  
Bibuli



Bibuli audio ad te missa. ijs ardet dolore, & ira  
noster Pompeius. Vale.

CICERO S. D. ATTICO. 20

ANICATO, ut te uelle intellexeram, nul-  
lo loco defui. Numestium ex litteris tuis, studiose  
scriptis, libenter in amicitiam recepi. Cæcilium,  
quibus rebus possum, tueor diligenter. Varro sa-  
tisfacit nobis: Pompeius amat nos, carosq. habet.  
credis? inquires. credo: prorsus mihi persuadet. sed  
quia, ut uideo, pragmatici homines omnibus histo-  
ricis præceptis, uersibus denique cauere iubent, &  
uetant credere: alterum facio, ut caueam; alteru  
ut non credam, facere non possum. Clodius adhuc  
mihi denunciatur periculum. Pompeius affirmat, non  
esse periculum; adiurat; addit etiam, se prius occi-  
sum iri ab eo, quam me uiolatum iri. tractatur  
res. simul quid erit certi, scribam ad te. si erit pu-  
gnandum, arcessam ad societatem laboris. si quies  
dabitur, ab Amalthea te non commouebo. De rep.  
breuiter ad te scribam: iam enim, charta ipsa ne  
nos prodat, pertimesco. itaque posthac, si erunt  
mihi plura ad te scribenda, ἀλλήγορίαις obscurabo.  
Nunc quidem nouo quodam morbo ciuitas mori-  
tur: ut, cum omnes ea, quæ sunt acta, improbent,  
querantur, doleant, uarietas in re nulla sit, aper-  
teq. loquantur, & iam clare gemant; tamen medi-  
cina nulla afferatur. neque enim resisti sine interne-  
cione posse arbitramur: nec uidemus, qui finis ce-  
dendi,



## LIB. II. EPIST.

dendi, præter exitium, futurus sit. Bibulus hominum admiratione, & bencuolentia in calo est. edita eius, & conciones describunt, & legunt. nouo quodam genere in summam gloriam uenit. populari nunc nil tam est, quàm odium popularium. hæc quò sint eruptura, timeo. sed, si dispicere quid cœpero, scribam ad te apertius. tu, si me amas tantum, quantum profecto amas; expeditus, facito, ut sis; si in clamaro, ut accurras. sed do operam, & dabo, ne sit necesse. Quod scripseram, te Furium scripturum; nil necesse est tuum nomen mutare. me faciam Lælium, & te Atticum; neque utar meo chirographo, neque signo; si modo erunt eiusmodi litteræ, quas in alienum incidere nolim. Diodotus mortuus est: reliquit nobis HS fortasse centies. Comitia Bibulus cum Archilochio edito in ante diem xv. kal. Nou. distulit. A Vibio libros accepi. poeta ineptus: nec tamen scit nihil, et est non inutilis. describo, & remitto. Vale.

CICERO S. D. ATTICO. 21

DE rep. quid ego tibi subtiliter? tota periit: atque hoc est miserior, quàm reliquisti, quòd tu uidebatur eiusmodi dominatio ciuitatem oppressisse, quæ iucunda esset multitudini, bonis autem ita molesta, ut tamen sine pernicië; nunc repente tanto in odio est omnibus, ut, quorsum eruptura sit, horreamus. nam iracundiam, atque intemperantiam illorum sumus experti, qui Catoni irati, omnia perdidere-



diderunt: sed ita lenibus uti uidebantur uenenis, ut  
posse uideremur sine dolore interire. nunc uero sibi-  
lis uulgi, sermonibus honestorum, fremitu Italiae,  
uereor, ne exarserint. equidem sperabam, ut saepe  
etiam loqui tecum solebam, sic orbem reip. esse  
conuersum, ut uix sonitum audire, uix impressam  
orbitam uidere possemus: & fuisset, si homines  
transitum tempestatis exspectare potuissent: sed  
cum diu occulte suspirassent, postea iam gemere, ad  
extremum uero loqui omnes, & clamare coepe-  
runt. itaque ille amicus noster, insolens infamiae,  
semper in laude uersatus, circumfluens gloria, de-  
formatus corpore, fractus animo, quò se conferat,  
nescit: progressum praecipitem, inconstantem redi-  
tum uidet: bonos inimicos habet, improbos ipsos  
non amicos. ac uide mollitiem animi: non tenui la-  
crymas, cum illum ante diem viii. kal. Sext. ui-  
di de edictis Bibuli concionantem, qui antea solitus  
esset iactare se magnificentissime illo in loco, sum-  
mo cum amore populi, cunctis fauentibus. ut ille  
tum humilis, ut demissus erat: ut ipse etiam sibi,  
non ijs solum, qui aderant, displicebat. spectaculum  
uni Crasso iucundum, ceteris non item. nam, quia  
deciderat ex astris, lapsus potius, quam progressus,  
uidebatur. & ut Apelles, si Venerem, aut si Pro-  
togenes Ialysum illum suum caeno oblitum uideret,  
magnum, credo, acciperet dolorem: sic ego hunc,  
omnibus a me pictum, et politum artis coloribus,  
subito deformatum non sine magno dolore uidi.



## LIB. II. EPIST.

quamquam nemo putabat, propter Clodianum negotium, me illi amicum esse debere. tamen tantus fuit amor, ut exhauriri nulla posset iniuria. itaque Archilochia in illum edita Bibuli populo ita sunt iucunda, ut eum locum, ubi proponuntur, præ multitudinem eorum, qui legunt, transire nequeamus; ipsi ita acerba, ut tabescat dolore; mihi mehercule molesta, quod & eum, quem semper dilexi, nimis excruciant; & timeo, tam uehemens uir, tamq. acer in ferro, & tam insuetus contumeliae, ne omni animi impetu dolori, & iracundiae pareat. Bibuli qui sit exitus futurus, nescio. ut nunc res se habet, admirabili gloria est. qui cum comitia in mensem Oct. distulisset; quod solet ea res populi uoluntatem offendere, putarat Caesar oratione sua posse impelli concionem, ut iret ad Bibulum. multa cum seditiosissime diceret, uocem exprimere non potuit. quid queris? sentiunt, se nullam ullius partis uoluntatem tenere: eo magis uis nobis est timenda. Clodius inimicus est nobis. Pompeius confirmat, eum nil esse facturum contra me. mihi periculosum est credere. ad resistendum me paro. studia spero me summa habiturum omnium ordinum. te cum ego desidero, tum uero res ad tempus illud uocat. plurimum consilij, animi, praesidij denique mihi, si te ad tempus uidero, accesserit. Varro satis mihi facit. Pompeius loquitur diuinitus. spero nos aut cum summa gloria, aut certe sine molestia esse discessuros. Tu, quid agas, quemadmodum te oblectes



blectes, quid cum Sicyonijs egeris, ut sciam, cura. Vale.

CICERO S. D. ATTICO. 22

QVAM uellem Romæ mansisses. quod egisses profecto, si hæc fore putassemus. nam Pulchellum nostrum facillime teneremus; aut certe, quid esset factururus, scire possemus. nunc se res sic habet. uolitat, furit, nil habet certi, multis denunciatur; quod fors obtulerit, id acturus uidetur. cum uidet, quo sit in odio status hic rerum; in eos, qui hæc egerunt, impetum factururus uidetur. cum autem rursus opes, & uim exercitus recordatur, conuertit se in nos. nobis autem ipsis tum uim, tum iudicium minatur. cum hoc Pompeius egit, & ut ad me ipse referebat, (aliud enim habeo neminem testem) uehementer egit, cum diceret, in summa se perfidiæ, & sceleris infamia fore, si mihi periculum crearetur ab eo, quem ipse armasset, quem plebeium fieri passus esset: sed fidem recepisse sibi & ipsum, & Appium de me: hanc si ille non seruaret, ita laturum, ut omnes intelligerent, nihil sibi antiquius amicitia nostra fuisse. hæc, & in eam sententiam cum multa dixisset, aiebat illum primo sane diu multa contra, ad extremum autem manus dedisse, & affirmasse nil se contra eius uoluntatem esse facturum. sed postea tamen ille non destitit de nobis asperrime loqui. quod si non faceret, tamen ei nihil credere-mus, atque omnia, sicut facimus, pararemus. nunc ita nos gerimus, ut in dies singulos & studia  
in nos



LIB. II. EPIST.

in nos hominum, & opes nostra augeantur. remp.  
 nulla ex parte attingimus. in caussis, atque in illa o-  
 pera nostra forensi, summa industria uersamur.  
 quod egregie non modo ijs, qui utuntur opera, sed  
 etiam in uulgus gratum esse sentimus. domus cele-  
 bratur: occurritur: renouatur memoria consula-  
 tus: studia significantur: in eam spem adducimur,  
 ut nobis ea contentio, quæ impendet, interdum non  
 fugienda uideatur. nunc mihi & consilijs opus est  
 tuis, & amore, & fide. quare aduola. expedita  
 mihi erunt omnia, si te habebo. multa per Varro-  
 nem nostrum agi possunt, quæ te urgente erunt fir-  
 miora; multa ab ipso Publio dici, multa cognosci;  
 quæ tibi occulta esse non poterunt: multa etiam:  
 sed absurdum est singula explicare, cum ego te re-  
 quiram ad omnia. unum illud tibi persuadeas ue-  
 lim, omnia mihi fore explicata, si te uidero: sed  
 totum est in eo, si ante, quàm ille ineat magistra-  
 tum. puto, Pompeium Crasso urgente, situ aderis,  
 qui per βοῶπιδα ex ipso intelligere possis, qua fide  
 ab illis agatur, nos aut sine molestia, aut certe sine  
 errore futuros. precibus nostris, & cohortatione  
 non indiges. quid mea uoluntas, quid tempus, quid  
 rei magnitudo postulet, intelligis. De rep. nihil ha-  
 beo ad te scribere, nisi summum odium omnium ho-  
 minum in eos, qui tenent omnia: mutationis tamē  
 spes nulla. sed, quod facile sentias, tædet ipsum Pom-  
 pecium, uehementerq. pœnitet. non prouideo satis,  
 quem exitum futurum putem. sed certo uidentur  
 hæc



hæc aliquò eruptura. Libros Alexandri, negligētis hominis, et non boni poetæ, sed tamen non inutilis, tibi remisi. Numerium Numestium libenter accipi in amicitiam; & hominem grauem, & prudentem, et dignum tua commendatione cognoui. Vale.

NVMQVAM ante arbitror te epistolam meam legisse, nisi mea manu scriptam. ex eo colligere poteris, quanta occupatione distinear. nam, cum uacui temporis nil haberem, & cum, recreandæ uocis læ, caussa necesse esset mihi ambulare, hæc dictauim ambulans. Primum igitur illud te scire uolo, Sampsiceramum, nostrum amicum, uehementer sui status panitere, restituiq. in eum locum cupere, ex quo decidit, doloremq. suum impertire nobis, & medicinam interdum aperte quærere; quam ego possum inuenire nullam: deinde omnes illius partis auctores, ac socios, nullo aduersario, consensescere; consensionem uniuersorum nec uoluntate, nec sermone maiorem umquam fuisse. Nos autem (nam, id te scire cupere, certo scio) publicis consilijs nullis intersumus, totosq. nos ad forensem operam, laboremq. contulimus. ex quo, quod facile intelligi possit, in multa commemoratione earum rerum, quas gessimus, desiderioq. uersamur. sed βοάπιδες noster consanguineus non mediocres terrores iacit, atque denunciat, & Sampsicera mo negat, ceteris præsefert, & ostentat. quamobrem, si me amas tantum



## LIB. II. EPIST.

tum, quantum profecto amas; si dormis, expergi-  
scere; si stas, ingredere; si ingrederis, curre; si cur-  
ris, aduola. credibile non est, quantum ego in consi-  
lijs, & prudentia tua, quodq. maximum est, quan-  
tum in amore, & fide ponam. magnitudo rei lon-  
gam orationem fortasse desiderat: coniunctio uero  
nostrorum animorum breuitate contenta est. per-  
magni nostra interest, te, si comitijs non potueris,  
at, declarato illo, esse Romæ. Cura, ut ualeas.

CICERO S. D. ATTICO. 24

QVAS Numestio litteras dedi, sic te ijs euoca-  
bam, ut nihil acrius, neque incitatus fieri posset.  
ad illam celeritatem adde etiam, si quid potes. ac  
ne sis perturbatus. noui enim te; & non ignoro,  
quàm sit amor omnis sollicitus, atque anxius. sed  
res est, ut spero, non tam exitu molestia, quàm adi-  
tu. Vettius, ille, ille noster index, Cæsari, ut per-  
spicimus, pollicitus est, sese, curaturum, ut in ali-  
quam suspicionem facinoris Curio filius adducere-  
tur. itaque insinuatus in familiaritatem adolescen-  
tis, & cum eo, ut res indicat, sæpe congressus, rem  
in eum locum deduxit, ut diceret sibi certum esse  
cum suis seruis in Pompeium impetû facere, eumq.  
occidere. hoc Curio ad patrem detulit, ille ad Pom-  
peium. res delata ad senatum est. introductus Vetti-  
tius, primo negabat, se umquam cum Curione resti-  
tisse; neque id sane diu: nam statim fidem publicam  
postulauit. reclamatum est. tum exposuit, manum  
fuisse inuentutis duce Curione, in qua Paullus ini-  
tio



tio fuisset, & Cn. Capio hic Brutus, & Lentulus, flaminis filius, conscio patre: postea C. Septimium, scribam Bibuli, pugionem sibi a Bibulo attulisse. quod totum irrisum est: Vettio pugionem defuisse, nisi ei consul dedisset. eoq. magis id eiectum est, quod ad III. id. Mai. Bibulus Pompeium fecerat certiozem, ut caueret insidias: in quo ei Pompeius gratias egerat. introductus Curio filius, dixit ad ea, quæ Vettius dixerat: maximeq. in eo tum quidem Vettius est reprehensus, quod dixerat adolescentum consilium, ut in foro cum gladiatoribus Gabini Pompeium adorirentur; in eo principem Paulum fuisse; quem constabat eo tempore in Macedonia fuisse. fit S. C. ut Vettius, quod confessus esset se cum telo fuisse, in uincula conijceretur: qui eum emisisset, contra remp. esse facturum. res erat in ea opinione, ut putarent id esse actum, ut Vettius in foro cum pugione, & item serui eius comprehenderentur cum telis, deinde ille se diceret indicaturum. idq. ita actum esset, nisi Curiones rem ante ad Pompeium detulissent. tum S. C. in concione recitatum est. postero autem die Caesar, is, qui olim, prætor cum esset, Q. Catulum ex inferiore loco iusserat dicere, Vettium in Rostra produxit, eumq. in eo loco constituit, quod Bibulo consuli aspirare non liceret. hic ille omnia, quæ uoluit, de rep. dixit; ut qui illuc factus, institutusq. uenisset. primum Cæpionem de oratione sua sustulit, quem in senatu acerrime nominarat: ut appareret, noctem, et nocturnam



## LIB. II. EPIST.

Et urnam deprecationem intercessisse. deinde, quos  
 in senatu ne tenuissima quidem suspicione attigerat,  
 eos nominavit, Lucullum, a quo solitum esse ad se  
 mitti C. Fannium illum, qui in P. Clodium subscrip-  
 serat; L. Domitium, cuius domum constitutâ fuis-  
 se, unde eruptio fieret. me non nominavit: sed di-  
 xit, consularem disertum, uicinum consulis, sibi di-  
 xisse, Abalam Seruiliū aliquem, aut Brutum o-  
 pus esse reperiri. addidit ad extremum, cum, iam  
 dimissa concione, renocatus a Vatinio fuisset, se au-  
 disse a Curione, his de rebus consciū esse Pisonem  
 generum meum, & M. Laterensem. nunc reus e-  
 rat apud Crassum Diuitem de ui, &, cum esset  
 damnatus, erat iudicium postulaturus: quod si im-  
 petraisset, iudicia fore uidebantur. ea nos, utpote  
 qui nihil contemnere solemus, non pertimesceba-  
 mus. hominum quidem summa erga nos studia si-  
 gnificabantur: sed prorsus uitæ tædet: ita sunt o-  
 mnia omnium miseriarum plenissima. modo cadem  
 timueramus, quam oratio fortissimi senis Q. Con-  
 sidiij discusserat: ea, quam quotidie timere potue-  
 ramus, subito exorta est. quid quæris? nil me in-  
 fortunatius, & Catulo, cum splendore uitæ, tum  
 hoc tempore. nos tamen in his etiam miserijs ere-  
 cto animo, & minime perturbato sumus, honestis-  
 simeq. dignitatem nostram, et magna cura tuemur.  
 Pompeius de Clodio iubet nos esse sine cura, et sum-  
 mam in nos benevolentiam omni ratione significat.  
 Te habere consiliorum auctorem, sollicitudinum so-  
 cium



etiam, omni in cogitatione coniunctum cupio. quare, ut Numestio mandavi, tecum ut ageret, item, atque eo, si potest, acrius te rogo, ut plane ad nos aduoles. respiraro, si te uidero. Vale.

CICERO S. D. ATTICO. 25

CVM aliquem apud te laudaro tuorum familia-  
rium, uolam illum scire ex te, me id fecisse; ut nuper  
me scis scripsisse ad te de Varronis erga me officio;  
te ad me rescripsisse, eam rem summæ tibi uoluptati  
esse. sed mallem, ad illum scripsisses, mihi illum satis  
facere: mirabiliter enim moratus est, sicut nosti, ἐλα-  
κτὰ, καὶ οὐδὲν. nos tenemus præceptum illud, τὰς  
τῶν κρατούων. at hercule alter, tuus familiaris,  
Hortensius quàm plena manu, quàm ingenue, quàm  
ornate nostras laudes in astra sustulit, cum de Flac-  
ci prætura. et de illo tempore Allobrogum diceret.  
sic habeto, nec amantius, nec honorificentius, nec co-  
piosius potuisse dici. ei te hoc scribere a me tibi esse  
missum, sane uolo. sed quid tu scribas? quem iam e-  
go uenire, atque adesse arbitror. ita enim egi tecum  
superioribus litteris. ualde te exspecto, ualdè deside-  
ro, neque ego magis, quàm ipsa res, et tempus po-  
scit. His de negotijs quid scribam ad te, nisi idem,  
quod sæpe? rep. nil desperatius: ijs, quorum opera,  
nil maiore odio. Nos, ut opinio, et spes, et coniectu-  
ra nostra fert, firmissima beneuolentia hominū mu-  
niti sumus. quare aduola. aut expedies nos omni mo-  
lestia, aut eris particeps. Ideo sum breuior, quòd, ut  
spero, coram breui conferre, quæ uolumus, licet.

M. TVLLII



M. TVLLII CICERONIS  
EPISTOLARVM AD T. POM-  
PONIVM ATTICVM LIBER III.

CICERO S. D. ATTICO.

**C**VM antea maxime nostra interesse  
arbitrabar, te esse nobiscum: tum ue-  
ro, ut legi rogationem, intellexi, ad  
iter, quod constitui, nil mihi optatius  
cadere posse, quàm ut tu me quamprimum conse-  
quare; ut, cum ex Italia profecti essemus, siue per  
Epirum iter esset faciundum, tuo, tuorumq. præsi-  
dio uteremur; siue aliud quid agendum esset, cer-  
tum consilium de tua sententia capere possemus.  
quamobrem te oro, des operam, ut me statim con-  
sequare. facilius potes, quoniam de prouincia Ma-  
cedonia perlata lex est. Pluribus uerbis tecum age-  
rem, nisi pro me apud te res ipsa loqueretur. Vale.

CICERO S. D. ATTICO. 2

ITINERIS nostri caussa fuit, quòd non habe-  
bam locum, ubi pro meo iure diutius esse possem,  
quàm in fundo Sicæ, præsertim non dum rogatione  
correcta. et simul intelligebam, ex eo loco, si te ha-  
berem, posse me Brundisium referre; sine te autem  
non esse nobis illas partes tenendas propter Au-  
tronium. nunc, ut ad te antea scripsi, si ad nos ue-  
neris, consilium totius rei capiemus. iter esse mole-  
stum



stum scio; sed tota calamitas omnes molestias habet. Plura scribere non possum. ita sum animo percusso, & abiecto. Cura ut ualeas. D. VI. id. Apr. Naryci Locridis.

## CICERO S. D. ATTICO. 3

VTINAM illum diem uideam, cum tibi agam gratias, quod me uiuere coegisti. adhuc quidem ualde me pœnitet. sed te oro, ut ad me Vibonem statim uenias, quod ego multis de causis conuerti iter meum. sed, eò si ueneris, de toto itinere, ac fuga mea consilium capere potero. si id non feceris, mirabor: sed confido te esse facturum. Vale.

## CICERO S. D. ATTICO. 4.

MISERIAE nostrae potius uelim, quam inconstantiae, tribuas, quod a Vibone, quod te arcessebamus, subito discessimus. allata est enim nobis rogatio de pernicië mea; in qua, quod confectum esse audieramus, erat huiusmodi, ut mihi ultra quadringenta millia liceret esse. illò cum peruenire non liceret, statim iter Brundisium uersus contuli ante diē rogationis: ne & Sica, apud quem eram, periret; & quod Melitæ esse non licebat. nunc tu propera, ut nos consequare; si modo recipiemur. adhuc inuitamur benigne: sed, quod superest, timemus. me, mi Pomponi, ualde pœnitet uiuere. qua in re apud me tu plurimum ualuisti. Sed hæc coram. fac modo, ut uenias. Vale.

G CICE-



CICERO S. D. ATTICO.

5

TERENTIA tibi & saepe, et maximas gratias agit. id est mihi gratissimum. ego uiuo miserrimus, & maximo dolore conficior. ad te quid scribam, ne scio. si enim es Romæ, iam me assequi non potes: sin es in uia; cum eris me affecutus; coram agemus, quæ erunt agenda: tantum te oro, ut, quoniam me ipsum semper amasti, eodem amore sis. ego enim idem sum: inimici mei mea mihi, non me ipsum, ademerunt. Cura ut ualeas. VIII. id. Apr. Thurij.

CICERO S. D. ATTICO.

6

NON fuerat mihi dubium, quin te Tarenti, aut Brundisij uisurus essem: idq. ad multa pertinuit, in eis, ut & in Epiro consistereamus, & de reliquis rebus tuo consilio uteremur. quoniam id non contigit, erit hoc quoque in magno numero nostrorum malorum. nobis iter est in Asiam, maxime Cyzicum. tibi meos commendo. me uix, misereq. sustento. Vale. D. III. kal. Mai. Tarenti.

CICERO S. D. ATTICO.

7

BRUNDISIUM ueni ad kal. Mai. eo die pueri tui mihi a te litteras reddiderunt: & alij pueri post diem tertium eius diei litteras alias attulerunt. Quod me rogas, & hortaris, ut apud te in Epiro sim: uoluntas tua mihi ualde grata est, & minime noua: & consilium mihi quidem optatum, si liceret  
ibi



ibi omne tempus consumere. odi enim celebritatem; fugio homines; lucem adspicere uix possum. esset mihi ista solitudo, præsertim tam familiari in loco, non amara: sed itineris caussa, ut diuertar, primum est deuium, deinde ab Autronio, & ceteris quatruidi: deinde sine te. nam castellum munitum habitanti mihi prodesset, transeunti non est necessarium. quod si auderem, Athenas peterem. sane ita cadebat, ut uellem. nunc & nostri hostes ibi sunt; & te non habemus; & ueremur, ne interpretentur, illud quoque oppidum ab Italia non satis abesse: nec scribis, quam ad diem te expectemus. Quod me ad uitam uocas: unum efficis, ut a me manus abstineam: alterum non potes, ut me non nostri consilij utique pæniteat. quid enim est, quod me retineat? præsertim si spes ea non est, quæ nos proficiscentes prosequeretur. non faciam, ut enumerem miseras omnes, in quas incidi per summam iniuriam, & scelus non tam inimicorum meorum, quam inuidorum; ne & meum mærorem exagitem, & te in eundem luctum uocem. hoc confirmo, neminem unquam tanta calamitate esse affectum, nemini mortem magis optandam fuisse. cuius oppetendæ tempus honestissimum prætermisum est. reliqua tempora non sunt tam ad medicinam, quam ad finem doloris. De rep. uideo te colligere omnia, quæ putes aliquam spem mihi posse afferre mutandarum rerum: quæ quanquam exigua sunt; tamen, quoniam placet, expectemus.



LIB. III. EPIST.

Tu nihilo minus, si properaris, nos consequere. nam aut accedemus in Epirū; aut per Candauiam tarde ibimus. Dubitationē autem de Epiro non inconstantia nostra afferebat, sed quod de fratre, ubi eum uisuri essemus, nesciebamus. quem quidem ego nec quo modo uisurus, nec ubi dimissurus sim, scio. id est maximum, & miserrimum mearum omnium miseriarum. Ego & saepius ad te, & plura scriberem, nisi mihi dolor meus cum omnes partes mentis, tum maxime huius generis facultatem ademisset. Videre te cupio. Cura ut ualeas. Pridie kal. Maij, Brundisij, proficiscens.

CICERO S. D. ATTICO. 8

SCRIPSERAM ad te, quas ob causas in Epirum non essemus profecti: quod & Achaia prope esset, plena audacissimorum inimicorum; & exitus difficiles haberet, cum inde proficisceremur. accessit, cum Dyrrbachij essemus, ut duo nuntij afferrentur; unus, classe fratrem Epheso Athenas, alter, pedibus per Macedoniam uenire. itaque illi obuiam misimus Athenas, ut inde Thessalonicam ueniret: ipsi processimus, & Thessalonicam ad x. kal. Iun. uenimus: neque de illius itinere quidquam certi habebamus, nisi eum ab Epheso ante aliquanto profectum. nunc, istic quid agatur, magnopere timeo. quanquam tu altera epistola scribis, idibus Mai. audire, fore, ut acrius postularet; altera, iā esse mitiora. sed haec pridie data, quā illa: quo  
contur-





conturbor magis. itaque, cum meus me mæror quotidianus lacerat, & conficit: tum uero hæc addita cura uix mihi uitam reliquam facit. sed & nauigatio perdifficilis fuit: & ille incertus, ubi ego essem, fortasse alium cursum petiuit. nam Phaeto libertus eum non uidit. uento reiectus ab illo in Macedoniam, Pelle mihi præsto fuit. reliqua quàm mihi timenda sint, uideo. nec, quid scribam, habeo: & omnia timeo. nec, tam miserum est quidquam, quod non in nostram fortunam cadere uideatur. equidem adhuc miser in maximis meis ærumnis, & luctibus, hoc metu adiecto, maneo Theſſalonica ſuſpenſus, nec audeo quidquam. Nunc ad ea, quæ ſcripſiſti. Tryphonem Cæcilium non uidi. Sermonem tuum, & Pompeij cognoui ex tuis litteris. Motum in rep. non tantum ego uideo, quantum tu aut uides, aut ad me conſolandum affers. Tigrane enim neglecto, ſublata ſunt omnia. Varroni me iubet agere gratias: faciam: item Hypſæo. Quod ſuades, ne longius diſcedamus, dum acta menſis Maij ad nos perferantur: puto me ita eſſe facturum; ſed, ubi, nondum ſtatui: atque ita perturbato ſum animo de Quinto, ut nihil queam ſtatuerè: ſed tamen ſtatim te faciam certiore. Ex epiſtolarum mearum incoſtantiâ puto te mentis meæ motum uidere. qui, etſi incredibili, & ſingulari calamitate afflictuſ ſum, tamen non tam eſt ex miſeria, quàm ex culpæ noſtræ recordatione, commotus. cuius enim ſcelere impulſi, ac proditi ſimus, iam proſecto ui-



## LIB. III. EPIST.

des : atque utinam iam ante uidisses , neque totum  
 animum tuum mærori mecum simul dedisses . qua-  
 re , cum me afflictum , & confectum luctu audies ,  
 existimato me stultitiæ meæ pœnam ferre grauius ,  
 quàm euenti ; quòd ei crediderim , quem esse nefa-  
 rium non putaram . Me & meorum malorum me-  
 moria , & metus de fratre in scribendo impedit . tu  
 ista omnia uide , & governa . Terentia tibi maxi-  
 mas gratias agit . Litterarum exemplum , quas ad  
 Pompeium scripsi , misi tibi . Vale . D. IV.  
 kal. Iunias , Thessalonicae .

## CICERO S. D. ATTICO. 9

QUINCTVS frater cum ex Asia discessisset  
 ante kal. Mai. & Athenas uenisset idibus , ualde  
 fuit ei properandum , ne quid absens acciperet cala-  
 mitatis ; si quis forte fuisset , qui contentus nostris  
 malis non esset . itaque malui eum properare Ro-  
 mam , quàm ad me uenire . & simul ( dicam enim ,  
 quod uerum est ; ex quo magnitudinem miseriarum  
 mearum perspicere possis ) animum inducere non  
 potui , ut aut illum , amantissimum mei , mollissimo  
 animo , tanto in mærore adspicerem ; aut meas mise-  
 rias , luctu afflictas , & perditam fortunam illi of-  
 ferrem ; aut ab illo adspici paterer . atque etiam illud  
 timebam , quod profecto accidisset , ne a me digre-  
 di non posset . uersabatur mihi tempus illud ante o-  
 culos , cum ille aut lictores dimitteret , aut ui euelle-  
 retur ex complexu meo . huius acerbitatis euentum  
 altera



altera acerbitate non uidendi fratris uitauit. in hunc  
me casum uos, uiuendi auctores, impulistis. itaque  
mei peccati luo pœnas. quanquam tuæ me litteræ  
sustentant: ex quibus, quantum tu ipse speres, fa-  
cile perspicio. quæ quidem tamen aliquid habebant  
solatiij ante, quàm eò uenisti, A POMPEIO.  
NUNC HORTENSIVM ALLICE,  
ET RIUSMODI VIROS. obsecro mi  
Pomponi, non dum perspicis, quorum opera, quo-  
rum insidijs, quorum scelere perierimus? sed te-  
cum hæc coram agemus. tantum dico, quod scire  
te puto: nos non inimici, sed inuidi perdidierunt.  
nunc si ita sunt, quæ speras; sustinebimus nos, &  
spe, qua iubes, nitemur. sin, ut mihi uidentur, in-  
firma sunt; quod optimo tempore facere non licuit,  
minus idoneo fiet. Terentia tibi sæpe gratias agit.  
Mihi etiam unum de malis in metu est, fratris mi-  
seri negotium. quod, si sciam, cuiusmodi sit; sciam,  
quid agendum mihi sit. Me etiam nunc istorum be-  
neficiorum, et litterarum expectatio, ut tibi pla-  
cet, Thessalonica tenet. si quid erit noui allatum;  
sciam, de reliquo quid agendum sit. Tu, si, ut scri-  
bis, kal. Iun. Roma profectus es, propediem nos  
uidebis. Litteras, quas ad Pompeium scripsi, ti-  
bi misi. Vale. Idibus Iun. Thessalonica.

CICERO S. D. ATTICO. 10

ACTA quæ essent usque ad viii. kal. Iun. co-  
gnoui ex tuis litteris: reliqua expectabam, ut tibi

G 4 place-



## LIB. III. EPIST.

placebat, Thessalonicæ: quibus allatis, facilius statuere potero, ubi sim. nam, si erit causa, si quid agatur, si spem uidero; aut ibidem operiar, aut me ad te conferam: sin, ut tu scribis, ista euauerint; aliud aliquid uidebimus. omnino adhuc nihil mihi significatis, nisi discordiam istorum; quæ tamen inter eos de omnibus potius rebus est, quam de me. itaque, quid ea mihi prosit, nescio. sed tamen, quoad me uos sperare uultis, uobis obtemperabo. Nā quod me tam saepe, & tam uehementer obiurgas, & animo infirmo esse dicis: quaeso, ecquod tantum malum est, quod in mea calamitate non sit? ecquis unquam ex tam amplo statu, in tam bona causa, tantis facultatibus, ingenij, consilij, gratiæ, tantis præsidij bonorum omnium concidit? possum obliuisci, qui fuerim; non sentire, qui sim? quo caream honore? qua gloria? quibus liberis? quibus fortunis? quo fratre? quem ego (ut nouum calamitatis genus attendas) cum pluris facerem, quam me ipsum, semperque fecissem, uitauit, ne uiderem: ne aut illius luctum, squaloremque adspicerem; aut me, quem ille florentissimum reliquerat, perditum illi, afflictumque offerrem. Mitto cetera intolerabilia: etenim fletu impediatur. hic utrum tandem sum accusandus, quod doleo, an, quod commisi, ut hæc aut non retinerem, (quod facile fuisset, nisi intra parietes meos de mea perniciæ consilia inirentur) aut certe uiuus amitterem? Hæc eo scripsi, ut potius releuares me, quod facis, quam aut castigatio

ne,



ne, aut obiurgatione dignum putares: eoq. ad te minus multa scribo; quod et mærore impediatur; et, quid expectem istinc, magis habeo, quam quid ipse scribam. quæ si erunt allata; faciam te nostri consilij certiolem. Tu, ut adhuc fecisti, quamplurimis de rebus ad me uelim scribas; ut prorsus ne quid ignorem. Vale. XIV. kal. Quint. Thessalonicae.

## CICERO S. D. ATTICO. II

ME & tuæ litteræ, et quidam boni nuntij, non optimis tamen auctoribus, et expectatio uestrarum litterarum, et quod tibi ita placuerat, adhuc Thessalonicae tenebant. si accepero litteras, quas expecto; si spes erit ea, quæ rumoribus afferebatur; ad te me conferam; si non erit, faciam te certiolem, quid egerim. Tu me, ut facis, opera, consilio, gratia iuua: consolari iam desine: obiugare uero noli: quod cum facis, ut ego tuum amorem, et dolorem desidero; quem ita affectum mea ærumna esse arbitror, ut te ipsum consolari nemo possit. Quintum fratrem optimum, humanissimumq. sustenta. Ad me, obsecro te, ut omnia certa perscribas. Vale. D. IV. kal. Quint.

## CICERO S. D. ATTICO. I2

TV quidem sedulo argumentaris, quid sit sperandum, & maxime per senatum: idemq. caput rogationis proponi scribis, quare in senatu dici nihil liceat: itaque siletur. Hic tu me accusas, quod me  
affli-



afflictum; cum ita sim afflictus, ut nemo unquam: quod tute intelligis. Spem ostendis secundum comitia. quæ ista est, eodem tribuno pl. et inimico consule designato? Percussisti autem me etiam de oratione prolata. cui uulneri, ut scribis, medere, si quid potes. scripsi equidem olim ei iratus, quod ille prior scripserat; sed ita compresseram, ut nunquam emanaturam putarem. quo modo exciderit, nescio. sed quia nunquam accidit, ut cum eo uerbo uno concertarem; et quia scripta mihi uidetur negligētius, quàm cetera: puto posse probari, non esse meam. id, si putas me posse sanari, cures uelim: sin plane perij, minus laboro. Ego etiam nunc eodem in loco iaceo, sine sermone ullo, sine cogitatione ulla. Licet tibi, ut scribis, significarem, ut ad me uenires Sidona: tamen intelligo te istic prodesse, hic ne uerbo quidem leuare me posse. Nō queo plura scribere: nec est, quod scribam: uestra magis exspecto. Vale.  
xvi. kal. Sext. Thessalonica.

CICERO S. D. ATTICO. 13

QVOD ad te scripseram, me in Epiro futurum: postea quàm extenuari spem nostram, & euanescere uidi, mutauī consilium; nec me Thessalonica commoui, ubi esse constitueram, quoad aliquid ad me de eo scriberes, quod proximis litteris scripseras, fore, uti secundum comitia aliquid de nobis in senatu ageretur; id tibi Pompeium dixisse. qua de re, quoniam comitia habita sunt, tuq. nil  
ad



ad me scribis; perinde habebō, ac sibi scripsisses nihil esse; meq. temporis non longinqui spe ductum esse, moleste feram. Quem autem motum te uidere scripseras, qui nobis utilis fore uideretur, eum nūtiānt, qui ueniunt, nullum fore. In tribunis pl. designatis reliqua spes est: quam si exspectaro; non erit, quod putes me causae meae, ac uoluntati meorum defuisse. Quod me sepe accusas, cur hunc meum casum tam grauiter feram: debes ignoscere: cum ita me afflictum uideas, ut neminem unquam nec uideris, nec audieris. nam quod scribis te audire, me etiam mentis errore ex dolore affici: mihi uero mens integra est, atque utinam tam in periculo fuisset, cum ego ijs, quibus meam salutem carissimam esse arbitrabar, inimicissimis, crudelissimisq. usus sum: qui, ut me paululum inclinari timore uiderunt, sic impulerunt, ut omnia suo scelere, & perfidia abuterentur ad exitium meum. nunc, quoniam est Cyzicum nobis eundum; quo rarius ad me litterae perferentur, hoc uelim diligentius omnia, quae putaris me scire opus esse, perscribas. Quinctum fratrem meū fac diligas: quem ego miser si incolumem relinquo, non me totum perisse arbitrabor. Vale. nonis Sext.

CICERO S. D. ATTICO. 14

Ex tuis litteris plenus sum expectatione de Pompeio, quidnam de nobis uelit, aut ostendat. comitia enim credo esse habita: quibus absolutis, scribis illi placuisse agi de nobis. si tibi stultus esse

ui-



## LIB. III. EPIST.

uideor, qui sperem; facio tuo iussu; & scio te me ijs  
epistolis potius, et meas spes solitum esse remorari.  
nunc uelim, mihi plane perscribas, quid uideas. scio  
nos nostris multis peccatis in hanc ærumnam incidis-  
se: ea si qui casus ex parte correxerunt; minus mo-  
leste feremus nos uixisse, & adhuc uiuere. Ego,  
propter uicæ celebritatem, & quotidianam expecta-  
tionem rerum nouarum, non commoui me adhuc  
Thessalonica: sed iam extrudimur, non a Plancio,  
(nam is quidem retinet) uerum ab ipso loco, mini-  
me appposito ad tolerandam in tanto luctu calamita-  
tem. In Epirum ideo, ut scripseram, non iui, quod  
subiti mihi uniuersi nuntij uenerant, & litteræ,  
quare nihil esset necesse quamproxime Italiam esse.  
hinc, si aliquid a comitijs audierimus, nos in Asiam  
conuertemus: neque adhuc stabat, quò potissimum:  
sed scies. Vale. XII. kal. Sext. Thessalonica.

CICERO S. D. ATTICO. 15

ACCEPI idibus Sext. quattuor epistolas a  
te missas; unam, qua me obiurgas, & rogas, ut  
sim firmior; alteram, qua Crassi libertum ais tibi  
de mea solitudine, macieq. narrasse; tertiam, qua  
demonstras acta in senatu; quartam de eo, quod a  
Varrone scribis tibi esse confirmatum de uoluntate  
Pompeij. Ad primam tibi hoc scribo; me ita dole-  
re, ut non modo a mente non deserar, sed id ipsum  
doleam, me, tam firma mente ubi utar, & quibus-  
cum, non habere. nam si tu me uno non sine mæro-  
re



re cares; quid me censes, qui & te, & omnibus?  
& si tu incolumis me requiris; quo modo a me ip-  
sam incolumitatem desiderari putas? nolo comme-  
morare, quibus rebus sim spoliatus, non solū quia  
non ignoras, sed etiam ne scindam ipse dolorem  
meum. hoc confirmo, neque tantis bonis esse priua-  
tum quenquam, neque in tantas miseras incidisse.  
dies autem non modo non leuat luctum hunc, sed  
etiam auget. nam ceteri dolores mitigantur uetu-  
state; hic non potest non et sensu præsenti miseriæ,  
& recordatione præteritæ uitæ quotidie augeri. de-  
sidero enim non mea solum, neque meos, sed me  
ipsum. quid enim sum? sed non faciam, ut aut tuū  
animum angam querelis, aut meis uulneribus sæ-  
pius manus afferam. Nam quod purgas eos, quos  
ego mihi scripsi inuidisse, & in eis Catonē: ego ue-  
ro tantum illum puto ab isto scelere abfuisse, ut ma-  
xime doleam, plus apud me simulationem aliorū,  
quā istius fidem, ualuisse. ceteri, quos purgas, de-  
bent mihi purgati esse, tibi si sunt. Sed hæc sero agi-  
mus. Crassi libertum nihil puto sincere locutum.  
In senatu rem probe scribis actam. sed quid Curio?  
an illam orationem non legit? quæ unde sit prolata,  
nescio. sed Axius, eiusdē diei scribens ad me acta,  
non ita laudat Curionem. at potest ille aliquid præ-  
termittere: tu, nisi quod erat, profecto non scripsi-  
sti. Varronis sermo facit expectationē Cæsaris. at-  
que utinam ipse Varro incumbat in causam. quod  
profecto cum sua sponte, tum te instante faciet. ego,  
si me



## LIB. III. EPIST.

si me aliquando uestri, & patriæ compotem fortuna  
 fecerit, certe efficiam, ut maxime latere unus  
 ex omnibus amicis; meaq. officia, & studia, quæ  
 parum antea luxerunt, (fatendum est enim) sic  
 exequar, ut me æque tibi, ac fratri, & liberis no-  
 stris, restitutum putes. si quid in te peccaui, ac po-  
 tius quoniam peccaui, ignosce. in me enim ipsum pec-  
 caui uehementius. neque hæc eo scribo, quo te non  
 meo casu maximo dolore esse affectum sciam: sed  
 profecto, si, quantum me amas, & amasti, tan-  
 tum amare deberes, ac debuisses; nunquam esses  
 passus me, quo tu abundas, egere consilio; nec es-  
 ses passus mihi persuaderi, utile nobis esse, legem de  
 collegiis perferri. sed tu tantum lacrymas præbui-  
 sti dolori meo, quod erat amoris, tanquam ipse e-  
 go: quod meritis meis perfectum esse potuit, ut dies,  
 & noctes, quid mihi faciendum esset, cogitares, id  
 abs te meo, non tuo scelere prætermisum est. quod si  
 non modo tu, sed quisquam fuisset, qui me Pompeij  
 minus liberali responso perterritum a turpissimo cō-  
 silio reuocaret, quod unus tu facere maxime potui-  
 sti: aut occubuissem honeste, aut uictores hodie ui-  
 ueremus. Hic mihi ignoscas: me enim ipsum mul-  
 to magis accuso; deinde te, quasi me alterum: & si  
 mul meæ culpæ socium quero. si restitutor, etiam mi-  
 nus uidebimur deliquisse; abs teq. certe, quoniam  
 nullo nostro, tuo ipsius beneficio diligemur. Quod  
 te cum Culeone scribis de priuilegio locutum; est ali-  
 quid; sed multo est melius, abrogari. si enim nemo  
 in-



impediet, sic est firmitus: sin erit, qui ferri non sinat; idem S. C. intercedet. nec quidquam aliud opus est, quam abrogari. nam prior lex nos nihil lae debat. quam si, ut est promulgata, laudare uoluissimus, aut, ut erat negligenda, negligere; nocere omnino nobis non potuisset. hic mihi primum non modo consilium defuit, sed etiam obfuit. cæci, cæci, inquam, fuimus in uestitu mutando, in populo rogando. quod, nisi nominatim mecum agi ceptum esset, fieri perniciosum fuit. sed pergo præterita. ueruntamen ob hanc causam, ut, si quid ageretur, legem illam, in qua popularia multa sunt, ne tangatis. uerum est stultum, me præcipere, quid agatis, aut quo modo. utinam modo agatur aliquid. multa occultant tuæ litteræ; credo, ne uehementius desperatione perturber. quid enim uides agi posse, aut quo modo? per senatū ne? asi tute scripsisti ad me, quoddam caput legis Clodium in curiæ poste fixisse, ne referri, ne ue dici liceret. quo modo igitur Domitius se dixit relaturum? quo modo autem ijs, quos tu scribis, & de re dicentibus, & ut referretur, postulantibus, Clodius tacuit? ac, si per populum, poterit ne, nisi de omnium tribunorum pl. sententia? quid de bonis? quid de domo? poterit ne restitui? aut, si non poterit, egomet quo modo potero? hæc nisi uides expediri, quam in spem me uocas? sin autem spei nihil est, quæ est mihi uita? itaque exspecto Thessalonica acta kal. Sext. ex quibus statuam, in tuos ne agros confugiam, ut neque uideam homines,



## LIB. III. EPIST.

nes; quos nolim; et te, ut scribis, uideam; & propius sim, si quid agatur. idq. intellexi cum tibi, cum Quinto fratri placere; an abeam Cyzicum. Nunc Pomponi, quoniam nil impertisti tuæ prudentiæ ad salutem meam, quòd aut in me ipso satis esse consilij decreueras, aut te nil mihi plus debere, quàm ut præsto esses; quandoquidem ego proditus, indutus, coniectus in fraudem, omnia mea præsidia neglexi, totam Italiam, in me erectam ad me defendendum, destitui, & reliqui; me meis tradidi inimicis, inspectante, & tacente te; qui si non plus ingenio ualebas, quàm ego, certe timebas minus: si potes, erige afflictos, et in eo nos iuua. sin omnia sunt obstructa; id ipsum fac ut sciamus, & nos aliquando aut obiurgare, aut communiter consolari desine. Ego si tuam fidem accusarem; non me potissimum tuis tectis crederem. meam amentiam accuso, quòd a te tantum amari, quantum ego uellem, putavi: quod si fuisset, fidem eandem, curam maiorem adhibuisses; me certe ad exitium præcipitantem retinuisses; istos labores, quos nunc in naufragijs nostris suscipis, non subisses. quare fac, ut omnia ad me perspecta, & explorata perscribas; meque, ut facis, uelis esse aliquem; quoniam, qui fui, & qui esse potui, iam esse non possum; et ut his litteris note, sed me ipsum a me esse accusatum putes. Si qui erunt, quibus putes opus esse meo nomine litteras dari, uelim conscribas, curesq. dandas. Vale.

D. XIV. kal. Sept.

CICERO



## CICERO S. D. ATTICO. 16

TOTVM iter mihi incertum facit expectatio litterarum tuarum kal. Sext. datarum, non aliud aliquid. si spes erit, Epirum, sin minus, Cyzicum, aut aliud quid sequemur. tuæ quidem litteræ, quo sæpius a me leguntur, hoc spem faciunt mihi minorem, quàm cum lætæ sunt. tum id, quod attulerunt ad spem, infirmant: ut facile appareat, te & consolationi seruire, & ueritati. idq. te rogo plane, ut ad me, quæscis, ut erunt, quæ putabis, ita scribas. Vale. D. XII. kal. Sept.

## CICERO S. D. ATTICO. 17

DE Quinto fratre nuntij nobis tristes, nec uarij uenerant ex ante diem non. Iun. usque ad prid. kal. Sept. eo autem die Liuienius, L. Reguli libertus, ad me a Regulo missus uenit. is omnino mentionem nullam factam esse nuntiauit, sed fuisse tamen sermonem de C. Clodij filio: isq. mihi tum a fratre litteras attulit. sed postridie Sextij pueri uenerunt, qui a te litteras attulerunt, non tam exploratas a timore, quàm sermo Liuienij fuerat. sane sum in meo infinito mærore sollicitus, & eo magis, quòd Appij quæstio est. Cetera, quæ ad me eisdem litteris scribis de nostra spe, intelligo esse languidiora, quàm alij ostendunt. ego autem, quoniam non longe ab eo tempore absumus, in quo res dijudicabitur, aut ad te conseram me, aut etiam nunc circum hæc loca cō-

H morabor.



## LIB. III. EPIST.

morabor. Scribit ad me frater, omnia sua per te u-  
num sustineri. quid te aut hortet, quod facis; aut  
agam gratias, quod non expectas? tantum uelim,  
fortuna det nobis potestatem, ut incolumes amore  
nostro perfruamur. Tuas litteras semper maxime  
expecto. in quibus, caue, ne aut diligentia tua  
mihi molesta, aut ueritas acerba sit. Vale.

D. prid. non. Sept.

## CICERO S. D. ATTICO. 18

EXPECTATIONEM nobis non par-  
uam attuleras, cum scripseras, Varronem tibi pro  
amicitia confirmasse, causam nostram Pompeium  
certe suscepturum, & simul a Cæsare ei litteræ,  
quas expectaret, remissæ essent, auctorem etiam  
daturum. utrum id nihil fuit, an aduersatæ sunt  
Cæsaris litteræ? an est aliquid in spe? Etiam illud  
scripseras, eundem, secundum comitia, dixisse.  
fac (si uides, quantis in malis iaceam, & si putas  
esse humanitatis tuæ) me fac de tota causa nostra  
certiorē. nam Quinctus frater, homo mirus, qui me  
tam ualde amat, omnia mittit spei plena, metuens,  
credo, defectionem animi mei. tuæ autem litteræ  
sunt uariæ. neque enim me desperare uis, nec te-  
mere sperare. fac, obsecro te, ut omnia, quæ pro-  
spici a te possunt, sciamus. Vale.

## CICERO S. D. ATTICO. 19

QUOD eiusmodi mihi litteræ a uobis affere-  
bantur, ut aliquid ex ijs esset expectandum; spe, &  
cupi-



cupiditate Theſſalonica detentus ſum. poſtea quàm  
omnis actio huius anni conſecta nobis uidebatur, in  
Aſiam ire nolui; quòd & celebritas mihi odio eſt;  
& ſi fieret aliquid a nouis magiſtratibus, abeſſe  
longe nolebam. itaque in Epirum ad te ſtatuì me  
conferre; non quo mea intereſſet loci natura, qui  
lucem omnino fugerem: ſed aut ad ſalutem libentiſ-  
ſime ex tuo portu proficiſcar: aut, ſi ea præciſa erit,  
nuſquam facilius hanc miſerrimam uitam uel ſuſten-  
tabo, uel, quod multo eſt melius, abiecero. ero  
cum paucis, multitudinem dimittam. Me tuæ litte-  
ræ nunquam in tantam ſpem adduxerunt, quantam  
aliorum: attamen mea ſpes etiam tenuior ſemper  
fuit, quàm tuæ litteræ. ſed tamen, quoniam cæ-  
ptum eſt, age, quoquo modo cæptum eſt, & qua-  
cunque de cauſſa, non deferam neque optimi, atque  
unici fratris miſeras, atque luctuoſas preces, nec  
Sextij, ceterorumq. promiſſa, nec ſpem ærumno-  
ſiſſimæ mulieris Terentia, nec miſerrimæ mulieris  
Tulliola obſecrationem, et fideles litteras tuas. mi-  
hi Epirus aut iter ad ſalutem dabit; aut, quod ſcri-  
pſi ſupra, te oro, & obſecro Pomponi, ſi me omni-  
bus ampliſſimis, cariſſimis, iucundiſſimisq. rebus per-  
fidia hominum ſpoliatum; ſi me a meis conſiliarijs  
proditum, & proiectum uides; ſi intelligis me coa-  
ctum, ut ipſe me, & meos perderem; ut me tua  
miſericordia iuues, & Quintum fratrem, qui po-  
teſt eſſe ſaluus, ſuſtentes; Terentiam, liberosq.  
meos tueare; me, ſi putas te iſtic uiſurum, exſpe-

H 2 etes;



LIB. III. EPIST.

Et es; si minus, inuisas, si potes; mihiq. ex agro tuo  
tantum assignes, quantum meo corpore occupari  
potest; & pueros ad me cum litteris quamprimum,  
& quam sapissime mittas. Vale. XVI.  
kal. Oct.

CICERO S. D. Q. CAECILIO Q. F.  
POMPONIANO ATTICO. 20

QVOD quidem ita esse, & auunculum tuum  
functum esse officio, uehementissime probo: gaude-  
re me tum dicam, si mihi hoc uerbo licebit uti. Me  
miserum, quam omnia essent ex sententia, si nobis  
animus, si consilium, si fides eorum, quibus credidi-  
mus, non defuisset. quæ colligere nolo, ne augeam  
maerorem. sed tibi uenire in mentem certo scio, quæ  
uita esset nostra, quæ suauitas, quæ dignitas. ad  
quæ recuperanda per fortunas incumbe, ut facis;  
diemq. natalem reditus mei, cura, ut in tuis edi-  
bus amœnissimis agam tecum, & cum meis. Ego  
huic spei, & expectationi, quæ nobis proponitur,  
maxime tamen uolui præstolari apud te in Epiro:  
sed ita ad me scribitur, ut putem esse commodius,  
nos eisdem in locis esse. De domo, & Curionis ora-  
tione, ut scribis, ita est. in uniuersa salute, si ea mo-  
do nobis restituetur, inerunt omnia. ex quibus ni-  
hil malo, quam domum. sed tibi nihil mando nomi-  
natim: me totum tuo amori, fideiq. commendo.  
Quod, te in tanta hereditate, ab omni occupatione  
expedisti, ualde mihi gratum est. Quod facultates  
tuas



tuas ad meam salutem polliceris, ut omnibus rebus  
a te præter ceteros iuuer: id quantum sit præsidium,  
uideo; intelligoque, te multas partes meæ salutis  
& suscipere, & posse sustinere, neque, ut ita fa-  
cias, rogandum esse. Quod me uetas quidquam  
susplicari accidisse ad animum tuum, quod secus a  
me erga te commissum, aut prætermisum uideretur:  
geram tibi morem, et liberabor ista cura: tibi  
tamen eo plus debebo, quo tua in me humanitas  
fuerit excelsior, quam in te mea. Velim, quid ui-  
deas, quid intelligas, quid agatur, ad me scribas,  
omnesq. ad nostram salutem adhortere. Rogatio  
Sextij neque dignitatis satis habet, nec cautionis.  
nam et nominatim ferre oportet, & de bonis dili-  
gentius scribi: & id animaduertas uelim. Vale.  
i v. non. Oct. Thessalonice.

CICERO S. D. ATTICO. 21

TRIGINTA dies erant ipsi, cum has da-  
bam litteras, per quos nullas a uobis acceperam.  
mibi autem erat in animo, iam, ut antea ad te  
scripsi, ire in Epirum, & ibi omnem casum po-  
tissimum expectare. Te oro, ut, si quid erit,  
quod perspicias, quamcunque in partem, quam-  
planissime ad me scribas, & meo nomine, ut scri-  
bis, litteras, quibus putabis opus esse, ut des.  
Vale. v. kal. Nou.



ET SI diligenter ad me Quinctus frater, & Piso, quæ essent acta, scripserant: tamen uellem, tuate occupatio non impedisset, quo minus, ut consuesti, ad me, quid ageretur, & quid intelligeres, perscriberes. Me adhuc Plancius liberalitate sua retinet, iam aliquoties conatum ire in Epirum. spes homini est iniecta, non eadem, quæ mihi, posse nos una decedere. quam rem sibi magno honori sperat fore. sed iam, cum aduentare milites dicentur, faciendum nobis erit, ut ab eo discedamus. quod cum faciemus, ad te statim mittemus; ut scias, ubi simus. Lentulus suo in nos officio, quod & re, et promissis, & litteris declarat, spem nobis non nullam affert Pompeij uoluntatis. sæpe enim tu ad me scripsisti, eum totum esse in illius potestate. De Metello scripsit ad me frater, quantum speraret, profectum esse per te. Mi Pomponi pugna, ut tecum, & cum meis mihi liceat uiuere; & scribe ad me omnia. premor cum luctu, tum desiderio omnium rerum, quæ mihi me cariores semper fuerant. Cura, ut ualeas.

Ego, quod, per Thessaliam si irem in Epirum, per diu nihil eram auditurus, & quod mei studiosos habeo Dyrrhachinos, ad eos perrexi, cum illa superiora Thessalonica scripsissem. inde cum ad te me conuertam, faciam ut scias. tuq. ad me uelim omnia quam diligentissime, cuiusmodi sunt, scribas.



bas. ego iam aut rem, aut ne spem quidem exspecto. Vale. VI. kal. Dec. Dyrrhachij.

CICERO S. D. ATTICO.

23

AD V. kal. Dec. tres epistolas a te accepi, unam datam ad VIII. kal. Nou. in qua me hortaris, ut forti animo menssem Ian. exspectem: eaque, quæ ad spem putas pertinere, de Lentuli studio, de Metelli uoluntate, de tota Pompeij ratione, perscribis. in altera epistola, præter consuetudinem tuam, diem non adscribis: sed satis significas tempus. lege enim ab octo tribunis pl. promulgata, scribis te eas litteras eo ipso die dedisse, id est ad IV. kal, Nou. et, quid putes utilitatis eam promulgationem attulisse, scribis. in quo si etiam nostra salus cum hac lege desperata erit, uelim pro tuo in me amore hanc inanem meam diligentiam miserabilem potius, quam ineptam, putes: sin est aliquid spei, des operam, ut maiore diligentia posthac a nostris magistratibus defendamur. nam ea ueterum tribunorum pl. rogatio tria capita habuit; unum de reditu meo, scriptum incaute: nihil enim restituitur; præter ciuitatem, & ordinem: quod mihi pro meo casu satis est: sed, quæ cauenda fuerint; & quo modo, te non fugit. alterum caput est tralatitium de impunitate, si quid contra alias leges eius legis ergo factum sit. tertium caput, mi Pomponi, quo consilio, & a quo sit inculcatum, uide. scis enim Clodium sanxisse, ut uix, aut omnino non posse nec per

H 4

senatum;



LIB. III. EPIST.

senatum, nec per populum infirmari sua lex. sed vi-  
des, nunquam esse observatas sanctiones earum le-  
gum, quæ abrogarentur. nam si id esset: nulla fe-  
re abrogari posset: (neque enim ulla est, quæ non  
ipsa se sepiat difficultate abrogationis) sed, cum lex  
abrogatur, illud ipsum abrogaretur, quo modo eam  
abrogari oporteat. hoc cum re vera ita sit; cum  
semper ita habitum, observatumq. sit: octo nostri  
tribuni pl. caput posuerunt hoc: SI QUID IN  
HAC ROGATIONE SCRIPTUM EST,  
QVOD PER LEGES, PLEBIS VE SCI-  
TA, HOC EST, QVOD PER LEGEM  
CLODIAM PROMVLGARE, ABROGA-  
RE, DEROGARE, OBROGARE SINE  
FRAUDE SUA NON LICEAT, NON LI-  
\* CVERIT; QVOD VEL QVI PROMVL-  
GAVIT, DEROGAVIT, OB EAM REM  
\* POENAE, MVLTAE VE SIT EH. INR.  
atque hoc in illis tribunis pl. non lædebat: lege enim  
collegij sui non tenebantur. quo maior est suspicio  
malitiæ alicuius; cum id, quod ad ipsos nihil perti-  
nebat, erat autem contra me, scripserunt: ut novi  
tribuni pl. si essent timidiore, multo magis sibi eo  
capite utendum putarent. neque id a Clodio præ-  
termisum est. dixit enim in concione a. d. III.  
non. hoc capite designatis tribunis pl. præscriptum  
esse, quid liceret. tamen, in lege nulla esse eiusmodi  
caput, te non fallit. quod si opus esset, omnes in  
abrogando uterentur. Nimmium, ac ceteros fuge-  
rit.



rit. inuestiges, uelim, & quis attulerit; & quare octo tribuni pl. ad senatum de me referre non dubitarint. si enim, quod obseruandum illud caput non putabant: ijdem in abrogando tam cauti fuerunt, ut id metuerent, soluti cum essent, quod ne ijs quidem, qui lege tenentur, est curandum. id caput sane nolim nouos tribunos pl. ferre: sed perferant modo quidlibet: uno capite, quo reuocabor, (modo res conficiatur) ero contentus. Iam dudum pudet tam multa scribere: uereor enim, ne re iam desperata legas; ut haec mea diligentia miserabilis tibi, alijs irridenda uideatur. sed si est aliquid in spe, uide legem, quam T. Fadio scripsit T. Visellius. ea mihi perplacet. nam Sextij nostri, quam tu tibi probari scribis, mihi non placet. Tertia est epistola prid. id. Nou. data: in qua exponis prudenter, & diligenter, quae sint, quae rem distingere uideantur, de Crasso, de Pompeio, de ceteris. quare oro te, ut, si qua spes erit, posse studijs bonorum, auctoritate, multitudine comparata rem confici; des operam, ut uno impetu perfringatur; in eam rem incumbas, ceterosq. tu excites. sin, ut ego perspicio cum tua coniectura, tum etiam mea, spei nihil est; oro, obtestorq. te, ut Quintum fratrem ames, quem ego miserum misere perdidi; ne ue quid eum patiare grauius cosulere de se, quam expediat sororis tuae filio; meum Ciceronem, cui nihil misello relinquo praeter inuidiam, & ignominiam nominis mei, tueare, quoad poteris; Terentiam,



LIB. III. EPIST.

tiam, unam omnium ærumnosissimam, sustentantes  
tuis officijs. Ego in Epirum proficiscar. cum pri-  
morum dierum nuntios excepero. Tu ad me, ue-  
lim, proximis litteris, ut se initia dederint, perscri-  
bas. Vale. Pridie kal. Dec.

CICERO S. D. ATTICO: 24

ANTEA, cum ad me scripsissetis, uestro con-  
sensu consulares prouincias ornatas esse; etsi uere-  
bar, quorsum id casurum esset, tamen sperabam uos  
aliquid aliquando uidisse prudentius. postquam mi-  
hi & dictum est, & scriptum, uehementer consi-  
lium uestrum reprehendi: grauiter sum commotus;  
quòd illa ipsa spes exigua, quæ erat, uidetur esse  
sublata: nam si tribuni pl. nobis succensent, quæ po-  
test spes esse? ac uidentur iure succensere: cum &  
expertes consilij fuerint, qui causam nostram susce-  
perant; & nostra concessione omnem uim sui iuris  
amiserint: præsertim cum ita dicant, se nostra caus-  
sa uoluisse suam potestatem esse de consulibus ornan-  
dis, non ut eos impcdirent, sed ut ad nostram caus-  
sam adiungerent: nunc, si consules a nobis alienio-  
res esse uelint, posse id libere facere; sin uellent no-  
stra causa, nihil posse se inuitis. Nam quod scribis;  
ni ita nobis placuisset, illos hoc idem per populum  
affecuturos fuisse: inuitis tribunis pl. fieri nullo mo-  
do potuit: ita uereor, ne & studia tribunorum ami-  
serimus, & si studia mancant, uinculum illud ad-  
iungendorum consulum amissum sit. Accedit aliud  
non



non paruum incommodum, quod grauis illa opinio, ut quidem ad nos perferebatur, senatum nihil decernere ante, quam de nobis actum esset, amissa est, praesertim in ea causa, quae non modo necessaria non fuit, sed etiam inusitata, ac noua. neque enim unquam arbitror ornatas esse prouincias designatorum: ut, cum in hoc illa constantia, quae erat mea causa suscepta, immutata sit, nihil iam possit non decerni. iam, uis, ad quos relatum est, amicis placuisse, non mirum sit. erat enim difficile reperire, qui contra tanta commoda duorum consulum palam sententiam diceret. & fuit omnino difficile non obsequi uel, amicissimo homini, Lentulo, uel Metello, qui similitatem humanissime deponeret. sed uereor, ne, hos cum tenere potuerimus, tribunos pl. amiserimus. haec res quemadmodum ceciderit, et tota res quo loco sit, uelim ad me scribas, et ita, ut instituisti. nam ista ueritas, etiam si iucunda non est, mihi tamen grata est. Vale.  
D. I V. id. Dec.

CICERO S. D. ATTICO. 25

POST tuum a me discessum litterae mihi Roma allatae sunt: ex quibus prospicio nobis in hac calamitate tabescendum esse. neque enim, (sed bonam in partem accipies) si ulla spes salutis nostrae subesset, tu pro tuo amore in me hoc tempore discessisses. sed, ne ingrati, aut ne omnia uelle nobiscum una interire uideamur, hoc omitto: illud abs te peto,  
des



LIB. III. EPIST.

*des operam, id quod mihi affirmasti, ut te ante kal.  
Ian. ubicunque erimus, sis. Vale.*

CICERO S. D. ATTICO. 26

*LITTERAE mihi a Quinto fratre cum  
S.C. quod de me est factum, allatae sunt. mihi in a-  
nimo est, legum lationem expectare. si obtrectabi-  
tur, utar auctoritate senatus, et potius uita, quam  
patria, carebo. Tu, quaeso, festina ad nos ueni-  
re. Vale. VI. kal. Ian.*

CICERO S. D. ATTICO. 27

*EX TVIS litteris, & ex re ipsa nos fundi-  
tus perisse uideo. Te oro, ut, quibus in rebus  
mei tui indigebunt, nostris miserijs ne desis. ego  
te, ut scribis, cito uidebo. Plura non scribo.  
Cura ut ualeas.*



63

M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER IV.

CICERO S. D. ATTICO.

CVM primum Romam ueni, fuitque,  
Cui recte ad te litteras darem, nil prius  
faciendum mihi putavi, quam ut tibi  
absenti de reditu nostro gratularer. co-  
gnoram enim, (ut uere scribam) te in consilijs  
mihi dandis nec fortiolem, nec prudentiolem,  
quam me ipsum, nec etiam propter meam in te ob-  
seruantiam nimium in custodia salutis meae diligen-  
tem; eundemq. te, qui primis temporibus erroris  
nostri, aut totius furoris particeps, & falsi rumoris  
socius fuisses, acerbissime dissidium nostrum tulisse,  
plurimumq. operæ, studij, diligentiae, laboris ad  
conficiendum reditum meum contulisse. itaque hoc  
tibi uere affirmo, in maxima letitia, & exopta-  
tissima gratulatione unum ad cumulandum gau-  
dium conspectum, aut potius complexum mihi  
tuum defuisse. quem semel nactus, nunquam dimi-  
sero: ac, nisi etiam prætermisissos fructus tuæ sua-  
uitatis præteriti temporis omnes exegero, profe-  
cto hac restitutione fortunæ me ipse non satis dignus  
iudicabo. Nos adhuc in nostro statu, quod difficilli-  
me recuperari posse arbitrati sumus, splendorem

no-



## LIB. IV. EPIST.

nostrum illum forensem, & in senatu auctoritatem, & apud uiros bonos gratiam magis, quam optaramus, consecuti sumus. In re autem familiari, quæ quemadmodum fracta, dissipata, direpta sit, non ignoras, ualde laboramus, tuarumque non tam facultatum, quas ego nostras esse iudico, quam consiliorum ad colligendas, & constituendas reliquias nostras indigemus. nunc, etsi omnia aut scripta esse a tuis arbitror, aut etiam nuntijs, ac rumore perlata: tamen ea inscribam breui, quæ te puto potissimum ex meis litteris uelle cognoscere. Pridie non. Sext. Dyrrhachio sum profectus, ipso illo die, quo lex est lata de nobis. Brundisium ueni nonis Sext. ibi mihi Tulliola mea fuit præsto natali suo ipso die, qui casu idem natalis erat & Brundisinae coloniae, & tuæ uicinæ Salutis, quæ res animaduersa a multitudine, summa Brundisiorum gratulatione celebrata est. ante diem V I. id. Sext. cognoui litteris Quincti fratris, mirifico studio omnium ætatum, atque ordinum, incredibili concursu Italiæ, legem comitijs centuriatis esse perlatam. inde a Brundisinis honestissimis ornatus, iter ita feci, ut undique ad me cum gratulatione legati conuenerint. ad urbem ita ueni, ut nemo ullius ordinis homo nomenclatori notus fuerit, qui mihi obuiam non uenerit, præter eos inimicos, qui bus id ipsum non liceret aut dissimulare, aut negare. Cum uenissem ad portam Capenam, gradus templorum ab infima plebe completi erant: a qua  
plausu



plausu maximo cum esset mihi gratulatio, signifi-  
ta; similis & frequentia, & plausus me usque ad  
Capitolium celebrauit. in foro, & in ipso Capito-  
lio miranda multitudo fuit. postridie in senatu, qui  
fuit dies non. Sept. senatui gratias egimus. eo bi-  
duo cum esset annonæ summa caritas, & homines  
ad theatrum primo, deinde ad senatum concurris-  
sent, impulsu Clodij; mea opera frumenti inopiam  
esse clamarent; cum per eos dies senatus de annona  
haberetur; & ad eius procurationem sermone non  
solum plebis, uerum etiam bonorum Pompeius  
uocaretur; idq. ipse cuperet; multitudoq. a me no-  
minatim, ut id decernerem, postularet: feci, &  
accurate sententiam dixi; cum abessent consulares,  
quod tuto se negarent posse sententiam dicere, præ-  
ter Messallam, & Afranium. factum est S. C. in  
meam sententiam, ut cum Pompeio ageretur, ut  
eam rem susciperet, lexq. ferretur. quo S. C. re-  
citato, cum concio; more hoc insulso & nouo, plau-  
sum, meo nomine recitando, dedisset; habui concio-  
nem. omnes magistratus præsentem, præter u-  
num prætorem, & duos tribunos pl. dederunt. po-  
stridie senatus frequens, & omnes consulares ni-  
hil Pompeio postulanti negarunt. ille legatos quin-  
decim cum postularet, me principem nominauit; &  
ad omnia me alterum se fore dixit. consules legem  
conscripserunt, qua Pompeio per quinquennium o-  
mnis potestas rei frumentariæ toto orbe terrarum  
daretur: alteram Messius, qui omnis dat pecuniæ  
pe-



LIB. IV. EPIST.

poteſtatem, & adiungit claſſem, & exercitum,  
& maius imperium in provincijs, quàm ſit eorum,  
qui eas obtineant. illa noſtra lex conſularis nunc  
modeſta uidetur, hæc Meſſij non ferenda. Pom-  
peius illam uelle ſe dicit, familiares hanc. conſula-  
res duce Fauonio fremunt: nos tacemus, & eo ma-  
gis, quòd de domo noſtra nihil adhuc pontifices re-  
ſponderant. qui ſi ſuſtulerint religionem, aream  
præclaram habebimus, ſuperficiem conſules ex S.  
C. æſtimabunt: ſi aliter, demolientur, ſuo nomi-  
ne locabunt, rem totam æſtimabunt. Ita ſunt res  
noſtræ; ut in ſecundis, fluxæ; ut in aduerſis, bonæ.  
In re familiari ualde ſumus, ut ſcis, perturbati.  
præterea ſunt quedam domeſtica, quæ litteris non  
committo. Quintum fratrem, inſigni pietate, uir-  
tute, fide præditum, ſic amo, ut debeo. Te exſpe-  
cto; & oro, ut matures uenire. eoq. animo uenias,  
ut me tuo conſilio egere non ſinas. alterius uitæ  
quoddam initium ordimur. iam quidam, qui nos  
abſentes defenderunt, incipiunt præſentibus oc-  
culte irasci, aperte inuidere. uehementer te re-  
quirimus. Vale.

CICERO S. D. ATTICO. 2

SI FORTE rarius tibi a me, quàm a ce-  
teris, litteræ redduntur; peto a te, ut id non mo-  
do non negligentia meæ, ſed ne occupationi qui-  
dem tribuas: quæ etſi ſumma eſt, tamen nulla eſſe  
poſteſt tanta, ut interrumpat iter amoris noſtri,  
&



et officij mei. nam ut ueni Romam, iterū nunc sum certior factus, esse cui darem litteras: itaque has alteras dedi. prioribus tibi declaravi, aduentus noster qualis fuisset, & quis esset status, atque omnes res nostræ quemadmodum essent, ut in secundis, fluxæ, ut in aduersis, bonæ. Post illas datas, secuta est summa contentio de domo. diximus apud pontifices prid. kal. Oct. acta res est accurate a nobis: & si unquam in dicendo fuimus aliquid, aut etiam si nunquam alias fuimus, tum profecto doloris magnitudo uim quandam nobis dicendi dedit. itaque oratio iuuentuti nostræ deberi non potest: quam tibi, etiam si non desideras, tamen mittam cito. Cum pontifices decressent, ita, si neque populi iussu, neque plebiscito, qui se dedicasse diceret, nominatim ei rei præfectus esset, neque populi iussu, aut plebiscito id facere iussus esset; uideri, posse sine religione iam partem aræ mihi restitui; mihi facta statim est gratulatio. nemo enim dubitat, quin domus nobis esset adiudicata. tū subito ille in cōcionem adscendit, quā Appius ei dedit. nuntiat iam populo, pontifices secundum se decreuisse, me autem ui conari in possessionem uenire. hortatur, ut se, & Appium sequantur, & suam Libertatem ut defendāt. hic cum etiam illi infimi partim admirarentur, partim irriderent hominis amentiam; ego statueram illuc non accedere, nisi cum consules ex S. C. porticum Catuli restituendam locassent. kal. Oct. habetur senatus frequens. adhibentur

I omnes



## LIB. IV. EPIST.

omnes pontifices, qui erant senatores. a quibus Marcellinus, qui erat cupidissimus mei, sententiam primus rogatus, quæsiuit, quid essent in decernendo secuti. tum Lucullus de omnium collegarum sententia respondit, religionis iudices pontifices fuisse, legis senatum: se, & collegas suos de religione statuisset, in senatu de lege statuturos. quisque horum, loco sententiam rogatus, multa secundum causam nostram disputauit. cum ad Clodium uentum est, cupijt diem consumere: neque ei finis est factus: sed tamen, cum horas tres fere dixisset, odio, & strepitu senatus coactus est aliquando perorare. cum fieret S. C. in sententiam Marcellini; omnibus præter unum assentientibus, Serranus intercessit. de intercessione statim ambo consules referre cœperunt: cum sententiæ grauissimæ diceretur; senatui placere, mihi domum restitui, porticum Catuli locari, auctoritatem ordinis ab omnibus magistratibus defendi; si quæ uis esset facta, senatû existimaturum, eius opera factum esse, quis S. C. intercessisset: Serranus pertimuit: et Cornicinus ad suam ueterem fabulam redijt: abiecta toga, se ad generi pedes abiecit. ille noctem sibi postulauit. non cedebant: reminiscabantur enim kal. Ian. uix tamen sibi de mea uoluntate concessum est. postridie S. C. factum est id, quod ad te misi. deinde consules porticum Catuli restituendam locarunt: illam porticum redemptores statim sunt demoliti libentissimis omnibus, nobis superficiem ædium consules  
de



de consilij sententia æstimarunt HS uicies, cetera ualde illiberaliter, Tusculanam uillam quingentis millibus, Formianum HS ducentis quinquaginta millibus. quæ æstimatio non modo uehementer ab optimo quoque, sed etiam a plebe reprehenditur. dices, quid igitur causse fuit? dicunt illi quidem, pudorem meum; quod neque negarim, neque uehementius postularim: sed non est id: nam hoc quidem etiam profuisset: uerum ijdem, mi T. Pompei, ijdem inquam illi, quos ne tu quidem ignoras, qui mihi pinnas inciderant, nolunt easdem renasci: sed, ut spero, iam renascuntur: tu modo ad nos ueni: quod uereor ne tardius interuentu Varronis tui, nostriq. facias. Quoniam, acta quæ sint, habes; de reliqua nostra cogitatione cognosce. Ego me a Pompeio legari ita sum passus, ut nulla re impedirer, quin, si uellem, mihi esset integrum aut, si comitia censorum proximi consules haberent, petere posse, aut uotiuam legationem suscipere prope omnium sanorum, ac sacrorum locorum; sic enim nostræ rationes postulabant: sed uolui meam potestatem esse uel petendi, uel ineunte æstate exeundi: Et, interea me esse in oculis ciuium de me optime meritorum, non alienum putavi. Ac forensium quidem rerum hæc nostra consilia sunt, domesticarum autem ualde impedita. Domus ædificatur; scis, quo sumptu, qua molestia. reficitur Formianum; quod ego nec relinquere possum, nec uidere. Tusculanum proscripsi: suburbano nō facile careo.

I 2 amico-



## LIB. IV. EPIST.

amicorum benignitas exhausta est in eare, quæ nihil habuit præter dedecus. quod sensisti tu absens, præsentis. quorum studiis ego, & copiis, si esset per meos defensores licitum, facile essem omnia consecutus. quo in genere nunc uehementer laboratur. Cetera, quæ me sollicitant, *μουκώτερα* sunt. amamur a fratre, & a filia. te expectamus. Vale.

CICERO S. D. ATTICO. 3

AVERE te certo scio, cum scire, quid hic agatur, tum a me scire; non quo certiora sint ea, quæ in oculis omnium geruntur, si a me scribantur, quàm cum ab alijs aut scribuntur tibi, aut nuntiantur; uerum ut perspicias ex meis litteris, quo modo ea feram, quæ geruntur, et qui sit hoc tempore aut mentis meæ sensus, aut omnino uitæ status. Armatis hominibus ante diem tertium non. Nou. expulsi sunt febris de area nostra, disturbata porticus Catuli, quæ ex S.C. consulum locatione reficiebatur, & ad tectum pæne peruenerat. Quincti fratris domus primo fracta coniectu lapidum ex area nostra, deinde inflammata, iussu Clodij, inspectante urbe, coniectis ignibus, magna quærela, & gemitu, non dicam bonorum, qui, nescio, an ulli sint, sed plane hominum omnium. ille uehemens furere. post hunc uero furorem nil nisi cædem inimicorum cogitare, uicatim ambire, seruis aperte spem libertatis ostendere. etenim antea, cum iudicium nolebat, habebat ille quidem difficilem, manifestamq. causam



causam, sed tamen causam: id poterat inficiari, poterat in alios deriuare, poterat etiam aliquid iure factum defendere. post has ruinas, incendia, rapinas, desertus a suis, uix iam Decimum designatorem, uix Gellium retinet: seruorum consilijs utitur: uidet, si omnes, quos uult, palam occiderit, nihilo suam causam difficiliorem, quam adhuc sit, in iudicio futuram: itaque ante diem tertium id. Nou. cum Sacra uia descenderem, insecutus est me cum suis. clamor, lapides, fustes, gladij, hæc improuisa omnia. discessimus in uestibulum M. Tettij Damionis. qui erant mecum, facile operas aditu prohibuerunt. ipse occidi potuit: sed ego diæta curari incipio: chirurgiæ tædet. ille omnium uocibus cum se non ad iudicium, sed ad supplicium præsens trudi uideret, omnes Catilinas, Acidinos postea reddidit. nam Milonis domum, meamque in Ceramio prid. id Nou. expugnare, & incendere ita conatus est, ut palam hora v. cum scutis homines, eductis gladijs, alios cum accensis facibus adduxerit. ipse domum P. Sullæ pro castris sibi ad eam impugnationem sumpserat. tum ex Anniana Milonis domo Q. Flaccus eduxit uiros acres, occidit homines ex omni latrocinio Clodiano notissimos: ipsum cupiuit; sed ille se in interiorem ædium Sulla se. in senatu postridie idus. domi Clodius: egregius Marcellinus, omnes acres. Metellus calumnia dicendi tempus exemit, adiuuante Oppio, etiam hercule familiaris tuo; de cuius constantia, uirtute uerissimæ lité-



## LIB. IV. EPIST.

*ra. Sextius furere. ille postea, si comitia sua non fierent, urbi minari. proposita Marcellini sententia, quam ille de scripto ita dixerat, ut totam nostram causam aræ, incendiorum, periculi mei, iudicio completeretur, eaq. omnia comitijs anteferet: proscripsit, se per omnes dies comitiales de cælo seruaturum. conciones turbulentiæ Metelli, temerariæ Appij, furiosissimæ Publij. hæc tamen summa nisi Milo in campum obnuntiaffet, comitia futura. Ante diem XII. kal. Dec. Milo media nocte cum magna manu in campum uenit. Clodius, cum haberet fugitiuorum deiectas copias, in campum ire non est ausus. Milo permansit ad meridiem, mirifica hominum letitia, summa cum gloria. contentio fratrum trium turpis, fracta uis, contemptus furor. Metellus tamen postulat, ut sibi postero die in foro obnuntietur: nihil esse, quod in campum nocte ueniretur: se hora prima in Comitio fore. itaque ante diem XI. kal. Ian. in Comitium Milo de nocte uenit, Metellus cum prima luce furtim in campum itineribus prope deuijs currebat. assequitur inter lucos hominem Milo, obnuntiat. ille se recipit, magno, & turpi Q. Flacci conuicio. ante diem X. kal. nundinæ. concio biduo nulla. ante diem VIIII. kal. hæc ego scribebam, hora noctis nona. Milo campum iam tenebat. Marcellus candidatus ita stertebat, ut ego uicinus audirem. Clodij uestibulum uacuum sane mihi nuntiabatur, paucis pannosis, sine laterna. meo consilio omnia il  
li*



li fieri querebantur, ignari quantum in illo heroe esset animi, quantum etiam consilij. miranda uirtus est. noua quædam diuina mitto. sed hæc summa est. comitia fore non arbitror. Publium reum, nisi ante occisus erit, a Milone fore puto. si se inter uiam obtulerit, occisum iri ab ipso Milone uideo. non dubitat facere: præsertim casum illum nostrum non extimescit: nunquam enim cuiusquam inuidi, & perfidi consilio est usus: nec inerti nobili crediturus. Nos animo dumtaxat uigemus, etiâ magis, quàm cum florebamur: re familiari comminuti sumus. Quincti fratris tamen liberalitati pro facultatibus nostris, ne omnino exhaustus essem, illo recusante, subsidijs amicorum respondemus. quid consilij de omni nostro statu capiamus, te absente nescimus. quare appropera. Vale.

CICERO S. D. ATTICO. 4

PERIVCUNDVS mihi Cincius fuit ante diem tertium kal. Febr. ante lucem. dixit enim mihi, te esse in Italia, seseq. ad te pueros mittere: quos sine meis litteris ire nolui: non quo haberem, quod tibi, præsertim iam prope præsentem, scriberem: sed ut hoc ipsum significarem, mihi aduentum tuum suauissimum expectatissimumq. esse. quare aduola ad nos, eo animo, ut nos ames, & te amari scias. cetera coram agemus. hæc properantes scripsimus. quo die uenies, utique cum tuis apud me sis. perbel-  
le feceris, si ad nos ueneris. offendes designationem

I 4 Tyrann-



## LIB. IV. EPIST.

Tyrannionis, mirificam librorum meorum bibliothecam; quorum reliquiae multo meliores sunt, quam putaram. etiam uelim mihi mittas de tuis librariolis duos aliquos, quibus Tyrannio utatur glutinatoribus, ad cetera administris; ijsq. imperes, ut sumant membranulam, ex qua indices fiant, quos uos Graeci, ut opinor, συλλάβους appellatis. Sed haec, si tibi erit commodum: ipse uero utique fac uenias, si potes in his locis adhaerescere, & Piliam adducere. ita enim & equum est, & cupit Tullia. Mediusfidius nae tu emisti locum praclarum. gladiatores audio pugnare mirifice. si locare uoluisses, duobus his muneribus liberasses. Sed haec posterius. tu fac uenias: & de librarijs, si me amas, diligenter. Vale.

CICERO S. D. ATTICO.

5

AIN TV? existimas ab ullo malle mea legi, probarique, quam a te? cur igitur cuiquam nisi prius? urgebar ab eo, ad quem nisi, & non habebam exemplar. quid? etiam: (dudum enim circumrodo, quod deuorandum est) subturpicula mihi uidebatur esse παλινψδία. sed ualeant recta, uera, honesta consilia. non est credibile, quae sit perfidia in istis principibus, ut uolunt esse, & ut essent, si quidquam haberent fidei. senseram, noram, inductus, relictus, proiectus ab ijs: tamen hoc erat in animo, ut cum ijs in rep. consentirem. ijdem erant, qui fuerant. uix aliquando te auctore resipui. dices,  
ea



ea te monuisse, suasse, quæ facerem: non etiam ut scriberem. ego mehercule mihi necessitatem uolui imponere huius nouæ coniunctionis; ne quæ mihi liceret labi ad illos, qui etiam tum, cum misereri mei debent, non desinunt inuidere. sed tamen modici fuimus ὑποδίοι, ut scripsi. erimus uberiores, si & ille libenter accipiet, & ij subringentur, qui uillam me moleste ferunt habere, quæ Catuli fuerat, aut etiam emisse non cogitant; qui domum negant oportuisse me ædificare, uendere aiunt oportuisse. sed quid ad hoc? si, quibus sententijs dixi quod & ipsi probarent, letati sunt tamen me contra Pompeij uoluntatem dixisse. sed quoniam, qui nihil possunt, ij me nolunt amare; demus operam, ut ab ijs, qui possunt, diligamur. dices: uellem, iam pridem. scio te uoluisse, & me. ast nugigeram manum fuisse. iam tempus est me ipsum a me amari, quando ab illis nullo modo possum. Domum meam quod crebro inuisis, est mihi ualde gratum. Viaticum Crassipes præripit. Tu de uia recta in hortos. uidetur commodius ad te. postridie scilicet: quid enim tua? sed uiderimus. Bibliothecam mihi tui pinxerunt constructione, & sittybis. eos uelim laudes. Vale.

## CICERO S. D. ATTICO. 6

DE LENTULO scilicet sic fero, ut debeo, uirum bonum, et magnum hominem, & in summa magnitudine animi multa humanitate temperatum per-



perdidimus; nosq. malo solatio, sed non multo, tamen consolamur, quod ipsius uicem minime dolemus, non ut Saufeius, & uestri, mehercule quia sic amabat patriam, ut mihi aliquo deorum beneficio uideatur ex eius incendio esse ereptus. nam quid facilius nostra uita? precipue mea? nam tu quidem, etsi es natura πολιτικός, tamen nullam habes propriam seruitutem: communi frueris nomine. ego uero, qui, si loquor de rep. quod oportet, insanus; si, quod opus est, seruius existimor; si taceo, oppressus, & captus; quo dolore esse debeo? quo sum scilicet, hoc etiam acriore, quod ne dolere quidem possum, ut non ingratus uidear. quid, si cessare libet, & in otij portum confugere? nequidquam. immo etiam in bellum, et in castra. ergo erimus ὁπαδοί, qui ταγοί esse noluimus? sic faciundum est. tibi enim ipsi, cui utinam semper paruifsem, sic uideo placere. reliqui est: πᾶρταν ἔλαχες ταύταν, κόσμει. non mehercule possum; & Philoxeno ignosco, qui reduci in carcerem maluit. uerum tamen id ipsum mecum in his locis commentor, ut ista improbem: idq. tu, cum una erimus, confirmabis. Ate litteras crebro ad me scribi uideo; sed omnes uno tempore accepi. quæ res etiam auxit dolorem meum: casu enim trinas ante legeram, quibus meliuscule Lentulo esse scriptum erat. ecce quartæ fulmen. sed ille, ut scripsi, non miser, nos uero serui. Quod me admones, ut scribam illa Hortensiana: in alia incidi, non immemor istius mādanti

ti



titui: sed mehercule incipiendo refugi; ne, quòd uideor stulte illius amici non intemperiem tulisse, rursus stulte iniuriam illius faciam illustrem, si quid scripsero; & simul, ne Baburns mea, quæ in agendo apparuit, in scribendo sit occultior, & aliquid satisfactio leuitatis habere uideatur. Sed uiderimus. tu modo quam sapissime ad me aliquid.

Epistolam, Luceio quam misi, qua, res meas tam. lib. 2. ut scribat, rogo, fac, ut ab eo sumas: ualde bella est: eumque, ut appropere, adhorteris: & quòd mihi se ita facturum rescripsit, agas gratias. Domum nostram, quoad poteris, inuisas. Vestorio aliquid significes. ualde enim est in me liberalis. nihil Δικαιότερον. Vale.

## CICERO S. D. ATTICO. 7

EPISTOLA tuam sollicitum de Quinto nostro, puero optimo, ualde leuauit. uenerat horis duabus ante Cherippus: mera monstra nuntiabat. De Apollonio quod scribis, qui illi dii irati, homini Græco, qui conturbare quidem putat sibi licere, quod equitibus R. nam Terentius suo iure. De Metello, οὐχ ὅσιν ἐδικένοισιν; sed tamen multis annis ciuis nemo erat mortuus. quid quidem tibi? nummi meo periculo sint: quid enim uereris, quemcunque heredem fecit? nisi Publium fecit. uerum fecit non improbe, quamquam fuit ipse. quare in hoc thecam nummariam non retexeris: in alijs eris cautior. Mea mandata de domo curabis: præsidia locabis:



## LIB. IV. EPIST.

locabis: Milonem admonebis. Arpinatum fremi-  
tus est incredibilis de Laterio. quid quæris? ecqui-  
dem dolui. ὁ δὲ οὐκ ἐμπάζετο μύθῳ. Quod su-  
perest, etiam puerum Ciceronem curabis, &  
amabis, ut facis. Vale.

CICERO S. D. ATTICO.

8

MULTA me in epistola tua delectarunt, sed  
nihil magis, quam patina tyrotarichi. nam de rau-  
dusculo quod scribis, μήπω μέγ' εἴπης τῶν τελευτῶ-  
σαντων ἰδῆς. ædificati tibi in agri nihil reperio. in op-  
pido est quiddam, de quo est dubium, sit ne uenale;  
ac proximum quidem nostris ædibus. hoc scito,  
Antium Buthrotum esse Romæ, ut Corcyræ illud  
tuum. nihil quietius, nihil alsius, nihil amœnius.  
ΕΙΜΗΙ ΧΗΤΩΦΙΔΟΣ. ΚΟC. postea uero  
quàm Tyrannio mihi libros disposuit, mens addita  
uidetur meis ædibus. qua quidem in re mirifica  
opera Dionysij, & Menophili tui fuit. nihil uenu-  
stius, quam illa tua pegmata. postquam misisti, li-  
bros illustrarunt ualde. Et scribas ad me uelim de  
gladiatoribus, sed ita, bene si rem gerunt: non  
quæro male sic egisse. Apenas uix discesserat, quā  
epistola. quid ais? putas ne fore, ut legem non  
ferat? dic, oro te, clarius: uix enim mihi exaudis-  
se uideor. uerum statim fac ut sciam, si modo est  
commodum. Ludis quidem quoniam dies est addi-  
tus, eo etiam melius hic eum diem cum Dionysio  
conteremus.

De



De Trebonio prorsus tibi assentior. De Domitio,

Σύκω, μὰ τὴν δῆμῳ, σῦκον, οὐδ' ἐν

Οὕτως ὁμοίον γέγονεν,

quàm est ista περίστασις nostræ: uel quòd ab ijsdem,  
uel quòd prater opinionem, uel quòd uiri boni nus-  
quam: unum dissimile, quòd huic meritò. nam de  
ipso casu nescio, an illud melius. quid enim hoc mi-  
serius, quàm cum, qui tot annos, quot habet, de-  
signatus consul fuerit, fieri consulem non posse?  
præsertim cum aut solus, aut certe non plus, quàm  
cum altero petat. si uero id est, quod nescio an sit,  
ut non minus longas iam in codicillorum fastis futu-  
rorum consulum paginulas habeat, quàm facto-  
rum; quid illo miserius? nisi res. in qua ne spera-  
tur quidem melius quidquam. De Natta ex tuis  
primum sciui litteris. oderam hominem. De pœ-  
mate quod quæris, quid si cupiat effugere? quid si-  
nat? De Fabio Lusco quod eram exorsus, homo  
peramans semper nostri fuit, nec mihi unquam o-  
dio: satis enim acutus, & permolestus, ac benefru-  
gi. eum quia non uidebam, abesse putabam. au-  
diui ex Gauio hoc Firmano, Romæ esse hominem,  
& fuisse assiduum. percussit animum. dices, tantu-  
la ne caussa? permulta ad me detulerat non dubia  
de Firmanis fratribus. quid sit, quòd se a me remo-  
uit, si modo remouit, ignoro. De eo, quod me mo-  
nes, ut & me geram πολιτικῶς, & in eo γραμμὴν  
teneam; ita faciam: sed opus est maiore prudentia;  
quàm a te, ut soleo, petam. Tu uelim & Fabium,  
si



## LIB. IV. EPIST.

si quem habes aditum, odorere; & istum conuiuam  
tuum degustes; & ad me de istis rebus, & de omni-  
bus quotidie scribas. ubi nihil erit, quod scribas, id  
ipsum scribito. Cura ut ualeas.

CICERO S. D. ATTICO. 9

PUTEOLIS magnus est rumor, Ptolemæum  
esse in regno. si quid habes certius, uelim scire.  
Ego hic pascor bibliotheca Fausti. fortasse tu puta-  
bas, his rebus Puteolanis, & Lucrinensibus. ne  
ista quidem desunt: sed mehercule a ceteris oblecta-  
tionibus deseror, & uoluptatibus propter remp. sic  
litteris sustentor, & recreor; maloq. in illa tua se-  
decula, quam habes sub imagine Aristotelis, sede-  
re, quàm in istorum sella curuli; tecumq. apud te  
ambulare, quàm cum eo, quocum uideo esse am-  
bulandum. Sed de illa ambulatione fors uiderit, aut  
si quis est, qui curet deus. Nostram ambulationem,  
& Laconicum, eaque, quæ Cyrea sint, uelim, cum  
poteris, inuisas, & urgeas Philotimum, ut prope-  
ret; ut possim tibi aliquid in eo genere respondere.  
Pompeius in Cumanum Palilibus uenit: misit ad  
me statim, qui salutem nuntiaret. ad eum postridie  
mane uadebam, cum hæc scripsi. Vale.

CICERO S. D. ATTICO. 10

SANE uelim scire, num censum impendant  
tribuni diebus uitandis, (est enim hic rumor) to-  
taq. de censura quid agant, quid cogitent. Nos hic  
cum



cum Pompeio fuimus . multa mecum de rep. sane sibi displicens , ut loquebatur : ( sic est enim in hoc homine dicendum ) Syriam spernens , Hispaniam iactans . hic quoque , ut loquebatur : & opinor usquequaque , de hoc cum dicemus , sit hoc quasi , καὶ τὸ δὲ φιλικῶς . tibi etiam gratias agebat , quod signa componenda suscepisses . in nos uero suauissime hercule est effusus . uenit etiam ad me in Cumanum ; ac se nihil minus uelle , mihi uisus est , quàm Messallam consulatum petere . de quo ipso si quid scis , uelim scire . Quod Luceio scribis te nostram gloriam commendaturum , & ædificium nostrum quod crebro inuisis ; gratum . Quintus frater ad me scripsit , se , quoniam Ciceronem suauissimum secum haberet , ad te nonis Mai. uentrum . Ego me de Cumano mox ante diem v. kal. Mai. eo die Neapoli apud Lætum ante diem iij. kal. Mai. iens in Pompeianum , bene mane hæc scripsi . Vale .

CICERO S. D. ATTICO, II

DELECTARVNT me epistolæ tuæ : quas accepi uno tempore duas ante diem v. kal. perge reliqua , gestio scire ista omnia . etiam illud cuiusmodi sit , uelim perspicias : potes a Demetrio . dixit Pompeius , Crassum a se in Albano exspectari ante diem iij. kal. is cum uenisset , Romam esse statim uenturos , ut rationes cum publicanis putarent , quæsiui , gladiatoribus ne ? respondit , ante quàm inducerentur . id cuiusmodi sit , aut nunc , si scias ,  
aut



## LIB. IV. EPIST.

aut cum is Romam uenerit, ad me mittas uelim. Nos hic uoramus litteras cū homine mirifico (ita mehercule sentio) Dionysio, qui te, omnesq. uos salutat. ἔδ' ἐν γλυκύτερον, ἢ πάλαι εἰδέναι. quare, ut homini curioso, ita perscribe ad me, quid primus dies quid secundus, quid censores, quid Appius, quid illa populi Appuleia. denique, etiam quid a te fiat, ad me uelim scribas. non enim (tu uere loquamur) tam rebus nouis, quā tuis litteris, delector. Ego mecum, prater Dionysium, duxi neminem: nec metuo tamen, ne mihi sermo desit abs te; quo magno pere delector. Tu Luceio nostrum librum dabis. Demetrii Magnetis tibi mitto; statim ut sit, qui a te mihi epistolam referat. Vale.

CICERO S. D. ATTICO. 12

EGNATIVS Romæ est. sed ego cum eo de re Halimeti uehementer ante egi. grauiter se aduerum cum Aquillio confirmauit. uidebis ergo hominem, si uoles. Macroni uix uideor præsto esse. idibus enim auctionem Larini uideo, & biduum præterea. id tu, quoniam Macronem tanti facis; ignoscas mihi, uelim. Sed, si me diligis, postridie kalendis cena apud me cum Pilia. prorsus id facies. kalendis cogito in hortis Crassipedis, quasi in diuersorio, cenare. facio fraudem S. C. inde domum cewatus, ut sim mane præsto Miloni. ibi te igitur uidebo, & promouebo. Domus nostra te tota salutat. Vale.

CICERO



Nos in Tusculanum uenisse ad xv i i. kal.  
Dec. uideo te scire. ibi Dionysius nobis praesto fuit.  
Romae ad x i v. kal. uolumus esse: quid dico, uo-  
lumus? immo uero cogimur. Milonis nuptiae, co-  
mitiorum non nulla opinio est. ergo ut sit rata. \*

Abfuisse me in altercationibus, quas in senatu fa-  
ctas audio, fero non mo' esse. nam aut defendissem,  
quod non placeret; aut defuissem, cui non oportere-  
ret. sed mehercule uelim, res istas, & praesertim  
statum reip. & quo animo consules ferāt hunc συλ-  
μὸν, rescribas ad me, quantum potes, & uales. sum  
ἐξυπαινος: & si quaeris, omnia mihi sunt suspecta.  
Crassum quidem nostrum minore dignitate aiunt  
profectum paludatum, quam olim aequalem eius  
L. Paullum, iterum consulem. o hominem nequam.  
De libris oratorijs factum est a me diligenter. diu,  
multumq. in manibus fuerunt. describas licet. Illud  
etiam te rogo, τὴν παρῶσαν κατὰ σάτυν τυπῶδως: ne  
istae hospes ueniam. Vale.

VESTORIVS noster me per litteras fe-  
cit certorem, te Roma ad v i. id. Mai. putari  
profectum esse, tardius, quam dixerat, quod mi-  
nus ualuisset. si iam melius uales, uehementer gau-  
deo. Velim, domum ad tuos scribas, ut mihi  
tui libri pateant, non secus, ac si ipse adesses, cum  
K ceteri,



ceteri, tum Varronis. est enim mihi utendum quibusdam rebus ex ijs libris ad eos, quos in manibus habeo: quos, ut spero, tibi ualde probabo. uelim, si quid forte noui habes, maxime a Quinto fratre, deinde a C. Caesare, & si quid forte de comitijs, de rep. (soles enim tu haec festine odorari) conscribas ad me. si nihil habebis, tamen scribas aliquid. nunquam enim mihi tua epistola aut intempestiua, aut loquax uisa est. maxime autem rogo, rebus tuis, totoq. itinere ex sententia confecto, nos quamprimum reuistas. Dionysium iube saluere. Cura, ut ualeas.

CICERO, S. D. ATTICO

15

DE Eutyichide, gratum; qui uetere praenominē, nouo nomine T. erit Caecilius, ut est ex me, & ex te iunctus Dionysius M. Pomponius. ualde mehercule mihi gratum, si Eutyichides tuam erga me beneuolentiam cognoscet, suam illam in meo dolore *συνπράξει* neque tum mihi obscuram, neque post ingratham fuisse. Iter Asiaticum tuum puto tibi suscipiendum fuisse. nunquam enim tu sine iustissima causa tam longe a tot tuis & hominibus, & rebus carissimis, & suauissimis abesse uoluisses. sed humanitatem tuam, amoremq. in tuos reditus celeritas declarabit. sed uereor, ne lepore suo detineat diutius praetor Clodius, et homo pereruditus, ut aiunt, & nunc quidem deditus graecis litteris Pituius. sed, si uis homo esse, recipe te ad nos ad quod tempus confirmasti. cum illis tum, cum salui uenerint,



rint, Romae uiuere licebit. Auere te scribis, acci-  
pere aliquid a me litterarum. dedi, ac multis qui-  
dem de rebus ἡμερόλεγον perscripta omnia: sed, ut  
coniicio, quoniam mihi non uideris in Epiro diu fu-  
isse, redditas tibi non arbitror. genus autem mea-  
rum ad te litterarum eiusmodi fere est, ut non li-  
beat cuiquam dare, nisi de quo exploratum sit, tibi  
eum redditurum. Nunc Romanas res accipe. Ad  
III. non. Quinct. Sufenas, & Cato absoluti: Pro-  
cilius condemnatus. ex quo intellectum est, tres ἀ-  
ρεοπαγίτας ambitum, comitia, interregnum, ma-  
iestatem, totam denique remp. flocci non facere.  
debemus, patrem familias domi suae occidere nolle,  
neque tamen id ipsum abunde: nam absoluerunt  
XXII. condemnauerunt XXVIII. Publius sane  
diserto epilogo criminans, mentes iudicum moue-  
rat. Otalus in ea caussa fuit, cuiusmodi solet. nos  
uerbum nullum. uerita est enim pusilla, quae nunc  
laborat, ne animum Publij offenderet. His rebus  
aētis, Reatini me ad sua τέμνη duxerunt, ut age-  
rem caussam contra Interamnates apud consulē, &  
decem legatos, quod lacus Velinus, a Man. Curio  
emissus, interciso monte, in Nar defluit. ex quo est  
illa siccata, & humida tamen modice Rosia. uixi  
cum. Axio: qui etiam me ad Septem Aquas du-  
xit Redij Romam Fonteij caussa: ad V. I. I. id.  
Quinct. ueni: spectaculum, primum, magno &  
aequabili plausu: (sed hoc ne curaris; ego ineptus,  
qui scripserim) deinde, Antiphonti operam. is e-

K 2 rat



rat ante manumissus, quam productus, ne diutius  
pendeas, palmam tulit. sed nihil tam pusillum, nihil  
tam sine uoce, nihil tam uerum. haec tu tecum ha-  
beto. in *Andromacha* tamen maior fuit, quam *A-*  
*styanacte*. nam in ceteris parem habuit neminem.  
quaeris nunc de *Arbuscula*: ualde placuit. Ludi ma-  
gnifici, & grati. Venatio in aliud tempus dilata.

Sequere nunc me in campum. ardet ambitus.  
ἐν τῷ δὲ τοῖς ἐπέω. foenus ex triente idibus Quincti.  
factum erat bessibus. dices, istud quidem non mole-  
ste fero. o uirum, o ciuem. *Memmius* *Caesaris* o-  
mnes opes confirmant. cum eo *Domitium* consulem  
iunxerunt; qua pactio, epistolae committere non  
audeo. *Pompeius* fremit, queritur, *Scauro* studet:  
sed utrum fronte, an mente, dubitatur. ἔξοχῃ nulla  
est: pecunia omnium dignitatem exaequat. *Messal-*  
*la* languet: non quo aut animus desit, aut amici: sed  
coitio consulum, & *Pompeius* obsunt, ea comitia,  
puto fore, ut ducantur. *Tribunicij* candidati iura-  
runt se arbitrio *Catonis* petitueros. apud eum HS  
quingena deposuerunt; ut, qui a *Catone* damnatus  
esset, id perderet, & competitoribus tribueretur.  
haec ego pridie scribebam, quam comitia fore puta-  
bantur. sed ad te v. kal. Sext. si facta erunt, & ta-  
bellarius non erit profectus, tota comitia perscri-  
bam. quae si, ut putantur, gratuita fuerint; plus u-  
nus *Cato* potuerit, quam omnes quidem iudices.  
*Messius* defendebatur a nobis, e legatione reuoca-  
tus. nam eum *Caesari* legarat *Appius*. *Seruilius* e-  
dixit,



dixit, ut adesset. tribus habet Pontinam, Velinam, Maeciam. pugnatur acriter, agitur tamen satis. deinde me expedio ad Drusum, inde ad Scaurum. parantur orationibus iudices gloriosi. fortasse accedent etiam consules designati. in quibus si Scaurus non fuerit, in hoc iudicio ualde laborabit. Ex Quirina. Et fratris litteris suspicor iam eum esse in Britannia. suspenso animo expecto, quid agat. illud quidem sumus adepti, quod multis & magnis indicijs possumus iudicare, nos Caesari & carissimos, & iucundissimos esse. Dionysium uelim saluere iubeas, & eum roges, & hortere, ut quamprimum ueniat, ut possit Ciceronem meum, atque etiam me ipsum erudire. Vale.

OCCUPATIONVM mearum uel hoc signum erit, quod epistola librarij manu est. De epistolarum frequentia te nihil accuso: sed pleraeque tantummodo mihi nuntiabant, ubi esses, quod erat abs te, uel etiam significabant recte esse. quo in genere maxime delectarunt duae fere eodem tempore abs te Bruto datae. scire enim uolebam, te commode nauigasse. sed haec epistolarum frequentia non tam ubertate sua, quam celeritate delectauit. illa fuit grauis, & plena rerum, quam mihi M. Paccius, hospes tuus, reddidit. ad eam rescribam igitur, & hoc primum. Paccio re, & uerbis ostendi, quid tua commendatio ponderis haberet. itaque in intimis



est meis, cum antea notus non fuisset. nunc pergā  
ad cetera. Varro, de quo ad me scribis, includetur  
in aliquem locum: si modo erit locus: sed nō si ge-  
nus dialogorum meorum: ut in oratorijs, quos tu  
in caelum fers, nō mētio potuit fieri cuiusquam ab  
ijs, qui disputant, nisi eius, qui illis notus, aut au-  
ditus esset. hanc ego de rep. quam institui, dispu-  
tationem in Africani personam, & Philī, & Laelī,  
& Manilī contuli. adiunxi adolescentes Q. Tube-  
ronem, P. Rutilium, duos Laelī generos, Scaeuo-  
lam, & Fannium. itaque cogitabam, quoniam in  
singulis libris utor prooemijs, ut Aristoteles in ijs,  
quos ἐξωτερικὸς uocat, aliquid efficere, ut non sine  
caussa istum appellarem: id quod intelligo tibi pla-  
cere. utinam modo conata efficere possim. rem e-  
nim, quod te non fugit, magnam complexus sum,  
& grauem, & plurimi otij, quo ego maxime egeo.  
Quod in ijs libris, quos laudas, personam deside-  
ras Scaeuolae: non eam temere dimoui: sed feci idē,  
quod in πολιτεία deus ille noster Plato. cum in Pi-  
raeum Socrates uenisset ad Cephalum, locupletē,  
& festiuium senem; quoad primus ille sermo habere  
tur, adest in disputando senex: deinde, cum ipse quo-  
que commodissime locutus esset, ad rem diuinam  
dicit se uelle discedere; neque postea reuertitur.  
credo, Platonem uix putasse satis consonum fore, si  
hominem id aetatis in tam longo sermone diutius  
retinuisset. multo ego satius hoc mihi cauendum pu-  
taui in Scaeuola: qui & aetate, & ualetudine erat

ea,



ea, qua meministi, & ijs honoribus, ut uix satis decorum uideretur, eum plures dies esse in Crassi Tusculano. & erat primi libri sermo non alienus, Scaeuolae studijs: reliqui libri τεχνολογίαν habent, ut scis huic, ioculatoriae disputationi senem illum, ut noras, interesse sane nolui. De re filiae quod scribis, erit mihi curae. etenim est luculenta Aureliani, ut scribit, indicijs: & in eo me etiam Tulliae meae uenditabo. Vestorio non desum. gratum enim tibi id esse intelligo, & ut ille intelligat, curo. sed scis, quid cum habeat duos faciles, nihil difficilius. Nunc ad ea, quae quaeris de C. Catone. Lege Iunia, & Licinia scis absolutum: Fusia ego tibi nuntio absolutum iri, neque patronis suis tam libentibus, quam accusatoribus, istamen & mecum, & cum Milone in gratiam redijt. Drusus reus est factus a Lucretio iudicibus reiiciendis ad v. nonas Quintas. De proelio rumores: non boni: sed iudicia nosti. Hir \* rus cum Domitio in gratia est. S. C. quod hic consules de prouincijs fecerunt, Quicumque posthac, non mihi ut quod, iam intelligebamus enunciationem il \* lam Memmij ualde Caesari displicere. Messalla noster, & eius competitor Domitius, liberalis in populo ualde fuit. nihil gratius. certi erant consules. ac senatus decreuit, ut tacitum iudicium ante comitia fieret ab ijs consilijs, quae erant omnibus sortita in singulos. magnus timor candidatorum. sed quidam iudices, in his Opimius Veietorantius, tribunos pl. \* appellarunt, ne iniussu populi iudicarent. rescidit. \*



comitia dilata ex S.C. dum lex de tacito iudicio ferretur. uenit legi dies. Terentius intercessit. consules, qui illud leui brachio egissent, rem ad senatum detulerunt. hic Abdera, non tacente me. Dices, tamen tu non quiescis? ignosce, uix possum. ueruntamen quid tam ridiculum? senatus decreuerat, ne prius comitia haberentur, quam lex lata esset: si quis intercessisset, res integra referretur. coepta ferri leuiter. intercessum non inuitis. res ad senatum. de ea re ita censuerunt; comitia primo quoque tempore haberi censere. Scaurus, qui erat paucis diebus illis absolutus, cum ego partem eius ornatissime defendissem, obnuntiationibus per Scaeuolam interpositis, singulis diebus usque ad prid. kal. Oct. quo ego haec die scripsi, sublatis, populo tributim domi suae satisfecerat. sed tamen, & si uberior liberalitas huius, gratior esse uidebatur eorum, qui occuparant. Cuperem uultum uidere tuum, cum haec legeres. nam profecto rem non habes nullam, haec negotia multarum nundinarum fore. sed senatus hodie fuerat futurus, id est kal. Oct. iam enim luciscit. ibi loquetur, praeter Antium, & Fauonium, liber nemo. nam Cato aegrotat. de me nihil timebis: sed tamen promitto nihil. Quid quaeris aliud? iudicia, credo. Drusus, Scaurus non fecisse uidentur. tres candidati fore rei putabantur, Domitius a Memmio, Messalla a Q. Pompeio Rufo, Scaurus a Triario, aut a L. Caesare. quid poteris, inquires, pro ijs dicere? ne niuam, si scio. in illis quidem



dem tribus libris, quos tu dilaudas, nihil reperio.  
Nunc ut opinionem habeas rerum, ferendum est.  
Quaeris, ego me ut gesserim? constanter, & libere.  
Quid ille, inquires, ut ferebat? humaniter; meaeque  
dignitatis, quoad mihi satisfactum esset, habendam sibi rationem putabat. Quo modo ergo absolu-  
\* tus? omnino ΠΟΡΠΑΠΥΜΝΑ accusatorum  
incredibilis infantia, id est L. Lentuli, L. F. quem  
fremunt omnes praeuariatum: deinde Pompeij mi-  
ra contentio, iudicum sordes. attamen XXXII con-  
demnarunt, XXXVIII absoluerunt. iudicia re-  
liqua impendent. non dum est plane expeditus. Di-  
ces, tu ergo haec quo modo fers? belle mehercule, et  
in eo me ualde amo. amissimus mi Pomponi non o-  
mnem modo succum, ac sanguinem, sed etiam co-  
lorem, & speciem pristinam ciuitatis. nulla est  
resp. quae delectet, in qua acquiescam. id ne igitur,  
inquires, facile fers? id ipsum. recordor enim, quam  
bella paullisper nobis gubernantibus ciuitas fuerit.  
quae mihi gratia relata sit, nullus dolor me angit.  
unum omnia posse, disrumpuntur ij, qui me aliquid  
posse doluerunt. multa mihi dant solatia. nec ta-  
men ego de meo statu demigro: quaeq. uia maxi-  
me est ad naturam, ad eam me refero, & litteras,  
& studia nostra: dicendi laborem delectatione ora-  
toria consolor. domus me, & rura nostra dele-  
ctant. non recordor, unde ceciderim, sed unde sur-  
rexerim. fratrem mecum, & te si habebo, per me  
ista pedibus trahuntur: uobis ἡμιφιλοσοφῆσαι pos-  
sum.



*sum. locus ille animi nostri, stomachus ubi habitabat olim, concaluit. priuata modo, & domestica nos delectant. miram securitatem uidebis: cuius plurimae mehercule partes sunt in tuo reditu. nemo enim in terris est mihi tam consentientibus sensibus. Sed accipe alia. Res fluit ad interregnum; & est non nullus odor dictaturae, sermo quidem multus, qui etiam Gabinium apud timidos iudices adiunxit. Candidati consulares omnes rei ambitus. accedit etiam Gabinus: quem P. Sulla, non dubitans, quin foris esset, postularat, contra dicente, & nihil obtinente Torquato. sed omnes absoluentur, nec post hac quisquam damnabitur, nisi qui hominem occiderit. Hoc tamen agitur seuerius: itaque indicia calent. M. Fuluius Nobilior condemnatus est. multi alij urbani ne respondent quidem. Quid aliud noui? & tamen, absoluto Gabinio, stomachantes alij iudices; hora post, Antiochum Gabinium, nescio quem, solidis pectoribus, libertum, accensum Gabinij, lege Papia condemnarunt. itaque dixit statim reus laesae maiestatis OT COI M P I C A M A P H. Pontinius mult ad IIII. non. Nou. triumphare. huic obuiam Cato, & Seruilius praetor aperte, & Q. Mucius trib. negant enim latum de imperio. & est latum hercule insulse. sed erit cum Pontinio Appius eos. Cato tamen affirmat, se uiuere illum non triumphare. id ego puto, ut multa eiusdem, ad nihil recasurum. Appius sine lege suo sumptu in Ciliciam cogitat. Ab Quinto fratre, & a  
Caesare*



Caesare accepi ad IX. kal. Nov. litteras, confecta Britannia, obsidibus acceptis, nulla praeda, imperata tamen pecunia, datas a littoribus Britanniae, proximo: ad VI. kal. Oct. exercitum Britannia reportabant. Q. Pilius erat iam ad Caesarem profectus. Tu, si aut amor in te est noster, ac tuorum, aut ulla ueritas; aut si etiam sapis, ac frui tuis commodis cogitas; aduentare, & prope adesse iam debes. non mehercule aequo animo te careo: te autem, quid mirum, qui Dionysium tantopere desiderem? quem quidem abs te, cum dies uenerit, & ego, & Cicero meus flagitabit. Abs te proximas litteras habebam, Epheso, ad V. id. Sext. datas. Vale.

## CICERO. S. D. ATTICO 17

O EXPECTATAS mihi tuas litteras, o gratum aduentum, o constantiam promissi, & fidem miram: o nauigationem amandam; quam mehercule ego ualde timebam, recordans superioris tuae transmissionis. sed, nisi fallor, citius te, quam scribis, uidebo. credo enim te putasse, tuas mulieres in Apulia esse: quod cum secus erit, quid te Apulia moretur? nam Vestorio dandi sunt dies, & ille latinus ἀπὸ τοῦ ἐξ intervallo reguſtandus. quin tu huc aduolas, & inuis illius nostrae reip. germanae putau de nummis ante comitia tributim \* uno loco diuisis palam: uide absolutum Gabinium: detur esse ualiturum. De Messalla quod quaeris, quid



quid scribam, nescio: nunquam uidi tam pares candidatos. Messallae copias nosti. Scaurum Triarius reum fecit. si quaeris, nulla est magnopere commota *συμπάθεια*. sed tamen habet aedilitas eius memoriam non ingrati; & est pondus apud rusticos in patris memoriam. reliqui duo plebei sic exaequantur, ut Domitius ualeat amicis, adiuuentur tamen non gratissimo munere, Memmius Caesaris commendetur militibus, Pompeij Gallia nitatur. quibus si non ualuerit; putant fore aliquem, qui comitia in aduentum Caesaris detrudat, Catone praesertim absoluto. Paccianae epistolae respondi. cognosce cetera. Ex fratris litteris incredibilia quaedam de Caesaris in me amore cognoui: eaq. sunt ipsius Caesaris uberrimis litteris confirmata. Britanni belli exitus expectatur. constat enim, aditus insulae esse munitos mirificis molibus. etiam illud iam cognitum est, neque argenti scrupulum esse ullum in illa insula, neque ullam spem praedae, nisi ex mancipijs: ex quibus nullos puto te litteris, aut musicis eruditos expectare. Paullus in medio foro basilicam iam paene texuit iisdem antiquis columnis: illam autem, quam locauit, facit magnificentissimam. quid quaeris? nihil gratius illo monumento, nihil gloriosius. itaque Caesaris amici, (me dico, & Oppium: disrumparis licet) monumentum illud, quod tu tollere laudibus solebas, ut forum laxaremus, & usque ad atrium Libertatis explicaremus, contempsimus. sexcenties HS cum priuatis



tis non poterat transigi. minore pecunia efficiemus rem gloriosissimam. nam in campo Martio septa tribunicijs comitijs marmorea sumus, & tecta facturi; eaq. cingemus excelsa porticu; ut mille passuum conficiatur. simul adiungetur huic operi Villa etiam Publica. Dicis, quid mihi hoc monumentum proderit? ad quid laboramus res Romanas? non enim te puto de lūstro, quod iam desperatum est, aut de iudicijs, quae lege Plotia fiant, quaerere. Nunc te obiurgari patere, si iure. scribis enim in ea epistola, quam C. Decimius mihi reddidit Buthroto datam, in Asiam tibi eundum esse, te arbitrari. mihi mehercule nihil uidebatur esse, in quo tantulum interesset, utrum per procuratores ageres, an per te ipsum; ne toties, & tam longe abesses. sed haec mallet, integrare, tecum egisse. profecto enim aliquid egissem. nunc reprimam susceptam obiurgationem. utinam ualeat ad celeritatem reditus tui. Ego ad te propterea minus saepe scribo, quod certum non habeo, ubi sis, aut ubi futurus sis. huic tamen nescio cui, quod uidebatur is te uisurus esse, putavi dandas esse litteras. tu, quoniam iturum te in Asiam esse putas, ad quae tempora te expectem, facias me certiore uelim, & de Eutychide quid egeris. Vale.

PUTO te existimare, me, non oblitum consuetudinis, & instituti mei, rarius ad te scribere, quam



quam solebam: sed, cum loca, & itinera tua nihil habere certi uideo, neque in Epirum, neque Athenas, neque in Asiam, neque cuiquam, nisi ad te ipsum proficiscenti, dedi litteras. neque enim sunt epistolae nostrae, quae si perlatae non sint, nihil ea res nos offensura sit: quae tātum habent mysteriorum, ut eas ne librarijs quidem fere committamus. Lepidum quo excidat. Consules flagrant infamia, quod C. Memmius candidatus pactiōem in senatu recitauit, quam ipse suus competitor Domitius cum consulibus fecisset, ut ambo HS cccc consulibus darent, si essent ipsi consules facti, nisi tres augures dedissent, qui se affuisse dicerent, cum lex curiata ferretur, quae lata non esset; & duos consulares, qui se dicerent in ornandis prouincijs consularibus scribendo affuisse, cum omnino ne senatus quidem affuisset. haec pactio non uerbis, sed nominibus, & perscriptonibus, multorum tabulis cum esse facta diceretur; prolata a Memmio est, nominibus inductis auctore Pompeio. hic Appius erat idem: nihil sane iacturae. corruerat alter, & plane, inquam, iacebat. Memmius autem, dirempta cōtione inuito Caluino, plane refrixerat, & eo magis nunc concitare dictaturam, fauere iustitio, & omnium rerum licentiae. Perspice aequitatem animi mei, & ludum, et contemptionem Seleucianae prouinciae, & meam hercule cum Caesare suauissimam coniunctionem. haec enim me una ex hoc naufragio tabula delectat, qui quidem Quintum meum, tuumque,



tuumque, dii boni, quemadmodum tractat honore, dignitate, gratia; non secus, ac si ego essem imperator. hibernam legionem eligendi optio delata commodum, ut ad me scribit. hunc tu non ames? quem igitur istorum? Sed heus tu, scripseram ne tibi, me esse legatum Pompeio? & extra urbem quidem fore ex id. Ian.? uisum est hoc mihi ad multa quadrare. sed quid plura? coram, opinor, reliqua; ut tu tamen aliquid expectes. Dionysio plurimam salutem: cui quidem ego non modo seruaui, sed etiam aedificaui locum. quid quaeris? ad summam laetitiam meam, quam ex tuo reditu capio, magnus ex illius aduentu cumulus accedit. quo die ad me uenies, si me amas, apud me cum tuis maneas. Tuale.



M. TVLLII. CICERONIS  
EPISTOLARVM. AD

T. POMPONIVM. ATTICVM

LIBER. V

CICERO. S. D. ATTICO

**E**GO VERO & tuum in discessu uidi animum, & meo sum ipse testis. quo magis erit tibi uidendum, ne quid noui decernatur; ut hoc nostrum desiderium ne plus sit annuum. De Annio Saturnino curasti probe. De satisdando uero te rogo, quoad eris Romae, tu ut satisdes. & sunt aliquot satisfactiones secundum mancipium, in his & Memmianorum praediorum, uel Atilianorum. De Oppio factum est, ut uolui, & maxime quod DCCC aperuisti: quae quidem ego utique uel uersura facta solui uolo; ne extrema exactio nostrorum nominum expectetur. Nunc uenio ad transuersum illum extremae epistolae tuae uersiculum, in quo me admones de sorore. quae res se sic habet. Ut ueni in Arpinum, cum ad me frater uenisset, in primis nobis sermo, isque multus, de te fuit. ex quo ego ueni ad ea, quae fueramus ego, et tu inter nos de sorore in Tusculano locuti, nihil tam uidi mite, nihil tam placatum, quam tum meus frater erat in sororem tuam; ut etiam, si qua fuerat ex ratione sumpta offensio, non appareret. Illo sic die. postridie ex Arpinati profecti sumus.



sumus. ut in Arcano Quintus maneret, dies fecit :  
ego Aquini . sed prandimus in Arcano . nosti hunc  
fundum . quò , ut uenimus , humanissime Quin-  
ctus, Pomponia , inquit , tu inuita mulieres , ego  
acciuero pueros . nihil potuit , mihi quidem ut ui-  
sum est , dulcius , idq. cum uerbis , tum etiam ani-  
mo, & uultu . at illa , audientibus nobis , ego sum ,  
inquit , hic hospita . id autem ex eo , ut opinor , quòd  
antecefferat Statius , ut prandium nobis uideret . tū  
Quinctus , en , inquit mihi , hæc ego patior quotidie .  
dices , quid , quæso , istuc erat ? magnum , itaque  
me ipsum commouerat : sic absurde , & aspere uer-  
bis , uultuq. responderat . dissimulaui dolens . discu-  
buimus omnes præter illam : cui tamen Quinctus  
de mensa misit ; illa reiecit . quid multa ? nihil meo  
fratre lenius , nihil asperius tua sorore mihi uisum  
est . & multa prætereo , quæ tum mihi maiore sto-  
macho , quàm ipsi Quincto , fuerunt . ego inde A-  
quinum , Quinctus in Arcano remansit , & Aqi-  
num ad me postridie mane uenit , mihiq. narrauit ,  
nec secum illam dormire uoluisse , & , cum disces-  
sura esset , fuisse eiusmodi , qualem ego uidissem .  
quid quæris ? uel ipsi hoc dicas licet , humanitatem  
ei , meo iudicio , illo die defuisse . Hæc ad te scripsi  
fortasse pluribus , quàm necesse fuit , ut uideres ,  
tuas quoque esse partes instituendi , & monendi .  
Reliquum est , ut ante , quàm proficiscare , man-  
data nostra exhaurias , scribes ad me omnia , Pon-  
tinium extrudas . cum profectus eris ; cures , ut sciā .

L

sic



## LIB. V. EPIST.

sic habeas, nihil mehercule te mihi nec carius esse, nec suauius. A. Torquatum amantissime dimisi Minturnis, optimum uirum: cui, me ad te scripsisse aliquid, in sermone significes uelim. Vale.

CICERO S. D. ATTICO. 2

AD VI. id. Mai. cum has dabam litteras, ex Pompeiano proficiscebar, ut eo die manerem in Trebulano apud Pontium. deinde cogitabam sine ulla mora iusta itinera facere. In Cumano cum essem, uenit ad me, quod mihi pergratum fuit, noster Hortensius: cui, deposcenti mea mandata, cetera uniuerse mandavi, illud proprie, ne pateretur, quantum esset in ipso, prorogari nobis prouincias. in quo eum tu uelim confirmes, gratumq. mihi fecisse dicas, quod & uenerit ad me, & hoc mihi, praetereaq. si quid opus esset, promiserit. confirmaui ad eam causam etiam Furnium nostrum; quem ad annum tribunum pl. uidebam fore. Habuimus in Cumano quasi pusillam Romam: tanta erat in his locis multitudo; cum interim Rufio noster, quod se a Vestorio obseruari uidebat, stratagemate hominem percussit: nam ad me non accessit. ita ne? cum Hortensius ueniret, & infirmus, & tam longe Hortensius, cum maxima praeterea multitudo, ille non uenit? non, inquam. non uidisti igitur hominem? inquires. qui potui non uidere, cum per emporium Puteolanorum iter facerem? in quo illum, agentem aliquid, credo, salutari; post etiam



etiam iussi ualere, cum me e Pansa uilla, num quid uellem, rogasset. hunc hominem parum gratum quisquam putet? aut non in eo ipso laudandum, quod audiri non laborarit? Sed redeo ad illud. Noli putare, mihi aliam consolationem esse huius ingentis molestiae, nisi quod spero non longiorem annua fore. hoc me ita uelle multi non credunt, ex consuetudine aliquorum. tu, qui scis, omnem diligentiam adhibebis, tum scilicet, cum id agi debebit. cum ex Epiro redieris, de rep. scribas ad me uelim, si quid erit, quod operiare. non dum enim satis huc erat allatum, quo modo Caesar ferret de auctoritate perscripta: eratque rumor de transpadanis, eos iussos <sup>1</sup> u uiros creare. quod si ita est, magnos motus timeo: sed aliquid ex Pompeio sciam. Vale.

## CICERO S. D. ATTICO. 3

AD VI. id Mai. ueni in Trebulanum ad Pontium. ibi mihi tuae litterae binæ redditæ sunt tertio abs te die. eodem autem ex Pompeiano Philotimo dederam ad te litteras. nec uero nunc erat sane, quid scriberem. qui de rep. rumores, scribe quæso. in oppidis enim summum uideo timorem. sed multa inania. quid de ijs cogites, & quando, scire uelim. Ad quas litteras tibi rescribi uelis, nescio. nullas enim adhuc acceperam, præter quæ mihi binæ semel in Trebulano redditæ sunt. quarum altera edictum P. Licinij habebant, (erant

L 2 autem



## LIB. V. EPIST.

autem nonis Mai. datæ ) alteræ rescriptæ ad meas  
 Minturnenses . quàm uereor , ne quid fuerit ἀπο-  
 δαιότερον in ijs , quas non accepi , quibus rescribi  
 uis . Apud Lentulum ponam te in gratiam .  
 Dionysius nobis cordi est . Nicanor tuus operam  
 mihi dat egregiam . Iam deest , quid scribam ; & lu-  
 cet . Beneuenti cogitabam hodie . nostra continen-  
 tia , & diligentia faciemus satis . A Pontio , ex  
 Trebulano , ad v. id. Mai.

CICERO S. D. ATTICO. 4

BENEVENTVM ueni ad v. id. Mai. ibi ac-  
 cepti eas litteras , quas tu superioribus litteris signi-  
 ficaueras te dedisse : ad quas ego ipso eo die dede-  
 ram ex Trebulano a Pontio . ac binas quidem tuas  
 Beneuenti accepi . quarum alteras Pesulanus mul-  
 to mane mihi dedit , alteras scriba Tullius . Gratif-  
 sima est mihi tua cura de illo meo primo & maxi-  
 mo mandato ; sed tua profectio spem meam debili-  
 \* tat . ac ne ille illud quidem labat , non quo , sed ino-  
 pia cogimur eo contenti esse . De illo altero , quem  
 scribis tibi uisum esse non alienum , uereor adduci ,  
 ut nostris possit ( & tuis δυοδιάγνωστον ) ὑποδ-  
 εῖν esse , & quidem summe facilis . sed tu aberis , &  
 me absente rei habebis rationem meæ . nam posset  
 aliquid , si uteruis nostrum adesset , agente Seruio  
 fieri probabile . nunc , si iam res placeat , agendi  
 tamen uiam non uideo . Nunc uenio ad illam epi-  
 stolam ,



stolam, quam accepi a Tullio. De Marcello, fecisti diligenter. igitur S. C. si erit factum, scribes ad me: sin minus, rem tamen conficies. mihi enim attribui oportebit, item Bibulo. sed non dubito, quin S. C. expeditum sit, in quo praesertim sit compendium populi. De Torquato, probe. De Masone, & Ligure, cum uenerint. De illo, quod Cherippus: (quoniam hic quoque ~~modis~~ <sup>modis</sup> uestris sustulisti) o provincia: etiam ne hic mihi curandus est? curandus autem? haetenus, ne quid ad senatum. consule, aut numerat. nam D C ceperis. sed tamen comode, quod cum Scrofa. De Pontinio, recte scribis. est enim ita, ut, si ante kal. Iun. Brundisii futurus sit, minus urgendi fuerint M. Annius, & Tullius. Quae de Sicinio audisti, ea mihi probantur; modo ne illa exceptio in aliquem incurrat bene de nobis meritum. sed considerabimus. rem enim probo. De nostro itinere, quod statuerò: de quinque praefectis, quid Pompeius factururus sit; cum ex ipso cognoro, faciam, ut scias. De Oppio bene curasti, quod ei D C C C exposuisti: idque, quoniam Philotimum habes, perfice, & cognosce rationem: & ut agam amplius, si me amas, prius quam proficiscaris, effice. magna me cura lenaris. Habes ad omnia. etsi paene praeterij. Chartam tibi deesse, mea cautio est: siquidem eius inopia minus multa ad me scribis. tu uero aufer ducentos. et si meam in eo parsimoniam huius paginae contractio significat, dum acta, & rumores uellet.

L 3 iam.



## LIB. V. EPIST.

iam, si qua certa habes de Cæsare, exspecto litteras: & alias Pontinio de omnibus rebus diligentes dabis. Vale.

CICERO S. D. ATTICO. 5

PLANE deest, quod scribam. nam nec, quid mandem, habeo; nihil enim prætermisum est: nec quid narrem; noui enim nihil: nec iocandi locus est; ita me multa sollicitant. tantum tamen scito, idibus Mai. nos Venusia mane proficiscentes, has dedisse. eo autem die credo aliquid actum in senatu. sequantur igitur nos tuæ litteræ, quibus non modo res omnes, sed etiam rumores cognoscamus. eas accipiemus Brundisii: ibi enim Pontinium ad eam diem, quam tu scripsisti, exspectare consilium est. Nos Tarenti quos cum Pompeio διαλόγου de rep. habuerimus, ad te perscribemus. etsi id ipsum scire cupio, quod ad tempus recte ad te scribere possem, id est, quàm diu Romæ futurus sis; ut, aut quò dem posthac litteras, sciam, aut ne dem frustra. Sed ante, quàm proficiscare, utique explicatum sit illud, HS XX & DCCC. hoc, nelim, in maximis rebus, & maxime necessarijs habeas; ut, quod auctore te uelle cæpi, adiutore assequar. Vale.

CICERO S. D. ATTICO. 6

TARENTVM ueni ad xv. kal. Iun. quòd Pontinium statueram exspectare, commodissimum duxi,



duxi, dies eos, quoad ille ueniret, cum Pompeio consumere, eoq. magis, quod ei gratum esse id uidebam; qui etiam a me petierit, ut secum, & apud se essem quotidie: quod concessi libenter: multos enim eius præclaros de rep. sermones accipiam: instruam etiam consilijs idoneis ad hac nostrum negotium. Sed ad te breuior iam in scribendo incipio fieri, dubitans, Romæ ne sis, an iam profectus. quod tamen quoad ignorabo, scribam aliquid potius, quàm committam, ut, tibi cum possint reddi a me litteræ, non reddantur. nec tamen iam habeo, quid aut mandem tibi, aut narrem. mandavi omnia; quæ quidem tu, ut polliceris, exhauries: narrabo, cum aliquid habebo noui. illud tamen non desinam, dum adesse putabo, de Cæsaris nomine rogare, ut confectum relinquas. auide exspecto tuas litteras, & maxime, ut norim tempus profectionis tuæ. Vale.

CICERO S. D. ATTICO. 7

QVOTIDIE, uel potius in dies singulos breuiores litteras ad te mitto. quotidie enim magis, ac magis suspicor te in Epirum iam profectum. sed tamen, ut mandatum scias me curasse; quot ante, ait se Pompeius quinos præfectos delaturum nouos, uacationes, iudiciariam causam. Ego cum triduum cum Pompeio, & apud Pompeium fuisset, proficiscebam Brundisium ad XIII. kal. Iun. ciuem illum egregium relinquebam, & ad hæc

L 4 quæ



quæ timentur , propulsanda paratissimum . Tuas  
litteras expectabo , cum ut quid agas , tum ut , ubi  
sis , sciam . Vale.

CICERO S. D. ATTICO. 8

M E E T incommoda ualetudo , qua iam  
emerferam , ut pote cum sine febris laborassem , &  
Pontini expectatio , de quo adhuc ne rumor qui-  
dem uenerat , tenebat duodecimum iam diem Brun-  
disii : sed cursum expectabamus . tu si modo es Ro-  
mæ , ( uix enim puto ) sin es , hoc uehementer ani-  
maduertas uelim . Romæ acceperam litteras , Mi-  
lonem meum queri per litteras iniuriâ meam , quod  
Philotimus socius esset in bonis suis . id ego ira fieri  
uolui de C. Duronij sententia ; quem & amicissi-  
mum Miloni perspexeram , & talem uirum , qua-  
lem tu iudicas , cognoram . eius autem consilium ,  
meumq. hoc fuerat ; primum , ut in potestate nostra  
esset res ; ne illum malus emptor alienis mancipijs ,  
quæ permulta secum habet , spoliaret : deinde , ut  
Faustæ , cui cautum ille esse uoluisset , ratum esset .  
erat etiam illud , ut ipsi nos , si quid seruari posset ,  
quamfacillime seruaremus . nunc rem totam per-  
spicias uelim . nobis enim scribuntur saepe maiora .  
sed , si ille queritur , si scribit ad amicos , si idem Fau-  
sta uult : Philotimus , ut ego ei coram dixeram ,  
mihiq. ille receperat , ne sit inuito Milone in bonis :  
nihil nobis fuerat tanti . sin hæc leuiora sunt , tu iu-  
dicabis . loquere cum Duronio . scripsi etiam ad Ca-  
millum ,



millum, ad Lamiam, eoq. magis, quod non confi-  
debam, Romæ te esse. summa erit hæc: statues, ut  
ex fide, fama, req. mea uidebitur. Vale.

## CICERO S. D. ATTICO. 9

ACTIVM uenimus ad xvii. kal. Quinti  
cum quidem & Corcyræ, & Sybotis muneribus  
tuis, quæ & Areus, & meus amicus Eutychi-  
des opipare, & φιλοπορνέσατα nobis concesser-  
ant, epulati essemus Saliarem in modum. Actio  
maluimus iter facere pedibus, qui incommodissime  
nauigassemus: & Leucaten flectere, molestum ui-  
debatur. actuarijs autem minutis Patras accedere  
sine his impedimentis, non satis uisum est decorum.  
Ego, ut sæpe tu me currentem hortatus es, quoti-  
die meditor: præcipio meis: faciam denique, ut  
summa modestia, & summa abstinentia munus hoc  
extraordinarium traducamus. Parthus, uelim,  
quiescat, & fortuna nos iuuet: nostra præstabi-  
mus. Tu, quæso, quid agas, ubi quoque hoc  
tempore futurus sis, quales res nostras Romæ re-  
liqueris, maxime de CXX, et de DCCC, cura,  
ut sciamus. id unis diligenter litteris datis, quæ ad  
me utique perferantur, consequere. Illud tamen  
(quoniam nunc abes, cum id non agitur: adcri-  
tem ad tempus, ut mihi scripsisti) memento cura-  
re per te, et per omnes nostros, in primis per Hor-  
tensium, ut annus noster maneat suo statu; ne  
quid noui decernatur. hoc tibi ita mando, ut dubi-  
tem,



## LIB. V. EPIST.

tem, an etiam te rogem, ut pugnes, ne intercale-  
tur. sed non audeo tibi omnia onera imponere. an-  
num quidem utique teneto. Cicero meus, mode-  
stissimus, & suauissimus puer, tibi salutem dicit.  
Dionysium semper equidem, ut scis, dilexi, sed quo  
tidie pluris facio, & mehercule in primis, quod te  
amat, nec tui mentionem intermittere sinit. Vale.

CICERO S. D. ATTICO. IO

V T Athenas ad xv. kal. Quint. ueneram,  
expectabam ibi iam quartum diem Pontinium, ne-  
que de eius aduentu certi quidquam habebam: erā  
autem totus, crede mihi, tecum: & quanquam si-  
ne ijs per me ipse, tamen acrius, ueligijs tuis mo-  
nitus, de te cogitabam. quid quæris? non meher-  
cule alius ullus sermo, nisi de te. sed tu aliquid de  
me ipso scire fortasse mauis. hæc sunt. Adhuc sum-  
ptus nec in me aut publice, aut priuatim, nec in quē  
quam comitum. nihil accipitur lege Iulia, nihil ab  
hospite. persuasum est omnibus meis, seruiendum  
esse famæ meæ. belle adhuc. hoc animaduersum,  
Græcorum laude, & multo sermone celebratur.  
quod superest, elaboratur in hoc a me, sicut tibi  
sensi placere. sed hæc tum laudemus, cum erunt  
perorata. Reliqua sunt eiusmodi, ut meum consi-  
lium sæpe reprehendam, quod non aliqua ratione  
ex hoc negotio emerferim. o rem minime aptam  
meis moribus. o illum uerum, ἐπιδότις. dices, quid  
adhuc? non dum enim in negotio uersaris. nescio; et  
puto



puto molestiora restare. sed hæc ipsa fero equidem fronte, ut puto, & uolo, bellissime; sed angor intimis sensibus: ita multa uel iracunde, uel insolenter, uel in omni genere stultitiæ insulse, arroganter et dicuntur, & tacentur quotidie. quæ, non quo te cælem, non perscribo, sed quia δυσκολιμντα sunt. itaque admirabere meam βαδύτητα, cum salui redierimus: tanta mihi μελέτη huius uirtutis datur. Ergo hæc quoque hæctenus: etsi mihi nihil erat propositum ad scribendum; quia, quid ageres, ubi terrarum esses, ne suspicabar quidem: nec hercule unquam tam diu ignarus rerum mearum fui; quid de Cæsaris, quid de Milonis nominibus actum sit. hæc non modo nemo, sed ne rumor quidem quisquam; ut sciremus, in rep. quid ageretur. quare si quid erit, quod scias de ijs rebus, quas putabis scire me uelle, per mihi gratum erit, si id curaris ad me perferendum. Quid est præterea? nihil sane, nisi illud: ualde me Athenæ delectarunt: turbæ dumtaxat? & urbis ornamentum, & hominum amores in te, in nos quadam beneuolentia, sed multum ea philosophia, ἀνω, καὶ κάτω: siquidem est in Aristō, apud quem eram: nam Xenonem tuum, uel nostrum potius, Quinto concesseram: tamen propter uicinitatem totos dies simul eramus inuicem. Cum primum poteris, tua consilia ad me scribas; ut sciam, quid agas, ubi quoque, & maxime quando Romæ futurus sis. Vale.

CICERO



HVI, toties ne me litteras dedisse Romam, cū  
 ad te nullas darem? at uero posthac frustra potius  
 dabo, quā, si recte dari potuerint, committam,  
 ut non dem. Ne prouincia nobis prorogetur. per  
 fortunas, dum ades, quidquid prouideri potest, pro  
 uide. non dici potest, quā flagrem desiderio urbis,  
 quā uix harum rerum insulsiatē feram. Mar-  
 \* cellus sedendi comes; etsi ille magistratum non ges-  
 serit, erit tamen transpadanus. ita mihi uidetur non  
 minus stomachi nostro Cæsari fecisse. sed hoc ipse  
 uiderit. Pompeius mihi quoque uidebatur, quod  
 scribis Varronem dicere, in Hispaniam certe itu-  
 rus. id ego minime probabam: qui quidem Theo-  
 phani facile persuasi, nihil esse melius, quā illud,  
 nusquam illum discedere. ergo Græcus incumbet.  
 ualet autem auctoritas eius apud illum plurimum.  
 Ego has prid. non. Quinct. proficiscens Athenis de-  
 di, cum ibi decem ipsos fuisset dies. uenerat Pon-  
 tinius. nam Cn. Volusius aderat quæstor. tuus u-  
 nus Tullius aberat. ῥοπαντα Rhodiorum, & dicro-  
 ta Mitylenæorum habebam, & aliquid ἐπίκωπον.  
 De Parthis erat silentium. quod superest, dii iuuent.  
 Nos adhuc iter per Græciam summa cum admira-  
 tione fecimus. nec mehercule habeo, quod adhuc  
 quem accusē meorum. uidentur mihi nosse nos,  
 nostram causam, et condicionem profectionis suæ.  
 plane seruiunt existimationi meæ. quod superest, si  
 uerum



uerum illud est, οἷα τ' αὖ δέονται, certe permane-  
bunt. nihil enim a me fieri ita uidebunt, ut sibi sit  
delinquendi locus: sin id parum profuerit, fiet ali-  
quid a nobis seuerius: nam adhuc lenitate dulces su-  
mus; & ut spero, proficimus aliquantum. sed ego  
hanc, ut singuli dicunt, ἀνεξίαν in unum annum me-  
ditatus sum. proinde pugna; ne, si quid prorogatum  
sit, turpis inueniar. Nunc redeo ad quæ mihi man-  
das. In præfæctis excusatio. ijs, quos uoles, defer-  
to: non ero tam πετέωπος, quàm in Appuleio fui.  
Xenonem tam diligo, quàm tu: quod ipsum sentire  
certo scio. Apud Patronem, & reliquos Barones  
te in maxima gratia posui: & hercule merito tuo  
feci: nam mihi is ter dixit, te scripsisse ad se, mihi  
ex illius litteris rem illam curæ fuisse. quod ei per-  
gratum erat. sed cum Patro mecum egisset, ut pe-  
terem a uestro Ariopago, ὑπαρχὸν ἀποδοῦναι tolle-  
rent, quem Policharmo prætoris fecerant: commo-  
dius uisum est & Xenoni, & post ipsi Patroni, me  
ad Memmium scribere, qui pridie, quàm ego A-  
thenas ueni, Mitylenas profectus erat, ut is ad suos  
scriberet, posse id sua uoluntate fieri. non enim du-  
bitabat Xeno, quin ab Ariopagitis inuito Memmio  
impetrari non posset. Memmius autem ædificandi  
consilium abiecerat, sed erat Patroni iratus. ita-  
que scripsi ad eum accurate: cuius epistolæ misi ad  
te exemplum. Tu, uelim, Piliam meis uerbis con-  
solere. indicabo enim tibi: tu illi nihil dixeris. ac-  
cepi fasciculum, in quo erat epistola Piliæ: abstuli,  
aperui,



## LIB. V. EPIST.

aperui, legi: ualde scripta est *συμπραθῶς*. Brundisio quæ tibi epistolæ redditæ sunt sine meâ, tum uidelicet datæ, cum ego me non belle haberem. nam illam *νομὰν δὲ πλὴν* excusationem ne acceperis. Cura, ut omnia sciam, sed maxime, ut ualeas.

CICERO S. D. ATTICO. 12

NEGOTIVM magnum est nauigare, atque id mense Quint. sexto die Delum Athenis uenimus. pridie non. Quint. a Piræeo ad Zostera, uento molesto, qui nos ibidem nonis tenuit. ad VIII. id. ad Ceo iucunde. inde Gyarum sæuo uento, non aduersio: hinc Scyrum, inde Delum, utroque citius, quàm uellemus, cursum confecimus. iam nostri *ἄρρακτα* Rhodiorum. nihil, quod minus fluctum ferre possit. itaque erat in animo nihil festinare, Delo nec me mouere, nisi omnia *ἀκρατηρέων* iura uidissem. De Messalla ad te statim, ut audiui, de Gyaro dedi litteras, & id ipsum consilium nostrum etiam ad Hortensium: cui quidem ualde *συνηγωνίων* sed tuas de eius iudicij sermonibus, & mehercule omni de reip. statu litteras exspecto, *πολιτικώτερον* quidem scriptas, ( quoniam meos cum Thallumeto nostro peruolutas libros ) eiusmodi inquam litteras, ex quibus ego, non quid fiat, ( nam id uel Helonius, uir gratissimus, potest efficere, cliens tuus ) sed quid futurum sit, sciam. Cum hæc leges, habebimus consules. omnia perspicere poteris, de Cæsare, de Pompeio, de ipsis iudicijs. Nostra autem



tem negotia, quoniam Romæ commoraris, amabo te, explica. Cui rei fugerat me rescribere, de strue salinarum plane rogo. De aqua, si quid poterit fieri, eo sis animo, quo soles esse: quam ego cum mea sponte, tum tuis sermonibus æstimo plurimi. ergo quid conficies. Præterea, si quid Philippus rogauit; quod in tua re faceres, id uelim facias. Plura scribam ad te, cum constitero: nunc eram plane in medio mari. Vale.

CICERO S. D. ATTICO. 13

EPHESVM uenimus ad XI. kal. Sext. sexagesimo, & quinto post pugnam Bouillam. nauigauimus sine timore, & sine nausea, sed tardius propter aphraetorum Rodiorum imbecillitatem. De concursu legationum, priuatorum, & de incredibile multitudine, quæ mihi iam Sami, sed mirabilem in modum Ephesi præsto fuit, aut audisse te puto, aut quid ad me attinet? uerumtamen decuma \* nis uenissem cum imperio, Græci quasi Ephesio prætori se alacres obtulerunt. ex quo te intelligere certo scio, multorum annorum ostentationes meas nunc in discrimen esse adductas. sed, ut spero, utemur ea palæstra, quam a te didicimus; omnibusq. satisfaciemus; & eo facilius, quod in nostra prouincia confectæ sunt pactiones. Sed hætenus, præsertim cum cenanti mihi nuntiaret Sextius, sed de nocte proficisci. Tua negotia Ephesi curæ mihi fuerunt: Thermoque, tamen si ante aduentum meum libera-



## LIB. V. EPIST.

liberalissime erat pollicitus tuis omnibus, tamen Philogenem, & Seium Rhodium, & Apolloniensem Xenonem commendavi. omnino omnia se facturum recepit. Ego præterea rationem Philogeni permutationis eius, quam tecum feci, edidi. Ergo hæc quoque hætenus. redeo ad urbana. Per fortunas (quoniam Romæ manes) primum illud præfulci, atque præmuni, quaeso, ut simus annui; ne intercaletur quidem: deinde exhauri mea mandata, maximeque, si quid, potest, de illo domestico, scrupulum quem non ignoras; deinde de Cæsare: cuius in cupiditatem te auctore incubui; nec me piget. & si intelligis, quàm meum sit scire, & curare, quid in rep. fiat: fiat autem? immo vero etiam quid futurum sit, perscribe ad me omnia, sed diligentissime, in primisq. quid iudiciorum status aut factorum, aut futurorum etiam laboret. De aqua, si curæ est, si quid Philippus aget, animaduertas. Vale.

CICERO S. D. ATTICO. 14

ANTE, quàm aliquo loco confedero, neque longas a me, neque semper mea manu litteras expectabis. cum autem erit spatium, utrumque præstabo. nunc iter conficiebamus æstuosa, & puluerulenta uia: dederam Epheso pridie: has dedi Tralibus. In prouincia mea fore me putabam kal. Sext. ex ea die, si me amas, παράγγελμα ἐνι αὐτίον commoueto. tamen interea hæc, quæ uellem, mihi

hi



hi afferebantur: primum otium Parthicum, deinde  
 confectæ pactiones publicanorum, postremo sedi-  
 tio militum sedata ab Appio, stipendiumq. eis us-  
 que ad idus Quint. persolutum. Nos Asia accepit  
 admirabiliter. aduentus noster ne nummo quidem  
 sumptui fuit. spero meos omnes seruire laudi meæ:  
 tamen magno timore sum: sed bene speramus.  
 omnes iam nostri, præter Tullium tuum, uenerunt.  
 erat mihi in animo recta proficisci ad exercitum,  
 æstiuos menses reliquos rei militari dare, hiber-  
 nos iurisdictioni. Tu, uelim, si me nihilo minus  
 nosti curiosum in rep. quàm te, scribes ad me om-  
 nia, quæ sint, quæ ue futura sint. nihil mihi gra-  
 tius facere potes: nisi tamen id erit mihi gratissi-  
 mum, si, quæ tibi mandauit, confeceris; in primis,  
 quid illud ἐν δόμῳ σου: quo mihi scis nihil esse carius.  
 Habes epistolam plenam festinationis, & pulue-  
 ris. reliquæ subtiliores erunt. Vale.

CICERO S. D. ATTICO. 15

LAODICEAM ueni pridie kal. Sext. ex  
 hoc die clauum amonebis. nihil exoptatius aduen- \*  
 tu meo, nihil carius. sed est incredibile, quàm  
 me negotij tædeat. non habeat satis magnum cam-  
 pum illi tibi non ignotus cursus animi, & indu-  
 striæ meæ? præclara opera cesset? quippe ius  
 Laodiceæ me dicere, cum Romæ A. Plotius di-  
 cat? & cum exercitum noster amicus habeat, tan-  
 tum me nomē habere duarum legionum exsilium?

M deni-



## LIB. V. EPIST.

denique hoc non desidero : lucem , forum , urbem ,  
domum , uos desidero . sed feram , ut potero : sim  
modo annuus , si prorogatur , actum est . uerum  
perfacile resisti potest . tu modo Romæ sis . Quæ-  
ris , quid hic agam : ita uiuam , ut maximos sum-  
ptus facio , mirifice delector hoc instituto . admira-  
bilis abstinentia ex præceptis tuis : ut uererar , ne il-  
lud , quod tecum permutaui , uersura mihi soluen-  
dum sit . Appij uulnera non refrico : sed apparent ,  
nec oculi possunt . iter Laodicea faciebam ad III .  
non . Sext . cum has litteras dabam , in castra in Ly-  
caoniam , inde ad Taurum cogitabam , ut cum Mor-  
phagene signis collatis , si possem , de seruo tuo de-  
ciderem . clitellæ boui sunt impositæ . plane non est  
nostrum onus : sed feremus . modo , si me amas ,  
sim annuus . adsis tu ad tempus , ut senatum exci-  
tes : mirifice sollicitus sum , quod iam diu ignota  
sunt mihi ista omnia , quare , ut ad te ante scripsi ,  
cum cetera , tum resp. cura , ut mihi nota sit . Plu-  
ra scribum alias . tarde tibi reddituro , sed dabam  
familiari homini , ac domestico , C. Andronico Pu-  
teolano . tu autem sæpe dare tabellarijs publicano-  
rum poteris , pro magistris scripturæ , & portus ,  
& nostrarum dicecesium . Vale ,

CICERO S. D. ATTICO. 16

ETSI in ipso itinere , & uia discedebant pu-  
blicanorum tabellarij , & eram in cursu : tamen  
surripiendum aliquid putavi spatij , ne me imme-  
morem



morem mandati tui putares. itaque subsedi in ipsa  
uia, dum hæc, quæ longiorem desiderant oratio-  
nem, summam tibi perscriberem. Maxima  
expectatione in perditam, & plane euersam in  
perpetuū provinciam nos uenisse scito pridie kal.  
Sext. moratus triduum Laodiceæ, triduum Apa-  
meæ, totidem dies Synnade. audiuius nihil aliud,  
nisi imperata ἐπιτεράλεια soluere non posse: posses-  
siones omnium uenditas: ciuitatum gemitus, plo-  
ratus, monstra quædam non hominis, sed feræ ne-  
scio cuius immanis. quid quæris? tædet omnium nos  
uitæ. leuantur tamen misere ciuitates, quod nullus  
fit sumptus in nos, neque in legatos, neque in quæ-  
sorem, neque in quenquam. scito, non modo nos  
scænum, aut quod lege Iulia dari solet, non accipe-  
re, sed ne ligna quidem; nec, præter quattuor le-  
ctos & tectum, quenquam accipere quidquam;  
multis locis ne tectum quidem, & in tabernaculo  
manere plerumque. itaque incredibilem in modum  
concursum sunt ex agris, ex uicis, ex domibus om-  
nibus mehercule etiam, aduentu nostro. reuiu-  
escunt iustitia, abstinentia, clementia tui Ciceronis:  
itaque opiniones omnium superauit. Appius, ut  
audiuit nos uenire, in ultimam provinciam se con-  
iecit Tarsum usque: ibi forum agit. De Partho si-  
lentium est: sed tamen concisos equites nostros a bar-  
baris nuntiabant ij, qui ueniebant. Bibulus ne co-  
gitabat quidem etiam nunc in provinciam suam ac-  
cedere. id autem facere ob eam causam dicebant,

M 2 quod



quòd tardius uellet decedere. Nos in castra properabamus, quæ aberant bidui. Vale.

CICERO S. D. ATTICO. 17

ACCEPI Roma sine epistola tua fasciculum litterarum. in quo, si modo ualueris, & Romæ fuisti, Philotimi duco esse culpam, non tuam. hanc epistolam dictavi sedens in rheda, cum in castra profiscerer, ab quibus aberam bidui. paucis diebus habebam certos homines, quibus darem litteras: itaque eò me seruaui. Nos, tamen etsi hoc te ex alijs audire malo, sic in prouincia nos gerimus, quod ad abstinentiam attinet, ut nullus teruntius infumatur in quenquam. id fit etiam & legatorum, & tribunorum, & præfectorum diligentia: nam omnes mirifice *συμφιλοδοξοῦσιν* gloriæ meæ. Lepta noster mirificus est. Sed nunc propero. perscribam ad te paucis diebus omnia. Cicero-nes nostros Deiotarus filius, qui rex ab senatu appellatus est, secum in regnum. dum in æstiuis nos essemus, illum pueris locum esse bellissimum duximus. Sextius ad me scripsit, quæ tecum esset de mea domestica, & maxima cura locutus, & quid tibi esset uisum. amabo te, incumbere in eam rem, & ad me scribe, quid & possit, & tu censeas. Idem scripsit, Hortensium de proroganda nostra prouincia dixisse nescio quid. mihi in Cumano, diligentissime, se, ut annui essemus, defensurum, receperat. si quidquam me amas, hunc locum ama. dici non potest,



potest, quàm inuitus a uobis absim. et simul hanc gloriam iustitiæ, & abstinentiæ fore illustriorem spero, si cito decesserimus. id quod Scauolæ contingit; qui solos nouem menses Asiæ præfuit. Appius noster, cum me aduentare uideret, profectus est Tarsum usque Laodicea. ibi forum agit, cum ego sum in prouincia. quam eius iniuriam non insector. satis enim habeo negotij in sanandis uulneribus, quæ sunt imposita prouinciæ. quod, do operam, ut faciam quamminima illius contumelia. sed hoc Bruto nostro uelim dicas, illum fecisse non belle, qui aduentu meo, quàm longissime potuerit, discesserit. Vale.

QVA' M uellem, Romæ esses, si forte non es. nihil enim certi habebamus, nisi accepisse nos tuas litteras ad *XIV. kal. Sext. datas*, in quibus scriptum esset, te in Epirum iturum circiter *kal. Sext.* sed, siue Romæ es, siue in Epiro, Parthi Euphratem transierunt duce Pacoro, Orodís, Parthorum regis, filio, cunctis referto copijs. Bibulus non dum audiebatur esse in Syria. Cassius in oppido Antiochiæ cum omni exercitu. nos in Cappadocia ad Taurum cum exercitu ad Cybistra. hostis in Cyrestica; quæ Syriæ pars proxima est prouinciæ meæ. his de rebus scripsi ad senatum. quas litteras, si Romæ es, uidebis, putes ne reddendas: & multa, immo omnia. quorum κεφάλαιον, ne quid i:



## LIB. V. EPIST.

ter cæsa, et porrecta, ut aiunt, oneris mihi addatur, aut temporis. nobis enim, hac infirmitate exercitus, inopia sociorum, præsertim fidelium, certissimum subsidium est hiems, ea si uenerit, nec illi ante in meam prouinciam transferint. unum uereor, ne senatus propter urbanarum rerum metum Pompeium nolit dimittere. quod si alium ad uer mittit; non laboro. nobis modo temporis ne quid prorogetur. Hæc igitur, si Romæ es. sin abes, aut etiam si ades; hæc negotia sic se habent. Stamus animis; & quia consilijs, ut uidemur, bonis utimur, speramus etiam manu. tuto confedimus, copioso a frumento, Ciliciam prope conspiciente, expedito ad mutandum locum, paruo exercitu, sed, ut spero, ad beneuolentiam arga nos consentiente: quem nos, Deiotari aduentu cum suis omnibus copijs, duplicaturi eramus. socijs multo fidelioribus utimur, quam quisquam usus esset: quibus incredibilis uidetur et nostra mansuetudo, & abstinentia. delectus habetur ciuium Romanorum: frumentum ex agris in loca tuta comportatur. si fuerit occasio, manu; sin minus, locis nos defendemus. quare bono animo es. uideo enim te, et, quasi coram adsis, ita cerno *συμπράττειν* amoris tui. sed te rogo, (si ullo pacto fieri poterit) si integra in senatu nostra causa ad kal. Ian. manserit, ut Romæ sis mense Ianuario. profecto nihil accipiam iniuriæ, si tu aderis. amicos consules habemus, nostrum tribunum pl. Furnium. uerum tua est opus assi-



assiduitate, prudentia, gratia. tempus est necessarium: sed turpe est, me pluribus uerbis agere tecum, Cicerones nostri sunt apud Deiotarum: sed, si opus erit, deducuntur Rhodum. Tu, si es Romæ; ut soles diligentissime: sin in Epiro; mitte tamen ad nos de tuis aliquem tabellarium; ut et tu, quid nos agamus, & nos, quid tu agas, quidq. acturus sis, scire possimus. Ego tui Bruti rem sic ago, ut suam ipse non ageret. sed iam exhibeo pupillum, neque defendo: sunt enim negotia et lenta, et inania. faciam tamen satis, tibi quidem, cui difficilius est, quam ipsi: sed certe satisfaciam utrique. Vale.

CICERO S. D. ATTICO. 19

OBSIGNARAM iam epistolam, eam, quam puto te modo perlegisse, scriptam mea manu, in qua omnia continentur, cum subito Appij tabellarius ad XI. kal. Oct. septimo quadragesimo die Roma celeriter (hui tam longe) mihi tuas litteras reddidit. ex quibus non dubito, quin, ut Pompeium expectaris, dum Arimino rediret, etiam in Epirum profectus sis: magisq. uereor, ut scribis, ne in Epiro sollicitus sis non minus, quam nos hic sumus. De Atiliano nomine scripsi ad Philotimum ne appellaret Messallam. Itineris nostri famam ad te peruenisse lator, magisq. letabor, si reliqua cognoris. Filiolam tuam tibi iam Romæ iucundam esse gaudeo; eamque, quam nunquam uidi



## LIB. V. EPIST.

di, tamen & amo, & amabilem esse certo scio.  
 Etiam atque etiam uale. De Patrone, et tuis con-  
 discipulis, quæ de Tarentinis in militia laboravi,  
 ea tibi grata esse gaudeo. Quod scribis libenter,  
 repulsam tulisse eum, qui cum sororis tuæ filij pa-  
 truo certaret: magni amoris signum: itaque me  
 etiam admonuisti ut gauderem. nam mihi in men-  
 tem non uenerat. non credo, inquis, ut libet: sed  
 plane gaudeo: quoniam τὸ νυμεσῶν interest τοῦ  
 φθορῆν. Vale.

CICERO S. D. ATTICO. 20

SATURNALIBVS mane se mihi Pendentissæ  
 dediderunt, septimo, & quinquagesimo die, post-  
 quam oppugnare eos cepimus. qui (malum) isti  
 Pendentissæ? qui sunt? inquires: nomen audiui nun-  
 quam. quid ego faciam? num potui Ciliciam, Aeto-  
 liam, aut Macedoniam reddere? hoc iam sic habe-  
 to, nec hoc exercitu hic tanta negotia geri potuisse:  
 quæ cognosce ἐν ἐπιτομῇ. sic enim concedis mihi pro-  
 ximis litteris. Ephesum ut uenerim, nosti; qui e-  
 tiam mihi gratulatus es illius dici celebritate: qua  
 nihil me unquam delectauit magis. inde oppidis,  
 ijs, quæ erant, mirabiliter accepti, Laodiceam prid.  
 kal. Sext. uenimus. ibi morati biduum, perillu-  
 stres fuimus, honorificisq. uerbis omnes iniurias re-  
 uellimus superiores. quod \* Dein Apameæ quin-  
 que dies morati, Synnadis triduum, Philomeli quin-  
 que dies, Iconij decem fecimus. nihil ea iurisdic-  
 tione



ne æquabilius, nihil lenius, nihil grauius. inde ad castra ueni ad VII. kal. Sept. ad III. exercitum Iulii Stravi apud Iconium. ex his castris, cum graues de Parthis nuntij uenirent, perrexi in Ciliciam per Cappadociæ partem eam, quæ Ciliciam attingit, eo consilio, ut Armenius Artanafdes, & ipsi Parthi Cappadocia se excludi putarent. cum dies quinque ad Cybistra Cappadociæ castra habuissem, certior sum factus, Parthos ab illo aditu Cappadociæ longe abesse, Ciliciæ magis imminere: itaque confestim iter in Ciliciam feci per Tauripylas: Tarsum ueni ad III. non. Oct. inde ad Amanum contendidi, qui Syriam a Cilicia aquarum diuortio diuidit, qui mons erat hostium plenus sempiternorum. hic ad III. id. Oct. magnum numerum hostium cecidimus: castella munitissima, nocturno Pontinij aduentu, nostro matutino, cepimus, incendimus, imperatores appellati sumus: castra paucos dies habuimus, ea ipsa, quæ contra Darium habuerat apud Issum Alexander, imperator haud paullo melior, quàm aut tu, aut ego. ibi dies quinque morati, direpto, & uastato Amano, inde discessimus. Interim (scis enim quædam πενικὰ dici, item τὰ κενὰ τῷ πολέμῳ) rumore aduentus nostri, & Cassio, qui Antiochia tenebatur, animus accessit, et Parthis timor iniectus est. itaque eos cedentes ab oppido Cassius insecutus, rem bene gessit. qua in fuga, magna auctoritate, Osaces, dux Partorum, uulnus accepit, eoq. interijt paucis post diebus. erat in Syria



## LIB. V. EPIST.

Syria nostrum nomen in gratia . uenit interim Bibu-  
 lus . credo , uoluit appellatione hac inani nobis esse  
 par . in eodem Amano cepit laureolam in musta-  
 ceo querere . at ille cohortem primam totam per-  
 didit , centurionemq. primipili , nobilem sui generis ,  
 Asinium Dentonem , & reliquos cohortis eiusdem ,  
 & Sext. Lucilium , T. Gaij Capionis , locupletis ,  
 et splendidi hominis , filium , tribunum militum . sa-  
 ne plagam odiosam acceperat cum re , tum tempo-  
 re . Nos Pindenissum , quod oppidum munitissimū  
 Eleutherocilicum omnium memoria in armis fuit ,  
 (feri homines , & acres , & omnibus rebus ad de-  
 fendendum parati ) cinximus uallo , & fossa : agge-  
 re maximo , uineis , turre altissima , magna tormen-  
 torum copia , multis sagittarijs , magno labore , ap-  
 paratu , multis saucijs nostris , incolumi exercitu ,  
 negotium confecimus . hilara sane Saturnalia . mi-  
 litibus quoque , equis exceptis , reliquam prædam  
 concessimus . mancipia ueniebant Saturnalibus ter-  
 tijs . cum hæc scribebam in tribunali , res erat ad  
 HS CXX . hinc exercitum in hiberna agri male pa-  
 cati deducendum Quinto fratri dabam . ipse me  
 Laodiceam recipiebam . Hæc adhuc . sed ad præ-  
 terita reuertamur . Quod me maxime hortaris ,  
 & , quod pluris est , quam omnia , in quo laboras ,  
 ut etiam Ligurino μῶμος satisfaciam : moriar , si  
 quidquam fieri potest elegantius . nec tamen ego  
 hanc continentiam appello , quæ uirtus uoluptati re-  
 sistere uidetur . ego in uita mea nulla unquam uo-  
 luptate



luptate tanta sum affectus, quanta afficior hac integritate. nec me tam fama, quæ summa est, quàm res ipsa, delectat. quid quæris? fui tanti: me ipse non noram: nec satis sciebam, quid in hoc genere facere possem: recte περυσίωμαι. nihil est præclarior. interim hæc λαμπρά. Ariobarzanes opera mea uiuit, regnat: ἐν παρόδῳ, consilio, & auctoritate, & quod insidiatoribus eius ἀπορίστον me, non modo ἀδωροδόκητον præbui, regem, regnumq. seruauit. interea e Cappadocia ne pilum quidem: Brutum abiectum, quantum potui, excitauit: quem non minus amo, quàm tu; pæne dixi, quàm te. atque etiam spero toto anno imperij nostri teruncium sumptus in prouincia nullum fore. Habes omnia. nunc publice litteras Romam mittere parabam. uberiorerunt, quàm si ex Amano misissem. at Roma non fore? sed est totum, quid kal. Martij futurum sit. uereor enim, ne, cum de prouincia agatur, si Cæsar resistet, nos retineamur. his tu si adesses, nihil timerem. Redeo ad urbana: quæ ego diu ignorans, ex tuis iucundissimis litteris ad v. kal. Ian. denique cognoui. eas diligentissime Philogenes, libertus tuus, curauit, per longa, & non satis tuta uia, perferendas. nam quas Lenij pueris scribis datas, non acceperam. Incunde de Cæsare, & quæ senatus decreuit, & quæ tu speras. quibus ille si cedit, salui sumus. Incendio Platoriano quod Leius adustus est, minus moleste fero. Luceius de Q. Cassio cur tam uehemens fuerit, et quid actum sit,



sit, a quo scire. Ego, cum Laodiceam uenero, Quinto, sororis tuæ filio, togam puram iubeor dare: cui moderabor diligentius. Deiotarus, cuius auxilijs magnis usus sum, ad me, ut scripsit, cum Ciceronibus Laodiceam uenturus erat. Tuas etiam Epiroticas exspecto litteras; ut habeam rationem non modo negotij, uerum etiam otij tui. Nicanor in officio est, & a me liberaliter tractatur: quem, ut puto, Romam cum litteris publicis mittam; ut et diligentius perferantur, & idem ad me certa de te, et a te referat. Alexis quod mihi toties salutem adscribit, est gratum: sed cur non suis litteris idem facit, quod meus ad te Alexis facit? Phemio quaeritur nequas. Sed hæc hætenus. Cura, ut ualeas, et ut sciam, quando cogites Romam. etiam atque etiam uale. Tua, tuosque. Thermo & præsens Ephesi diligentissime commendaram, & nunc per litteras: ipsumque intellexi esse perstudiosum tui. Tu uelim, quod antea ad te scripsi, de domo Pammenis, des operam, ut, quod tuo, meoque beneficio puer habet, cures, ne qua ratione conuellatur. utrique nostrum existimo, tum mihi erit pergratum.

CICERO S. D. ATTICO. 21

TE IN Epirum saluum uenisse, et, ut scribis, ex sententia nauigasse, uehementer gaudeo: non esse Romæ meo tempore perneccessario, sub moleste fero. hoc me tamen consolor, quod non spero te isthic incunde hiemare, & libenter requiescere. Cassius,  
frater



frater Q. Cassij, familiaris tui, prudentiores illas  
litteras miserat, de quibus tu ex me requiris, quid  
sibi uoluerint, quàm eas, quas postea misit, qui-  
bus per se scribit confectum esse Parthicum bellum.  
recesserāt illi quidem ab Antiochia ante Bibuli ad-  
uentum, sed nullo nostro εὐνηερύματι. hodie uero  
hicmant in Cyrhestica, maximumq. bellum impen-  
det. nam & Orodīs, regis Parthorum, filius in  
provincia nostra est: nec dubitat Deiotarus, cuius  
filio pacta est Artanāsdis filia, ex quo sciri potest,  
quin cum omnibus copijs ipse prima aestate Eu-  
phratem transiturus sit. quo autem die Cassij litte-  
ræ uictrices in senatu recitatae sunt, id est, non. Oct.  
eodem meae tumultum nuntiantes. Axius noster  
ait nostras auctoritatis plenas fuisse; illis negat cre-  
ditum. Bibuli non dum erant allatae: quas certo scio  
plenas timoris fore. Ex ijs rebus hoc uereor, ne,  
cum Pompeius propter metum rerum nouarum  
nusquam dimittatur. Casari nullus honos a senatu  
habeatur; dum hic nodus expediatur, non putet se-  
natus, nos ante, quàm successum sit, oportere dece-  
dere, nec in tanto motu rerum tantis provincijs sin-  
gulos legatos praesse. hic, ne quid mihi prorogetur,  
quod ne intercessor quidem sustinere possit, horreo,  
atque eo magis, quod tu abes, qui consilio, gratia,  
studio multis rebus occurreres. sed dices me ipsum  
mihi sollicitudinem struere. cogor: & uelim ita sit:  
sed omnia metuo. etsi bellum ἀκροτελεύτιον habet  
illa tua epistola, quam dedisti nausaeans Buthroto:

TIBI



## LIB. V. EPIST.

TIBI, VT VIDEO, ET SPERO, NVLLA AD DECEDENDVM MORA. *mallem, VT VIDEO: nihil opus fuit, VT SPERO. acceperam autem satis celeriter Iconij per publicanorum tabellarios a Lentuli triumpho datas. in his γλυκύπικρον illud confirmas, moram mihi nullam fore: deinde addis, si quid secus, te ad me fore venturum. pungunt me dubitationes tuæ. simul & uides, quas acceperim litteras. nam quas Hemoni centurioni Scamulæ ipse scribis te dedisse, non accepi. Lenij pueris te dedisse, sæpe ad me scripseras. eas Laodiceæ denique, cum eò uenissem, III. id. Febr. Lenius mihi reddidit, datas ad X. kal. Oct. Lenio tuas commendationes & statim uerbis, et re aliquo tempore probabo. hæ litteræ cetera uetera habebant, unum hoc nouum, de Cibyratis pantheris. multum te amo, quòd respondisti M. Octauio, te non putare: sed posthac omnia, quæ certa non erunt, pro certo negato. nos enim & nostra sponte bene firmi, & mehercule auctoritate tua inflammati uicimus omnes (hoc tu ita reperies) cum abstinentia, tum iustitia, facilitate, clementia. caue putes quidquam homines magis unquam esse miratos, quàm nullum teruntium, me obtinente prouinciam, sumptus factum esse nec in remp. nec iniquenquam meorum, præterquam in L. Tullium legatum. is, \* ceteroqui abstinens, (seu Iulia lege transita, semel tamen in diem, non, ut alij solebant, omnibus uicis: præter eum semel, nemo accepit) facit ut mihi excipien-*



excipiendus sit, cum teruncium nego sumptus factum. prater eum accepit nemo. has a nostro Q. Titinio sordes accepimus. Ego, aestiuis confectis, Quintum fratrem hibernis, & Ciliciae praefeci. Q. Volusium, tui Tiberij generum, certum hominem, sed mirifice abstinentem, misi in Cyprium, ut ibi pauculos dies esset, ne ciues Romani pauci, qui illic negotiantur, ius sibi dictum negarent. nam euocari ex insula Cyprios non licet. ipse in Asiam profectus sum Tarso nonis Ian, non mehercule dici potest, qua admiratione Ciliciae ciuitatum, maximeq. Tarsensium. postea uero quam Taurum transgressus sum, mirifica exspectatio Asiae nostrarum diocesum, quae sex mensibus imperij mei, nullas meas acceperat litteras, nunquam hospitem uiderat, illud autem tempus quotannis ante me fuerat in hoc quaestu. ciuitates locupletes, ne in hiberna milites reciperent, magnas pecunias dabant: Cyprij talenta Attica CC. quae ex insula (non ὑπερβολικῶς, sed uerissime loquor) nummus nullus me obtinente erogabatur. ob haec beneficia, quibus illi obstupefcunt, nullos honores mihi, nisi uerborum, decerni sino: statuas, eana, τέδριππα prohibeo. nec \* sum in ulla alia re molestus ciuitatibus, sed fortasse tibi, qui haec praedicem de me, perfer, si me amas: tu enim me haec facere uoluisti. Iter igitur ita per Asiam feci, ut etiam fames, qua nihil miserius est, quae tum erat in hac mea Asia, (messis enim nulla fuerat) mihi optanda fuerit. quacunque  
iter



## LIB. V. EPIST.

iter feci, nullam, nullo iudicio, nulla contumelia,  
 auctoritate, & cohortatione perfeci, ut Græci, &  
 ciues Romani, qui frumentum compresserant, ma-  
 gnum numerum populis pollicerentur. Idibus Feb.  
 quo die has litteras dedi, forum institueram agere  
 Laodiceæ Cybiraticum, & Apamense: ex idibus  
 Mart. ibidem Synnadense, Pamphylium, cum  
 Phemio dispiciam κέρως Aonium; Isauricum: ex  
 idibus Mai. in Ciliciam, ut ibi Iunius consumatur.  
 uelim tranquille a Parthis. Quinctilis, si erit, ut  
 uolumus, in itinere est, per prouinciam redeunti-  
 bus, consumendus. uenimus enim in prouinciam,  
 Laodiceam, Sulpicio, & Marcello cos. pridie kal.  
 Sext. inde nos oportet decedere ad xv. kal. Sext.  
 primum contendam a Quincto fratre, ut se præfici  
 patiatur: quod & illo, & me inuitissimo fiet: sed  
 aliter honeste fieri non potest, præsertim cum, ui-  
 rum optimum, Pontinium ne nunc quidem retine-  
 re possim. rapit enim hominē Postumius Romam,  
 fortasse etiam Postumia. Habes consilia nostra:  
 nunc cognosce de Bruto. Familiares habet Bru-  
 tus tuus quosdam creditores Salaminiorum, ex Cy-  
 pro, M. Scaptium, & P. Matinium; quos mihi  
 maiorem in modum commendauit. Matinium non  
 noui. Scaptius ad me in castra uenit. pollicitus  
 sum curaturum me, Bruti causa, ut ei Salaminij  
 pecuniam soluerent. egit gratias. præfecturam pe-  
 tiuit: negaui me cuiquam negotianti dare: quod  
 idem tibi ostenderam: Cn. Pompeio petenti proba-  
 ram



ram institutum meum: quid dicam, Torquato in  
Lenio tuo? multis alijs. si præfectus uellet esse syn-  
graphæ causa, me curaturum, ut exigeret. gra-  
tias egit: discessit. Appius noster turmas aliquot  
equitum dederat huic Scaptio, per quas Salaminios  
coerceret; & eundem habuerat præfectum. uexa-  
bat Salaminios. ego equites ex Cypro decedere iuf-  
si. moleste tulit Scaptius. quid multa? ut ei fidem  
meam præstarem; cum ad me Salaminij Tarsum  
uenissent, & una Scaptius, imperaui, ut pecuniam  
soluerent. multa de syngrapha, de Scaptij iniurijs.  
negavi me audire: hortatus sum, petiui etiam pro  
meis in ciuitatem beneficijs, ut negotium confice-  
rent: denique dixi me coacturum. homines non mo-  
do non recusare, sed etiam hoc dicere, se a me sol-  
uere: quod enim prætori dare consueissent, quoniam  
ego non acceperam, se a me quodam modo dare;  
atque etiam minus esse aliquanto in Scaptij nomi-  
ne, quàm in uectigali prætorio. collaudaui homi-  
nes. recte, inquit Scaptius: sed subducamus sum-  
mam. interim cum ego in edicto translaticio cente-  
simas me obseruaturum haberem, cum antocismi  
anniuersario; ille ex syngrapha postulabat quater-  
nas. quid ais? inquam. possum ne contra meum edi-  
ctum? at ille profert S. C. Lentulo Philippoq. cos.  
ut, qui Ciliciam obtineret, ius ex illa syngrapha di-  
ceret. cohorrui primo etenim erat interitus ciuita-  
tis. reperio duo S. C. ijsdem consulibus de eadem  
syngrapha. Salaminij cum Romæ uersuram face-

N

re



## LIB. V. EPIST.

re uellent; non poterant; quòd lex Gabinia uetabat. tum ij Bruti familiares, freti gratia Bruti, dare uolebant, si sibi S. C. caueretur. fit gratia Bruti S. C. ut ne ue Salamijs; ne ue qui eis dedisset, fraudi esset. pecuniam numerarunt: & postea uenit in mentem fœneratoribus, nihil se iuuare illud S. C. quòd ex syngrapha ius dici lex Gabinia uetaret. tum fit S. C. ut & ea syngrapha esset, quàm  
 \* ceteræ; sed ut eodem. Cum hæc differuissem; seducit me Scaptius; ait se nihil contradicere; sed illos putare talenta CC se debere; ea se uelle accipere; debere autem illo paullo minus: rogat, ut eos ad CC perducam. optime, inquam. uoco illos ad me, remoto Scaptio. quid uos? quantum, inquam, debetis? respondent, CVI. refero ad Scaptium. homo clamare. quid opus est? inquam. rationes conferatis. assidunt: subducunt: ad nummum conuenit. illi se numerare uelle, urgere ut acciperet. Scaptius me rursus seducit: rogat, ut rem sic relinquam. dedi ueniam homini impudenter petenti, Græcis querentibus. ut in fano deponerent, postulantibus, non concessi. clamare omnes qui aderant, nihil impudentius Scaptio, qui centesimis cum anatocismo contentus non esset: alij, nihil stultius. mihi autem impudens magis, quàm stultus, uidebatur. nam aut, bono nomine, centesimis contentus erat; aut, non bono, quaternas centesimas sperabat. Habes meam causam: quæ si Bruto non probatur; nescio, cur illi amemus: sed auunculo eius  
 certe



certe probabitur, præsertim cum S. C. modo factum sit, puto, postquam tu es profectus, in creditorum causa, ut centesimæ perpetuo sænore ducerentur. hoc quid intersit, si tuos digitos noui, certe habes subductum. in quo quidem ὁδοῦ παράπρην. Lucceius M. F. queritur apud me per litteras, summum esse periculum, ne culpa senatus, his decretis, res ad tabulas nouas perueniat. commemorat, quid olim mali C. Iulius fecerit, cum dieculam dixerit. nunquam resp. plus. Sed ad rem redeo. meditare aduersus Brutum causam meam: si hæc causa est, contra quam nihil honeste dici potest, præsertim cum integram rem, & causam reliquerim. Reliqua sunt domestica. De ἐνδομύχῳ, probo idem, quod tu, Postumiae filiae: quoniam Pontidia nugatur. sed uellem adesses. A Quinto fratre his mensibus nihil expectaris. nam Taurus propter niues ante mensem Iunium transiri non potest. Thermum, ut rogas, creberrimis litteris fulcio. P. Valerium negat habere quidquam Deiotarus rex, eumq. ait a se sustentari. Cum scies, Romæ intercalatum sit, nec ne; uelim ad me scribas certum, quo die mysteria futura sint. Litteras tuas minus paullo expecto, quàm si Romæ esses, sed tamen expecto. Vale.

N

2

M.TVL-



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER VI.

CICERO S. D. ATTICO.

\*

A

CCEPI tuas litteras ad quintum ter-  
milia Laodiceæ, quas legi libentissime,  
plenissimas amoris, humanitatis, of-  
ficij, diligentia. ijs igitur respondebo:  
sic enim postulas: nec οἰκονομίαν meam institutam,  
sed ordinem conseruabo tuum. Recentissime a Cy-  
bistris te meas litteras habere ais, ad x. kal. Oct.  
datas: & scire uis, tuas ego quas acceperim: om-  
nes fere, quas commemoras, præter eas, quas scri-  
bis Lentuli pueris & Equotutico, et Brundisio da-  
tas. quare non οἰχεται tua industria, quod uereris,  
sed præclare ponitur; siquidem id egisti, ut ego de-  
lectarer. nam nulla re sum delectatus magis. Quòd  
meam Καθύπνλη in Appio tibi, libertatem etiam in  
Bruto probo; uehementer gaudeo. ac putaram se-  
cus. Appius enim ad me ex itinere bis, ter ue ὕπο-  
μνηματῶν litteras miserat, quòd quædam a se  
constituta rescinderem. ut si medicus, cum æ-  
grotus alij medico traditus sit, irasci uelit ei me-  
dico, qui sibi successerit, si, quæ ipse in curan-  
do constituerit, mutet ille: sic Appius, cum ἐξ  
ἀφαιρέσεως prouinciam curarit, sanguinem mise-  
rit,



N 3 tus.



## LIB. VI. EPIST.

tus . primum ab Ariobarzane sic contendì , ut talenta , quæ mihi pollicebatur , illi daret . quoad mecum rex fuit , per bono loco res fuit ; post a Pompeij procuratoribus sexcentis premi cæptus . Pompeius autem cum ob ceteras causas plus potest unus , quàm ceteri omnes , tum quòd putatur ad bellum Parthicum esse uenturus . ei tamen sic nunc soluitur , tricesimo quoque die talenta Attica XXXIII , & hoc ex tributis : nec id satis efficitur in usuram menstruam . sed Cnæus noster clementer id fert : sorte caret : usura , nec ea solida , contentus est . alij neque soluit quidquam , nec potest soluere : nullum enim ærarium , nullum uectigal habet . Appij instituta tributa imperat . ea uix , in fœnus Pompeij quod satis sit , efficiunt . amici regis duo , tres ne perdiuites sunt : sed ij suum tam diligenter tenent , quàm ego , aut tu . equidem non desino tamen per litteras rogare , suadere , accusare regem . Deiotarus etiam mihi narrauit , se ad eum legatos misisse de re Bruti : eos sibi responsum retulisse , illum non habere . et mehercule ego ita iudico . nihil illo regno spoliatiùs , nihil rege egentius . itaque aut tutela cogito me abdicare , aut , ut pro Glabrione Scæuola , fœnus , & impendium recusare . ego autem quas per te Bruto promiseram præfecturas M. Scaptio , & L. Gauius , qui in regno rem Bruti procurabant , detuli : nec enim in prouincia mea negotiabantur . tu autem meministi , nos sic agere , ut , quot uellet , præfecturas sumeret , dum ne negotiatori . duas ei præ-



præterea dederam: sed ij, quibus petierat, prouincia decesserant. Nunc cognosce de Salaminij: quod uideo tibi etiam nouum accidisse, tanquam mihi. nunquam enim ex illo audiui, illam pecuniam esse suam. quin etiam libellum ipsius habeo, in quo est, Salaminij pecuniam debent M. Scaptio, & P. Matinio, familiaribus meis. eos mihi commendat: adscribit etiam, & quasi calcar admouet, intercessisse se pro ijs magnam pecuniam. confeceram, ut soluerent centesimis sexennij ductis cum renouatione singulorum annorum. at Scaptius quaternas postulabat. metui, si impetrasset, ne tu ipse me amare desineres. nam ab edicto meo recessissem; & ciuitatem, in Catonis, & in ipsius Bruti fide locatam, meisq. beneficijs ornatam, funditus perdidissem. Atque hoc tempore ipso impingit mihi epistolam Scaptius Bruti rem illam suo periculo esse: quod nec mihi unquam Brutus dixerat, nec tibi: etiam, ut præfecturam Scaptio deferrem. id uero per te exceperamus, ne negotiari: quod si cuiquam, huic tamen non: fuerat enim præfectus Appio: & quidem habuerat turmas equitum, quibus inclusum in curia senatum Salamine obsederat, ut fame senatores quinque morerentur. itaque ego, quo die tetigi prouinciam, cum mihi Cyprij legati Ephesum obuiam uenissent, litteras misi, ut equites ex insula statim decederent. His de causis credo Scaptium iniquius de me aliquid ad Brutum scripsisse. sed tamen hoc sum ani-



mo : si Brutus putabit me quaternas centesimas oportuisse decernere , qui in tota provincia singulas observarem , itaq. edixissem , idq. etiam acerbissimis fœeratoribus probaretur ; si præfecturam negotiatori denegatam queretur , quod ego Torquato nostro in tuo Lenio , Pompeio ipsi in Sex. Statio negavi , & ijs probavi ; si equites deductos moleste ferret ; accipiam equidem dolorem , mihi illum irasci , sed multo maiorem , non esse eum talem , qualem putassem . Illud quidem fatebitur Scaptius , me ius dicente , sibi omnem pecuniam ex edicto meo auferendi potestatem fuisse . Addo etiam illud , quod , uereor , tibi ipsi ut probem : consistere usura debuit , quæ erat in edicto meo . deponere uolebant : impetravi ab Salaminijs , ut silerent . ueniam illi quidem mihi dederunt : sed quid ijs fiet , si huc Paullus uenerit ? sed totum hoc Bruto dedi ; qui de me ad te humanissimas litteras scripsit . ad me autem , etiam cum rogat aliquid , contumaciter , arroganter , ἀκρογωνίας solet scribere . tu autem uelim , ad eum scribas de his rebus ; ut sciam , quo modo hæc accipiat . facies enim me certiores . atque hoc superioribus litteris ad te diligenter perscripseram . sed plane te intelligere uolui , mihi non excidisse illud , quod tu ad me quibusdam litteris scripsisses ; si nihil aliud de hac provincia , nisi illius beneuolentiam , deportassissem , mihi satis esse . sit sane ; quoniam ita tu uis : sed tamen cum eo credo , quod sine peccato meo fiat .

\* Igitur meo decreto soluta res Scaptio , statim quàm de-



decretum sit, tu iudicabis: ne ad Catonem quidem  
prouocabo. sed noli me putare ἐγκλήματα illa  
tua abiecisse, quæ mihi in uisceribus hærent. flens  
mibi meam famam commendasti. quæ epistola tua  
est, in qua mentionem non facias? itaque irascatur,  
qui uolet: patiar. τὸ γὰρ δὲ, μετ' ἐμοῦ: præsertim  
cum sex libris tanquam prædibus me ipse obstrin-  
xerim: quos tibi tam ualde probari gaudeo: e qui-  
bus unum ἰσοπικὸν requiris de Cn. Flauio Cn. F. il-  
le uero ante decemuiros non fuit: quippe qui edilis  
curulis fuerit: qui magistratus multis annis post de-  
cemuiros institutus est. quid ergo profecit, quòd  
protulit fastos? occultatam putant quodam tempo-  
re istam tabulam, ut dies agendi peterentur a pau-  
cis. nec uero pauci sunt auctores, Cn. Flauium scri-  
bam fastos protulisse, actionesq. composuisse: ne  
me hoc, uel potius Africanum, (is enim loquitur)  
commentum putes. Οὐκ ἔλαθες illud, de gestu hi-  
strionis: tu scelestè suspicaris, ego ἀφελῶς scripsi.  
De me imperatore scribis te ex Philotimi litteris  
cognouisse: sed credo te, iam in Epiro cum esses,  
binas meas de omnibus rebus accepisse, unas a Pin-  
denisso capto, alteras a Laodicea, utrasque tuis pue-  
ris datas: quibus de rebus, propter casum nauigan-  
di, per binos tabellarios misi Romam litteras publi-  
ce. De Tullia mea tibi assentior: scripsiq. ad eam, &  
ad Terentiã, mihi placere. tu enim ad me iam ante  
scripseras, Ac uellem, te in tuum ueterẽ gre-  
gem retulisses. correctæ uero epistola Memmia-

na,



na, nihil negotij fuit. multo enim malo huic a Pontidia, quàm illum a Seruilia. quare adiunges Aufum nostrum, hominem semper amantem me, nunc, credo, eo magis, quòd debet etiam fratris Appij amorem erga me cum reliqua hereditate creuisse; qui declarauit, quanti me faceret, cum sæpe, tum in Bursa. nã tu me solitudine magna liberaris. Furnij exceptio mihi non placet: nec ego ullum aliud tempus timeo, nisi quod ille solum excipit. Sed scriberem ad te de hoc plura, si Romæ esses. In Pompeio te spem omnem otij ponere non miror. ita res est. remouendumq̃. censeo illum dissimulantem. sed enim, οἰκονομία si perturbatior est, tibi assignato: te enim sequor ἡδυσία. Cicero-nes pueri amant inter se, discunt, exercentur: sed alter, ut dixit Isocrates in Ephoro, & Theopompo, frenis eget, alter calcaribus. Quinto togam puram Liberalibus cogitabam dare. mandauit enim pater. ea sic obseruabo, quasi intercalatum non sit. Dionysius mihi quidem in amoribus est: pueri autem aiunt, eum furenter irasci. sed homo nec doctior, nec sanctior fieri potest, nec tui meiq̃. amantior. Thermum, Silium uere audis laudari. ualde se honeste gerunt. adde M. Nonium, Bibulum, me, si uoles. iam Scrofa, uellem, haberet, ubi posset: est enim lautum negotium. ceteri infirmant τοῦ κατὰ τὴν Catonis. Hortensio quòd causam meam commendas, ualde gratum. De Amiano, spei nihil putat esse Dionysius. Terentij nullum uestigium agnoui.



agnoui. Meragenes certe periit. feci iter per eius possessionem, in qua animal reliquum nullum est. hac non noram tum, cum Democrito tuo locutus sum. Rhosij causam mandavi. Sed heus tu, quid cogitas infelicitatis? lancibus, & splendidissimis canistris, olusculis nos soles pascere: quid te in uasis fictilibus appositurum putem? Κέρας Phemio mandatum est: reperietur: modo aliquid illo dignum canat. Parthicum bellum impendet. Cassius ineptas litteras misit: nec dum Bibuli erant allatae: quibus recitatis, puto fore, ut aliquando commoueatursenatus. equidem sum magna animi perturbatione. si, ut opto, non prorogatur nostrum negotium: habeo Iunium, & Quinctilem in metu. esto: duos quidem menses sustinebit Bibulus. quid illo fiet, quem reliquero, praesertim si fratrem? quid de me autem, si non tam cito decedo? magnaturba est. mihi tamen cum Deiotaro conuenit, ut ille in meis castris esset cum suis copijs omnibus. habet autem cohortes quadringenarias, nostra armatura, xxx, equitum ∞ ∞. erit ad sustentandū, quoad Pompeius ueniat; qui litteris, quas ad me mittit, significat, suū negotium illud fore. hiemant in nostra prouincia Parthi: expectatur ipse Orodes. quid quaeris? aliquantum est negotij. De Bibuli edicto nihil noui, praeter illam exceptionem, de qua tu ad me scripseras, Nimis graui prauiudicio in ordinem nostrum. ego tamen habeo ἰσοδυναμοῦσαν, sed tectiorem, ex Q. Mucij P. F. edicto



## LIB. VI. EPIST.

ἔτο Ἀσιατικο, Extra quàm si ita negotium ge-  
 stum est, ut eo stari non oporteat, ex fide  
 bona. multaq. sum secutus Scaeuolæ, in ijs illud, in  
 quo sibi libertatem censent Græci datam, ut Græci  
 inter se disceptent suis legibus. breue autem edictū  
 est propter hanc meam διαίρεσιν, quòd duobus gene-  
 ribus edicendum putauī: quorum unum est prouin-  
 ciale, in quo est de rationibus ciuitatum, de ære a-  
 lieno, de usura, de syngraphis, in eodem omnia de  
 publicanis: alterum, quod sine edicto satis commo-  
 de transigi non potest, de hereditatum possessioni-  
 bus, de bonis possidendis, magistris faciundis, uen-  
 dendis: quæ ex edicto & postulari, & fieri solent.  
 tertium, de reliquo iure dicendo, ἄγραρον reliqui:  
 dixi me de eo genere mea decreta ad edicta urbana  
 accommodaturum: itaq. curo: & satisfacio adhuc  
 omnibus. Græci uero exultant, quòd peregrinis iu-  
 dicibus utuntur. nugatoribus quidem, inquires. quid  
 refert? tamen se αἰτοροφίαν adeptos putant. nostri  
 enim, credo, graues habent, Turpionem sutorium,  
 & Vettium mancipem. De publicanis quid agam,  
 uideris quærere. habeo in delicijs, obsequor, uer-  
 bis laudo, orno; efficio, ne cui molesti sint. τὸ πα-  
 ραδοξόν τῶν. usuras eorum, quas pactionibus ad-  
 scripserant, seruauit etiam Seruilius. ego sic. diem  
 statuo satis laxam; quam ante si soluerint, dico  
 me centesimas ducturum: si non soluerint, ex pa-  
 ctione. itaque & Græci soluunt tolerabili scenore:  
 & publicanis res est gratissima, si illa iam habent,  
 pleno



pleno modio uerborum honorem, inuitationem cre-  
bram. quid plura? sunt omnes ita mihi familiares,  
ut se quisque maxime putet. sed tamen μηδὲν αὐ-  
τοῖς. scis reliqua. De statua Africani, (ὃ πρᾶγμα-  
των ἀσυγκλώδων: sed me ipsum delectauit in tuis  
litteris) ain' tu? Scipio hic Metellus proauum su-  
um nescit censorem non fuisse? atqui nihil habuit  
aliud inscriptum, nisi, CENSOR, ea statua, quæ  
ad Opis aperte posita in excelso est. in illa autem,  
quæ est ad πολυδύκας, inscriptum est, COS. quam  
esse eiusdem, status, amictus, anulus, imago ip-  
sa declarat. at hercule ego cum in turmâ inaurata-  
rum equestrium, quas hic Metellus in Capitolio po-  
suit, animaduertissem in Serapionis subscriptione  
Africani imaginem, erratum fabrilē putavi, nunc  
uideo Metelli ἀνισορησίαν turpem. Nam illud de  
Flauio, & fastis, si secus est, commune erratum  
est; & tu belle ἠπόρησας; & nos publicam prope  
opinionem secuti sumus, ut multa apud Græcos.  
quis enim non dixit, Εὐπολίη, τὸν τῆς ἀρχαίας, ab  
Alcibiade nauigante in Siciliam deiectum esse in  
mare? redarguit Eratosthenes: affert enim, quas  
ille post id tempus fabulas docuerit. num iccirco  
Duris Samius, homo in historia diligens, quod cum  
multis errauit, irridetur? Quis Zaleucum leges Lo-  
cris scripsisse non dixit? num igitur iacet Theophra-  
stus, si id a Timæo, tuo familiari, reprehensum  
est? Sed nescire proauum suum censorem non fuis-  
se, turpe est, præsertim cum post eum consulem ne-

mo



LIB. VI. EPIST.

mo Cornelius, illo uiuo, censor fuerit. Quod de Philotimo, & de solutione  $\overline{x}xc$  d scribis: Philotimum circiter kal. Ian. in Chersonessum audio uenisse. ac mihi ab eo nihil adhuc. reliqua mea Camillus scribit se accepisse. ea quæ sint, nescio, & aueo scire. sed hæc posterius, & coram fortasse commodius. Illud me, mi Attice, in extrema fere parte epistolæ commouit: scribis enim sic, τί λοιπόν? deinde me obsecras amantissime, ne obliuiscar uigilare; ut animaduertam, quæ fiant. num quid de quo inaudisti? & si nihil eiusmodi est: πολλοῦ γε καὶ δεῖ. nec enim me fefellisset, nec falleret. sed ista admonitio tua tam accurata nescio quid mihi significare uisa est. De M. Octauio, iterum tibi rescribo, te illi probe respondisse. paullo uellem fidentius. Nam Cælius libertum ad me misit, & litteras accurate scriptas, \* & de pantheris, sed a ciuitatibus. rescripsi, alterum me moleste ferre, si ego in tenebris laterem, nec audiretur Romæ, nullum in mea prouincia nummum, nisi in æs alienum, erogari; docuique, nec mihi conciliare pecuniam licere, nec illi capere; monuiq. eum, quem plane diligo, ut, cum alios accusasset, cautius uiueret: illud autē alterum alienum esse existimatione mea, Cybiratas imperio meo publice uenari. Lepta tua epistola gaudio exultat: etenim scripta belle est, meq. apud eū magna in gratia posuit. Filiola tua gratum mihi fecit, quod tibi diligenter mandauit, ut mihi salutem adscriberes: gratum etiam Pilia: sed illa officiosius, quod mihi, quem iam pridem nunquam



quam uidet : igitur tu quoque salutem utrique ad-  
scribito . Litteras daturum pridie kal . Ian:  
suauem habuit recordatiouem clarissimi iurisiuran-  
di: quod ego non eram oblitus : magnus enim præ-  
textatus illo die fui . Habes ad omnia, non , ut po-  
stulasti , *ῥεῦσα χαλκείων* ; sed paria paribus re-  
spondemus . Ecce autem alia pusilla epistola ;  
quam non relinquam *ἀναντιφώνητον* . Bene me-  
hercule potuit Luceius Tusculanum : nisi forte, so-  
let enim , cum suo tibicine . & uelim scire , quis  
sit status eius . Lentulum quidem nostrum , præter  
Tusculanum , proscripsisse audio . cupio hos expe-  
ditos uidere : cupio etiam Sextium: addes etiam ijs  
Cælium . quibus omnibus est : *αἰδέσθην μὲν ἀνύπα-  
σαι , δεῖσάν δ' ὑποδέχθαι* . De Memmio restituen-  
do ut Curio cogitet , te audisse puto . De Egnatii Si-  
dicini nomine , nec nulla , nec magna spe sumus .  
Pinarium , quem mihi commendas , diligentissime  
Deiotarus curat , grauius ægrum . Respondi etiam  
minori . Tu , uelim , dum ero Laodicea , id est ad  
idus Mai . quamsepiissime mecum per litteras col-  
loquare : & cum Athenas ueneris , ( iam enim scie-  
mus de rebus urbanis , de prouincijs , quæ omnia in  
mensem Martium sunt collata ) utique ad me ta-  
bellarios mittas . Sed heus tu , Genuarios a Casa-  
re per Herodem , talenta Attica L , extorsistis : in  
quo , ut audio , magnum odium Pompeij suscepistis .  
putat enim , suos nummos nos comedisse , Cæsarem  
in merito reedificando diligentiolem fore . hoc ego ✕  
ex



## LIB. VI. EPIST.

ex P. Vedio, magno nebulone, sed Pompeij tamen familiari, audiui. hic Veditus uenit mihi obuiam cum duobus essedis, & rheda equis iuncta, & lectica, & familia magna: pro qua, si Curio legem pertulerit, HS centena pendat necesse est. erat praeterea cynocephalus in essedo: nec deerant onagri. nunquam uidi hominem nequiores. sed extremum audi. Diuersatus est Laodicea apud Pompeium Vindillum: ibi sua deposuit, cum ad me profectus est. moritur interim Vindullus: quae res ad Magnum Pompeium pertinere putabatur. C. Venonijs domum Vindulli uenit: cum omnia obsigneret, in Vedianas res incidit. in his inuenta sunt quinque lagunculae matronarum, in quibus una sororis amici tui, hominis Bruti, qui hoc utatur; & illius Lepidi, qui hac tam negligenter ferat. Hac te uolui παρισόφῃσαι: sumus enim ambo belle curiosi. Vnum etiam uelim cogites. audio Appium ὑποπύλαιον Elusine facere. num inepti fuerimus, si nos quoque Academia fecerimus? puto, inquires. ergo id ipsum scribes ad me. equidem ualde Athenas ipsas amo. uolo esse aliquod monumentum. odi falsas inscriptiones statuarum alienarum. sed ut tibi placebit: faciesq. me, in quem diem Romana incidunt mysteria, certiores, & quo modo hiemaris. Cura ut ualeas. Post Leuctricam pugnam die septingentesimo sexagesimo quinto.

CICERO



CICERO S. D. ATTICO. 2

CVM Philogenes, libertus tuus, Laodiceam ad me, salutandi causa, uenisset, & se statim ad te nauigaturum esse diceret; has ei litteras dedi; quibus ad eas rescripsi, quas acceperam a Bruti tabellario. Et respondebo primum postremae tuae paginae: qua mihi magnae molestia fuit, quod ad te scriptum est ab Cincio de Statij sermone: in quo hoc molestissimum est, Statium dicere, a me quoque id consilium probari. probari autem? de isto haecenus. dixerim me uel plurima uincla tecum summae conjunctionis optare; & sunt amoris arctissima: tantum abest, ut ego ex eo, quo adstricti sumus, laxari aliquid uelim. illum autem multa de istis rebus asperius solere loqui, saepe sum expertus, saepe etiam leniui iratum. id scire te arbitror. in hac autem peregrinatione, malitia ue nostra saepe incensum ira uidi, saepe placatum. quid ad Statium scripserit, nescio. quidquid acturus de tali re fuit, scribendum tamen ad libertum non fuit. mihi autem erit maxime curae, ne quid fiat secus, quam uolumus, quamq. oportet. nec satis est in eiusmodi re, se quemque praestare. ac maxime partes istius officij sunt pueri Ciceronis, siue iam adolescentis: quod quidem illum soleo hortari, ac mihi uidetur matrem ualde, ut debet, amare, teq. mirifice. sed est magnum illud quidem, uerum tamen multiplex pueri ingenium: quo ego regendo habeo negotij satis.

O

Quoniam



## LIB. VI. EPIST.

Quoniam respondi tuæ paginae postremæ primæ  
 mea, nunc ad primam reuertar tuam. Pelopon-  
 nesiæ ciuitates omnes maritimas esse, hominis non  
 nequam, sed etiam tuo iudicio probati, Dicæarchi  
 tabulis credidi. is multis nominibus in Trophonia-  
 na Chæronis narratione Græcos in eo reprehendit,  
 quod mare tam secuti sunt; nec ullum in Pelopon-  
 neso locum excipit. cum mihi auctor placeret, (et-  
 enim erat ἰσχυρότατος, & uixerat in Peloponne-  
 so) admirabar tamen, & uix aggrediens, com-  
 municauī cum Dionysio. atque is primo est commo-  
 tus: deinde, quod tum de isto Dicæarcho non mi-  
 nus bene existimabat, quàm tu de C. Vestorio, ego  
 de M. Cluuiο, non dubitabat, quin ei crederemus.  
 Arcadiæ censebat esse Lepreon quoddam mariti-  
 mum: Tene autem, & Aliphera, & Tritia νεό-  
 κλισα ei uidebantur: idq̃. τῶ τῶν νεῶν καλαλόγω con-  
 firmabat, ubi mentio non sit istorum. itaque istum  
 ego locum totidem uerbis Dicæarcho transtuli.  
 Phliasios dici sciebam; & ita fac ut habeas: nos  
 quidem sic habemus. sed primo me ἀναλογία dece-  
 perat, φλιῶς, ὀποῦς, σιποῦς, quod ὀπούντιοι, σιπούν-  
 τιοι. sed hoc continuo correximus. Letari te no-  
 stra moderatione, & continentia uideo. tum id ma-  
 gis faceres, si adesses, atque hoc foro, quod egi ex  
 idibus Febr. Laodiceæ ad kal. Mai. omnium dicæ-  
 cesium, præter Ciliciæ, mirabilia quædam effeci-  
 mus. ita multæ ciuitates omni ære alieno libera-  
 tæ, multæ ualde leuatæ sunt: omnes suis legibus,

&



& iudicijs usæ, αὐτονομίαν adeptæ, reuixerunt. his ego duobus generibus facultatem ad se ære alieno liberandas, aut leuandas dedi: uno, quod omnino nullus in imperio meo sumptus factus est, (nulum cum dico, non loquor ὑπερβολικῶς) nullus, inquam, ne teruncius quidem. hac autem re, incredibile est, quantum ciuitates emerferint. accessit altera. Mira erant in ciuitatibus ipsorum furti Græcorum, quæ magistratus sui fecerant. quæ sui ipse de ijs, qui annis decem proximis magistratum gesserant. aperte fatebantur: itaque sine ulla ignominia suis humeris pecunias populis retulerunt. populi autem, nullo gemitu, publicanis, quibus hoc ipso lustro nihil soluerant, etiam superioris lustri reddiderunt. itaque publicanis in oculis sumus. gratis, inquis, uiris. sensimus. Iam cetera iurisdiclio nec imperita, & clemens, cum admirabili facilitate. aditus autem ad me minime prouinciales. nihil per cubicularium. ante lucem inambulabam domi, ut olim candidatus. grata hæc, et magna, mihiq. non dum laboriosa ex illa uetere militia. Nonis Mai. in Ciliciam cogitabam: ibi cum Iunium mensem consumpsissem, atque utinam in pace, (magnum enim bellum impendet a Parthis) Quintilem in reditu ponere. annuæ enim mihi operæ ad III. kal. Sext. emerentur. magna autem in spe sum, mihi nihil temporis prorogatum iri. habebam acta urbana usque ad non. Mart. e quibus intelligebam, Curionis nostri constantia omnia po-



## LIB. VI. EPIST.

tius actum iri, quàm de prouincijs. ergo, ut spero, propediem te uidebo. Venio ad Brutum tuum, immo nostrum: sic enim maius. Equidem omnia feci, quæ potui aut in mea prouincia perficere, aut in regno experiri. omni igitur modo egi cum rege, & ago quotidie, per litteras scilicet: ipsum enim triduum, quatrimum ue mecum habui turbulentis in rebus, quibus eum liberam: sed & eum præsens, & postea creberrime non desisti rogare, & petere mea caussa, suadere, & hortari sua. multum profeci, sed, quantum, non plane, quia longe absom, scio. Salaminios autem (hos enim poteram coercere) adduxi, ut totum nomen Scaptio uellent soluere, sed centesimis ductis a proxima quidam syngrapha, nec perpetuis, sed renouatis quotannis. numerabantur nummi: noluit Scaptius. tu qui ais Brutum cupere aliquid perdere? quaternas habebat in syngrapha. fieri non poterat: nec, si posset, ego pati possem. audio omnino Scaptium pænitere. nam quod S. C. esse dicebat, ut ius ex syngrapha diceretur; eo consilio factum est, quod pecuniam Salaminij contra legem Gabiniam sumpserant. uetabat autem Auli lex, ius dici de ita sumpta pecunia. decreuit igitur senatus, ut ius diceretur ista syngrapha. nunc ista habet iuris idem, quod cetera, nihil præcipui. hæc, a me ordine facta, puto me Bruto probaturum; tibi, nescio; Catonicerte probabo. sed iam ad te ipsum reuertor. Ain' tandem Attice, laudator integritatis, & elegantie



gantie nostræ? ausus es hoc ex ore tuo? inquit En-  
nius: ut equites Scaptio ad pecuniam cogendam  
darem, me rogare? an tu, si mecum esses, qui scri-  
bis morderi te interdum, quod non simul sis, pate-  
rere me id facere, si uellem? Non amplius, inquis,  
quingenta. Cum Spartaco minus multi primo  
fuerunt. quid tandem isti mali in tam tenera insula  
non fecissent? non fecissent autem? immo quid an-  
te aduentum meum non fecerunt? inclusum in cu-  
ria senatum habuerunt Salaminium ita multos di-  
es, ut interierint non nulli fame. erat enim præfe-  
ctus Appij Scaptius, & habebat turmas ab Ap-  
pio. id me igitur tu, cuius mehercule os mihi ante  
oculos solet uersari, cum de aliquo officio, ac laude  
cogito, tu me, inquam, rogas, præfectus ut Sca-  
ptius sit? at hoc statueramus, ut negotiatorem ne-  
minem: idq. Bruto probaueramus. Habeat is tur-  
mas. cur potius, quam cohortes? sumptu iam. ne-  
pos euadit Scaptius. Volunt, inquis, principes.  
Scio: nam ad me Ephesum usque uenerunt; flen-  
tesque, equitum scelera, & miseras suas detule-  
runt. itaque statim dedi litteras, ut ex Cyprio equi-  
tes ante certam diem decederent. ob eamq. caus-  
sam, tum ob ceteras, Salaminij nos in cælum de-  
cretis suis sustulerunt. Sed iam quid opus equitatu?  
soluunt enim Salaminij nisi forte id uolumus armis  
efficere, ut fenus quaternis centesimis ducant. &  
ego audebo legere umquã, aut attingere eos libros,  
quos tu dilaudas, si tale quid fecero? nimis, inquam,



in isto Brutum amasti dulcissime Attice: nos, uereor, ne parum. atque hæc, scripsi ego ad Brutum, scripsisse te ad me. cognosce nunc cetera. Pro Appio nos hic omnia facimus, honeste tamen, sed plane libenter. nec enim ipsum odimus: & Brutum amamus: & Pompeius a me mirifice contendit; quem mehercule plus plusq. in dies diligo. C. Cælium quæstorem huc uenire audisti. nescio, quid sit: sed Pammenia illa mihi non placet. Ego me spero Athenis fore mense Septembri. tuorum itinerum tempora scire sane uelim. Εὐθείαν Sempronij Rufi cognoui ex epistola Corcyraæ. quid quaeris? inuideo potentiae Vestorij. Cupiebam etiam nunc plura garrere: sed lucet: urget turba: festinat Philogenes. ualebis igitur, & ualere Piliam, & Cæciliam nostram iubebis litteris, & saluebis a meo Cicerone.

CICERO S. D. ATTICO.

3

ET SI nil sane habebam noui, quod post accidisset, quàm dedissem ad te Philogeni, liberto tuo, litteras: tamen cum Philotimum Romam remitterem, scribendum aliquid ad te fuit. ac primum illud, quod me maxime angebat, (non quo me aliquid iuuare posses: quippe res est in manibus: tu autem abes longe gentium:

Πολλὰ δ' ἐν μεταχειρίῳ  
Νότος κυλινδεῖ πλύματ' ἄρεινς ἀλὸς) obrepfit dies,  
es, ut uides, (mibi enim ad III. kal. Sext. de  
pronin-



prouincia decedendum est) nec succeditur. quem re-  
linquam, qui prouinciæ præsit? ratio quidem, &  
opinio hominum postulat fratrem: primum, quod ui-  
detur esse honos: nemo igitur potior: deinde, quod  
solum habeo pratorium. Pontinius enim ex pacto,  
& conuentu (nam ea lege exierat) iam a me di-  
scesserat. Quæstorem nemo dignum putat: etenim  
est leuis, libidinosus, sagax. De fratre autem pri-  
mum illud est: persuaderi ei non posse arbitror: odit  
enim prouinciam. & hercule nihil odiosius, nihil  
molestius. deinde, ut mihi nolit negare; quidnam  
mei sit officij; cum bellum esse in Syria magnum pu-  
tetur, id uideatur in hanc prouinciam erupturum;  
hic præsidij nihil sit; sumptus annuus decretus sit:  
uideatur ne aut pietatis esse meæ, fratrem, aut di-  
ligentiæ, nugarum aliquid relinquere. Magna igi-  
tur, ut uides, solitudine afficior, magna inopia  
consilij. quid quæris? toto negotio nobis opus non  
fuit. quanto tua prouincia melior? decedes, cum  
uoles: nisi forte iam decessisti. quem uidebitur,  
præficies Thesprotiæ, & Chaoniæ. nec dum tamen  
ego Quinctum conueneram; ut iam, si id placeret,  
scirem, posset ne ab eo impetrari: nec tamen, si  
posset, quid uellem, habebam. Hoc est igitur eius-  
modi; reliqua plena adhuc & laudis, & gratiæ, di-  
gna ijs libris, quos dilaudas. conseruatæ ciuitates:  
cumulate publicanis satisfactum: offensus contume-  
lia nemo, decreto iusto, & seuerio perpauci, nec  
tamen quisquam, ut queri audeat. res gestæ dignæ



LIB. VI. EPIST.

triumpho: de quo ipso nihil cupide agemus, sine tuo quidem consilio certe nihil. Clausula est difficilis in tradenda provincia. sed hæc deus aliquis gubernabit. De urbanis rebus scilicet plura tu scis; sapius, & certiora audis. equidem doleo, non me tuis litteris certiores fieri. hic enim odiosa afferebantur de Curione, de Paulo: non quo ullum periculum uideam stante Pompeio, uel etiam sedente; ualeat modo: sed mehercule Curionis, & Pauli, meorum familiarium, uicem doleo. formam igitur mihi totius reip. si iam es Romæ, aut cum eris, uelim mittas; quæ mihi obuiam ueniat, ex qua me fingere possim, & præmeditari, quo animo accedam ad urbem. est enim quiddam, aduenientem non esse peregrinum, atque hospitem. Et, quod pene præterij, Bruti tui causa, ut sæpe ad te scripsi, feci omnia. Cyprij numerabant: sed Scaptius centesimis, renouato in singulos annos fenore, contentus non fuit. Ariobarzanes non in Pompeium prolixior per ipsum, quam per me in Brutum: quem tamen ego præstare non poteram. erat enim rex per pauper; aberamq. ab eo ita longe, ut nihil possem, nisi litteris; quibus pugnare non destiti. summa hæc est. pro ratione pecuniæ liberius est Brutus tractatus, quam Pompeius. Bruto curata hoc anno talenta circiter c, Pompeio in sex mensibus promissa cc. in Appij negotio quantum triuerim Bruto, dici uix potest. quid est igitur, quod laborem? Amicos habet meras nugas, M. Scaptium:



Scaptium: qui, quia non habuit a me turmas equitum, quibus Cyprum uexaret, ut ante me fecerat, fortasse succenset: aut quia praefectus non est; quod ego nemini tribui negotiatori, non C. Vennonio, meo familiari, non tuo M. Lenio; & quod tibi Romae ostenderam me seruaturum, in quo perseueravi. sed quid poterit queri is, qui, auferre pecuniam cum posset, noluit? Scaptio, qui in Cappadocia fuit, puto esse satisfactum. is a me tribunatum cum accepisset, quem ego ex Bruti litteris ei detulissem, postea scripsit ad me, se uti nolle eo tribunatu. Caius est quidam; cui cum praefecturam detulissem Bruti rogatu, multa & dixit, & fecit cum quadam mea contumelia, P. Clodij canis. is me nec proficiscentem Apameam prosecutus est; nec, cum postea in castra uenisset, atque inde discederet, numquid uellem, rogauit; & fuit aperte mihi, nescio quare, non amicus. hunc ego si in praefectis habuissem, quem tu me hominem putares? qui, ut scis, potentissimorum hominum contumaciam numquam tulerim, ferrem huius asseclae? et si hoc plus est, quam ferre, tribuere etiam beneficij aliquid, & honoris. is igitur Caius, cum Apameae me nuper uidisset Romam proficiscens, me ita appellauit: (Culleolum uix auderem) Vnde, inquit, me iubes petere cibaria? profecto respondi lenius, quam putabant oportuisse, qui aderant: me non instituisse ijs dare cibaria, quorum opera non essem usus. abiit iratus. huius nebulonis operatione si Brutus moueri potest, licebit



LIB. VI. EPIST.

licebit eum solus ames, me æmulum non habebis.  
 sed illum eum futurum esse puto, qui esse debet. ti-  
 bi tamen causam notam esse uolui: & ad ipsum  
 hæc perscripsi diligentissime. omnino (soli enim su-  
 mus) nullas unquam ad me litteras misit Brutus,  
 ne proxime quidem de Appio, in quibus non ines-  
 set arrogans, ἀνοινώντων aliquid. tibi autem ualde  
 \* solet in ore esse, grauius autem Non contemnere  
 se, & reges odisse superbos. in quo tamen ille mihi  
 risum magis, quàm stomachum, mouere solet. sed  
 plane parum cogitat, quid scribat, aut ad quem.  
 Q. Cicero puer legit, ut opinor, & certe, episto-  
 lam inscriptam patri suo. solet enim aperire, idq.  
 de meo consilio; si quid forte sit, quod opus sit sciri.  
 in ea autem epistola erat illud idem de sorore, quod  
 ad me. mirifice conturbatum uidi puerum. lacry-  
 mans mecum est questus. quid quæris? miram in eo  
 pietatem, suauitatem, humanitatemq. perspexi:  
 quo maiore spem habeo, nihil fore aliter, ac deceat.  
 id te igitur scire uolui. Ne illud quidem prætermi-  
 tam. Hortensius filius fuit Laodiceæ cum gladia-  
 toribus, flagitiose, et turpiter. hunc ego patris caus-  
 sa uocaui ad cenam, quo die uenit: & eiusdem pa-  
 tris causa nihil amplius. is mihi dixit, se Athenis  
 me expectaturum, ut mecum decederet. recte,  
 inquam. quid enim dicerem? omnino puto nihil es-  
 se, quod dixit. nolo quidem; ne offendam patrem,  
 quem mehercule ualde diligo. sin fuerit meus co-  
 mes; moderabor ita, ne quidem offendam, quem  
 minime



minime uolo. Hæc sunt, etiam illud. Orationem Q. Celeris mihi uelim mittas contra M. Seruiliū. litteras mitte quamprimum, si nihil fuerit, uel per tuū tabellarium. Piliæ, et filiæ salutem. Cura ut ualeas.

CICERO S. D. ATTICO. 4

TARSVM uenimus non. Iun. ibi me multa mouerunt, magnum in Syria bellum, magna in Cilicia latrocinia. Mihi difficilis ratio administrandi, quòd paucos dies habebam reliquos annui muneris: illud autem difficillimum: relinquendus erat ex S.C. qui præesset. nihil minus probari poterat, quàm quæstor Messinius. nam de Cælio nihil audiebamus. rectissimum uidebatur, fratrem cum imperio relinquere: in quo multa molesta, discessus noster, belli periculum, militum improbitas, sexcenta præterea. o rem totam odiosam. sed hæc fortuna uiderit: quoniam consilio non multum utilicet. Tu, quando Romam saluus, ut spero, uenisti, uidebis, ut soles, omnia, quæ intelliges nostra interesse, in primis de Tullia mea: cuius de conditione quid mihi placeret, scripsi ad Terentiam, cum tu in Græcia esses: deinde de honore nostro. quòd enim tu absuisti, uereor ut satis diligenter actum in senatu sit de litteris meis. Illud præterea μουσικῶν. i. Secretis τερον ad te scribam, tu sagacius odorabere.

τῆς δ' ἀμαρτίας μου ὁ ἀπελθὼν (οἶδα ὃν λέγω) ἔδοξε μοι πρῶτον, ἐξ ὧν ἀλογόμενος παρεφθέργετο, πεφυρακέναι τὰς ψυχὰς ἐκ τῆς ἀγῆς τῶν ὑπαρχόντων. i. Hypocritis meis. Abertus (postquam) diuinitatem ostendit mihi. Inconsiderate protulit turbasse calones, τοῦ σεαυτῶν ἐξ ἐκείνου bonæ Cratoniæ προαίτια. i. tunc ne quid intelliges, unus quidem hoc se considerat. Heres uenit, reliqua unita. /.



LIB. VI. EPIST.

τῷ Κροτωνιάτῃ τυραννοκτόνι. δέδοικα δὲ, μή τι νοήσῃς,  
εἰς δὴ περὶ τοῦ περισκεψάμενος, τὰ λοιπὰ ἐξ ἀσφαλείας.  
non queo tantum, quantum uereor, scribere. Tu au-  
tem fac, ut mihi tuæ litteræ uolent obuiæ. Hæc fe-  
stinans scripsi in itinere, atque agmine. Piliæ, &  
puellæ Cæcilæ bellissimæ salutem dices. Vale.

CICERO S. D. ATTICO. 5

NUNC quidem profecto Romæ es: quò te, si  
ita est, saluum uenisse gaudeo: unde quidem quàm  
diu abfuiſti, magis a me abesse uidebare, quàm si  
domi esses. minus enim mihi meæ notæ res erant,  
minus etiam publicæ. quare uelim, etsi, ut spero, te  
hæc legente aliquantum tamen uiæ processero, ta-  
men obuias mihi litteras quamargutissimas de o-  
mnibus rebus crebro mittas, in primis de quo scri-  
psi ad te antea. τῆς ξυναόρου τῆς ἐμῆς οὐξ ἐλδ' ἔδερος,  
ἐδ' οἷός μοι θαυμάσια ἱστῶν, καὶ ἀλύων τοῖς συλλόγοις,  
καὶ ταῖς λέξαις ὑπότι πεφυρακέναι τὰς ψήφους ἐν τοῖς  
ὑπάρχουσι τοῖς τοῦ Κροτωνιάτου. hoc tu indaga,  
ut soles, aſt hoc magis. ἐξ ἄσεως ἐπαλόφου τευχῶν  
παρέδωκεν ἡμῶν γάμου ὀφειλήματα ὁ Κάμιλλος, αὐ-  
τόν τε ὑφείλοντα μνᾶς κδ. ἐκ τῶν Κροτωνιατικῶν καὶ  
ἐκ τῶν Χερρόνησιτικῶν μη. καὶ κληρονομούσας χμ.  
κ. μ. τούτων δὲ μηδὲ ὀβολὸν διαλύσασθαι πάντων ὁ  
φειληθέντων τοῦ δ' ἑτέρου μηνὸς τῇ νομηνίᾳ. τὸν δὲ  
ἀπελδ' ἑτερον αὐτοῦ, ὄντα ὁμώνυμον τῷ Κόνωνος πα-  
τρὶ, μηδὲν ὀλιχερῶς πεφροντικέναι. ταῦτα δὴ,  
πρῶτον μὲν, ἵνα πάντα σώζῃ: δ' ἑτερον δὲ, ἵνα μη-  
δὲν



δὲν τῶν τόκων ὀλιγορήσης τῶν ἀπὸ τῆς προεκκειμένης  
 ἡμέρας, ὅσας αὐτὸν ἠνέγκαμεν, σφόδρα δέδοικα. καὶ  
 γὰρ παρῆν πρὸς ἡμᾶς κατασκεψόμενος, καί τι χεδὸν  
 δὸν ἐλπίσας. ἀπογνοὺς δὲ, ἀλόγως ἀπέστη ἐπειπὼν,  
 εὐχρόν τοι δηρόν τε μένειν. μεῖ. obiurgauit uete-  
 re prouerbio, τὰ μὲν διδόμενα. reliqua uide, &  
 quantum fieri potest, perspiciamus. etsi annuum  
 tempus prope iam emeritū habebamus: dies enim  
 XXXIII. erant reliqui: solitudine provinciæ ta-  
 men uel maxime urgebamur. cum enim arderet Sy-  
 ria bello; & Bibulus, in tanto mærore suo, maxi-  
 mam curam belli sustineret; ad meῖ. legati eius, et  
 quæstor, & amici litteras mitterent, ut subsidio  
 uenirem: etsi exercitum infirmum habebam, auxi-  
 lia sane bona, sed ea Galatarum, Pisidarum, Ly-  
 ciorum; (hæc enim sunt nostra robora) tamen esse  
 officium meum putari, exercitum habere quampro-  
 xime hostem, quoad mihi præesse provinciæ per S.  
 C. liceret. sed, quo ego maxime delectabar, Bibu-  
 lus molestus mihi non erat; de omnibus rebus scri-  
 bebat ad me potius. & mihi decessionis dies λεληθό-  
 τως obrepebat. qui cum aduenerit: ἄλλο πρόβλημα,  
 quem præficiam, nisi Cælius quæstor uenerit; de  
 quo adhuc nihil certi habebamus. Cupiebam meher-  
 cule longiorem epistolam facere: sed nec erat res,  
 de qua scriberem; nec iocari præ cura poteram.  
 ualebis igitur, & puellæ salutem articulate dices,  
 nostrὰ. Piliæ.

CICERO



E G O, dum in prouincia omnibus rebus Ap-  
 pium orno, subito sum factus accusatoris eius so-  
 cer. id quidem, inquis, dii approbent. ita uelim;  
 teq. ita cupere certo scio: sed crede mihi, nihil mi-  
 nus putaram ego, qui de Ti. Nerone, qui mecum  
 egerat, certos homines ad mulieres miseram: qui  
 Romam uenerunt factis sponsalibus. sed hoc spero  
 melius. mulieris quidem ualde intelligo delectari  
 obsequio, & comitate adolescentis. cetera noli ἐξ  
 καὶ δὶ ζῆν Sed heus tu, τυρὸς ἐς δῆμον Athenis,  
 placet hoc tibi? et si non impediebant mei certe li-  
 bri: non enim ista largitio fuit in ciues, sed in hospi-  
 tes liberalitas. me tamen de Academia προπύλας  
 iubes cogitare; quoniam Appius de Eleusine non  
 cogitet. De Hortensio te certo scio dolere: equidem  
 excrucior: decreueram enim cum eo ualde familia-  
 riter uiuere. Nos prouinciæ præfecimus Cælium.  
 puerum, inquis, & fortasse fatum, & non gra-  
 uem, & non continentem. assentior: fieri non po-  
 tuit aliter. nam quas multo ante tuas acceperam  
 litteras, in quibus ἐπέχεαι te scripseras, quid esset  
 mihi faciundum de relinquendo; eæ me pungebant,  
 uidebam enim, quæ tibi essent ἐποχῆς causæ, (&  
 erant eadem mihi) puero ne traderem. fratri au-  
 tem, illud non utile nobis. nam præter fratrem ne-  
 mo erat, quem sine contumelia quæstori, nobili  
 præsertim, anteferre. tamen, dum impendere  
 Parthi



Parthi uidebantur, statueram fratrem relinquere,  
aut etiam reip. causa contra S. C. ipse remanere.  
qui postea quam, incredibili felicitate, discesserunt;  
sublata dubitatio est. uidebam sermones: Hui fra-  
trem reliquit? num est hoc non plus annum obtine-  
re provinciam? Quid, quod senatus eos uoluit præ-  
esse provincijs, qui non præuissent? at hic trien-  
nium. Ergo hæc ad populum. quid, quæ tecum?  
numquam essem sine cura, si quid iracundius, aut  
contumeliosius, aut negligentius. quæ fortuita ho-  
minum? quid, si quid filius puer, & puer bene si-  
bi fidens? qui esset dolor? quem pater non dimitte-  
bat; teq. id censere, moleste ferebat. at nunc Cæ-  
lius, non dico equidem, quod egerit; sed tamen mul-  
to minus laboro. Adde illud. Pompeius, eo robore  
uir, ijs radicibus, Q. Cassium sine sorte delegit, Cæ-  
sar Antonium: ego sorte datum offenderem? aut  
etiam inquirerem in eum, quem reliquissim? hoc  
melius: & huius rei plura exempla. senectuti qui-  
dem nostræ profecto aptius. at te apud eum, dii bo-  
ni, quanta in gratia posui: ei q. legi litteras nō tuas,  
sed librarij tui. Amicorum litteræ me ad triumphū  
uocant, rem a nobis, ut ego arbitror, propter hanc  
παλιγγενεσίαν nostram, non negligendam. quare tu  
quoque, mi Attice, incipe hoc cupere; quo nos mi-  
nus inepti uideamur. Vale.

CICERO S. D. ATTICO. 7

QUINCTVS filius, pie sane, me quidem  
certe



certe multum hortante, sed currentem animum patris sui sorori tuæ reconciliauit. eum ualde tuæ litteræ excitarunt. quid quæris? confido rem, ut uolumus, esse. Bis ad te ante scripsi de re mea familiari, si modo tibi redditæ litteræ sunt, græce, ἐν αὐτῷ μοῖς. scilicet nihil est mouendum. sed tamen, ἀφελῶς percunctando de nominibus Milonis, & ut expediat, ut mihi recepit, hortando, aliquid ita tu proficies. Ego Laodiceæ quæstorem Messiniū expectare iussi, ut cōsectas rationes lege Iulia apud duas ciuitates possim relinquere. Rhodum uolo puorum causa: inde quamprimum Athenas: etsi Etesia ualde resant: sed uolo his magistratibus, quorum uoluntatem in supplicatione sum expertus. Tu tamen mitte mihi, quæso, obuiam litteras, numquid putes reip. nomine tardandum esse nobis. Tiro ad te dedisset litteras, nisi eum grauer ægrum Esæ reliquisssem. sed nunciant, melius esse. ego tamen angor. nihil enim illo adolescente castius, nihil diligentius. Vale.

CICERO S. D. ATTICO. 8

CUM instituissem ad te scribere, calamumque sumpsissem, Batonius e nauī recta ad me uenit domum Ephesi, & epistolam tuam reddidit prid. kal. Oct. Letatus sum felicitate nauigationis tuæ, oportunitate Piliæ, etiam mehercule sermone eiusdem de coniugio Tullie meæ. Batonius autem miros terrores ad me attulit Casarianos: cum Lepta etiam  
plura



plura locutus est, spero, falsa, sed certe horribilia:  
exercitum nullo modo dimissurum: cum illo prae-  
tores des. Cassium tribunum, Lentulum cos. facere:  
Pompeio in animo esse urbem relinquere. Sed heus  
tu, numquid moleste fers de illo, qui se solet antefer-  
re patruo sororis tuae filij? at a quibus uictus? sed  
ad rem. Nos Etesiae uehementissimae tardarunt.  
detraxit xx ipsos dies etiam aphraetus Rhodio-  
rum. Kal. Oct. Epheso conscendentes hanc episto-  
lam dedimus L. Tarquinio, simul e portu egredi-  
enti, sed expeditius nauiganti, nos Rhodiorum a-  
phraetis, ceterisque longis nauibus tranquillitates au-  
cupaturi eramus: ita tamen properabamus, ut non  
posset magis. De raudusculo Puteolano, gra-  
tum. Nunc uelim dispicias res Romanas; uide-  
as, quid nobis de triumpho cogitandum putes; ad  
quem amici me uocant. ego, nisi Bibulus, qui, dum  
unus hospes in Syria fuit, pedem porta non plus ex-  
tulit, quam domo sua, adniteretur de triumpho,  
aequo animo essem. nunc uero ἀνὰ πρὸν σιῶπᾶν. sed  
explorarem totam: ut, quo die congressi erimus,  
consilium capere possimus. At multa; qui & pro-  
perarem, & ei litteras darem, qui aut mecum,  
aut paullo ante uenturus esset. Cicero tibi pluri-  
mam salutem dicit. tu dices utriusque nostrum uer-  
bis & Piliae tuae, & filiae. Vale.

P

CICERO



IN PIRAEÆA cum exissem pridie id. Oct. accepi ab Acasto, seruo meo, statim tuas litteras : quas quidem cum expectassem iam diu, admiratus sum, ut uidi obsignatam epistolam, breuitatem eius ; ut aperui, rursus σύγχυσιν litterularum, quæ solent tuæ compositissimæ, & clarissimæ esse. ac, ne multa, cognoui ex eo, quod ita scripseras, te Romam uenisse ad XII. kal. Oct. cum febris perculsus uehementer, nec magis, quam debui, statim quæro ex Acasto. ille et tibi, & sibi uisum, & ita se domi ex tuis audisse, ut nihil esset incommode. id uidebatur approbare, quod erat in extremo, febri- culam tum te habentem scripsisse. sed clamaui ta- men ; admiratusq. sum, quod nihilo minus ad me- tua manu scripsisses. quare de hoc satis. spero e- nim, quæ tua prudentia, & temperantia, & her- cule, ut me iubet Acastus, confido te iam, ut uolu- mus, ualere. A Turrano te accepisse meas litte- ras gaudeo. παραφύλαξον, si me amas, τὴν τῆς φυ- ρατῆς φιλοτιμίαν αὐτότατα. hanc, quæ me hercule mihi magno dolori est, (dilexi enim hominē) pro- cura, quantulumcumque est, Prætianam heredita- tem. prorsus ille ne attingat. dices, nummos mihi opus esse ad apparatus triumphi : in quo, ut præ- cipis, nec me κενὸν in expetendo cognosces, nec ἄτυ- φον in abiiciendo. Intellexi ex tuis litteris, te ex Turrano audisse, a me prouinciam fratri traditam.

adeon'



adeon' ego non perspexeram prudentiam litterarū  
tuarum? ἐπέχειν te scribebas. quid erat dubitatio-  
ne dignum? si esset quidquam; cur placeret, fra-  
trem, & talem fratrem, relinqui? ἀθέτως ista mi-  
hi tua, non ἐποχὴ, uidebatur. monebas de Q. Ci-  
cerone puero, ut eum quidem neutiquam relinque-  
rem: Τοῦ μὲν ἀναρῶν ἐμοί. eadem omnia, quasi  
collocuti essemus, uidimus. non fuit faciendum ali-  
ter, meq. ἐπιχειρία ἐποχὴ tua dubitatione libera-  
uit. sed puto te accepisse de hac re epistolam, scri-  
ptam accuratius. Ego tabellarios postero die ad uos  
eram missurus, quos puto ante uenturos, quā no-  
strum Saufeium. sed, eum sine meis litteris ad te  
uenire, uix rectum erat. Tu mihi, ut polliceris,  
de Tulliola mea, id est de Dolabella, perscribas:  
de rep. quam praeuideo in summis periculis, de cen-  
soribus, maximeq. de signis, tabulis quid fiat, re-  
feratur ne. Idibus Oct'. has dedi litteras: quo die,  
ut scribis, Caesar Placentiam legiones quattuor.  
quaeso, quid nobis futurum est? In arce Athenis  
statio mea nunc placet. Vale.



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER VII.

CICERO S. D. ATTICO.

**D**EDERAM equidem L. Saufeio lit-  
teras, & dederam ad te unum; quòd,  
cum non esset temporis mihi ad scriben-  
dum satis, tamen hominem tibi tam  
familiarem sine meis litteris ad te uenire nolebam.  
sed, ut philosophi ambulanti, has tibi redditum iri  
putabam prius, sin iam illas accepisti, scis me A-  
thenas uenisse pridie id. Oct. e naui egressum in Pi-  
ræum tuas ab Acasto nostro litteras accepisse; con-  
turbatum, quòd cum febre Romam uenisses; bono  
tamen animo esse cœpisse, quòd Acastus ea, quæ  
uellem, de alienato corpore tuo nuntiaret; cohör-  
ruisse autem, quòd tuæ litteræ de legionibus Cæsa-  
ris afferrent; & egisse tecum, ut uideres, ne quid  
φιλοτιμία eius, quem nosti, nobis noceret; & de  
quo iam pridem ad te scripseram. Turranius au-  
tem secus tibi Brundisij dixerat: quod ex ijs litte-  
ris cognoui, quas a Xenone, optimo uiro, accepi.  
Cur fratrem provinciæ non præfecissem, exposui  
breuiter. Hæc fere sunt in illa epistola: nunc audi  
reliqua. Per fortunas, omnem tuum amorem,  
quo me es amplexus, omnemq. tuam prudentiam,  
quam



quam mehercule in omni genere iudico singula-  
rem, conferto ad eam curam, ut de omni statu meo  
cogites. uidere enim mihi uideor tantam dimicatio-  
nem, nisi idem deus, qui nos melius, quam optare  
auderemus, Parthico bello liberauit, respexerit  
remp. sed tantam, quanta numquam fuit. age, hoc  
malum mihi commune est cum omnibus: nihil tibi  
mando, ut de eo cogites: illud meum proprium  
ἐρόβλημα, quaeso, suscipe. uides ne, ut te auctore  
sim utrumque complexus? ac uellem a principio te  
audisse amicissime monentem:

Ἀλλ' ἐμὸν οὐ ποτὲ θυμὸν ἐνὶ στήθεσιν ἔπειθες:

Ὡς οὐδὲν γλύκιον ἢ πατρίδος:

sed aliquando tamen persuasisti, ut alterum comple-  
cterer, quia de me erat optime meritus; alterum,  
quia tantum ualebat. feci igitur, atque effeci omni  
obsequio, ut neutri illorum quisquam esset me ca-  
rior. hac enim cogitabamus; nec mihi, iuncto cum  
Pompeio, fore necesse peccare in rep. aliquando;  
nec, cum Pompeio sentienti, pugnandum esse cum  
Cæsare: tanta erat illorum coniunctio, nunc impen-  
det, ut & tu ostendis, & ego uideo, summa inter  
eos contentio. me autem uterque numerat suum.  
nisi forte simulat alter. nam Pompeius non dubitat  
(uere enim iudicat) ea, quæ de rep. nunc sentiat,  
mihi ualde probari. utriusque autem accepi eiusmodi  
litteras eodem tēpore, quo tuas, ut neuter quem-  
quam omnium pluris facere, quam me, uideretur.  
uerum quid agam? non quæro illa ultima, (si enim



LIB. VII. EPIST.

castris res geretur, uideo cum altero uinci satius esse, quàm cum altero uincere) sed illa, quæ tum aguntur, cum uenero; ne ratio absentis habeatur, ut exercitum dimittat. dic M. Tulli. quid dicam? exspecta, amabo te, dum Atticum conueniam. non est locus ad tergiuersandum contra Cæsarem. ubi illæ sunt densæ dexteræ? nam, ut illi hoc liceret, adiuui, rogatus ab ipso Rauennæ de Cælio tribuno pl. ab ipso autem? etiam a Cnæo nostro, in illo diuino tertio consulatu. aliter sensero: αἰδέομαι non Pompeium modo, sed Τρώας, καὶ Τρωάδας. Πουλυδάμας μοι πρῶτος ἐλεγχεῖν καταθήσει, quis? tu ipse scilicet, landator & factorum, & scriptorum meorum. hanc ego plagam effugi per duos superiores Marcellorum consulatus, cum est actum de prouincia Cæsaris. nunc incido in discrimen ipsum. itaque, ut stultus primus suam sententiam dicat, mihi ualde placet de triumpho nos moliri aliquid, extra urbem esse cum iustissima causa. tamen dabunt operam, ut eliciant sententiam meam. Ridebis hoc loco fortasse: quàm uellem etiam nunc in prouincia morari. plane opus fuit, si hoc impendebat. etsi nil miseriùs. nam, ὁδοῦ πάρεργον, uolo te hoc scire: omnia illa prima, quæ etiam tu litteris in cælum ferebas, ἐπίτηκτα fuerunt. quàm non est facilis uirtus, quàm uero difficilis eius diuturna simulatio. cum enim hoc rectum, & gloriosum putarem, ex annuo sumptu, qui mihi decretus esset, me C. Cælio quæstori relinquere annuum, referre in ærarium ad HS

C I O:



CICERO: ingemuit nostra cohors, omne illud putans  
distribui sibi oportere: ut ego amicior inuenirer  
Phrygum, & Cilicum ærarijs, quàm nostro. sed  
me non mouerunt. nam & mea laus apud me plu-  
rimum ualuit: nec tamen quidquam honorifice in  
quemquam fieri potuit, quod prætermiserim. Sed  
hæc fuerit, ut ait Thucydides, ἐκβολὴ λόγου non in-  
utilis. Tu autem de nostro statu cogitabis: pri-  
mum quo artificio tueamur beneuolentiam Cæsa-  
ris: deinde de ipso triumpho: quem uideo, nisi reip.  
tempora impedient, & πόριζον. iudico autem cum  
ex litteris amicorum, tum ex supplicatione: quam  
qui non decreuit, plus decreuit, quàm si omnes de-  
creuisset triumphos. ei porro assensus est unus, fa-  
miliaris meus, Fauonius, alter iratus Hirrus. Ca-  
to autem & scribendo affuit, & ad me de senten-  
tia sua iucundissimas litteras misit. sed tamen gra-  
tulans mihi Cæsar de supplicatione, triumphat de  
sententia Catonis; nec scribit, quid ille sententiæ  
dixerit, sed tantum, supplicationem eum mihi non  
decreuisse. Redeo ad Hirrum. cœperas eum mihi  
placare: perfice. habes Scrofam, habes Silium. ad  
eos ego etiam antea scripsi, & ad ipsum Hirrum:  
locutus enim erat cum ijs, commodè se potuisse im-  
pedire, sed noluisse; assensum tamen esse Catoni,  
amicissimo meo; cum is honorificentissimam in me  
sententiam dixisset; nec me ad se ulla litteras mi-  
sisse, cum ad omnes mitterem. uerum dicebat. ad  
eum enim solum, & ad Crassipedem non scripse-

P 4 ram,



LIB. VII. EPIST

ram. Atque hæc de rebus forensibus. redeamus domum. Dijungere me ab illo uolo. mirus est quæratns, germanus Lartidius.

Αλλὰ τὰ μὲν πρὸς τὴν ἐξουσίαν ἐάσομεν ἀχνύμενοί περ.  
Reliqua expediamus, hoc primum, quod accessit cura dolori meo, sed hoc tamen, quidquid est: Præ-  
tanium cum ijs rationibus, quas ille meas tractat, admisceri nolo. scripsi ad Terentiam, scripsi etiam ad ipsum, me, quidquid possem nummorum, ad apparatus sperati triumphi ad te redacturum. ita puto ἀμεμπῆ fore. uerum, ut lubebit. Hanc quoque suscipe curam, quemadmodum experiamur. id & ostendisti quibusdam litteris, ex Epiro, & Athenis datis; & in eo ego te adiuuabo. Vale.

CICERO S. D. ATTICO. 2

BRUNDISIUM uenimus VII. kal. Dec. usque tua felicitate nauigandi. ita belle nobis flauit ab Epiro lenissimus Auster mitis. hunc πρὸς δεξιὰς ὄντα, si cui uoles τῶν νεωτέρων, pro tuo uendito. In ual-  
tudo tua me ualde conturbat. significant enim tuæ litteræ, te prorsus laborare. ego autem, cum sciam, quàm sis fortis, uehementius esse quiddam suspi-  
cor, quod te cogat cedere, & propemodum in-  
fringat. etsi alteram quartanam Pamphilus tuus mihi dixit decessisse, & alteram leuiorem accede-  
re. Terentia uero, quæ quidem eodem tempore ad portam Brundisinam uenit, quo ego in portum, mihiq. obuiam in foro fuit, L. Pontium sibi in Trebu-  
lano



lano dixisse narrabat, etiam eam decessisse. quod si ita est, quod maxime hercule opto; id spero tua prudentia, & temperantia te consecutum. Venio ad epistolas tuas, quas ego sexcentas uno tempore accepi, aliam alia iucundiores, quæ quidem erant tua manu. nam Alexidis manum amabam, quod tam prope accedebat ad similitudinem tuæ litteræ: manum non amabam, quia iudicabat te non ualere. cuius quoniam mentio iam facta est, Tironem Patris agrum reliqui, adolescentem, ut nosti, (& adde, si quid uis) probum: nihil uidi melius: itaque careo agre. quamquam uidebatur se non grauiter habere: tamen sum sollicitus, maximamq. spem habeo in me. Curij diligentia, de qua ad me scripsit Tiro, & multi nuntiarunt. Curius autem ipse sensit, quàm tu uelles a me diligi: & eo sum admodum delectatus: & mehercule est, quem facile diligas. αὐτόχθον in homine urbanitas. eius testamentum de tortorio, Ciceronum signis obsignatum, cohortisq. prætoriae. fecit palam te ex libella, me ex teruncia. Corcyrae Alexion me opipare muneratus est. Q. Ciceroni obsisti non potuit, quo minus Thyamin uideret. Filiola tua te delectari letor, & probari tibi σοφὴν φροσινὴν esse, τὴν πρὸς τὰ τέχνα. etenim, si hæc non est, nulla potest homini esse ad hominem naturæ adiunctio: qua sublata, uitæ societas tollitur. bene eueniat, inquit Carneades, spurce, sed tamen prudentius, quàm Lucius noster, & Patron: qui cum omnia ad se referant, nec quidquam alterius



## LIB. VII. EPIST.

alterius caussa fieri putent; et cum ea re bonum uirum oportere esse dicant, ne malum habeat, non quo id natura rectum sit; non intelligunt se de callido homine loqui, non de bono uiro. sed hæc opinor sunt in ijs libris, quos tu laudando, animos mihi addidisti. Redeo ad rem. Quo modo expectabam epistolam, quam Philoxeno dedisses? scripseras enim, ne ea esse de sermone Pompeij Neapolitano. eam mihi Patro Brundisij reddidit: Corcyra, ut opinor, acceperat. nihil potuit esse iucundius. erat enim de rep. de opinione, quam is uir haberet integritatis meæ; de beneuolentia, quam ostendit eo sermone, quem habuit de triumpho. sed tamen hoc iucundissimum, quod intellexi, te ad eum uenisse, ut eius animum erga me perspiceres. hoc mihi inquam accidit iucundissimum. De triumpho autem, nulla me cupiditas umquā tenuit ante Bibuli impudentissimas litteras, quas amplissime supplicatio cōsecuta est. a quo si ea gesta sunt, quæ scripsit; gaude rem, & honori fauerem: nunc illum, qui pedem porta, quoad hostis cis Euphratem fuit, non extulerit, honore augeri; me, in cuius exercitu spem illius exercitus habuit, idem non assequi, dedecus est nostrum, nostrū, inquam, te coniungens. itaque omnia experiar, & ut spero, assequar. quod si tu ualeres, iam mihi quadam explorata essent: sed, ut spero, ualebis. De raudusculo Numeriano multum te amo. Hortensius quid egerit, a uero scire, Cato quid agat: qui quidem in me turpiter fuit maleuolus: dedit



dedit integritatis, iustitiæ, clementiæ, fidei mihi  
 testimonium, quod non quærebam; quod postula-  
 bam, negavit. itaque Cæsar ijs litteris, quibus mi-  
 hi gratulatur, & omnia pollicetur, quo modo exul-  
 tat Catonis, in me ingratißimi, iniuria? at hic idem  
 Bibulo dierum x x. ignosce mihi, non possum hæc  
 ferre, nec feram. cupio ad omnes tuas epistolas, sed  
 nihil necesse est: iam enim te uidebo. illud tamen de  
 Chrysippo. nam de altero illo minus sum admira-  
 tus, operario homine: sed tamen ne illo quidem  
 quidquam improbius. Chrysippum uero, quem e-  
 go, propter litterularum nescio quid, libenter uidi,  
 in honore habui, discedere a puero, insciente me?  
 mitto alia, quæ audio, multa: mitto furta: fugam  
 non fero, qua mihi nihil uisum est sceleratius. ita-  
 que usurpauit uetus illud Drusi, ut ferunt, prato-  
 ris in eo, qui eadem liber non iuraret: me istos li-  
 beros non addixisse, præsertim cum adesset nemo,  
 a quo recte uindicarentur. id tu, ut uidebitur, ita  
 accipies: ego tibi assentiar. Vni tuæ disertissimæ  
 epistolæ non rescripsi, in qua est de periculis reip.  
 quid rescriberem? ualde eram perturbatus: sed, ut  
 nihil magnopere metuam, Parthi faciunt, qui re-  
 pente Bibulum seminiuum reliquerunt. Vale.

CICERO S. D. ATTICO. 3

AD VIII. idus Dec. in Trebulanum ueni, et  
 ibi tuas litteras legi, quas Philotimus mihi red-  
 dit. e quibus hanc primo aspectu uoluptatem cepi,  
 quod



## LIB. VII. EPIST.

quòd erant a te ipso scriptæ : deinde earum accuratissima diligentia sum mirum in modum delectatus. Ac primum illud, in quo te Dicaarcho assentiri negas, etsi cupidissime expetitur a me sit, & approbante te, ne diutius anno in prouincia essem, tamen non est nostra contentione perfectum. sic enim scito, uerbum in senatu factum esse numquam de ullo nostrum, qui prouincias obtinuimus, quo in his diutius, quàm ex S. C. maneremus : ut iam ne istius quidem rei culpam sustineam, quòd minus diu fuerim in prouincia, quàm fortasse fuerit utile. sed quid, si hoc melius? oportune dici uidetur, ut in hoc ipso. siue enim ad concordiam res adduci potest, siue ad bonorum uictoriam; utriusuis rei me aut adiutorem uelim esse, aut certe non expertem: sin uincuntur boni; ubicumque essem, una cum ijs uictus essem. quare celeritas nostri reditus æmetaque *αυτος* debet esse. quòd si ista nobis cogitatio de triumpho iniecta non esset, quam tu quoque approbas: nã tu haud multum requireres illum uirum, qui in v. 1. libro informatus est. quid enim tibi faciam, qui illos libros deuorasti? quin nunc ipsum non dubitabo rem tantam abicere, si id erit relictius. utrumque uero simul agi non potest, & de triumpho ambitiose, & de rep. libere. sed ne dubitaris, quin, quod honestius, id mihi futurum sit antiquius. Nam quod putas utilius esse uel mihi, quòd tutius sit, uel etiam ut reip. prodesse possim, me esse cum imperio: id coram considerabimus quale



le sit. habet enim res deliberationem: et si ex parte magnatibì assentior. De animo autem meo erga remp. bene facis, quòd non dubitas; & illud probe iudicas, nequaquam satis pro meis officijs, pro ipsius in alios effusione illum in me liberalem fuisse: eiusq. rei causam uere explicas; & eis, quæ de Fabio, Caninioq. acta scribis, ualde consentiunt. quæ si secus essent, totumq. se ille in me profudisset: tamen illa, quam scribis, custos urbis me præclaræ inscriptionis memorem esse cogeret; nec mihi concederet, ut imitarer Volcatium, aut Seruium, quibus tu es contentus; sed aliquid nos uellet nobis dignum & sentire, & defendere. quod quidem agerem, si liceret, alio modo, ac nunc agendum est. de sua potentia dimicant homines hoc tempore, periculo ciuitatis. nam, si resp. defenditur; cur ea, consule isto ipso, defensa non est? cur ego, in cuius causa reip. salus consistebat, defensu postero anno non sum? cur imperium illi, aut cur illo modo prorogatum est? cur tantopere pugnatu est, ut de eius absentis ratione habenda decem tribuni pl. ferrent? his ille rebus ita conualuit, ut nunc in uno ciue resp. ad resistendum imbecilla sit, quàm mallet, tantas ei uires non dedisset, quàm nunc tam ualenti resisteret. sed, quoniam res eò deducta est, non quæram, ut scribis, τὸ σκᾶφος τῶν Ἀργειδῶν. mihi σκᾶφος unum erit, quod a Pompeio gubernabitur. illud ipsum, quod ais; quid fiet, cum erit dictum? die M. Tulli σῶτορα. Pompeio assentiar: ipsum tamen

Pom-



Pompeium separatim ad concordiam hortabor. sic enim sentio; maximo in periculo rem esse. uos scilicet plura, qui in urbe estis. uerumtamen hoc uideo, cum homine audacissimo, paratissimoq. negotium esse; omnes damnatos, omnes ignominia affectos, omnes damnatione, ignominiaq. dignos illac facere, omnem ferre iuuentutem, omnem illam urbanam, ac perditam plebem, tribunos ualentes, addito C. Cassio, omnes, qui ære alieno premantur; quos plures esse intelligo, quàm putaram. causam solum illa causa non habet; ceteris rebus abundat. hic omnia facere omnis, ne armis decernatur: quorum exitus semper incerti, nunc uero in alteram partem magis timendi. Bibulus de provincia decessit; Veientonem præfecit. in decedendo erit, ut audio, tardior. quem cum ornauit Cato, declarauit, ijs se solis non inuidere, quibus nihil, aut non multum ad dignitatem posset accedere. Nunc uenio ad priuata: fere enim respondi tuis litteris de rep. & ijs, quas in suburbano, & ijs, quas postea scripsisti. ad priuata uenio. Vnum etiam de Cælio. tantum abest, ut meam ille sententiam moueat, ut ualde ego ipsi, quod de sua sententia decesserit, pœnitendum putem. sed quid est, quod cuncti Lucceijs sint addicti? hoc te prætermisissè miror. De Philotimo, faciam equidem, ut mones: sed ego mihi ab illo non rationes expectabam, quas tibi edidit, uerum id reliquum, quod ipse in Tusculano me referre, in commentarium mea manu uoluit, quodq. idem in Asia  
mibi



mibi sua manu scriptum dedit. id si præstaret; quantum mihi æris alieni esse, tibi edidit, tantum, & plus etiam ipse mihi deberet. sed in hoc genere, si modo per remp. licebit, non accusabimur posthac: neque hercule antea negligentes fuimus, sed amicorum multitudine occupati. ergo utemur, ut polliceris, & opera, & consilio tuo: nec tibi erimus, ut spero, in eo molesti. De serperastris cohortis meæ, nihil est, quod doleas. ipsi enim se collegerunt admiratione uitæ integritatis meæ. sed me mouerat nemo magis, quàm is, quem tu neminem putas. idem & initio fuerat, & nunc est egregius: sed in ipsa decessione significauit, sperasse se aliquid; & id, quod animum induxerat paullisper, non tenuit: sed cito ad se redijt; meisq. honorificentissimis erga se officijs uictus, pluris ea duxit, quàm omnem pecuniam. Ego a Curio tabulas accepi, quas mecum porto. Hortensij legata cognoni. nunc aueo scire, quid hominis sit, & quarum rerum auctionem instituat. nescio enim, cur, cum portam Flumentanam Cælius occuparit, ego Puteolos nō faciam meos. Venio ad Piræea. in quo magis reprehendendus sum, quòd homo Romanus Piræea scripserim, non Piræeum, (sic enim omnes nostri locuti sunt) quàm quòd, in, addiderim. non enim hoc ut oppido præposui, sed ut loco. & tamen Dionysius noster, qui est nobiscum, & Nicias Cous non rebatur, oppidum esse Piræea. sed de re uidero. nostrum quidem si est peccatum, in eo est, quòd, non ut de oppido,  
locutus



## LIB. VII. EPIST.

locutus sum, sed ut de loco: secutusque sum, non dico Cæcilium, Mane ut ex portu in Piræum; (malus enim auctor latinitatis est) sed Terentium, cuius fabellæ, propter elegantiam sermonis, putabantur a C. Lælio scribi: Heri aliquot adolescentuli coimus in Piræum. Et idem, Mercator hoc addebat, captam e Sunio. quod si δήμουσ oppida uolumus esse, tam est oppidum Sunium, quam Piræum. sed quoniam grammaticus es; si hoc mihi ζήτημα persolueris, magna me molestia liberaris. Ille mihi litteras blandas mittit. facit idem pro eo Balbus. mihi certum est, ab honestissima sententia digitum nusquam. sed scis, illi reliquum quantum sit. putas ne igitur uerendum esse, ne aut obijciat id nobis aliquis, si languidius; aut repetat, si fortius? quid ad hæc reperis? soluamus, inquis. age, a Cælio mutuabimur. hoc tu tamen consideres uelim: puto enim, in senatu si quando præclare pro rep. dixerò, Tartessium istum tuum mihi exeunti, Iube sodes nummos curare. Quid superest? etiam. gener est suavis mihi, Tullia, Terentia quantumuis. uel ingenij, uel humanitatis satis, reliqua, quæ nosti, ferenda. scis enim, quos aperuimus. qui omnes, præter eum, de quo per te egimus, reum me facere rentur. ipsis enim expensum nemo offeret. Sed hæc coram: nam multi sermonis sunt. Tironis reficiendi spes est in M. Curio: cui ego scripsi, tibi eum gratissimum facturum. Vale. D. v. id. Dec. a Pontio, ex Trebulano.

CICERO



CICERO S. D. ATTICO.

4

DIONYSIVM, flagrantem desiderio tui, mihi ad te, nec mehercule æquo animo, sed fuit concedendum. quem quidem cognoui cum doctum, quod mihi iam ante erat notum, tum sanctum, plenum officij, studiosum etiam meæ laudis, frugi hominem, ac, ne libertinum laudare uidear, plane virum bonum. Pompeium uidi IV. id. Dec. fuimus una horas duas fortasse. magna lætitia mihi uisus est affici meo aduentu. de triumpho hortari, suscipere partes suas: monere, ne ante in senatum accederem, quàm rem confecissem; ne, dicendis sententijs, aliquem tribunum alienarem. quid quæris? in hoc iudicio, et officio sermonis nihil potuit esse prolixius. de rep. autem ita mecum locutus est, quasi non dubium bellum haberemus. nihil ad spem concordie: plane illum ab se alienatum, cum ante intelligeret, tum uero proxime iudicasse: uenisse Hirtium a Cesare, qui esset illi familiarissimus; ad se non accessisse; & cum ille ad VIII. id. Dec. uespere uenisset, Balbus de tota re constituisset, ad VII. ad Scipionem ante lucem uenisse; multa de nocte profectum esse ad Cesarem. hoc illi reuolvens uidebatur esse alienationis. quid multa? nihil me aliud consolatur, nisi quòd illum, cui etiam inimici alterum consulatum, fortuna summam potentiam dederit, non arbitror fore tam amentem, ut hæc in discrimen adducat. quòd si ruere cœperit; nã ego

Q

multa



## LIB. VII. EPIST.

multa timeo; quæ non audeo scribere. sed, ut nunc est, ad III. non. Ian. ad urbem cogito. Vale.

CICERO S. D. ATTICO. 5

MULTAS uno tempore accepi epistolas tuas: quæ mihi, quamquam recentiora audiebam ex ijs, qui ad me ueniebant, tamen erant iucundæ. studium enim, & beneuolentiam declarabant. In uale tudine tua moneor: & Piliam in idem genus morbi delapsam, curam tibi afferre maiorem sentio. date igitur operam, ut ualeatis. De Tirone, uideo tibi curæ esse: quem quidem ego, & si mirabiles utilitates mihi præbet, cum ualet, in omni genere uel negotiorum, uel studiorum meorum, tamen propter humanitatem, & modestiam malo saluum, quam propter usum meum. Philogenes mecum nihil umquam de Luscenio locutus est: de ceteris rebus habes Dionysium. Sororem tuam non uenisse in Arcanum miror. De Chrysippo, meum consilium probari tibi, non moleste fero. Ego in Tusculanum nihil sane hoc tempore. deuium est τοῖς ἀπαιλώσις, & habet alia δύχρησα. sed de Formiano Tarracinam pridie kal. Ian. inde Pontinium sumam: inde Albanum Pompeij: ita ad urbem III. non. natali meo. De rep. quotidie magis timeo. non enim boni, ut putauī, consentiunt. quos ego equites R. quos senatores uidi, qui acerrime cum cetera, tum hoc iter Pompeij uituperarent? pace opus est. ex uictoria cum multa mala, tum certo tyrannis existet. sed



sed hæc propediem coram. Iam plane mihi deest, quid ad te scribam. nec enim de rep. quòd uterque nostrum scit eadem: & domestica nota sunt ambo-  
bus. reliquum est iocari, si hic finat. nam ego is sum, qui, illi concedi, putem, utilius esse quod postulat, quàm signa conferri. sero enim resistimus ei, quem per annos decem aluimus contra nos. quid sentis igitur? inquis. nihil scilicet, nisi de sententia tua, nec prius quidem, quàm nostrum negotium aut confecerimus, aut deposuerimus. Cura igitur, ut ualeas. aliquando ἀπόρησαι quartanam istam diligentia, quæ in te summa est.

## CICERO S. D. ATTICO. 6

PLANE deest, quid ad te scribam. nota omnia tibi sunt: nec ipse habeo, a te quid exspectem. tantum igitur nostrum illud sollemne seruemus, ut ne quem istuc euntem sine litteris dimittamus. De rep. ualde timeo: nec adhuc fere inueni, qui non concedendum putaret Casari, quod postularet, potius, quàm depugnandum. est illa quidem impudens postulatio, opinione ualentior: cur autem nunc primum ei resistamus? οὐ γὰρ ἀντὶ τοῦδε μέιστον ἔποι κακόν, quàm cum quinquennium prorogabamus, aut cum, ut absentis ratio haberetur, ferebamus. nisi forte hæc illi tum arma dedimus, ut nunc cum bene parato pugnaremus. dices, quid tu igitur sensurus es? non idem, quod dicturus. sentiam enim omnia facienda, ne armis decertetur: dicam idem, quod

Q 2 Pom-



## LIB. VII. EPIST.

Pompeius; neque id faciam humili animo. sed rursus hoc permagnum reip. malum est, & quodam modo mihi præter ceteros non rectum, me in tantis rebus a Pompeio dissidere. Vale.

CICERO S. D. ATTICO. 7

DIONYSIVS, uir optimus, ut mihi quoque est perspectus, & doctissimus, tuiq. amantissimus, Romam uenit xv. kal. Ian. & litteras a te mihi reddidit. tot enim uerba sunt de Dionysio in epistola tua. illud putato. non adscribis, Et tibi gratias egit. atqui certe ille agere debuit: & si esset factum, quæ tua est humanitas, adscripsisses. mihi autem nulla de eo παλινοδία datur propter superioris epistolæ testimonium. sit igitur sane bonus uir, hoc enim ipsum benefecit, quod mihi sui cognoscendi penitus etiam istam facultatem dedit. Philogenes recte ad te scripsit: curquit enim, quod debuit. eum ego uti ea pecunia uolui, quoad liceret, itaque usus est menses xiii. Pontinium cupio ualere: & quod scribis in urbem introisse, uereor quid sit. nam id nisi graui de causa non fecisset. Ego, quoniam iv. non. Ian. compitalicius dies est, nolo eo die in Albanum uenire molestus familiæ: ueniam iii. non. igitur: inde ad urbem prid. non. Tua λήψις quem in diem incurrat, nescio: sed prorsus te commoueri incommendo uoletudinis tuæ nolo. De honore nostro, nisi quid occulte Caesar per suos tribunos molitus erit, cetera uidentur esse tranquilla. tranquillissimus



mus autem animus meus, qui totum istuc æqui boni facit, & eo magis, quod iam a multis audio constitutum esse Pompeio, & eius consilio, in Siciliam me mittere, quod imperium habeam. id est Αἰδοῦμαι. nec enim senatus decreuit, nec populus iussit, me imperium in Sicilia habere. sin hoc resp. ad Pompeium refert: qui me magis, quam priuatum aliquem, mittat? itaque, si hoc imperium mihi molestum erit; utar ea porta, quam primum uidero. Nam quod scribis, mirificam expectationem esse mei, neque tamen quemquam bonorum, aut satis bonorum dubitare, quid sensurus sim: ego, quos tu bonos esse dicas, non intelligo: ipse nullos noui, sed ita, si ordines bonorum querimus. nam singulares sunt boni uiri. uerum in dissensionibus ordines bonorum, & genera querenda sunt. senatum bonum putas, per quem sine imperio prouinciæ sunt? numquam enim Curio sustinisset, si cum eo agi ceptum esset. quam sententiam senatus sequi noluit. ex quo factum est, ut Cæsari non succederetur. an publicanos? qui numquam firmi. sed nunc Cæsari sunt amicissimi. an senexatores? an agricolas? quibus optatissimum est otium. nisi eos timere putas, ne sub regno sint, qui id numquam, dum modo otiosi essent, recusarunt. quid ergo? exercitum retinentis, cum legis dies transierit, rationem haberi placet? mihi uero ne absentis quidem. sed, cum id datum est, illud una datum est. Annorum decem imperium, & ita latum, placet? placet igitur etiam me expul-



## LIB. VII. EPIST.

sum, & agrum Campanum periisse, & adoptatum patricium a plebeio, Gaditanum a Mitylenæo. & Labieni diuitiæ, & Mamurræ placent, & Balbi horti, & Tusculanum. sed horum omnium fons unus est. imbecillo resistendum fuit: & id erat facile. nunc legiones XI, equitatus tantus, quantum uolet; transpadani, plebs urbana, tot tribuni pl. tam perditæ iuuentus, tanta auctoritate dux, tanta audacia. cum hoc aut depugnandum est, aut habenda e legeratio. depugna, inquis, potius, quàm seruias: ut quid? si uictus eris, proscribare: si uiceris, tamen seruias. quid ergo, inquis, acturus es? idem quod pecudes, quæ dispulsæ sui generis sequuntur greges. ut bos armenta, sic ego bonos uiros, aut eos, quicunque dicentur boni, sequar, etiam si ruent. quid sit optimum male contractis rebus, plane uideo. nemini est enim exploratum, cum ad arma uentum est, quid futurum sit: at illud omnibus, si boni uicti sunt, nec in cæde principum clementiorem hunc fore, quàm Cinna fuerit, nec moderatiorem, quàm Sylla, in pecunijs locupletium. Εμπλιτόμαί σοι iam dudum; et facerem diutius, nisi me lucerna desereret. Ad summam, dic M. Tulli. assentior Cn. Pompeio, id est T. Pomponio. Alexim, humanissimum puerum, nisi forte, dum ego absum, adolescens factus est; (id enim agere uidebatur) saluere iubeas uelim.

CICERO



CICERO S. D. ATTICO. 8

QVID opus est de Dionysio tam ualde affirmare? an mihi nutus tuus non faceret fidem? suspicionem autem eo mihi maiorem tua taciturnitas attulerat, quod & tu soles conglutinare amicitias te simonijs tuis; & illum aliter cum alijs de nobis locutum audiebam, sed prorsus ita esse, ut scribis, mihi persuades: itaque ego is in illum sum, quem tu me esse uis. Diem tuum ego quoque ex epistola quadam tua, quam incipiente febricula scripseras, mihi notaueram; & animaduenteram, posse, pro re nata, te non incommode ad me in Albanum uenire III. non. Ian. sed, amabo te, nihil incommodo ualitudinis feceris. quid enim est tantum in uno, aut altero die? Dolabellam uideo Liuiæ testamento cum duobus coheredibus esse in triente, sed iuberi mutare nomen. est πολιτικὸν σκῆμμα, rectum ne sit nobili adolescenti mutare nomen mulieris testamento. sed id φιλοσοφώτερον διακρίνισομεν, cum sciamus, quantum quasi sit in trientis triente. Quod putasti fore, ut ante, quam istuc uenirem, Pompeium uiderem; factum est ita. nam v 1. kal. ad Laueranium me consecutus est. una Formias uenimus, & ab hora octaua ad uesperum secreto collocuti sumus. Quod quæris, ecquæ spes pacificationis sit: quantum ex Pompeij multo, & accurato sermone perspexi, ne uoluntas quidem est. sic enim existimat, si ille, uel dimisso exercitu, consul factus sit,

Q 4 σύγχυ-



LIB. VII. EPIST

οὐ γὰρ οὖν τῆς πολιτείας fore . atque etiam putat  
eum, cum audierit, contra se diligenter parari, con-  
sulatum hoc anno neglecturum, ac potius exerci-  
tum prouinciamq. retenturum. sin autem ille fure-  
ret; uehementer hominem contemnebat, & suis,  
& reip. copijs confidebat. quid quæris? etsi mihi  
crebro ξυωδὸς ἐνυάλιος occurrebat; tamen leuabar cu-  
ra, uirum fortem, & peritum, & plurimum au-  
thoritate ualentem audiens, πολιτικῶς de pacis si-  
mulatæ periculis differentem. habebamus autem  
in manibus Antonij concionem, habitam x. kal.  
Ian. in qua erat accusatio Pompeij usque a toga pu-  
ra, querella de damnatis, terror armorum. in qui-  
bus ille, Quid censes, aiebat, facturum esse ipsum,  
si in possessionem reip. uenerit, cum hæc quæstor  
eius infirmus, & inops audeat dicere? quid multa?  
non modo non expetere pacem istam, sed etiam ti-  
mere uisus est. ex illa autem sententia ira relinquen-  
dæ urbis mouet hominem, ut puto. mihi autem il-  
lud molestissimum est, quod soluendi sunt nummi  
Cæsari, & instrumentum triumphi eò conferen-  
dum: est enim ἄμορφον, ἀντιπολιτδομένου χρεωφει-  
λέτην esse. Sed hæc, & multa alia coram. Valetu-  
dinem tuam cura diligenter.

CICERO S. D. ATTICO. 9

QVOTIDIE ne, inquis, a te accipiendæ lit-  
teræ sunt? si habeo, cui dem, quotidie. at iam ip-  
se ades. tum igitur, cum uenero, desinam. Vnas  
uideo



uideo mihi a te non esse redditas; quas L. Quintus, familiaris meus cum ferret, ad Bustum Basilij uulneratus, & despoliatus est. uidebis igitur, num quid fuerit in ijs, quod me scire opus sit. & simul tu hoc διδρακνίσεις: πρόβλημα sane πολιτικόν: cum sit necesse, aut haberi Cæsaris rationem, illo exercitum uel per senatum, uel per tribunos pl. obtinente; aut persuaderi Cæsari; ut tradat prouinciam, atque exercitum, & ita consul fiat; aut, si id non persuadeatur, haberi comitia sine illius ratione, illo patiente, atque obtinente prouinciam; aut, si per tribunos pl. non patiat, tamen quiescat, rem adduci ad interregnum; aut, si ob eam causam, quod ratio eius non habeatur, exercitum adducat, armis cum eo contendere; illum autem initium facere armorum aut statim nobis minus paratis, aut tum, cum comitijs, amicis eius postulanti- bus ut e lege ratio habeatur, impetratum non sit: ire autem ad arma aut hanc unam ob causam, quod ratio non habeatur; aut addita causa, si forte tribunus pl. senatum impediens, aut populum incitans notatus, aut senatus consulto circumscriptus, aut sublatus, aut expulsus sit, dicens ue se expulsus, ad illum confugerit: suscepto autem bello, aut tenenda sit urbs, aut, ea relicta, ille a com- meatu, et reliquis copijs intercludendus: quod ho- rum malorum, quorum aliquod certe subeundum est, minimum putes. dices profecto, persuaderi illi, ut tradat exercitum, & ita consul fiat. est omnino  
id



id eiusmodi, ut, si ille eò descendat, contra dici nihil possit: idq. eum, si non obtinet, ut ratio habeatur retinentis exercitum, non facere miror. nobis autem, ut quidam putant, nihil est timendum magis, quàm ille consul: at sic malo, inquires, quàm tum exercitu. certe. sed istuc ipsum, SIC, o magnum malum, putat aliquis. neque ei remedium est ullum. cedendum est, si id uolet. uide consulem illum iterum, quem uidisti consulatu priore. at tum imbecillus plus, inquis, ualuit, quàm tota resp. quid nunc putas? & eo consule, Pompeio certum est esse in Hispania. o rem miseram: siquidem id ipsum deterrimum est, quod recusari non potest, & quod ille si faciat, iam iam a bonis omnibus summam ineat gratiam. Tollamus igitur hoc, quò illum posse adduci negant. de reliquis quid est deterrimū? concedere illi, quod, ut idem dicit, impudentissime postulat. nam quid impudentius? tenuisti prouinciam per decem annos, non tibi a senatu, sed a te ipso per uim, & per factionem datos. præterijt tempus legitimum, non legis, sed libidinis tuæ: fac tamen, legis: ut succedatur, decernitur: impedis; & ais, habet mei rationem. habet tu nostrum. exercitum tu habeas diutius, quàm populus iussit, inuito senatu? Depugnes oportet, nisi concedis. Cum bona quidem spe, ut ait idem, uel uincendi, uel in libertate moriendi. Iam, si pugnandum est; quo tempore, in casu; quo consilio, in temporibus situm est. itaque te in ea. quæstione non exerceo: ad  
ea



ea, quæ dixi, affer, si quid habes. equidem dies, noctesq. torqueor. Vale.

CICERO S. D. ATTICO. IO

SUBITO consilium cepi, ut ante, quàm luce-  
ret, exirem; ne qui conspectus fieret, aut sermo,  
liçtoribus præsertim laureatis. de reliquo, neque  
hercule, quid agam, nec, quid acturus sim, scio:  
ita sum perturbatus temeritate nostri amentissimi  
consilij. tibi uero quid suadeam, cuius ipse consi-  
lium exspecto? Cnæus noster quid consilij ceperit,  
capiat ne, nescio, adhuc in oppidis coarctatus: &  
stupent omnes. si in Italia consistat, erimus una.  
sin cedit, consilij res est. adhuc certe, nisi ego in-  
sano, stulte omnia, & incaute. Tu, quæso, crebro  
ad me scribe, uel quod in buccam uenerit. Vale.

CICERO S. D. ATTICO. II

QVÆSO, quid hoc est? aut quid agitur?  
mihi enim tenebræ sunt. Cingulum, inquit, nos  
tenemus. Anconem amisimus. Labienus disces-  
sit ab Casare. utrum de imperatore populi R. an  
de Hannibale loquuntur? o hominem amentem,  
& miserum, qui ne umbram quidem umquam τῆς  
καλοῦ uiderit. atque hæc ait omnia facere se digni-  
tatis causa. ubi est autem dignitas, nisi ubi hone-  
stas? num honestum igitur, habere exercitum nul-  
lo publico consilio? occupare urbes ciuium, quo  
facilior sit aditus ad patriam? ἡγεῶν ἀποκοπὰς,

qu-



LIB. VII. EPIST.

φυγάδων καθόδες, sexcenta alia scelera moliri, τὴν  
 θεῶν μεγίστην ὥς ἔχειν τυραννίδα; sibi habeat suam  
 fortunam. unam mehercule tecum apricationem  
 in illo Lucretino tuo sole malim, quàm omnia istius-  
 modi regna; uel potius mori millies, quàm semel  
 istiusmodi quidquam cogitare. quid si tu uelis? in-  
 quis. age quis est, cui uelle non liceat? sed ego ip-  
 sum, uelle, miseriùs esse duco, quàm in crucem  
 tolli. una res est ea miserior, adipisci, quod ita uo-  
 lueris. Sed hæc hætenus: libenter enim in his mo-  
 lestijs ἐνχολάζωσοι. redeamus ad nostrum. Per for-  
 tunas, quale tibi consilium Pompeij uidetur? hoc  
 quæro, quòd urbem reliquerit. ego enim ἀπορῶ:  
 tum nihil absurdius. Urbem tu relinquis? ergo  
 idem, si Galli uenirent. non est, inquit, in parie-  
 tibus resp. at in aris, & focis. fecit idem Themisto-  
 cles. fluctum enim totius barbariæ ferre urbs una  
 non poterat. at idem Pericles non fecit, annum  
 fere post quinquagesimum, cum præter mœnia ni-  
 hil teneret. nostri olim, urbe reliqua capta, arcem  
 tamen retinuerunt.

οὕτω που τῶν πρόθεν ἐπεισόμιστα κλέα ἀνδρῶν.  
 rursus autem ex dolore municipali, sermonibusq.  
 eorum, quos conuenio, uidetur hoc consilium exi-  
 tum habiturum. mira hominum querella est, (ne-  
 scio istic: sed facies, ut sciam) sine magistratibus  
 urbem esse, sine senatu. fugiens denique Pompeius  
 mirabiliter homines mouet. quid quæris? alia caus-  
 sa facta: nihil iam concedendum putant Cæsari.

hæc,



hæc, tu mihi explica, qualia sint. Ego negotio præsum non turbulento. uult enim me Pompeius esse, quem tota hæc Campana, & maritima ora habeat ἀποκοποι, ad quem delectus, & summa negotij referatur. itaque uagus esse cogitabam. Te puto iam uidere, quæ sit ὁρμή Cæsaris, qui populus, qui totius negotij status. ea uelim scribas ad me, & quidem, quoniam mutabilia sunt, quam sæpissime me. acquiesco enim & scribens ad te, & legens tua. Vale.

CICERO S. D. ATTICO. 12

VNAM adhuc a te epistolam acceperam, datam XII. kal. Iun. in qua significabatur, aliam te ante dedisse, quam non acceperam. sed quæso, ut scribas quam sæpissime, non modo si quid scies, aut audieris, sed etiam si quid suspicabere; maximeq. quid nobis faciundum, aut non faciundum putas. Nam quod rogas, curem, ut scias, quid Pompeius agat: ne ipsum quidem scire puto; nostrum quidem nemo. uidi Lentulum cos. Formijs x. kal. uidi Libonem. plena timoris, & terroris omnia. ille iter Larinum. ibi enim cohortes, & Luceria, & Theani, reliquæ in Apulia, inde utrum consistere uspiam uelit, an mare transire, nescitur. si manet; uereor, ne exercitum firmum habere non possit. sin discedit; quò, aut quâ, aut quid nobis agendum sit, nescio. nam istum quidem, cuius φαλαριστῶν times, omnia tæterrimè facturum puto.

nec



L I B. VII. E P I S T.

nec enim rerum prolatio, nec senatus, magistratumq. discessus, nec aerarium clausum tardabit. Sed hæc, ut scribis, cito sciemus. interim uelim mihi ignoscas, quod ad te scribo tam multa toties. acquiesco enim, & tuas uolo elicere litteras, maximeq. consilium, quid agam, aut quo me pacto geram; dimittam ne me penitus in causam, (non deterreor periculo, sed disrumpor dolore: tam ne nullo consilio, aut tam contra meum consilium gesta esse omnia?) an cuncter, & tergiuerfer, & ijs me dem, qui tenent, qui potiuntur. αὐδῶμαι Τρωάς; nec solum ciuis, sed etiam amici officio reuocor. et si frangor sæpe misericordia puerorum. ut igitur ita perturbato, et si te eadem sollicitant, scribe aliquid, & maxime, si Pompeius Italia cedit, quid nobis agendum putes. M. quidem Lepidus (nam fuimus una) eum finem statuit, L. Torquatus eundem. me cum multa, tum etiam lictores impediunt. nihil uidi umquam, quod minus explicari posset. itaque a te nihil dum certi exquiro, sed quid uideatur. denique ipsam ἀπορίαν tuam cupio cognoscere. Labienum ab illo discessisse, propemodum constat. si ita factum esset, ut ille Romam ueniens magistratum, & senatum Romæ offenderet: magno usui causæ nostræ fuisset. damnasse enim sceleris hominem amicum, reip. causa, uideretur. quod nunc quoque uidetur, sed minus prodest. non enim habet, cui prosit: eumq. arbitrior pænitere: nisi forte id ipsum est falsum, discessisse illum: nos quidem pro



pro certo habebamus. & uelim, (quamquam, ut scribis, domesticis te finibus tenes.) formam mihi urbis exponas, ecquod Pompeij desiderium, ecquæ Cæsaris inuidia appareat; etiam quid censeas de Terentia, & Tullia, Romæ eas esse, an mecum, an aliquo tuto loco. & hæc, & si quid aliud, ad me scribas uelim, uel potius scriptites. Vale.

CICERO S. D. ATTICO. 13

DE Vennonianis rebus tibi assentior. Labienum ἡρώα iudico. facinus iam diu nullum ciuile præclarior. qui ut aliud nihil, hoc tamen profecit; dedit illi dolorem. sed etiam ad summam profectum aliquid puto. amo etiam Pisonem: cuius iudicium de genero suspicor uisum iri graue. quamquam, genus belli quod sit, uides. ita ciuile est, ut non ex ciuium dissensione, sed ex unius perditiciuis audacia natum sit. is autem ualet; exercitum tenet multa spe, & promissis; omnia omnium concupiuit. huic tradita urbs est, nuda presidio, referta copijs. quid est, quod ab eo non metuas, qui illa templa, & tecta non patriam, sed prædam putet? quid autem sit acturus, aut quo modo, nescio, sine senatu, sine magistratu. ne simulare quidem poterit quidquam πολιτικῶς. nos autem ubi exurgere poterimus? aut quando? quorum dux quæμ ἀσπαρτίη-τος, tu quoque animaduertis; cui ne Picena quidem nota fuerint. quæ autem sine consilio res stet? ut enim alia omittam decem annorum peccata, quæ  
condi-



## LIB. VII. EPIST.

condicio non huic fugæ præstitit? nec uero nunc quid cogitet, scio: ac non desino per litteras sciscitari. nihil esse timidius constat, nihil perturbatius. itaque nec præsidium, cuius parandi causa ad urbem retentus est, nec locum, ac sedem præsidij ullam uideo. spes omnis in duabus, inuidiose retentis, pæne alienis legionibus. nam delectus adhuc quidem inuitorum est, & a pugnando abhorrentium. conditionum autem amissum tempus est. quid futurum sit, non uideo. commissum quidem a nobis certe est, siue a nostro duce, ut, e portu sine gubernaculis egressi, tempestatinos traderemus. itaque de Ciceronibus nostris dubito quid agam. nam mihi interdum amandandi uidentur in Græciam. de Tullia autem, & Terentia, cum mihi barbarorum aduentus ad urbem proponitur, omnia timeo: cum autem Dolabellæ uenit in mentem, paululum respiro. sed uelim consideres, quid faciendum putes: primum *ὁπὸς τὸ ἀσφαλές*: (aliter enim mihi de illis, ac de me ipso, consulendum est) deinde *ὁπὸς τὰς δόξας*; ne reprehendamus, quod eas Romæ uelimus esse in communi bonorum fuga. quin etiam tibi, & Peduceo, (scripsit enim ad me) quid faciatis, uidendum est. is enim splendor est uestrum, ut eadem postulentur a uobis, quæ ab amplissimis ciuibus. sed de hoc tu uidebis, quippe cum de ipso, ac de me ista considerare uelim. Reliquum est, ut, & quid agatur, quoad poteris, explores, scribasq. ad me, & quid ipse coniectura assequare. quod etiam a te magis



gis exspecto. nam acta omnibus nuntiantibus, a te exspecto futura. μάντις δ' ἀπίστος. Loquacitati ignoscas, quæ & me leuat ad te quidem scribentem, & elicit tuas litteras.

AENIGMA Oppiorum ex Velia plane non intellexi: est enim numero Platonis obscurius. iam intellexi tuum ænigma. Oppios enim de Velia Sac \* cones dicis in eo æstu, aut diu. quo aperto, reliqua patebant, & cum Terentiæ summa congruebant. L. Cæsarem uidi Minturnis ad VIII. kal. Febr. mane, cum absurdissimis mandatis; non hominem, sed scopas solutas: ut id ipsum mihi ille uideatur irridendi causa fecisse, qui tantis de rebus huic mandata dederit: nisi forte non dedit, & hic sermone aliquo arrepto pro mandatis abusus est. Labienus, uir mea sententia magnus, Theanum uenit ad IX. kal. Febr. ibi Pompeium, consulesq. conuenit. qui sermo fuerit, & quid actum sit, scribam ad te, cum certum sciam. Pompeius ab Theano Larinum uersus profectus est ad VIII. kal. eo die mansit Venafri. aliquantum animi uidetur nobis attulisse Labienus. sed ego non dum habeo, quid ad te ex his locis scribam. ista magis exspecto, quid illinc afferatur, quo pacto de Labieno ferat, quid agat Domitius in Marfis, Ingui Thermus, P. Atius Cinguli, quæ sit populi urbani uoluntas, quæ tua coniectura de rebus futuris. hæc uelim crebro, & quid tibi de mulieribus nostris placeat, & quid acturus ipse sis, scribas. Si scriberem ipse, lon-

R

gior



gior epistola fuisset : sed dictavi propter lippitudinem. Vale.

CICERO S. D. ATTICO. 14

AD VI. kal. Febr. Capuam Calibus proficiscens, cum leuiter lippirem, has litteras dedi. L. Caesar mandata Caesaris detulit ad Pompeiū VIII kal. cum is esset cum consulibus Theani. probata condicio est, sed ita, ut ille de ijs oppidis, quæ extra suam prouinciam occupauisset, præsidia deduceret. id si fecisset, responsum est, ad urbem nos redituros esse, & rem per senatum confecturos. spero etiam in præsentia pacem nos habere. nam & illum furoris, & hunc nostrum copiarum suppænet. Me Pompeius Capuam uenire uoluit, & adiuuare delectum. in quo parum prolixè respondent Campani coloni. gladiatores Caesaris, qui Capuæ sunt, de quibus ante ad te falsum ex Torquati litteris scripseram, sane commode Pompeius distribuit, binos singulis patribus familiarum. secutorum in ludo LXXX fuerunt. eruptionem facturi fuisse dicebantur. sane multum in eo reip. prouisum est. De mulieribus nostris, in quibus est tua soror, quæso uideas, ut satis honestum nobis sit, eas Romæ esse, cum ceteræ ulla dignitate discesserint. hoc scripsi ad eas, & ad te ipsum antea. uelim, eas cohortere, ut exeant; præsertim cum ea præsidia in ora maritima habeamus, cui ego præsum, ut in his pro re nata non incommode possint esse. nam si quid offendi-



dimus in genere nostro, quod quidem ego præstare non debeo; id fit maius, quod mulieres nostræ præter ceteras Romæ remanserunt. tu ipse cum Sexto, scire uelim, quid cogites de exeundo, de totaq. re quid existimes. equidem ad pacem hortari non desino: quæ uel iniusta utilior est, quam iustissimum bellum. sed hæc, ut fors tulerit. Vale.

CICERO S. D. ATTICO. 15

VT AB urbe discessi, nullum adhuc intermisi diem, quin aliquid ad te litterarum darem; non quo haberem magnopere, quid scriberem; sed ut loquerer tecum absens: quo mihi, cum coram id non liceret, nihil est iucundius. Capuam cum uenissem ad VI. kal. pridie, quàm has litteras dedi, consules conueni, multosq. nostri ordinis. omnes cupiebant, Cæsarem, abductis præsidijs, stare condicionibus ijs, quas tulisset. uni Fauonio leges ab illo nobis imponi non placebat: sed is auditus in consilio. Cato enim ipse iam seruire, quàm pugnare, mauult: sed tamen ait, in senatu se adesse uelle, cum de condicionibus agatur, si Cæsar adductus sit, ut præsidia deducat. ita, quod maxime opus est, in Siciliam ire non curat: quod metuo ne obsit, in senatu esse uult. Postumus autem, de quo nominatim senatus decreuit, ut statim in Siciliam iret, Furfanoq. succederet, negat se iturum sine Catone, & suam in senatu operam, auctoritatemq. magni æstimat. ita res ad Fannium peruenit. is cum im-

R

2

perio



## LIB. VII. EPIST.

perio in Siciliam præmittitur. In disputationibus nostris summa uarietas est. plerique negant, Cæsarem in condicione mansurum; postulataq. hæc ab eo interposita esse, quo minus, quod opus esset ad bellum, a nobis pararetur. ego autem eum puto facturum, ut præsidia deducat. uicerit enim, si consul factus erit, & minori scelere uicerit, quam quo est ingressus. sed accipienda plaga est. sumus enim flagitiose imparati cum a militibus, tum a pecunia: quam quidem omnem non modo priuatam, quæ in urbe est, sed etiam publicam, quæ in ærario, illi reliquimus. Pompeius ad legiones Atianas est profectus: Labienum secum habet. ego tuas opiniones de his rebus exspecto. Formias me continuo recipere cogitabam. Vale.

CICERO S. D. ATTICO.

16

OMNES arbitror mihi tuas litteras redditas esse, sed primas præpostere, reliquas ordine, quo sunt omissæ, per Terentiam. De mandatis Cæsaris, aduentuq. Labieni, & responsis consulum ad Pompeium, scripsi ad te litteris ijs, quas ad v. kal. Capuæ dedi: pluraq. præterea in eandem epistolam conieci. nunc has exspectationes habemus duas; unam, quid Cæsar acturus sit, cum acceperit ea, quæ referenda ad illum data sunt L. Cæsari; alteram, quid Pompeius agat: qui quidem ad me scribit, paucis diebus se firmum exercitum habiturum; spemq. affert, si in Picenum agrum ipse uenerit,



rit, nos Romam redituros esse. Labienum secum  
habet, non dubitantem de imbecillitate Caesaris co-  
piarum: cuius aduentu Cnæus noster multo animi  
plus habet: nos a consulibus Capuam uenire iussi  
sumus ad non. Febr. Capua profectus sum Formias  
ad 111. kal. eo die cum Calibus tuas litteras hora  
fere nona accepissem, has statim dedi. De Teren-  
tia, & Tullia tibi assentior; ad quas scripseram, ad  
te ut referrent. si non dum profectæ sunt, nihil est,  
quod se moueant, quoad perspiciamus, quo loco sit  
res. Tuæ litteræ mihi gratæ, iucundæq. sunt.  
De pueris in Græciam transportandis tum cogita-  
bam, cum fuga ex Italia quæri uidebatur. nos e-  
nim Hispaniam peteremus: illis hoc æque commo-  
dum non erat. tu ipse cum Sexto etiam nunc mihi  
uideris Romæ recte esse posse. etenim minime ami-  
ci Pompeio nostro esse debetis. nemo enim umquam  
tantum de urbanis præsiidijs detraxit. Vides ne me  
etiam iocari? scire iam te oportet, L. Caesar quæ  
responsa referat a Pompeio, quas ab eodem ad Cæ-  
sarem ferat litteras. scriptæ enim, & datæ ita sunt,  
ut proponerentur in publico. in quo accusaui mecum  
ipse Pompeium, qui, cum scriptor luculentus es-  
set, tantas res, atque eas, quæ in omnium manus  
uenturæ essent, Sextio nostro scribendas dederit.  
itaque nihil umquam legi scriptum. *ἡγεμονία δὲ τῶν πραγμάτων* per-  
spici tamen ex litteris Pompeij potest, nihil Cæsa-  
ri negari, omniaque, & cumulate, quæ postulet,  
dari: quæ ille, amentissimus fuerit, nisi acceperit,

R 3 præ-



## LIB. VII. EPIST.

præsertim cum impudentissime postulauerit. quis  
 enim tu es, qui dicas, si in Hispaniam profectus e-  
 rit, si præsidia dimiserit? tamen conceditur, minus  
 honeste nunc quidem, uiolata iam ab illo rep. illa-  
 toq. bello, quàm si olim de ratione habenda impe-  
 trasset: tamen uereor, ut his ipsis contentus sit.  
 nam cum ista mandata dedisset L. Casari, debuit  
 esse paullo quietior, dum responsa referrentur: dici-  
 tur autem nunc esse acerrimus. Trebatius quidem  
 scribit, se ab illo *ix. kal. Febr.* rogatum esse, ut  
 scriberet ad me, ut essem ad urbem: nihil ei me gra-  
 tius facere posse. hæc uerbis plurimis. intellexi ex  
 dierum ratione, ut primum de discessu nostro Cæ-  
 sar audisset, laborare eum cœpisse, ne omnes abes-  
 semus: itaque non dubito, quin ad Pisonem, quin  
 ad Seruium scripserit. illud admiror, non ipsum ad  
 me scripsisse, non per Dolabellam, non per Cælium  
 egisse. quamquam non aspernor Trebatij litteras, a  
 quo me unice diligi scio. rescripsi ad Trebatium,  
 (nam ad ipsum Casarem, qui mihi nihil scripsis-  
 set, nolui) quàm illud hoc tempore esset difficile:  
 me tamen in prædijs meis esse, neque delectum ul-  
 lum, neque negotium suscepisse. in quo quidem ma-  
 nebo, dum spes pacis erit. sin bellum geretur; non  
 deero officio, nec dignitati meæ, pueros *ὑπερδούλους*  
 in Græciam. totam enim Italiam flagranturam  
 bello intelligo: tantum mali excitatum partim ex  
 improbis, partim ex inuidis ciuibus. sed hæc pau-  
 cis diebus ex illius ad nostra responsa responsis intel-  
 ligen-



ligentur, quorsum euasura sint. tum ad te scribam plura, si erit bellum: sin autem etiam indutiæ, te ipsum, ut spero, uidebo. Ego I V. non. Febr. quo die has litteras dedi, in Formiano, quò Capua redieram, mulieres expectabam: quibus quidem scripseram, tuis litteris admonitus, ut Romæ manerent: sed audio maiorem quendam in urbe timorem esse. Capuæ nonis Febr. esse uolebam, quia consules iusserant. quidquid huc erit a Pompeio allatum, statim ad te scribam: tuasq. de istis rebus litteras expectabo. Vale.

## CICERO S. D. ATTICO. I

I V. non. Febr. mulieres nostræ Formias uenerunt, tuasq. erga se officia, plena tui suauissimæ studiij, attulerunt. eas ego, quoad sciremus utrum turpe pace nobis, an misere bello esset utendum, in Formiano esse uolui, & una Cicerones. ipse cum fratre Capuam ad consules (nonis enim adesse iussimus) III. non. profectus sum, cum has litteras dedi. Responsa Pompeij grata populo, & probata concioni esse dicuntur. ita putaram. quæ quidem si ille repudiarit, iacebit: si acceperit. Vtrum igitur, inquires, mauis? responderem, si, quemadmodum parati essemus, scirem. Cassium, erat hic auditum, expulsam Ancone, eamq. urbem a nobis teneri. si bellum futurum est, negotium utile. Cæsarem quidem, L. Cæsare cum mandatis de pace misso, tamen aiunt acerrime delectum habere,

R 4 loca



LIB. VII. EPIST.

loca occupare, uincire praesidijs. o perditum latro-  
nem, uix ullo otio compensandam hanc reip. turpi-  
tudinem. sed stomachari desinamus, tempori pa-  
reamus, cum Pompeio in Hispaniam eamus. haec  
opto in malis; quoniam illius alterum consulatum  
a rep. ne data quidem occasione repulimus. Sed  
haec haecenus. De Dionysio, fugit me ad te antea  
scribere: sed ita constitui, expectare responsa Cae-  
saris: ut, si ad urbem rediremus, ibi nos expecta-  
ret; sin tardius id fieret, tum eum arcesseremus.  
omnino quid ille facere debuerit in nostra illa fuga,  
quid docto homine, & amico dignum fuerit, cum  
praesertim rogatus esset: sed haec non nimis exquiro  
a Graecis. tu tamen uidebis, si erit, quod nolim,  
arcessendus, ne molesti simus inuito. Quintus  
frater laborat, ut tibi, quod debet, ab Egnatio sol-  
uat. nec Egnatio uoluntas deest: nec parum locu-  
ples est: sed, cum tale tempus sit, ut Q. Titinius  
(multum enim est nobiscum) uiaticum se neget ha-  
bere; idemq. debitoribus suis denuntiarit, ut eo-  
dem fenore uterentur; atque hoc idem etiam L. Li-  
gus fecisse dicatur; nec hoc tempore aut domi num-  
mos Quintus habeat, aut exigere ab Egnatio, aut  
uersuram usquam facere possit; miratur, te non  
habuisse rationem huius publicae difficultatis. ego  
autem, etsi illud ἡ δὲ δὴ οὐδὲν (ita enim putatur)  
obseruo; unde δὲ δὴ οὐδὲν, praesertim in te, a quo nihil um-  
quam uidi temere fieri; tamen illius querella moue-  
bar. hoc, quidquid est, te scire uolui. Vale.

CICERO



CICERO S. D. ATTICO. 18

NIHIL habeo, quod ad te scribam. quin etiam eam epistolam, quam eram elucubratus, ad te non dedi. erat enim plena spei bonæ; quod et concionis uoluntatem audieram, & illum condicionibus usurum putabam, præsertim suis. ecce tibi I V. non. Febr. mane accepi litteras tuas, Philotimi, Furnij, Curionis ad Furnium, quibus irridet L. Cæsaris legationem. plane oppressi uidemur: nec, quid consilij capiam, scio: nec mehercule de me laboro: de pueris quid agam, non habeo. Capuam tamen proficiscebar hæc scribens, quo facilius de Pompeij rebus cognoscerem. Vale.

CICERO S. D. ATTICO. 19

BREVILOQVENTEM iam me tempus ipsum facit. pacem enim desperavi: bellum nostri nullum administrant. caue enim putes, quidquam esse minoris his consulibus: quorum ego spe audiendi aliquid, & cognoscendi nostri apparatus, maximo imbri Capuam ueni prid. non. ut eram iussus. illi autem non dum uenerant, sed erant uenturi, inanes, imparati. Cnæus autem Luceria dicebatur esse, & adire cohortes legionum Atianarum non firmissimarum. at illum ruere nuntiant, & iam iamq. adesse, non ut manum conserat, (quicum enim?) sed ut fugam intercludat. ego autem in Italia καὶ συναποδανῆν: nec te id consulo. sin extra, quid ago? ad manendum



## LIB. VII. EPIST.

manendum hiems, lictores, improuidi, & negligentes duces, ad fugam hortatur amicitia Cnæi, causa bonorum, turpitudine coniungendi cum tyranno: qui quidem, incertum est, Phalarim ne, an Pisistratum sit imitaturus. Hæc uelim explices, & me iuues consilio: etsi te ipsum istic iam calere puto: sed tamen quantum poteris. ego si quid hic hodie noui cognoro, scies. iam enim aderunt consules ad suas nonas. Tuas quotidie litteras expectabo. ad has autem, cum poteris, rescribes. Mulieres, & Cicerones in Formiano reliqui. Vale.

## CICERO S. D. ATTICO. 29

DE malis nostris tu prius audis, quàm nos: istinc enim emanant. boni autem hinc quod expectes, nihil est. Veni Capuam ad non. Febr. ita ut iusserant consules. eo die Lentulus uenit sero. alter consul omnino non uenerat v i i. idus. eo enim die ego Capua discessi, & mansi Calibus. inde has litteras postridie ante lucem dedi. hæc, Capuæ dum fui, cognoui, nihil in consulibus, nullum usquam delectum. nec enim conquisitores φαινοπορωπειν audent; cum ille adsit contra; cum noster dux nusquam sit, nihil agat: nec nomina dant: deficit enim non uoluntas, sed spes. Cnæus autem noster (o rem miseram, & incredibilem) ut totus iacet. non animus est, non consilium, non copiae, non diligentia. mitto illam fugam ab urbe turpissimam, timidissimas in oppidis conciones, ignorationē non solum



solum aduersarij, sed etiam suarum copiarum. hoc cuiusmodi est? **V I I.** id. Febr. Capuam C. Cassius trib. pl. uenit, attulit mandata ad consules, ut Romanam uenirent, pecuniam de sanctiore aerario auferrent, statim exirent urbe relicta. redeant, quo praesidio? deinde exeant, quis sinat? consul ei rescripsit, ut prius ipse in Picenum. at illud totum erat amissum: sciebat nemo, praeter me ex litteris Dolabellae. mihi dubium non erat, quin ille iam iamque foret in Apulia, Cnaeus noster in naui. ego quid agam? σκέμματα magnum, neque mehercule mihi quidem ullum, nisi omnia essent acta turpissime: neque ego ullius consilij particeps. sed tamen, quod me deceat. ipse me Caesar ad pacem hortatur: sed antiquiores litterae, quam ruere coepit. Dolabella, Caelius, me illi ualde satisfacere. mira me ἀπορία torquet. inuua me consilio, si potes: & tamen ista, quantum potes, provide. nihil habeo, tanta rerum perturbatione, quod scribam. tuas litteras exspecto. Vale.

CICERO S. D. ATTICO. 21

**P E D E M** in Italia uideo nullum esse, qui non in istius potestate sit. De Pópeio scio nihil; eumque, nisi in nauim se contulerit, exceptum iri puto. o celeritatem incredibilem, huius autem nostri: sed non possum sine dolore accusare eum, de quo angor, & crucior. Tu caedem non sine caussa times: non quo minus quidquam Caesari expediat ad diuturnitatem uictoriae, & dominationis: sed  
 ui-



## LIB. VII. EPIST.

uideo quorum arbitrio sit, acturus. recte sit. cen-  
seo cedendum de oppidis his. egeo consilij. quod o-  
ptimum factu uidebitur, facies. cum Philotimo lo-  
quere: atque adeo Terentiam habebis idibus. Ego  
quid agam? quā aut terra, aut mari persequar  
eum, qui ubi sit, nescio? etsi terra quidem qui pos-  
sum? mari, quō? tradam igitur isti me? fac posse  
tuto: multi enim hortantur: num etiam honeste?  
nullo modo quidem. a te petam consilium, ut so-  
leo. explicari res non potest: sed tamen, si quid in  
mentem uenit, uelim scribas, & ipse quid sis  
acturus. Vale.

CICERO S. D. ATTICO. 22

V. id. Febr. uesperis e Philotimo litteras accepi;  
Domitium exercitum firmum habere; cohortes ex  
Piceno, Lentulo, & Thermo ducentibus, cum Do-  
mitij exercitu coniunctas esse; Caesarem intercludi  
posse, eumq. id timere; bonorum animos recreatos  
Romae, improbos quasi perculsos. haec, metuo e-  
quidem, ne sint insomnia: sed tamen M. Lepidum,  
L. Torquatum, C. Cassium trib. pl. (ij enim sunt  
nobiscum, id est, in Formiano) Philotimi litterae  
ad uitam reuocarunt. ego autem illa metuo ne ue-  
riora sint, nos omnes pene iam captos esse, Pom-  
peium Italia cedere. quem quidem (o rem acer-  
bam) persequi Caesar dicitur. persequi Caesar Pom-  
peium? quid? ut interficiat? o me miserum: et non  
omnes nostra corpora opponimus? in quo tu quo-  
que



que ingemiscis . sed quid faciamus ? uicti , oppressi ,  
 capti plane sumus . Ego tamen , Philotimi litteris  
 lectis , mutavi consilium de mulieribus : quas , ut  
 scripseram ad te , Romam remittebam : sed mihi  
 uenit in mentem , multum fore sermonem , me iu-  
 dicium iam de causa publica fecisse ; qua desperata ,  
 quasi hunc gradum mei reditus esse , quod mulieres  
 reuertissent . De me autem ipso tibi assentior , ne me  
 dem incertæ , & periculosæ fugæ ; cum reip. nihil  
 prosim , nihil Pompeio ; pro quo emori cum pie pos-  
 sum , tum libenter . manebo igitur : etsi uiuere .

Quod quæris , hic quid agatur : tota Capua , & o-  
 mnis hic delectus iacet : desperata res est ; in fuga  
 omnes sunt ; nisi quid eiusmodi fuerit , ut Pompeius  
 istas Domitij copias cum suis coniungat . sed uide-  
 bamur omnia biduo , triduo uescituri . Caesaris lit-  
 terarum exemplum tibi misi : rogaras enim . cui  
 nos ualde satisfacere , multi ad me scripserunt .  
 quod patior facile ; dum , ut adhuc , nihil faciam  
 turpiter . Vale .

## CICERO S. D. ATTICO. 23

PHILOTIMI litteræ me quidem non nimis ,  
 sed eos , qui in his locis erant , admodum delecta-  
 runt . ecce postridie Casij litteræ Capua a Lucre-  
 tio , familiari eius , Nigidium a Domitio Capuam  
 uenisse ; eum dicere , Vibullium cum paucis militi-  
 bus e Piceno curere ad Cnæum , confestim sequi  
 Casarem , Domitium non habere militum uim . idē  
 scripsit ,



LIB. VII. EPIST.

scripsit, consules Capua discessisse. non dubito, quin Cnæus in fuga sit. modo effugiat. a consilio fugiendi, ut tu censes, absum. Vale.

CICERO S. D. ATTICO 24

CUM dedissem ad te litteras tristes, & metuo ne ueras, de Lucretij ad Cassium litteris Capua missus; Cephalio uenit a uobis, attulit etiam a te litteras hilariores, nec tamen firmas, ut soles. omnia facilius credere possum, quàm quod scribitis, Pompeium exercitum habere. nemo huc ita affert; omniaque, quæ nolim. rem miseram. malas causas semper obtinuit, in optima concidit. quid dicam? nisi, illud eum scisse; neque enim erat difficile; hoc nescisse; erat enim ars difficilis, recte remp. regere. Sed iam iamq. omnia sciemus, & scribemus ad te statim. Vale.

CICERO S. D. ATTICO. 25

NON uenit idem usu mihi, quod tu tibi scribis; Quoties exorior. ego enim nunc paullum exorior, & maxime quidem his litteris, quæ Roma afferuntur, de Domitio, de Picentium cohortibus. omnia erant facta hoc biduo lætiora: itaque fuga, quæ parabatur, repressa est. Cæsaris interdicta, Si te secundo lumine hic offendero, respuuntur. bona de Domitio, præclara de Afranio fama est. Quod me amicissime admones, ut me integrum, quoad possim, seruem; gratum est. Quod addis, ne propensior



penſior ad turpem cauſſam uidear: certe uideri poſſum. ego me ducem in ciuili bello, quoad de pace ageretur, negaui eſſe: non quin rectum eſſet: ſed quia, quod multo rectius fuit, id mihi fraudem tulit. plane eum, cui Cnaeus noſter alterum conſulatum deferret, & triumphum, at quibus uerbis? pro ſuis geſtis ampliſſimis, inimicum habere noluerã. ego ſcio, & quem metuum, & quam ob rem. ſi erit bellum, ut uideo fore: partes mea non deſiderabuntur. De H S xx Terentia tibi reſcripſit.

Dionyſio, dum exiſtimabam uagos nos fore, nolui moleſtus eſſe. tibi autem, crebro ad me ſcribenti de eius officio, nihil reſcripſi; quòd diem ex die exſpectabam, ut ſtatuerem, quid eſſet faciundum. nunc, ut uideo, pueri certe in Formiano uidentur hiematuri: num & ego, nescio. ſi enim erit bellum, cum Pompeio eſſe conſtitui. quod habebo certi, faciam, ut ſcias. ego bellum fœdiſſimum futurum puto; niſi qui, ut tu ſcis, Parthicus caſus extiterit. Vale.



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER VIII.

CICERO S. D. ATTICO.

**C**VM ad te litteras dedissem, redditæ  
mibi litteræ sunt a Pompeio. cetera de  
rebus in Piceno gestis, quæ ad se Vi-  
bullius scripsisset, de delectu Domitij;  
quæ sunt nobis nota, nec tam læta erant in his litte-  
ris, quàm ad me Philotimus scripserat: (ipsam ti-  
bi epistolam misissem; sed subito fratris puer profi-  
ciscebatur: cras igitur mittam) sed in eâ Pompeij  
epistola erat in extremo, ipsius manu: Tu, censeo,  
Luceriam uenias: nusquam eris tutius. Id ego in  
eam partem accepi, hæc oppida, atque oram ma-  
ritimam illum pro derelicto habere: nec sum mira-  
tus, eum, qui caput ipsum reliquisset, reliquis mem-  
bris non parcere. ei statim rescripsi, hominemq. cer-  
tum misi de comitibus meis, non me quærere, ubi  
tutissimo essem: si me uellet sua, aut reip. caussa Lu-  
ceriam uenire, statim esse uenturum: hortatusq.  
sum, ut oram maritimam retineret, si rem frumen-  
tariam sibi ex prouincijs suppeditari uellet. Hæc me  
frustra scribere uidebam: sed uti in urbe retinenda  
tunc, sic nunc in Italia non relinquenda testificabar  
sententiam meam. sic enim parari uideo, ut Luce-  
riam



riam omnes copiae contrabantur: et ne is quidem locus stabilis: sed ex eo ipso, si urgeamur, paretur fuga. quo minus mirere, si inuitus in eam causam descendo, in qua neque pacis, neque uictoriae ratio quaesita sit umquam, semper flagitiosae, & calamitosae fugae. eundum; ut, quemcunque fors tulerit, casum subeam potius cum ijs, qui dicuntur esse boni, quam uidear a bonis dissentire. etsi propediem uideo bonorum, id est lautorum, & locupletum urbem refertam fore, municipijs uero his relictis, refertissimam. quo ego in numero essem, si hos lieto- res molestissimos non haberem: nec M. Lepidi, L. Volcatij, Ser. Sulpicij comitum paeniteret: quorum nemo nec stultior est, quam L. Domitius; nec inconstantior, quam Ap. Claudius. unus Pompeius me mouet, beneficio, non auctoritate. quam enim ille habeat auctoritatem in hac causa, qui, cum omnes Caesarem metuebamus, ipse eum diligebat? postquam uero ipse metuere coepit, putat omnes hostes illi oportere esse. ibimus tamen Luceriam: nec eum fortasse delectabit noster aduentus. dissimulare enim non potero, mihi, quae adhuc acta sunt, displicere. Ego, si somnum capere possem, tam longis te epistolis non obtunderem. tu, si tibi eadem causa est, me remunerere sane uelim. Vale.

CICERO S. D. ATTICO. 2

MIHI uero omnia grata; & quod scripsisti ad me, quae audieras; & quod non credidisti, quae di-

S gna



## LIB. VIII. EPIST.

gna diligentia mea non essent; & quòd monuisti;  
 quòd sentiebas. Ego ad Cæsarem unas Capua lit-  
 teras dedi, quibus ad eam rescripsi, quæ mecum ille  
 de gladiatoribus suis egerat, breues, sed beneuolen-  
 tiam significantes, non modo sine contumelia, sed  
 etiam cum maximâ laude Pompeij. id enim illa sen-  
 tentia postulabat, qua illum ad concordiamhorta-  
 bar. eas si quò ille misit, in publico proponat ue-  
 lim. Alteras eodem die dedi, quo has ad te. non po-  
 tui non dare, cum & ipse ad me scripsisset, & Bal-  
 bus. earum exemplum ad te misi. nihil arbitror  
 fore, quod reprehendas. si qua erunt, doce me. quo  
 modo enim effugere possum? nihil, inquires, omni-  
 no scripseris. qui magis effugias eos, qui uolent fin-  
 gere? uerum tamen ita faciam: quoad fieri poterit.  
 Nam quòd me hortaris ad memoriam factorum,  
 dictorum, scriptorum etiam meorum: facis amice  
 tu quidem, mihiq. gratissimum: sed mihi uideris  
 aliud tu honestum, meq. dignum in hac causa iu-  
 dicare, atque ego existimem. mihi enim nihil ulla  
 in gente umquam ab ullo auctore reip. ac duce tur-  
 pius factum esse uidetur, quàm a nostro amico fa-  
 ctum est. cuius ego uicem doleo, qui urbem reli-  
 quit, id est patriam; pro qua, & in qua mori præ-  
 clarum fuit. ignorare mihi uideris, hæc quanta sit  
 clades. es enim etiam nunc domi tue: sed, inuitis  
 perditissimis hominibus, esse diutius non potes. hoc  
 miserius, hoc turpius quidquam? uagamur egen-  
 tes, cum coniugibus, & liberis. in unius hominis,  
 quotannis



quotannis periculose ægrotantis, anima positas omnes nostras spes habemus, non expulsi, sed euocati e patria, quam non seruandam ad reditum nostrum, sed diripiendam, inflammandamq. reliquimus. ita multi nobiscum sunt, non in suburbanis, non in hortis, non in ipsa. & si non sunt, non erunt. \* nos interea, ne Capuæ quidem, sed Luceriæ. & oram quidem maritimam iam relinquemus. Afranium expectabimus, & Petreium. nam in Labieno parum est dignitatis. hic tu in me \* illud desideras. nihil de me dico: alij uiderint. hic quidem quæ est \* domi uestræ estis, & eritis omnes boni. quis tum se mihi non ostendit? quis nunc adest hoc bello? sic enim iam appellandum est. Vibullij res gestæ sunt adhuc maximæ. id ex Pompeij litteris cognosces. in quibus animaduertito illum locum, ubi erit διπλῆ. uidebis, de Cnæo nostro ipse Vibullius quid existimet. Quò igitur hæc spectat oratio? ego pro Pompeio libenter emori possum. facio pluris omnium hominum neminem. sed non ita non meo \* iudicio spem de salute reip. significas enim aliquanto secus, quàm solebas: ut etiam, Italia si ille cedat, putes cedendum: quod ego nec reip. puto esse utile, nec liberis meis: præterea neque rectum, neque honestum. sed cur? poteris ne uidere tyrannum? quasi intersit, audiam, an uideam; aut locupletior mihi sit querendus auctor, quàm Socrates; qui, cum triginta tyranni essent, pedem porta non extulit. Est mihi præterea præcipua causa manendi: de qua



utinam aliquando tecum loquar. Ego XIII. kal.  
cum eadem lucerna hanc epistolam scripsissem, qua  
inflammaram tuam, Formijs ad Pompeium, si de  
pace ageretur, profecturus eram; si de bello, uide-  
ro. Vale.

CICERO S. D. ATTICO. 3

MAXIMIS, & miserrimis rebus perturba-  
tus, cum coram tecum mihi potestas deliberandi  
non esset, uti tamen tuo consilio uolui. deliberatio  
autem omnis hæc est: si Pompeius Italia cedat,  
quod eum facturum esse suspicor, quid mihi agen-  
dum putes. & quo facilius consilium dare possis;  
quid in utramque partem mihi in mentem ueniat,  
explicabo breui. Cum merita Pompeij summa er-  
ga salutem meam, familiaritasque, qua mihi cum  
eo est, tum ipsa reip. causa me adducit, ut mihi uel  
consilium meum cum illius consilio, uel fortuna con-  
iungenda esse uideatur. Accedit illud: si maneo, et  
illum comitatum optimorum, & clarissimorum ci-  
uium defero; cadendum est in unius potestatem, qui  
et si multis rebus significat se nobis esse amicum; &  
ut esset, a me est (tute scis) propter suspicionem  
huius impendentis tempestatu multo ante proui-  
sum: tamen utrumque considerandum est, & quan-  
ta ei fides sit habenda; & si maxime exploratum  
sit, eum nobis amicum fore, sit ne uiri fortis, & bo-  
ni ciuis, esse in ea urbe, in qua cum summis honori-  
bus, imperijsq. usus sit, res maximas gesserit, sa-  
cerdo-



cerdotio sit amplissimo præditus, non futurus sit sui iuris, subeundumq. periculum sit cum aliquo forte dedecore, si quando Pompeius remp. recuperarit. In hac parte hæc sunt: uide nunc, quæ sint in altera. Nihil actum est a Pompeio nostro sapienter, nihil fortiter; adde etiam, nihil nisi contra consilium auctoritatemq. meam. Omitto illa uetera, quod istum in remp. ille aluit, auxit, armauit; ille legibus per uim, et contra auspicia ferendis auctor; ille Galliae ulterioris adiunctor; ille gener; ille in adoptando P. Clodio augur; ille restituendi mei, quam retinendi, studiosior; ille prouinciæ propagator; ille absentis in omnibus adiutor: idem etiam tertio consulatu, postquam esse defensor reip. cepit, contendit, ut decemtribuni pl. ferrent, ut absentis ratio haberetur: quod idem ipse sanxit lege quadam sua; Marcoq. Marcello consuli, finienti prouincias Gallias kal. Mart. restitit: sed, ut hæc omittam, quid fœdus, quid perturbatius hoc ab urbe discessu, siue potius turpissima fuga? quæ condicio non accipienda fuit potius, quam relinquenda patria? malæ condiciones erant, fateor: sed numquid hoc peius? at recuperabit remp. quando? aut quid ad eam spem est parati? non ager Picenus amissus? non patefactum iter ad urbem? non pecunia omnis & publica, & priuata aduersario tradita? denique nulla caussa, nullæ uires, nulla sedes, quod concurrant, qui remp. defensam uelint. Apulia delecta est, inanissima pars Italiae, & ab impetu hu-



## LIB. VIII. EPIST.

ius belli remotissima. fuga, & maritima oportunitas uisa quæri desperatione. inuite cepi Capuam; non quo munus illud defugerem, sed sine caussa, in qua nullus esset ordinum, nullus apertus priuatorum dolor, bonorum autem esset aliquis, sed habes, ut solet; &, ut ipse sensissem, multitudo, & infimus quisque propensus in alteram partem; multi mutationis rerum cupidi. dixi ipsi, me nihil suscepturum sine præsidio, & sine pecunia: itaque habui nihil omnino negotij: quòd ab initio uidi, nihil quæri præter fugam. Eum si nunc sequor, quonam? cum illo non. ad quem cum essem profectus, cognoui in ijs locis esse Casarem, ut tuto Luceriam uenire non possem. infero mari nobis, incerto cursu, hieme maxima nauigandum est. Age iam, cum fratre, an sine? cum filio, an quo modo? in utraque enim re summa difficultas erit, summus animi dolor. Qui autem impetus illius erit in nos absentes, fortunasq. nostras? acrior, quàm in ceterorum; quòd putabit fortasse in nobis uiolendis aliquid se habere populare. Age iam has compedes, fascès inquam hos laureatos efferre ex Italia, quàm molestum est? Qui autem locus erit nobis tutus, (ut iam placatis utamur fluctibus) ante quàm ad illum uenerimus? quà autem, aut quò, nihil scimus. At si restitero, & fuerit nobis in hac parte locus; idem fecero, quod in Cinnæ dominatione Philippus, quod L. Flaccus, quod Q. Mucius; quoquo modo ea res huic quidem cecidit: qui tamen ita dicere solebat,



lebat, se id fore uidere, quod factum est; sed hoc malle, quàm armatum ad patriæ mœnia accedere. aliter Thrasybulus, & fortasse melius. sed est certa quædam illa Mucij ratio, atque sententia; est illa etiam Philippi; & cum sit necesse, seruire temporis; & non amittere tempus, cum sit datum. sed in hoc ipso habent tamen iidem fascēs molestiam. sit enim nobis amicus, quod incertum est; sed sit: deferet triumphum. non accipere ne periculosum sit, an accipere inuidiosum ad bonos? o rem, inquis, difficilem, & inexplicabilem. atqui explicanda est. qui enim fieri potest? ac ne me existimaris ad manendum esse propensio-rem, quod plura in ea parte uerba fecerim. potest fieri, quod sit in multis quæstionibus, ut res uerbosior hac fuerit, illa uerior. quamobrem, ut maxima de re æquo animo deliberanti, ita mihi des consilium uelim. nauis & in Caieta est parata nobis, & Brundisij. sed ecce nuntij, scribente me hac ipsa nocte in Caleno, ecce litteræ, Cæsarem ad Corfinium, Domitium Corfinij cum firmo exercitu, & pugnare cupiente. non puto etiam hoc Cnæum nostrum commissurum, ut Domitium relinquat. etsi Brundisium Scipionem cum cohortibus duabus præmiserat: legionem a Fausto conscriptam, in Siciliam sibi placere a consule duci, scripserat ad consules. sed turpe Domitium erit deferere, implorantem eius auxilium. est quædam spes mihi quidem non magna, sed in his locis firma, Afranium in Pyrenæo cum Tre-



## LIB. VIII. EPIST.

bonio pugnasse, pulsum Trebonium, etiam Fabium  
tuum transisse cum cohortibus: summum autem,  
Afranium cum magnis copijs aduentare. id si est,  
in Italia fortasse manebitur. ego autem, cum esset  
incertum iter Cæsaris, quòduel ad Capuam, uel ad  
Luceriam iturus putabatur, Leptam ad Pompeiũ  
misi, & litteras; ipse, ne quò inciderem, reuerti  
Formias. Hæc te scire uolui, scripsiq. sedatiore ani-  
mo, quàm proxime scripseram, nullum meum iu-  
diciũ interponens, sed exquirens tuum. Vale.

CICERO S. D. ATTICO. 4

DIONYSIUS quidem tuus potius, quàm no-  
ster, cuius ego cum satis cognossem mores, tuo ta-  
men potius stabam iudicio, quàm meo, ne tuum  
quidem testimonium, quod ei sæpe apud me dede-  
ras, ueritus, superbum se præbuit in fortuna, quam  
putauit nostram fore: cuius fortunæ nos, quantum  
humano consilio effici poterit, motum ratione qua-  
dam gubernabimus. cui qui noster honos, quod ob-  
sequium, quæ etiam ad ceteros contempti cuiusdam  
hominis commendatio defuit? ut meum iudiciũ  
reprehendi a Quinto fratre, uulgoq. ab omnibus  
mallem, quàm illum non efferre laudibus; Cicero-  
nesq. nostros meo potius labore subdoceri, quàm  
me alium ijs magistrum quærere. ad quem ego quas  
litteras, dij immortales, miseram, quantum ho-  
nori significantes, quantum amoris. Dicæarchum  
mehercule, aut Aristoxenum diceres arcessi, non  
unum



inum omnium loquacissimum, & minime aptum  
ad docendum. sed est memoria bona. me dicet esse  
meliore. Quibus litteris ita respondit, ut ego nemi-  
ni, cuius causam non reciperem. semper enim, si  
potero, si ante suscepta causa non impediar. num-  
quam reo cuiquam, tam humili, tam sordido, tam  
nocenti, tam alieno, tam precise negavi, quam hic  
mihi. plane sine ulla exceptione præcidit. nihil co-  
gnoui ingratus: in quo uitio nihil mali non inest.  
Sed de hoc nimis multa. Ego nauem paraui: tuas  
litteras tamen exspecto; ut sciam, quid respondeant  
consultationi meæ. Sulmone C. Atium Pelignum  
aperuisse Antonio portas, cum essent cohortes quin-  
que, Q. Lucretium inde effugisse scis, Cnæum ire  
Brundisium desertum. confecta res est. Vale.

CICERO S. D. ATTICO. 5

CVM ante lucem VIII. kal. ad te litteras de-  
dissem, uespero ad nos eodem die uenit ipse Diony-  
sius, auctoritate tua permotus, ut suspicor. quid  
enim putem aliud? etsi solet, cum aliquid furiose  
fecit penitere. numquam autem certior fuit, quam  
in hoc negotio. nam quod ad te non scripseram, po-  
stea audiui, a tertio milliaro tum eum esse πολλά  
μᾶτ' KAE PECCINE CHE παθυμὲν δῆτα. \*

multa, inquam, mala cum dixisset suo capiti, ut  
aiunt. sed meam mansuetudinem. conieceram in fa-  
sciculum una cum tua uenientem ad illum epistolā:  
banc ad me referri uolo; nec ullam ob aliam causam



Sam Pollicem, seruum a pedibus meum Romam misi. eo autem ad te scripsi, ut, si tibi forte reddita esset, mihi curares referendam; ne in illius manus perueniret. Noui si quid esset, scripsissem. pendeo animi expectatione Corfiniensi; in qua de salute reip. decernitur. Tu fasciculum, qui est M. Curio inscriptus, uelim cures ad eum perferendum; Tironemq. Curio commendes; ut ei, ut petijt, si quid opus erit, in sumptum eroget. Vale.

CICERO S. D. ATTICO. 6

OBSIGNATA iam epistola, quam de nocte daturus eram, sicut dedi, (nam eam uesperis scripseram) C. Sossius prætor in Formianum uenit ad M. Lepidum, uicinum nostrum, cuius quæstor fuit; Pompeij litterarum ad consulem exemplum attulit. Litteræ mihi a L. Domitio ad VII. kal. Mart. allatæ sunt. earum exemplum infra scripsi. nunc, ut ego non scribam, tua sponte te intelligere scio, quanti reip. intersit, omnes copias in unum locum primo quoque tempore conuenire. tu, si tibi uidebitur, dabis operam, quamprimum ad nos uenias. præsidij Capuæ, quantum constitueris esse satis, relinquo. Vale. Deinde supposuit exemplum epistolæ Domitij, quod ego ad te pridie miseram. Di immortales, qui me horror perfudit. quàm sum sollicitus, quidnam futurum sit. hoc tamen spero, magnum nomen imperatoris fore, magnum in aduentu terrorem. spero etiam, quoniam adhuc nihil nobis



bis obfuit, nihil mutaffe, nec tegentia hoc, quod \*  
cum fortiter, et diligenter, tum etiam mehercule: \*  
modo enim audiui, quartanam a te discessiffe. mo-  
riar, si magis gauderem, si id mihi accidiffet. Pi-  
lie dic, non esse æquum, eam diutius habere, nec  
id esse uestræ concordia. Tironem nostrum ab alte-  
ra relictum audio. sed eum uideo in sumptum ab  
alijs mutuatu. ego autem Curium nostrum, si quid  
opus effret, rogaram. malo Tironis uerecundiam in  
culpa effre, quàm illiberalitatem Curij. Vale.

## CICERO S. D. ATTICO. 7

VNUM etiam refat amico noftro ad omne  
dedecus, ut Domitio non fubueniat. at nemo dubi-  
tat, quin fubfidio uenturus fit: ego non puto. de-  
feret igitur talem ciuem, & eos, quos una fcis ef-  
fe? cum habeat præfertim & ipfe cohortes xxx?  
nifi me omnia fallunt, deferet. incredibiliter perti-  
muit. nihil fpectat, nifi fugam: cui tu (uideo enim,  
quid fentias) me comitem putas debere effre. ego ue-  
ro, quem fugiam, habeo; quem fequar, non ha-  
beo. quod enim tu meum laudas, & memorandum  
dicis, malle quòd dixerim me cum Pompeio uinci,  
quàm cum iſtis uincere: ego uero malo, fed cum il-  
lo Pompeio, qui tum erat, aut qui mihi effre uide-  
batur: cum hoc uero, qui ante fugit, quàm fcit,  
aut quem fugiat, aut quò, qui noſtra tradidit, qui  
patriam reliquit, Italiam relinquit, ſi malui, con-  
tigit; uictus ſum: quod ſupereſt, nec iſta uidere poſ-  
ſum,



## LIB. VIII. EPIST.

sum, quæ, numquam timui, ne uiderem; nec me-  
hercule istum, propter quem mihi non modo meis,  
sed memet ipso carendum est. Ad Philotimum  
scripsi de uiatico, siue a Moneta, (nemo enim sol-  
uit) siue ab Oppijs, tuis contubernalibus. cetera  
apposita tibi mandabo. Vale.

CICERO S. D. ATTICO. 8

O REM turpem, & eare miseram. sic enim  
sentio, id demum, aut potius id solum esse mise-  
rum, quod turpe sit. aluerat Cæsarem: eundem  
repente timere cœperat: condicionem pacis nullam  
probarat: nihil ad bellum pararat: urbem relique-  
rat: Picenum amiserat culpa: in Apuliam se com-  
pegerat: ibat in Græciam: omnes nos ἀποσφονή-  
τους, expertes sui tanti, tam inusitati consilij, relin-  
quebat. ecce subito litteræ Domitij ad illum, ipsius  
ad consules. fulsisse mihi uidebatur τὸ καλὸν ad ocu-  
los eius, & exclamasse ille uir, qui esse debuit,  
Πρὸς ταῦτ' ὅ, τί χεῖν, καὶ παλαμάδων,

Καὶ πάντ' ἐπ' ἐμοὶ τεκταινέδων.

Τὸ γὰρ εἶ, μετ' ἐμοῦ.

at ille tibi, πολλὰ χαίρειν τῷ καλῷ dicens, pergit  
Brundisium. Domitium autem aiunt, re audita,  
& eos, qui una essent, se tradidisse. o rem lugu-  
brem: itaque intercludor dolore, quo ad te plura  
scribam. tuas litteras exspecto. Vale.

CICERO



EPISTOLAM meam quòd peruulgatam scribis esse, non fero moleste: quin etiam ipse multis dedi describendam. ea enim & acciderunt iam, & impendent, ut testatum esse uelim, de pace quid censuerim. cum autem ad eam hortarer, eum præsertim hominem, non uidebar ullo modo facilius moturus, quàm si id, ad quod eum hortarer, conuenire eius sapientiæ dicerem. eam si admirabilem dixi, cum eum ad salutem patriæ hortabar; non sum ueritus, ne uiderer assentari; cui tali in re libenter me ad pedes abiecissem. Quà autem est, Aliquid imperitias temporis; non est de pace, sed, de me ipso, & de meo officio ut aliquid cogitet. Nam quod testificor, me expertem belli fuisse; et si id re perspectum est, tamen eo scripsi, quo in suadendo plus auctoritatis haberem. Eodemq. pertinet, quòd causam eius probo. Sed quid hæc nunc? utinam aliquid profectum esset: nã ego istas litteras in concione recitari uelim. siquidem ille ipse ad eundem in publico proposuit epistolam illam, in qua est, Pro tuis rebus gestis amplissimis. amplioribus ne, quàm suis, quàm Africani? ita tempus ferebat. siquidẽ etiam uos duo tales ad quinctum milliariu. quid, nunc ipsum, unde se recipienti, quid agẽti, quid acturo? quanto autem ferocius ille causæ suæ confidet, cum uos, cum uestri similes non modo frequentes, sed leto uultu gratulantes uiderit? Num igitur pecca-



## LIB. VIII. EPIST.

peccamus? minime uos quidem: sed tamen signa conturbantur, quibus uoluntas a simulatione distinguere posset. Quæ uero S. C. uideo? sed apertius, quam proposueram. Ego Arpini uolo esse prid. kal. deinde circum uillulas nostras errare, quas uisurum me postea desperaui. Eūyevñ tua consilia, & tamen pro temporibus non incauta, mihi ualde probantur. Lepido quidem (nam fere σωδινμὲν ἔοικεν: quod gratissimum illi est) numquam placuit ex Italia exire, Tullo multo minus. crebro enim illius litteræ ab alijs ad nos commeant. sed me illorum sententiæ minus mouebant. minus multa dederant illi reip. pignora. tua mehercule auctoritas uehementer mouet. affert enim & reliqui temporis recuperandi rationem, & præsentis tuendi. sed, obsecro te, quid hoc miserior, quam alterum plausus in fœdissima causâ quærere, alterum offensiones in optima? alterum existimari conseruatorem inimicorum, alterum desertorem amicorum? & mehercule quamuis amemus Cnæum nostrum; ut & facimus, & debemus: tamen hoc, quod talibus uiris non subuenit, laudare non possum. nam siue timuit; quid ignauius? siue, ut quidam putant, meliorem suam causam illorum cæde fore putauit; quid iniustius? Sed hæc omittamus: augemus enim dolorem retractando. VI. kal. uesperis Balbus minor ad me uenit, occulta uia currens ad Lentulum cos. missus Cæsaris, cum litteris, cum mandatis, cum promissione prouinciæ, Romam ut redeat. cui per-



persuaderi posse non arbitror, nisi erit conuentus. idem aiebat, nihil malle Cæsarem, quàm ut Pompeium assequeretur: id credo: ut rediret in gratiam, id non credo: & metuo, ne omnis hæc clementia ad unam illam crudelitatem colligatur. Balbus quidem maior ad me scribit, nihil malle Cæsarem, quàm principe Pompeio sine metu uiuere. tu puto hæc credis. sed, cum hæc scribebam v. kal. Pompeius iam Brundisium poterat uenisse: expeditus enim antecesserat legiones Luceria. sed hoc tépos horribili uigilantia, celeritate, diligentia est. plane, quid futurum sit, nescio. Vale.

CICERO S. D. ATTICO. IO

DIONYSIVS cum ad me præter opinionem meam uenisset, locutus sum cum eo liberalissime: tempora exposui: rogavi, ut diceret, quid haberet in animo: me nihil ab ipso inuito contendere. respondit: se, quod in nummis haberet, nescire quo loci esset: alios non soluere, aliorum diem non dum esse. dixit etiam alia quædam de seruulis suis, quare nobiscum esse non posset. morem gessi: dimisi a me, ut magistrum Ciceronum, non libenter; ut hominem ingratum, non inuitus. Vولي te scire, quid ego de eius factò iudicarem. Vale.

CICERO S. D. ATTICO. II

QVOD me magno animi motu perturbatum putas; sum equidem, sed non tam magno, quàm ti-  
bi



*bi fortasse uideor. leuatur enim omnis cura, cum  
 aut consistit consilium, aut cogitando nihil explica-  
 tur. lamentari autem licet: illud tamen totos dies:  
 sed uereor, ne, nihil cum proficiam, etiam dedeco-  
 ri sum studijs, ac litteris nostris. consumo igitur o-  
 mne tempus, considerans, quanta uis sit illius uiri,  
 quem nostris libris satis diligenter, ut tibi quidem  
 uidetur, expressimus. tenes ne igitur, moderato-  
 rem illum reip. quò referre uelimus omnia? nam sic  
 quinto, ut opinor, in libro loquitur Scipio. UT e-  
 nim gubernatori cursus secundus, medico salus, im-  
 peratori uictoria, sic huic moderatori reip. beata ci-  
 uium uita proposita est, ut opibus firma, copijs lo-  
 cuples, gloria ampla, uirtute honesta sit. huius e-  
 nim operis, maximi inter homines, atque optimi,  
 illum esse effectorem uolo. Hoc Cnaeus noster cum  
 antea numquam, tum in hac caussa minime cogita-  
 uit. nominatio quaesita ab utroque est, non id actū,  
 beata, & honesta ciuitas ut esset. Nec uero ille ur-  
 bem reliquit, quòd eam tueri non posset; nec Ita-  
 liam, quòd ea pelleretur: sed hoc a primo cogitauit,  
 omnes terras, omnia maria mouere, reges barba-  
 ros incitare, gentes feras armatas in Italiam addu-  
 cere, exercitus conficere maximos. genus illud Sul-  
 lani regni iam pridem appetitur, multis, qui una  
 sunt, cupientibus. an censes, nihil inter eos conue-  
 nire? nullam pacem fieri potuisse? hodie po-  
 test. sed neutri  $\alpha\chi\alpha\pi\acute{o}\varsigma$  est ille, ut nos beati simus.  
 uterque regnare uult. Hæc, a te inuitatus, breui-  
 ter*



ter exposui. uoluisti enim me, quid de his malis sentirem, ostendere. *ποδεσπίζω* igitur, noster Attice, non ariolans, ut illa, cui nemo credidit, sed coniectura prospiciens. Iamq. mari magno. non multo inquam secus possum uaticinari: tanta malorum impendet *ἰλιάς*. atque hoc nostra grauior est causa, qui domi sumus, quàm illorum, qui una transierunt, quòd illi quidem alterum metuunt, nos utraq. cur igitur, inquis, remansimus? uel tibi paruimus; uel non occurrimus; uel hoc fuit rectius. conculcari, inquam, miseram Italiam uidebis proxima aestate ab utriusque mancipijs ex omni genere collectis. nec tam proscriptio pertimescenda, quàm Luceria multis sermonibus denuntiata est, quàm uniuerse interitus: tantas in confligendo utriusque uires uideo futuras. Habes coniecturam meam. tu autem consolationis fortasse aliquid exspectasti. nihil inuenio. nihil fieri potest miserius, nihil perditius, nihil fœdus. Quod quæris, quid Cæsar ad me scripserit: quod sæpe: gratissimum sibi esse, quòd quierim: oratq. in eo ut perseuerem. Balbus minor hæc eadem mandata. iter autem eius erat ad Lentulum cos. cum litteris Cæsaris, præmiorumq. promissis, si Romam reuertisset. uerum, cum habeo rationem dierum, ante puto transmissurum, quàm potuerit conueniri. Epistolarum Pompeij duarum, quas ad me misit, negligentiam, meamq. in rescribendo diligentiam uolui tibi notam esse. earum exempla ad te misi. Cæsaris hic per

T Apuliam



## LIB. VIII. EPIST.

Apuliam ad Brundisium cursus quid efficiat, exspe-  
cto. utinam aliquid simile Parthicis rebus. simul  
aliquid audiero, scribam ad te, tu ad me uelim bo-  
norum sermones. Roma frequentes esse dicuntur.  
scio equidem te in publicum non prodire: sed tamen,  
audire te multa, necesse est. Memini tibi librum  
asserri, a Demetrio Magnete ad te missum, περὶ  
ὁμοβολίας. cum mihi uelim mittas. uides, quam caus-  
sam mediter. Vale. Cn. Pompeius procos.

M. Ciceroni imp. S. Q. Fabius ad me uenit ad  
14. id. Febr. is nuntiat L. Domitium cum suis co-  
hortibus XI, & cohortibus XIV. quas Vibullius  
adduxit, ad me iter habere: habuisse in animo pro-  
ficisci Corfinio: & ad 5. id. Febr. C. Hirrum cum  
5. cohortibus subsequi. censeo, ad nos Luceriam  
uenias. nam te hic tutissime puto fore. Vale.

Cicero imp. Cn. Pompeio procos. S. Ad xv.  
kal. Mart. Formijs accepi tuas litteras: ex quibus  
ea, quae in agro Piceno gesta erant, cognoui com-  
modiora esse multo, quam ut erat nobis nuntiatum;  
Vibullijq. uirtutem, industriamq. libenter agnoui.  
Nos adhuc in ea ora, ubi praepositi sumus, ita fui-  
mus, ut nauem paratam haberemus. ea enim audie-  
bamus, & ea nerebamur, ut, quodcumque tu con-  
siliū praecepisses, id nobis persequendum putare-  
mus. nunc, quoniam auctoritate, & consilio tuo  
in spe firmiore sumus; si teneri posse putas Tarra-  
cinam, & oram maritimam, in ea manebo. & si  
praesidia in oppidis nulla sunt. nemo enim nostri or-  
dinis



dinis in his locis est, præter M. Eppium, quem ego  
 Minturnis esse uolui, uigilantem hominem, & in-  
 dustrium. L. Torquatum, uirum fortem, & cum  
 auctoritate, Formijs non habemus: ad te profe-  
 ctum arbitramur. ego omnino, ut proxime tibi  
 placuerat, Capuam ueni eo ipso die, quo tu Thea-  
 no Sidicino es profectus. uolueras enim me cum M.  
 Considio propræt. illa negotia tueri. cum eò uenif-  
 sem, uidi T. Ampium delectum habere diligentis-  
 sime, ab eo accipere Libonem summa item diligen-  
 tia, & in illa colonia auctoritate. fui Capuæ, quoad  
 consules. iterum, ut erat dictum ab consulibus, ueni  
 Capuam ad non. Febr. cum fuisset triduum, recepi  
 me Formias. nunc quod tuum consilium, aut quæ  
 ratio belli sit, ignoro. si tenendam hanc oram putas,  
 quæ & oportunitatem, & dignitatem habet, &  
 egregios ciues, & ut arbitror, teneri potest: o-  
 pus est esse, qui præsit. sin omnia in unum locum  
 contrahenda sunt: non dubito, quin ad te statim ue-  
 niam: quo mihi nihil optatius est: idq. tecum, quo  
 die ab urbe discessimus, locutus sum. ego, si cui ad-  
 huc uideor segnior fuisse, dum ne tibi uidear, non  
 laboro. & tamen, si, ut uideo, bellum gerendum  
 est, cōfido me omnibus facile satisfacturum. M. Tul-  
 lium, meum necessarium, ad te misi, cui tu, si tibi  
 uideretur, ad me litteras dares. Vale.

Cn. Pompeius procos. M. Ciceroni imp. S.  
 Tuas litteras libenter legi. recognoui enim tuam  
 prislinam uirtutem etiam in salute communi. con-

T 2 sules



LIB. VIII. EPIST.

sules ad eum exercitum, quem in Apulia habui, uenerunt. Magnopere te hortor pro tuo singulari, perpetuoq. studio in remp. ut te ad nos conferas; ut communi consilio reip. afflictæ opem, atque auxilium feramus. censeo, uia Appia iter facias, & celeriter Brundisium uenias. Cui aut ualeas.

M. Cicero imp. Cn. Pompeio procos. S. Cum ad te litteras misissem, quæ tibi Canusij redditæ sunt, suspicionem nullam habebam, te reip. caussa mare transiturum; eramq. in spe magna, fore, ut in Italia possemus aut concordiam constituere, qua mihi nihil utilius uidebatur, aut remp. summa cum dignitate defendere. interim, non dum meis litteris ad te perlatis, ex ijs mandatis, quæ D. Lælio ad consules dederas, certior tui consilij factus, non expectaui, dum mihi a te litteræ redderentur; confestimq. cum Quinto fratre, & cum liberis nostris iter ad te in Apuliam facere cæpi. cum Theanum Sidicinum uenissem, C. Messius, familiaris tuus, mihi dixit, alijque complures, Cæsarem iter habere Capuam, & eo ipso die mansurum esse Esernia. sane sum commotus; quod, si ita esset, non modo iter meum interclusum, sed me ipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. at mihi, cum Calibus essem, offertur litterarum tuarum exemplum, quas tu ad Lentulum cos. misisses. hæc scriptæ sic erant: litteras tibi a L. Domitio ad XIII. kal.



kal. Mart. allatas esse : earumq. exemplum sub-  
scripseras : magniq. interesse reip. scripseras , om-  
nes copias primo quoque tempore in unum locum  
conuenire ; & ut , praesidij quod satis esset , Capuae  
relinqueret. His ego litteris lectis , in eadem opinio-  
ne fui , qua reliqui omnes , te cum omnibus copijs  
ad Corfinium esse uenturum : quò mihi , cum Caesar  
ad oppidum castra haberet , tutum iter esse non ar-  
bitrabar . cum res in summa expectatione esset ,  
utrumque simul audimus , & quæ Corfinij acta es-  
sent , & te iter Brundisium facere cœpisse . cumque  
nec mihi , nec fratri meo dubium esset , quin Brun-  
disium contenderemus , a multis , qui e Samnio ,  
Apuliaq. ueniebant , admoniti sumus , ut cauere-  
mus , ne exciperemur a Cesare ; quòd is in eadem  
loca , quæ nos petebamus , profectus , celerius e-  
tiam , quàm nos possemus , eò , quò intenderat , uen-  
turus esset . quod cum ita esset ; nec mihi , nec fra-  
tri meo , nec cuiquam amicorum placuit committe-  
re , ut temeritas nostra non solum nobis , sed etiam  
reip. noceret ; cum praesertim non dubitaremus ,  
quin , si etiam tutum nobis iter fuisset , te tamen  
iam consequi non possemus . interim accepimus tu-  
as litteras , Canusio ad x. kal. Mart. datas , qui-  
bus nos hortaris , ut celerius Brundisium uenia-  
mus . quas cum accepissemus ad III. kal. Mart.  
non dubitabamus , quin tu iam Brundisium perue-  
nisses : nobisq. iter illud omnino interclusum uide-  
bamus , neque minus nos esse captos , quàm qui Cor-

T 3 finium



finium uenissent. neque enim eos solos arbitra-  
 mur capi, qui in armatorum manus incidissent, sed  
 eos nihilo minus, qui regionibus exclusi, intra præ-  
 sidia, atque intra arma aliena uenissent. quod cum  
 ita sit; maxime uellem primum tecum semper fuis-  
 se; quod quidem tibi ostenderam, cum a me Capu-  
 am reijciebam: quod feci non uitandi oneris causa,  
 sed quod uidebam, teneri illam urbem sine exercitu  
 non posse: accidere autem mihi nolebam, quod do-  
 leo uiris fortissimis accidisse. quoniam autem, te-  
 cum ut essem, non contigit: utinam tui consilij cer-  
 tior factus essem. nam suspitione assequi non potui;  
 quod omnia prius arbitratus sum fore, quam ut  
 hæc reip. causa in Italia non posset duce te consiste-  
 re. neque uero nunc consilium tuum reprehendo,  
 sed fortunam reip. lugeo: nec, si ego, quid tu sis se-  
 cutus, non perspicio, iccirco minus existimo, te ni-  
 hil, nisi summa ratione, fecisse. mea quæ semper  
 fuerit sententia, primum de pace uel iniqua condi-  
 cione retinenda, deinde de urbe, (nam de Italia qui-  
 dem nihil mihi umquam ostenderas) meminisse te  
 arbitror. sed mihi non sumo, ut meum consilium ua-  
 lere debuerit: secutus sum tuum, neque id reip.  
 causa, de qua desperavi, quæ & nunc afflicta est,  
 nec excitari sine ciuili perniciosissimo bello potest:  
 sed te quarebam: tecum esse cupiebam: neque eius  
 rei facultatem, si qua erit, prætermittam. Ego me  
 in hac omni causa facile intelligebam pugnandi cu-  
 pidis hominibus non satisfacere. primum enim præ-  
 me



metuli, me nihil malle, quàm pacem: non quin eadem timerem, quæ illi: sed ea bello ciuili leuiora ducebam. inde, suscepto bello, cum pacis condiciones ad te afferri, a teq. ad ea honorifice, & large responderi uiderem; duxi meam rationem; quam tibi facile me probaturum, pro tuo in me beneficio, arbitrabar. Memineram me esse unum, qui pro meis maximis in reip. meritis supplicia miserrima, & crudelissima pertulissem: me esse unum, qui, si offendissem eius animum, cui tum, cum iam in armis essemus, consulatus tamen alter, & triumphus amplissimus deferebatur, subijcerer eisdem prælijs: ut mea persona semper ad improborum ciuium impetus aliquid uideretur habere popolare. atque hæc non ego prius sum suspicatus, quàm mihi palam denuntiata sunt: neque ea tam pertimui, si subeunda essent, quàm declinanda putauì, si honeste uitare possem. Quoniam breuem illius temporis, dum in spe pax fuit, rationem nostram uides; reliqui facultatem res ademit. Iis autem, quibus non satisfacio, facile respondeo. neque enim ego amicior C. Cæsari umquam fui, quàm illi: neque illi amiciores reip. quàm ego. hoc inter me, & illos interest; quòd, cum & illi ciues optimi sint, & ego ab ista laude non absim, ego condicionibus, quod idem te intellexeram uelle, illi armis disceptari maluerunt. quæ quoniam ratio uicit; perficiam profecto, ut neque resp. ciuis a me animum, neque tu amici desideres. Vale.



MIHI molestior lippitudo erat etiam, quàm ante fuerat: dictare tamen hanc epistolam malui, quàm Gallo Fabio, amantissimo utriusque nostrum, nihil ad te litterarum dare. nam pridie quidem, quoquo modo potueram, scripseram ipse eas litteras, quarum uaticinationem falsam esse cupio. huius autem epistolæ non solum ea causa est, ut ne quis a me dies intermittatur, quin dem ad te litteras; sed etiam hæc iustior, ut a te impetrarem, ut sumeres aliquid temporis; quo quia tibi perexiguo opus est, explicari mihi tuum consilium plane uolo, ut penitus intelligam. Omnia sunt integra nobis: nihil prætermisum est, quod non habeat sapientem excusationem, non modo probabilem. nam certe neque tum peccaui, cum imparatam iam Capuam, non solum ignauia delectus, sed etiam perfidia suspicionem fugiens, accipere nolui: neque, cū, post condiciones pacis per L. Cæsarem, & Fabium allatas, caui, ne animum eius offenderem, cui Pompeius iam armatus armato consulatū triumphumq. deferret. Nec uero hæc extrema quisquam potest iure reprehendere, quòd mare non transierim. id enim, etsi erat deliberationis, tamen obire non potui: neque enim suspicari debui; præsertim cum ex ipsius Pompeij litteris, idem quod uideo te existimasse, non dubitarim, quin is Domitio subuenturus esset. et plane, quid rectum, & quid facien-

dum



dum mihi esset, diutius cogitare malui. Primum igitur, hæc qualia tibi esse uideantur, etsi sæpius significata sunt a te, tamen accuratius mihi perscribas, uelim: deinde aliquid etiam in posterum prospicias,ingasque, quem me esse deceat, & ubi me plurimum prodesse reip. sentias: ecquæ pacifica per sona desideretur, an in bellatore sint omnia. Atque ego, qui omnia officio metior, recordor tamen tua consilia. quibus si paruisssem, tristitiam illorum temporum non subiisssem. memini, quid mihi tum suaseris per Theophanem, per Culeonem: idq. sæpe in gemiscens sum recordatus. quare nunc saltem ad illos calculos reuertamur, quos tum abiecinus, ut non solum gloriosis consilijs utamur, sed etiam paulo salubrioribus. sed nihil præscribo. accurate uelim perscribas tuam ad me sententiam. Volo etiam exquiras, quàm diligentissime poteris, (habebis autem, per quos possis) quid Lentulus noster, quid Domitius agat, quid acturus sit, quemadmodum nunc se gerant, num quem accusent, num cui succenseant: quid dico, num cui? num Pompeio. omnino culpam omnem Pompeius in Domitium confert: quod ipsius litteris cognosci potest: quarum exemplum ad te mitto. Hæc igitur uidebis: &, quod ad te ante scripsi, Demetrii Magnetis librum, quem ad te misit, de concordia, uelim mihi mittas. Vale.

Cn. Magnus procos. M. Marcello L. Lentulo cos. S.

Ego, quod existimabam, dispersos nos, neque reip. utiles, neque nobis præsidio esse posse, iccirco  
ad



## LIB. VIII. EPIST.

ad L. Domitium litteras misi, primum uti ipse cum  
 omni copia ad nos ueniret: si de se dubitaret, ut co-  
 hortēs XIX. quæ ex Piceno ad me iter habebant,  
 ad nos mitteret. quod ueritus sum, factum est, ut  
 Domitius implicaretur, neque ipse satis firmus es-  
 set ad castra faciēda: quod meas XIX. et suas XII  
 cohortes tribus in oppidis distributas haberet; (nā  
 partim Albæ, partim Sulumone collocauit) neque,  
 si uellet, expedire posset. nunc scitote, me esse in  
 summa solitudine. nam & tot, & tales uiros pe-  
 riculo obsidionis liberare cupio: neque subsidio ire  
 possum; quod his duabus legionibus non puto esse  
 committendum, ut illuc ducantur. ex quibus ta-  
 men non amplius XIV. cohortes contrahere potui,  
 quas Brundisium misi; neque Canusium sine præsi-  
 dio, dum abessem, putauit esse dimittendum. D. Ae-  
 lio mandaram, quod maiores copias sperabam nos  
 habituros, ut, si uobis uideretur, alteruter uestrum  
 ad me ueniret, alter in Ciliciam cum ea copia, quam  
 Capuæ, & circum Capuam comparastis, & cum  
 ijs militibus, quos Faustus legit, proficisceretur;  
 Domitius cum XII. suis cohortibus eodem adiun-  
 geretur; reliquæ copiae omnes Brundisium cogerentur,  
 & inde nauibus Dyrrhachium transportarentur.  
 nunc, cum hoc tempore nihilo magis ego, quàm  
 uos, subsidio Domitio ire possim, seu per montes  
 explicare; non est nobis committendum, ut ad has  
 XIV. cohortes, quas dubio animo habeo, hostis  
 accedere, aut in itinere me consequi possit. Quam  
 ob



obrem placitum est mihi, (etiam uideo C. Marcello, & ceteris nostri ordinis, qui hic sunt) ut Brundisium ducerem hanc copiam, quam mecum habeo. uos hortor, ut, quodcunque militum contrahere poteritis, contrahatis, & eodem ueniatis quamprimum. arma, quæ ad me missuri eratis, ijs, censeo, armetis milites, quos uobiscum habetis. quæ arma superabunt, ea si Brundisium iumentis deportarit, uehementer reip. profueritis. de hac re uelim nostros certiores faciatis. ego ad P. Lupum, & C. Coponium praetores misi, ut se uobis coniungerent, & militum quod haberent, ad uos deducerent. Vale. Cn. Pompeius procos. L. Domitio procos. S. Miror, te ad me nihil scribere, & potius ab alijs, quam a te, de rep. certiolem me fieri. Nos, disiecta manu, pares aduersarijs esse non possumus. contractis nostris copijs, spero nos & reip. & communi saluti prodesse posse. quamobrem cum constituisses, ut Vibullius mihi scripserat, ad v. id. Febr. Corfinio proficisci cum exercitu, & ad me uenire: miror, quid causæ fuerit, quare consilium mutaris. nam illa causa, quam mihi Vibullius scribit, leuis est, te propterea moratum esse, quod audieris, Casarem Firmo progressum in Castrum Truentinum uenisse. quanto enim magis appropinquare aduersarius cæpit, eo tibi celerius agendum erat, ut te mecum coniungeres, prius, quam Caesar aut tuum iter impedire, aut me abs te excludere posset. Quamobrem etiam te rogo, et hor  
tor



## LIB. VIII. EPIST.

tor, id quod non destiti superioribus litteris a te petere, ut primo quoque die Luceriam aduenias ante quam copiae, quas instituit Caesar contrahere, in unum locum coactae nos a nobis distrabant. sed si erunt, qui te impedian, ut illas suas seruent: æquum est me a te impetrare, ut cohortes, quæ ex Piceno, & Camerino uenerunt, quæ fortunas suas reliquerunt, ad me missum facias. Vale.

Cn. Pompeius procos. L. Domitio procos. S.

Litteras abs te M. Calenius ad me attulit ad XIII. kal. Mart. in quibus litteris scribis, tibi in animo esse, obseruare Cæsarem, & si secundum mare ad me ire cœpisset, confestim in Samnium ad me uenturum; sin autem ille circum istæc loca commoraretur, te ei, si propius accessisset, resistere uelle. te animo magno, & forti istam rem agere existimo: sed diligentius nobis est uidendum, ne distracti pares esse aduersario non possimus; cum ille magnas copias habeat, & maiores breui habiturus sit. non enim pro tua prudentia debes illud solum animaduertere, quot in præsentia cohortes contra te habeat Caesar, sed quantas breui tempore equitum, & peditum copias contracturus sit. cui rei testimonio sunt litteræ, quas Bussenius ad me misit; in quibus scribit, id quod ab alijs quoque mihi scribitur, præsidia Curionem, quæ in Umbria, & Tuscis erant, contrahere, & ad Cæsarem iter facere. quæ si copiae in unum locum fuerint coactæ, ut pars exercitus ad Albam mittatur, pars ad te accedat,



cedat, ut non pugnet, sed locis suis repugnet: hæ-  
rebis, neque solus cum ista copia tantam multitudi-  
nem sustinere poteris, ut frumentatum eas. Quam-  
obrem te magnopere hortor, ut quamprimum cum  
omni copia huc uenias. consules constituerunt idem  
facere. ego Metusilio ad te mandata dedi, proui-  
dendum esse, ne duæ legiones sine Picentinis cohor-  
tibus in conspectum Cæsaris committerentur.  
Quamobrem nolito commoueri, si audieris me re-  
gredi, si forte Cæsar ad me ueniet. cauendum enim  
puto esse, ne implicatus hæream. nam neque castra,  
propter anni tempus, & militum animos, facere  
possum: neque ex omnibus oppidis contrahere co-  
pias expedit; ne receptum amittam. itaque non am-  
plius XIV. cohortes Luceriam coegi. consules præ-  
sidia omnia deducturi sunt, aut in Siciliam ituri.  
nam aut exercitum firmum habere oportet, quo  
confidamus perrumpere nos posse; aut regiones e-  
iusmodi obtinere, e quibus repugnemus. id quod  
neutrum nobis hoc tempore contingit: quod & ma-  
gnam partem Italiæ Cæsar occupauit; & nos non  
habemus exercitum tam amplum, neque tam ma-  
gnum, quàm ille. itaque nobis prouidendum est,  
ut summam reip. rationem habeamus. Etiam atque  
etiam te hortor, ut cum omni copia quamprimum  
ad me uenias. possumus etiam nunc remp. erigere,  
si communi consilio negotium administrabimus: sin  
distrabemur, infirmi erimus. mihi hoc constitutum  
est. His litteris scriptis, Sica a te mihi litteras attu-  
lit,



L I B. V I I I. E P I S T.

lit, & mandata. Quod me hortare, ut istuc ueniam: id me facere non arbitror posse; quod non magno-  
pere his legionibus confido. Vale. Cn. Pom-  
peius L. Domitio S. Litteræ mihi a te redditæ  
sunt ad XII. kal. Mart. in quibus scribis, Cæsa-  
rem apud Corfinium castra posuisse. quod putavi,  
& præmonui, sit, ut nec in præsentia committere  
tecum prælium uelit, & omnibus copijs condu-  
ctis, te implicet, ne ad me iter expeditum tibi sit,  
atque istas copias coniungere optimorum ciuium  
possis cum his legionibus, de quarum uoluntate du-  
bitamus. quo etiam magis tuis litteris sum commo-  
tus. neque enim eorum militum, quos mecum ha-  
beo, uoluntati satis confido, ut de omnibus fortu-  
nis reip. dimicem: neque etiam, qui ex delectibus  
conscripti sunt a consulibus, conuenerunt. Quare da  
operam, si ulla ratione etiam nunc efficere potes,  
ut te explices, huc quamprimum uenias ante, quàm  
omnes copię aduersariorum conueniant. neque e-  
nim celeriter ex delectibus huc homines conuenire  
possunt: & si conuenirent, quantum ijs commit-  
tendum sit, quod inter se ne noti sunt, contra uete-  
ranas legiones, non te præterit. Vale.

C I C E R O S. D. A T T I C O. 13

L I P P I T V D I N I S meæ signum tibi sit librarij  
manus, & eadem causâ breuitatis. etsi nunc qui-  
dem, quod scriberem nihil erat. omnis expectatio  
nostra erat in nuntijs Brundisinis. si nactus hic esset  
Cn. cum



Cnæum nostrum, spes dubia pacis : sin ille ante transf-  
misisset , exitiosi belli metus . sed uides ne, in quem  
hominem inciderit resp. ? quàm acutum , quàm ui-  
gilantem , quàm paratum ? si mehercule neminem  
occiderit , nec cuiquam quidquam ademerit ; ab ijs ,  
qui eum maxime timuerant , maxime diligitur .  
multum mecum municipales homines loquuntur ,  
multum rusticani . nihil prorsus aliud curant , nisi  
agros , nisi uillulas , nisi nummulos suos . & uide,  
quàm conuersa res est . illum , quo antea confide-  
bant , metuunt ; hunc amant , quem timebant . id  
quantis nostris peccatis , uitijsq. euenerit , non pos-  
sum sine molestia cogitare . quæ autem impendere  
putarem , scripseram ad te ; & iam tuas litteras  
exspectabam . Vale .

CICERO S. D. ATTICO. 14

NON dubito, quin tibi odiosa sint epistola quo-  
tidiana , cum præsertim neque noua de re aliqua  
certiorem te faciam , neque nouam denique iam re-  
periam scribendi ulla sententiam . sed , si dedita  
opera , cum caussa nulla esset , tabellarios ad te cum  
inanibus epistolis mitterem ; facerem inepte : eun-  
tibus uero , domesticis præsertim , ut nihil ad te dem  
litterarum , facere non possum . & simul ( crede mi  
hi ) requiesco paullulum in his miserijs , cum quasi  
tecum loquor ; cum uero tuas epistolas lego , multo  
etiam magis . omnino intelligo , nullum fuisse tem-  
pus post has fugas , & formidines , quod magis de-  
buerit



## LIB. VIII. EPIT.

buerit mutum esse a litteris : propterea quòd neque Romæ quidquam auditur noui, nec in his locis, quæ a Brundisio absunt propius quàm tu, biduum, aut triduum. Brundisij autem omne certamen uertitur huius primi temporis. qua quidem expectatione torqueor. sed omnia ante nos sciemus. eodem enim die uideo Cæsarem a Corfinio post meridiem profectum esse, quo Canusio mane Pompeium. eo modo autem ambulat Cæsar, & ijs diarijs militum celeritatem incitat, ut timeam, ne citius ad Brundisium, quàm opus sit, accesserit. Dices, Quid igitur proficis, qui anticipes eius rei molestiam, quam triduo sciturus sis? Nihil equidem: sed, ut supra dixi, tecum perlibenter loquor. & simul scito, labare meum consilium, illud, quod satis iam fixum uidebatur. non mihi satis idonei sunt auctores ij, qui a te probantur. quod enim umquam eorum in rep. forte factum extitit? aut quis ab ijs ullam rem laude dignam desiderat? nec mehercule laudandos existimo, qui trans mare belli parandi causa profecti sunt. (quamquam hæc ferenda non erant) uideo enim, quantum id bellum, & quàm pestiferum futurum sit. sed me mouet unus uir; cuius fugientis comes, remp. recuperantis socius uideor esse debere. Toties ne igitur sententiam mutas? ego tecum, tãquam mecum, loquor. quis autem est, tanta quidem de re, quin uarie secum ipse disputet? simul & elicere cupio sententiam tuam; si manet, ut firmior sim; si mutata est, ut tibi assentiar. omnino ad  
id, de



id, de quo dubito, pertinet, me scire, quid Domitius acturus sit, quid noster Lentulus. de Domitio uaria audimus, modo esse in Tiburti, aut Lepidi: \* quo cum Lepidus accessisset ad urbem. quod item falsum uideo esse. ait enim Lepidus, eum nescio quò penetrasse itineribus; occultandi sui causa, an maris apiscendi, ne id quidem scit. ignorat enim de filio. addit illud, sane molestum: pecuniam Domitio satis grandem, quam is Coreni habuerit, non \* esse redditam. de Lentulo autem nihil audimus. hæc uelim exquiras, ad meq. perscribas. Vale.

CICERO S. D. ATTICO. 15

AD V. non. Mart. epistolas mihi tuas Aegypta reddidit, unam ueterem 1 v. kal. quam te scribis dedisse Pinario, quem non uidimus; in qua expectas, quidnam præmissus agat Vibullius: qui omnino nō est uisus a Cesare. in altera epistola, uideo, te scire ita esse: & quemadmodum redeuntem excipiam Caesarem, quem omnino uitare cogito: & aut Hemonis fugam tendis, commutationemq. uitæ tuæ: quod tibi puto esse faciendum. & ignoras, Domitius cum fascibus ne sit. quod cum scies, facies, ut sciamus. Habes ad primam epistolam. secutæ sunt duæ, pridie kal. ambæ datæ, quæ me conuellerunt de pristino statu, iam tamen, ut ante ad te scripsi, labantem. Nec me mouet, quod scribis, Ioui ipsi iniquum. nam periculum in utriusque iracundia positum est: uictoria autē ita incerta, ut  
V                      dete-



## LIB. VIII. EPIST.

deterior caussa paratior mihi esse uideatur: nec me  
 consules mouent, qui ipsi pluma, aut folio facilius  
 mouentur: officij me deliberatio cruciat, crucia-  
 uitq. adhuc. cautior certe est mansio: honestior exi-  
 stimatur traiectio: malo interdum, multi me non  
 caute, quam pauci non honeste, fecisse existiment.  
 De Lepido, & Tullo quod quaeris: illi uero non du-  
 bitant, quin Casari praesto futuri, in senatumq. uen-  
 turi sint. Recentissima tua est epistola kal, data, in  
 qua optas congressum, pacem non desperas: sed e-  
 go, cum haec scribebam, nec illos congressuros, nec, si  
 congressi essent, Pompeium ad ullam condicionem  
 accessurum putabam. Quod uideris non dubitare,  
 si consules transeant, quid nos facere oporteat: cer-  
 te transeunt, uel, quo modo nunc est, transierunt,  
 sed memento, praeter Appium, neminem esse fe-  
 re, qui non ius habeat transeundi. nam aut cum im-  
 perio sunt, ut Pompeius, ut Scipio, Setenas, Fan-  
 nius, Voconius, Sextius, ipsi consules; quibus mo-  
 re maiorum concessum est uel omnes adire provin-  
 cias: aut legati sunt eorum. sed nihil defero, quid  
 placeat tibi, & quid propemodum rectum sit, in-  
 telligo. Plura scriberem, si ipse possem: sed, ut mi-  
 hi uideor, potero biduo. Balbi Cornelij litterarum  
 exemplum, quas eodem die accepi, quo tuas, nisi  
 ad te, ut meam uicem dolores, cum me derideri ui-  
 deres. Vale. Balbus Ciceroni imp. S.  
 Obsecro te Cicero, suscipe curam, & cogitationem  
 dignissimam tuae uirtutis, ut Casarem, & Pom-  
 peium



peium, perfidia hominum distractos, rursus in pri-  
stinam concordiam reducas. crede mihi, Casarem  
non solum in tua fore potestate, sed etiam maxi-  
mum beneficium te sibi dedisse iudicaturum, si huc  
te reijcis. uelim, idem Pompeius faciat: qui ut ad-  
duci tali tempore ad ullam condicionem possit, ma-  
gis opto, quam spero. sed, cum constiterit, & ti-  
mere desierit; tum incipiam non desperare, tuam  
auctoritatem plurimum ualituram. Quod Lentu-  
lum eos. meum uoluisti hic remanere; Casari gra-  
tum, mihi uero gratissimum mediusfidius fecisti.  
nam illum tanti facio, qui non Casarem magis dili-  
gam. qui si passus esset, nos secum, ut consueuera-  
mus, loqui; & non se totum etiam & etiam ab ser-  
mone nostro auertisset: minus miser, quam sum,  
essem. nam caue putes, hoc tempore plus me quem-  
quam cruciari; quod eum, quem ante me diligo,  
uideo in consulatu quiduis potius esse, quam consu-  
lem. quod si uoluerit tibi obtemperare, & nobis  
de Casare credere, & consulatum reliquum Romæ  
peragere: incipiam sperare, etiam, consilio sena-  
tus, auctore te, illo relatore, Pompeium, & Cæ-  
sarem coniungi posse. quod si factum erit, me satis-  
uixisse putabo. Factum Cesaris de Corfinio to-  
tum me probaturum scito, & quo modo in huius-  
modi re commodius cadere non potuit, quam ut res  
sine sanguine confieret. Balbi mei, tuiq. aduentu  
delectatum te, ualde gaudeo. is quaecumque tibi de  
Casare dixit, quæq. Cæsar scripsit; scio re tibi pro-  
babit,



*habuit, quaecumque fortuna eius fuerit, bellissime scripsisse. Vale.*

CICERO S. D. ATTICO. 16

OMNIA mihi prouisa sunt, præter occultum,  
 \* & tum iter ad mare superum. hoc enim mari  
 uti non possumus hoc tempore anni. illuc autem,  
 quò spectat animus, & quò res uocat, quà ueniam?  
 cedendum enim est celeriter; ne forte quare impe-  
 diar, atque alliger. nec uero ille me ducit, qui ui-  
 detur; quem ego hominem ἀπολιτικώτατον omnium  
 iam ante cognoram, nunc uero etiā ἀσπατηγικώτα-  
 τον. non me igitur is ducit, sed sermo hominum, qui  
 ad me a Philotimo scribitur. is enim me ab opti-  
 matibus ait conscindi. quibus optimatibus, dū bo-  
 ni? qui nunc quo modo occurrunt, quo modo autem  
 se uenditant Cæsari? municipia uero deum: nec si-  
 mulant, ut cum de illo egroto uota faciebant. sed  
 plane, quidquid mali hic Pisistratus non fecerit,  
 tam gratum est, quàm si alium facere prohibuerit.  
 hunc propitium sperant: illum iratum putant. quas  
 fieri censes ἀπαντήσεις ex oppidis? quos honores?  
 metuunt, inquires. credo, sed hercule illum magis.  
 huius insidiosa clementia delectantur: illius iracun-  
 diam formidant. iudices D C C C L, qui præcipue  
 Cnæo nostro delectabantur, ex quibus quotidie ali-  
 quem uideo, nescio quas eius Lucerias horrent. ita-  
 que quæro, qui sint isti optimates, qui me extur-  
 bent, cum ipsi domi maneant. sed tamen, quicūque  
 sunt,



sunt, αἰδέομαι Τρώας. etsi, qua spe proficiscar, ui-  
deo: coniungoq. me cum homine magis ad uastan-  
dam Italiam, quàm ad uincendum parato. domum \*  
quem exspecto. & quidem, cum hæc scribebam  
I V. non. iam exspectabam aliquid a Brundisio.  
quid autem aliquid? quàm inde turpiter fugisset,  
& uictor hic quà se referret, & quò. quod ubi au-  
dissem; si ille Appia ueniret, ego Arpinum cogi-  
tabam. Vale.

V 3 M. TVL-



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER IX.

CICERO S. D. ATTICO.

E T S I, cum tu has litteras legeres, pu-  
tabam fore, ut scirem iam, quid Brun-  
disij actum esset; nam Canusio VIII.  
kal. profectus erat Cnæus; hæc autem  
scribebam prid. non. XIV. die postquam ille Canu-  
sio mouerat: tamen angebar singularum horarum  
expectatione; mirabarque, nihil allatum esse ne ru-  
moris quidem: nam erat mirum silentium. sed hæc  
fortasse νεωπτοῦ δα sunt: quæ tamen iam sciantur,  
necessè est. illud molestum, me adhuc inuestigare  
non posse, ubi Lentulus noster sit, ubi Domitius.  
quæro autem, quo facilius scire possim, quid acturi  
sint, ituri ne ad Pompeium, & si sint, quâ, quan-  
do ne ituri sint. urbem quidem iam refertam esse  
optimatum audio, Sesium, et Lupum, quos Cnæus  
noster ante putabat Brundisium uenturos esse,  
quàm se, ius dicere. hinc uero uulgo uadunt. etiam  
N. Lepidus, quocum diem conterere solebam, cras  
cogitabat. nos autem in Formiano morabamur,  
quò citius audiremus. deinde Arpinum uoleba-  
mus. inde, iter quàm maxime ἀναπάρτητος esset, ad  
mare superum, remotis, siue omnino missis lieto-  
ribus.



ribus, audio enim, bonis uiris, qui & nunc, & sæpe antea magno præsidio reip. fuerunt, hanc cunctationem nostram non probari, multa q. in me, & seuerè in conuiujs tempestiuis quidem disputari. cedamus igitur; & ut boni ciues simus, bellum Italiæ terra, mariq. inferamus; & odia improborum rursus in nos, quæ iam extincta erant, incendamus; & Luceij consilia, ac Theophanis persequamur. nam Scipio uel in Syriam proficiscitur, sorte; uel cum genero, honeste; uel Casarem fugit, iratum. Marcelli quidem, nisi gladium Casaris tenuissent, manerent. Appius & eodem timore, & inimicitiarum recentium. & tamen, præter hunc, & C. Cassium, reliqui legati, Faustus pro quæ. ego unus, cui utrumuis liceret. frater accederet; quem socium huius fortunæ esse, non erat æquum; cui magis etiam Cæsar irasceretur: sed impetrare non possum, ut maneat. dabimus hoc Pompeio, quod debemus. nam me quidem alius nemo mouet; non sermo bonorum, qui nulli sunt; non caussa, quæ acta timide est, agetur improbe. uni uni hoc damus, nec id quidem roganti, nec suam causam, ut ait, agenti, sed publicam. Tu quid cogites de transeundo in Epirum, scire sane uelim. Vale.

CICERO S. D. ATTICO.

1

ET SI nonis Mart. die tuo, ut opinor, expectabam a te epistolam longiorem: tamen ad eam ipsam breuem, quam III. non. ὑπὲρ τὴν διάληψιν de-

V 4 disti,



LIB. IX. EPIST.

disti, rescribendum putavi. Gaudere ais te, mansisse me; & scribis, in sententia te manere. mihi autem superioribus litteris uidebare non dubitare, quin cederem, ita, si & Cnaeus bene comitatus conscendisset, & consules transissent. utrum, hoc tu parum commeministi, an ego non satis intellexi, an mutasti sententiam? sed aut ex epistola, quam exspecto, perspiciam, quid sentias; aut alias abs te litteras eliciam. Brundisio nihil dum erat allatum. o rem difficilem, planeq. perditam. quàm nihil prætermittis in consilio dando: quàm nihil tamen, quod tibi ipsi placeat, explicas. non esse me unum cum Pompeio, gaudes: ac proponis, quàm sit turpe me adesse, cum quid de illo detrahatur: nefas esse approbare. certe. contra igitur? dij, inquis, auerruncent. quid ergo fiet, si in altero scelus est, in altero supplicium? impetrabis, inquis, a Cæsare, ut tibi abesse liceat, et esse otioso. supplicandum igitur? miserum. quid, si non impetraro? et de triumpho erit, inquis, integrum. quid, si hoc ipso premar? accipiam? quid fœdus? negem? repudiari se totum, magis etiam, quàm olim in xx uiratu, putabit. ac solet, cum se purgat, in me conferre omnem illorum temporum culpam: ita me sibi fuisse inimicum, ut ne honorem quidem a se accipere uellem. quanto nunc hoc idem accipiet asperius? tanto scilicet, quanto et honor hic illo est amplior, & ipse robustior. Nam quòd negas te dubitare, quin magna in offensa sim apud Pompeium hoc tempore:



re: non uideo caussam, cur ita sit, hoc quidem tempo-  
re. qui enim, amisso Corfinio denique, certiore me  
sui consilij fecit, is queretur Brundisium me non ue-  
nisse, cum inter me, & Brundisium Caesar esset?  
deinde, etiam scit, ἀπαρρησίασθαι in ea causa que  
rellam suam. me putat de municipiorum imbecilli-  
tate, de delectibus, de pace, de urbe, de pecunia,  
de Piceno occupando plus uidisse, quàm se. sin, cum  
potuero, non uenero: tum erit inimicus. quod ego  
non eo uereor, ne mihi noceat: (quid enim faciet?  
τίς δ' ἔστι δοῦλος, τοῦ θανεῖν ἀφροντίς ὢν;)  
sed quia ingrati animi crimen horreo. confido igitur  
aduentum nostrum illi, quoquo tempore fue-  
rit, ut scribis, ἀσμένισον fore. Nam quod ais, si hic  
temperantius egerit, consideratius consilium te da-  
turum: qui hic potest se gerere non perdit? uita,  
mores, ante facta, ratio suscepti negotij, socij, ui-  
res bonorum, aut etiam constantia. Vix dum epi-  
stolam tuam legeram, cum ad me, currens ad il-  
lum, Postumus Curtius uenit, nihil nisi classes lo-  
quens, & exercitus. eripiebat Hispanias: tenebat  
Asiam, Siciliam, Africam, Sardiniam: confe-  
stim in Graciam persequabatur. eundum igitur  
est, nec tam ut belli, quàm ut fugæ socij simus. nec  
enim ferre potero sermones istorum, quicumque  
sunt. non sunt enim certe, ut appellantur, boni.  
sed tamen id ipsum scire cupio, quid loquantur: id quod  
ut exquiras, me quod certiore facias, te uehementer  
rogo. Nos adhuc, quid Brundisii actum esset,  
plane



plane nesciebamus . cum sciemus , tum ex re ,  
& ex tempore consilium capiemus , sed utemur  
tuo. Vale.

CICERO S. D. ATTICO. 3

DOMITII filius transiit Formias VIII. id.  
currens ad matrem Neapolim ; mihiq. nuntiari ius-  
sit , patrem ad urbem esse ; cum de eo curiose quæ-  
sisset seruus noster Dionysius . nos autem audiera-  
mus eum profectum siue ad Pompeium , siue in Hi-  
spaniam . id cuiusmodi sit , scire sane uelim . nam ad  
id , quod delibero , pertinet , si ille certe nusquam  
discessit , intelligere Cnæum , non esse faciles nobis  
ex Italia exitus , cum ea tota armis , præsidijsq. te-  
neatur , hieme præsertim . nam , si commodius an-  
ni tempus esset ; uel infero mari liceret uti . nunc ni-  
hil potest , nisi supero , transmitti , quò iter inter-  
clusum est . quæres igitur & de Domitio , & Lentu-  
lo . A Brundisio nulla adhuc fama uenerat : & e-  
rat hic dies VII. id. quo die , suspicabamur , aut pri-  
die Brundisium uenisse Cæsarem . nam kalendis Ar-  
pis manserat . sed si Postumum audire uelles , per-  
secuturus erat Cnæum : transisse enim iam puta-  
bat , coniectura tempestatum , ac dierum . ego nau-  
tas eum non putabam habiturum : ille confidebat ,  
& eo magis , quòd audita nauicularijs hominis libe-  
ralitas esset . sed , tota res Brundisina iam quo mo-  
do habeat se , diutius nescire non possum . Vale.

CICERO



EGO etsi tam diu requiesco, quàm diu aut ad  
 te scribo, aut tuas litteras lego: tamen & ipse e-  
 geo argumento epistolarum, & tibi idem accidere  
 certo scio: quæ enim soluto animo familiariter scri-  
 bi solent, temporibus his excluduntur: quæ autem  
 sunt horum temporum, ea iam contriuiimus. sed ta-  
 men, ne me totum ægritudini dedam, sumpsî mihi  
 quasdam tamquàm δέσεις, quæ et politicae sunt, et tem-  
 porum horû; ut et abducam animum ab querellis, et  
 in eo ipso, de quo agitur, exercear. eæ sunt huiusmo-  
 di. Εἰ μενετέον ἐν τῇ πατρίδι τυραννουμένη: τυραννου-  
 μένης δὲ αὐτῆς, εἰ παντὶ τρόπῳ τυραννίδος κατάλυσιν  
 πειρατέον, καὶ ἂν μέλλῃ διὰ τοῦτο περὶ τῶν ὅλων ἡ πό-  
 λεις κινδυνώσῃν. εἰ δὲ λαβητέον τὸν καταλύοντα, μὴ  
 αὐτὸς ἀρδῇται. εἰ πειρατέον ἀρήγειν τῇ πατρίδι εἰρήνῃ  
 μᾶλλον, ἢ πολέμῳ. εἰ πολιτικὸν τὸ ἡσυχάζειν ἀναχω-  
 ρήσαντά ποί τῆς πατρίδος τυραννουμένης, ἢ διὰ παν-  
 τὸς ἱτέον κινδυνῶν τῆς ἐλευθερίας πέρι. εἰ πόλεμον ἑ-  
 πακτέον τῇ χώρᾳ, καὶ πολιορκητέον αὐτὴν τυραννου-  
 μένην. εἰ καὶ μὴ δοκιμάζοντα τὴν διὰ πολέμου κατά-  
 λυσιν τῆς τυραννίδος συναπογραπτέον ὅμως τοῖς ἀρί-  
 στοις. εἰ τοῖς δ' ἐργέταις, καὶ φίλοις συγκινδυνώτέον ἐν  
 τοῖς πολιτικοῖς, καὶ μὴ δοκῶσιν δ' ἐβουλεύσθαι περὶ  
 τῶν ὅλων. εἰ ὁ μέγιστα τὴν πατρίδα δ' ἐργετήσας, δὲ  
 αὐτὸ δὲ τοῦτο ἀνέχεσθαι παθὼν, καὶ φθονηθεὶς, κινδυ-  
 νώσῃν ἂν ἐθελοντὴς ὑπὲρ τῆς πατρίδος: ἢ ἀφετέον αὐ-  
 τῷ ἑαυτοῦ ποτε, καὶ τῶν οἰκιοτάτων ποιῆσαι τὸ

νοίαν



## LIB. IX. EPIST.

νοσαν ἀφεμένῳ τὰς πρὸς τοὺς ἰχϋόντας διαπολιτείας.  
*in his ego me consultationibus exercens, & disse-*  
*rens in utramque partem tum græce, tum latine,*  
*& abduco parumper animum a molestiis, & τῶν*  
*πρὸς τὸ τί delibero. Sed uereor, ne tibi ἀκαίρος sim.*  
*si enim recte ambulauit is, qui hanc epistolam tu-*  
*lit, in ipsum tuum diem incidit. Vale.*

CICERO S. D. ATTICO. 5

NATALI die tuo scripsisti epistolam ad me ple-  
 nam consilij, summæq. tum beneuolentiæ, tum e-  
 tiam prudentiæ. eam mihi Philotimus postridie,  
 quàm a te acceperat, reddidit. Sunt ista qui-  
 dem, quæ disputas, difficillima, iter ad superum,  
 nauigatio infero, discessus Arpinum, ne hunc fu-  
 gisse; mansio Formijs, ne obtulisse nos gratulatio-  
 ni uideamur: sed miseriùs nihil, quàm ea uidere,  
 quæ tamen iam, iam inquam uidenda erunt. Fuit  
 apud me Postumus: scripsi ad te, quàm grauis.  
 uenit ad me etiam Q. Fufius, quo uultu, quo spi-  
 ritu? properans Brundisium, scelus accusans Pom-  
 peij, leuitatem, & stultitiam senatus. hæc qui in  
 mea uilla non feram, cur tum in curia potero fer-  
 re? Age, finge me quamuis δ'σομάχως hæc feren-  
 tem: quid illa, dic M. Tulli, quem habebunt exi-  
 tum? Et omitto causam reip. quam ego amissam  
 puto cum uulneribus suis, tum medicamentis his,  
 quæ parantur. de Pompeio quid agam? cui plane  
 (quid enim negem?) succensui. semper enim caus-  
 sæ



ſæ euentorum magis mouent, quàm ipſa euenta.  
 hæc igitur mala, quibus maiora eſſe quæ poſſunt?  
 conſiderans, uel potius iudicans eius opera accidif-  
 ſe, & culpa, inimicior eram huic, quàm ipſi Cæ-  
 ſari. ut maiores noſtri funeſtiorẽ diem eſſe uolue-  
 runt Allienſis pugnae, quàm urbis captae; quòd  
 hoc malum ex illo; itaque alter religioſus etiam nũc  
 dies, alter in uulguſ ignotus: ſic ego, decem anno-  
 rum peccata recordans, in quibus inerat ille etiam  
 annus, qui nos, hoc defendente, ne dicam graui-  
 us, afflixerat; præſentisq. temporis cognoscens te-  
 meritatem, ignauiam, negligentiam, ſuccenſebam.  
 ſed ea iam mihi exciderunt. beneficia eiufdem cogi-  
 to, cogito etiam dignitatem. intelligo ſerius equi-  
 dem, quàm uellem, propter epistolae, ſermoneſq.  
 Balbi; ſed uideo plane, nihil aliud agi, nihil actum  
 ab initio, quàm ut hunc occideret. ego igitur. ſi quis  
 apud Homerum, cum ei & mater, & dea dixiſſet,  
 Αὐτίκα γάρ τοι ἔπειτα μεδ' Ἑκτορα πότμος ἑτοίμος,  
 matri ipſe reſpondit,

Αὐτίκα τεθναίνην, ἐπεὶ οὐχ ἄρ' ἔμελλον ἑταίρω  
 Κτενομένῳ ἐπαμῶνα. quid, ſi non ἑταίρω ſolum, ſed  
 etiam Δεργέτη? adde, tali uiro, talem cauſſam a-  
 genti. & ego uero hæc officia mercanda uita puto.  
 optimatibus uero tuiſ nihil confido, nihil iam ne in-  
 ſeruiſ quidem. uideo, ut ſe huic dent, ut daturi  
 ſint. quidquam tu illa putas fuiſſe de ualetudine de-  
 creta municipiorum præ hiſ de uictoria gratula-  
 tionibus? timent, inquies. at ipſi tum ſe timuiſſe di-  
 cunt.



cunt . sed uideamus , quid actum sit Brundisij . ex eo fortasse mea consilia nascetur , aliaq. litteræ . Vale .

CICERO S. D. ATTICO. 6

Nos adhuc Brundisio nihil . Roma scripsit Balbus , putare iam Lentulum eos . transmisisse , nec eum a minore Balbo conuentum ; quod is hoc iam Canusij audisset : inde ad se eum scripsisse : cohortesq. sex , quæ Albæ fuissent , ad Curtium Minucia transisse : id Casarem ad se scripsisse , & breui tempore eum ad urbem futurum . ego utar tuo consilio : neque me in Arpinum hoc tempore abdam . etsi , Ciceroni meo togam puram cum dare Arpini uellem , hanc eram ipsam excusationem relicturus ad Casarem . sed fortasse in eo ipso offendetur , cur non Romæ potius . sed tamen , si est conueniendus , hic potissimum . tum reliqua uidebimus , id est & quò , & quâ , & quando . Domitius , ut audio , in Cossano , & quidem , ut aiunt , paratus ad nauigandum : si in Hispaniam , non probo : si ad Cincum , laudo : quouis potius certe , quàm ut Curtium uideat ; quem ego patronus adspicere non possum . quid alios ? sed , opinor , quiescamus ; ne nostram culpam coarguamus ; qui , dum urbem , id est patriam , amamus , dumq. rem conuenturam putamus , ita nos gessimus , ut plane interclusi , captiq. simus . Scripta iam epistola , Capua litteræ sunt allatæ hoc exemplo . Pompeius mare transiit cum omnibus militibus , quos secum habuit . hic numerus est hominum



minum millia xxx, & consules duo, & tribuni  
pl. & senatores, qui fuerant cum eo, omnes cum  
uxoribus, & liberis. Conscendisse dicitur ad iv.  
non. Mart. ex ea die fuere septemtriones uenti. na-  
ues, quibus usus non est, omnes aut præcidisse, aut  
incendisse dicunt. de hac re litteræ L. Metello trib.  
pl. Capuam allatæ sunt ab Clodia socræ, quæ ipsa  
transiit, ante sollicitus eram, & angebar, sicut res  
scilicet ipsa cogebat, cum consilio explicare nihil  
possem: nunc autem, postquam Pompeius, & con-  
sules ex Italia exierunt, nō angor, sed ardeo dolore.

- οὐδέ μοι ἦτορ

ἔμπεδον, ἀλλ' ἀλαλῦκτῆμαι.

non sum, inquam, mihi crede, mentis compos: tan-  
tum mihi dedecoris admisisse uideor. me non pri-  
mum cum Pompeio, qualicumque consilio uso, de-  
inde cum bonis esse, quamuis causâ temere institu-  
ta? præsertim cum ij ipsi, quorum ego causâ timi-  
dius me fortunæ committebam, uxor, filia, Cice-  
rones pueri, me illuc sequi mallerent, hoc turpe, &  
me indignum putarent. nam Quinctus quidem fra-  
ter, quidquid mihi placeret, id rectum se putare  
aiebat, id animo æquissimo sequebatur, tuas nunc  
epistolas a primo lego, hæc me paulum recreant.  
primæ monent, & rogant, ne me proijciam. pro-  
ximæ gaudere te ostendunt, me remansisse. eas  
cum lego, minus mihi turpis uideor, sed tam diu,  
dum lego: deinde emergit rursum dolor, & ἀλεγοῦ  
φασίαν. Quamobrem obsecro te, mi Titæ, eripe  
mibi



## LIB. IX. EPIT.

mihi hunc dolorem, aut minue saltem, aut consolatione, aut consilio, aut quacumque re potes. quid tu autem possis? aut quid homo quisquam? uix iam deus. equidem illud molior, quod tu mones, sperasque fieri posse; ut mihi Caesar concedat, ut absim, cum aliquid in senatu contra Cnaeum agatur. sed timo, ne non impetrem. uenit ab eo Furnius: (ut quidem scias, quos sequamur: Q. Titinii filium cum Casare esse nuntiat) sed illum maiores mihi gratias agere, quam uellem. quid autem me roget, (paucis ille quidem uerbis, sed ἐν δυνάμει) cognosce ex ipsius epistola. me miserum, quod tu non ualuisti. una fuisset: consilium certe non defuisset, συνέδριον ἔρχομεν. sed acta ne agamus: reliqua paremus. me adhuc haec duo fefellerunt, initio spes compositionis; qua facta uolebam, ut populari, ut ea solitudine senectutem nostram liberari: deinde bellum crudele, & exitiosum suscipi a Pompeio intelligebam. melioris mediusfidius ciuis, & uiri putabam, quouis supplicio affici, quam illi crudelitati non solum praesse, uerum etiam interesse. uidetur uel mori satius fuisse, quam esse cum ijs. Ad haec igitur cogita, mi Attice, uel potius excogita. quouis euentum fortius feram, quam hunc dolorem. Vale. Caesar imp. S. D. Ciceroni imp. Cum Furnium nostrum tantum uidissem; neque loqui, neque audire me commodo potuisset; cum properarem, atque assem in itinere, praemissis iam legionibus: praeterire tamen non potui, quin & scriberem

rem



rem ad te, & illum mitterem, gratiasq. agerem. etsi hoc officium & feci saepe, & saepius mihi facturus uideor: ita de me mereris. in primis a te peto, quoniam confido me celeriter ad urbem uenturum, ut te ibi uideam; ut tuo consilio, gratia, dignitate, ope omnium rerum uti possim. Ad propositum reuertar: festinationi meae, breuitatiq. litterarum ignosces. reliqua ex Furnio cognosces. Vale.

CICERO S. D. ATTICO. 7

SCRIPSERAM ad te epistolam, quam darem IV. id. sed eo die is, cui dare uolueram, non est profectus. uenit autem eo ipso die ille celeripes, quem Saluius dixerat: attulit uberrimas tuas litteras; quae mihi quiddam, quo stare, instillarunt. recreatum enim me non queo dicere. sed plane τὸ σωέχον effecisti. ego enim nō iam id ago, mihi crede, ut prosperos exitus consequar. sic enim uideo, nec, duobus his uiuis, nec, hoc uno, nos umquam remp. habituros. ita neque de otio nostro spero iā, nec ullam acerbitatem recusō. unum illud extimefcebam, ne quid turpiter facerem, uel, dicam, iam effecissem. sic ergo habeto, salutare te mihi litteras misisse, neque solum has longiores, quibus nihil potest esse explicatius, nihil perfectius, sed etiā illas breuiores, in quibus hoc mihi iucundissimum fuit, consilium, factumq. nostrum ab Sexto probari. pergratumq. mihi tu fecisti; a quo diligere me, & quid rectum sit, intelligi, scio. Longior uero

X tua



LIB. VIII. EPIST.

tua epistola non me solum, sed meos omnes aegritudine leuauit, itaque utar tuo consilio, & ero in Formiano: ne aut ad urbem ἀπάντησις mea animaduertatur; aut, si nec hic, nec illic eum uidero, deuitatum se a me putet. Quod autem suades, ut ab eo petam, ut mihi concedat, ut idem tribuam Pompeio, quod ipsi tribuerim: id me iam pridem agere intelliges ex litteris Balbi, & Oppij: quarum exempla tibi misi: misi etiam Caesaris ad eos sana mente scriptas: quo modo in tanta insania? sin mihi Caesar hoc non concedat; uideo tibi illud placere, me πολίτευμα de pace suscipere: in quo non extimesco periculum. cum enim tot impendeant, cur non honestissimo de pacisci uelim? sed uereor, ne Pompeio quid oneris imponam;

μή μοι γοργεῖν κεφαλὴν δεινοῦ πελώρου  
intorqueat: mirandum enim in modum Cnæus noster Sullani regni similitudinem cōcupiuit. εἰδώς σοι λέγω. nihil, inquam, ille minus obscure tulit. Cum hoc ne igitur, inquires, esse uis? Beneficium sequor, mihi crede, non causam, ut in Milone, ut in. sed hætenus. Causa igitur non bona est? immo optima: sed agetur (memento) fœdissime. primum, consilium est, suffocare urbem, & Italiam fame: deinde, agros uastare, urere, pecunijs locupletum non abstinere. sed, cum eadem metuam ab hac parte; si illinc beneficium non sit, rectius putem quiduis domi perpeti: sed ita meruisse illum de me puto, ut ἀχαρίστας crimen subire non audeam. quāquam  
ate



a te eius quoque rei iusta defensio est explicita.  
 De triumpho tibi assentior. quem quidem totum facile, & libenter abiecero. egregie probò fore, ut, dum agamus, ὁ πλοῦς ὠρεῖται obrepat: si modo, inquis, satis ille erit firmus. est firmior etiam, quam putabamus. de isto licet bene speres. promitto tibi, si ualebit, tegulam illum in Italia nullam relicturum. te ne igitur socio? contra mehercule meum iudicium, & contra omnium antiquorum auctoritatem: nec tam ut illa adiuuem, quam ut hæc ne uideam, cupio discedere. noli enim putare tolerabiles horum insanias, nec uniusmodi fore. etsi quid te horum fugit, legibus, iudicijs, senatu sublato, libidines, audacias, sumptus, egestates tot egentissimorum hominum nec priuatas posse res, nec remp. sustinere? abeamus igitur qualibet nauigatione: etsi id quidem, ut tibi uidebitur: sed certe abeamus. sciemus enim, id quod exspectas, quid Brundisii actum sit. Bonis uiris quodais probari, quæ adhuc fecerimus, sciriq. ab ijs non profectis: ualde gaudeo; si est nunc ullus gaudendi locus. \*

De Lentulo inuestigabo diligentius: id mandauit Philotimo, homini forti, ac nimium optimati. Extremum est, ut tibi argumentum ad scribendum fortasse iam desit, nec enim alia de re nunc ulla scribi potest: & de hac quid iam amplius inueniri potest? sed quoniam & ingenium suppeditat, (dico mehercule, ut sentio) & amor, quo & meum ingenium incitatur: perge, ut facias, & scri-

X 2 be,



LIB. IX. EPIST.

be, quantum potes. In Epirum quod me non inui-  
tas, comitem non molestum: subirascor: sed uale.  
nam, ut tibi ambulandum, ungendum, sic mihi dor-  
miendum. etenim litteræ tuæ mihi somnum attule-  
runt. Cenantibus pridie idus nobis, ac noctu qui-  
dem, Staius a te epistolam breuem attulit. De  
L. Torquato quid modo quæris? non modo Lucius,  
sed etiam Aulus profectus est, alij multi. De Rea-  
tinorum corona, quod scribis; moleste fero, in a-  
gro Sabino sementem fieri proscriptionis. Sena-  
tores multos esse Romæ, nos quoque audieramus.  
ecquid potes dicere, cur exierint? in his locis opi-  
nio est, coniectura magis, quàm nuntio, aut litte-  
ris, Cæsarem Formijs ad XI. kal. Apr. fore. hic  
ego uellem habere Homeri illam Mineruam simu-  
latam Mentori, cui dicerem:

Μέντορ πῶς τ' ἄρ' ἴω, πῶς τ' ἄρ' προσήσομαι αὐτόν;  
nullam rem umquam difficiliorem cogitavi: sed co-  
gito tamen; nec ero, ut in malis, imparatus. sed  
cura, ut ualeas. puto enim diem tuum heri fuisse.  
Cæsar Oppio, Cornelio S. Gaudeo mehercule  
uos significare litteris, quàm ualde probetis ea,  
quæ apud Corfinium sunt gesta. consilio uestro utar  
libenter, & hoc libentius, quod mea sponte face-  
re constitueram, ut quamlenissimum me præbe-  
rem; & Pompeium, darem operam, ut reconci-  
liarem. tentemus, hoc modo si possumus omnium  
uoluntates recuperare, & diuturna uictoria uti:  
quoniam reliqui crudelitate odium effugere non po-  
tue-



tuerunt, neque uictoriam diutius tenere, præter unum L. Sullam, quem imitaturus non sum. hæc noua sit ratio uincendi; ut misericordia, & liberalitate nos muniamus. id quemadmodum fieri possit, non nulla mihi in mentem ueniunt, & multa reperiri possunt. De his rebus, rogo uos, ut cogitationem suscipiatis. Cn. Magium, Pompeij præfectum, deprehendi: scilicet meo instituto usus sum, & eum statim missum feci. iam duo præfecti fabrum Pompeij in meam potestatem uenerunt, & a me missi sunt. si uolent grati esse, debebunt Pompeium hortari, ut malit mihi esse amicus, quàm ijs, qui & illi, & mihi semper fuerunt inimicissimi: quorum artificijs effectum est, ut resp. in hunc statum perueniret. Vale. Balbus Ci-

ceroni imp. S. Subito, postea quàm litteras communes cum Oppio ad te dedi, ab Cæsare epistolam accepi, cuius exemplum tibi misi; ex quibus perspicere poteris, quàm cupiat concordiam, & Pompeium reconciliare, & quàm remotus sit ab omni crudelitate: quod eum sentire, ut debeo, ualde gaudeo. De te, & tua fide, & pietate idem mehercule, mi Cicero, sentio, quod tu, non posse tuam famam & officium sustinere, ut contra eum arma feras, a quo tantum beneficium te accepisse prædicēs. Cæsarem hoc idem probaturum, exploratum, pro singulari eius humanitate, habeo: eiq. cumulatissime satisfacturum te certo scio, cum nullam partem belli contra eum suscipias, neque socius

X 3 eius



## LIB. IX. EPIST.

eius aduersarijs fueris . atque hoc non solum in te ,  
 tali , & tanto uiro , satis habebit ; sed etiam mihi  
 ipse sua concessit bonitate , ne in ijs castris essem ,  
 quæ contra Lentulum , aut Pompeium futura es-  
 sent ; quorum beneficia maxima haberem : sibiq. sa-  
 tis esse dixit , si togatus urbana officia sibi præstitis-  
 sem ; quæ etiam illi , si uellem , præstare possem ,  
 itaque nunc Romæ omnia negotia Lentuli procu-  
 ro , sustineo ; meumq. officium , fidem , pietatem  
 ijs præsto . sed mehercule rursus tam abiectam  
 compositionis spem non desperatissimam esse puto :  
 quoniam Cæsar est ea mente , qua optare debe-  
 mus . hac re mihi placet , si tibi uidetur , te ad eum  
 scribere , & ab eo præsidium petere , ut petisti a  
 Pompeio , me quidem approbante , temporibus  
 Milonianis . præstabo ( si Cæsarem bene noui )  
 eum prius tuæ dignitatis , quàm suæ utilitatis ra-  
 tionem habiturum . Hæc quàm prudenter tibi scri-  
 bam , nescio : sed illud certe scio , me ab singulari  
 amore , ac beneuolentia , quacunque scribo , tibi  
 scribere : quòd te ( ita , incolumi Cæsare , moriar )  
 tanti facio , ut paucos æque ac te caros habem . De  
 hac re cum aliquid constitueris , uelim mihi scribas .  
 nam non mediocriter laboro , ut utrique , ut uis ,  
 tuam beneuolentiam præstare possis : quam meher-  
 cule te præstaturum confido . Fac ualeas .

Balbus , & Oppius S. D. M. Ciceroni . Ne-  
 dum hominum humilium , ut nos sumus , sed etiam  
 amplissimorum uirorum consilia ex euentu , non ex



uoluntate, a plerisque probari solent: tamen freti tua humanitate, quod uerissimum nobis uidebitur, de eo, quod ad nos scripsisti, tibi consilium dabimus: quod si non fuerit prudens, at certe ab optima fide, & optimo animo proficiscetur. Nos, nisi id, quod nostro iudicio Cæsarem facere oportere existimamus, ut, simul Romam uenerit, agat de reconciliatione gratiæ suæ, & Pompeij; id eum facturum, ex ipso cognouissemus: te hortari desinere remus, ut uelles his rebus interesse, quo facilius, & maiore cum dignitate per te, qui utrique es coniunctus, res tota consieret: aut, si ex contrario putaremus, Cæsarem id non facturum; & eum uelle cum Pompeio bellum genere, sciremus; numquam tibi suaderemus, contra hominem optime de te meritum arma ferres; sicuti te semper orauimus, ne contra Cæsarem pugnares. sed cum etiamnum, quid factururus Cæsar sit, magis opinari, quam scire, possimus; non possumus nisi hoc, non uideri eam tuam esse dignitatem, neque fidem omnibus cognitam, ut contra alterutrum, cum utrique sis maxime necessarius, arma feras: & hoc, non dubitamus, quin Cæsar pro sua humanitate maxime sit probaturus. nos tamen (si tibi uidebitur) ad Cæsarem scribemus, ut nos certiores faciat, quid in hac re acturus sit. a quo si erit nobis rescriptum, statim, quæ sentiemus, ad te scribemus, & tibi fidem faciemus, nos ea suadere, quæ nobis uidentur tuæ dignitati, non Cæsaris rationi, esse utilissi-



ma. & hoc Casarem, pro sua indulgentia in suos, probaturum putamus. Vale.

CICERO S. D. ATTICO. 8

TRES epistolas tuas accepi postridie iduum: erant autem IV. III. prid. id. datæ. igitur antiquissimæ cuique primum respondebo. Assentio tibi, ut in Formiano potissimum commorer. & iam de  
 \* supero mari plaboque, ut antea ad te scripsi, et quonam modo possem uoluntate eius nullam reip. partem attingere. Quod laudas, quia obliuisci me scripsi ante facta, & dicta nostri amici: ego uero ita facio: quin ea ipsa, quæ a te commemorantur, secus ab eo in me ipsum facta esse, non memini: tanto plus apud me ualere beneficij gratiam, quàm iniuriæ dolorem, uolo. faciamus igitur, ut censes, col-  
 \* ligamusq. nos: festiuo enim simili urus decurro, atque cursu. Græcis meas cōmentari non desino: sed sunt quædam earum perdifficiles ad iudicandum. De optimatibus, sit sane ita, ut uis: sed nosti illud, Διόνυσος ἐν Κορίνθῳ. Titinij filius apud Casarem est. Quod autem quasi uereri uideris, ne mihi tua consilia displiceant: me uero nihil deletat aliud, nisi consilium, & litteræ tuæ. quare fac, ut ostendis, ne destiteris ad me, quidquid tibi in mentem uenerit, scribere. mihi nihil potest esse gratius. Venio ad alteram nunc epistolam. Recte non credis de numero militum. ipso dimidio plus scripsit Clodia. falsum etiam de corruptis nauibus.



uibus. Quod consules laudas; ego quoque animum laudo, consilium reprehendo. discessu enim illorum, actio de pace sublata est: quam quidem ego meditabar: itaque postea Demetrii librum de concordia tibi remisi, & Philotimo dedi. nec uero dubito, quin exitiosum bellum impendeat, cuius initium ducetur a fame. & me tamen doleo non interesse huic bello; in quo tanta uis sceleris futura est, ut, cum parentes non alere nefarium sit, nostri principes antiquissimam, & sanctissimam parentem patriam fame necandam putent. atque hoc non opinione timeo, sed interfui sermonibus. omnis hæc classis Alexandria, Colchis, Tyro, Sidone, Andro, Cypro, Pamphylia, Licia, Rhodo, Chio, Byzantio, Lesbo, Smyrna, Mileto, Co, ad intercludendos commeatus Italiae, & ad occupandas frumentarias prouincias comparatur. at quàm uenit iratus, & ijs quidem maxime, qui eam maxime saluam uolebant, quasi relictus ab ijs, quos reliquit. itaque mihi dubitanti, quid me facere par sit, permagnum pondus affert beneuolentia erga illum; qua dempta, perire melius esset in patria, quàm patriam seruando euertere. De septemtrione, plane ita est. metuo, ne uexetur Epirus. sed quem tu locum Græciæ non direptum iri putas? prædicat enim palam, & militibus ostendit, se largitione ipsa superiorem, quàm hunc, fore. Illud me præclare admones, cum illum uidero, ne nimis indulgenter, & ut cum grauitate potius loquar. plane sic faciendum. Arpinum,  
cum



## LIB. IX. EPIST.

*cum eum conuenero, cogito; ne forte aut absim, cum ueniet, aut cursem huc illuc uia deterrima. Bibulum, ut scribis, audio uenisse, & redisse prid. id. Philotimum, ut ais epistola tertia, expectabas: at ille idibus a me profectus est. eo serius ad tuam illam epistolam, cui ego statim rescripseram, reddita sunt mea litteræ. De Domitio, ut scribis, ita opinor esse, ut & in Cossano sit, & consilium eius ignoretur. Iste omnium turpissimus, & sordidissimus, qui consularia comitia a prætore ait haberi posse, est idem, qui semper in rep. fuit. itaque nimirum hoc illud est, quod Cæsar scribit in ea epistola, cuius exemplum ad te misi, se uelle uti consilio meo: age, esto hoc commune: gratia: ineptum id quidem: sed, puto, hoc simulat ad quasdam senatorum sententias: dignitate, fortasse sententia consularis. illud extremum est, ope omnium rerum. id, ego suspicari cæpi tum ex tuis litteris, aut hoc ipsum esse, aut non multo secus. nam permagni eius interest, rem ad interregnum non uenire. id assequitur, si per prætorem consules creantur. nos autem in libris habemus, non modo consules a prætoribus, sed ne prætores quidem creari ius esse, idq. factum esse numquam: consules, eo non esse ius, quod maius imperium a minore rogari non sit ius: prætores autem, cum ita rogentur, ut collegæ consulum sint, quorum est maius imperium. aberit non longe, quin hoc a me decerni uelit, neque sit contentus Galba, Scauola, Cassio, Antonio.*



- τότε μοι χάνοι ἀρεῖα χθών.

*sed quanta tempestas impendeat, uides. Qui transierint senatores, scribam ad te, cum certum habebō. De re frumentaria recte intelligis; quæ nullo modo administrari sine uectigalibus potest: nec sine causa et eos, qui circum illum sunt, omnia postulantes, & bellum nefarium times. Trebatium nostrum, etsi, ut scribis, nihil bene sperat, tamen uidere sane uelim. quem fac horteris, ut properet. oportune enim ad me ante aduentum Cæsaris uenerit. De Lanuino, statim, ut audiui Phameam mortuum, optaui, si modo esset futura res. ut id aliquis emeret meorum: neque tamen ad te, qui maxime meus, cogitaui. sciebam enim, de quoto anno, & quantum in solo, solere quærere: neque solum Romæ, sed etiam Delituum digamma uideram. uerum tamen ego illud, quamquam est bellum, minoris æstimo, quàm æstimabatur Marcellino consule; cum ego istos hortulos propter domum, Antij quam tum habebam, iucundiores mihi fore putabam, & minore impensa, quàm si Tusculanum refecissem. uolui H S Q. egi per prædem, illi daret, Antij cum haberet uenale: noluit. sed nunc omnia ista iacere puto propter nummorum caritatem. mihi quidem erit aptissimum, uel nobis potius, si tu emeris. sedeius dementias caue contemnas. ualde est uenustum. quamquam mihi ista omnia iam addicta uasitati uidentur. Respondi epistolis tribus:*  
*sed*



*sed exspecto tuas . nam me adhuc tuæ litteræ susten-  
tarunt . Dat. Liberalibus.*

CICERO S. D. ATTICO. 9

NIHIL habebam , quod scriberem : neque enim noui quidquam audieram : & ad tuas omnes res scripseram pridie : sed , cum me ægritudo non solum somno priuaret , uerum ne uigilare quidem sine summo dolore pateretur ; tecum ut quasi loquerer , in quo uno acquiesco , hoc nescio quid , nullo argumento proposito , scribere institui . Amens mihi fuisse uideor a principio , et me una hæc res torquet , quòd non omnibus in rebus labentem , uel potius ruentem Pompeium tãquam unus manipularis secutus sim . uidi hominem **XIV.** kal. Febr. plenum formidinis . illo ipso die sensi , quid ageret . numquam mihi postea placuit : nec umquam aliud in alio peccare destitit . nihil interim ad me scribere , nihil nisi fugã cogitare . quid quæris ? sicut ἐν τοῖς ἐρωτικοῖς alienantur immundæ , insulsæ , indecoræ : sic me illius fugæ , negligentiaeq. deformitas auertit ab amore . nihil enim dignum faciebat , quare eius fugæ comitem me adiungerem . nunc emergit amor : nunc desiderium ferre non possum : nunc mihi nihil libri , nihil litteræ , nihil doctrina prodest . itaque dies & noctes , tamquam auis illa , mare prospecto , euolare cupio . do , do pœnas temeritatis meæ . etsi quæ fuit illa temeritas ? quid feci non consideratissime ? si enim nihil  
præter



præter fugam quæreretur; fugissem libentissime:  
sed genus belli crudelissimi, & maximi, quod, non  
dum uident homines, quale futurum sit, perhor-  
rui. quæ minæ municipijs? quæ nominatim ui-  
ris bonis? quæ denique omnibus, qui remansissent?  
quàm crebro illud? Sulla potuit; ego non potero?  
mibi autem hæserunt illa. Male Tarquinius, qui  
Porsenam, qui Octauium Mamilium contra pa-  
triam: impie Coriolanus, qui auxilium petijt a Vol-  
scis: recte Themistocles, qui mori maluit: nefarius  
Hippias, Pisistrati filius, qui in Marathonia pugna  
cecidit, arma contra patriam ferens. At Sulla, at  
Marius, at Cinna recte. immo iure fortasse: sed  
quid eorum uictoria crudelius? quid funestius? hu-  
ius belli genus fugi, & eo magis, quod crudeliora  
etiam cogitari, & parari uidebam. me, quem non  
nulli conseruatorem istius urbis, quem parentem  
esse dixerunt, Getarum, & Armeniorum, &  
Colchorum copias ad eam adducere? me meis ciui-  
bus famem, uastitatem inferre Italiæ? hunc pri-  
mum mortalem esse, deinde etiam multis modis  
posse extingui cogitabam: urbem autem, & popu-  
lum nostrum seruandum ad immortalitatem, quan-  
tum in nobis esset, putabam. & tamen spes quæ-  
dam me obtentabat, fore, ut aliquid conueniret  
potius, quàm aut hic tantum sceleris, aut ille tan-  
tum flagitij admitteret. alia res nunc tota est, a-  
lia mea. Sol, ut est in tua quadam epistola, excidis-  
se mihi e mundo uidetur. ut egroto, dum anima  
est,



## LIB. IX. EPIST.

est, spes esse dicitur; sic ego, quoad Pompeius in Italia fuit, sperare non destiti. hæc me fefellerunt; & ut uerum loquar, ætas iam a diuturnis laboribus deuexa ad otium, domesticarum me rerum delectatione molliuit. nunc siue periculo experiundum erit, experiar certe, ut hinc auolem. ante oportuit fortasse: sed ea, quæ scripsisti, me tardarunt, & auctoritas maxime tua. nam cum ad hunc locum uenissem, euolui uolumen epistolarum tuarum, quod ego sub signo habeo, seruoq. diligentissime. erat igitur in ea, quam x. kal. Febr. dederas, hoc modo. SED uideamus, & Cnæus quid agat, & illius rationes quorum fluant. quod si iste Italiam relinquet; faciet omnino male, & ut ego existimo, ἀλογίως; sed tum demum consilia nostra commutanda erunt. Hoc scribis post diem quartum, quàm ab urbe discessimus. deinde viii. kal. Feb. TANTVM MODO Cnæus noster ne, ut urbem ἀλογίως reliquit, sic Italiam relinquat. Eodem die das alteras litteras, quibus mihi consulenti planissime respondes: est enim sic. SED uenio ad consultationem tuam. si Cnæus Italia cedit, in urbem redeundum puto. qui enim finis peregrinationis? hoc mihi plane hæsit: & nunc ita uideo, infinitum bellum iunctum miserrima fuga; quam tu peregrinationem ὑποκορίζῃ. Sequitur χροσμός vi. kal. Febr. EGO, si Pompeius manet in Italia, nec res ad pacem uenit, longius bellum puto fore: sin Italiam relinquit, ad posterum bellum ἀπορροδοῦν strui existimo.

huius



Huius igitur belli ego particeps, & socius, & adiutor esse cogor; quod & ἀσπονδον, & cum ciuibus. Deinde VI. id. Febr. cū iam plura audires de Pompeij consilio, concludis epistolam quandam hoc modo. EGO quidem tibi non sim auctor, si Pompeius Italiam relinquit, te quoque profugere. summo enim periculo facies, nec reip. proderis; cui quidem posterius poteris prodesse, si manseris. Quem φιλόπατρι, ἀσπολιτικὸν hominis prudentis, et amici tali admonitu non moueret auctoritas? Deinceps III. id. Febr. iterum mihi respondes cōsulenti, sic. QVOD quæris a me, fugam ne fidam, an moram deferendam utiliorem putem: ego uero in præsentia \* subitum discessum, & præcipitem profectiōem cum tibi, tum ipsi Cnæo inutilem, & periculosam puto: & satius esse existimo, uos dispertitos, et in speculis esse: sed mediūsfidius turpe nobis puto esse de fuga cogitare. Hoc turpe Cnæus noster biennio ante cogitauit: ita Sullaturit animus eius, & proscripturū diu. Inde, ut opinor, cum tu ad me quædam γενικώτερον scripsisses, & ego mihi a te quædam significari putassem, ut Italia cederem; destaris hoc diligenter XI. kal. Mart. EGO uero nulla epistola significauī, si Cnæus Italia cederet, ut tu una cederes: aut, si significauī, non dico fui inconstans, sed demens. In eadē epistola alio loco. NIHIL relinquitur, nisi fuga: cui te socium nequiquā puto esse oportere, nec umquā putauī. Totam autem hanc deliberationem euoluīs accuratius in litteris



## LIB. IX. EPIT.

VII. kal. Mart. datis. SI M. Lepidus, et L. Volcatius remanent, manendum puto, ita, ut, si saluus sit Pompeius, & constiterit alicubi, hanc vexilum relinquo, & te in certamine uinci cum illo facilius patiaris, quàm cum hoc in ea, quæ perspicitur futura, colluue regnare. Multa disputas huic sententiæ conuenientia. inde ad extremum. QUID SI, inquis, Lepidus, & Volcatius discedunt? plane ἀπορῶ, quod euenerit igitur, & quod egeris, id σερκτέον putabo. Si tum dubitares, nunc certe non dubitas, istis manentibus. Deinde in ipsa fuga V. kal. Mart. INTEREA non dubito, quin in Formiano mansurus sis. commodissime enim τὸ μέλλον ibi παραδοχήσεις. Ad kal. Mart. cum ille quintum iam diem Brundisij esset. TVM poterimus deliberare, non scilicet integrare, sed certe minus infracta, quàm si una proieceris te. Deinde IV. non. Mart. ὑπὸ τὴν ληΐν cum breuiter scriberes, tamen ponis hoc. CRAS scribam plura, & ad omnia: hoc tamen dicam, non penitere me consilij de tua mansione: &, quamquam magna solitudine, tamen, quia minus mali puto esse, quàm in illa profectioe, maneo in sententia, et gaudeo te mansisse. Cum uero iam angerer, & timerem, ne quid a me dedecoris esset admissum; III. non. Mart. TAMEN, te non esse una cum Pompeio, non fero moleste. postea, si opus fuerit, non erit difficile: & illi, quoquo tempore fiet, erit ἀσμένισον. sed hoc ita dico: si hic, qua ratione initium fecit, eadem cetera



cetera aget, sincere, temperate, prudenter; ualde uidero, & consideratius utilitati nostræ consulero. VII. id. Mart. scribis, Peduc eo quoque nostro probari, quod quierim: cuius auctoritas multum apud me ualet. His ego tuis scriptis me conso-  
lor, ut nihil a me adhuc delictum putem. tu modo auctoritatem tuam defendito aduersus me. nihil opus esse, conscius ego, alijs. ego, si nihil peccaui, reliqua tuebor. ad ea tute hortare, & me omnino tua cogitatione adiuna. Hic nihil dum de reditu Cæsaris audiebatur. Ego his litteris hoc tamen profeci: perlegi omnes tuas, & in eo acquieui. Lentulum nostrum scis Puteolis esse? quod cum è uiatore quodam esset auditum, qui se diceret, eum in Appia, cum is paullum leſticam aperuiſſet, cognosse, & si uix ueri simile, miſi tamen Puteolos pueros, qui perueſtigarent, & ad eum litteras. inuentus est uix, in hortis ſuis ſe occultans: litterasq. mihi remiſit, mirifice gratias agens Cæsari: de ſuo autem conſilio C. Cæcio mandata ad me dediſſe. eum ego hodie exſpectabam, id eſt XIV. kal. Apr. Venit etiam ad me Matius Quinquatribus, homo mehercule, ut mihi uiſus eſt, temperatus, & prudens: exiſtimatus quidem eſt ſemper auctor otij. quàm ille hæc non probare mihi quidem uiſus eſt, quàm illam *νεχράν*, ut tu appellas, timere. huic ego in multo ſermone epiſtolam ad me Cæsaris oſtendi, eam, cuius exemplum ad te antea miſi: rogauique, ut interpretaretur, quid eſſet, quod ille ſcriberet,

Υ conſilio



## LIB. IX. EPIST.

consilio meo se uti uelle, gratia, dignitate, opere-  
rum omnium, respondit, se non dubitare, quin &  
opem, et gratiam meam ille ad pacificationem qua-  
reret. utinam aliquod in hac miseria reip. πολιτικὸν  
opus efficere, & nauare mihi liceat. Matus qui-  
dem & illum in ea sententia esse confidebat, & se  
auctorem fore pollicebatur. Pridie autem apud me  
Crassipes fuerat, qui se pridie non. Mart. Brundi-  
sio profectum, atque ibi Pompeium reliquisse dice-  
bat: quod etiam, qui VII. id. illinc profecti erant,  
nuntiabant: illa uero omnes, in quibus etiam Cras-  
sipes, qui prudentia potuit attendere, sermones  
minaces, inimicos optimatum, municipiorum ho-  
stes, meras proscriptiones, meros Sullas: quæ Luc-  
ceium loqui, quæ totam Græciam, quæ uero Theo-  
phanem. & tamen omnis spes salutis in illis est: &  
ego excubo animo, nec partem ullam capio quietis:  
& ut has pestes effugiam, cum dissimillimis nostri  
esse cupio. quid enim tu illuc Scipionem, quid Fau-  
stum, quid Libonem prætermisurum sceleris pu-  
tas? quorum creditores conuenire dicuntur. quid  
eos autem, cum uicerint, in ciues effecturos? quam  
uero putas μακροβυχίαν Cnæi nostri esse? nuntiant,  
Ægyptum, & Arabiam ἀδύμωνα cogitare, Hi-  
spaniam abiecisse. monstra narrant: quæ falsa esse  
possunt: sed certe & hæc perdita sunt, & illa non sa-  
lutaria. Tuas litteras iam desidero. post fugam  
nostram numquam tantum earum interuallum fuit.  
Misi ad te exemplum litterarum mearum ad Cæ-  
sarem;



sarem; quibus me aliquid profecturum puto. Vale.  
Cicero imp. s. D. Casari imp. Ut legi  
tuas litteras, quas ab Furnio nostro acceperam,  
quibus mecum agebas, ut ad urbem essem; te uel-  
le uti consilio, & dignitate mea: minus sum admi-  
ratus: de gratia, & de ope quid significares, me-  
cum ipse querebam: spe tamen deducebar ad eam  
cogitationem, ut te pro tua admirabili, ac singula-  
ri sapientia de otio, de pace, de concordia ciuium  
agi uelle arbitrarer: & ad eam rationem existima-  
bam satis aptam esse & naturam, & personam  
meam. quod si ita est; & si qua de Pompeio nostra  
tuendo, & tibi, ac reip. reconciliando cura te attin-  
git: magis idoneum, quàm ego sum, ad eam caus-  
sam profecto reperies neminem: qui & illi semper,  
& senatui, cum primum potui, pacis auctor fui;  
nec, sumptis armis, belli ullam partem attigi; iu-  
dicauiq. te eo bello uiolari, contra cuius honorem,  
populi R. beneficio concessum, inimici, atque inui-  
di niterentur. sed ut eo tempore non modo ipse au-  
ctor dignitatis tuæ fui, uerum etiam ceteris auctor  
ad te adiuuandum: sic me nunc Pompeij dignitas  
uehementer mouet. aliquot enim sunt anni, cum  
uos duos delegi, quos præcipue colerem, & quibus  
essem, sicut sum, amicissimus. Quamobrem a te pe-  
to, uel potius precibus omnibus oro, & obtestor,  
ut in tuis maximis curis aliquid impertias temporis  
huic quoque cogitationi, ut tuo beneficio bonus uir,  
gratus, pius denique esse in maximi beneficij me-



## LIB. IX. EPIST.

moria possim. quæ si tantum ad me ipsum pertine-  
rent, sperarem me a te tamen impetraturum: sed,  
ut arbitror, & ad tuam fidem, & ad remp. perti-  
net, me & pacis, et utriusque uestrum, et ad ciuium  
concordiam, per te, quam accommodatissimum,  
conseruari. Ego, cum antea tibi de Lentulo gratias  
egissem, cum ei saluti, qui mihi fuerat, fuisses; ta-  
men, eius litteris lectis, quas ad me gratissimo ani-  
mo de tua liberalitate, beneficioq. misit, eandem  
me salutem a te accepisse putavi, quam ille. in quem  
si me intelligis esse gratum; cura, obsecro, ut etiam  
in Pompeium esse possim. Vale.

CICERO S. D. ATTICO. IO

LEGEbam tuas litteras XIII. kal. cum mi-  
hi epistola affertur a Lepta, circumuallatum esse  
Pompeium, ratibus etiam exitus portus teneri.  
non mediusfidius præ lacrymis possum reliqua nec  
cogitare, nec scribere. nisi ad te exemplum. mi-  
seros nos, cur non omnes fatum illius una executi  
sumus? ecce eadem a Matio, & Trebatio: quibus  
Minturnis obuij Caesaris tabellarij. torqueor infe-  
lix, ut iam illum Mucianum exitum exoptem. at  
quàm honesta, at quàm expedita tua consilia, quàm  
enigilata tuis cogitationibus quàm itineris, quàm nau-  
igationis, quàm congressus, sermonisq. cum Casare?  
omnia tum honesta, tum cauta. in Epirum uero  
inuitatio quàm suavis, quàm liberalis, quàm fra-  
terna? De Dionysio, sum admiratus: qui apud me  
honoratior



honoratior fuit, quàm apud Scipionem Panætius :  
a quo impurissime hæc, hæc nostra fortuna despecta  
est. odi hominem, & otero : utinam ulcisci possem :  
sed illum ulciscuntur mores sui. Tu, quæso, nunc  
uel maxime, quid agendum nobis sit, cogita. Popu-  
li R. exercitus Cn. Pompeium circumfidet : fossa et  
uallo septum tenet : fuga prohibet : nos uiuimus, et  
stat urbs ista ? prætores ius dicunt ? ædiles ludos pa-  
rant ? uiri boni usuras perscribunt ? ego ipse sedeo ?  
coner illuc ire, ut insanus ? implorare fidem munici-  
piorum ? boni non sequentur ; leues irridebunt ; re-  
rum nouarum cupidi, uictores præsertim, & ar-  
mati, uim, & manus afferent. Quid censes igitur ?  
ecquidnam est tui consilij ? ad finis huius miserrimæ \*  
uitæ ? nunc doleo, nunc torqueor, cum quibusdam  
aut sapiens uideor, quòd una non ierim, aut felix  
fuisse. mihi contra: numquam enim illius uictoriæ so-  
cius esse uolui ; calamitatis mallem fuisse. quid ego  
nunc tuas litteras, quid tuam prudentiam, aut be-  
neuolentiam implorem ? actum est. nulla re iam  
possum iuari, quine quid optem quidem iam ha-  
beo, nisi ut aliqua inimici misericordia liberetur.  
οὐκ ἔστι τυμὸς λόγος, ut opinor, ille de ratibus. quid  
enim est, quod Dolabella ij litteris, quas IIII.  
id. Mart. a Brundisio dedit, hanc Ἐμπόριον quasi  
Cæsaris scriberet, Pompeium in fuga esse ? eumq.  
primo uento navigaturum ? quod ualde discrepat  
ab ijs epistolis, quarum exempla antea ad te misi.  
hic quidem mera scelera loquuntur : sed non erat



## LIB. IX. EPIST.

nec recentior auctor, nec huius rei quidem melior  
Dolabella. Vale.

CICERO S. D. ATTICO. II

TVAS XI. kal. accepi litteras, quibus omnia  
consilia difers in id tempus, cum scierimus, quid  
actum sit. & certe ita est: nec interim potest quid-  
quam statui, ne cogitari quidem. quamquam hæ mi-  
hi litteræ Dolabellæ iubent ad pristinas cogitatio-  
nes reuerti. fuit enim pridie Quinquatrus egregia  
tempestas, qua ego illum usum puto. συναγωγὴ  
consiliorum tuorum non est a me collecta ad querel-  
lam, sed magis ad consolationem meam. nec enim  
me tam hæc mala angebant, quàm suspicio culpæ,  
ac temeritatis meæ. eam nullam puto esse; quo-  
niam cum consilijs tuis mea & facta, et consilia con-  
sentiunt. Quod me a prædicatione factum esse scri-  
bis magis, quàm illius merito, ut tantum ei debe-  
re uiderer: est ita. ego illa extuli semper, & eo  
quidem magis, ne quid illi superiorum meminisse  
me putaret. quæ si maxime meminissem, tamen  
illius temporis similitudinem iam sequi deberem.  
nihil me adiuuit, cum posset: et postea fuit amicus,  
& tam ualde: et quam ob causam, plane scio. ergo  
ego quoque illi. quin etiam illud par in utroque no-  
strum, quod ab eisdem illecti sumus. sed utinam  
tantum ego ei prodesse potuissem, quantum ille mi-  
hi potuit. mihi tamen, quod fecit, est gratissimum,  
nec ego, eum nunc iuuare qua re possim, scio: nec  
si



si possem, cum tam pestiferum bellum pararet, ad-  
 iuuandum putarem. tantum offendere animum eius  
 hic manens nolo. nec mehercule ista uidere, quæ tu  
 potes iam animo prouidere, nec interesse istis malis  
 possem: sed eo tardior ad discedendum fui, quòd dif-  
 ficile est de discessu uoluntario sine ulla spe reditus  
 cogitare. nam ego hunc ita paratum uideo pedita-  
 tu, equitatu, classibus, auxilijs Gallorum, quos  
 Matius ἐσάλπιζεν, ut puto, sed certe dicebat, pe-  
 ditum, equitum se polliceri sumptu suo annos de-  
 cem. sed sit hoc λάπισμα. magnas habet certe co-  
 pias, & habebit non ille uectigal, sed ciuium bona.  
 adde confidentiam hominis. adde imbecillitatem bo-  
 norum uirorum; qui quidem, quòd illum sibi me- \*  
 rito iratum putant, oderunt. ut tu scribis ludum. \*  
 ac uellem, scribis, quisnam hic significasset. sed & \*  
 isle, quia plus ostenderat, quàm fecit, & uulgo il-  
 lum, qui amarunt, non amant. municipia uero, &  
 rustici Romani illum metuunt, hunc adhuc dili-  
 gunt. quare ita paratus est, ut, etiam si uincere non  
 possit, quo modo tamen ipse uinci possit, nò uideam.  
 ego autem non tam γοντεΐαν huius timeo, quàm  
 παιδανάγκην. αἱ γὰρ τῶν τυράννων δεήσεις, inquit  
 Πλάτων, οἷδ' ὅτι μεμιγμέναι ἀνάγκαις. Illa ἀλίμενα  
 uideo tibi non probari: quæ ne mihi quidem place-  
 bant: sed habebam in illis et occultationem, et ὑπη-  
 ρεΐαν fidelem, quæ si mihi Brundisij suppetant,  
 mallem: sed ibi occultatio nulla est. uerum, ut scri-  
 bis, cum scimus. Viris bonis me non nimis excuso.



## LIB. IX. EPIST.

quas enim eos cenas & facere, & obire scripsit ad me Sextus? quàm lautas, quàm tempestiuas? sed sint quamuis boni; non sunt meliores, quàm nos: mouerent me, si essent fortiores. De Lanuino Phameæ erraui: Troianum somniaueram. id ego uolui Q. sed pluris est. istuc tamen cuperem emerere, si ullam spem fruendi uiderem. Nos quæ monstra quotidie intelligamus, ex illo libello, qui in epistolam coniectus est. Lentulus noster Puteolis est, ἀδνημονῶν, ut Cæcius narrat. quid agat? διαγορνῖν Corfiniensem reformidat: Pompeio nunc putat satisfactum: beneficio Cæsaris mouetur, sed tamen mouetur magis prospecta re.

Men' hæc posse ferre? omnia misera: sed hoc nihil miserius. Pompeius Cn. Magium de pace misit, et tamen oppugnatur: quod ego non credebam: sed habeo a Balbo litteras, quarum ad te exemplum misi. lege, quæso, & illud infimum caput ipsius Balbi, optimi, cui Cnæus noster locum, ubi hortos ædificaret, dedit: quem cui nostrum non sæpe prætulit? itaque miser torquetur. sed, ne bis eadem legas, ad ipsam te epistolam reijcio. spem autem pacis habeo nullâ. Dolabella suis litteris, id. Mart. datis, merum bellum loquitur. maneamus ergo in illa eadem sententia misera, & desperata: quando hoc miserius esse nihil potest. Balbus Ciceroni imp. S. Cæsar nobis litteras perbreues misit, quarum exemplum subscripsi. breuitate epistolæ scire poteris eum ualde esse dislentum, qui tanta de  
re



re tam breuiter scripserit. si quid præterea noui fuerit, statim tibi scribam. Cæsar Oppio, Cornelio S. Ad VII. id. Mart. Brundisium ueni: ad murum castra posui. Pompeius est Brundisii: misit ad me Cn. Magium de pace. quæ uisa sunt, respondi. hoc uos statim scire uolui. cum in spem uenero, de compositione aliquid me conficere; statim uos certiores faciam. Valete. Quo modo me nunc putas, mi Cicero, torqueri, postquam rursus in spem pacis ueni, ne qua res compositionem eorum impediat? namque, quod absens facere possum, opto. quod si una essem, aliquid fortasse proficere possem. nunc exspectatione crucior. Vale.

## CICERO S. D. ATTICO. 12

MISERAM ad te VIII. kal. exemplum epistolæ Balbi ad me, & Cæsaris ad eum. ecce tibi eodem die Capua litteras accepi ab Q. Pedio, Cæsarem ad se prid. id. Mart. misisse litteras hoc exemplo. Pompeius se oppido tenet: nos ad portas castra habemus: conamur opus magnum, & multorum dierum, propter altitudinem maris: sed tamen nihil est, quod potius faciamus. ab utroque portus cornu moles iacimus, ut aut illum quamprimum trajicere quod habet Brundisii copiarum cogamus, aut exitu prohibeamus. Vbi illa pax, de qua Balbus scripserat torqueri se? ecquid acerbius? ecquid crudelius? atque eum loqui quidam ad deum nar-

rant:



LIB. IX. EPIST.

rant : Cn. Carbonis, M. Bruti se pœnas persequi,  
omniumq. eorum, in quos Sulla crudelis hoc socio  
fuiſſet : nihil Curionem ſe duce facere, quod non hic  
Sulla duce feciſſet : ad ambitioſem, quibus exſilij pœ  
\* na ſuperioribus legibus non fuiſſet, ab illo patriæ  
proditores de exſilio reductos eſſe : queri de Milone  
per uim expulſo : neminem tamen ſe uiolaturum,  
niſi qui arma hæc contra. Bæbius quidam a Curio-  
ne III. id. proſeſtus, homo non infans, ſed quis,  
ulli non dicat. plane nescio, quid agam. illinc qui-  
dem Cnæum proſeſtum puto. quidquid eſt, bi-  
duo ſciemus.

CICERO S. D. ATTICO. 13

A TE nihil : ne ante prorsus quidem quid lit-  
terarum. nec mirum : quid enim eſt, quod ſcriba-  
mus? ego tamen nullum diem prætermitto. Scri-  
pta epiſtola, litteræ mihi ante lucem a Lepta Ca-  
puæ redditæ ſunt, id. Mart. Pompeium a Brundi-  
ſio conſcendiſſe, at Cæſarem ad V II. kal. Apr.  
Capuæ fore. Vale.

CICERO S. D. ATTICO. 14

CUM dediſſem ad te litteras, ut ſcires Cæſarem  
Capuæ V II. kal. fore; allatæ mihi ſunt litteræ,  
eum in Albano apud Curionem V. kal. fore. eum  
cum uidero, Arpinum pergam. ſi mihi ueniam,  
quam peto, dederit, utar condicione : ſin minus,  
impetrabo aliquid a me ipſo. ille, ut ad me ſcripſit,  
legio-



legiones singulas posuit Brundisii, Tarenti, Siponti. claudere mihi uidetur maritimos exitus, & tamen ipse Græciam spectare potius, quàm Hispanias. sed hæc longius absunt. Me nunc & congressus huius stimulat; (is uero adest) & primas eius actiones horreo. uolet enim, credo, senatusconsultum facece: uolet augurum decretum: rapiemur, aut absentes uexabimur. uel ut consules roget prætor, uel dictatorem dicat: quorum neutrum ius est. at si Sulla potuit efficere, ab interrege ut dictator diceretur, & magister equitum: cur hic non possit? nihil expedio, nisi ut aut ab hoc, tamquam Q. Mucius, aut ab illo, tamquam L. Scipio. Cum tu hæc leges, ego illum fortasse conuenero. τέτρα: κώτερον. ne illud quidem nostrum proprium. erat enim spes propinqui reditus, erat hominum querella. nunc exire cupimus; qua spe reditus, mihi quidem nunquam in mentem uenit. non modo autem nulla querella est municipalium hominum, ac rusticorum, sed contra metuunt ut crudelem, iratum: nec tamen mihi quidquam est miserius, quàm remansisse; nec optatius, quàm euolare, non tam ad belli, quàm ad fugæ societatem. sed tu omnia consilia differebas in id tempus, cum sciremus, quæ Brundisii acta essent. scimus nempe, hæremus nihilo minus. uix enim spero mihi hunc ueniam daturum: et si multa afferro iusta ad impetrandum. sed tibi omnem illius, meumq. sermonem, omnibus uerbis expressum, statim mittam. Tu nunc omni amore enitere



## LIB. IX. EPIST.

tere, ut nos cura tua, & prudentia iuues. ita subito accurrit, ut ne Trebatium quidem, ut constitueram, possim uidere. omnia nobis imparatis agenda: sed tamen

- ἄλλα μὲν αὐτὸς, ut ait ille,

Ἄλλα δὲ καὶ δαίμων ὑποθήσεται.

quidquid egero, continuo scies. Mandata Caesaris ad consules, & ad Pompeium, quæ rogas, nulla habeo. quæ descripta attulit, illa e uia misi ad te: e quibus madata puto intelligi posse. Philippus Neapoli est, Lentulus Puteolis. de Domitio, ut facis, sciscitare, ubi sit, quid cogitet. Quod scribis, asperius me, quàm mei patiantur mores, de Dionysio scripsisse: uide, quàm sim antiquorum hominum: te mediusfidius hanc rem grauius putavi laturum esse, quàm me. nam, præterquam quòd te moueri arbitror oportere iniuria, quæ mihi a quoquam facta sit; præterea te ipsum quonam modo hic uiolauit, cum in metam improbus fuit? sed tu id quanti aestimes, tuum iudicium est: nec tamen in hoc tibi quidquam oneris impono: ego autem illum male sanum semper putavi, nunc etiam impurum, & sceleratum puto, nec tamen mihi inimiciorem, quàm sibi. Philargyro bene: causam certe habuisti & ueram, & bonam: relictum esse me potius, quàm reliquisse. Cum dedissem iam litteras ad VIII. kal. quos cum Matio pueros, & Trebatio miseram, epistolam mihi attulerunt hoc exemplo.

Matius & Trebatius Ciceroni imp. S. Cum Ca  
pua



pua exissemus, in itinere audiuimus Pompeium  
 Brundisio ad xvi. kal. Apr. cum omnibus copijs,  
 quas habuerat, profectum esse: Caesarem postero  
 die in oppidum introisse, concionatum esse, inde Ro-  
 mam contendisse: uelle ante kal. esse ad urbem, &  
 paucos dies ibi commorari, deinde in Hispanias pro-  
 ficisci. Nobis non alienum uisum est, quoniam de  
 aduentu Caesaris pro certo habebamus, pueros tuos  
 ad te remittere, ut id tu quamprimum scires. Man-  
 data tua nobis curæ sunt, eaque, ut tempus postu-  
 larit, agemus. Trebatius Scævola facit ut antece-  
 dat. Epistola conscripta, nuntiatum est nobis, Cæ-  
 sarem ad viii. kal. Capuæ, ad vii. Sinuessæ.  
 hoc pro certo putamus. Vale.

CICERO S. D. ATTICO. 15

CVM, quid scriberem ad te, nihil haberem,  
 tamen, ne quem diem intermitterem, has dedi lit-  
 teras. Ad vii. kal. Caesarem Sinuessæ mansu-  
 rum nuntiabant. ab eo mihi litteræ redditæ sunt ad  
 vii. kal. quibus iam opes meas, non, ut in supe-  
 rioribus litteris, opem, exspectat. cum eius clemen-  
 tiam Corfiniensem illam per litteras collaudauissem,  
 rescripsit hoc exemplo. Caesar imp. Ciceroni  
 imp. S. Recte auguraris de me, (bene enim ti-  
 bi cognitus sum) nihil a me abesse longius crudeli-  
 tate. atque ego cum ex ipsa re magnam capio uo-  
 luptatem: tum, meum factum probari ab te, trium-  
 pho, & gaudeo. neque illud me mouet, quod ij,  
 qui



## LIB. IX. EPIST.

qui a me dimissi sunt, discessisse dicuntur; ut mihi rursus bellum inferrent. nihil enim malo, quam & me mei similem esse, & illos sui. Tu uelim mihi ad urbem præsto sis, ut tuis consilijs, atque opibus, ut consueui, in omnibus rebus utar. Dolabella tuo nihil scito mihi esse iucundius. hanc adeo habebo gratiam illi. neque enim aliter facere poterit: tanta eius humanitas, is sensus, ea in me est beneuolentia. Vale.

CICERO S. D. ATTICO. 16

TREBATIVM VI. kal. quo die has litteras dedi, expectabam. ex eius nuntio, Matijq. litteris meditor, quo modo cum illo loquar. o tempus miserum. nec dubito, quin a me contendat, ad urbem ueniam. senatum enim kal. uelle se frequentem adesse, etiam Formijs proscribi iussit. ergo ei negandum est? sed quid præripi? statim ad te perscribam omnia. ex illius sermone statuam, Arpinum ne mihi eundum sit, an quò aliò. Volo Cicero ni meo togam puram dare, istic puto. tu quæso cogita, quid deinde; nam me hebetem molestiæ reddiderunt. A Curio, uelim scire, ecquid ad te scriptum sit de Tirone. ad me enim ipse Tiro ita scripsit, ut uerear, quid agat. qui autem ueniunt inde, id modo nuntiant. sane in magnis curis etiam hæc me sollicitant. in hac enim fortuna perutilis eius & opera, & fidelitas esset.

CICERO



VTRVMQVE ex tuo consilio. nam & ora-  
tio fuit ea nostra, ut bene potius ille de nobis existi-  
maret, quàm gratias ageret: & in eo mansimus,  
ne ad urbem. illa fefellerunt, facilem quòd putara-  
mus, nihil uidi minus. damnari se nostro iudicio,  
tardiores fore reliquos, si in his non ueniremus, di-  
cere. ego, dissimilem illorum esse causam. cum mul-  
ta: ueni igitur, & age de pace. meo ne, inquam,  
arbitratu? an tibi, inquit, ego præscribam? sic, in-  
quam, agam; senatui non placere in Hispanias iri,  
nec exercitus in Græciam transportari: multa q. in-  
quam de Cnæo deplorabo. tum ille, ego uero ista  
dici nolo. ita putabam, inquam: sed ego eo nolo  
adesse, quòd aut sic mihi dicendum est, multa que,  
quæ nullo modo possem silere, si adessem; aut non  
ueniendum. summa fuit, ut ille quasi exitum quæ-  
rens, ut deliberarem. non fuit negandum. ita di-  
scessimus. credo igitur hunc me non amare. at ego  
me amari; quod mihi iam pridem usu non uenit.  
reliqua, o dii, qui comitatus; quæ, ut tu soles dice-  
re, *νενυῖα*: in qua erat Eros Celeri. o rem perdi-  
tam, o copias desperatas. quid? Seruii filius. quot  
in his castris fuerunt, quibus Pompeius circum-  
sideretur? sex legiones, multum uigilat, audet.  
nullum uideo finem mali. nunc certe promen-  
da tibi sunt consilia. Hoc fuerat extremum. il-  
la tamen *κατάκρισις* illius est odiosa, quàm pæ-  
ne



## LIB. IX. EPI T.

ne præterij: si sibi consilijs nostris uti non liceret, usurum, quorum posset, ad omniaq. esse descensurum. uidisti igitur uirum, ut scripseras? ingemisti? certe. cedo reliqua, quid? continuo ipse in *Puteolanum*, ego *Arpinum*. inde exspecto quidem *ΛΑΛΤΕCΑΝ* illam tuam. tu ( *malum* ) inquit \* es, actum ne agas. etiam illum ipsum, quem sequimur, multa fefellerunt. sed ego tuas litteras exspecto. nihil est enim, ut iam antea, Videamus hoc quorsum euadat. Extremum fuit de congressu nostro. quo quidem non dubito quin istum offenderim. eo maturius agendum est. amabo te epistolam, & πολιτικὴν. ualde tuas litteras nunc exspecto. Vale.

CICERO S. D. ATTICO. 18

Ego meo Ciceroni, quoniam Roma caremus; *Arpini* potissimum togam puram dedi: idq. municipibus nostris fuit gratum. etsi omnes, & illos, et quæ iter feci, mæstos, afflictosq. uidi: tam tristis, & tam atrox est ἀναθεώρησις huius ingentis mali. deletus habetur. in hiberna deducuntur. ea, quæ, etiam cum a bonis uiris, cum iusto in bello, cum modeste fiunt, tamen ipsa per se molesta sunt, quàm censes acerba nunc esse, cum a perditis, in civili nefario bello, petulantissime fiant? caue autem putes, quemquam hominem in Italia turpem esse, qui hinc absit. uidi ipse *Formijs* uniuersos. neque mehercule umquam homines putauit; & noram omnes, sed numquam



numquam uno loco uideram. Pergamus igitur, quò  
placet; & nostra omnia relinquamus. proficiscamur  
ad eum, cui gratior noster aduentus erit, quàm  
si una fuisset. tum enim eramus in maxima spe;  
nunc, ego quidem, in nulla. nec, præter me,  
quisquam Italia cessit, nisi qui hunc inimicum  
sibi putaret. nec mehercule hoc facio reip. caus-  
sa, quam funditus deletam puto, sed ne quis me  
putet ingratum in eum, qui me leuauit ijs incom-  
modis, quibus idem affecerat: & simul, quòd  
ea, quæ sunt, aut quæ certe futura sunt, uidere  
non potero. etiam equidem S. C. facta quædam  
iam puto, utinam in Volcatij sententiam. sed quid  
refert? est enim una sententia omnium. sed erit  
iniustissimus Seruius, qui filium misit ad affligen-  
dum Cn. Pompeium, aut certe capiendum, cum  
Pontio Titiniano. etsi hic quidem timoris causa,  
ille uero? sed stomachari desinamus, & aliquan-  
do sententiam, ut nihil noui, nisi id; quòd mini-  
mum uellem spiritum reliquum esse. Nos, quo-  
niam superum mare obsidetur, infero nauigabi-  
mus: & si Puteolis erit difficile, Crotonem pe-  
temus, aut Thurios; & boni ciues, amantes pa-  
triæ, mare infestum habebimus. aliam rationem  
huius belli gerendi nullam uideo. in Aegyptum  
nos abdimus. exercitu pares esse non possumus.  
pacis fides nulla est. sed hæc satis deplorata sunt.  
Tu uelim litteras Cephalionides de omnibus rebus  
aëtis, denique etiam sermonibus hominum; nisi

Z plane



## LIB. IX. EPIST.

plane obmutuerunt. Ego tuis consilijs usus sum,  
maxime quod & gravitatem in congressu nostro  
tenui, quam debui; & , ad urbem ut non accede-  
rem, perseveravi. Quod superest, scribe, quæ-  
so, quam accuratissime, (iam enim extrema sunt)  
quid placeat, quid censeas. & si iam nulla dubita-  
tio est, tamen, si quid, uel potius quidquid ueniet  
in mentem, scribas uelim. Vale.



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER X.

CICERO S. D. ATTICO.

**T**ERTIO non. cum in Laterium fra-  
tris uenissem, accepi litteras, & paul-  
lum respiravi: quod post has ruinas mi-  
hi non acciderat. per enim magni aesti-  
mo, tibi firmitudinem animi nostri, & factum no-  
strum probari. Sexto enim nostro quod scribis pro-  
bari, ita lator, ut me quasi patris eius, cui sem-  
per uni tribui plurimum, iudicio comprobari pu-  
tem: qui mihi, quod saepe soleo recordari, dixit  
olim, nonis illis Decembribus, cum ego, Sexte,  
quidnam ergo?

Μὴ μὰν, inquit ille, ἀσπεδεῖ γε καὶ ἀκλειῶς ἀπολοίμην,  
ἀλλὰ μέγα ῥέξας τι, καὶ ἐσομένοισι πυθέσθαι.  
eius igitur mihi uinit auctoritas; et simillimus eius  
filius eodem est apud me pondere, quo fuit ille:  
quem saluere uelim iubeas plurimum. Tu tuum  
consilium & si non in longum tempus differs, (iam  
enim illum emptum pacificatorem perorasse puto,  
iam actum aliquid esse in confessu senatorum) ta-  
men suspensum me detines, sed eo minus, quod non  
dubito, quid nobis agendum putes, quid enim Fla-  
uio legionem, & Siciliam dari scribis, & id iam  
Z 2 fieri?



LIB. X. EPIST.

fieri? quæ tu scelera partim parari, et iam cogitari,  
partim ex tempore futura censes? ego uero Solonis,  
popularis tui, & ut puto, etiam mei, legem negli-  
gam, qui capite sanxit, si qui in seditione non alter-  
utrius partis fuisset. nisi tu aliter censes. & hinc  
abero, & filij. sed alterum mihi est certius: nec  
præripiam tamen; expectabo tuum consilium, &  
eas litteras, nisi alias iam dedisti, quas, scripsi, ut  
Cephalioni dares. Quod scribis, non quo alicunde  
audieris, sed te ipsum putare, me attractum iri, si  
de pace agatur: mihi omnino non uenit in mentem,  
quæ possit actio esse de pace, cum illi certissimum  
sit, si possit, exspoliare exercitu, & provincia Pom-  
\* peium. nisi forte iste summarius ei potest persua-  
dere, ut, dum oratores eant, & redeant, quie-  
scat. nihil uideo, quod sperem, aut quod iam putem  
fieri posse. sed tamen hominis hoc ipsum probi est,  
& magnum τῶν πολιτικῶτάτων σκευμάτων, ue-  
niendum ne sit in consilium tyranni, si is aliqua de  
re bona deliberaturus sit. quare, si quid eiusmodi  
euenerit, ut accersamur: (quod equidem non curo:  
quid enim essem de pace dicturus, dixi; ipse ualde  
repudiavit) sed tamen, si quid acciderit, quid cen-  
seas mihi faciendum, utique scribito. nihil enim mi-  
hi adhuc accidit, quod maioris consilij esset. Tre-  
batij, boni uiri, & ciuis, uerbis te gaudeo delecta-  
\* tum: tuaq. ista crebra ἐκφώνοις ΠΙΕΡΕΙ me  
sola, adhuc delectauit. Litteras tuas uehementer  
expecto, quas quidem credo iam datas esse. Tu cum

Sexto



Sexto seruasti grauitatem eandem, quam mihi præcipis. Celer tuus disertus magis est, quam sapiens. De iuuenibus, quæ ex Tullia audisti, uera sunt. M. Antoniꝝ istud, quod scribis, non mihi uidetur tam re esse triste, quam uerbo. hæc est ἀλν, in qua nunc sumus, mortis instar. aut enim mihi libere inter malos πολιτῶν fuit, aut uel periculose cum bonis: aut nos temeritatem bonorum sequamur: aut audaciam improborū insecutemur. utrumque periculosum est. at hoc, quod agimus, & turpe, nec tamen tutum. Istum, qui filium Brundisium de pace misit, (de pace idem sentio, quod tu; simulationem esse apertam, parari autem bellum acerrime) legatum iri non arbitror; cuius adhuc, ut optauī, mentio facta nulla sit. eo minus habeo necesse scribere, aut etiam cogitare, quid sim facturus, si acciderit, ut legarer. Vale.

CICERO S. D. ATTICO. 2

EGO cum accepissem tuas litteras nonis Apr. quas Cephalio attulerat, essemq. Minturnis postri die mansurus, & inde protinus; sustinui me in Arcano fratris, ut, dum aliquid certius afferretur, occultiore in loco essemus, agerenturq. nihilo minus, quæ sine nobis agi possunt. M M T E T C A iā adest, \* & animus ardet: nec est quidquam, quò, & quid. sed hæc nostra erit cura, & peritorum. tu tamen, quod poteris, ut adhuc fecisti, nos consilijs iuuabis. res sunt inexplicabiles. fortunæ sunt committenda

Z 3 omnia.



## LIB. X. EPIST.

omnia. sine spe conamur ulla. melius si quid acciderit, mirabimur. Dionysium nolim ad me profectum: de quo ad me Tullia mea scripsit: sed & tempus alienum est; & homini non amico nostra incommoda, tanta praesertim, spectaculo esse nollem: cui te meo nomine inimicum esse nolo. Vale.

## CICERO S. D. ATTICO. 3

CUM, quid scriberem, plane nihil haberem; haec autem reliqua essent, quae scire cuperem, profectus ne esset, quo in statu urbem reliquisset, in ipsa Italia quem cuique regioni, aut negotio praefecisset, et qui essent ad Pompeium, & ad consules ex S. C. de pace legati: ut igitur haec scirem, dedita opera has ad te litteras misi. feceris igitur commode, mihiq. gratum, si me de his rebus, & si quid erit aliud, quod scire opus sit, feceris certiore. ego in Arcano opperior, dum ista cognosco. Ad VII. id. alteram tibi eodem die hanc epistolam dedituri; & pridie dederam mea manu longiorem. Visum te aiunt in Regia: nec reprehendo: quippe cum ipse istam reprehensionem non fugerim. sed exspecto tuas litteras. neque iam sane uideo, quid exspectem: sed tamen, etiam si nihil erit, id ipsum ad me uelim scribas. Caesar mihi ignoscit per litteras, quod non uenerim; seseq. in optimam partem id accipere dicit. facile patior, quod scribit, secum Tullum, & Seruium questos esse, quia non idem sibi, quod mihi, remisisset. homines ridiculos, qui  
cum



cum filios misissent ad Cn. Pompeium circumfiden-  
dum, ipsi in senatum uenire dubitarent. sed tamen  
exemplum misi ad te Cæsaris litterarum. Vale.

CICERO S. D. ATTICO. 4

MVLTA a te accepi epistolas eodem die, om-  
nes diligenter scriptas, eam uero, quæ uoluminis  
instar erat, sæpe legendam, sicuti facio: in qua non  
frustra laborem suscepisti: mihi quidem pergratum  
feciisti. quare, ut id, quoad licebit, id est, quoad  
scies ubi sumus, quam sæpiissime facias, te uehemen-  
ter rogo. at deplorandi quidem, quod quotidie fa-  
cimur, sit iam nobis aut finis omnino, si potest, aut  
moderatio quædam, quod profecto potest. non e-  
nim, quam dignitatem, quos honores, quem uitæ  
statum amiserim, cogito, sed quid consecutus sim,  
quid præstiterim, qua in laude uixerim, his deni-  
que in malis quid intersit inter me, & istos, quos  
propter omnia amisimus. hi sunt, qui, nisi me ciui-  
tate expulissent, obtinere se non posse putarunt li-  
centiam cupiditatum suarum: quorum societas, &  
sceleratæ consensionis fides quò eruperit, uides. al-  
ter ardet furore, & scelere, nec remittit aliquid,  
sed in dies ingrauescit: modo Italia expulit: nunc  
alia ex parte persequi, ex alia prouincia spoliare co-  
natur: nec iam recusat, sed quodam modo postu-  
lat, ut, quemadmodum est, sic etiam appelletur  
tyrannus. alter, is, qui nos sibi quondam ad pedes  
stratos ne subleuabat quidem, qui se nihil contra hu-

Z 4 ius



LIB. X. EPIST.

ius uoluntatem aiebat facere posse, elapsus e soce-  
ri manibus, ac ferro, bellum terra, & mari com-  
parat, non iniustum ille quidem, sed tum pium,  
tum etiam necessarium, suis tamen ciuibus exitia-  
bile, nisi uicerit; calamitosum etiam, si uicerit. ho-  
rum ego summorum imperatorum non modo res ge-  
stas non antepono meis, sed ne fortunam quidem ip-  
sam, qua illi florentissima, nos duriore conflictati  
uidemur. quis enim potest, aut deserta per se pa-  
tria, aut oppressa, beatus esse? & si, ut nos a te  
admonemur, recte in illis libris diximus, nihil esse  
bonum, nisi quod honestum; nihil malum, nisi quod  
turpe sit: certe uterque istorum est miserrimus;  
quorum utrique semper patriæ salus, & dignitas  
posterior sua dominatione, & domesticis commo-  
dis fuit. Præclara igitur conscientia sustentor, cum  
cogito me de rep. aut meruisse optime, cum potue-  
rim, aut certe numquam, nisi diuine, cogitasse,  
eaq. ipsa tempestate euersam esse remp. quam ego  
XIV. annis ante prospexerim. hac igitur conscien-  
tia comite proficiscar, magno equidem cum dolore,  
nec tam id propter me, aut propter fratrem meum,  
quorum iam acta ætas, quam propter pueros,  
quibus interdum uidemur præstare etiam remp.  
debuisse: quorum quidem alter, non tam, quia  
maiore pietate est, me mirabiliter excruciat; al-  
ter, (o rem miseram; nihil enim mihi accidit in  
omni uita acerbius) indulgentia uidelicet nostra  
deprauatus, eò progressus est, quò non audeo di-  
cere:



cere: & exspecto tuas litteras. scripsisti enim, te scripturum esse plurima, cum ipsum uidisses. omne meum obsequium in illum fuit cum multa seueritate: neque unum eius, nec paruum, sed multa magna delicta compressi. patris autem lenitas amanda potius ab illo, quàm tam crudeliter negligenda. nam litteras eius ad Cæsarem missas ita grauitertulimus, ut te quidem celaremus; sed ipsius uidemus uitam insuauem reddidisse. hoc uero eius iter, simulatioq. pietatis qualis fuerit, non audeo dicere. tantum scio, post Hirtium conuentum, accersitum ab Cæsare: cum eo de meo animo ab suis rationibus alienissimo, & consilio relinquendi Italiam. et hæc ipsa timide. sed nulla nostra culpa est: natura metuenda est. hæc Curionem, hæc Hortensii filium, non patrum culpa, corripit. iacet in mærore meus frater, neque tam de sua uita, quàm de mea metuit. huic tu, huic tu malo affer consolationes, si ullas potes: maxime quidem illam uelim, ea, quæ ad nos delata sint, aut falsa esse, aut minora. quæ si uera sint; quid futurum sit in hac fuga, nescio. nam si haberemus remp. consilium mihi non deesset nec ad seueritatem, nec ad indulgétiam. Hæc, siue iracundia, siue dolore, siue metu permotus, grauius scripsi, quàm aut tuus in illum amor, aut meus postulabat. si uera sunt, ignosces: si falsa, me libente eripies mihi hunc errorem. quoquo modo uero se res habeat, nihil assignabis nec patruo, nec patri. Cum hæc scripsissem, a Curione mihi

hi



LIB. X. EPIST.

hi nuntiatum est, eum ad me uenire. uenerat enim is in Cumanum uespero pridie, id est idibus. si quid eius igitur sermo eiusmodi attulerit, quod ad te scribendum sit; id in litteris adiungam. Præterijt nullam meam Curio, iussitq. mihi nuntiari, mox se uenturum: curritq. Puteolos, ut ibi concionaretur. concionatus est: redijt: fuit ad me sane diu. o rem fœdam. nosti hominem: nihil occultauit, in primis nihil esse certius, quàm ut omnes, qui lege Pompeia condemnati essent restituerentur; itaque se in Sicilia eorum opera usurum. de Hispanijs, non dubitabat, quin Cæsaris essent: inde ipsum cum exercitu, ubicumque Pompeius esset: eius interitu finem belli fore: propius factum esse nihil; eum plane, iracundia elatum, uoluisse occidi Metellum tribunum pl. quod si esset factum, cædem magnam futuram esse: permultos hortatores esse cædis; ipsum autem non uoluntate, aut natura non esse crudelem, sed quòd putaret, popularem esse clementiam: quòd si populi studium amisisset, crudelem fore: eumq. perturbatum, quòd intelligeret, se apud ipsam plebem offendisse de ærario: itaque ei cum certissimum fuisset, ante, quàm proficisceretur, concionem habere ausum non esse, uehementerq. animo perturbato profectum. Cum autem ex eo quærerem, quid uideret, quod exemplum, quam remp. plane fatebatur nullam spem reliquam: Pompeij classem timebat: quæ si esset, se de Sicilia abiturum. Quid isti, inquam, sex tui fasces? si ab senatu, cur laureati?



reati? si ab ipso, cur sex? Cupiui, inquit, ex S. C. surrepto: nam aliter non poterat. at ille impendio nunc magis odit senatum: a me, inquit, omnia proficiscuntur. sex autem, quia duodecim nolui: nam licebat. Tum ego, quàm uellem, inquam, petiisse ab eo, quod audio Philippum impetrasse: sed uertus sum, quia ille a me nihil impetrabat. Libenter, inquit, tibi concessisset. uerum puta te impetrasse. ego enim ad eum scribam, ut tu ipse uoles, de ea re nos inter nos locutos. quid autem illius interest, quoniam in senatum non uenis, ubi sis? quin nunc ipsum minime offendisses, eius causa si in Italia non fuisses. Atque ego, me recessum, & solitudinem querere, maxime quòd lictores haberem. laudabat consilium. Quid ergo, inquam? nam mihi cursus in Graciam per tuam prouinciam est; quoniam ad mare superum milites sunt. Quid mihi, inquit, optatius? hoc loco multa per liberaliter. ergo hoc quidem est uerum profecto, ut non modo tuto, uerum etiam palam nauigaremus. Reliqua in posterum diem distulit: ex quibus scribam ad te, si quid erit epistola dignum. Sunt autem, quæ præterij, interregnum ne esset expectaturus, an, quo modo dixerim? Ad se ille quidem deferri consilium, sed se nolle, in proximum annum. Et alia sunt, quæ exquiram. Iurabat ad summam, quod nullo negotio faceret, amicissimum mihi Casarem. esse debet. quid enim, inquam, scripsit ad me Dolabella? dico, quid? affirmabat, cum scripsisset, quòd  
me



## LIB. X. EPIST.

me cuperet ad urbem uenire, illum quidem gratias agere maximas, & non modo probare, sed etiam gaudere. quid quæris? atque iubebat. est enim suspicio illa domestici mali, & sermonis Hirtiani. quàm cupio illum dignum esse nobis, & quàm ipse  
 \* me inuito, quæ pro illo sit suspicandum. sed opus fuit Hirtio conuento. est profecto nescio quid. sed uelim quamminimo. et tamen eum non dum redisse miramur. sed hæc uidebimus. Tu Oppios Terentie dabis. iam enim urbis unum periculum est. Metamen consilio iuua, pedibus ne Rhegium, an hinc statim in nauem. ceterum, quoniam, commoror, ego ad te statim habebo, quod scribam, simul ut uidero Curionem. De Tirone cura, quæso, quod facis, ut sciam, quid is agat.

CICERO S. D. ATTICO. 5

DE tota mea cogitatione scripsi ad te antea satis, ut mihi uisus sum, diligenter: de die nihil sane potest scribi certi, præter hoc, non ante Lunam nouam. Curionis sermo postridie eandem habuit fere summam, nisi quodd apertius significauit, se harum rerum exitum non uidere. Quod mihi mandas de quodam regendo, ἀπαδία. tamen nihil prætermittam. atque utinam tu. sed modestior non ero. Epistolam ad Vestorium statim de Tullia. ac ualde requirere solebat. Commodius tecum Veste- nus est locutus, quàm ad me scripserat: sed mirari satis hominis negligentiam non queo. cum enim mi  
 hi



hi Philotimus dixisset, HS L emere de Canuleio diuersorium illud posse, minoris etiam empturum, si Veētenum rogassem; rogaui, ut, si quid posset, ex ea summa detraheret: promisit: ad me nuper, HS xxx emisse: ut scriberem, cui uellem addici: diem pecuniæ id. Non. esse. rescripsi ei stoma- chosius, cum ioco tamen familiari. nunc, quoniam agit liberaliter, nihil accuso hominem, scripsiq. ad eum, me a te certio-rem esse factum. Tu, de tuo itinere quid, & quando cogites, uelim me certio-rem facias. ad xv. kal. Mai. Vale.

CICERO S. D. ATTICO.

6

ME adhuc nihil, præter tempestatem, mora- tur. astute nihil sum acturus. fiat in Hispania quid libet: et tamen retice. meas cogitationes omnes ex- plicauit tibi superioribus litteris. quocirca hæ sunt breues: & tamen, quia festinabam, eramq. occu- patior de Quinto fratre: ita me quidem sedulo; sed nosti reliqua. Quod deinde mones, & amice, & prudenter mones: sed erunt omnia facilia, si ab uno illo cauero. magnum opus est. mirabilia mul- ta. nihil simplex, nihil sincerum. uellem, su- scipisses iuuenem regendum. pater enim nimis in- dulgens, quidquid ego adstrinxi, relaxat. si sine il- lo possem, regerem; quod tu potes: sed ignosco. magnum, inquam, opus est. Pompeium pro cer- to habemus per Illyricum proficisci in Galliam. ego nunc, quæ, & quò, uidebo. Ego uero Apu- liam,



liam, et Sipontum, et tergiuersationem istam probo : nec tuam rationem eandem esse duco, quam meam : non quin in rep. rectum idem sit utrique nostrum : sed ea non agitur : regnandi contentio est ; in qua pulsus est modestior rex, & probior, & integrior, & is, qui uisi uincit, nomen populi R. deleatur necesse est : sin autem uincit, Sullano more, exemploq. uincet. ergo hac in contentione neutrum tibi palam sentiendum, & tempori seruiendum est. Mea causa autem alia est, quod beneficio uinctus, ingratus esse non possum : nec tamen in acie, sed Melitæ, aut alio in loco, siue in oppidulo futurum puto. Nihil, inquires, iuuas eum, in quem ingratus esse non uis? Immo minus fortasse uoluisset. sed de hoc uidebimus. exeamus modo : quod ut meliore tempore possimus, facit Hadriatico mari Dolabella, freta Siciliensi Curio. Iniecta autem mihi spes quædam est, uelle mecum Ser. Sulpicium colloqui. ad eum misi Philotinum cum litteris. si uir esse uolet; præclara σωδία. sin autem; erimus nos, qui solemus. Curio mecum uixit, iacere Cæsarem putans offensione populari, Siciliæq. diffidens, si Pompeius nauigare cœpisset. Quinctum puerum accepi uehementer. auaritiam uideo fuisse, & spem magni congiarij. magnum hoc malum est : sed scelus illud, quod timueramus, spero nullum fuisse. hoc autem uitium, puto te existimare non nostra indulgentia : sed a natura profectum. quem tamen nos disciplina regimus. De Oppijs Veliensibus quid placeat, cum  
Philo-



Philotimo uidebis. Epirum nostram putabimus:  
sed alios cursus uidebamus habituri. Vale.

CICERO S. D. ATTICO. 7

ET res ipsa monebat, et tu ostenderas, et ego uidebam, de ijs rebus, quas intercipi periculosum esset, finem inter nos scribendi fieri tempus esse: sed, cum ad me saepe mea Tullia scribat, orans, ut, quid in Hispania geratur, expectem, & semper adscribat idem uideri tibi, idq. ipse etiã ex tuis literis intellexerim; non puto esse alienum, me ad te, quid de ea re sentiam, scribere. Consilium istud tunc esset prudens, ut mihi uidetur, si nostras rationes ad Hispaniensem casum accommodaturi essemus: quod fieri dicitis oportere. necesse est enim, aut, id quod maxime uelim, pelli istum, ab Hispania; aut trahi id bellum; aut istum, ut confidere uidetur, apprehendere Hispanias. si pelletur: quàm gratus, aut quàm honestus tum erit ad Pompeium noster aduentus; cum ipsum Curionem ad eum transiturum putem? si trahitur bellum: quid expectem, aut quàm diu? relinquitur, ut, si uincimur in Hispania, quiescamus. id ego contra puto. istam enim uictorem magis relinquendum puto, quàm uictum, & dubitantem magis, quàm fidentem, suis rebus. nam cædem uideo, si uicerit, & impetum in priuatorum pecunias, & exulum reditum, & tabulas nouas, & turpissimorum honores, & regnum non modo Romano homini, sed ne Persæ quidem



## LIB. X. EPIT.

dem cuiquam tolerabile . tacita esse poterit in id dignitas nostra? pati poterunt oculi, me cum Gabinio sententiam dicere? & quidem illum rogari prius? præsto esse clientem tuum Clælium, Catuli Plaguleium, ceteros? sed cur inimicos colligo? qui meos necessarios, a me defensos, nec uidere in curia sine dolore, nec uersari inter eos sine dedecore potero. quòd si ne id quidem est exploratum, fore, ut mihi liceat; (scribunt enim ad me amici eius, me illi nullo modo satisfacisse, quòd in senatum non uenerim) tamen ne dubitemus, an ei nos etiam cum periculo uenditemus, qui eum coniuncti ne cum præmio quidem uoluimus esse? deinde hoc uide, non esse iudicium de tota contentione in Hispanijs: nisi forte, his amissis, arma Pompeium abiecturum putas: cuius omne consilium Themistocleū est. existimat enim, qui mare teneat, eum necesse rerum potiri. itaque, qui numquam egit, ut Hispaniæ per se tenerentur, naualis apparatus ei semper antiquissima cura fuit. nauigabit igitur, cum erit tempus, maximis classibus, et ad Italiam accedet: in qua nos sedentes quid erimus? nam medios esse iam non licebit. classibus aduersabimur igitur? quod malum maius scilicet tantum? denique quid turpius? Hannibal hic in absentis solus tuli scelus: eiusdem cum Pompeio, et cum reliquis principibus non feram? quòd si iam, misso officio, periculi ratio habenda est: ab illis est periculum, si peccaro, ab hoc, si recte fecero: nec ullum in his malis consilium periculo uacuum inueniri



niri potest: ut non sit dubium, quin cum periculo  
fugiamus, quod fugeremus etiam cum salute. Non  
simul cum Pompeio mare transferimus. Omnino nō  
potuimus: extat ratio dierum: sed tamen (fatea-  
mur enim, quod est: ne condamus quidem, ut pos-  
sumus) fefelli ea res, quæ fortasse non debuit, sed  
fefellit: pacem putavi fore: quæ si esset, iratum mi-  
hi Cæsarem esse, cum idem amicus esset Pompeio  
nolui. senseram enim, quàm iudem essent. hoc ue-  
ritus in hac tarditatem incidi. sed assequar omnia,  
si propero; si cunctor, amitto. Et tamen, mi At-  
tice, auguria quoque me incitant quadam spe non  
dubia, non hæc collegij nostri ab Appio, sed illa Pla-  
tonis de tyrannis. nullo enim modo posse uideo stare  
istum diutius, quin ipse per se, etiam languentibus  
nobis, concidat, quippe qui florentis, ac novos, ut \*  
uti diebus ipsi illi egenti, ac perditæ multitudini in  
odium acerbissimum uenerit, qui duarum rerum si-  
mulationem tam cito amiserit, mansuetudinis in  
Metello, diuitiarum in ærario. Iam, quibus utatur  
uel socijs, uel ministris, si ij provincias, si remp.  
regent, quorum nemo duo menses potuit patrimo-  
nium suum gubernare? Non sunt omnia colligenda:  
quæ tu acutissime perspicis. sed tamen ea pone ante  
oculos: iam intelliges id regnum uix semestre esse  
posse. quod si me fefellerit, feram, sicut multi præ-  
clarissimi homines in rep. excellentes, tulerunt. ni-  
si forte me Sardanapali uice in suo lectulo mori mal-  
le censueris, quàm exsilio Themistocleo: qui cum  
AA fuisset,



## LIB. IX. EPIST.

fuiſſet, ut ait Thucydides, τῶν τε παραχρῆμα δι' ἐλα-  
 χίσης βελῆς κράτις γνώμων, καὶ τῶν μελλόντων ἐπὶ  
 πλεῖστον τῷ γενησομένῳ ἄριστος εἰκασῆς, tamen incidit  
 in eos casus, quos uitasset, si eum nihil fefellisset.  
 et si is erat (ut ait idem) qui τό, τε ἄμεινον, ἢ χεῖρον  
 ἐν τῷ ἀφανεῖ ἐτι προεώρα μάλιτα: tamen non uidit,  
 nec quo modo Lacedæmoniorum, nec quo modo  
 suorum ciuium inuidiam effugeret, nec quid Artaxerxi polliceretur. non fuiſſet & illa nox tam acer-  
 ba Africano, sapientissimo uiro, non tam dirus il-  
 le dies Sullanus callidissimo uiro C. Mario, si nihil  
 utrumque eorum fefellisset. nos tamen hoc confir-  
 mamus illo augurio, quo diximus: nec nos fallit,  
 nec aliter accidet. corruat iste, necesse est, aut per  
 aduersarios, aut ipse per se, qui quidem sibi est ad-  
 uersarius unus acerrimus. id spero uiuis nobis fore.  
 quamquam tempus est nos de illa perpetua iam, non  
 de hac exigua uita cogitare. sin quid acciderit ma-  
 turius; haud sane mea multum interfuerit, utrum  
 factum uideam, an futurum esse multo ante uide-  
 rim. quæ cum ita sint, non est committendum, ut  
 ijs parcam, quos contra, me senatus, ne quid resp.  
 detrimenti acciperet, armauit. Tibi sunt omnia  
 commendata: quæ commendationis meæ pro tuo in  
 nos amore non indigent. ne hercule quidem repe-  
 rio, quid scribam: sedeo enim πλουτοκῶν; & si nihil  
 umquam tam fuit scribendum, quàm nihil mihi um-  
 quam ex plurimis tuis iucunditatibus gratius ac-  
 cidisse, quàm quòd meam Tulliam suauissime, dili-  
 gen-



gentissimeq. coluisti. ualde eo ipsa delectata est, ego autem non minus. cuius quidem uirtus mirifica. quo modo illa fert publicam cladem? quo modo domesticas tricas? quantus autem animus in discessu nostro? σοφὴς sit summa σωτηρίας: tamen nos recte facere, & bene audire uult. Sed hac super re nimis; ne meam ipse συμπάθειαν euocem. Tu, si quid de Hispanijs certius, & si quid aliud, dum adsumus, scribes: & ego fortasse discedens dabo ad te aliquid, eo etiam magis, quod Tullia te non putabat ex Italia hoc tempore. Cum Antonio item est agendum, ut cum Curione, Melitæ me uelit esse: huic bello nolle interesse. eo uelim tam facili uti possem, & tam bono in me, quàm Curio. is ad Missenum VI. non. uenturus dicebatur, id est hodie: sed præmisit mihi odiosas litteras, hoc exemplo.

Antonius trib. propræt. Ciceroni imp. S.  
Nisi te ualde amarem, & multo quidem plus, quàm putas, non extimuissem rumorem, qui de te prolatus est, cum præsertim falsum esse existimarem: sed quia te nimio plus diligo, non possum dissimulare, mihi famam quoque, quamuis sit falsa, magni esse. Te iturum trans mare, credere non possum, cum tanti facias Dolabellam, et Tulliam tuā, feminam lectissimā, tantiq. ab omnibus nobis fias; quibus mehercule dignitas, amplitudoq. tua pæne carior est, quàm tibi ipsi. sed tamen non sum arbitratus esse amici, non commoueri etiam improborum sermone. eo feci studiosius, quod iudicabam

AA 2 du-



## LIB. X. EPIST.

duriores partes mihi impositas esse ab offensione nostra, quæ magis a φιλοτιμία mea, quam ab iniuria tua nata est. sic enim uolo te tibi persuadere, mihi neminem esse cariorum te, excepto Cæsare; meque illud una iudicare, Cæsarem maxime in suis M. Ciceronem reponere. Quare, mi Cicero, te rogo, ut tibi omnia integra serues, eius fidem improbes, qui tibi, ut beneficium daret, prius iniuriam fecit: contra, eum ne profugias, qui te, & si non amabit, (quod accidere non potest) tamen saluum, amplissimumque esse cupiet. Dedita opera ad te Calpurnium, familiarissimum meum, misi; ut mihi magnæ curæ tuam uitam, ac dignitatem esse scires.

Eodē die a Cæsare Philotimus litteras attulit, hoc exemplo. Caesar imp. M. Ciceroni imp. S. Etsi te nihil temere, nihil imprudenter facturum iudicaram: tamen permotus hominum fama, scribendum ad te existimaui, & pro nostra beneuolentia petendum, ne quò progredereis inclinata iam re, qua integra etiam progrediendum tibi non existimasses. namque & amicitia grauiorem iniuriam feceris; & tibi minus commode consulueris, si non fortunæ obsecutus uidebere; omnia enim secundissima nobis, aduersissima illis accidisse uidentur; nec causam secutus; eadem enim tum fuit, cum ab eorum consilijs abesse iudicasti; sed meum aliquod factum condemnaui: quo mihi grauius abs te nil accidere potest. quod ne facias, pro iure nostræ amicitia a te peto. Postremo, quid uiro bono, & quie-

to,



to, & bono ciui magis conuenit, quàm abesse a ciuilibus controuersijs? quod non nulli cum probarèt, periculi causa sequi non potuerunt. tu, explorato & uitæ meæ testimonio, & amicitiae iudicio, neque tutius, neque honestius reperiēs quidquam, quàm ab omni contentione abesse. x v. kal. Mai. ex itinere. Vale. Aduentus Philotimi (at cuius hominis, quàm insulsi, & quàm saepe pro Pompeio mentientis) exanimauit omnes, qui mecum erant: nam ipse obdurui. Dubitauit nostrum nemo, quin Cæsar itinera repressisset: uolare dicitur. Petreius cum Afranio se coniunxisset: nihil affert eius modi. Quid quæris? etiā illud erat persuasum, Pompeium cum magnis copijs iter in Germaniam per Illyricum fecisse. id enim ἀθεντικὸς nuntiabatur.

Melitam igitur, opinor, capeſsemus, dum, quod in Hispania: quod quidem propemodum uideor ex Cæsar's litteris ipsius uoluntate facere posse; qui negat neque honestius, neque tutius mihi quidquam esse, quàm ab omni contentione abesse. dices, ubi ille, ergo tuus animus, quem proximis litteris? adest, & idem est: sed utinam meo solum capite decernerem: lacrymæ meorum me interdū molliunt, precantium, ut de Hispanijs expectemus. M. Cælij quidem epistolam, scriptam miserabiliter, quæ hoc idem obsecraret, ut expectarem, ne fortunas meas, ne unicam filiam, ne meos omnes tam temere proderem, non sine magno fletu legerunt pueri nostri. etsi meus quidem est fortior, eoq. ipso uehementius

AA 3 com-



## LIB. X. EPIST.

commouet, nec quidquam, nisi de dignatione, laborat. Melitam igitur; deinde, quod uidebitur. tu tamen etiam nunc mihi aliquid litterarum, & maxime si quid ab Afranio. Ego, si cum Antonio locutus ero, scribam ad te, quid actum sit: ero tamen in credendo, ut mones, cautus. nam occultandi ratio tum difficilis, tum etiam periculosa est. Seruium exspecto ad nonas, & adijcit a Postumia, & Seruii filij. Quartanam leuiorem esse gaudeo. Misi ad te Cælij etiam litterarum exemplum.

Cælius M. Ciceroni imp. S. Exanimatus tuis litteris, quibus te nihil, nisi triste, cogitare ostendisti; neque, id quod esset, perscripsisti; neque non tamen, quale esset, quid cogitares, aperuisti; has ad te illico litteras scripsi. Per fortunas tuas Cicero, per liberos te oro, & obsecro, ne quid grauius de salute, & incolumitate tua consulas. nam deos, hominesque, amicitiamque nostram testificor, me tibi prædixisse, neque temere monuisse, sed, postquam Cæsarem conuenerim, sententiamque eius, qualis futura esset parta uictoria, cognorim, te certiore fecisse. Si existimas eandem rationem fore Cæsaris in dimittendis aduersarijs, & condicionibus ferendis, erras. nihil, nisi atrox, & sæuum, cogitat, atque etiam loquitur: iratus senatui exijt: his intercessionibus plane incitatus est. non mehercule erit deprecationi locus. Quare, si tibi tu, si filius unicus, si domus, si spes tuæ reliquæ tibi caræ sunt; si aliquid apud te nos, si, uir optimus, gener tuus ualet;



let : eorum fortunam non debes uelle conturbare; ut  
eam causam, in cuius uictoria salus nostra est, o-  
disse, aut relinquere cogamur, aut impiam cupidi-  
tatem contra salutem tuam habeamus. Denique il-  
lud cogita, quod offensæ fuerit, in ista cunctatione  
te subisse. nunc te contra uictorem facere, quem  
dubijs rebus lædere noluiisti, & ad eos fugatos ac-  
cedere, quos resistentes sequi nolueris, summæ stul-  
titiæ est. uide, ne, dum pudet te parum optimatem  
esse, parum diligenter, quod optimum sit, eligas.  
quod si totum tibi persuadere non possum; saltem,  
dum, quid de Hispanijs agamus, scitur, expecta;  
quas tibi nuntio aduentu Cæsaris fore nostras. quam  
isti spem habeant amissis Hispanijs, nescio. quod  
porro tuum consilium sit ad desperatos accedere,  
non mediusfidius reperio. Hoc, quod tu non dicendo  
mibi significasti, Cæsar audierat: ac simul atque,  
aue, mihi dixit, statim, quid de te audisset, expo-  
suit. negaui me scire: tamen ab eo petiui, ut ad te  
litteras mitteret, quibus maxime ad remanendum  
commoueri posses. me secum in Hispaniam ducit.  
nam, nisi ita faceret, ego prius, quàm ad urbem  
accederem, ubicumque esses, ad te percurrissem, et  
hoc a te præsens contendissem, atque omni ui te re-  
tinuissem. Etiam atque etiam, Cicero, cogita, ne te,  
tuosq. omnes funditus euertas, nec te sciens, pru-  
densq. eò demittas, unde exitum uides nullum esse.  
quod si te aut uoces optimatium commouent; aut  
non nullorum hominum insolentiam, & iactatio-

A A 4 nem



## LIB. X. EPIST.

nem ferre non potes : eligas , censeo , aliquod oppidum uacuum a bello ; dum hæc decernuntur , quæ iam erunt confecta . id si feceris , et ego te sapienter fecisse iudicabo , & Cæsarem non offendes . Vale .

CICERO S. D. ATTICO. 8

ME CAECVM qui hæc ante non uiderim . misi ad te epistolam Antonij . & cum ego sapissime scripsissem , nihil me contra Cæsaris rationes cogitare ; meminisse me generi mei , meminisse amicitia ; potuisse , si aliter sentirem , esse cum Pompeio ; me autem , quia cum lictoribus inuitus cursarem , abesse uelle , nec id ipsum certum etiam nunc habere : uide , quàm ad hæc τυραννικῶς .

Tuum consilium quàm uerum est . nam qui se medium esse uult , in patria manet : qui proficiscitur , aliquid de alterutra parte iudicare uidetur . sed ego is non sum , qui statuere debeam , iure quis proficiscatur , nec ne . partes mihi Cæsar has imposuit , ne quem omnino discedere ex Italia paterer . quare parui refert me probare cogitationem tuam , si nihil tamen tibi remittere possum . ad Cæsarem mitas , censeo , & ab eo hoc petas . non dubito , quin impetraturus sis , cum præsertim te amicitia nostræ rationem habiturum esse pollicearis .

Habes σκυτάλην λακωνικὴν . omnino excipiam hominem . erat autem v . non . uenturus uestperi , id est hodie . cras igitur ad me fortasse ueniet . tentabo audeam , nihil properare . missurum ad Cæsarem  
clama-



clamabam. cum paucissimis alicubi occultabor. certe hinc istis inuitissimis euolabo, atque utinam ad Curionem. σὺ δὲ θεῶ τοι λέγω. magnus dolor accessit. efficietur aliquid dignum nobis. δυσπρία tua mihi ualde molesta. medere amabo, dum est ἀρχή. De Massiliensibus gratæ tuæ mihi litteræ. quaeso, ut sciam, quidquid audieris. Siciliam cuperem, si possem palam: quod a Curione effeceram. Hic ego Seruium exspecto: rogor enim ab eius uxore, & filio: & puto opus esse. Hic tamen Cyteridem secum lectica aperta portat, altera uxorem. septem præterea coniunctæ lecticæ amicarum. hæ sunt amicorum. uide, quàm turpi leto pereamus. et dubita, si potes, quin ille, seu uictus, seu uictor redierit, eadem facturus sit. ego uero uel lintriculo, si naui non erit, eripiam me ex istorum paricidio. Sed plura scribam, cum illum conuenero. Iuuenem nostrum non possum non amare: sed ab eo nos non amari, plane intelligo. nihil ego uidi tam ἀνθρώπων, tam auersum a suis, tam nescio quid cogitans. uim incredibilem molestiarum. sed erit curæ, & est, ut regatur. mirum est enim ingenium: ἡθὺς ἐπιμελητέον.

CICERO S. D. ATTICO. 9

OBSIGNATA iam epistola superiore, non placuit ei dare, cui constitueram, quòd erat alienus: itaque eo die data non est. interim uenit Philotimus, & mihi a te litteras reddidit: quibus quæ  
de



## LIB. X. EPIST.

de fratre meo scribis, sunt ea quidem parum firma,  
 sed habent nihil ὑπουλον nihil fallax, nihil non fle-  
 xibile ad bonitatem, nihil, quod non, quò uelis,  
 uno sermone possis perducere. ne multa, omnes  
 suos, etiam quibus irascitur crebrius, tamen caros  
 habet, me quidem se ipso cariorum. Quod de puero  
 aliter ad te scripsit, & ad matrem de filio, non re-  
 prehendo. De itinere, & de sorore, quæ scribis,  
 molesta sunt, eoq. magis, quòd ea tempora nostra  
 sunt, ut ego his mederi non possim: nam certe me-  
 derer. sed quibus in malis, & qua in desperatione  
 rerum sumus, uides. Illa de ratione nummaria non  
 sunt eiusmodi, (sæpe enim audio ex ipso) ut non  
 cupiat tibi præstare, & in eo laboret. sed si mihi  
 Q. Axius in hac mea fuga HS XIII. non reddit,  
 quæ dedi eius filio mutua, & utitur excusatione  
 temporis; si Lepta, si ceteri: soleo mirari, de ne-  
 scio quæis HS XX cum audio ex illo se urgeri. ui-  
 des enim profecto angustias. curari tamen ea tibi  
 utique iubet. an existimas illum in isto genere len-  
 tulum, aut restrictum? nemo est minus. De fratre  
 satis. de eius filio, indulgit illi quidem suus pater  
 semper; sed non facit indulgentia mendacem, aut  
 auarum, aut non amantem suorum; ferocem fortas-  
 se, & arrogantem, et infestum facit. itaque habet  
 hæc quoque, quæ nascuntur ex indulgentia: sed ea  
 sunt tolerabilia: (quid enim dicam, hac iuuentu-  
 te?) ea uero, quæ mihi quidem, qui illum amo,  
 sunt his ipsis malis, in quæis sumus, miseriora, non  
 sunt



sunt ab obsequio nostro, non; suas radices habent: quas tamen euellerem profecto, si liceret. sed ea omnia mihi sunt patienda. ego meum facile teneo. nihil est enim eo tractabilius. cuius quidem misercordia languidiora adhuc consilia cepi: & quo ille me fortiorem uult esse, eo magis timeo, ne in eum existam crudelior. Sed Antonius uenit heri uespere. iam fortasse ad me ueniet, aut ne id quidem, quoniam scripsit, quid fieri uellet. sed scies continuo, quid actum sit. Nos iam nihil, nisi occulte. De pueris quid agam? paruo ne nauigio committam? quid mihi animi in nauigando censes fore? recordor enim, æstate cum illo Rhodiorum ἀπαύτως nauigans, quàm fuerim sollicitus. quid, duro tempore anni, actuariolo fore censes? o rem undique miseram. Trebatius erat mecum, uir plane, & ciuis bonus. quæ ille monstra, dii immortales. etiam ne Balbus in senatum uenire cogitet? sed ei ipsi cras ad te litteras dabo. Veætenum mihi amicum, ut scribis, ita puto esse. cum eo, quod ἀποτόμως ad me scripserat de nummis curandis, δυσκώτερον erat. id tu, si ille aliter acceperit, ac debuit, lenies. Monetali autem adscripsi, quod ille ad me, Proconsuli: sed quoniam est homo, & nos diligit, ipse quoque a nobis diligitur. Vale.

CICERO S. D. ATTICO. 10

QVIDNAM mihi futurum est? aut quis me non solum infelicior, sed iam etiam turpior? nominatim



## LIB. X. EPIST.

minatim de me sibi imperatum dicit Antonius: nec me tamen ipse adhuc uiderat, sed hoc Trebatio narrauit. Quid agam nunc, cui nihil procedit, caduntq. ea, quæ diligentissime sunt cogitata, tæterrimè ego enim Curionem nactus, omnia me consecutum putau. is de me ad Hortensium scripserat. Reginus erat totus noster. huic nihil suspicabamur cum hoc mare negotij fore. quò me nunc uertam? undique custodior. sed satis lacrymis. παραπλουτέον igitur, & occulte in aliquam onerariam correndū, non committendum, ut etiam compacto prohibiti uideamur. Sicilia petenda: quam si erimus nacti, maiora quædam consequemur. sit modo recte in Hispanijs. quamquam de ipsa Sicilia utinam sit uerum: sed adhuc nihil secundi. concursus Siculorum ad Catonem dicitur factus; orasse, ut resisteret; omnia pollicitos: commotum illum, delectum habere cœpisse. non credo, ut est luculentus auctor. potuisse certe tenere illam prouinciam scio. ab Hispanijs autem iam audietur. Hic nos C. Marcellum habemus, eadem de re cogitantem, aut bene simulantem. quamquam ipsum non uideram, sed ex familiarissimo eius audiebam. tu, quæso, si quid habebis noui. ego, si quid moliti erimus, ad te statim scribam. Quinctum filium seuerius adhibebo. utinam proficere possem. tu tamen eas epistolas, quibus asperius de eo scripsi, aliquando concerpito, ne quando quid emanet: ego item tuas. Seruium exspecto, nec ab eo quidquam vñs. scies, quid erit.

Sine



Sine dubio errasse nos, confitendum est. at semel?  
 at una in re? immo omnia, quo diligentius cogitata,  
 eo facta sunt imprudentius. ἀλλὰ τὰ μὲν προτέτυχ-  
 θαι ἐάσομεν ἀχνύμενοι περ: in reliquis modo ne ru-  
 amus. iubes enim profectiōem meam providere.  
 quid provideam? ita patent omnia, quæ accidere  
 possunt, ut, ea si uitem, sedendum sit cum dedeco-  
 re, & dolore; si negligam, periculum est, ne in  
 manus incidam perditorum. sed uide, quantis in mi-  
 serijs simus. optandum interdum uidetur, ut ali-  
 quam accipiamus ab istis quamuis acerbam iniuri-  
 am, ut tyranno in odio fuisse uideamur. quod si no-  
 bis is cursus, quem speraram, pateret; effecissem  
 aliquid profecto, ut tu optas, & hortaris, dignum  
 nostra mora: sed mirificæ sunt custodiæ: & quidem  
 ille ipse Curio suspectus. ui, aut clam agendum est:  
 & si ui, forte ne cum tempestate: clam autem,  
 istis. in quo si quod σφάλμα, uides quàm turpe est.  
 trahimur: nec fugiendum, si quid uiolentius. De  
 Cælio, sæpe mecū agito; nec, siquid habuero tale,  
 dimittam. Hispanias spero firmas esse. Massiliensiu  
 factum cum ipsum per se luculentum est, tum mihi  
 argumēto est, recte esse in Hispanijs. minus enim au-  
 derent, si aliter esset. & scirent. nam & iuncti, &  
 diligētes sunt. Odium autem recte animaduertis si-  
 gnificatum theatro. Legiones autē has, quas in Ita-  
 lia assumpsit, alienissimas esse uideo: sed tamē nihil  
 inimicius, quā sibi ipse. illud recte times, ne ruat.  
 si desperarit, certe ruet. quo magis efficiendum ali-  
 quid



LIB. X. EPIST.

quid est, fortuna uelim meliore, animo Caeliano.  
sed primum quidque: quod, qualecunque erit, con-  
tinuo scies. Nos iuueni, ut rogas, suppeditabi-  
mus, & Peloponnesum ipsam sustinebimus. est  
enim indoles: modo aliquid hoc sit ἡδός AKIMO  
✱ ΔON: quod si adhuc nullum est, esse tamen potest:  
aut ἀρετὴ non est διδασκὸν: quod mihi persuaderi  
non potest. Vale.

CICERO S. D. ATTICO. II

EPISTOLA tua gratissima fuit meæ Tul-  
liæ, & mehercule mihi. semper secum aliquid affe-  
runt tuæ litteræ. scribes igitur: ac, si quid ad spem  
poteris, ne dimiseris. Tu Antonij leones pertime-  
scas caue. nihil est illo homine iucundius. attende  
ἐν τῇ πόλει πολιτικῇ. Euocauit litteris e municipijs de-  
nos: & IV uiri uenerunt ad uillam eius mane. pri-  
mum dormiit ad horam tertiam: deinde, cum esset  
nuntiatum, uenisse Neapolitanos, & Cumanos,  
(his enim est Cæsar iratus) postridie redire iussit:  
lauari se uelle, & περὶ κοινοῦ λουστῶν γίνεσθαι. hoc he-  
ri effecit. hodie autem in Aenariam transire consti-  
tuit. exulibus reditum pollicetur. Sed hæc omitta-  
mus, de nobis aliquid agamus. Ab Axio accepi lit-  
teras. De Tirone gratum. Veetenum diligo. Ve-  
stio reddidi. Seruius prid. non. Mai. Minturnis man-  
sisse dicitur, hodie in Liternino mansurus apud C.  
Marcellum. cras igitur nos mature uidebit, mihiq.  
dabit argumentum ad te epistolæ. iam enim non re-  
perio,



perio, quid tibi scribam. Illud admiror, quòd Antonius ad me ne nuntium quidem, cum praesertim me ualde obseruarit. uidelicet ( aut aliquid atrocius de me imperatum est ) coram negare mihi non uult. quod ego nec rogaturus eram, nec, si impetrassem, crediturus. nos tamen aliquid exogitabimus. Tu, quaeso, si quid in Hispanijs. iam enim poterit audiri: & omnes ita expectant, ut, si recte fuerit, nihil negotij futurum putent. ego autem nec, retentis his, confectam rem puto; neque, amissis, desperatam. Silium, & Ocellam, & ceteros credo retardatos. te quoque a Curtio impediri uideo. & si, ut opinor, habes Scythia ὄνον. uitam \* miseram, maiusq. malum, tam diu timere, quàm est illud ipsum, quod timetur.

CICERO S. D. ATTICO. 12

SERVIUS, ut antea scripsi, cum uenisset nonis Mai. postridie ad me uenit. ne diutius te teneam, nullius consilij exitum inuenimus. numquam uidi hominem perturbatiorem metu. neque hercule quidquam timebat, quod non esset timendum: illum sibi iratum, hunc non amicum: horribilem utriusque uictoriam, cum propter alterius crudelitatem, alterius audaciam, tum propter utriusque difficultatem pecuniariam, qua frui nusquam, nisi ex priuatorum bonis, posset. atque hæc ita multis cum lacrymis loquebatur, ut ego mirarer eas tam diuturna miseria non exaruisse. mihi quidem etiam lipplu-  
do



## LIB. X. EPIT.

do hæc, propter quam non ipse ad te scribo, sine ulla lacryma est, sed sapius odiosa est propter uigilias. quamobrem quidquid habes ad consolandum, collige, & illa scribe, non ex doctrina, neque ex libris: nam id quidem domi est; sed nescio quomodo imbecillior est medicina, quam morbus: hæc potius conquire, de Hispanijs, de Massilia: quæ quidem satis bella Seruius affert: qui etiam de duabus legionibus luculentos auctores esse dicebat. hæc igitur si habebis, & talia. & quidem paucis diebus aliquid audiri necesse est. sed redeo ad Seruium. Distulimus omnino sermonem in posterum, sed tardus ad exeundum: multo se in suo lectulo malle, quidquid foret. odiosus scrupulus de filij militia Brundisina. unum illud fortissime asseuerabat, si damnati restituerentur, in exsilium se iturum. nos autem ad hæc, & ipsum certo fore, & quæ iam fiebant, non esse leuiores: multa q. colligebamus. uerum ea non animum eius augebant, sed timorem; ut iam celandus magis de nostro cōsilio, quam ad idem uideretur. quare in hoc non multum est. Nos a te admoniti de Cælio cogitabimus. Vale.

CICERO S. D. ATTICO. 13

SERVIUS cum esset apud me, Cephalio cum tuis litteris VI. id. uenit, quæ nobis magnam spem attulerunt meliorum rerum de octo cohortibus. etenim hæc quoque, quæ in his locis sunt, labare dicuntur. Eodem die Funiſulanus a te attulit litteras,



teras, in quibus erat confirmatius idem illud. ei de suo negotio respondi cumulate, cum omni tua gratia. adhuc non satisfaciebat: debet autem mihi multos nummos, nec habetur locuples. nunc ait se daturum: cui expensum tulerit, morari. tabellarijs, si apud te esset, qua satisfacisses, dares. quantum sit, Eros Philotimi tibi dicet. sed ad maiora redeamus. Quod optas, Cælianum illud maturescit. itaque torqueor, utrum uentum expectem. uexillo opus est; conuolabunt. Quod suades, ut palam: prorsus assentior. itaque me profecturum puto. tuas tamen interim litteras expecto. Serui consilio nihil expeditur. omnes captiones in omni sententia occurrunt. unum C. Marcello cognoui timidiorem; quem consulem fuisse pœnitet. ὁ πολλὸς ἀγερείας: qui etiam Antonium confirmasse dicitur, ut me impediret; quo ipse, credo, honestius. Antonius autem VI. id. Capuam profectus est. ad me misit, se, pudore deterritum, ad me non uenisse, quod me sibi succensere putaret. ibitur igitur, & ita quidem, ut censes; nisi cuius grauioris personæ suscipiendæ spes erit ante oblata. sed uix erit tam cito. Allienus autem prætor putabat aliquem, si ego non, ex collegis suis. quiuis licet, dummodo aliquis. De sorore, laudo. De Quinto puero, datur opera. spero esse meliora. De Quinto fratre, scito eum non mediocriter laborare de usura: sed adhuc nihil a L. Egnatio expressit. Axius de XII. millibus pudēs: sæpe enim adscripsit, ut Gallio, quā-

BB

tum



## LIB. X. EPIST.

tum is uellet, darem. quod si non scripsisset, possem ne aliter? & quidem saepe sum pollicitus. sed tantum uoluit cito. me uero adiuuarent his in angustijs. sed tu istos. uerum alias. Te a quartana liberatum gaudeo, itemque Piliam. Ego, dum panes, & cetera in nauem parantur, excurro in Pompeianum. Veſtēno uelim gratias, quod studiosus. si quemquam nactus fueris, qui perferat; litteras des ante, quā discedimus. Vale.

CICERO. S. D. ATTICO. 14

COMMODVM ad te dederam litteras de pluribus rebus, cum ad me bene mane Dionysius fuit. cui quidem ego non modo placabilem me praeuiissem, sed totum remissem, si uenisset qua mente tu ad me scripseras. erat enim sic in tuis litteris, quas Arpini acceperam, eum uenturum, facturumque quod ego uellem. ego uolebam autem, uel cupiebam potius, esse eum nobiscum. quod quia plane, cum in Formianum uenisset, praeciderat, asperius ad te de eo scribere solebam. at ille per pauca locutus, hanc summam habuit orationis; ut sibi ignoscerem; se rebus suis impeditum nobiscum ire non posse. pauca respondi. magnum accepi dolorem. intellexi fortunam ab eo nostram despectam esse. quid queris? fortasse miraberis. in maximis horum temporum doloribus hunc mihi scito esse. uelim, ut tibi amicus sit. hoc cum tibi opto, opto ut beatus sis. erit enim tam diu. Consilium nostrum spero uacuum periculo



periculo fore. nam & dissimulabimus, & ut opinor, acerrime obseruabimus. nauigatio modo sit, qualem opto. cetera, quæ quidem consilio prouideri poterunt, cauebuntur. tu, dum adsumus, non modo quæ scieris, audieris ue, sed etiam quæ futura prouidebis, scribas uelim. Cato, qui Siciliam tenere nullo negotio potuit, & si tenuisset, omnes boni ad eum se contulissent, Syracusis profectus est ante diem VIIII. kal. Mai. ut ad me Curio scripsit. utinam, quod aiunt, Cotta Sardiniam teneat. est enim rumor. o, si id fuerit, turpem Catonem. Ego, ut minuerem suspicionem profectiois, aut cogitationis meæ, profectus sum in Pompeianum ad IV. id. ut ibi essem, dum, quæ ad nauigandum opus essent, pararentur. cum ad uillam uenissem, uentum est ad me: centuriones trium cohortium, quæ Pompeijs sunt, me uelle postridie (hæc mecum Ninnius noster) uelle eos mihi se, & oppidum tradere. at ego tibi postridie a uilla ante lucem, ut me omnino illi ne uiderent. quid enim erat in tribus cohortibus? quid si plures, quo apparatu? cogitauimus eadem illa Cæliana, quæ legi epistola tua; quam accepi, simul in Cumanum ueni, eodem die. & simul fieri poterat, ut tentaremur. omnem igitur suspicionem sustuli. sed cum redeo, Hortensius uenerat, ad Terentiam salutatum diuerterat, sermone erat usus honorifico erga me. tamen eum, ut puto, uidebo: misit enim puerum, se ad me uenire. hoc quidem melius, quam collega noster Antonius: cuius inter lictores



lectica mima portatur. Tu, quoniam quartana ca-  
res, & non modo morbum remouisti, sed etiam gra-  
uedinem, te uegetum nobis in Græcia siste; & lit-  
terarum aliquid interea.

CICERO S. D. ATTICO. 15

PRID. id. Hortensius ad me uenit scripta epi-  
stola. uellem cetera eius. quàm in me incredibilem  
ἐκτένεια, qua quidem cogito uti. deinde Serapion  
cum epistola tua. quam prius quàm aperuissem, di-  
xi ei, te ad me de eo scripsisse antea, ut feceras. de-  
inde, epistola lecta, cumulatissime cetera, et hercu-  
le hominem probo, nam & doctum, & probum exi-  
stimo. quin etiam naui eius me, & ipso conuettore  
usurum puto. Crebro refricat lippitudo, non illa  
quidem perodiosa, sed tamen quæ impediat scriptio-  
nem meam. Valetudinem tuam iam confirmatam  
esse et a uetere morbo, et a nouis tentationibus, gau-  
deo. Ocellam uellem haberemus, uidentur enim  
esse hæc paullo faciliora. nunc quidem æquinoctium  
nos moratur, quod ualde perturbatum erat. id s.  
cras erit, utinam idem maneat Hortensius: siquidē  
adhuc erat, liberalius esse nihil potest. De diplo-  
mate admiraris, quasi nescio cuius te flagitiij insimu-  
larem. negas enim te reperire, qui tibi id in men-  
tem uenerit. ego autem, quia scripseras te profici-  
sci cogitare, (etenim audieram, nemini aliter lice-  
re) eo te habere censebam, & quia pueris diplo-  
ma sumpseras. habes causam opinionis meæ. et ta-  
men



men uelim scire, quid cogites, in primisq. si quide-  
tiam nunc noui est. xvii. kal. Iun.

CICERO S. D. ATTICO. 16

TVLLIA mea peperit xiv. kal. Iun. puerum  
ἐμαρτυράειν. quod ἠυτόχνηεν, gaudebam. quod qui-  
dem est natus, per imbecillū est. Me mirificæ tran-  
quillitates adhuc tenuerunt, atque maiore impedi-  
mento fuerunt, quā custodiæ, quibus asseruor.  
nam illa Hortensiana omnia fuere infantia. ita fiet  
homo nequissimus, a Saluio liberto deprauatus est.  
itaque posthac non scribam ad te, quid facturus sim,  
sed quid fecerim. omnes enim κορυφαῖοι uidentur  
subauscultare, quæ loquor. Tu tamen, si quid de Hi-  
spanijs, siue quid aliud, perge quæso scribere: nec  
meas litteras exspectaris, nisi cum, quò opto, per-  
uenerimus, aut si quis ex cursu. Sed hoc quoque ti-  
mide scribo. ita omnia adhuc tarda, & spissa. ut  
male posuimus initia, sic cetera sequuntur. furias  
nunc sequimur: eadem nos fortasse furia persequen-  
tur. ex Balbi autem sermone, quem tecum habuit,  
non probamus de Melita. dubitas igitur, quin nos  
in hostium numero habeat? scripsi equidem Balbo,  
te ad me de beneuolentia scripsisse, & de suspicio-  
ne. de altero egi gratias: de altero ei me purgaui.  
ecquem tu hominem infeliciorem? non loquor plu-  
ra, ne te quoque excruciem. ipse conficior, uenif-  
se tempus, cum iam nec fortiter, nec prudenter  
quidquam facere possim. Vale.

BB 3

M. TVLLII



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER XI.

CICERO S. D. ATTICO.

A CCEPI a te signatum libellum, quem  
Anteros attulerat; ex quo scire nihil  
potui de nostris domesticis rebus: de  
quibus acerbissime afflictor, quod, qui  
eas dispensauit, neque adest istic, neque, ubi terra-  
rum sit, scio. omnem autem spem habeo existima-  
tionis, priuatarumq. rerum in tua erga me mihi  
perspectissima beneuolentia: quam si his tempori-  
bus miseris, & extremis præstiteris; hæc pericu-  
la, quæ mihi communia sunt cum ceteris, fortius fe-  
ram. idq. ut facias, te obtestor, atque obsecro. ego  
in cistophoro in Asia habeo ad HS bis & uicies. hu-  
ius pecuniæ permutatione fidem nostram facile tue-  
bere. quam quidem ego nisi expeditam relinquere  
putassem, credens ei, cui tu scis iam pridem mini-  
me credere; commoratus essem paullisper, nec dome-  
sticas res impeditas reliquissem. ob eamq. causam  
serius ad te scribo, quod sero intellexi, quid timendū  
esset. Te etiam atque etiam oro, ut me totum tuen-  
dum suscipias; ut, si ij salui erunt, quibuscum sum,  
una cum ijs possim incolumis esse, salutemq. meam  
beneuolentiæ tuæ acceptam referre. Vale.

CICERO



CICERO S. D. ATTICO. 2

LITTERAS tuas accepi prid. non. Febr. eoq. ipso die ex testamento creui hereditatem. ex multis meis, et miserrimis curis est una enata, si, ut scribis, ista hereditas fidem, & famam meam tueri potest: quam quidem te intelligo, etiam sine hereditate, tuis opibus defensurum fuisse. De dote quod scribis, per omnes deos te obtestor, ut totam rem suscipias, & illam miseram mea culpa, & negligentia, tueare meis opibus, si quæ sunt, tuis, quibus tibi molestum non erit, facultatibus. cui quidem deesse omnia, quod scribis, obsecro te noli pati. in quos enim sumptus abeunt fructus prædiorum? Iam illa HS LX, quæ scribis, nemo mihi umquam dixit ex dote esse detracta: numquam enim essem passus. sed hæc minima est ex ijs iniurijs, quas accepi; de quibus ad te dolore, & lacrymis scribere prohibeor. Ex ea pecunia, quæ fuit in Asia, partem dimidiam fere exegi. tutius uidebatur fore ibi, ubi est, quam apud publicanos. Quod me hortaris, ut firmo sim animo: uellem posses aliquid afferre, quamobrem id facere possem. sed si ad ceteras misérias accessit etiam id, quod mihi Chrysippus dixit parari, (tu nihil significasti) de domo; quis me miserior uno iam fuit? oro, obsecro, ignosce: non possum plura scribere. quanto merore urgear, profecto uides. quod si mihi commune cum ceteris esset, qui uidentur in eadem causa esse; mi-

BB 4 nor



## LIB. XI. EPIST.

nor mea culpa uideretur, & eo tolerabilior esset: nunc nihil est, quod consoletur; nisi quid tu efficis, si modo etiam nunc effici potest, ut ne qua singulari afficiar calamitate, & iniuria. Tardius ad te remisi tabellarium, quod potestas mittendi non fuit. Atuis & nummorum accepi HS LXX, & uestimentorum quod opus fuit. Quibus tibi uidebitur, uelim des litteras nomine meo. nosti meos familiares. signum requirent, aut manum: dices ijs, me propter custodias ea uitasse. Vale.

CICERO S. D. ATTICO. 3

QV ID hic agatur, scire poteris ex eo, qui litteras attulit: quem diutius tenui, quia quotidie aliquid noni expectabamus. neque nunc mittendi tamen ulla causa fuit, præter eam, de qua tibi rescribi uoluisti. Quod ad kal. Quint. pertinet, quid uellem utrumque graue est, & tam graui tempore, periculum tantæ pecuniæ, & dubio rerum exitu, ista, quam scribis, abruptio. quare, ut alia, sic hoc uel maxime tuæ fidei, beneuolentiæq. permitto, & illius consilio, & uoluntati: cui miseræ consuluissem melius, si tecum olim coram potius, quàm per litteras, de salute nostra, fortunisq. deliberauissem. Quod negas præcipuum mihi ullum incommodum impendere: etsi ista res nihil habet consolationis, tamen etiam præcipua multa sunt, quæ tu profecto uides grauissima esse, & me facillime uitare potuisses. ea tamen erunt minora, si, ut adhuc factum est, admini-



administratione, diligentiaq. tua leuabuntur. Pecunia apud Egnatium est. sit a me, ut est. neque enim hoc, quod agitur, uidetur diuturnum esse posse; ut scire iam possim, quid maxime opus sit. et si egeo rebus omnibus; quod is quoque in angustiis est, qui cum sumus; cui magnam dedimus pecuniam mutuam, opinantes, nobis, constitutis rebus, eam rem etiam honori fore. Tu, ut antea fecisti, uelim, si qui erunt, ad quos aliquid scribendum a me existimes, ipse conficias. Tuis salutē dic. Cura, ut ualeas. in primis id, quod scribis, omnibus rebus cura, & provide, ne quid ei desit, de qua scis me miserrimum esse. Idibus Iun. ex castris.

CICERO S. D. ATTICO.

4

ACCEPI ab Isidoro litteras, & postea datas binas. ex proximis cognoui prædia non uenisse. uidebis ergo, ut sustentetur per te. de Frusinati, si modo futuri sumus, erit mihi res oportuna. Meas litteras quod requiris, impediō inopia rerum, quas nullas habeo litteris dignas, quippe cui nec, quæ accidunt, nec, quæ aguntur, ullo modo probentur. utinam coram tecum olim potius, quam per epistolas. Hic tua, ut possum, tueor apud hos. cetera Celler. ipse fugi adhuc omne munus, eo magis, quod ita nihil poterat agi, ut mihi, & meis rebus aptum esset. Quid sit gestum noui, queris: ex Isidoro scire poteris: reliqua non uidentur esse difficiliora. Tu id uelim, quod scis me maxime uelle, cures, ut scribis,



scribis, ut facis. Me conficit sollicitudo, ex qua etiam summa infirmitas corporis: qua leuata, erona cum eo, qui negotium gerit, estq. in spe magna. Brutus amicus in causa uersatur acriter. Haftenus fuit, quod caute a me scribi posset. De pensione altera, oro te, omni cura considera, quid sit faciendum, ut scripsi ijs litteris, quas Pollex tulit. Vale.

CICERO S. D. ATTICO.

5

QVAE me causa mouerint, quam acerbæ, quam graues, quam nouæ, coegerintq. impetu magis quodam animi uti, quam cogitatione, non possum ad te sine maximo dolore scribere: fuerunt quidem tantæ, ut id, quod uides, effecerint. itaque nec quid ad te scribam de meis rebus, nec quid a te petam, reperio. rem, & summam negotij uides. equidem ex tuis litteris intellexi, & ijs, quas communiter cum alijs scripsisti, & ijs, quas tuo nomine, quod etiam mea sponte uidebam, te subdebilitatum nouas rationes tuendi mei quærere. Quod scribis placere, ut propius accedam, iterq. per oppida noctu faciam: non sane uideo, quemadmodum id fieri possit. neque enim ita apta habeo diuersoria, ut tota tempora diurna in his possim consumere: neque ad id, quod quæris, multum interest, utrum me homines in oppido uideant, an in uia. sed tamen hoc ipsum, sicut alia, considerabo quemadmodum commodissime fieri posse uideatur. ego propter incredibilem & animi, & corporis molestiam



stiam conficere plures litteras non potui : ijs tantum rescripsi , a quibus acceperam . tu uelim et Basilio , & quibus præterea uidebitur , etiam Seruilio conscribas , ut tibi uidebitur , meo nomine . Quod tanto interuallo nihil omnino ad uos : profecto intelligis , rem mihi deesse , de qua scribam , non uoluntatem . Quod de Vatino quæris : neque illius , neque cuiusquam mihi præterea officium deest , si reperire possent , qua in re me iuarent . Quintus auersissimo a me animo Patris fuit . eodem Corcyræ filius uenit : inde profectos eos una cum ceteris arbitror . Vale .

## CICERO S. D. ATTICO . 6

SOLICITVM esse te cum de tuis , communibusq. fortunis , tum maxime de me , ac de dolore meo , sentio . qui quidem dolor meus non modo non minuitur , cum socium sibi adiungit dolorem tuum , sed etiam augetur . omnino pro tua prudentia sentis , qua consolatione leuari maxime possim . probas enim meum consilium , negasq. mihi quidquam tali tempore potius faciendū fuisse . addis etiam , ( quod etsi mihi leuius est , quàm tuum iudicium , tamen non est leue ) ceteris quoque , id est qui pondus habeant , factum nostrum probari . id si ita putarem , leuius dolerem . crede , inquis , mihi . credo equidem : sed scio , quàm cupias minui dolorem meum . Me discessisse ab armis , numquam penituit . tanta erat in illis crudelitas , tanta cum barbaris gentibus con-



## LIB. XI. EPIST.

coniunctio, ut non nominatim, sed generatim proscriptio esset informata; ut iam omnium iudicio constitutum esset, omnium uestrum bona prædam esse illius uictoriæ: uestrum, plane dico. numquam enim de te ipso, nisi crudelissime, cogitatum est. quare uoluntatis me meæ numquam penitebit: consilij penitet. in oppido malletm resedisse, quoad accerserer: minus sermonis subijssem: minus accepissem doloris: ipsum hoc me non angeret. Brundisij iacere, in omnes partes est molestum. propius accedere, ut suades, quo modo sine lictoribus, quos populus dedit, possum? qui mihi incolumi adimi non possunt: quos ego modo paullisper cum bacillis in turbam conieci ad oppidum accedens, ne quis impetus militum fieret. recipio tempore me domo. te nunc ad Oppium, quoniam ijs placeret modo propius accedere, ut hac de re considerarent. credo fore auctores. sic enim recipiunt, Cæsari non modo de conseruanda, sed etiam de augenda mea dignitate curæ fore: meq. hortantur, ut magno animo sim, ut omnia summa sperem: ea spondent, confirmant. quæ quidem mihi exploratiora essent, si remansissem. sed ingero præterita. uide, quæso, igitur ea, quæ restant: & explora cum istis: & si putabis opus esse, et si istis placebit, quo magis factum nostrum Cæsar probet, quasi de suorum sententia factum; adhibeantur Trebonius, Pansa, si qui alij, scribantq. ad Cæsarem, me, quidquid fecerim, de sua sententia fecisse. Tullie meæ morbus, & imbecillitas corporis me  
exani-



exanimat: quam tibi intelligo magnæ curæ esse; quod est mihi gratissimum. De Pompeij exitu mihi dubium numquam fuit. tanta enim desperatio rerum eius, omnium regum, & populorum animos occuparat, ut, quocumque uenisset, hoc putarem futurum. non possum eius casum non dolere, hominem enim integrum, & castum, & grauem cognoui. De Fannio consoler te? perniciose loquebatur de mansione tua. Lucius uero Lentulus Hortensij domum sibi, & Caesaris hortos, et Baias desponderat. omnino hæc eodem modo ex hac parte fiunt, nisi illud erat infinitum. omnes enim, qui in Italia remanserant, hostium numero habebantur, sed uelim hæc aliquando solutiore animo. Quintum fratrem audio profectum in Asiam, ut deprecaretur. de filio nihil audiui. sed quære ex Diochare, Caesaris liberto, quem ego non uidi, qui istas Alexandrinas litteras attulit. is dicitur uidisse an euntem, an iam in Asia? Tuas litteras, prout res postulat, expecto: quas uelim cures quamprimum ad me perferendas. Vale. IV. kal. Dec.

CICERO S. D. ATTICO. 7

GRATÆ mihi tuæ litteræ sunt, quibus accurate perscripsisti omnia, quæ ad me pertinere arbitratus es. Factum igitur, ut scribis, istis placere, iisdem istis liçtoribus me uti, quod concessum Sextio sit. cui non puto suos esse concessos, sed ab ipso dados. audio enim eum ea S. C. improbare, quæ  
post



post discessum tribunorum facta sunt. quare poterit, si uolet sibi constare, nostros liētores comprobare. quamquam quid ego de liētoribus, qui pene ex Italia decedere sin iussus? nam ad me misit Antonius exemplum Cæsaris ad se litterarum, in quibus erat: se audiuisse, Catonem, & L. Metellum in Italiam uenisse Romæ ut essent palam: id sibi non placere; ne qui motus ex eo fierent: prohiberi q. omnes Italia, nisi quorum ipse causam cognouisset. de q. eo uehementius erat scriptum. itaque Antonius petebat a me per litteras, ut sibi ignoscerem: facere se non posse, quin ijs litteris pareret. tum ad eum misi L. Lamiam, qui demonstraret, illum Dollabelle dixisse, ut ad me scriberet, ut in Italiam quamprimum uenirem: eius me litteris uenisse. tum ille edixit ita, ut me exciperet, & Lelium nominatim. quod sane nollem. poterat enim, sine nomine, re ipsa excipi. o multas, & graues offensiones: quas quidem, tu das operam, ut lenias; nec tamen nihil proficis: quin hoc ipso minuis dolorem meum, quod, ut minuas, tam ualde laboras: id q. uelim ne grauere quamsepiissime facere. maxime autem assequere quod uis, si me adduxeris, ut existinem, me bonorum iudicium non funditus perdidisse. quamquam quid tu in eo potes? nihil scilicet: sed, si quid res dabit tibi facultatis, id me maxime consolari poterit: quod nunc quidem uideo non esse. sed si quid ex euentis: ut hoc nunc accidit. dicebar debuisse cum Pompeio proficisci. exitus illius mi-

nui



nuit eius officij prætermissi reprehensionem . sed ex omnibus nihil magis tamē desideratur , quā quod in Africam non ierim . iudicio hoc sum usus , non esse barbaris auxilijs fallacissimæ gentis remp . defendendam , præsertim contra exercitum sæpe victorem . nō probant fortasse . multos enim uiros bonos in Africam uenisse audio , & scio fuisse antea . ualde hoc loco urgeor . hic quoque opus est casu aliqui sint ex eis , aut , si potest , omnes , qui salutem anteponant . nam si perseverant , & obtinent ; quid nobis futurum sit , uides . dices , quid illis , si uicti erunt ? honestior est plaga . Hæc me excruciant . Sulpicii autem consilium , non scripsisti , cur meo non anteponeres : quod et si nō tam gloriosum est , quā Catonis , tamen & periculo uacuum est , & dolore . Extremum est eorum , qui in Achaia sunt . ij tamen ipsi se hoc melius habent , quā nos ; quod & multi sunt uno in loco , & cum in Italiam uenerint , domum statim uenerint . Hæc tu perge , ut facis , mitigare , & probare quamplurimis . Quod te excusas : ego uero & tuas causas nosco ; & mea interesse puto , te istic esse , uel ut cum ijs , quibus oportebit , agas , quæ erunt agenda de nobis , ut ea quæ egisti . in primisq . hoc uelim animaduertas . multos esse arbitror , qui ad Casarem detulerint , delaturiue sint , me aut paterere consilij mei , aut non probare , quæ fiant . quorum etsi utrumque uerum est ; tamen ab illis dicitur animo a me alienato , non quod ita perspexerint . sed totum ut hoc Balbus sustineat ,



## LIB. XI. EPIST.

sustineat, & Oppius, & eorum crebris litteris illius uoluntas erga me confirmetur, & hoc plane ut fiat, diligentiam adhibebis. Alterum est, cur te nolim discedere, quòd scribis Terentiam flagitare. o rem miseram. quid scribam? aut quid uelim? breue faciam: lacrymæ enim se subito profuderunt: tibi permitto: tu consule. tantum uide, ne hoc temporis Terentiæ obesse aliquid possit. ignosce, obsecro te: non possum præ fletu, & dolore diutius in hoc loco commorari. tantum dicam, nihil mihi gratius esse, quàm quòd eam diligis. Quod litteras, quibus putas opus esse, curas dandas, facis commode. Quintum filium, uidi, qui Sami uidisset, patrem Sicyone: quorum deprecatio est facilis. utinam illi, qui prius illum uiderunt, me apud eum uelint adiutum tantum, quantum ego illos uellem, si quid possem. Quod rogas, ut in bonam partem accipiam, si qua sint in tuis litteris, quæ me mordeât: ego uero in optimam; teq. rogo, ut aperte, quemadmodum facis, scribas ad me omnia, idq. facias quamsepiissime. Vale. XIV. kal. Ian.

CICERO S. D. ATTICO. 8

QUANTIS curis afficiar, etsi profecto uides, tamen cognosces. ex Lepta, & Trebatio, maximas pœnas pendo temeritatis meæ; quam tu prudentiam mihi uideri uis; neque te deterreo, quò minus id disputes, scribasq. ad me quamsepiissime. non nihil enim me leuant tuæ litteræ hoc tempore. Per  
eos,



eos, qui nostra causa uolunt, ualentq. apud illum, diligentissime contendas opus est, per Balbum, & Oppium maxime, ut de me scribant quam diligentissime. oppugnamur enim, ut audio, & a presentibus quibusdam, & per litteras. ijs ita occurrendum, ut rei magnitudo postulat. Furnius est illic, mihi inimicissimus. Quintus misit filium non solum sui deprecatorem, sed etiam accusatorem mei. dicitat, se a me apud Cæsarem oppugnari. quod refellit Cæsar ipse, omnesq. eius amici. neque uero desistit, ubicunque est, omnia in me maledicta conferre. nihil mihi umquam tam incredibile accidit, nihil in his malis tam acerbum. qui ex ipso audissent, cum Sicyone palam multis audientibus loqueretur, nefaria quædam ad me pertulerunt. nostri genus, etiam expertus es fortasse: in me id est omne conuersum. sed augeo commemorando dolorem, & facio etiam tibi. quare ad illud redeo. cura, ut huius rei causa, dedita opera, mittat aliquem Balbus. ad quos uidebitur, uelim cures litteras meo nomine. Vale. xv. kal. Ian.

CICERO S. D. ATTICO. 9

EGO uero & incaute, ut scribis, & celerius, quam oportuit, feci: nec in ulla sum spe, quippe qui exceptionibus edictorum retinear. quæ si non essent sedulitate effectæ, beneuolentia tua, liceret mihi abire in solitudines aliquas. nunc ne id quidem licet. quid autem me iuuat, quod ante initum tribuna-

CC tum



## LIB. XI. EPIST.

tum ueni, si ipsum, quod ueni, nihil iuuat? iam, quid sperem ab eo, qui mihi amicus numquam fuit; cum iam lege etiam sim confectus, & oppressus? quotidie Balbi ad me litteræ languidiores; multæq. multorum ad illum, fortasse contra me. meo uitio pereo. nihil mihi mali causa attulit: omnia culpa contracta sunt. ego enim, cum genus belli uiderem, imparata, & infirma omnia contra paratissimos, iueram, (quid facerem?) ceperamq. consilium non tam forte, quam mihi præter ceteros concedendum. cessimus, uel potius parui. ex quibus unus quæ mente fuerit, is, quem tu mihi commendas, cognoscet ex ipsius litteris, quas ad te, & ad alios misit. quas ego numquam aperuissem, nisi res acta sic esset. delatus est ad me fasciculus: solui, si quid esset ad me litterarum: nihil erat. epistola Vatini, & Ligurio altera. iussi ad eos deferri. illi ad me statim ardentibus dolore uenerunt, scelus hominis clamantes. epistolas mihi legerunt plenas omnium in me proborum. hic Ligurius furere: se enim scire, summo illum in odio fuisse Cæsari: illum tamen non modo fouisse, sed & tantam pecuniam illi dedisse honoris mei causa. hoc ego dolore accepto, uolui scire, quid scripsisset ad ceteros. ipsi enim illi putauit perniciosum fore, si eius hoc tantum scelus percrebuisset. cognoui. eiusdem generis litteras ad te misi. quas si putabis illi ipsi utile esse reddi, reddes: nil me lædet. nam quod resignatae sunt; habet, opinor, eius signum Pomponia. hac illæ acerbitate initio navigationis



tionis cum usus esset, tanto me dolore affecit, ut postea iacuerim. neque nunc tam pro se, quam contra me, laborare dicitur. ita omnibus rebus urgeor; quas sustinere uix possum, uel plane nullo modo possum. quibus in miseris una est pro omnibus, quod istam miseram, patrimonio, fortuna omni spoliata, relinquam. quare te, ut polliceris, uidere plane uelim. alium enim, cui illam commendem, habeo neminem: quoniam matri quoque eadem intellexi esse parata, quæ mihi. sed, si me non offendes, satis tamen habeto commendatam, patruumq. in ea, quantum poteris, mitigato. Hæc ad te die natali meo scripsi: quo utinam susceptus non essem, aut ne quid ex eadem matre postea natum esset. plura scribere fletu prohibeor.

CICERO S. D. ATTICO. IO

AD meas incredibiles ægritudines aliquid noui accedit ex ijs, quæ de Q. fratre ad me afferuntur. P. Terentius, meus necessarius, operas in portu, et scriptura Asiæ pro magistro dedit. is Quintum filium Ephesi uidit v. 1. id. Dec. eumq. studiose propter amicitiam nostram inuitauit. cumq. ex eo de me cunctaretur, eum sibi ita dixisse narrabat, se mihi esse inimicissimum; uolumenq. sibi ostendisse orationis, quam apud Cæsarem contra me esset habiturus: multaq. a se dicta contra eius amentiam: multa postea Patris consimili scelere secum Quintum patrem locutum: cuius furorem ex ijs episto-

CC 2 lis



## LIB. XI. EPIST.

lis, quas ad te misi, perspicere potuisti. hæc tibi dolori esse certo scio: me quidem excruciant, & eo magis, quòd mihi cum illis ne querendi quidem locum futurum puto, De Africanis rebus longe alia nobis, ac tu scripseras, nuntiantur, nihil enim firminus esse dicunt, nihil paratius, accedit Hispania, & alienata Gallia, legionum nec uis eadem, nec uoluntas, urbanæ res perditæ. quid est, ubi acquiescam? nisi quàm diu tuas litteras lego. quæ essent profecto crebriores, si quid haberes, quo putares meam molestiam minui posse, sed tamen te rogo, ne intermittas scribere ad me, quidquid erit, eosque, qui mihi tam crudeliter inimici sunt, si odisse non potes, accuses tamen; non ut aliquid proficias, sed ut tibi me carum esse sentiant. Plura ad te scribam, si mihi ad eas litteras, quas proxime ad te dedi, rescripseris. Vale. XII. kal. Febr.

CICERO S. D. ATTICO. II

CONFECTVS iam cruciatu maximorum dolorum, ne si sit quidem, quod ad te debeam scribetur, facile id exequi possem, hoc minus, quòd res nulla est, quæ scribenda sit; cum præsertim ne spes quidem ulla ostendatur, fore melius. ita iam ne tuas quidē litteras exspecto. quamquam semper aliquid afferunt, quod uelim. quare tu quidem scribito, cum erit, cui des. ego tuis proximis, quas tamen iam pridem accepi, nihil habeo, quod rescribam. longo enim interuallo uideo immutata esse omnia,  
illa



illa esse firma, quæ debeant, nos stultitiæ nostræ  
 grauissimas pœnas pendere. P. Sallustio curanda  
 sunt HS xxx, quæ accepi a Cn. Sallustio. uelim  
 uideas, ut sine mora curentur. de ea re scripsi ad  
 Terentiam. atque hoc ipsum iam prope consum-  
 ptum est. quare id quoque uelim, cum illa uideas,  
 ut sit, qui utamur. hic fortasse potero sumere, si  
 sciam istic paratum fore: sed prius, quàm id scirem,  
 nihil sum ausus sumere. Qui sit omnium rerum sta-  
 tus noster, uides. nihil est mali, quod non & susti-  
 neam, & expectem. quarum rerum eo grauior est  
 dolor, quo culpa maior. Ille in Achaia non cessat  
 de nobis detrahere. nihil uidelicet tuæ litteræ pro-  
 fecerunt. Vale. viii. id. Martij.

CICERO S. D. ATTICO. 12

CEPHALIO mihi a te litteras reddidit ad  
 viii. id. Mart. uespere. eo autem die mane tabel-  
 larios miseram, quibus ad te dederam litteras. tuis  
 tamen lectis litteris, putavi aliquid rescribendum  
 esse, maxime, quòd ostendis te pendere animi,  
 quamnam rationem sim Cæsari allaturus profectio-  
 nis meæ tum, cum ex Italia discesserim. nihil opus  
 est mihi noua ratione. sepe enim ad eum scripsi,  
 multisq. mandavi, non potuisse, cum cupissem,  
 sermones hominum sustinere. multa q. in eam sen-  
 tentiam. nihil enim erat, quod minus eum uellem  
 existimare, quàm me tanta dere non meo consilio  
 usum esse. postea, cum mihi litteræ a Balbo Cor-

CC 3 nelio



## LIB. XI. EPIST.

nelio minore missæ essent, illum existimare, Quintum fratrem lituum meæ profectionis fuisse, (ita enim scripsit) qui non dum cognosset quæ de me Quintus scripsisset ad multos: etsi multa præsens in præsentem acerbe dixerat, & fecerat, tamen  
 \* L. in eo his uerbis ad Cæsarem scripsi. De Quinto fratre meo non minus laboro, quàm de me ipso: sed eum tibi commendare hoc meo tempore non audeo. illud dumtaxat tamen audebo petere abs te, quod te oro, ne quid existimes ab illo factum esse, quo minus mea in te officia constarent, minus ue te diligerem, potiusq. illum semper auctorem nostræ coniunctionis fuisse, meiq. itineris comitem, non ducem. quare ceteris in rebus tantum ei tribues, quantum humanitas tua, amicitiaq. uestra postulat: ego ei ne quid apud te obsem, id te uehementer etiam atque etiam rogo.

Quare, si quis congressus fuerit mihi cum Cæsare, (etsi non dubito, quin is lenis in illum futurus sit, idq. iam declarauerit) ego tamen is ero, qui semper fui. sed, ut uideo, multo magis est nobis laborandum de Africa. quam quidem tu scribis confirmari quotidie magis ad condicionis spem, quàm uictoriæ. quod utinam ita esset: sed longe aliter esse intelligo; teq. ipsum ita existimare arbitror, aliter autem scribere non fallendi: sed confirmandi mei causa, præsertim cum adiungatur ad Africam etiã Hispania. Quod me admones, ut scribam ad Antonium, & ad ceteros: si quid uidebitur tibi opus esse,



esse, uelim facias id, quod sæpe fecisti. nihil enim uenit mihi in mentem, quod scribendum putem. Quod me audis fractiorem esse animo: quid putas, cum uideas accessisse ad superiores ægritudines præclaras generi actiones? Tu tamen uelim ne intermitas, quoad eius facere poteris, scribere ad me, etiam si rem, de qua scribas, non habebis. semper enim afferunt aliquid mihi litteræ tuæ. Galeonis hereditatem creui. puto enim cretionem simplicem fuisse, quoniam ad me nulla missa est. Vale.  
VIII. id. Mart.

## CICERO S. D. ATTICO. 13

AMVRENÆ liberto nihil adhuc acceperam litterarum. P. Sifer reddiderat eas, quibus rescribo. De Seruij patris litteris quod scribis, item, Quinctum in Syriam uenisse, quod ais esse qui nuntient: ne id quidem uerum est. Quod certiore te uis fieri, quo quisque in me animo sit, aut fuerit eorum, qui huc uenerunt: neminem alieno intellexi: sed, quantum id mea intersit, existimare te posse certo scio. mihi cum omnia sunt intolerabilia ad dolorem, tum maxime, quod in eam causam uenisse me uideo, ut sola utilia mihi esse uideantur, quæ semper nolui. P. Lentulum patrem Rhodi esse aiunt, Alexandria filium: Rhodoq. Alexandriam C. Cassium profectum esse constat. Quinctus mihi per litteras satisfacit, multo asperioribus uerbis, quàm cum grauissime accusabat. ait enim se ex lit-

CC 4 teris



LIB. XI. EPIST.

teris tuis intelligere, tibi non placere, quòd ad multos de me asperius scripsit : itaque se pænitere, quòd animum tuum offenderit : sed se iure fecisse. deinde perscribit spurcissime, quas ob causas fecerit. sed neque hoc tempore, nec antea patefecisset odium suum in me, nisi omnibus rebus me esse oppressum uideret. atque utinam uel nocturnis, quemadmodum tu scripseras, itineribus propius te accessissem. nunc nec ubi, nec quando te sim uisurus, possum suspicari. De coheredibus Fusidianis nihil fuit, quod ad me scribere. nam et æquum postulant : & , quidquid egisses, recte esse actum putarem. De fundo Frusinati redimēdo iam pridem intellexisti uoluntatem meā. et si tum meliore loco res erant nostræ, neque tam mihi desperaturi uidebamur. tamen in eadem sum uoluntate. id quemadmodum fiat, tu uidebis. Et uelim, quoad poteris, consideres, ut sit, unde nobis suppeditentur sumptus necessarij. si quas habuimus facultates, eas Pompeio tum, cum id uidebamur sapienter facere, detulimus. itaque tum et a tuo uillico sumpsimus, et aliunde mutuati sumus, cum Quintus quereretur per litteras, sibi nos nihil dedisse; qui neque ab illo rogati sumus, neque ipsi eam pecuniam aspeximus. sed uelim uideas, quid sit, quod confici possit, quidq. mihi de omnibus des consilij : & causam nosti. Plura ne scribam, dolore impediatur. si quid erit, quod ad quos scribendum meo nomine putes, uelim, ut soles, facias : quotiesq. habebis, cui des ad me litteras, nolim prætermittas. Vale.

CICERO



## CICERO S. D. ATTICO. 14

NON me offendit ueritas litterarum tuarum, quòd me, tum communibus, tum præcipuis malis oppressum, ne incipis quidem, ut solebas, consolari, faterisq. id fieri iam non posse. nec enim ea sunt, quæ erant antea, cum, ut nihil aliud, comites me, & socios habere putabam. omnes enim Achaici de precatore, item qui in Asia quibus non erat ignotum, etiam quibus erat, in Africam dicuntur nauigaturi. ita, præter Lælium, neminem habeo culpæ socium: qui tamen hoc meliore in causa est, quòd iam est receptus. de me autem, non dubito, quin ad Balbum, & ad Oppium scripserit: a quibus, si quid esset latius, certior factus essem, tecum etiam essent locuti: quibuscum tu de hoc ipso colloquare uelim, & ad me, quid tibi responderint, scribas: non quòd ab isto salus data quidquam habitura sit firmitudinis: sed tamen aliquid consuli, & prospici poterit. etsi omnium conspectum horreo, præsertim hoc genero: tamen, in tantis malis quid aliud uelim, non reperio. Quintus pergit, ut ad me et Pansa scripsit, et Hirtius: isq. item Africam petere cum ceteris dicitur. Ad Minucium parentem scribam, & tuas litteras mittam. ad te scribam, num quid egerit. HS xxx potuisse mirarer, nisi multa de Fufidianis prædijs. & id uideo tamen. Te exspecto: quem uidere, si ullo modo potes uenire, peruellem. iam extremum concluditur.



\* tur. ibi facile est, quod quale sit, grauius existimare. Vale.

CICERO S. D. ATTICO. 15

QVONIAM iustas causas affers, quod te hoc tempore uidere non possim: quaeso, quid sit mihi faciendum. ille enim ita uidetur Alexandriam tenere, ut eum scribere etiam pudeat de illis rebus. ij autem ex Africa iam affuturi uidentur. Achæi item ex Asia redituri ad eos, aut libero aliquo loco commoraturi. quid mihi igitur putas agendum? uideo difficile esse consilium. sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamen scire uelim, quid censeas: idq. erat cum alijs, cur te, si fieri posset, cuperem uidere. Minucium XII. sola curasse, scripsi ad te antea. quod superest, uelim uideas, ut curetur. Quinctus non modo non cum magna prece ad me, sed acerbissime scripsit. filius uero mirifico odio. nihil fingi potest mali, quo nō urgear. omnia tamen sunt facilia, quàm peccati dolor, qui & maximus est, & æternus. cuius peccati si socios essem habiturus ego, quos putauit, tamen esset ea consolatio tenuis: sed habet aliorum omnium ratio exitum, mea nullum. alij capti, alij interclusi non ueniunt in dubium de uoluntate, eo minus scilicet, cum se expedierint, & una esse cœperint. ij autem ipsi, qui sua uoluntate ad Fusum uenerunt, nihil possunt, nisi timidi, existimari. multi autem sunt, qui,



qui, quicunque sunt, modo ad illos se recipere uolent, recipientur. quo minus debes mirari, non posse me tanto dolori resistere. solius enim meum peccatum corrigi non potest, & fortasse Lelij: sed quid me id leuat? Caium quidem Cassium aiunt consiliū Alexandriam eundi mutauisse. Hæc ad te scribo, nō ut queas tu demere sollicitudinem, sed ut cognoscam, ecquid tu ad ea afferas, quæ me conficiunt: ad quæ gener accedit, & cetera, quæ, fletu reprimor, ne scribam. quin etiam Aesopi filius me excruciat. prorsus nihil abest, quin sim miserrimus. Sed ad primum reuertor: quid putes faciendum, occulte ne aliquò propius ueniendum, an mare transeundum. nā hic maneri diutius non potest. De Fusidianis quare nihil potuit confici? genus enim condicionis eiusmodi fuit, in quo non solet esse controuersia; cum ea pars, quæ uidetur esse minor, licitatione expleri posset. hæc ego non sine caussa quaero: suspicor enim, coheredes dubiam nostram caussam putare, & eorem in integro esse. Vale. Pridie id. Mai.

CICERO S. D. ATTICO. 16

NON meo uitio fit, hoc quidem tempore, (ante enim est peccatum) ut me ista epistola nihil consoletur. nam & exigue scripta est, et suspensiones magnas habet, non esse ab illo; quas animaduertiisse te existimo. De obuiam itione ita faciam, ut suades. neque enim ualde aduentus eius opinio est: neque, si qui ex Asia ueniunt, quidquam auditum esse dicunt



## LIB. XI. EPIST.

cunt de pace: cuius ego spe in hanc fraudem incidi. nihil uideo, quod sperandum putem, nunc præsertim, cum ea plaga in Asia sit accepta, in Illyrico, in Cassiano negotio, in ipsa Alexandria, in urbe, in Italia. ego uero, etiam si rediturus ille est, qui adhuc bellum gerere dicitur, tamen ante reditum eius negotium confectum iri puto. Quod autem scribis, quandam lætitiā bonorum esse commotam, ut sit auditum de litteris: tu quidem nihil prætermittis, in quo putes aliquid solatij esse: sed ego non adducor, quemquam bonum ullam salutem putare mihi tanti fuisse, ut eam peterem ab illo, & eo minus, quod huius consilij iam ne socium quidem habeo quemquam. qui in Asia sunt, rerum exitum expectant. Achaici etiam Fusio spem deprecationis afferunt. horum & timor idem fuit primo, qui meus, & constitutum: mora Alexandrina causam illorum corripuit, meam euertit, quam obrem idem a te nunc peto, quod superioribus litteris, ut, si quid in perditis rebus dispiceres, quod mihi putares faciendum, me moneres. si recipior ab his, quod uides non fieri; tamen, quoad bellum erit, quid agam, aut ubi sim, non reperio. si iactor, eo minus. itaque tuas litteras expecto; easque, ut ad me sine dubitatione scribas, rogo. Quod suades, ut ad Quintum scribam de his litteris: facerem, si me quidquam istæ litteræ delectarent. et si quidam scripsit ad me his uerbis: Ego, ut in his malis, Patris sum non inuitus: essem libentius, si frater tuus ea de te loqueretur,



tur, quæ ego audire uellem. Quod ais illum ad te scribere, me sibi nullas litteras remittere: semel ab ipso accepi: ad eas Cephalioni dedi, qui multos menses tempestatibus retentus est. Quintum filium ad me acerbissime scripsisse, iam ante ad te scripsi. Extremum est, quod te orem, si putas rectum esse, & a te suscipi posse, cum Camillo communices, ut Terentiam moneatis de testamento. tempora monent, ut uideat, ut satisfaciat, quibus debeat. auditum ex Philotimo est, eam scelerate quædam facere. credibile uix est. sed certe, si quid est, quod fieri possit, providendum est, de omnibus rebus uelim ad me scribas, et maxime quid scribas de ea: in quo \* tuo consilio egeo, etiam si nihil excogitas: id enim mihi erit pro desperato. Vale. III. non. Iun.

## CICERO S. D. ATTICO. 17

PROPERANTIBVS tabellarijs alienis hanc epistolam dedi, eo breuiorem, quod eram missurus meos. Tullia mea uenit ad me prid. id. Iun. deq. tua erga se obseruantia, beneuolentiaq. mihi plurima exposuit, litterasq. reddidit trinas. ego autem ex ipsius uirtute, humanitate, pietate nō modo eam uoluptatem non cepi, quam capere ex singulari filia debui; sed etiam incredibili sum dolore affectus, tale ingenium in tam misera fortuna uersari, idq. accidere nullo ipsius delicto, summa culpa mea. itaque a te neque consolationem iam, qua cupere te uti uideo, neque consilium, quod capi nullum potest, exspecto:



## LIB. XI. EPIST.

Eto, teq. omnia cum superioribus saepe litteris, tum  
 proximis tentasse intelligo. Ego cum Sallustio Cice-  
 ronem ad Casarem mittere cogitabam. Tulliam au-  
 tem, non uidebam esse causam, cur diutius mecum  
 tanto in communi mœrore retinerem. itaque eram  
 tibi eam, cum primum per ipsam liceret, remissu-  
 rus. pro ea, quemadmodum consolandis scripsisti,  
 \* P. tanta eo me scripsisse, quæ tu ipse intelligis respon-  
 deri potuisse. Quod Oppium tecum scribis locu-  
 tum, non abhorret a mea suspitione eius oratio: sed  
 non dubito quin istis persuaderi nullo modo possit,  
 ea, quæ faciant, mihi probari posse; quoquo mo-  
 do loquar. ego tamen utar moderatione, qua pote-  
 ro. quamquam, quid mea intersit, ut eorum odium  
 subeam, non intelligo. Te iusta causa impediri,  
 quo minus ad nos uenias, uideo; idq. mihi ualde mo-  
 lestum est. Illum ab Alexandria discessisse, nemo  
 nuntiat; constatque, ne profectum quidem illò  
 quemquam post id. Mart. nec post id. Dec. ab illo  
 datas ullas litteras. ex quo illud intelligis, illud, de  
 litteris ad v. id. Febr. datis, quod inane esset, e-  
 tiam si uerum esset, non uerum esse. L. Terentium  
 discessisse ex Africa scimus, Paestumq. uenisse. quid  
 is afferat, aut quo modo exierit, aut quid in Afri-  
 ca fiat, scire uelim. dicitur enim per Nasidium e-  
 missus esse. id quale sit, uelim, si inueneris, ad me  
 scribas. De HS x, ut scribis, faciam. Vale.  
 XVIII. kal. Quint.

CICERO



DE illius ab Alexandria discessu, nihil adhuc rumoris, contraq. opinio, ualde esse impeditum: itaque nec mitto, ut constitueram, Ciceronem; & te rogo, ut me hinc expedias. quoduis enim supplicium leuius est hac permāsione. hac de re et ad Antonium scripsi, & ad Balbum, & ad Oppium. siue enim bellum in Italia futurum est, siue classibus utetur; hic esse me, minime conuenit: quorum fortasse utrumque erit: alterum certe intellexi omnino ex Oppij sermone, quem tu mihi scripsisti, quæ istorum uia esset: sed, ut eam flectas, te rogo. nihil omnino iam exspecto, nisi miserū. sed hoc perditius, in quo nunc sum, fieri nihil potest. quare, cum Antonio loquare, uelim, & cum istis; & rem, ut poteris, expedias; & mihi quamprimum de omnibus rebus rescribas. Vale. XII. kal. Quint.

CVM tuis dare possem litteras, non prætermisi: etsi, quid scriberem, non habebam. tu ad nos & rarius scribis, quàm solebas, & breuius: credo, quia nihil habes, quod me putes libenter legere, aut audire posse. uerumtamen uelim, quid erit, qualecumque erit, scribas. est autem unum, quod mihi sit optandum, si quid agi de pace possit: quod nulla equidem habeo in spe: sed, quia, ut leuiter interdum significas, cogis me sperare, quod  
optan-



LIB. XI. EPIST.

optandum uix est. Philotimus dicitur idibus Sext.  
nihil habeo de illo amplius. tu uelim, ad ea mi-  
hi rescribas, quæ ad te antea scripsi. mihi tantum  
temporis satis est, dum, ut in pessimis rebus, ali-  
quid caueam, qui nihil umquam caui. Vale.  
XI. kal. Sext.

CICERO S. D. ATTICO. 20

XVII. kal. Sept. uenerat die XXVIII. Se-  
lencea Peria C. Trebonij, is, qui se Antiochiæ dice-  
ret apud Cæsarem uidisse Quintum filium cū Hir-  
tio. eos de Quinto, quæ uoluissent, impetrasse nul-  
lo quidem negotio. quod ego magis gauderem, si  
ista nobis impetrata quidquam ad spem explorati  
haberent. sed & alia timenda sunt, ab alijsque; et  
ab hoc ipso quæ dantur, ut a domino, rursus in eius-  
dem sunt potestate. etiam Sallustio ignouit. omni-  
no dicitur nemini negare. quod ipsum est suspectū,  
notionem eius differri. M. Gallius Q. F. mancipia  
Sallustio reddidit. is uenit, ut legiones in Siciliam  
traduceret: & protinus iturum Cæsarem Patris.  
quod si faciet; ego, quod ante mallem, aliquò pro-  
pius accedam. tuas litteras ad eas, quibus a te pro-  
xime consilium petiui, uehementer exspecto.  
Vale. XVI. kal. Sept.

CICERO S. D. ATTICO. 21

ACCEPI VI. kal. Sept. litteras a te, datas  
XII. kal. doloremque, quem ex Quinti scelere  
iam pridem



iam pridem acceptum iam abiecerā, lecta eius epistola grauiſſimum cepi. tu et ſi non potuiſti ullo modo facere, ut mihi illam epistolam non mitteres: tamen mallem non eſſe miſſam. Ad ea autem, quæ ſcribis de teſtamento, uidebis, quid, & quo modo. De nummis, & illa ſic ſcripſit, ut ego ad te antea; & nos, ſi quid opus erit, utemur ex eo, de quo ſcribis. Ille ad kal. Sept. Athenis non uidetur fore. multa eum in Aſia dicuntur morari, maxime Pharnaces. legio XII, ad quam primum Sulla uenit, lapidibus egiffe hominem dicitur. nullam putant ſe commoturam. illum arbitrantur protinus Patris in Siciliam. ſed, ſi hoc ita eſt, huc ueniat neceſſe eſt. ac mallem illum. aliquo enim modo hinc euafiſſem. nunc metuo, ne ſit exſpectandum: & cum reliquis etiam loci grauitas hic miſerrime perferenda. Quod me mones ut ea uideam, quæ ad tempus accomodem: facerem, ſi res pateretur, & ſi ullo modo fieri poſſet; ſed in tantis noſtris peccatis, tantisq. noſtrorum iniurijs, nihil eſt, quod aut facere dignum nobis, aut ſimulare poſſim. Sullana confers: in quibus omnia genere ipſo præclariffima fuerunt, moderatione paullo minus temperata: hæc autem eiufmodi ſunt, ut obliuiſcar; multoq. malim, quod omnibus ſit melius, quorum utilitati meâ iunxi. Tu ad me tamen uelim quamſæpiſſime ſcribas; eoq. magis, quod præterea nemo ſcribit: ac ſi omnes, tuas tamen maxime exſpectarem. Quod ſcribis; illum per me Quinto fore placatiorem:  
DD ſcripſi



*scripsi ad te antea, eum statim Quinto filio omnia tribuisse, nostri nullam mentionem. Vale.*

CICERO S. D. ATTICO. 22

**D**ILIGENTER mihi fasciculum reddidit Balbi tabellarius. accepi enim a te litteras, quibus uideris uereri, ut epistolas illas acceperim: quas quidem uellem mihi numquam redditas. auxerunt enim mihi dolorem: nec, si in aliquem incidissent, quidquam noui attulissent. quid enim tam peruulgatum, quam illius in me odium, et genus hoc litterarum? quod ne Caesar quidem ad istos uidetur misisse, quasi quo illius improbitate offenderetur, sed, credo, uti notiora nostra mala essent. Nam quod te uereri scribis, ne illi obsint, ei<sup>q</sup>. rei mederi: ne rogari quidem se passus est de illo. quod quidem mihi molestum non est: illud molestius, istas impetrationes nostras nihil ualere. Sulla, ut opinor, cras erit hic cum Messalla. currunt ad illum pulsi a militibus; qui se negant usquam, nisi acceperint. ergo ille huc ueniet: quod non putabant: tarde quidem: itinera enim ita facit, ut multos dies in oppidum ponat. Pharnaces autem, quo modo agit, asferet moram. quid mihi igitur censes? iam enim corpore uix sustineo grauitatem huius celi, qui mihi laborem affert in dolore. An his illuc euntibus mande, ut me excusent, ipse accedam propius? quaeso, attende; & me, quod adhuc saepe rogatus non fecisti, consilio iuuua. scio rem difficilem esse: sed, ut in malis.



lis. Etiam illud mea magni interest, te ut uideam. profecto aliquid profecero, si id acciderit. De testamento, ut scribis, animaduertes. Vale.

CICERO S. D. ATTICO. 23

QVOD ad te scripseram, ut cum Camillo communicares, de eo Camillus mihi scripsit, te cum eo locutum. tuas litteras expectabam: nisi illud quidem mutari, si aliter est ut oportet, non uideo posse: sed cum a nullo accepissem litteras, desideravi tuas, (etsi putabam te fortiolem factum non esse) modo ualeres. scripseras enim te quodam ualetudinis genere tentari. Augustus quidam Rhodo uenerat VIII. id. Quint. is nuntiabat, Quintum F. ad Caesarem profectum IV. kal. Iun. Philotimum Rhodum pridie eius diei uenisse, habere ad me litteras. ipsum Augustum audies. sed tardius iter faciebat. eo feci, ut celeriter eunti darem. quid sit in ijs litteris, nescio: sed mihi ualde Quintus frater gratulatur. equidem in meo tanto peccato nihil ne cogitatione quidem assequi possum, quod mihi tolerabile possit esse. Te oro, ut de hac misera cogites, & illud, de quo ad te proxime scripsi, ut aliquid conficiatur ad inopiam propulsandam, & etiam de ipso testamento. illud quoque uellem antea: sed omnia timuimus. melius quidem in pessimis nihil fuit diffidio. aliquid fecissemus, ut uiui uel tabularum nouarum nomine, uel nocturnarum expugnationum, uel Metellae, uel omnium maiorum. \*

D D 2 nec



## LIB. XI. EPIST.

nec res periisset, & uideremur aliquid doloris uirilis habuisse. memini omnino tuas litteras; sed & tempus illud: et si quiduis præstitit. nunc quidem ipsa uidetur denuntiare. audimus enim de statu reip, o di, generum ne nostrum potissimum, ut hoc uel tabulas nouas? placet mihi igitur, & idem tibi, nuntium remitti. petet fortasse tertiam pensionem. \* considera igitur tum, ne uim abuso nascetur, an prius. ego, si ullo modo potuero, uel nocturnis itineribus experiar, ut te uideam. tu & hæc, & si quid erit, quod intersit me scire, scribes uelim. Vale.

CICERO S. D. ATTICO. 24

QVÆ dudum ad me, & quæ etiam ad meam Tulliam de me scripsisti, ea sentio esse uera. eo sum miserior, (etsi nihil uidebatur addi posse) quod mihi non modo irasci grauissima iniuria accepta, sed ne dolere quidem impune liceat, quare istud feramus: quod cum tulerimus, tamen eadem erunt perpetienda, quæ tu, ne accidant, ut caueamus, mones. ea enim est a nobis contracta culpa, ut omni statu, omniq. populo eundem exitum habitura uideatur. sed ad meam manum rediero. etenim hæc occultius agenda. uide quæso etiã nunc de testamento, quod tum factum, cum illa quærere cœperat. \* non credo, & commoti neque eum rogari, ne me quidem. sed quasi ita sit: quoniam in sermonem iã uenisti, poteris eam monere, ut alicui committat, cuius



cuius extra periculum huius belli fortuna sit. equidē tibi potissimum uelim, si idem illa uellet: quam qui dē cælo miseram, me hoc timere. De illo altero, scio equidem uenire nunc nil posse: sed seponi, & occultari possunt, ut extra ruinam sint eam, quæ impendet. Nam quod scribis, nobis nostra, & tua Terentia fore parata: tua credo: nostra quæ poterunt esse? de Terentia autem (mitto cetera, quæ sunt innumerabilia) quid ad hoc addi potest? scripseras, ut HS XII. permutaret, tantum esse reliquum de argento. misit illa CCLDD mihi, & adscripsit, tantum esse reliquum. cum hoc tam paruum de paruo detraxerit, perspicis quid in maxima re fecerit? Philotimus non modo nullus uenit, sed ne per litteras quidem, aut per nuntium certiore facit me, quid egerit. Epheso qui ueniunt, ibi se eum de suis controuersis in ius adeuntem uidisse nuntiant: quæ quidem (ita enim uerisimile est) in aduentum Cæsaris fortasse reijciuntur. ita aut nihil puto eum habere, quod putet ad me celerius perferendum, & eo me magis esse despectum: aut, etiam si quid habet, id, nisi omnibus suis negotijs confectis, ad me referre non curet. ex quo magnum equidem capio dolorem, sed non tantum, quantum uideor debere. nihil enim mea minus interesse puto, quàm quid illinc afferatur. id quamobrem, te intelligere certo scio. Quod me mones de uultu, & oratione ad tempus accommodanda; etsi difficile est, tamen imperarem mihi, si mea quidquam interesse putarem.

DD 3

Quod



LIB. XI. EPIST.

Quod scribis, litteris, putare, Africanum negotium confici posse: uelim scriberes, cur ita putares. mihi quidem nihil in mentem uenit, quare id putem fieri posse. tu tamen, uelim, si quid erit, quod consolationis aliquid habeat, scribas ad me. sin, ut perspicio, nihil erit, scribas id ipsum. ego ad te, si quid audiero citius, scribam. Vale. VIII. id. Sext.

CICERO S. D. ATTICO. 25

FACILE assentior tuis litteris; quibus exponis pluribus uerbis, nullum te habere consilium, quo a te possim inuari. consolatio certe nulla est, quae leuare possit dolorem meum. nihil est enim contractum casu: nam id esset ferendum: sed omnia fecimus ijs erroribus, et miserijs & animi, & corporis, quibus proximi utinam mederi maluissent, quam obesse. quoniam neque consilij tui, neque consolationis cuiusquam spes ulla mihi ostenditur; non quæram hæc a te posthac. tantum uelim, ne pristinum hoc officium intermittas: scribas ad me, quidquid ueniet tibi in mentem, cum habebis, cui des, & dum erit, ad quem des: quod longum non erit. Illum discessisse Alexandria, rumor est non firmus, ortus ex Sulpicij litteris: quas cuncti postea nuntij confirmarunt. quod uerum, an falsum sit, quoniam mea nihil interest, utrum malim, nescio. Quod ad \* te iam pridem de testamento scripsit apud epistolas uelim ut possim aduersas ego huius miserrima facultate confectus conflictor. nihil umquam simile natum



tum puto. cui si quare consulere aliquid possum, cupio a te admoneri. uideo eandem esse difficultatem, quam in consilio dato: attamen hoc me magis sollicitat, quàm omnia. In pensione secunda cæci fuimus. alium mallet. sed præterijt. te oro, ut in perditis rebus, si quid cogi, conficiq. potest, quod sit in tuto, ex argento, neque satis multa ex supellectile, des operam. iam enim mihi uidetur adesse extremum, nec ulla fore condicio pacis, eaque, quæ sunt, etiam sine aduersario peritura. hæc etiam, si uidebitur, cum Terentia loquere oportune. non queo omnia scribere. Vale. III. non. Quint.



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER XII.

CICERO S. D. ATTICO.

*isemilius*  
V NDECIMO die postquam a te disces-  
seram, hoc litterularum exaravi, egre-  
diens e uilla ante lucem: atque eo die  
cogitabam in Anagnino, postero autē  
in Tusculano, ibi unum diem. v. kal. igitur ad con-  
stitutum: atque utinam continuo ad complexum  
meæ Tulliae, ad osculum Atticæ possim currere.  
quod quidem ipsum scribe quæso ad me; ut, dum con-  
sisto in Tusculano, sciam, quid garriat: sin rustica-  
tur, quid scribat. eiq. interea aut scribes salutem,  
aut nuntiabis, itemq. Piliæ: & tamen, etsi conti-  
nuo congressuri sumus, scribes ad me, si quid habe-  
bis. Cum complicarem hanc epistolam, noctua-  
bundus ad me uenit cum epistola tua tabellarius.  
qua lecta, de Atticæ febricula scilicet ualde dolui.  
reliqua, quæ expectabam, ex tuis litteris cognoui  
omnia. sed quod scribis, igniculum matutinum *ye-*  
*ροντικώτερον* est memoriola uacillare. ego enim  
iv. kal. Axio dederam, tibi iiii. Quinto quo  
die uenissem, id est v. kal. hoc igitur habebis, no-  
ui nihil. quid ergo opus erat epistola? quid, cum co-  
ram sumus, & garrimus quidquid in buccam? est  
profecto



profecto quadam *λέξις*, quæ habet, etiam si nihil *i. an fabula*  
subest, collocutione ipsa suauitatem. Vale.

CICERO S. D. ATTICO.

2

HIC rumor est, T. Murcum perijisse naufrago, Asinium delatum uiuum in manus militum, et naues delatas Uticam reflatu hoc, Pompeium non comparere, nec in Balearibus omnino fuisse, ut Patietus affirmat. sed auctor nullius rei quisquam. Habes, quæ, dum tu abes, locuti sunt. Ludi interea Præneste. ibi Hirtius, & isti omnes. et quidem ludi dies octo. quæ cenæ? quæ deliciæ? res interea fortasse transacta est. o miros homines. at Balbus ædificata: *τί γὰρ αὐτῶ μέλει?* uerum, si quæris, homi- *i. quid n. illi*  
ni non recta, sed uoluptaria querenti non ne *βελω- curu est?*  
*ται?* Tu interea dormis. iam explicandum est *ἐπὶ- quæ traducta*  
*βλημα*, si quid acturus es. si quæris quid putem, *est?*  
ego fructum puto, sed quid multa? iam te uide- *qualis a*  
bo. et quidem, ut spero, de uia recta ad me. simul *questio*  
enim & diem Tyrannioni constituemus, & si quid aliud. Vale.

CICERO S. D. ATTICO.

3

VNUM te puto minus blandum esse, quam me: aut, si uterque nostrum est aliquando aduersus aliquem, inter nos certe numquam sumus. audi igitur me hoc ἀγὼν τ' ἔως dicentem. ne uiuam mi Attice, si mihi non modo Tusculanum, ubi ceteroqui sum libenter, sed *μακάρον* νῆσοι tanti sunt, ut sine te  
sim



sim totos dies . quare obduretur hoc triduum : ut te quoque ponam in eodem πάθει : quod ita est profecto : sed uelim scire , hodie ne statim de auctione , aut quo die uenias . ego me interea cum libellis . ac moleste fero Vennonij historiam non habere . sed tamen , ne nihil de re , nomen illud , quod a Cæsare , tres habet condiciones , aut emptionem ab hasta , ( perdere malo : etsi , præter ipsam turpitudinem , hoc ipsum puto esse perdere ) aut delegationem a mancipe , annua die ; ( quis erit , cui credam ? aut quando iste Metonis annus ueniet ? ) aut Veëteni condicione , semisse . σκέψαι igitur . ac uereor , ne iste \* iam auctiōnem nullam faciat , sed , ludis factis , clypo subsidio currat , ne talis uir ἀλογηθῇ . sed μελήσει .

CICERO S. D. ATTICO. 4

O GRATAS tuas mihi , iucundasq. litteras . quid quæris ? restitutus est mihi dies festus . angebar enim , quod Tiro ἐνεργῶδες te sibi esse uisum dixerat . addam igitur , ut censes , unum diem . Sed de Catone πρόβλημα ἀρχιμήδειον est . non assequor , ut scribam , quod tui conuiuæ non modo libenter , sed etiam æquo animo legere possint . quin etiā , si a sententijs eius dictis , si ab omni uoluntate , consilijsque , quæ de rep. habuit , recedam , ἁδῶςq. uelim grauitatem , constantiamq. eius laudare ; hoc ipsum tamen ijs odiosum ἀκουσμα sit . sed uere laudari ille uir non potest , nisi hæc ornata sint ; quod ille ea , quæ nunc sunt , & futura uiderit , & , ne fierent , con-

ten-



tenderit, & facta ne uideret, uitam reliquerit. horum quid est, quod Atedio probare possimus? sed cura obsecro, ut ualeas; eamque, quam ad omnes res adhibes, in primis ad conualescendum adhibe prudentiam.

CICERO S. D. ATTICO.

5

QUINCTVS pater quartum, uel potius millesimum nihil sapit, qui latetur Luperco filio, & Statio, ut cernat duplici dedecore cumulatam domum. addo etiam Philotimum tertium. o stultitiam, nisi mea maior esset, singularem: (quod autem osim hanc rem, ἔρανον ατε) fac, non ad διψῶσαν κρίνῃν, sed ad πειρήνῃν eum uenisse: ἀμπνδμα σεμνὸν ἀλφειῶ πειρήνῃν, ut scribis, haurire, in tantis suis praesertim angustijs? ποῖ ταῦτ' ἂρ' ἀποσκήψῃ? sed ipse uiderit. Cato me quidem delectat, sed etiam Bassum Lucilium sua. De Caelio, tu queres, ut scribis. ego nihil noui. noscenda est natura, non facultas modo. De Hortensio, & Virginio tu, si quid dubitabis. etsi, quod magis placeat, ego quantum adspicio, non facile inueneris. Cum Mustela, quemadmodum scribis, cum uenerit Crispus. Ad Aulum scripsi, ut ea, quae bene nossem de auro, Pisoni demonstrarem. tibi enim sane assentior, & istud nimium duci, & omnia nunc undique contrahenda. Te quidem nihil agere, nihil cogitare aliud, nisi quod ad me pertineat, facile perspicio, meisque negotijs impediti cupiditatem tuam ad me ueniendi. sed me-

cum



L I B. X I I. E P I S T.

cum esse te puto ; non solum quòd meam rem agis , uerum etiam quòd uidere uideor , quo modo agas . neque enim ulla hora tui mihi est operis ignota . Tubulum prætorem uideo L. Metello , Q. Maximo consulibus . nunc uelim , P. Scauola pontifex maximus , quibus consulibus tribunus pl. equidem puto Capione , et Pompeio : prætor enim P. Furio , Sex. Atilio . dabis igitur tribunatum , et , si poteris , Tubulus quo crimine . & uide quæso , L. Libo , ille , qui de Ser. Galba , Censorino , & Manilio , an Quintio , Manio consulibus tribunus pl. fuerit : conturbor enim . in Bruti epitoma Fannianorum , scripsi , quod erat in extremo : idq. ego secutus , hunc Fannium , qui scripsit historiam , generum esse scripseram Lælij . sed tu me γεωμετρικῶς refelleras : te autem nunc Brutus , et Fannius . ego tamen de bono auctore Hortensio sic acceperam , ut apud Brutum est . hunc igitur locum expedies . Ego misi Tironem Dolabellæ obuiam . is ad me idibus reuertetur . te expectabo postridie . de Tullia mea tibi antiquissimum , esse uideo : idq. ita ut sit , te uehementer rogo . Ergo & in integro omnia : sic enim scribis . mihi etsi kalendæ uitandæ fuerunt , incessionumq. ἀρχέτυπα fugienda , conficiendæq. tabulæ : nihil tamen tanti , ut a te abessem , fuit . cum Romæ essem , & te iam iamq. uisurum me putarem quotidie ; tamen horæ , quibus expectabam , longæ uidebantur . scis me minime esse blandum : itaque minus aliquanto dico , quàm sentio .

C I C E R O



## CICERO S. D. ATTICO. 6

DE COELIO, uide, quaeso, ne quæ lacuna sit in auro. ego ista non noui. sed certe in collybo est detrimenti satis. huc aurum si accedit: sed quid loquor? tu uidebis. Habes Hegesiæ genus, quod Varro laudat. uenio ad Tyrannionem. Ain tu? uerum hoc fuit, sine me? at ego quoties, cum essem otiosus, sine te tamen nolui? quo modo hoc ergo lues? uno scilicet, si mihi librum miseris: quod ut facias, etiâ atque etiam rogo. Et si me non magis liber ipse delectabit, quàm tua admiratio delectauit. amo enim πάντα φιλόδημον: τεῦ. istam tam tenuē θεωρίαν tam ualde admiratum esse gaudeo. et si tua quidem sunt eiusmodi omnia. scire enim uis, quo uno animus alitur. sed, quaeso, quid ex ista acuta, & graui refertur ad τέλος? sed longa oratio est, & tu occupatus in meo fortasse aliquo negotio: & pro isto asso sole, quo tu abusus es in nostro pratulo, a te nitidū solem, unctumq. repetemus. sed ad prima redeo. librum, si me amas, mitte. tuus est enim profecto, quoniam quidem est missus ad te. Vale.

## CICERO S. D. ATTICO. 7

TANTVM ne ab re tua est otij tibi, ut etiam Oratorem legas? macte uirtute. mihi quidē gratum: et erit gratius, si nō modo in libris tuis, sed etiâ in aliorū per librarios tuos Aristophanē reposueris pro Eupoli. Cæsar autē mihi irridere uisus est QVÆ-

SO



## LIB. XII. EPIST.

so illud tuum, quod erat & πινὲς, & urbanum: ita porro te sine cura esse iussit, ut mihi quidem dubitationem omnem tolleret. Atticam doleo tam diu: sed quoniam iam sine horrore est, spero esse, ut uolumus. Vale.

CICERO S. D. ATTICO. 8

QVAE desideras, omnia scripsi in codicillis, eosq. Eroti dedi, breuiter, sed etiam plura quàm quæris; in ijs de Cicerone: cuius quidem cogitationis initium tu mihi attulisti. locutus sum cum eo liberalissime: quod ex ipso, uelim, si modo tibi erit commodum, sciscitare. sed quid differo? exposui, te ex me detulisse, ecquid uellet, ecquid requireret. uelle Hispaniã, requirere liberalitatem. de liberalitate, dixi, quantum Publius, quantum flamen Lentulus filio. de Hispania, duo attuli, primum idem, quod tibi, me uereri uituperationem. non satis esse, si hæc arma reliquissimus? etiam contraria? deinde fore, ut angeretur, cum a fratre familiaritate, et omni gratia uinceretur. uelim magis liberalitate uti mea, quàm sua libertate: sed tamen permisi. tibi enim intellexeram non nimis displicere. ego etiam atque etiam cogitabo: teque, ut idem facias, rogo. magna res: simplex est manere: illud anceps. uerum uidebimus. De Balbo, & in codicillis scripseram, & ita cogito, simul ac redierit. si ille tardius, ego tamen triduum. Et, quod præterij, Dolabella etiam mecum. Vale.

CICERO



## CICERO S. D. ATTICO. 9

DE Cicerone, multis res placet. comes est idoneus. sed de prima pensione ante uideamus. adest enim dies, & ille currit. Scribe, quæso, quid referat Celer egisse Cæsarem cum candidatis, utrum ipse in fœnicularium, an in campum Martium cogitet. et sane scire uelim, numquid necesse sit comitijs esse Romæ. nam & Piliæ satisfaciendum est & utique Atticæ. Vale.

## CICERO S. D. ATTICO. 10

NAE ego essem hic libenter, atque id quotidie magis, ni esset ea causa, quam tibi superioribus literis scripsi. nihil hac solitudine iucundius, nisi paulum interpellasset Amyntæ filius, ὁ ἀπεραντολογίας δὲς. cetera noli putare amabilia fieri posse ulla litore, prospectu maris, tum his rebus omnibus. sed neque hæc digna longioribus litteris; nec erat, quod scriberem; & somnus urgebat. Vale.

## CICERO S. D. ATTICO. 11

MALE mehercule de Athamante. tuus autem dolor humanus is quidem, sed magnopere moderandus. consolationum autem multæ uia, sed illa rectissima. impetret ratio, quod dies impetratura est. Alexim uero curemus, imaginem Tironis; quem agrum Romam remisi: & si quid habet collis ἐπιδήμιον, ad mecum testamento transferamus.

tota



tota domus superior uacat, ut scis. hoc puto ualde ad rem pertinere. Vale.

CICERO S. D. ATTICO. 12

MALE de Seio. sed omnia humana tolerabilia ducenda. ipsi enim quid sumus? aut quàm diu hæc curaturi sumus? ea uideamus, quæ ad nos magis pertinent, nec tamen multo, quid agamus de senatu. Et, ut ne quid prætermittam, Cæsonius ad me litteras misit, Postumiam Sulpicij domum ad se uenisse. De Pompeij Magni filia, tibi rescripsi, nihil me hoc tempore cogitare. alteram uero illam, quam tu scribis, puto nosti. nihil enim uidi scædus. sed adsum: coram igitur. Obsignata epistola, accepi tuas. Atticæ hilaritatem libenter audio: commotiunculis ευπράχως. Vale.

CICERO S. D. ATTICO. 13

DE dote, tanto magis perpurga. Balbi regia condicio est delegandi. quoquo modo confice. turpe est rem impeditam iacere. Insula Arpinas habere potest germanam ἀποθέωσιν. habere uideatur: ἐκ γόγυμος est; igitur animus in hortis: quod tamen inspiciam, cum uenero. De Epicuro, ut uoles; etsi μεθαρμόζουσαι in posterum genus hoc personarum. incredibile est, quàm ea quidam requirant. ad antiquos igitur ἀνεμίστητον γόγ. nihil habeo, ad te quod perscribam: sed tamen institui quotidie mittere, ut eliciam tuas litteras; non quo aliquid ex his expectem;



Etenim; sed nescio quo modo tamen expecto. quare  
 siue habes quid, siue nihil habes, scribe tamen ali-  
 quid, teq. cura. Commouet me Attica. etsi assen-  
 tior Cratero. Bruti litteræ, scriptæ & prudenter,  
 & amice, multas mihi tamen lacrymas attulerunt.  
 Me hæc solitudo minus stimulat, quàm ista celebri-  
 tas. te unum desidero: sed litteris non difficilior  
 utor, quàm si domi essem. ardor tamen ille urget,  
 & manet, non me hercule indulgente me, sed tamen  
 non repugnante. Quod scribis de Appuleio, nihil pu-  
 to opus esse tua contentione, nec Balbo, & Oppio;  
 quibus quidem ille receperat, mihiq. etiam iusserat  
 nuntiari, se molestum omnino non futurum. sed cu-  
 ra, ut excuser morbi causâ in dies singulos. Lænas  
 hoc receperat. prende C. Septimium, L. Statilium.  
 denique nemo negabit se iuraturum, quem roga-  
 ris. quod si erit durius, ueniam, & ipse perpetuum  
 morbum iurabo. cum enim mihi carendum sit con-  
 uinijs, malo id lege uideri facere, quàm dolore.  
 Cocceium uelim appelles: quod enim dixerat, non  
 facit. ego autem uolo aliquod emere latibulum,  
 per fugium doloris mei. Vale.

CICERO S. D. ATTICO. 14

De me excusando apud Appuleium dederam  
 ad te pridie litteras. nihil esse negotij arbitror.  
 quemcunque appellaris, nemo negabit. sed Septi-  
 mium uide, & Lænatem, & Statilium. tribus e-  
 nim opus est. sed mihi Lænas totum receperat.

EE

Quod



## LIB. XII. EPIST.

Quod scribis, a Iunio te appellatum: omnino Cornificius locuples est: sed tamen scire uelim, quando dicar spondisse; & pro patre, an ne pro filio: neque eo minus, ut scribis, procuratores Cornificij, et Appuleium prædiatorem uidebis. Quod me ab hoc mærore recreari uis; facis, ut omnia: sed, me mihi non defuisse, tute testis es. nihil enim de mærore minuendo scriptum ab ullo est, quod ego non domi tuæ legerim. sed omnem consolationem uincit dolor. quin etiam feci, quod profecto ante me nemo, ut ipse me per litteras consolaretur. quem librū ad te mit tam, si descripserint librarij. affirmo tibi nullam consolationem esse talem. totos dies scribo; non quo proficiam quid; sed tantisper impediō, non equidem satis, (uis enim urget) sed relaxor tamen, ad omniaq. nitor, non ad animū, sed ad uultum ipsum, si queam, reficiendum: idq. faciens, interdum mihi peccare uideor, interdum peccaturus esse, nisi faciam. solitudo aliquid adiuuat; sed multo plus proficeret, si tu tamen interesses. quæ mihi una causa est hinc discedendi. nam, pro malis, recte habebat. quamquam ipsum doleo. non enim iam in me idem esse poteris: perierunt illa, quæ amabas. De Bruti ad me litteris scripsi ad te antea. prudenter scriptæ: sed nihil, quod me adiuuarent. quod ad te scripsit, id uellem, ut ipse adesset; certe aliquid, quoniam me tam ualde amat, adiuuaret. quod si quid scies, scribas ad me uelim, maxime autē, Pansa quādo. De Attica, doleo. credo tamen Cratæro. Piliam angustabat. Vale.

CICERO



PRO omnibus, apud Appuleium, quoniam in perpetuum non placet, in dies ut excuser, uidebis. in hac solitudine careo omnium colloquio: cumq. mane me in siluam abstrusi densam, & asperam, non exeo inde ante uesperum. secundum te, nihil est mihi amicus solitudine. in hac mihi omnis sermo est cum litteris. eum tamen interpellat fletus: cui repugno, quoad possum: sed adhuc pares non sumus. Bruto, ut suades, rescribam. eas litteras cras habebis. cum erit cui des, dabis. Vale.

TE, TVIS negotijs relictis, nolo ad me uenire. ego enim potius accedam, si diutius impediere: et si ne decessissem quidem e conspectu tuo, nisi me plane nihil ulla res adiunaret. quod si esset aliquod leuamen, id esset in te uno: & cum primum ab aliquo poterit esse, a te erit. nunc tamen ipsum sine te esse non possum: sed nec tuæ domi probatur, nec meæ poteram: nec, si propius essem uspiam, tecum tamen essem. idem enim te impediret, quo minus mecum esses; quod nunc etiam impedit. mihi adhuc nihil aptius fuit hac solitudine: quam uereor ne Philippus tollat. heri enim uesperu uenerat. Me scriptio, & litteræ non leniunt, sed obturbant. Vale.



MARCIANVS ad me scripsit, me excusatum esse apud Appuleium a Laterensi, Nasone, Lanate, Torquato, Strabone, his uelim meo nomine reddendas litteras cures, gratia mihi eos fecisse. Quod pro Cornificio me abhinc amplius annis xxv. spondisse dicit Flavius: & si reus locuples est, et Appuleius praediator liberalis, tamen uelim des. operam, ut inuestiges ex consponsorum tabulis, sit ne ita. mihi enim ante aedilitatem meam nihil erat cum Cornificio. potest tamen uideri. sed scire certum uelim: et appelles procuratores, si tibi uidetur: quamquam quid ad me? uerum tamen. Pansa profectio- nem scribes, cum scies, Atticam saluere iube, & eam cura obsecra diligenter. Pilia salutem, Vale.

DUM recordationes fugio, quae quasi morsu quodam dolorem efficiunt, refugio a te admonendo. quod uelim mihi ignoscas, eiusmodi est. etenim habeo non nullos ex ijs, quos nunc lectito, auctores, qui dicant, fieri id oportere, quod saepe tecum egi, et quod a te approbari uolo, de fano illo dico; de quo tantum, quantum me amas, uelim cogites. equidem neque de genere dubito; placet enim mihi Clu- atij: neque de re; statutum est enim: de loco non numquam. uelim igitur cogites. ego, quantum hic temporibus tam eruditis fieri poterit, profecto il-  
lam



lam consecrabo omni genere monumentorum, ab  
omnium ingenijs scriptorum et Græcorum, & La-  
tinorum: quæ res forsitan sit reficatura iulnus  
meum. sed iam quasi uoto quodam, et promisso me  
teneri puto: longumq; illud tempus, cum non ero,  
magis me mouet, quàm hoc exiguum, quod mihi  
tamen nimium longum uidetur. habeo enim nihil,  
tentatis rebus omnibus, in quo atquiescam. nam,  
dum illud tractabam, de quo antea scripsi ad te,  
quasi fonebam dolores meos: nunc omnia respuo;  
nec quidquam habeo tolerabilius, quàm solitudi-  
nem: quam, quod eram ueritus, non obturbauit  
Philippus. nam, ut heri me salutauit, statim Ro-  
mam profectus est. Epistolam, quam ad Brutum,  
ut tibi placuerat, scripsi, misi ad te. curabis cum tua  
perferendam. eius tamen misi ad te exemplum, ut,  
si minus placeret, ne mitteres. Domestica quod ais  
ordine administrari, scribes, quæ sunt ea: quædam  
enim exspecto. Cocceius uide ne frustretur. nam Li-  
bo quod pollicetur, ut Eros scribit, non incertum  
puto. de sorte mea Sulpicio confido, & Egnatio sci-  
licet. de Appuleio, quid est, quod labores? cum  
sit excusatio facilis. Tibi ad me uenire, ut ostendis,  
uide, ne non sit facile. est enim longum iter, disce-  
dentemq; te, quod celeriter tibi erit fortasse faciun-  
dum, non sine magno dolore dimittam. sed omnia,  
ut uoles. ego enim, quidquid feceris, id cum recte  
tum etiam mea causâ factum putabo. Heri, cum  
ex aliorum litteris cognouissem de Antonij aduen-



tu, admiratus sum, nihil esse in tuis: sed erant pridie fortasse scriptæ, quàm datæ. neque ista quidem curo, sed tamē opinor propter prædes suos accurrisse. Quod scribis, Terentiam de obsignatoribus mei testamenti loqui: primum tibi persuade, me istæ non curare, neque esse quidquam aut parvæ curæ, aut novæ loci: sed tamen quid simile? illa eos non adhibuit, quos existimavit quæsituros, nisi scissent, quid esset: num id etiam mihi periculi fuit? sed tamen faciat illa, quod ego. dabo meum testamentum legendum cui voluerit: intelliget, non potuisse honorificentius a me fieri de Nepote, quàm fecerim. nam quod non aduocaui ad obsignandum: primum mihi non uenit in mentem: deinde ea re non uenit, quia nihil attinuit. tute scis, (si modo meministi) me tibi tum dixisse, ut de tuis aliquos adduceres: quid enim opus erat multis? equidem domesticos iusseram: tum tibi placuit, ut mitterem ad Silium. inde est natum, ut ad Publium. sed necesse neutrum fuit. hoc tu tractabis, ut tibi uidetur. Vale.

CICERO S. D. ATTICO. 19

EST hic quidem locus amœnus, & in mari ipso, qui & Antio, & Circæis adspici possit: sed inunda nobis ratio est, quemadmodum in omni mutatione dominorum, qui innumerabiles fieri possunt in infinita posteritate, (si modo hæc stabunt) illud, quasi consecratum, remanere possit. equidem iam nihil egeo uectigalibus, et paruo contentus esse possum.



sum . cogito interdum trans Tiberim hortos aliquos parare , & quidem ob hanc causam maxime : nihil enim uideo , quod tam celebre esse possit : sed quos , coram uidebimus ; ita tamen , ut hac æstate fanum absolutum sit . tu tamen cum Appella Chio confice de columnis . De Cocceio , & Libone quæ scribis , approbo , maxime , quod de iudicatu meo responsum sit . si quid perspexeris , & tamen quid procuratores Cornificij dicant , uelim scire , ita ut in ea re te , cum tam occupatus sis , non multum operæ uelim ponere . De Antonio quoque Balbus ad me cum Oppio conscripsit , idq. tibi placuisse , ne perturbarer . illis egi gratias . te tamen , ut iam ante ad te scripsi , scire uolo , me neque isto nuntio esse perturbatum , nec iam ullo perturbatum iri . Pansa si hodie , ut putabas , profectus est , posthac iam incipito scribere ad me , de Bruti aduentu quid expectes , id est , quos ad dies . id , si scies ubi iam sit , facile coniectura assequere . Quod ad Tironem de Terentia scribis , obsecro te , mi Attice , suscipe totum negotium . uides & officium agi meum quoddam , cui tu es conscius , & , ut non nulli putant , Ciceronis rem . me quidem id multo magis mouet , quod mihi est & sanctius , & antiquius ; præsertim cum hoc alterum neque sincerum , neque firmitum putem fore . Vale .

CICERO S. D. ATTICO. 20

NON DVM uideris perspicere , quàm me nec Antonius commouerit , nec quidquam iam eiusmodi

EE 4 di



di possit commouere. De Terentia autem scripsi ad te ijs litteris, quas dederam pridie. Quod me hortaris, idq. a ceteris desiderari scribis, ut dissimulem me tam grauitur dolere: possum ne magis, quod totos dies consumo in litteris? quod etsi non dissimulationis, sed potius leniendi, & sanandi animi causa facio: tamen, si mihi minus proficio, simulationi certe facio satis. Minus multa ad te scripsi, quod expectabam tuas litteras ad eas, quas ad te pridie dederam. expectabam autem maxime de fano, non nihil etiam de Terentia. Velim me facias certiore proximis litteris, Cu. Capiro, Seruiliæ Claudij pater, uiuo ne patre suo naufragio perierit, an mortuo; item Rutilia uiuo ne C. Cotta, filio suo, mortua sit, an mortuo. pertinet ad eum librum, quem de luctu minuendo scripsimus. Vale.

CICERO S. D. ATTICO. 21

LEGI Bruti epistolam, eamq. tibi remisi, sane non prudenter rescriptam ad ea, quæ requisieras. sed ipse uiderit. quamquam illud turpiter ignorat. Catonem primum sententiam putat de animaduersione dixisse; quam omnes ante dixerant, præter Cæsarem. & cum ipsius Cæsaris tam seuera fuerit, qui tum prætorio loco dixerit; consularium putat leniores fuisse, Catuli, Seruili, Lucullorum, Curiionis, Torquati, Lepidi, Gellij, Volcatij, Figuli, Cottæ, L. Cæsaris, C. Pisonis, etiam N. Acilij Glabrionis, Silani, Murenæ, designatorum consulum.



lum. cur ergo in sententiam Catonis? quia uerbis  
luculentioribus, & pluribus rem eandem compre-  
henderat. Me autem hic laudat, quod retulerim,  
non quod patefecerim, quod cohortatus sim, quod  
denique ante, quam consulerem, ipse iudicauerim.  
quæ omnia quia Cato laudibus extulerat in cælum,  
perscribendaq. censuerat; ideo in eius sententiam  
est facta discessio. hic autem se etiam tribuere mul-  
tum mihi putat, quod scripserit, Optimum consu-  
lem. quis enim ieiunius dixit inimicus? Ad cetera  
uero tibi quemadmodum rescripsit? tantum rogat  
de S. C. ut corrigas. hoc quidem fecisset, etiam si  
Ranio admonitus esset. Sed hæc iterum ipse uiderit.  
De hortis, quoniam probas, effice aliquid. rationes  
meas nosti. si uero etiam a Faberio recedit; nihil  
negotij est. sed etiam sine eo posse uideor contende-  
re. uenales certe sunt Drusi. fortasse et Lamiani,  
& Cassiani. sed coram. De Terentia non possum  
commodius scribere, quam tu scribis. officium sit  
nobis antiquissimum. si quid nos fefellerit, illius ma-  
lo me, quam mei panitere. Ouiæ C. Lollij curan-  
da sunt HS C. negat Eros posse, sine me; credo,  
quod accipienda aliqua sit, & danda aestimatio.  
uellem tibi dixisset. si enim res est, ut mihi scribit,  
parata; nec in eo ipso mentitur: per te confici po-  
tuit. cognoscas, & conficias, uelim. Quod me  
in forum uocas; eò uocas, unde, etiam bonis meis  
rebus, fugiebam. quid enim mihi cum foro sine cu-  
ria? in oculos incurrentibus ijs, quos æquo animo  
uide-



uidere non possum. Quod autem homines a me  
 postulare scribis, ut Romæ sim, neque mihi, ut  
 absim, concedere, aut quatenus eos mihi concede-  
 re: iam pridem scito esse, cum unū te pluris, quā  
 omnes illos, putem. ne me quidē contemno; meoq.  
 iudicio multo stare malo, quā omnium reliquo-  
 rum. neque tamen progredior longius, quā mihi  
 doctissimi homines concedunt: quorum scripta om-  
 nia, quaecumque sunt in eam sententiam, non legi  
 solum, quod ipsum erat fortis ægroti, accipere me-  
 dicinam, sed in mea etiam scripta transtuli, quod  
 certe afflictī, & fracti animi non fuit. ab his me re-  
 medijs noli in istam turbam uocare, ne recidam.  
 De Terentia, quod mihi omne onus imponis; non co-  
 gnosco tuam in me indulgentiam. ista enim sunt ip-  
 sa uulnera, quæ non possum tractare sine maximo  
 gemitu. moderare igitur, queso, ut potes. neque  
 enim a te plus, quā potes, postulo. potes autem,  
 quid ueri sit, perspicere tu unus. De Rutilia, quo-  
 niam uideris dubitare, scribes ad me, cum scies,  
 sed quamprimum, num Clodia, D. Bruto consulari,  
 filio suo, mortuo, uixerit. id de Marcello, aut certe  
 de Postumia sciri potest, illud autem de M. Cotta,  
 aut de Syro, aut de Satyro. De hortis, etiam at-  
 que etiam rogo. omnibus meis, eorumque, quos  
 scio mihi non defuturos, facultatibus, sed potero  
 meis, enitendum mihi est. sunt etiam, quæ uende-  
 re facile possim: sed, ut non uendam, eiq. usuram  
 pendam, a quo emerō, non plus annum, possum  
 asse-



assequi, quod uolo, si tu me adiuuas. paratissimi sunt Drusi. cupit enim uendere. proximos puto Lamiæ: sed abest. tu tamen, si quid potes, odorare. ne Silius quidem quidquam utitur, & ijs usuris facillime sustentabitur. habe tuum negotium; nec, quid res mea familiaris postulet, quam ego non curo, sed quid uelim, existima. Vale.

CICERO S. D. ATTICO. 22

PVTARAM te aliquid noui; quod eiusmodi fuerat initium litterarium; quamuis nō curarem, quid in Hispania fieret, tamen te scripturum: sed uidelicet meis litteris respondisti, ut de foro, & de curia. sed domus est, ut ais, forum. quid ipsa domo mihi opus est, carenti foro? occidimus, occidimus, Attice, iam pridem nos quidem, sed nunc fate-mur, postea quā unum, quo tenebamur, amisi-mus. itaque solitudinem sequor. et tamen, si qua me res isto abduxerit, enitar, si quo modo potero, (potero autem) ut præter me nemo dolorē meum sentiat; si ullo modo poterit, ne tu quidem. Atque etiam illa causa est non ueniendi. meministi, quid ex te Atedius quæsierit. quin etiam nunc molesti sunt: quid existimas, si uenero? De Terentia ita cura, ut scribis; meq. hac ad maximas ægritudines accessione non maxima libera. Et, ut scias me ita dolere, ut non iaceam; quibus consulibus Carneades, & ea legatio Romam uenerit, scriptum est in tuo annali. hæc nunc quero, quæ causa fuerit.

de



LIB. XII. EPIST.

de Oropo, opinor, sed certum nescio: & si ita est, quæ controuersia: præterea, qui eo tempore nobilis Epicureus fuerit Athenis, qui præfuerit hortis: qui etiam Athenis πολιτικοὶ fuerint illustres. quæ etiam ex Apollodori puto posse inueniri. De Attica, molestum: sed quoniam leuiter, recte esse confido. De Magala dubium mihi non erat. unde enim tam felix Ligus pater? nam quid de me dicam? cui ut omnia contingant, quæ uolo; leuari non possum. De Drusi hortis, quanti licuisse tu scribis, id ego quoque audieram, & ut opinor, heri ad te scripseram: sed quanti quanti, bene emitur, quod necesse est. mihi, quoquo modo tu existimas, (scio enim, ego ipse quid de me existimem) leuatio quædam est, si minus doloris, at officij debiti. Ad Sicam scripsi, quod utitur L. Cotta. si nihil conficeretur de transfiberinis, habet in Ostiensi Cotta celeberrimo loco, sed pusillum loci, ad hanc rem tamen plus etiam satis. id uelim cogites. nec tamen ista pretia hortorum pertimueris. nec mihi argento iam, nec ueste opus est, nec quibusdam amœnis locis: hoc opus est. uideo etiam, a quibus adiuari possim. sed loquere cum Silio: nihil enim est melius. mandauit etiam Sicæ. rescripsit, constitutum se cum eo habere. scribat igitur ad me, quid egerit, & tu uidebis.

CICERO S. D. ATTICO. 32

BENE fecit A. Silius, qui transfegerit. neque enim ei deesse uolebam, & quid possem, timebam.

De



De Ouia, confice, ut scribis. De Cicerone, tempus esse iam uidetur: sed quæro, quod illi opus erit Athenis, permutari ne possit, an ipsi ferendum sit: de totaq. re, quemadmodum, & quando placeat, uelim consideres. Publius iturus ne sit in Africam, & quando, ex Atedio scire poteris. quæras, & ad me scribas, uelim. Et, ut ad meas ineptias redeam, uelim me certiore facias, P. Crassus, Vinulix filius, uiuo ne P. Crasso, consulari, patre suo, mortuus sit, ut ego meminisse uideor, an post. item quæro de Regillo, Lepidi filio, recte ne meminerim, patre uiuo mortuum. Cispiana explicabis, itemq. Pratiana. De Attica, optime: & ei salutem dices, Piliæ,

## CICERO S. D. ATTICO. 24

SCRIPSIT ad me diligenter Sica de Silio, seq. ad te rem detulisse: quod tu idem scribis. mihi & res, & condicio placet, sed ita, ut numerato malim, quàm aestimatione. uoluptarias enim possessiones nolet Silius: uetigalibus autem ut his possim esse contentus, quæ habeo, sic uix minoribus. unde ergo numerato? HS DC exprimes ab Hermogene, cum præsertim necesse erit. & domi uideo esse HS DC. reliquæ pecuniæ uel usuram Silio pendemus, dum a Faberio, uel ab aliquo, qui Faberio debet, repræsentabimus. erit etiam aliquid alienunde. sed totam rem tu gubernabis. Drusianis uero hortis multo antepono: neque sunt numquam comparati,

mi-



## LIB. XII. EPIST.

mibi crede. una me caussa mouet, in qua scio me te  
 τυφῶσαι: sed, ut facias, obsequere huic errori meo.  
 Nam quod scribis ἐγγράμια: actum iam de isto est;  
 alia magis quæro. Vale.

CICERO S. D. ATTICO. 25

SICA, ut scribit, etiam si nihil confecerit cum  
 A. Silio, tamen se scribit x. kal. esse uenturum.  
 cuius occupationibus ignosco: eaq. mihi sunt notæ.  
 De uoluntate tua, ut simul simus, uel studio potius,  
 & cupiditate, non dubito. De Nicia quod scri-  
 bis: si ita me haberem, ut eius humanitate frui pos-  
 sem, in primis uellem illum mecum habere: sed mi-  
 hi solitudo & recessus prouincia est. quod quia faci-  
 le ferebat Sica, eo magis illum desidero. præterea  
 nosti Niciæ nostri imbecillitatem, mollitiem, con-  
 suetudinem uictus. cur ego illi molestus uelim, cum  
 mihi ille iucundus esse non possit? uoluntas tamen  
 eius mihi grata est. Vnam rem ad me scripsisti, de  
 qua decreui nihil tibi rescribere. spero enim me a te  
 impetrasse, ut priuares me ista molestia, Piliæ, &  
 Atticæ salutem. Vale.

CICERO S. D. ATTICO. 26

DE SILIANO negotio, etsi mihi non est igno-  
 ta condicio, tamen hodie me ex Sica arbitror om-  
 nia cogniturum. Cottæ quidem negas te nosse. sed  
 ultra Silianam uillam est, quam puto tibi notam es-  
 se, uillula sordida, & ualde pusilla: nihil agri: ad  
 aliam



aliam rem loci satis, nihil ad eam, quam quæro. sequor celebritatem. sed, si perficitur de hortis Silij, hoc est, si perficis; (est enim totum positum in te) nihil est scilicet, quod de Cotta cogitemus. De Cicerone, ut scribis, ita faciam: ipsi permittam de tempore: nummorum quantum opus erit, ut permutetur, tu uidebis. Ex Atedio, quod scribis, si quid inueneris, scribes. Et ego ex tuis animaduerto litteris, & profecto tu ex meis, nihil habere nos, quod scribamus: eadem quotidie: quæ iam, iamq. ipsa contrita sunt: tamen facere non possum, quin quotidie ad te mittam, ut tuas accipiam. De Bruto tamen, si quid habebis. scire enim iam puto, ubi Pansam expectet. si, ut consuetudo est, in prima prouincia; circiter kalendas affuturus uidetur. uellem, tardius. ualde enim urbem fugio multas ob causas. itaque id ipsum dubito, an excusationem aliquam ad illum parem: quod quidem uideo facile esse. sed habemus satis temporis ad cogitandum. Piliæ, Atticæ salutem. Vale.

CICERO S. D. ATTICO. 27

DE SILIO nibilo plura cognoui ex præsente Sica, quàm ex litteris tuis. scripseras enim diligenter. si igitur tu illum conueneris, scribes ad me, si quid uidebitur. De quo putas ad me missum esse; sit missum, nec ne, nescio; dictum quidem mihi certe nihil est. tu igitur, ut cœpisti: & si quid ita conficies, (quod equidem non arbitror fieri posse) ut il-

li



## LIB. XII. EPIST.

li probetur; Ciceronem, si tibi placebit, adhibebis. eius aliquid interest, uideri illius causa uoluisse: mea quidem nihil, nisi id quod tu scis, quod ego aestimo. Quod me ad me consuetudinem reuocas, fuit meum quidem iam pridem remp. regere, quod faciebam: sed interea erat, ubi acquiescerem. nunc plane nec ego uictum, nec uitam illam colere possum: nec in ea re, quid alijs uideatur, mihi puto curandum. mea mihi conscientia pluris est, quam omnium sermo. Quod me ipse per litteras consolatus sum; non paenitet me, quantum profecerim. maerorem minui: dolorem nec potui, nec, si possem, uellem. De Triario, bene interpretaris uoluntatem meam. tu uero nihil, nisi ut illi uolent. amo illum mortuum: tutor sum liberis: totam domum diligo. De Castriciano negotio, si Castricius pro mancipijs pecuniam accipere uolet, eamq. ei solui, ut nunc soluitur; certe nihil est commodius. sin autem ita actum est, ut ipsa mancipia abduceret; non mihi uidetur esse æquum. rogas enim me, ut tibi scribam, quid mihi uideatur. nolo enim negotij Quintum fratrem quidquam habere: quod, uideor mihi intellexisse, tibi uideri idem. Publius, si æquino etium expectat, ut scribis Atedium dicere, nautigaturus uidetur. mihi autem dixerat, per Siciliam. utrum, & quando, uelim scire. Et uelim aliquando, cum erit tuum commodum, Lentulum puerum uisas, eiq. de mancipijs, quæ tibi uidebitur, attribuas. Piliæ, Atticæ salutem. Vale.

CICERO



SILIVS, ut scribis, hodie. cras igitur, uel potius cum poteris, scribes, si quid erit, cum uideris. Nec ego Brutum uito, nec tamen ab eo leuationem ullam exspecto: sed erant causæ, cur hoc tempore istic esse nollem: quæ si manebunt, querenda erit excusatio ad Brutum: & ut nunc est, mansuræ uidentur. De hortis, quæso explica. caput illud est, quod scis. sequitur, ut etiam mihi ipsi quiddam opus sit. nec enim esse in turba possum, nec a uobis abesse. huic meo consilio nihil reperio isto loco aptius. & de hac re quid tui consilij sit, mihi persuasum est, & eo magis, quod idem intellexi tibi uideri, me ab Oppio, & Balbo ualde diligi. cum ijs communices, quantopere, & quare uelim hortos; sed ita posses si, expediatur illud Faberianum. sin igitur auctor es futuri, si qua etiam iactura facienda sit in representando, (quod possum) adducito. tum enim illud desperatum denique intelliges, & quid inclinent ad hoc meum consilium adiuvandum. si quid erit, magnum est adiumentum: sin minus, quacumque ratione contendamus. uetus illud ἐγγύρμα, quemadmodum scripsisti, uel ἐντάριον putato. De illo Ostiensi nihil est cogitandum, si hoc non assequimur. a Lamia non puto posse. Damasippi experiendum est. Vale.



QVAERO, quid ad te scribam: sed nihil est: eadem quotidie. Quòd Lentulum inuisis, ualde gratum. pueros attribue ei, quot, & quos uidebitur. De Siliij uoluntate uendendi, & de eo, quanti; tu uereri uideris, primum ne nolit, deinde ne tanti. Sica aliter: sed tibi assentior. quare, ut ei placuit, scripsi ad Egnatium. Quod Silius te cum Clodio loqui uult; potes id mea uoluntate facere; commodiusq. id est, quàm, quod ille a me petit, me ipsum scribere ad Clodium. De mancipijs Castricianis, commo dissimum esse credo, transigere Egnatium: quod scribis te ita futurum putare. Cum Ouia, quaeso, quidem ut conficiatur. Quoniam, ut scribis, nox erat, in hodierna epistola plura exspecto. Vale.

SILIVM mutasse sententiam, Sica mirabatur. equidem magis miror, quòd, cum in filium causam conferret, quæ mihi non iniusta uidetur; (habet enim qualem uult) ais te putare, si addiderimus aliud, a quo refugiat, cum ab ipso id fuerit, destinatum uenditurum. Queris a me, quod summum pretium constituam; & quamtū anteire istos hortos, Drusi: accessi numquam: Coponianam uillam, & ueterem, & non magnam, noui; siluam nobilem, fructum autem neutrius: quod tamen puto nos scire oportere. sed mihi, utrius istorum, tem-  
pore



pore magis meo, quàm ratione, æstimandi sunt. possim autem assequi, nec ne, tu uelim cogites. si enim Faberianum uenderem, explicare uel repræsentatione non dubitarem, de Silianis, si modo adduceretur, ut uenderet: si uenales non haberet, transferem ad Drusum, uel tanti, quanti Egnatius illum uelle tibi dixit. magno etiam adiumento nobis Hermodogenes potest esse in repræsentando. at concede mihi, quæso, ut eo animo sim, quo is debeat esse, qui emere cupiat. & tamen seruius ita cupiditati, & dolori meo, ut a te regi uelim. Egnatius mihi scripsit. is si quid tecum locutus erit, ( commodissime enim per eum agi potest ) ad me scribes: & id agendum puto. nam cum Silio non uideo confici posse. Pilia, & Attica salutem. Hæc ad te mea manu. uide, quæso, quid agendum sit. Vale.

CICERO S. D. ATTICO. 31

PUBLILIA ad me scripsit, matrem suam cum Publilio loqui, eam ad me cum illo uenturam, & se una, si ego paterer. orat multis, & supplicibus uerbis, ut liceat, & ut sibi rescribam. res quàm molesta sit, uides. rescripsi, me etiam grauius esse affectum, quàm tum, cum illi dixissem, me solum esse uelle; quare nolle me hoc tempore eam ad me uenire. putabam, si nihil rescripsissem, illam cum matre uenturam: nunc non puto. apparebat enim illas litteras non illius esse. illud autem, quod fore uideo, ipsum uolo uitare, ne illa ad me ueniat. &

FF 2 una



## LIB. XII. EPIST.

una est uitatio: & ego nollem; sed necesse est. te hoc nunc rogo, ut explores, ad quam diem hic ita possum esse, ut ne opprimar, ages, ut scribis, temperate. Ciceroni uelim hoc proponas, (ita tamen, si tibi non iniquum uidebitur) ut sumptus huius peregrinationis (quibus, si Romæ esset, domumq. conduceret, quod facere cogitabat, facile contentus futurus erat) accommodet ad mercedes Argileti, et Auentini. & cum ei proposueris, ipse uelim reliqua moderere, quemadmodum ex his mercedibus suppeditemus ei quod opus sit. præstabo, nec Bibulum, nec Acidinum, nec Messallam, quos Athenis futuros audio, maiores sumptus facturos, quam quod ex eis mercedibus recipietur. itaque uelim uideas, primum, conductores qui sint, & quanti; deinde, ut sit, qui ad diem soluat; & quid uiatici, quid instrumenti satis sit. iumento certe Athenis nihil opus sit, quibus autem in uia utatur, domi sunt plura, quam opus erat: quod etiam tu animaduertis. Vale.

CICERO S. D. ATTICO. 32

EGO, ut heri ad te scripsi, si & Silius is fuerit, quem tu putas, nec Drusus facilem se præbuerit, Damasippum uelim aggrediare. is, opinor, ita partes fecit in ripa nescio quotenorum iugerum, ut certa pretia cōstitueret; quæ mihi nota non sunt. scribes ad me igitur, quidquid egeris. Vehementer me sollicitat Atticæ nostræ ualetudo; ut uerear etiam,



etiam, ne qua culpa sit. sed & pædagogi probitas,  
& medici assiduitas, et tota domus in omni genere  
diligens me rursus id suspicari uetat. cura igitur.  
plura enim non possum. Vale.

CICERO S. D. ATTICO. 33

E GO hic uel sine Sica ( Tironi enim melius  
est ) facillime possem esse, ut in malis: sed, cum  
scribas uidendum mihi esse, ne opprimar; ex quo  
intelligam, te certum illius prosecutionis diem non  
habere; putauit esse commodius, me istuc uenire;  
quod idē uideo tibi placere. cras igitur in Sicæ sub-  
urbano: inde, quemadmodum suades, puto me in  
Ficulensi fore. quibus de rebus ad me scripsisti, quo-  
niam ipse uenio, coram uidebimus. tuam quidem  
& in agendis nostris rebus, et in consilijs ineundis,  
mihiq. dandis, in ipsis litteris, quas mittis, beneuo-  
lentiam, diligentiam, prudentiam mirifice diligo.

CICERO S. D. ATTICO. 34

T V tamen, si quid cum Silio, uel illo ipso die,  
quo ad Sicam uenturus ero, certio rem me uelim fa-  
cias, & maxime cuius loci detractionem fieri uelit.  
quod enim scribis, extremi; uide, ne is ipse locus  
sit, cuius causa de tota re, ut scis, est a nobis cogi-  
tatum. Hirtij epistolam tibi misi, & recentem, &  
beneuole scriptam. Ante, quàm proxime discessi,  
numquam mihi uenit in mentem, quo plus insum-  
ptum in monumentum esset, quàm nescio quid,

FF 3

quod



LIB. XII. EPIST.

quod lege conceditur, tantumdem populo dandum  
esse: quod non magnopere moueret, nisi nescio quo  
modo, ἀλόγως fortasse, nollem illud ullo nomine,  
nisi fani, appellari. quod si uolumus; uereor, ne as-  
sequi non possimus, nisi mutato loco. hoc quale sit,  
quaeso considera. nam etsi minus urgeor, meq. ipse  
propemodum collegi: tamen indigco tui consilij.  
itaque te uehementer etiam atque etiam rogo, ma-  
gis quàm a me uis, aut pateris te rogari, ut hanc  
cogitationem toto pectore amplectare. Vale.

CICERO S. D. ATTICO. 35

FANVM fieri uolo; neque hoc mihi erui potest:  
sepulcri similitudinem effugere, non tam propter  
pœnam legis studeo, quàm ut maxime assequar  
ἀποθέωσιν: quod poteram, si in ipsa uilla facerem:  
sed, ut saepe locuti sumus, commutationes domino-  
rum reformido. in agro ubicumque fecero, mihi ui-  
deor assequi posse, ut posteritas habeat religionem.  
hæ meæ tibi ineptiæ (fatebor enim) ferendæ sunt.  
non habeo, ne me quidem ipsum, quicum tam au-  
daçter communicem, quàm te. si tibi res, si locus,  
si institutum placet, lege, quaeso, legem, mihiq. eam  
mitte. si quid in mentem ueniet, quo modo eam ef-  
fugere possimus; utemur. Ad Brutum si quid scri-  
bes, nisi alienum putabis, obiurgato eum, quòd in  
Cumano esse noluerit propter eam caussam, quam  
tibi dixi. cogitanti enim mihi, nihil tam uidetur po-  
tuisse facere ruslice. Et, si tibi placebit sic agere de  
fano,



fano, ut cœpimus; uelim cohortere, & exacuas Cluatium. nam etiam si alio loco placebit; illius nobis opera, consilioq. utendum puto. Tu ad uillam ortasse cras. Vale.

CICERO S. D. ATTICO. 36

A TE heri duas epistolas accepi, alteram pridie datam Hilario, alteram eodem die tabellario: accepiq. ab Aegyptia litteras eodem die, Piliam, & Atticam plane belle se habere. tuæ litteræ mihi redditæ sunt tertiodecimo die. Quod mihi Bruti litteras, gratum. ad me quoque misit. eam ipsam ad te epistolam misi, & ad eam exemplum mearum litterarum. De fano, si nihil mihi hortorum inuenis; qui quidem tibi inueniendi sunt, si me tanti facis, quanti certe facis; ualde probo rationem tuam de Tusculano. quamuis prudens ad cogitandum sis, sicut es: tamen, nisi magnæ curæ tibi esset, ut ego consequeretur id, quod magnopere uellem, numquam ea res tibi tam belle in mentem uenire potuisset. sed nescio quo pacto celebritatem requiro: itaque hortos mihi conficias, necesse est. maxima est in Scapulæ celebritas, propinquitas præterea ubi sis, ne totum diem in uillam. quare, antequam discedit, Othonem, si Romæ est, conuenias peruelim. si nihil erit, etsi tu meam stultitiam consuesti ferre, eò tamen progrediar, ut mihi stomachere. Drusus enim certe uendere uult. si ergo aliud erit, non mea erit culpa, nisi emero? qua in re ne labar,

FF 4 que-



LIB. XII. EPIST.

quæso provide. providendi autem una ratio est, si quid de Scapulanis possumus. Et uelim me certior facias, quàm diu in suburbano sis futurus. Apud Terentiam gratia opus est nobis, tuâq. auctoritate. sed facies, ut uidebitur. scio enim, si quid mea intersit, tibi maiori curæ solere esse, quàm mihi. Hirtius ad me scripsit, Sex. Pompeium Corduba exisse, & fugisse in Hispaniam citeriorem, Cnæum fugisse nescio quò: neque enim curo: nihil præterea. noui litteras Narbone dedit XI V. kal. Mai. Tu mihi de Caninij naufragio, quasi dubiare, misisti. scribas igitur, si quid erit certius. Quod me a mæstitia auocas, multum proficies, si locum sano dederis. multa mihi eis ἀποδείξουσιν in mentem ueniunt: sed loco ualde opus est. quare etiam Othonem uide. Vale.

CICERO S. D. ATTICO. 37

NON dubito, quin occupatissimus fueris, qui ad me nihil litterarum. sed homo nequam, qui tuum commodum non expectarit, cum ob eam unam causam missus esset. nunc quidem, nisi quid te tenuit, suspicor esse in suburbano. at ego hic, scribendo dies totos, nihil equidem leuor, sed tamen aberro. Asinius Pollio ad me scripsit de impuro nostro cognato. quod Balbus minor nuper satis plane, Dolabella obscure, hic apertissime. ferrem grauius, si nouæ ægrimonie locus esset. sed tamen quid impurius? o hominem cauendum: quamquam mihi quidem.



dem. sed tenendus dolor est. Tu, quoniam necesse nihil est, sic scribes aliquid, si uacabis. Quod putas oportere prouideri iam animi mei firmitatem, grauiusq. quosdā scribis de me loqui, quā aut te scribere, aut Brutum: si, qui me fractum animo, & debilitatum putant, sciant, quid litterarum, & cuius generis conficiam; credo, si modo homines sint, existiment me, siue ita leuatus sim, ut animum uacuum ad res difficiles scribendas afferam, reprehendendum non esse; siue hanc aberrationem a dolore delegerim, quæ maxime liberalissima, doctoq. homine dignissima, laudari etiam oportere. sed, cum ego faciam omnia, quæ facere possim ad me adiuuandum; tu effice id, quod uideo te non minus, quā me, laborare. hoc mihi debere uideor, neque leuari posse, nisi soluerō, aut uidero me posse soluere, id est locum, qualem uolo, inuenero. Heredes Scapulae si istos hortos, ut scribis tibi Othonem dixisse, partibus quattuor factis, liceri cogitant: nihil est scilicet emptori loci. sin uenibunt: quid fieri possit, uidebimus. nam ille locus publicatus, qui est Trebonij, et Cusnij, erat ad me allatus. sed scis aream esse. nullo pacto probo. Clodiae sane placent; sed non puto esse uenales. De Drusi hortis, quamuis ab ijs abhorreas, ut scribis; tamen eò confugiam, nisi quid inueneris. ædificatio me non mouet. nihil enim aliud ædificabo, nisi id, quod etiam si illos non habuero. Κύριος mihi sic placuit, ut cetera Antisthenis, hominis acuti magis, quā cruditi. Vale.

CICERO



CICERO S. D. ATTICO. 38

TABELLARIUS cum ad me sine litteris tuis uenisset, existimaui, tibi eam causam non scribendi fuisse, quod pridie scripsisses ea ipsa, ad qua rescripsi hac epistola. expectaram tamen aliquid de litteris Asinij Pollionis. sed nimium ex meo otio tuum spectro. quamquam tibi remitto, nisi quid necesse erit, necesse ne habeas scribere, nisi eris ualde otiosus. De tabellarijs facerem, quod suades, si essent ullae necessariae litterae, ut erant olim, cum, breuioribus diebus, tamen quotidie respondebant tempori tabellarij. et erat aliquid, Silius, Drusus, alia quaedam. nunc, nisi Otho extitisset, quid scriberemus, non erat. id ipsum dilatum est: tamen alleuor, cum loquor tecum absens, multo etiam magis, cum tuas litteras lego. sed quonia & abes; (sic enim arbitror) & scribendi necessitas nulla est; conquiescent litterae, nisi quid noui extiterit. Vale.

CICERO S. D. ATTICO. 39

QUALIS futura sit Caesaris uituperatio contra laudationem meam, perspexi ex eo libro, quem Hirtnius ad me misit, in quo colligit uitia Catonis, sed cum maximis laudibus meis. itaque misi librum ad Muscam, ut tuis librarijs daret. uolo enim eum diuulgari: quod quo facilius fiat, imperabis tuis. Συμβουλῶν τικὸν saepe conor: nihil reperio: & quidem mecum habeo & Ἀριστοτέλους, & Θεοπόμπου

ἐπὶ δὲ



Ἐπὶ Ἀλέξανδρον: sed quid simile? illi, quæ & ipsis  
honestæ essent, scribebant, & grata Alexandro.  
ecquid tu eiusmodi reperis? mihi quidem nihil in  
mentem uenit. Quod scribis te uereri, ne & gra-  
tia, & auctoritas nostra hoc meo mærore minua-  
tur: ego, quid homines aut reprehendant, aut po-  
stulent, nescio; ne doleam? qui potest? ne iaceam?  
quis umquam minus? dum tua me domus leua-  
bat, quis a me exclusus? quis uenit, qui offendere-  
tur? Asturam sum a te profectus. legere isti leti,  
qui me reprehendunt, tam multa non possunt, quàm  
ego scripsi. quàm bene, nihil ad rem. sed genus scri-  
bendi id fuit, quod nemo abiecto animo facere pos-  
set. triginta dies in hortis fui. quis aut congressum  
meum, aut facilitatem sermonis desiderauit? nunc  
ipsum, ea lego, ea scribo, ut ij, qui mecum sunt,  
difficilius otium ferant, quàm ego laborem. si quis  
requirit, cur Romæ non sim: quia discessus est: cur  
non sim in his meis prædolis, quæ sunt huius tempo-  
ris: quia frequentiam illam non facile ferrem. ibi  
sum igitur, ubi is, qui optimas Baias habebat, quo-  
tannis hoc tempus consumere solebat. cum Romam  
uenero, nec uultu, nec oratione reprehendar. hila-  
ritatem illam, qua hanc tristitiam temporum con-  
diebamus, in perpetuum amisi. constantia, & fir-  
mitas nec animi, nec orationis requiretur. De hor-  
tis Scapulanis hoc uidetur effici posse, aliud tua gra-  
tia, aliud nostra, ut præconi subiiciantur. id nisi fit,  
excludemur. sin ad tabulam uenimus, uincemus  
facul-



facultates Orthonis nostra cupiditate. Nam quod ad me de Lentulo scribis, non est in eo. Faberiana modo res certa sit; tuq. enitare, quod facis: quod uolumus, consequemur. Quod quæris, quàm diu hic: paucos dies: sed certum non habeo: simul ac constituero, ad te scribam: et tu ad me, quàm diu in suburbano sis futurus. quo die ego ad te hæc misi, de Pilia, & Attica mihi quoque eadem, quæ scribis, & scribuntur, & nuntiantur. Vale.

CICERO S. D. ATTICO. 40

NIHIL erat, quod scriberem: scire tamen uolebam, ubi esses; si abes, aut absfuturus es, quando rediturus esses, facias igitur me certiolem. Et quod tu scire uolebas, ego quando ex hoc loco: postridie iduum Lanuij constitui manere, inde postridie in Tusculano, aut Romæ. utrum sim facturus, eo ipso die scies. Scis, quàm sit φιλαίτιον συμφορὰ, minime in te quidem: sed tamen auide sum affectus de fano: quod nisi, non dico, effectum erit, sed fieri uidero; audebo hoc dicere, & tu, ut soles, accipies; incurfabit in te dolor meus, non iure ille quidem, sed tamen feres hoc ipsum quod scribo, ut omnia mea fers, ac tulisti. omnes tuas consolationes unam hanc in rem uelim conferas. si quæris, quid optem: primum Scapulæ, deinde Clodiæ, postea, si Silius nolit, Drusus aget iniuste, Cusini, & Trebonij. puto Terentium esse dominum, Rebilum fuisse certo scio. sin autem tibi Tusculanum placet, ut signifi-  
casti



casti quibusdam litteris : tibi assentiar . hoc quidem utique perficies , si me leuari uis ; quem iam etiam grauius accusas , quàm patitur tua consuetudo : sed facis summo amore , & uictus fortasse uitio meo : sed tamen , si me leuari uis , hæc summa leuatio , uel , si uerum scire uis , una . Hirtij epistolam si legeris , quæ mihi quasi *ὑπόπλασμα* uidetur eius uituperationis , quam Cæsar scripsit de Catone ; facias me , quid tibi uisum sit , si tibi erit commodum , certiorerem . Redeo ad fanum . nisi hac æstate absolutum erit , quam uides integram restare ; scelere me liberatum non putabo . Vale .

## CICERO S. D. ATTICO. 41

NULLVM ate desiderauī diem litterarum . uidebam enim quæ scribis : & tamen suspicabar , uel potius intelligebam , nihil fuisse , quod scriberes . ad VI. id. uero & abesse te putabam , & plane uidebam , nihil te habere . ego tamen ad te fere quotidie mittam . malo enim frustra , quàm te non habere , cui des ; si quid forte sit , quod putes me scire oportere . itaque accepi VI. id. litteras tuas inanes . quid enim habebas , quod scriberes ? mihi tamen illud , quidquid erat , non molestum fuit , nihil aliud scire me , noui te nihil habere . scripsisti tamen nescio quid de Clodia . ubi ergo ea est , aut quando uentura ? placet mihi res sic , ut secundum Othonem nihil magis . sed neque hanc uendituram puto : deletatur enim , & copiosa est : & illud alterum quàm sit



## LIB. XII. EPIST.

fit difficile, te non fugit. sed obsecro enitamur, ut aliquid ad id, quod cupio, excogitemus. Ego me hinc postridie exiturum puto, sed aut in Tusculanum, aut domum, inde fortasse Arpinum. cum certum sciero, scribam ad te. Venerat mihi in mentem monere te, ut id ipsum, quod facis, faceres. putabam enim commodius te idem istud domi agere posse, interpellatione sublata. Vale.

CICERO S. D. ATTICO. 42

Ego postridie iduum, ut scripsi ad te ante, Lanuvij manere constitui, inde aut Romæ, aut in Tusculano. scies ante utrumque. Quod scies recte illam rem fore leuamento; bene facis; cum id esset, mihi crede, perinde, ut existimare tu non posses. res indicat, quantopere id cupiam, cum tibi audeam confiteri, quem id non ita ualde probare arbitrer. sed ferendus tibi in hoc meus error: ferendus? immo uero etiam adiuuandus. De Othone, diffido, fortasse quia cupio: sed tamen maior etiam res est, quam facultates nostræ, præsertim aduersario & cupido, & locuplete, & herede. Proximum est, ut uelim Clodiæ. si ista minus confici possunt, effice quiduis. ego me maiore religione, quam quisquam fuit ullius uoti, ostrictum puto. uidebis etiam Trebonianos: etsi absunt domini. sed, ut ad te heri scripsi, considerabis etiam de Tusculano; ne æstas effluat: quod certe non est committendum. Vale.

CICERO



CICERO S. D. ATTICO. 43

Et Hirtium aliquid ad te συγγραμμάτων de me scri-  
 psisse, facile patior; (fecit enim humane) & te e-  
 ius epistolam ad me non misisse, multo facilius: tu e-  
 nim etiam humanius. Illius librum, quem ad me mi-  
 sit de Catone, propterea uolo diuulgari ab tuis, ut  
 ex istorum uituperatione sit illius maior laudatio.  
 Quod per Mustelam agis; habes hominem ualde  
 idoneum, mei quæ. sane studiosum iam inde a Pontia-  
 no. perfice igitur aliquid: quid autem aliud, nisi ut  
 aditus sit emptori? quod per quemuis heredem po-  
 test effici. sed Mustellam id perfecturum, si roga-  
 ris, puto. Mihi uero & locum, quem opto, ad id,  
 quod uolumus, dederis, & præterea ἐγγύρεται.  
 Nam illa Sili, & Drusi non satis οἰκονομικὰ mi-  
 hi uidentur. quid enim sedere totos dies in uilla ista?  
 igitur malim primum Othonis, deinde Clodiæ. si ni-  
 hil fiet; aut Druso ludus est suggerendus, aut uten-  
 dum Tusculano. Quod domi te inclusisti, ratione  
 fecisti: sed quæso confice, et te uacuum redde nobis.  
 Ego hinc, ut scripsi antea, postridie idus Lanuuium,  
 deinde postridie in Tusculano. contudi enim ani-  
 mum, & fortasse uici, si modo permansero. scies  
 igitur fortasse cras, summum perendie. Sed quid est  
 quæso? Philotimus nec Cartini Pompeium teneri; \*  
 (qua de re litterarum ad Clodium Patavinum mis-  
 sarum exemplum mihi Oppius, & Balbus mise-  
 rant, se id factum arbitrari) bellum quæ. narrat reli-  
 quum



## LIB. XII. EPIST.

quum satis magnum . solet omnino esse Fuluiaster :  
sed tamen , si quid habes . uolo etiam scire de nau-  
fragio Caniniano , quid sit . Vale .

CICERO S. D. ATTICO. 44

E G O hic duo magna σωτάγματα absolui .  
nullo enim alio modo a miseria quasi aberrare  
possum . tu mihi , etiam si nihil erit , quod scribas ,  
quod fore ita uideo ; tamen id ipsum scribas ue-  
lim , te nihil habuisse , quod scriberes , dum mo-  
do ne his uerbis . De Attica , optime . Ἀκρόα  
tua me mouet : etsi scribis nihil esse . In Tusculano  
eo commodius ero , quod & crebrius tuas litteras  
accipiam , & te ipsum non numquam uidebo . nam  
ceteroqui ἀνεκτότερα erant Asturæ : ne hæc , quæ  
refricant , hic me magis angunt . etsi tamen , ubi-  
cumque sum , illa sunt mecum . De Casare uicino  
scripseram ad te , quia cognoram ex tuis litteris .  
eum σώναον Quirini malo , quàm Salutis . Tu ue-  
ro peruulga Hirtium . id enim ipsum putaram , quod  
scribis ; ut , cum ingenium amici nostri probaretur ,  
ἐπὶ τοῖς uituperandi Catonis irrideretur . Vale .

CICERO S. D. ATTICO. 45

V IN CAM , opinor , animum , & Lanuuiο per-  
gam in Tusculanum . aut enim mihi in perpetuum  
fundo illo carendum est : ( nam dolor idem mane-  
bit , tantum mediocrius ) aut nescio quid intersit ,  
utrum illuc nunc ueniam , an ad decem annos . neque  
enim



enim ista maior admonitio, quam quibus assidue conficior & dies, & noctes. quid ergo, inquires, nihil litteræ? in hac quidem re, uereor, ne etiam contra. nam essem fortasse durior. exculto enim animo nihil agreste, nihil inhumanum est. Vale.

CICERO S. D. ATTICO. 46

TV igitur, ut scripsisti, nec id incommodo tuo. uel binæ enim poterunt litteræ. occurram etiam, si necesse erit. ergo id quidem, ut poteris. De Mustella, ut scribis. etsi magnum opus est. eo magis de labor ad Clodiam. quamquam in utroque Faberianum nomen explorandum est. de quo, nihil nocuerit, si aliquid cum Balbo eris locutus, & quidem, ut res est, emere nos uelle, nec posse sine isto nomine, nec audere incerto. sed quando Clodia Romæ futura est, & quia tanti rem aestimas; eò prorsus specto; non quin illud malim; sed & magna res est, & difficile certamen cum cupido, cum locuplete, cum herede. etsi de cupiditate nemini concedam: ceteris rebus infirmiores sumus. sed hæc coram. Hirtiij librum, ut facis, diuulga. De Philotimo, idem & ego arbitrabar. Domum tuam pluris uideo futuram uicino Casare. Tabellarium meum hodie expectamus. nos de Pilia, et Attica certiores faciet. Vale.

CICERO S. D. ATTICO. 47

DOMI te libenter esse, facile credo: sed uelim scire, quid tibi restet, aut iam ne confeceris. ego te

GG in



## LIB. XII. EPIST.

in Tusculano exspecto, eoq. magis, quod Tironi statim te uenturum scripsisti, & addidisti, te putare opus esse. sentiebam omnino, quantum mihi praesens prodesse; sed multo magis post discessum tuum sentio. quamobrem, ut ante ad te scripsi, aut ego ad te totus, aut tu ad me, quot licebit. Vale.

CICERO S. D. ATTICO. 48

HERI non multo post, quam tu a me discessisti, puto, quidam urbani, ut uidebantur, ad me mandata, & litteras attulerunt a C. Mario C. F. eum multis uerbis agere mecum per cognationem, quae mihi secum esset, per eum Marium, quem scripsissem, per eloquentiam L. Crassi, auisui, ut se defenderem: causamq. suam mihi perscripsit. rescripsi, patrono illi nihil opus esse, quoniam Caesaris, propinqui eius, omnis potestas esset, uiri optimi, & hominis liberalissimi: me tamen ei fauturum. O tempora: fore, cum dubitet Curtius consulatum petere? Sed haec haec tenus. De Tirone mihi curae est: sed iam sciam, quid agat. heri enim misi, qui uideret: cui etiam ad te litteras dedi. Epistolam ad Caesarem tibi misi. Horti quam in diem proscripti sint, uelim ad me scribas. Vale.

CICERO S. D. ATTICO. 49

UT me leuaret tuus aduentus, sic discessus afflixit. quare, cum poteris, id est cum Sexti auctioni operam dederis, reuises nos, uel unus dies mihi erit utilis; quid dicam, gratus? ipse Romam ueniam,



rem, ut una essemus, si satis consilium quādam de  
re haberem. Vale.

CICERO S. D. ATTICO. 50

TIRONEM habeo citius, quā uerebar. ue-  
nit etiam Nicias: & Valerium hodie audiebam ef-  
se uenturum. quamuis multi sint, magis tamen ero  
solus, quā si unus esses. sed exspecto te a Peduceo  
utique. tu autem significas aliquid, etiam ante. ue-  
rum id quidem, ut poteris. De Virgilio, ut scribis.  
hoc tamen uelim scire, quando auētio. Epistolam ad  
Cæsarem mitti, uideo tibi placere. quid quæris?  
mibi quoque idem maxime placuit, & eo magis,  
quod nihil est in ea, nisi optimi ciuis, sed ita optimi,  
ut tempora, quibus parere omnes πολιτικοὶ præci-  
piunt. sed scis nobis esse uisum, ut isti ante legerent.  
tu igitur id curabis. sed, nisi plane ijs intelliges pla-  
cere, mittenda non est. id autem utrum illi sentiant,  
an uero simulent, tu intelliges. sed mihi simulatio  
pro repudiatione fuerit. τοῦτο δὲ μολώσῃ. De Cæ-  
rellia quid tibi placeret, Tiro mihi narrauit: debe-  
re, non esse dignitatis meæ: perscriptionem tibi pla-  
cere: hoc metuere, alterum in metu non ponere.  
sed & hæc, & multa alia coram. sustinenda ta-  
men, si tibi uidebitur, solutio est nominis Cærellia-  
ni, dum & de Metone, & de Faberio sciam. Vale.

CICERO S. D. ATTICO. 51

L. TVLLIVM Montanum nosti, qui cum Ci-  
GG 2 cerone



## LIB. XII. EPIST.

cerone profectus est. ab eius sororis uiro litteras accepi, Montanum Planco debere, quod præs pro Flaminio sit, HS xx; de ea re nescio quid te a Montano rogatum. sane uelim, siue Plancus est rogandus, siue qua re potes illum iuuare, iuues. pertinet ad nostrum officium. si res tibi forte notior est, quàm mihi; aut si Plancum rogandum putas; scribas ad me uelim; ut, quid rei sit, & quid rogandum, sciam. De epistola ad Cæsarem quid egeris, exspecto. De Silio, non ita sane laboro. tu mihi aut Scapulanos, aut Clodianos efficias, necesse est. sed nescio quid uideris dubitare de Clodia; utrum, quando ueniat, an, sint ne uenales? Sed quid est, quod audio, Spinttherem fecisse diuortium? De lingua latina securi es animi, dices, qui talia conscribis. ἀπόρραγα sunt: minore labore sunt: uerba tantum affero, quibus abundo. Vale.

CICERO S. D. ATTICO. 52

EGO, etsi nihil habeo, quod ad te scribam, scribo tamen, quia tecum loqui uideor. Hic nobiscum sunt Nicias, & Valerius. hodie tuas litteras exspectabamus matutinas. erunt fortasse alteræ pomeridianæ, nisi te Epiroticæ litteræ impedient: quas ego non interpello. Misi ad te epistolas ad Martianum, & ad Montanum. eas in eundem fasciculum uelim addas, nisi forte iam dedisti. Vale.

M. TVL-



M. TVLLII CICERONIS  
EPISTOLARVM AD T. POM-  
PONIVM ATTICVM  
LIBER XIII.

CICERO S. D. ATTICO.

A D CICERONEM *ita scripsisti, ut ne  
que seuerius, neque temperatius scribi  
potuerit, nec magis, quàm quemadmo-  
dum ego maxime uellem. prudentissi-  
me etiam ad Tullios. quare aut ista proficient, aut  
aliud agamus. De pecunia uero, uideo a te omnem  
diligentiam adhiberi, uel potius iam adhibitam: et,  
si efficis, a te hertos habebo. nec uero ullum genus  
possessionis est, quod malim, maxime scilicet ob eam  
causam, quæ suscepta est; cuius festinationem mihi  
tollis, quoniam de æstate polliceris, uel potius reci-  
pis: deinde etiam ad καλαβωσιν, mæstitiamq. mi-  
nuédam nihil mihi reperiri potest aptius. cuius rei  
cupiditas impellit me interdum, ut te hortari uelim.  
sed me ipse reuoco. non enim dubito, quin, quod me  
ualde uelle putes, in eo tu me ipsum cupiditate uin-  
cas. itaque istuc iam profecto habeo. Exspecto, quid  
istis placeat de epistola ad Cæsarem. Nicias te, ut  
debet, amat, uehementerq. tua sui memoria delecta-  
tur. Ego uero Peducæum nostrum uehementer diligo.  
nam et quâti patrem feci, totum in hunc: ipsum per  
se æque amo, atque illum amaui; te uero plurimum,*

GG 3

qui



## LIB. XIII. EPIST.

qui hoc ab utroque nostrum fieri uelis. Si hortos inspexeris, et si de epistola certiore me feceris, dederis mihi quod ad te scribam: sin minus, scribam tamen aliquid: numquam enim deerit. Vale.

CICERO S. D. ATTICO. 2

GRATIOR mihi celeritas tua, quam ipsa res. quid enim indignius? sed iam ad ista obduruimus, et humanitatem omnem exuimus. Tuas litteras hodie expectabam, nihil equidem ut ex ijs noui: quid enim? uerumtamen. Oppio, et Balbo epistolas deferri iubebis: et tamen Pisonem sicubi de auro. Faberius si uenerit, uidebis, ut tantum attribuat, si modo attribuetur, quantum debetur. accipies ab Erote. Ariarathes Ariobarzanis filius Romam uenit. uult, opinor, regnum aliquod emere a Cesare. nam, quo modo nunc est, pedem ubi ponat in suo, non habet. omnino eum Sextius noster parochijs publicis occupauit: quod quidem facile patior. uerumtamen, quod mihi, summo beneficio meo, magna cum fratribus illius necessitudo est, inuito eum per litteras, ut apud me diuersetur. ad eam rem cum mitterem Alexandrum, has ei dedi litteras. Cras igitur auctio Peducaei: cum poteris ergo: etsi impedit fortasse Faberius: sed tamen, cum licebit. Dionysius noster grauer queritur, et tamen iure, a discipulis abesse tam diu. multis uerbis scripsit ad me, credo item ad te, mihi quidem uidetur etiam diutius absuturus. ac nollem: ualde enim hominem desidero. Vale.

CICERO



CICERO S. D. ATTICO. 3

A TE litteras expectabam, non dum scilicet :  
nam has manere scribebam. Ego uero ista omnia sic  
probo, ut nihil aliud me moueat, nisi quod tu uide-  
ris dubitare. illud enim non accipio in bonam par-  
tem, quod ad me refert. quid ? ipse negotium meum  
gererem, nisi consilio tuo ? sed tamen intelligo, ma-  
gis te id facere diligentia, qua semper uteris, quam  
quod dubites de nominibus istis. etenim Caelium nō  
probas : plura non uis. utrumque laudo : his igitur  
utendum est. præs aliquando factus esset, in his qui-  
dem tabulis. a me igitur omnia, quod dies longio- \*  
res : teneamus modo, quod uolumus. puto fore  
istam etiam a præcone diem, certe ab heredibus. De  
Crispo, et Mustela uidebis : & uelim scire, quæ sit  
pars duorum. De Bruti aduentu erā factus certior.  
attulerat enim ab eo Aegyptia libertus litteras. mi-  
si ad te epistolam, quia commode scripta erat. Vale.

CICERO S. D. ATTICO. 4

HABEO munus a te elaboratum decem lega-  
torum. & quidem puto. nam filius anno post quæ-  
stor fuit, quam consul Mummius. sed quoniam sæ-  
pius de nominibus quæris quid placeat : ego quoque  
tibi sæpius respondeo, placere. Si quid poteris cum  
Pisone, conficies : Aulus enim uidetur in officio fu-  
turus. Velim ante possis : si minus, utique simul,  
cum Brutus ueniet in Tusculanum. magni interest

GG 4 mea,



## LIB. XIII. EPIST.

mea, una nos esse. scies autem, qui dies is futurus sit, si puero negotium dederis, ut quærat. Spurium Mummium putaram in decem legatis fuisse: & uidelicet: etenim ἑταῖρον, fratri fuisse. fuit enim ad Corinthum.

CICERO S. D. ATTICO. 5

MISI tibi Torquatum. colloquere tu quidem cum Silio. ut scribis, & urge. illam diem negabat esse mense Maio, istā non negabat. sed tu, ut omnia, istuc quoque ages diligenter. De Crispo, et Mustela scilicet, cum quid egeris. Quoniam ad Bruti aduentum fore te nobiscum polliceris, satis est, præsertim cū hi tibi dies in magno nostro negotio consumantur.

CICERO S. D. ATTICO. 6

DE aquæ ductu probe fecisti. columnarium, uide, ne nullum debeamus. quamquam mihi uideor audisse a Camillo, commutatam esse legem. Pisoni, quid est, quod honestius respondere possimus, quā solitudinem Catonis? nec coheredibus solum Herennianis, sed etiam, ut scis (tu enim mecum egisti) de puero Lucullo: quam pecuniam tutor (nam hoc quoque ad rem pertinet) in Achaia sumpserat. sed agit liberaliter, quoniam negat se quidquam facturum contra nostram uoluntatem. coram igitur, ut scribis, constituemus, quemadmodum rem explicemus. Quod reliquos coheredes conuenisti, plane bene. Quod epistolam meam ad Brutum possis, non habeo



habeo eius exemplum, sed tamen saluum est, & ait  
 Tiro te habere oportere, & ut recorder, una cum  
 illius obiurgatoria tibi meam quoque, quam ad eum  
 rescripseram, misi. Iudiciali molestia ut caream, ui  
 debis. Tuditanum istum, proauum Hortensij,  
 plane non noram; & filium, qui tum non potuerat  
 esse legatus, fuisse putaram. Mummius fuisse ad  
 Corinthum, pro certo habeo. saepe enim hic Spu-  
 rius, qui nuper est \* epistolas mihi pronun-  
 tiabat uersiculis facietis ad familiares missas a Co-  
 rintho. sed non dubito, quin fratri fuerit legatus,  
 non in decem. atque hoc etiam accepi, non solitos  
 maiores nostros legare in decem, qui essent impe-  
 ratorum necessarij, ut nos, ignari pulcherrimorum  
 institutorum, aut negligētes potius, M. Lucullum,  
 & L. Muranum, & ceteros ad L. Lucullum misi-  
 mus. illudq. & λογώτατον, illum fratri in primis  
 eius legatis fuisse. Vale.

## CICERO S. D. ATTICO. 7

OPERAM tuam multam, qui & hac cures,  
 & mea expedias, & sis in tuis multo minus dili-  
 gens, quam in meis. Sextius apud me fuit, et Theo-  
 pompus pridie: uenisse a Cesare narrabat litteras:  
 hoc scribere, sibi certum esse Romae manere; caus-  
 samq. ea adscribere, quae erat in epistola nostra, ne  
 se absente leges suae negligerentur, sicut esset negle-  
 cta sumptuaria. est & λόγον: idq. eram suspica-  
 tus. sed istis mos gerendus est; nisi placet hanc ip-  
 sam



LIB. VIII. EPIST.

nam sententiam nos persequi. et Lentulum cum Metella fecisse diuortium. hac omnia tu melius. rescribes igitur quidquid uoles, dum modo quid. iam enim non reperio, quid te rescripturum putem, nisi forte de Mustela, aut si Silium uideris. Brutus heri uenit in Tusculanum post horam decimam. hodie igitur me uidebit: ac uellem, cum tu adesses. nisi equidem ei nuntiari, te, quoad potuisses, expectasse eius aduentum, uenturumque, si audisses, meque, ut facio, continuo te certiores esse facturum. Vale.

CICERO S. D. ATTICO. 8

PLANE nihil erat, quod ad te scriberem. modo enim discesseras, et paullo post triplices remiseras: uelim cures fasciculum ad Vestorium deferendum: & alicubi des negotium, qui quærat, Q. Faberij fundus num quis in Pompeiano, Nolano uenalis sit. Epitomen Bruti Cæliarum uelim mihi mittas, & a Philoxeno Πανατιου περί ὁπορίας. Te idibus uidebo cum tuis. Vale.

CICERO S. D. ATTICO. 9

COMMODOVM discesseras heri, cum Trebatius uenit, paullo post Curtius, hic salutandi causa, sed mansit inuitatus. Trebatium nobiscum habemus. hodie mane Dolabella. multus sermo ad multum diem. nihil possum dicere ἐντενέστερον, nihil φιλοσοφώτερον. uentum est tamen ad Quinctum. multa ἀφάλα, ἀδύνατα, sed unum eiusmodi, quod,  
nisi



nisi exercitus sciret, non modo Tironi dictare, sed ne ipse quidem auderem scribere. sed hactenus. & rex ad me uenit, cum haberem Dolabellam, Torquatus; humanissimeque Dolabella, quibus uerbis secum egissem, exposuit. commodum enim egeram diligentissime. quæ diligentia grata est uisa Torquato. A te exspecto, si quid de Bruto. quamquam Nicias confectum putabat, sed diuortium non probari. quo etiam magis laboro idem, quod tu. si quid est enim offensionis, hæc res mederi potest. mihi Arpinum cundum est. nam & opus est constitui a nobis illa prædiola: & uereor, ne exeundi potestas non sit, cum Cæsar uenerit: de cuius aduentu eam opinionem Dolabella habet, quam tu coniecturam faciebas ex litteris Messallæ. cum illuc uenero, intellexeroque. quid negotij sit; tum, ad quos dies rediturus sim, scribam ad te. Vale.

CICERO S. D. ATTICO. IO

MINIME miror, te & grauiter ferre de Marcello, & plura uereri periculi genera. quis enim hoc timeret, quod neque acciderat antea, nec uidebatur natura ferre, ut accidere posset? omnia igitur metuenda. sed illud παρὰ τὴν ἰσολογίαν tu, præsertim me reliquum consularem. quid tibi Seruius, quid uidetur? quamquam hoc nullam ad partem ualet scilicet, mihi præsertim, qui non minus bene ætulum cum illis putem. quid enim sumus? aut quid esse possimus? domine, an foris? quod nisi hoc mihi



## LIB. XIII. EPIST.

hi uenisset in mentem, scribere ista nescio quæ; quæ uerterem me, non haberem. ad Dolabellam, ut scribis, ita puto faciendum, κοινότερα quædam, & πολιτικότερα. faciendum certe aliquid est. ualde enim desiderat. Brutus si quid, curabis ut sciam. cui quidem quamprimum agendum puto, præsertim si statuit. sermunculum enim omnem aut restinxerit, aut sedarit. sunt enim, qui loquantur etiam mecum. Sed hæc ipse optime, præsertim si etiam tecum loquetur. Mihi est in animo proficisci XI. kal. hic enim nihil habeo quod agam, ne hercule illic quidem, nec usquam, sed tamen illic. Hodie Spintherem exspecto. misit enim Brutus ad me: per litteras purgat Casarem de interitu Marcelli: in quem, ne si insidijs quidem ille interfectus esset, caderet ulla suspicio. nunc uero, cum de Magio constet, non ne furor eius omnem causam sustinet? plane, quid sit, non intelligo. explanabis igitur. quamquã nihil habeo, quod dubitem, nisi, ipso Magio quæ fuerit causa amentie: pro quo quidem etiam sponsor factus est. nimirum id fuit. soluendo enim non erat. credo enim petisse a Marcello aliquid, & illum, ut erat, constantius respondisse. οὐ γὰρ ὀνειδος. Vale.

CICERO S. D. ATTICO. II

CREDEBAM esse facile: totum est aliud, postea quàm sum a te diiunctior. sed fuit faciendū, ut & constituerem mercedulas prædiorum, & ne magnum onus obseruantie Bruto nostro imponerem.

post-



posthac enim poterimus commodius colere inter nos in Tusculano: hoc autem tempore, cum ille me quotidie uidere uellet, ego ad illum ire non possem, priuabatur omni delectatione Tusculani. tu igitur, si Seruilia uenerit, si Brutus quid egerit, etiam, si constituerit quando obuiam, quidquid denique erit, quod scire me oporteat, scribes. Pisonem, si poteris, conuenias. uides, quàm maturum sit. sed tamen, quod commodo tuo fiat. Vale.

CICERO S. D. ATTICO. 12

VALDE me momorderunt epistolæ tuæ de Attica nostra: eadem tamen sanauerunt. quòd enim te ipse consolabare eisdem litteris, id mihi erat satis firmum ad leniendam ægritudinem. Ligarianam præclare uendidisti. post hac quidquid scripsero, tibi præconium deferam. Quod ad me de Varrone scribis; scis, me antea orationes, aut aliquid id genus solitum scribere, ut Varronem nusquam possem intexere. postea autem quàm hac cæpi φιλολογώτερα, iam Varro mihi denuntiauerat magnam sane, & grauem προσφώνησιν. biennium præterijt, cum ille Καλλιπίδης assiduo cursu cubitum nullum processerit. ego autem me parabam ad id, quod ille mihi misisset, ut αὐτῷ τῷ μέτρῳ, καὶ λόγιον, si modo potuisssem. nam hoc etiam Hesiodus adscribit, αἶνε δύναι. nunc illam περὶ τελῶν συντάξιν, sane mihi probatam, Bruto, ut tibi placuit, despondimus. idq. eum non nolle mihi scripsisti. ergo illam ἀκαδη-  
μικὴν,



LIB. XIII. EPIST.

μικρὴν, in qua homines, nobiles illi quidem, sed nullo modo philologi, nimis acute loquuntur, ad Varonem transferamus. etenim sunt Ἀντιόχεια, quæ iste ualde probat. Catulo, & Lucullo alibi reponemus, ita tamen, si tu hoc probas: deq. eo mihi rescribas, uelim. De Brinniana auctione accepi a Vestorio litteras. ait, sine ulla controuersia rem ad me esse collatam (Romæ uidelicet, aut in Tusculano me fore putauerunt) ad VIII. kal. Quint. dices igitur uel amico tuo, uel Othoni coheredi meo, uel Labeoni nostro, paulum proferant auctiorem; me circiter nonas in Tusculano fore. cum Pisone Erotem habes. De Scapulanis hortis toto pectore cogitemus. dies adest.

CICERO S. D. ATTICO. 13

COMMOTVS tuis litteris, quod ad me de Varone scripseras, totam Academiam ab hominibus nobilissimis abstuli, trāstuliq. ad nostrum sodalem, & ex duobus libris contuli in quattuor. grandiores sunt omnino, quàm erant illi; sed tamen multa detracta. tu autem mihi peruelim scribas, qui intellexeris illum uelle. illud utique scire cupio, quem intellexeris ab eo ζηλοτυπῆσαι, nisi forte Brutum. id hercle restabat. sed tamen scire peruelim. libri quidem ita exierunt, (nisi forte me cōmunis φιλαυτία decipit) ut in tali genere ne apud Græcos quidem simile quidquam. tu illam iacturam feres æquo animo, quod illa, quæ habes de Academicis, fru-



frustra descripta sunt. multo tamen hæc erunt splendiora, breuiora, meliora. nunc autem ἀποπῶ, quò me uertam. uolo Dolabella ualde desideranti. non reperio, quid: & simul αἰδέομαι Τρωάς: neque, si aliquid, potero μὲν ἴν' effugere. aut cessandū igitur, aut aliquid excogitandum. sed quid hæc leuia curamus? Attica mea, obsecro te, quid agit? quæ me ualde angit. sed crebro regusto tuas litteras: in his acquiesco: tamen exspecto nouas. Vale.

CICERO S. D. ATTICO. 14

BRINNII libertus, coheres noster, scripsit ad me, uelle, si mihi placet, coheredes, & Sabinum Albium ad me uenire. id ego plane nolo. hereditas tanti non est. & tamen obire auktionis diem facile poterunt, (est enim III. idus) si me in Tusculano postridie nonas mane conuenerint. quòd si laxius uolent proferre diem, poterunt uel biduum, uel tri-duum, uel ut uidebitur. nihil enim interest, quare, nisi iam profecti sunt, retinebis homines. De Bruto, si quid erit, de Casare, si quid scies præterea, scribes. Illud etiam atque etiam consideres uelim, placeat ne tibi mitti ad Varronem, quod scripsimus; et si etiam ad te aliquid pertinet. nam scito, te ei dialogo adiunctum esse tertium. opinor igitur consideremus. et si nomina iam facta sunt: sed uel induci, uel mutari possunt. Vale.

CICERO



CICERO S. D. ATTICO. 15

QVID agit, obsecro te, Attica nostra? nam triduo abs te nullas acceperam: nec mirum: nemo enim uenerat: nec fortasse causa fuerat. itaque, ipse quid scriberem, non habebam. quo autem die has Valerio dabam, expectabam aliquem meorum: qui si uenisset, & a te quid attulisset, uidebam non defuturum, quid scriberem. Vale.

CICERO S. D. ATTICO. 16

Nos, cum flumina, & solitudinem sequeremur, quo facilius sustentare nos possemus, pedem e uilla adhuc egressi non sumus: ita magnos, & aspiduos imbres habebamus. Illam Academicen συντάξιν totam ad Varronem traduximus: modo fuit Catuli, Luculli, Hortensii: deinde, quia παρὰ τὸ σπέρον uidebatur, quod erat hominibus non ignota, non illa quidem ἀπαδοσία, sed in ijs rebus ἀρετή; simul ac ueni ad uillam, eosdem illos sermones ad Catonem, Brutumq. transtuli. ecce tuae litterae de Varrone. nemini uisa est aptior Ἀντιόχεια ratio, sed tamen uelim scribas ad me, primum placeat ne tibi aliquid ad illum; deinde, si placebit, hoc ne potissimum. Quid Seruilia, iam ne uenit? Brutus ecquid agit, ecquando? De Caesare quid auditur? Ego ad nonas, quemadmodum dixi. Tu cum Pisonē, si quid poteris. Vale.

CICERO



CICERO S. D. ATTICO.

17

DE VI. exspectabam Roma aliquid. non imperassem igitur aliquid tuis. nunc eadem illa, quid Brutus cogitet, aut si aliquid egit, & quid a Cesare. sed quid ista, quæ minus curo? Attica nostra quid agat, scire cupio. etsi tuæ litteræ (sed iam nimis ueteres sunt) recte sperare iubent. tamen exspecto recens aliquid. Vale.

CICERO S. D. ATTICO. 18

VIDES, propinquitas quid habet. nos uero conficiamus hortos. colloqui uidebamus, in Tusculano cum essem: tanta erat crebritas litterarum. sed id quidem iam erit. ego interea admonitu tuo perfecti sane argutulos libros ad Varronem: sed tamen exspecto, quid ad ea, quæ scripsi ad te: primum qui intellexeris eum desiderare a me, cum ipse homo πολυγραφώτατος numquam me laceffisset: deinde, quem ζηλοτυπήν: multo Hortensium minus, aut eos, qui de rep. loquuntur. plane hoc mihi explices uelim: in primis, maneat ne in sententia, ut mittam ad eum, quæ scripsi; an nihil necesse putes. sed hæc coram. Vale.

CICERO S. D. ATTICO. 19

COMMODOVM discesserat Hilarus librarius IV. kal. cui dederam litteras ad te, cum uenit tabellarius cum tuis litteris pridie datis: in quibus

H H illud



## LIB. XIII. EPIST.

illud mihi gratissimum fuit, quod Attica nostra rogat te, ne tristis sis, quodq. tu ἀκλινδωα esse scribis. Ligarianam, ut uideo, præclare auctoritas tua commendauit. scripsit enim ad me Balbus, ac Oppius, mirifice se probare, ob eamq. causam ad Cæsarem meam se oratiunculam misisse. hoc igitur idem tu mihi antea scripseras. In Varrone ista causam me non moueret, ne uiderer φιλένδοξος. sic enim constituebam, neminem includere in dialogos eorum, qui uiuerent: sed, quia scribis & desiderari a Varrone, & magni illum aestimare; eos confeci, & absolui, nescio quàm bene, sed ita accurate, ut nihil posset supra: Academicam omnem quæstionem libris quattuor. in eis, quæ erant contra ἀκαταληΐαν, præclare collecta ab Antiocho, Varroni dedi: ad ea ipse respondeo: tu es tertius in sermone nostro. si Cottam, & Varronem fecissem inter se disputantes, ut a te proximis litteris admoneor; meum κωφὸν πρόσωπον esset. hoc in antiquis personis suauiter fit, ut & Heraclides in multis, & nos sex de rep. libris fecimus. sunt etiam de oratore nostri tres, mihi uehementer probati. in eis quoque eæ personæ sunt, ut mihi tacendum fuerit. Crassus enim loquitur, Antonius, Catulus senex, C. Iulius, frater Catuli, Cotta, Sulpicius. puero me hic sermo me inducit, ut nullæ esse possent partes meæ. quæ autem his temporibus scripsi, Ἀριστοτέλειον morem habent; in quo sermo ita inducitur ceterorum, ut penes ipsum sit principatus. ita confeci  
quin-



quinque libros *περί τεκῶν*, ut Epicurea L. Torquato, Stoica M. Catoni, *περιπατητικὰ* M. Pisoni daremus. ἀζηλότυπον id fore putaram, quod omnes illi decesserant. hæc Academica, ut scis, cum Catullo, Lucullo, Hortensio contuleram. sane in personas non cadebant. erant enim λογικώτερα, quàm ut illi de ijs somniasse umquam uiderentur. itaque, ut legi tuas de Varrone. tamquam ἔρμαιον arripui. aptius esse nihil potuit ad id philosophiæ genus, quo ille maxime mihi delectari uidetur, easq. partes, ut non sim consecutus, ut superior mea caussa uideatur. sunt enim uehementer *πιθανὰ* Antiochia: quæ diligenter a me expressa, acumen habent Antiochi, nitorem orationis nostrum: si modo is est aliquis in nobis. sed tu, dandos ne putes hos libros Varro, etiam atque etiam uidebis. mihi quædam occurrunt: sede ea coram. Vale.

A CAESARE litteras accepi consolatorias: datas prid. kal. Mai. Hispali. De urbe augenda quid sit promulgatum, non intellxi. id sane scire uelim. Torquato nostra officia grata esse, facile patior: eaq. augere non desinam. De uxore Tuberonis, & priuigna, neque possum iam abdere, (est enim res peruulgata) neque Tuberonem uolo defendere: mirifice est enim φιλαίτιος. theatrum quidem sane bellum habuisti. ego, etsi hoc loco facillime sustentor, tamen te uidere cupio: itaque, ut con-

HH

2

Stitui,



LIB. XIII. EPIST.

stitui, adero. Fratrem credo ate esse conuentum. scire igitur studeo, quid egeris. De fama nihil sane laboro. etsi scripseram ad te tunc stulte, nihil melius. curandum enim non est: atque hoc: in omni uita sua quæque a recta conscientia transuersum unguem non oportet discedere. uiden', quam φιλοσόφος? an tu nos frustra existimas hæc in manibus habere? δεδνχθαι te nollem, quod nihil erat. redeo enim rursus eodem. quidquam ne me putas curare in toto, nisi ut ei ne desim? id ago scilicet, ut iudicia uidear tenere. μὴ γὰρ αὐτοῖς. uellem tam domestica ferre possem, quam ista contemnere. putas autem me uoluisse aliquid, quod perfectum non sit? non licet scilicet sententiam suam: sed tamen, quæ tum acta sunt, non possum non probare. & tamen non curare pulchre possum, sicuti facio. sed nimium multa de nugis.

CICERO S. D. ATTICO. 21

AD Hirtium dederam epistolam sane grandem, quam scripseram proxime in Tusculano huic, quam tu mihi misisti, rescribam alias: nunc alijs malo. Quid possum de Torquato, nisi aliquid a Dolabella? quod simul ac, continuo scietis. expectabam hodie, aut summum cras ab eo tabellarios: qui simul ac uenerint, mittentur ad te. A Quinto expecto. proficiens enim e Tusculano VIII. kal. ut scis, misi ad eum tabellarios. Nunc, ad rem ut redeam, inhibere illud tuum, quod ualde mihi arriserat,



rat, uehementer displicet. est enim uerbum totum nauticum. quamquam id quidem sciebam: sed arbitrar sustineri remos, cum inhiberi essent remiges iussi. id non esse eiusmodi didici heri, cum ad uillam nostram nauis appelleretur. non enim sustinent, sed alio modo remigant. id ab ἐπὶ ὅχῳ remotissimum est. quare facies, ut ita sit in libro, quemadmodum fuit. dices hoc idem Varroni, si forte mutauit. nec est melius quidquam, quam ut Lucullus

Sustineat currū, ut bonū sēpe agitator, equos quē. semperq. Carneades ἀποβολὴν pugilis, & retentionem aurigae similem facit ἐπὶ ὅχῳ. inhibitis autem remigum motum habet, & uehementiorem quidem, remigationis nauem conuertentis ad puppim. uides, quanto hoc diligentius curem, quam aut de rumore, aut de Pollione. De Pansa etiam, si quid certius. credo enim palam factum esse. De Critonio, si quid esset. Certe ne de Metello, & Balbino? dic mihi, placet ne tibi primum edere iniussu meo? hoc ne Hermodorus quidem faciebat, is, qui Platonis libros solitus est diuulgare; ex quo, λόγοισιν ἑρμώδωπος. quid illud? rectum ne existimas cuiquam quidquam ante, quam Bruto? cui te auctore προσφωνῶ. scripsit enim Balbus ad me, se a te quintum de finibus librum descripsisse: in quo non sane multa mutauit, sed tamen quaedam. tu autem commode feceris, si reliquos continueris; ne & ἀδιόρθωτα habeat Balbus, & ἑωτα Brutus. sed hæc hætenus; ne uidear περὶ μικρὰ ἀσάδζειν. et si nunc

H H

3

quidem



LIB. XIII. EPIST.

quidem maxima mihi sunt hæc: quid est enim aliud?  
 Varro quidem quæ scripsit te auctore, ita prope-  
 ro mittere, ut iam Romam miserim describenda.  
 ea si uoles, statim habebis: scripsi enim ad librari-  
 os, ut fieret tuis, si uelles, describendi potestas. ea  
 uero continebis, quoad ipse te uideam, quod dili-  
 gentissime facere soles, cum a me tibi dictum sit. Quo  
 modo autem fugit me, tibi dicere? mirifice Cærellia,  
 studio uidelicet philosophiæ flagrans, describit a  
 tuis. istos ipsos de finibus habet. ego autem tibi non  
 firmo, (possum falli, ut humanus) a me non habe-  
 re. numquam enim ab oculis meis absuerunt. tam-  
 tum porro aberat, ut binos scriberent: uix singulos  
 confecerunt. tuorum tamen eo nullum delictum ar-  
 bitror: idemque te uolo existimare. a me enim præ-  
 termissum est, ut dicerem eos exire non dum uelle.  
 Hui quàm diu de nugis. de re enim nihil habeo, quod  
 loquar. De Dolabella tibi assentior. coheredes, ut  
 scribis, in Tusculano. De Cæsaris aduentu, scri-  
 psit ad me Balbus, non ante kal. Sext. De Attica  
 optime, quod lenius, ac lenius, & quod fert & κέ-  
 λος. Quod autem de illa nostra cogitatione scribis,  
 in qua nihil tibi credo ea, quæ noui: ualde probo ho-  
 minem, domum, facultates: quod caput est, ipsum  
 non noui: sed audio laudabilia de Scrofa. etiam pro-  
 xime accedit, si quid hoc ad rem. & γένεσις est e-  
 tiam, quàm pater. coram igitur, & quidem pro-  
 penso animo ad probandum. accedit enim, quod pa-  
 trem, ut scire te puto, plus etiam, quàm non mo-  
 do



do tu, sed quàm ipse scit, amo, idq. & merito,  
& iam diu. Vale.

DE VARRONE, non sine caussa, quid tibi  
placeat, tam diligenter exquiro. occurrunt mihi  
quædam: sed ea coram. te autem *ἀποκρίσεις* ante-  
xui, faciamq. id crebrius. proximis enim tuis lit-  
teris primum, te id non nolle, cognoui. De Mar-  
cello, scripserat ad me Cassius antea, *τὰ κατὰ μέρος*  
Seruius. rem acerbam. ad prima redeo. Scripta  
nostra nusquam malo esse, quàm apud te, sed ea  
tum feras dari, cum utrique nostrum uidebitur.  
ego & librarios tuos culpa libero, neque te accuso,  
& tamen aliud quiddam ad te scripseram, Cærel-  
liam quædam habere, quæ nisi a te non potuerit.  
Balbo quidem intelligebam satisfaciendum fuisse:  
tantum nolebam, aut obsoletum Bruto, aut Balbo  
inchoatum dari. Varroni, simul ac te uidero, si ti-  
bi uidebitur, mittam. quid autem dubitarim, cum  
uidero te, scies. Attributos quòd appellas, ualde  
probe. Te de prædio auie exerceri, moleste fero.  
De Bruto nostro, perodiosum: sed uita fert. mulie-  
res autem uix satis humane, quæ inimico animo fe-  
rant, cum utraque officio pareat. Tullium scribam,  
nihil fuit, quòd appellares. nam tibi mandassem, si  
fuiisset. nihil enim est apud eum positum nomine uo-  
ti. sed est quiddam apud illum meum. id ego in hac  
rem statui conferre. itaque & ego recte tibi dixi,

HH 4 ubi



## LIB. XIII. EPIST.

ubi esset: & tibi ille recte negavit. hoc quoque ipsum continuo adoriatur. locum hominibus non sane probo, quod est desertior: sed habet *Ἀλογία*. verum hoc quoque, ut censueris; quippe qui omnia. Ego, ut constitui, adero: atque utinam tu quoque eodem die. sin quid; multa enim; utique postridie. etenim coheredes: a queis sine te opprimi, malitia est. Alteris iam litteris nihil ad me de Attica. sed id quidem mihi in optima spe pono. illud accuso, non te, sed illam, ne salutem quidem. at tu & illi, & Pilia plurimam: nec me tamen irasci iudicaris. Epistolam Caesaris misi, si minus legisses. Vale.

CICERO S. D. ATTICO. 23

ANTE MERIDIANIS tuis litteris heri statim rescripsi: nunc respondebo vespertinis. Brutus, mallet, me arcesseret. nam & æquius erat, cum illi iter instaret & subitum, & longum: & mehercule nunc, cum ita simus affecti, ut non possimus plane simul uiuere, (intelligis enim profecto, quo maxime posita sit *συνβιωσις*) facile patiebar, nos potius Romæ una esse, quàm in Tusculano. libri ad Varronem non morabantur. sunt enim defecti, ut uidisti: tantum librariorum menda tolluntur. de quibus libris scis me dubitasse: sed tu uideris. item, quos Bruto mittimus, in manibus habent librarij. Mea mandata, ut scribis, explica. quamquam ista retentione omnes ait uti Trebatius: quid tu istos putas? nosti domum, quam confice *Ἀλόγως*. incredibile



bile est, quàm ego ista non curem. omni tibi asse-  
 ueratione affirmo, quod mihi credas uelim, mihi  
 maiori offensionem esse, quàm delectationi, possessionun-  
 culas meas. magis enim doleo, me non habere, cui  
 tradam, quàm habere, qui utar. atque illud Tre-  
 batius se tibi dixisse narrabat. tu autem ueritus es  
 fortasse, ne ego inuitus audirem. fuit id quidem hu-  
 manitatis: sed, mihi crede, iam ista non curo. qua-  
 re date in sermonem, & perseca, & confice, exci-  
 ta, compella, loquere, ut te cum illo Scaeva loqui  
 putes. ne existimes eos, qui non debita consuetari  
 soleant, quod debeatur, remissuros. de die tantum  
 uideto, & id ipsum bono modo. Vale.

CICERO S. D. ATTICO. 24

QVID est, quod Hermogenes mihi Clodius,  
 Andromenem sibi dixisse, se Ciceronem uidisse Cor-  
 cyrae? ego enim audita tibi putaram. nil igitur ne  
 ei quidem litterarum? an non uidit? facies ergo ut  
 sciam. Quid tibi ego de Varrone rescribam? quat-  
 tuor *διότι* sunt in tua potestate. quod egeris, id  
 probabo. nec tamen *αὐδέου* *ἔπος*: quid enim?  
 sed, ipsi quàm res illa probaretur, magis uerebar.  
 sed quoniam tu suscipis, in alteram aurem. Vale.

CICERO S. D. ATTICO. 25

DE RETENTIONE, rescripsi ad tuas accu-  
 rate litteras scriptas. conficies igitur, & quidem  
 sine ulla dubitatione, aut retractatione, hoc fieri

&amp;



## LIB. XIII. EPIST.

& oportet, & opus est. De Andromene, ut scri-  
 bis, ita putaram: scisses enim, mihiq. dixisses. Tu  
 tamen ita mihi de Bruto scribis, ut de te nihil. quan-  
 do autē illum putas? nam ego Romam pridie idus.  
 ita uolui Bruto scribere: sed quoniam tu te legisse  
 scribis, fui fortasse ἀσάπης εἶπος, me ex tuis litteris in-  
 tellexisse, nolle eum me quasi prosequendi sui caus-  
 sa Romam nunc uenire. sed quoniā iam adest meus  
 aduentus; fac quāso, ne quid eum idus impediāt,  
 quo minus suo commodo in Tusculano sit. nec enim  
 ad tabulam eum desideraturus erā. in tali enim ne-  
 gotio cur tu unus non satis es? sed ad testamentū uo-  
 lebam: quod iam malo alio die; ne ob eam causam  
 Romam uenisse uidear. scripsi igitur ad Brutum,  
 iam illud, quod putassem, idibus, nihil opus esse.  
 uelim ergo totum hoc ita gubernes, ut ne minima  
 quidem re ulla Bruti commodum impediāmus. Sed  
 quid est tandem, quod perhorrescas, quia tuo peri-  
 culo iubeam libros dare Varroni? etiam nunc, si  
 dubitas, fac, ut sciamus. nihil est enim illis ele-  
 gantius. uolo Varronem, praesertim cum ille de-  
 sideret: sed est, ut scis,

θεῖνός ἀνὴρ: λέχα κεν καὶ ἀναίτιον αἰτιόωτο.

ita mihi saepe occurrit uultus eius, querentis fortas-  
 se uel hoc, meas partes in ijs libris copiosius defen-  
 sas esse, quā suas: quod mehercule intelliges non  
 esse. si quando in Epirum ueneris. nam nunc Ale-  
 xionis epistolis cedimus: sed tamen ego non despero  
 probatum iri Varroni: & id, quoniam impensam  
 feci-



fecimus in macrocola, facile patior teneri. sed etiā atque etiam dico, tuo periculo fiet. quare, si addubitas, ad Brutum transeamus: est enim is quoque Antiochius. o. Academiam uolaticam, & sui similem, modo huc, modo illuc. sed, quæso, epistola mea ad Varronem ualde ne tibi placuit? male mihi sit, si umquam quidquam tamenitar. at ego ne Tironi quidem dictavi, qui totas *περιοχὰς* persequi solet, sed Spintheri syllabatim. Vale.

CICERO S. D. ATTICO. 26

DE VIRGILII parte ualde probo. sic ages igitur. & quidem id erit primum, proximum Clodia. quod si neutrum; metuo, ne turbem, & irruam in Drusum. intemperans sum in eius rei cupiditate, quam nosti, itaque reuoluor idemtidem in Tusculanum. quiduis enim potius, quam ut non hac æstate absoluator. Ego, ut tempus est nostrum, locum habeo nullum, ubi facilius esse possim, quam Asturæ. sed quia qui mecum sunt, credo, quod mæstitiam meam non ferunt, domum proferant: etsi poteram remanere, tamen, ut scripsi tibi, proficiscar hinc, ne relictus uidear. quò autem Lanuio? conor equidem in Tusculanum: sed faciam te statim certiozem. tu litteras conficies. equidem, credibile non est, quamtum scribam die: quin etiam noctibus: nihil est enim somni. heri etiam effeci epistolam ad Casarem: tibi enim placebat, quam non fuit malum scribi, si forte opus esse putares. ut qui  
dem



dem nunc est, nihil sane est necesse mittere: sed id quidem, ut tibi uidebitur. mittam tamen ad te exemplum fortasse Lanuuius, nisi forte Romam: sed cras scies.

CICERO S. D. ATTICO. 27

EPISTOLAM ad Casarem, nobis uero semper rectissime placuit, ut isti ante legerent. aliter enim fuisset & in hos inofficiosi, & in nosmet ipsos, si illum offensuri fuimus, pæne periculosi. isti autem ingenue. mihiq. gratum, quod, quid sentirent, non reticuerunt: illud uero uel optime, quod ita multa mutari uolunt, ut mihi de integro scribendi causa non sit. quamquam de Parthico bello quid spectare debui, nisi quod illum uelle arbitrabar? quod enim aliud argumentum epistolæ nostræ, nisi *κοταλία*, fuit? an, si ea, quæ optima putaram, suadere uoluisset, oratio mihi defuisset? totis igitur litteris nihil opus est. ubi enim *ἐπιτάγµα* magnum nullum fieri possit, *ἀπότᾶγµα* uel non magnum molestum futurum sit; quid opus est *παράκινδυνάειν*? præsertim cum illud occurrat, illum, cum antea nihil scripserim, existimaturum, me, nisi toto bello confecto, nihil scripturum fuisse. atque etiam uereor, ne putet, me hoc quasi Catonis *μείλιγµα* esse uoluisse. quid quæris? ualde me pænitebat: nec in hac quidem re quidquam magis ut uellem accidere potuit, quam quod *πρὸς δὴ* nostra non est probata. incidissemus etiam in illos, in eis in cognatum tuum.

sed



sed redeo ad hortos. Plane illuc te ire, nisi tuo magno commodo, nolo: nihil enim urget. quidquid erit, operam Faberio ponamus, de die tamen autionis, si quid scies. Eum, qui e Cumano uenerat, quod & plane ualere Atticam nuntiabat, & litteras se habere aiebat, statim ad te misi. Vale.

HORTOS quoniam hodie eras inspecturus? quid uisum tibi sit, cras scilicet. De Faberio autem, cum uenerit. De epistola ad Caesarem: iurato mihi crede, non possum: nec me turpido deterret, & si maxime debeat. quàm enim turpis est assentatio, cum uiuere ipsum turpe sit nobis? sed ut cœpi, non me hoc turpe deterret: (ac uellem quidem: essem enim, qui esse debebam) sed in mentem nihil uenit. nam, quæ sunt ad Alexandrum hominum eloquentium, & doctorum suasiones, uides quibus in rebus uersentur. adolescentem incensum cupiditate uerissimæ gloriæ, cupientem sibi aliquid consilij dari, quod ad laudem sempiternam ualeret, cohortantur ad decus. non deest oratio. ego quid possum? tamen nescio quid e quercu exsculpseram, quod uideretur simile simulacri. in eo quod non nulla erant paullo meliora, quàm ea, quæ sunt, & facta sunt, reprehenduntur. quod me minime pœnitet. si enim peruenissent istæ litteræ; mihi crede, nos pœniteret. quid? tu non uides, ipsum illum, Aristotelis discipulum, summo ingenio, summa modestia, postea quàm



L I. B. XIII. EPIST.

quàm rex appellatus sit, superbum, crudelem, immoderatum fuisse? quid, tu hunc de pompa, Quirini contubernalem, his nostris moderatis epistolis lætaturum putas? ille uero potius non scripta desiderat, quàm scripta non probet. postremo, ut uolet, abiit illud, quod tum me stimulabat, quod tibi dabam *ἐπὶ βασιλῆα ἀρχιμὲνδεον*. multo mehercule magis nunc opto casum illum, quàm tum timebam, uel quemlibet. Nisi quid te aliud impedit, mihi optato ueneris. Nicias a Dolabella magno opere arcessitu, (legi enim litteras) etsi inuito me, tamen eodem me auctore profectus est. Hoc manu mea. Vale.

CICERO S. D. ATTICO. 29

CUM quasi alias res quærerem de philologis et Nicia, incidimus in Talnam. ille de ingenio nihil nimis: modestum, & frugi. sed hoc mihi non placuit. se scire aiebat ab eo nuper petitâ Cornificiam, Quincti filiam, uetulam sane, & multarum nuptiarum: non esse probatam mulieribus, quòd ita reperirent, rē non maiorem DCCC. hoc putauit te scire oportere. De hortis ex tuis litteris cognoui, et Chrysippo. in uilla, cuius insulsitatem bene noram, uideo nihil, aut pauca mutata. balnearia tamen laudat maiora. de minoribus ait hiberna effici posse. tecta igitur ambulat iuncula addenda est: quam ut tātā faciamus, quantā in Tusculano fecimus, prope dimidio minoris constabit isto loco. ad id autem, quod uolu-



uolumus, ἀφιδρυμα, nihil aptius uidetur, quam lucius. quem ego noram: sed celebritatem nullam tum habebat: nunc audio uaximam. nihil est, quod ego malim. in hoc τὸν τύπον μου πρὸς θεῶν προποθήσον. Reliquum est. si Faberius nobis nomen illud explicat; noli quarere, quanti: Othonem uincas uolo. nec tamen insanituum illum puto: nosse enim mihi hominem uideor. ita male autem audio ipsum esse tractatum, ut mihi ille emptor non esse uideatur: quid enim pateretur? sed quid argumentor? si Faberianum explicas, emamus uel magno: sin minus, ne paruo quidem possumus. Clodiam igitur: a qua ipsa ob eam causam sperare uideor, quod & multo minoris sunt, & Dolabella nomen iam expeditum uidetur, ut etiam representatione concludam. De hortis satis. Cras aut te, aut causam: quam quidem futuram Faberianam: sed, si poteris. Vale.

CICERO S. D. ATTICO. 30

CICERONIS epistolam tibi remisi. o te ferreum, qui illius periculis non moueris. me quoque accusat. eam epistolam tibi misissem. nam illam alteram de rebus gestis eodem exemplo puto. In Cumanum hodie misi tabellarium. ei dedi tuas ad Vestorium, quas Pharnaci dederas. Commodum ad te miseram Demeam, cum Eros ad me uenit. sed in eius epistola nihil erat noui, nisi, auctione bidui. ab ea igitur, ut scribis: et uelim, confecto negotio Faberiano: quem quidem negat Eros hodie. cras mane



## LIB. XIII. EPIST.

ne putat, a te colendus est. iste autem κολακίαι non longe absunt a scelere. te, ut spero, perendie. Si-  
cunde potes, erues, quid decem legati Mummiio fue-  
runt. Polybius non nominat. ego memini, Albi-  
num consularem, & Sp. Mummius: uideor au-  
disse ex Hortensio, Tuditanum: sed in Libonis an-  
nali, XIV annis post prætor est factus Tuditanus,  
quàm consul Mummius. non sane quadrat. uolo a-  
quem Olympic, aut ubi uisum πολιτικὸν σύλλογον,  
more Dicæarchi, familiaris tui. Vale.

CICERO S. D. ATTICO. 31

V. KAL. mane accepi a Demea litteras pridie  
datas, ex quibus aut hodie, aut cras te expectare  
deberem. sed, ut opinor, idem ego, qui expecto  
tuum aduentum, morabor te. non enim puto tam  
expeditum Faberianum negotium futurum, etiam  
si est futurum, ut non habeat aliquid moræ. cum po-  
teris igitur; quoniam etiam dum abes. Dicæarchi,  
quos scribis, libros sane uelim mihi mittas: addas  
etiam παραβάσεις. De epistola ad Casarē, κερφικῶς.  
atque id ipsum, quod isti aiunt illum scribere, se, ni-  
si constitutis rebus, non iturum in Parthos; idem  
ego suadebam in illa epistola; utrum liberet, face-  
re posse, auctore me. hoc enim illi expectat uideli-  
cet, neque est facturum quidquam, nisi de meo con-  
silio. obsecro, abijciamus ista, & semiliberi saltem  
simus: quod assequemur & tacendo, & latendo.  
Sed aggredere Othonem, ut scribis. confice, mi At-  
tice,



tice, istam rem. nihil enim aliud reperio, ubi & in foro non sim, & tecum esse possim. quanti autem, hoc mihi uenit in mentem. C. Albanius proximus est uicinus. is ∞ iugerum de M. Pilio emit, ut mea memoria est, HS CXV. omnia scilicet nunc minoris: sed accedit cupiditas: in qua, prater Othonem, non puto nos ullum aduersarium habituros. sed eum ipsum tu poteris mouere, facilius etiam, si Canium haberes. o gulam insulsam. pudet me patris. rescribes, si quid uoles.

CICERO S. D. ATTICN.

3a

ALTERAM ate epistolam cum hodie accepissem, nolui te una mea contentum. Tu uero age, quod scribis, de Faberio. in eo enim totum est positum id, quod cogitamus. quæ cogitatio si non incidisset, (mibi crede istuc, ut cetera) non laborarem quamobrem, ut facis, (istuc enim addi nihil potest) urge, insta, perfice. Dicaarchi περί ψυχῆς ut rosque uelim mittas, & καταβάτως. τριπολιτικὸν non inuenio, & epistolam eius, quam ad Aristoxenum misit. tres eos libros maxime nunc uellem: apti essent ad id, quod cogito. Torquatus Romæ est. iussit, ut tibi daretur. Catulum, & Lucillum, ut opinor, antea. his libris noua proœmia sunt addita, quibus eorum uterque laudatur. eas litteras uolo habeas. & sunt quedam alia. Et quod ad te de decem legatis scripsi, parum intellexti, credo, quia διὰ συμμίαν scripseram. de C. Tuditano enim quæ-

II      rebam,



rebam, quem ex Hortensio audieram fuisse in decem, eum uideo in Libonis prætorem L. Popilio P. Rupilio cos. annis XIV ante, quàm prætor factus est, legatus esse potuisset: nisi admodum sero quæstor est factus: quod non arbitror. uideo enim curules magistratus eum legitimis annis per facile cepisse. Postumium autem, cuius statuum in Isthmo meminisse te dicis, sciebam fuisse. is autem est, qui cum Lucullo fuit; quem tu mihi addidisti, sane ad illum σύλλογον personam idoneam. uidebis igitur, si poteris, ceteros; ut possimus πομπεῦσαι καὶ τοῖς προσώποις. Vale.

NEGLIGENTIAM miram. semel ne putas mihi dixisse Balbum, & Faberium, professionem relatum? quin etiam eorum iussu miseram, qui profiteretur: ita enim oportere dicebant. professus est Philotimus libertus. nostri credo librarium: sed scribis, & quidem confectum. Ad Faberium, ut tibi placet, litteras misi. cum Balbo autem puto te aliquid fecisse H. in Capitolio. In Virgilio mihi nulla est δυσωπία. nec enim eius causa sane debeo: &, si emero, quid erit, quod postulet? sed uidebis, ne is cum sit in Africa, ut Cælius. De nomine tu uidebis, cum Cispio: sed, si Plancus destinat, tum haberes difficultatem. Te ad me uenire uterque nostrum cupit: sed ista res nullo modo relinquenda est. Othonem quòd speras posse uinci, sane bene narras,  
de



de aestimatione, ut scribis, cū agere cœperimus: et-  
si nihil scripsit nisi de modo agri. Cum Pisone, si  
quid poteris. Dicaarchi librum accepi: καταβά-  
σας exspecto. negotium dederis. reperies ex eo li-  
bro, in quo sunt S. C. Cn. Cornelio, & L. cos. De  
Tuditano autem, quod putas, & λόγος est, tum illum;  
quoniam fuit ad Corinthum. non enim temere dixit  
Hortensius, aut quæstorem, aut tribunum mil. idq.  
potius fuisse credo. sed tu de Antiocho scire pote-  
ris. uide etiam, quo anno quæstor, aut tribunus  
mil. fuerit: si neutrum, eodem in præfectis, aut con-  
tubernalibus fuerit, modo fuerit in eo bello. De  
Varrone loquebamur: lupus in fabula. uenit enim  
ad me, & quidem id temporis, ut retinendus esset:  
sed ego ita egi, ut non scinderem pænulam. memini  
enim tui: & multi erant, nosq. imparati. quid re-  
fert? paullo post C. Capito cum C. Carinate. ho-  
rum ego uix attigi pænulam: tamen remanserunt.  
cecidit belle. sed casu sermo a Capitone de urbe au-  
genda, a ponte Muluio Tiberim duci secundum mon-  
tes Vaticanos, campum Martium tum ædificari,  
illum autem campum Vaticanum fieri quasi Mar-  
tium campum. quid ais? inquam. at ego ad tabu-  
lam, ut, si recte possem, Scapulanos hortos. caue  
facias, inquit: nam ista lex perferetur: uult enim  
Cæsar. Audire me, facile passus sum: fieri autem,  
molestè fero. sed tu quid ais? quamquam quid quæ-  
ro? nosti diligentiam Capitonis in rebus nouis per-  
quirendis. non concedit Camilo. facies igitur me



LIB. XIII. EPIST.

certior rem de idibus . ista enim me res adducebat ,  
eo adiunxeram ceteras : quas consequi tamen bi-  
duo , aut triduo post facile potero . te tamen in uia  
confici minime uolo . quin etiam Dionysio ignosco .  
De Bruto quod scribis , feci ut ei liberum esset , quod  
ad me attineret . scripsi enim ad eum heri , idibus  
Mai . eius opera mihi nihil opus esse . Vale .

CICERO S. D. ATTICO. 34

ASTVRAM ueni VIII. kal. Iul. uitandi enim  
caloris causa , Lanuij tres horas acquieueram . tu  
uelim , si graue non erit , efficias , ne ante nonas mi-  
hi illuc ueniendum sit . id potes per Egnatium Ma-  
ximum . Illud in primis cum Publilio me pene ab-  
sente conficiēs : de quo quæ fama sit , scribes . id po-  
pulus curat scilicet . non mehercule arbitror ; ete-  
nim hæc decantata erat fabula : sed complere pagi-  
nam uolui . quid plura ? ipse enim adsum , nisi quid  
tu prorogas : scripsi enim ad te de hortis . Vale .

CICERO S. D. ATTICO. 35

O REM indignam : gentilis tuus urbem auget ;  
quam hoc biennio primum uidit : & ei parum ma-  
gna uisa est , quæ etiam ipsum capere potuerit . hac  
de re igitur exspecto litteras tuas . Varroni , scribis ,  
te , simul ac uenerit . dati igitur iam sunt ; nec tibi  
integrum est : ( hui , si scias quanto periculo tuo )  
aut fortasse litteræ meæ te retardarunt : sed eas non  
dum legeras , cum has proximas scripsisti . scire igi-  
tur aueo , quo modo res se habeat . Vale .

CICERO



CICERO S. D. ATTICO. 36

DE Bruti amore, uestraq. ambulatione; etsi mihi nihil noui affers, sed idem, quod saepe; tamen hoc audio libentius, quo saepius: eoq. mihi iucundius est, quod tu eo letaris; certiusq. eo est, quod ate dicitur. Vale.

CICERO S. D. ATTICO. 37

HAS alteras hodie litteras. De Xenonis nomine, & de Epiroticis XL, nihil potest fieri nec commodius, nec aptius, quam ut scribis. id erat locutus mecum eodem modo Balbus minor. Noui nihil sane, nisi Hirtium cum Quinto acerrime pro me litigasse: omnibus eum locis facere, maximeq. in conuiuijs: cum multa de me, tum redire ad patrem: nihil autem ab eo tam ἀξιοπῖστος dici, quam alienissimos nos esse a Cesare: fidem nobis habendam non esse, me uero etiam cauendum. φοβερὸν ἦν, nisi uiderem scire regem, me animi nihil habere: Ciceronem uero meum uexari, sed id quidem arbitratus suo. Laudationem Porciae gaudeo me ante dedisse Leptæ tabellario, quam tuas acceperim litteras: eam tu igitur, si me amas, curabis, si modo mittetur, isto modo mittendam Domitio, & Bruto. De gladiatoribus, de ceteris, quæ scribis ἀνεμοφόρητα, facies me quotidie certiores. Velim, si tibi uideatur, appelles Balbum, et Offilium de auctione pro-scribenda. equidem locutus sum cum Balbo. place-

II 3 bat.



bat. puto conscripta habere Offilium omnia. habet  
 & Balbus: sed Balbo placebat, propinquum diem,  
 & Romæ: si Cæsar moraretur, posse in diem dif-  
 ferri. sed is quidem adesse uidetur. totum igitur  
 considera. placet enim Vestorio. Vale.

CICERO S. D. ATTICO. 38

ANTE lucem cum scriberem contra Epicureos,  
 de eodem oleo, & opera exaravi nescio quid ad  
 te, et ante lucem dedi. deinde cum, somno repetito,  
 simul cum Sole experrectus essem, datur mihi epi-  
 stola a sororis tuæ filio, quam ipsam tibi misi, cuius  
 est principium non sine maxima contumelia: sed for-  
 tasse οὐκ ἐπ' ἐστὶν. est autem sic. EGO enim non  
 probo, quidquid non belle in te dici potest. posse uult  
 in me multa dici non belle, sed ea se negat approba-  
 re. hoc quidquam potest esse impurius? iam cetera  
 leges, (misi enim ad te) iudicabisque. Bruti no-  
 stri quotidianis, assiduisque laudibus, quas ab eo de  
 nobis haberi, permulti mihi renuntiauerunt, com-  
 motum istum, aliquando scripsisti aliquid ad me;  
 credo, & ad te; idque ut sciam, facies. nam, ad pa-  
 trem de me quid scripserit, nescio: de matre quam  
 pie? VOLVERAM, inquit, ut quamplurimum te-  
 cum essem, conduci mihi domum; & id ad te scri-  
 pseram: neglexisti. ita minus multum una erimus.  
 non ego istam domum uidere non possum: qua de  
 causa, scis. Hanc autem causam pater odium ma-  
 tris esse dicebat. nunc me iuua, mi Attice, consi-  
 lio,



lio, πότερον δίχας τῷχος ὕψιον, id est utrum aperte hominem asperner, ac respuam, ἢ σχολιάς ἀπάτας: ut enim Pindaro, sic δίχα μοι νόος, ἀτρεΐκειαν εἰπέιν. omnino moribus meis illud aptius, sed hoc fortasse temporibus. tu autem, quod ipse tibi suaseris, idem mihi persuasum putato. equidem uereor maxime, ne in Tusculano opprimar. in turba hac essent faciliora. utrum igitur Asturæ? quid? Cæsar subito. inuame, quæso, consilio: utar eo, quod tu decreueris. Vale.

## CICERO S. D. ATTICO. 39

O INCREDBILEM uanitatem: ad patrē, domo sibi carendum propter matrem, plenam pietatis. hic autem iam languescit, & ait tibi illum iure iratum. sed utar tuo consilio. σχολιά enim tibi ui deo placere. Romam, ut censes, ueniam, sed inuitus. ualde enim in scribendo hareo. Brutum, inquis, eadem. scilicet: sed nisi hoc esset, res me ista non cogeret. nec enim inde uenit, unde mallet: neque diu absuit: neque ullam litteram ad me. sed tamē scire aueo, qualis ei totius itineris summa fuerit. Libros mihi, de quibus ad te antea scripsi, uelim mittas, & maxime φάδρε περὶ θεῶν & ΠΠΔΔΔΟΣ. \*

Ita ne nunciat Brutus, illum ad bonos uiros Λαγγέλια? sed ubi eos? nisi forte se suspendit. hic autem, ut fultum est? ubi igitur φιλοτέχνημα illud tuum, quod uidi in Parthenone? Abalam, & Brutum. sed quid faciam? illud optime, quod ne is quidem,



## LIB. XIII. EPIST.

qui omnium flagitiorum auctor, bene de nostro. at ego uerebar, ne etiam Brutus eum diligeret. ita enim significarat ijs litteris, quas ad meas. at uellem aliquid degustasse de fabulis. sed coram, ut scribis. et si quid mihi auctor es, aduolo ne, an maneo? equidem & in libris hæreo, & illum hic excipere nolo. ad quem, ut audio, pater hodie ad Saxa Acrimonia. mirum, quàm inimicus ibat, ut ego obiurgarem. sed ego ipse κέποιμα. itaque posthac. tu tamen uide, quid de aduentu meo censeas; & τὰ ὅλα. cras si perspicere potuerint, mane statim ut sciam. Vale.

CICERO S. D. ATTICO. 40

Ego uero Quinto epistolam ad sororem misi. cum ille quereretur filio cum matre bellum, & se ob eam causam domo cessurum filio diceret; dixi, illum commodas ad matrem litteras, ad te nullas. ille alterum mirabatur: de te autem suam culpam, quòd saepe grauitèr ad filium scripsisset de tua in illum iniuria. quod autem relanguisse se dicit; ego ei, tuis litteris lectis, σχολιαὺς ἀπάταις significauì me non fore. tum enim mentio Canai. omnino, si id consilium placeret, esset necesse. sed, ut scribis, ratio est habenda grauitatis, & utriusque nostrum idem consilium esse debet: etsi in me grauiorès iniuriæ, & certè notiores. si uero etiam Brutus aliquid afferet, nulla dubitatio est. sed coram. magna enim res, & multæ cautionis. cras igitur, nisi quid a te commotus. Vale.

CICERO



VENIT ille ad me, καὶ μάλα καλῆφός. Ἐγὼ, οὐδέ τι σὺνους? rogas? inquit. quod iter insiet, et iter ad bellum, idq. tum periculosum, tum etiam turpe. quæ uis igitur? inquam. æs, inquit, alienum, ἔτι tamen ne uaticum quidem. hoc loco ego sumpsi quiddam de tua eloquentia: nam tacui: at ille: sed me maxime angit auunculus. quidnam? inquam. quod mihi, inquit, iratus est. cur pateris? inquam. malo enim ita dicere, quàm, cur commit- tis? non patiar, inquit: causam enim tollam. Ἐγὼ, rectissime quidem: sed, si graue non est, uelim scire, quid sit causæ. quia dum dubitabam, quam ducerem, non satisfaciebam matri, ita ne illi quidem. nunc nihil mi tanti est: faciam, quod uolunt. feliciter uelim, inquam; teq. laudo. sed quando? nihil ad me, inquit, de tempore, quoniam rem probo. at ego, inquam, censeo, prius, quàm proficiscaris. ita patri quoque morem gesseris. faciam, inquit, ut censes. Hic dialogus sic conclusus est. Sed heus tu, diem meum scis esse III. non. Iam? aderis igitur. scripseram iam: ecce tibi, orat Lepidus, ut ueniam (opinor augures nihil habere) ad templum effandum Saturni ἀπόδοι. uidebimus te igitur. Vale.

EGO uero utar prorogatione diei: tuq. huma-  
nissime



nissime fecisti, qui me certiore feceris, atque ita, ut eo tempore acciperem litteras, quo non expectarem, tuq. ut ab ludis scriberes. sunt omnino mihi quedam agenda Romæ: sed consequemur bi-duo post. Vale.

CICERO S. D. ATTICO. 43

SVAVES tuas litteras: etsi acerba pompa: verumtamen scire omnia non acerbum est, uel de Cotta. populum uero præclarum, quod propter malum uicinum ne Victoriæ quidem plauditur. Brutus apud me fuit: cui quidem ualde placebat, me aliquid ad Casarem. annueram: sed pompam uideret. Tu autem ausus es Varroni dare. expecto, quid iudicet. quando autem perleget? De Attica probo. est quiddam, etiam animum leuari tum spectatione, tum etiam religionis opinione, & fama. Cottam mihi uelim mittas. Libonem mecum habeo, & habueram ante Cascam. Brutus mihi T. Ligarij uerbis nunciauit, quod appelletur L. Curfidius in oratione Ligariana, erratum esse meum, sed, ut aiunt, μνημονικὸν ἀμαρτημα. sciebam, Curfidium pernecessarium Ligariorum: sed eū uideo ante esse mortuum. da igitur, quæso, negotium Pharnaci, Antæo, Saluio, ut id nomen ex omnibus libris tollatur. Vale.

CICERO S. D. ATTICO. 44

FUIT apud me Lamia post discessum tuum,  
episto-



epistolamq. ad me attulit missam sibi a Cesare :  
quæ quamquam ante data erat, quàm ille Diochari-  
næ, tamen plane declarabat, illum ante ludos Ro-  
manos esse venturum. in qua extrema scriptum e-  
rat, ut ad ludos omnia pararet, ne ue committeret,  
ut frustra ipse properasset. prorsus ex his litteris  
non uidebatur esse dubium, quin ante eam diem uen-  
turus esset. idemq. Balbo, cum eam epistolam le-  
gisset, uideri Lamia dicebat. Dies feriarum mihi  
additos uideo; sed quàm multos, fac, si me amas,  
sciam. de Babio poteris, & de altero uicino Egna-  
tio. Quod me hortaris, ut eos dies consumam in  
philosophia explicanda: currentem tu quidem: sed  
cum Dolabella uiuendum esse istis diebus uides.  
quod nisi me Torquati causa teneret; satis erat  
dicrum, ut Puteolos excurrere possem, & ad tem-  
pus redire. Lamia quidem a Balbo, ut uidebatur,  
audiuerat, multos nummos domi esse numeratos,  
quos oporteret quamprimum diuidi: magnum pon-  
dus argenti: auctiorem, præter prædia, primo quo  
que tempore fieri oportere. scribas ad me uelim,  
quid tibi placeat. equidem, si ex omnibus esset eli-  
gendum, nec diligentiorcm, nec officiosiorcm facile  
delegissem Vestorio: ad quem accuratissimas litte-  
ras dedi: quod idem te fecisse arbitror. mihi qui-  
dem hoc satis uidetur. tu quid dicis? unum enim  
pungit, ne negligentiores esse uideamur. expecta-  
bo igitur tuas litteras. Vale.



POLLEX quidem, ut dixerat, ad idus Sext. ita mihi Lanuvij pridie iduum praesto fuit, sed plane pollex, non index. cognosces igitur ex ipso. Balbum conueni: (Lepta enim de sua ui in curatione laborans, me ad eum perduxerat) in eo autem Lanuui no, quod Lepido tradidit. ex eo hoc primum. Paulo ante acceperam eas litteras, in quibus magnopere confirmat, ante ludos Romanos. legi epistolam. multa de meo Catone: quem saepissime legendo, se dicit copiosorem factum; Bruti Catone lecto, se sibi uisum disertum. Ex eo cognoui cretionem Cluij, (o Vestorium negligentem) liberam, testibus praesentibus sexaginta duobus. metuebam, ne ille arcessendus esset: nunc mittendum est, ut meo iussu cernat. idem igitur Pollex. Etiam de hortis Cluiianis egi cum Balbo. liberalius: se enim statim ad Caesarem scripturum. Cluium autem a T. Hordeonio legare & Terentiae HS L DDD, & sepulcro, multisq. rebus, nihil a nobis. subaccusa quæso Vestorium. quid minus probandum, quam Plotium unguentarium per suos pueros omnia tanto ante Balbo, illum mihi ne per meos quidem? De Cosinio doleo. dilexi hominem. Quinto delegabo, si quid ari meo alieno superabit, & emptionibus; ex quibus mihi etiam æs alienum faciendum puto. De domo Arpini nihil scio. Vestorium, nil est, quod accuses. iam enim obsignata hac epistola, noctu tabellarius



bellarius noster uenit, & ab eo litteras diligenter scriptas attulit, & exemplum testamenti. Vale.

CICERO S. D. ATTICO. 46

POSTEA QVA'M abs te Agamemno, non ut uenirem, ( nam id quoque fecissem, nisi Torquatus esset ) sed ut scriberem, tetigit; omisi ea, quæ in manibus habebam, abieci; quod iusseras, edolui. Tu uelim e Pollice cognoscas rationes nostras sumptuarias. turpe est enim nobis, illum, qualiscumque est, hoc primo anno egere: post moderabimur diligentius. Idem Pollex remittendus est, ut ille cernat. Plane Puteolos non fuit cundum, cum ob ea, quæ ad te scripsi, tum quod Cæsar adest. Dolabella scribit, se ad me postridie iduum. o magistrum molestum. Lepidus ad me heri uespero litteras misit Antio. nam ibi erat, habet enim domum, quam nos uendidimus. rogat magnopere, ut sim kalendis in senatu: me & sibi, & Cæsari uehementer gratum esse facturum, puto equidem nihil esse. dixisset enim tibi fortasse aliquid Oppius: quoniam Balbus est æger: sed tamen malim uenire frustra, quàm desiderari, si opus esset: moleste ferrem postea: itaque hodie Antij, cras ante meridiem domi. tu uelim, nisi te impediuisti, apud nos pridie kal. cum Pilia. Te spero cum Publilio confecisse. equidem kalendis in Tusculanum recurram. me enim absente omnia cum illis transigi malo. Quinæti fratris epistolam ad te misi,

non



## LIB. XIII. EPIST.

non satis humane illam quidem respondentem meis litteris, sed tamen quod tibi satis sit, ut equidem existimo. tu uidebis. Heri nescio quid in strepitu uideor exaudisse, cum diceres te in Tusculanum uenturum: quod utinam, iterum utinam, tuo tamen commodo. Lepta me rogat, ut, si quid sibi opus sit, accurram. mortuus enim Babulius. Caesar opinor ex uncia: et si nihil adhuc: sed Lepta ex triente. ueretur autem, ne non liceat tenere hereditatem, ἀλόγως omnino, sed ueretur tamen. is igitur si accierit, accurram: sin minus, haud ante, quam necesse erit. Tu Pollicem, cum poteris.

CICERO S. D. ATTICO. 47

LAUDATIONEM Porciæ tibi misi correclā ac eo properaui, ut, si forte aut Domitio filio, aut Bruto mitteretur, hac mitteretur. id, si tibi erit commodum, magnopere cures uelim. & uelim M. Varronis, & Lollii mittas laudationem, Lollii utique. nam illam legi: uolo tamen regustare. quædam enim uix mihi credo legisse. Atticæ primum salutem, quam quidem ruri esse arbitror. multam igitur salutem & Piliæ. De Tigellio, si quid noui: qui quidem, ut mihi Gallus Fabius scripsit, μέμνηται ἀναφύει mihi quandam iniquissimam, me Phameæ defuisse, cum eius causam recipissem: quam quidem receperam contra pueros Octauios Cn. F. non libenter: sed Phameæ causa uolebam. erat enim, si me ministri, in consulatus petitione per te mihi pollicitus.



tus, si quid opus esset: quod ego perinde tuebar, ac si usus essem. is ad me uenit, dixitque iudicem operam dare sibi constituisse eo die ipso, quo de Sextio nostro lege Pompeia in consilium iri necesse erat. scis enim dies illorum iudiciorum præstitutos fuisse. respondi non ignorare eum, quid ego deberem Sextio: quem uellet alium diem si sumpsisset, me ei non defuturum. ita tum ille discessit iratus. puto me tibi narrasse. non laboraui scilicet, nec hominis alieni iniustissimam iracundiam mihi curandam putauit. Gallo autem narraui, cum proxime Romæ fui, quid audissem, neque nominaui Balbum minorem. habuit suum negotium Gallus, ut scribit. ait illum, me animi conscientia, quod Phameam destituissem, de se suspicari. quare tibi hætenus mando, de illo nosiro, si quid poteris, exquiras: de me ne quid labores. est bellum, aliquem libenter odisse, & quemadmodum non omnibus seruire. etsi mehercule, ut tu intelligis, magis mihi isti seruiunt: si obseruare seruire est.

## CICERO S. D. ATTICO. 48

ADMONITVS quibusdam tuis litteris, ut ad Casarem uberiores litteras mitterem, institueram, cum mihi Balbus nuper, in Lanuino dixisset se, & Oppium scripsisse ad Casarem, me legisse libros contra Catonem, & uehementer probasse: conscripsi de his ipsis libris epistolam Casari, quæ deferretur ad Dolabellam: sed eius exemplum misi ad Oppium,



## LIB. XIII. EPIST.

pium, & Balbum; scripsiq. ad eos, ut tum deservi  
ad Dolabellam iuberent meas litteras, si ipsi exem-  
plum probassent, ita mihi rescripserant, nihil um-  
quam se legisse melius: epistolamq. meam iusserunt  
dari Dolabellæ. Vestorius ad me scripsit, ut iuberem  
mancipio dari seruo suo pro mea parte Petreio cui-  
dam fundum Brinnianum, ut ipse ei Puteolis recte  
mancipio dare posset. eum seruum, si tibi uidebi-  
tur, ad me mittes. opinor enim ad te etiam scripsis-  
se Vestorium. De aduentu Cæsaris idem, quod a te,  
mihi scriptum est ab Oppio, & Balbo. Miror te ni-  
hil dum cum Tigellio, uel ut hoc ipsum, quantum  
acceperit. prorsus aucto scire, nec tamen floccifacio.  
Queris, quid cogitem de obuiam itione: quid cen-  
ses, nisi Alsum? & quidem ad Murenæ de hospi-  
tio scripseram: sed opinor cum Matio profectum.  
Sallustius igitur urgebitur. Scripto iam superiore  
uersiculo, Eros mihi dixit, sibi Murenæ liberalissi-  
me respondisse. eo igitur utamur. nam Silius culci-  
tras non habet. Dida autem, opinor, hospitibus to-  
tam uillam concessit.

CICERO S. D. ATTICO. 49

AD Cæsarem quam misi epistolam, eius exem-  
plum fugit me tum tibi mittere. nec id fuit, quod su-  
spicaris, ut me puderet tui; ne ridicule Micillus. nec  
me hercule scripsi aliter, ac si *τὸς ἱστορ ὁμοίον*q. scri-  
berem. bene enim existimo de illis libris, ut tibi co-  
ram. itaque scripsi et *ἀπολαύδ' τως*, et tamē sic, ut ni-  
hil



hil eum existimem lecturum libentius. De Attica,  
nunc demum mihi est exploratum. itaque ei deinte-  
gro gratulare. Tigellium totum mihi, & quidem  
quamprimum: nam pendeo animi. Narrabo tibi.  
Quinctus cras; sed ad me, an ad te, nescio. mihi  
scripsit, Romam VIII. kal. sed misi, qui inuita-  
ret. etsi hercle iam Romam ueniendum est; ne ille  
ante adiuolet. Vale.

CICERO S. D. ATTICO. 50

HOSPITEM mihi tam graue ἀμεταμέλητον.  
fuit enim periucūde. sed cum secundis Saturnalibus  
ad Philippum uesperu uenisset, uilla ita completa  
militibus est, ut uix triclinium, ubi cenaturus ipse  
Cæsar esset, uacaret: quippe hominum ∞ ∞. sa-  
ne sum commotus, quid futurum esset postridie. ac  
mihi Barba Cassius subuenit: custodes dedit: castra  
in agro: uilla defensa est. ille tertijs Saturnalibus  
apud Philippum ad horam VII. nec quēquam ad-  
misit. rationes opinor cum Balbo. inde ambulauit  
in litore. post horam VIII. in balneum. tū audiuit:  
de Mamurra non mutauit. unctus est, accubuit,  
ἐμετικὴν agebat: itaque & edit, & bibit ἀδεῶς, &  
iucunde: opipare sane, & apparate: nec id solum,  
sed bene, cocto, condito, sermone bono, si quæris,  
libenter. præterea tribus triclinijs accepti περὶ αὐ-  
τὸν ualde copiose. libertis minus lautis, seruis quē nihil  
defuit: nam lautiores eleganter accepti. quid mul-  
ta? homines uisi sumus: hospes tamen non is, cui  
KK diceres,



## LIB. XIII. EPIST.

diceres: amabo te, eodem ad me cum reuertere.  
 semel satis est. *απουδᾶον οὐδ' ἐν in sermone, φιλόλογα*  
*multa. quid quæris? delectatus est, & libenter fuit.*  
 Puteolis se aiebat unum diem fore, alterum ad Ba-  
 ias. Habes hospitium, siue *ἐπισαθμείαν*. odiosam mi-  
 hi duxi, non molestam. Ego paullisper hic, deinde in  
 Tusculanum. Dolabellæ uillam cum præteriret,  
 omnis armatorum copia dextra sinistra ad equum,  
 nec usquam alibi. hoc ex Nicia. Vale.

M. TVLLII



M. TVLLII CICERONIS  
 EPISTOLARVM AD T. POM-  
 PONIVM ATTICVM  
 LIBER XIV.  
 CICERO S. D. ATTICO.

DIVERTI ad illum, de quo tecum ma-  
 ne. nihil perditius : explicari rem non  
 posse. etenim, si ille tali ingenio exitum  
 non reperiebat, quis nunc reperiet?  
 quid quæris? perisse omnia aiebat. quod haud scio  
 an ita sit. uerum ille gaudens; affirmatq. minus  
 diebus xx tumultum Gallicum: in sermonem se  
 post idus Mart. præterquam Lepidi, uenisse nemi-  
 ni: ad summam, non posse istæc sic abire. o pruden-  
 tem Oppium, qui nihilo minus illum desiderat, sed  
 loquitur nihil, quod quemquam bonum offendat. Sed  
 hæc hætenus. Tu, quæso, quidquid noui, (mul-  
 ta autem exspecto) scribere ne pigrescere; in his, de  
 Sexto, satis ne certum, maxime autem de Bruto  
 nostro: de quo quidem ille, ad quem diuersti, Cæsa-  
 rem solitum dicere: Magni refert, hic quid uelit:  
 sed, quidquid uult, ualde uult: idq. eum animaduer-  
 tisse, cum pro Deiotaro Niceæ dixerit: ualde ue-  
 hementer eum uisum, & libere dicere. atque etiam  
 (ut enim quidque succurrit, libet scribere) proxi-  
 me, cum Sextij rogatu apud eum fuisset, exspecta-  
 remq. sedens, quoad uocarer, dixisse eum: Ego du-  
 bitem,

KK 2

bitem,



LIB. XIV. EPIST.

bitem, quin summo in odio sim, cum M. Cicero se-  
deat, nec suo commodo me conuenire possit? atqui,  
si quisquam est facilis, hic est: tamen non dubito,  
quin me male oderit, Hæc, & eiusmodi multa. sed  
ad propositum. Quidquid erit, non modo magnum,  
sed etiam paruum, scribes. equidem nihil inter-  
mittam. Vale.

CICERO S. D. ATTICO. 2

DVAS a te accepi epistolas heri. ex priore thea-  
trum, Publiumq. cognoui, bona signa consentien-  
tis multitudinis. plausus uero L. Cassio datus etiam  
facetus mihi quidem uisus est. Altera epistola de  
Madaroscripta. apud quem nullum *σαλάρωμα*, ut  
putas. processum enim, sed minus diu: eius sermone  
enim sum retentus. Quod autem ad te scripseram,  
obscure fortasse, id eiusmodi est. aiebat, Cæsarem  
secum, quo tempore, Sextij rogatu, ueni ad eum,  
cum expectarem sedens, dixisse: ego nunc tam sim  
stultus, ut hunc ipsum, facilem hominem, putem  
mihi esse amicum, cum tam diu sedens meum com-  
modum expectet? Habes igitur *σαλάρωμα*, inimi-  
cissimum otij, id est Bruti. In Tusculanum hodie,  
Lanuuji cras, inde Asturæ cogitabam. Piliæ para-  
tum est hospitium: sed uellem Atticam. uerum tibi  
ignosco. quarum utrique salutem. Vale.

CICERO S. D. ATTICO. 3

TRANQUILLAE quidem tuæ litteræ: quod  
uti-



utinam diutius : nam Matius posse negabat . Ecce autem structores nostri ad frumentum profecti , cū inanes redissent , rumorem afferunt magnum , Romæ domum ad Antonium frumentum omne portari : *παικλόν* certe : scripsisses enim . Corumbus Balbi nullus adhuc : & mihi notum nomen . bellus enim esse dicitur architectus . Ad obsignandum tu adhibitus non sine causa uideris : uolunt enim nos ita putare : nescio ; cur non animo quoque sentiant . sed quid hæc ad nos ? odorare tamen Antonij *διδασκῶν* : quem quidem ego epularum magis arbitror rationem habere , quàm quidquam mali cogitare . tu , si quid *πραγματικόν* habes , scribe : sin minus , populi *ἐπιστημασίαν* , & minorum dicta perscribito . Piliæ , & Atticæ salutem . Vale .

CICERO S. D. ATTICO.

4

NUNC quid putas me Lanuuij ? at ego te istic quotidie aliquid noui suspicor . tument negotia . nam cum Matius , quid censēs ceteros ? equidem doleo ; quod numquam in ulla ciuitate accidit , non una cum libertate remp . recuperatam . horribile est , quæ loquantur , quæ minitentur . ac uereor Gallica etiam bella , ipse Sextus quò euadat . sed omnia licet concurrant , idus Martiæ consolantur : nostri autem *ἡρώες* , quod per se ipsos confici potuit , gloriosissime , & magnificentissime confecerunt . reliquæ res opes , & copias desiderant ; quas nullas habemus . Hæc ego ad te , ut , si quid noui , ( nam quotidie aliquid exspecto )

KK 3 con-



## LIB. XIV. EPIST.

confestim ad me: & si noui nihil, nostro more tamen ne patiamur intermitteri litterulas. equidem non committam. Vale.

CICERO S. D. ATTICO. 5

S P E R O tibi iam esse, ut uolumus; quoniam quidem *ἐὼλυνσας*, quàm leuiter commotus esses: sed tamen uelim scire, quid agas. Signa bella, quòd Caluena moleste fert, se suspectum esse Bruto. illa signa non bona, si cum signis legiones ueniunt e Gallia. quid tu illas putas, quæ fuerunt in Hispania? non ne idem postulaturas? quid eas, quas Annius transportauit? Caninium uolui, sed *μνημονικὸν ἀμάρτημα*, ab aleatore *συρμὸς πολὺς*. nam ista quidem Cæsaris libertorum coniuratio facile opprimeretur, si recta saperet Antonius. Meam stultam uerecundiam, qui legari noluerim ante res prolatas, ne deferere uiderer hunc rerum tumorem: cui certe si possem mederi, deesse non deberem: sed uides magistratus: siquidem illi magistratus: uides tamen tyranni satellites in imperijs: uides eiusdem exercitus: uides in latere ueteranos: quæ sint *ἐπίτις* omnia: eos autem, qui orbis terræ custodijs non modo septi, uerum etiam magni esse debebant, tantummodo laudari, atque amari, sed parietibus contineri. atque illi quoquo modo beati, ciuitas misera. Sed uelim scire, quid aduentus Octauij, num qui concursus ad eum, num quæ *νέω περιρροὺ* suspicio. non puto equidem: sed tamen, quidquid est, scire cupio. Hæc scripsi ad te proficiscens Astura, III. id. Vale.

C I-



PRID. id. Fundis accepi tuas litteras cenans. primum igitur, melius esse: deinde, meliorate nuntiare. Odiosa illa enim fuerant, legiones uenire. Nam de Octauio susq. deque. Exspecto, quid de Mario: quem quidem ego sublatum rebar a Cesare. Antonij colloquium cum heroibus nostris pro re nata non incommodum: sed tamen adhuc me nihil delectat præter idus Mart. nam quoniam Fundis sum cum Ligure nostro, discrucior, Sextilij fundum a Verberone Curtilio possideri. quod cum dico, de toto genere dico. quid enim miserius, quàm ea nos tueri, propter quæ illum oderamus? etiam ne consules, & tribunos pl. in biennium, quos ille uoluit? nullo modo reperio, quæadmodum possim πολιτῶν εὐδαι. nihil enim tam σόλοικον, quàm τυραννοκτόνους in cælo esse, tyranni facta defendi. sed uides consules: uides reliquos magistratus; si isti magistratus: uides languorem bonorum. exultant letitia in municipijs. dici enim non potest, quanto opere gaudeant, ut ad me concurrant, ut audire cupiant uerba mea de re: nec ulla interea decreta. sic enim πεπολιτῶμεθα, ut uictos metueremus. Hæc ad te scripsi apposita secunda mensa. plura, & πολιτικώτερα ποσtea: & tu, quid agas, quidq. agatur.

POSTRIDIE id. Paullum Caietæ uidi. is mi



bi de Mario, & de rep. alia quædam sane pessima. a te scilicet nihil: nemo enim meorum. sed Brutum nostrum audio uisum sub Lanuuiio. ubi tandem est futurus? nam cum reliqua, tum de hoc scire aueo omnia. Ego e Formiano exiens xvii. kal. ut inde altero die in Puteolanum, scripsi hæc. A Cicero ne mihi litteræ sane πετιωμέναι, & bene longæ. cetera autem uel fingi possunt: πῖνος litterarum significat doctiorem. nunc magnopere a te peto, de quo sum nuper tecum locutus, ut uideas, ne quid ei desit. id cum ad officium nostrum pertinet, tum ad existimationem, & dignitatem: quod idem intellexi tibi uideri omnino. si ergo est, uolo mense Quintili in Græciam. sunt omnia faciliora. sed cum sint ea tempora, ut certi nihil esse possit, quid honestum mihi sit, quid liceat, quid expediat: quæso, da operam, ut illum quam honestissime, copiosissimeq. tueamur. hæc, & cetera, quæ ad nos pertinebunt, ut soles, cogitabis, ad meque, aut quod ad rem pertineat, aut, si nihil erit, quod in buccam uenerit, scribes. Vale.

CICERO S. D. ATTICO. 8

Tv me iam rebare, cum scribebas, in agris esse nostris: at ego accepi xvii. kal. in diuersorio-  
lo Sinuessano tuas litteras. De Mario probe. etsi doleo L. Crassi nepotem. Optime, tam etiam Bruto nostro probari Antonium. nam quod Iuniam scribis moderate, & amice scriptas litteras attulisse:



se: mihi Paullus dedit ad se a fratre missas, quibus in extremis erat, sibi insidias fieri, se id certis aucto-  
ribus comperisse. hoc nec mihi placebat, & multo  
illi minus. Regina fuga mihi non molesta: sed, Clo-  
dia quid egerit, scribas ad me uelim. De Byzan-  
tius curabis, ut cetera: & Pelopem ad te arcesse.  
Ego, ut postulas, Baiana negotia, chorumq. illum,  
de quo scire uis, cum perspexero, tum scribam, ne  
quid ignores. Quid Galli, quid Hispani, quid Sex-  
tus agat, uehementer exspecto. ea scilicet tu decla-  
rabis, qui cetera. Nauseolam tibi tum caussam otij  
dedisse, facile patiebar. uidebar enim mihi, legenti  
tuas, requiesse paullisper. De Bruto semper ad me  
omnia perscribito, ubi sit, quid cogitet: quem qui-  
dem ego spero iam tuto uel solum tota urbe uagari  
posse. uerumtamen. Vale.

CICERO S. D. ATTICO.

9

DE rep. multa cognoui ex tuis litteris: quas qui-  
dem multijuges accepi uno tempore a Vestorij li-  
berto. ad ea autem, quæ requiris, breui responde-  
bo. Primum, uehementer me Cluiana delectant.  
Sed, quod quæris, quid arcesserim Chrysippum: ta-  
bernæ mihi duæ corruerunt, reliquæ rimas agunt:  
itaque non solum inquilini, sed mures etiam migra-  
uerunt. hanc ceteri calamitatem uocant, ego ne in-  
commodum quidem: o Socrates, o Socratici uiri,  
numquam uobis gratiam referam. dii immortales,  
quàm mihi ista pro nihilo. sed tamen ea ratio ædifi-  
candi



candi initur, consiliario quidem, & auctore Vestro, ut hoc damnum questuosum sit. Hic turba magna est, eritque, ut audio, maior: duo quidem quasi designati consules. o dii boni, uiuit tyrannis, tyrannus occidit? eius interfecti morte letamur, cuius facta defendimus? itaque quam seuerē nos M. Curtius accusat: ut pudeat uiuere: neque iniuria. nam mori millies prestat, quam hæc pati, quæ mihi uidentur habitura etiam uetustatem. et Balbus hic est, multumq. mecum: ad quem a Vetere litteræ, datæ pridie kal. Ian. cum a se Cæcilius circumfideretur, & iam teneretur, uenisse cum maximis copijs Pacorum Parthum: ita sibi esse eum ereptum, multis suis amissis: in qua re accusat Volcatium. ita mihi uidetur bellum illud instare. sed Dolabella, & Nicias uiderint. idem Balbus meliora de Gallia: XXI. die litteras habebat: Germanos, illasq. nationes, re audita de Cæsare, legatos misisse ad Aurelium, qui est prepositus ab Hirtio, se, quod imperatum esset, esse facturos. quid queris? omnia plena pacis, aliter ac mihi Caluena dixerat.

CICERO S. D. ATTICO. 10

ITA ne uero? hoc meus, et tuus Brutus egit, ut Lanuij esset? ut Trebonius itineribus deuijs proficeretur in prouinciā? ut omnia facta, scripta, dicta, promissa, cogitata Cæsaris plus ualèrent, quam si ipse uiueret? meministi ne clamare, illo ipso primo Capitolino die senatum in Capitolium a prætoribus uocari?



cari? dij immortales, quæ tû opera effici potuerunt,  
latantibus omnibus bonis, etiam sat bonis, fractis la-  
tronibus. Liberalia tu accusas. quid fieri tû potuit?  
iam pridem perieramus. meministi ne te clamare,  
causam perisse, si funere elatus esset? at ille etiam  
in foro combustus, laudatusq. miserabiliter: ser-  
uique; & egentes in tecta nostra cum facibus im-  
missi. quæ deinde? ut audeant dicere, tu ne contra  
Cæsaris nutum? hæc, & alia ferre non possum.  
itaque γῆν ὅδ' ὧν cogito. Tuatamen ὑπὲρ τοὺς  
nausea iam ne plane abiit? mibi quidem ex tuis lit-  
teris coniectanti ita uidebatur. redeo ad Thebassos,  
Sceuas, Frangones. hos tu existimas considerare, se  
illa habituros, stantibus nobis? in quibus plus uir-  
tutis putarunt, quàm experti sunt. pacis illi scili-  
cet amatores, & non latrocinij auctores. at ego  
cum tibi de Cutilio scripsi, Sextilianoq. fundo, scri-  
psi de Censorino, de Messalla, de Planco, de Po-  
stumio, de genere toto. melius fuit perisse illo in-  
terfecto, quod numquam accidisset, quàm hæc ui-  
dere. Octavius Neapolim uenit xiv. kal. ibi eum  
Balbus mane postridie: eodemq. die mecum in Cu-  
mano: illum hereditatem aditurum. sed, ut scribis,  
πίξιδ' ἔμειν magnam cum Antonio. Butyrotia mihi  
tua res est, ut debet, eritq. curæ. Quod queris, iam  
ne ad centena Cluxianum: aduentare uidetur: sed  
primo anno lxxx. deterimus. Quintus pater  
ad me graua de filio, maxime quòd matri nunc in-  
dulgeat, cui antea bene merenti fuerit inimicus. ar-  
dentes



dentes in eum litteras ad me misit. ille autem quid agat, si scis, neque dum Roma es profectus, scribes ad me uelim, & hercule si quid aliud: uehementer delector tuis litteris. Vale.

CICERO S. D. ATTICO. II

NVDIVS tertius dedi ad te epistolam longiorem: nunc ad ea, quæ proxime. Velim me hercule, Aslura Brutus. Ακολασιαν istorum scribis. an censebas aliter? equidem etiam maiora exspecto. cum equidem concionem lego, De tanto uiro, de clarissimo ciue, ferre non queo. etsi ista iam ad risum. sed memento: sic alitur consuetudo perditarum concionum: ut nostri illi, non heroes, sed dii, futuri quidem in gloria sempiterna sint, sed non sine periculo quidem. uerum illis magna consolatio, conscientia maximi, & clarissimi facti: nobis quæ? qui, interfecto rege, liberi non sumus. sed hæc fortuna uiderit, quoniam ratio non gubernat. De Cicerone, quæ scribis, iucunda mihi sunt: uelim, sint prospera. quod uero curæ tibi est, ut ei suppedite- tur ad usum, & cultum copiose; per mihi gratum est; idq. ut facias, te etiam rogo. De Buthrotijs, & tu recte cogitas, & ego non dimitto istam curam: suscipiam omnem etiam actionem; quam ui- deo quotidie faciliorem. De Cluuiano, quoniam in re mea me ipsum diligentia uincis, res ad centena perducitur. ruina rem non fecit deteriore, haud scio an iam fructuosiore. Hic mecum Bal-  
bus.



bus, Hirtius, Pansa, modo uenit Octavius, et quidem in proximam uillam Philippi, mihi totus deditus. Lentulus Spinther hodie apud me: cras mane uadit. Vale.

OMI Attice, uereor, ne nobis idus Martiæ nihil dederint præter lætitiā, & odij pœnam, ac doloris. quæ mihi istinc afferuntur? quæ hic uideo? ὁ πόλεμος καλῆς μὲν, ἀτελεῖ δ' ἐ. Scis quā diligam Siculos, & quā illam clientelam honestam iudicem. multa illis Cæsar, neque me inuito. et si Latinitas erat non ferenda: uerumtamen. ecce autem Antonius, accepta grandi pecunia, fixit legem, a dictatore comitijs latam, qua Siculi ciues Romani: cuius rei, uiuo illo, mentio nulla. Quid? Deiotari nostri caussa non similis? dignus ille quidem omni regno, sed non per Fuluiam. sexcenta similia. uerum illuc refero. tam claram, tamq. testatam rem, tamq. iustam Buthrotiam non tenebimus aliqua ex parte? & eo quidem magis, quo ista plura. Nobiscum hic perhonorifice, & amice Octavius: quem quidem sui Cæsarem salutabant, Philippus non: itaque ne nos quidem: quem nego posse bonum ciuem: ita multi circumstant, qui quidem nostris mortem minitantur. negat hæc ferri posse. quid censes, cum Romam puer uenerit, ubi nostri liberatores tuto esse non possunt? qui quidem semper erunt clari, conscientia uero facti sui etiam beati: sed nos, nī  
si



si me fallit, iacebimus. itaque exire aueo, ubi nec Pelopidarum, inquit. haud amo uel hos designatos; qui etiam declamare me coegerunt; ut ne apud aquas quidem acquiescere liceret. sed hoc meae nimiae facilitatis. nam id erat quondam quasi necessesse: nunc, quoquo modo se res habet, non est item, quam dudum. Nihil habeo, quod ad te scribam: scribo tamen, non ut delecter meis litteris, sed ut eliciam tuas. tu, si quid erit de ceteris, de Bruto utique quidquid. Haec conscripsi x. kal. accubans apud Vestorium, hominem remotum a dialecticis, in arithmeticis satis exercitatum.

CICERO S. D. ATTICO. 13

SEPTIMO denique die litterae mihi redditae sunt, quae erant a te xiii. kal. datae: quibus quaeris, atque etiam me ipsum nescire arbitraris, utrum magis tumultis, prospectuque, an ambulatione ἀλιτρεῖν delecter. est mehercule, ut dicis, utriusque loci tanta amoenitas, ut dubitem, utra anteponenda sit. - ἀλλὰ οὐ δαῖτὸς ἐπιράτου ἔργα μέμνηεν, Ἀλλὰ λίην μέγα πῆμα διοτρεφές εἰσοροῶντες Δείδιμεν. ἐνδοίη δὲ σαώσεμεν, ἢ ἀπολέσθαι. quamuis enim tu magna, et mihi iucunda scripseris de D. Bruti aduentu ad suas legiones; in quo spem maximam uideo: tamen, si est bellum ciuile futurum, quod certe erit, si Sextus in armis permanebit, quem permansurum esse certo scio; quid nobis faciendum est, ignoro. neque enim iam licebit, quod  
Caesaris



Cæsaris bello licuit, neque huc, neque illuc. quem-  
cumque enim hæc pars perditorum latatum morte  
Cæsaris putabit, (latitiam autem apertissime tuli-  
mus omnes) hunc in hostium numero habebit. quæ  
res ad cædem maximam spectat. restat, ut in ca-  
stra Sexti, aut, si forte, Brutinos conferamus. res  
odiosa, & aliena nostris ætatibus, & incerto exi-  
tu belli: & nescio quo pacto tibi ego possim, mihi  
tu dicere:

Τέκνον ἐμὸν ἔτοι δέδοται πολεμῖα ἔργα,

Ἀλλὰ σύ γ' ἡμερῶντα μετέρχῃς ἔργα λόγῳ.

sed hæc fors uiderit, ea, quæ talibus in rebus plus,  
quàm ratio, potest. nos autem id uideamus, quod  
in nobis ipsis esse debet, ut, quidquid acciderit, for-  
titer, & sapienter feramus, & accidisse hominibus  
meminerimus; nosq. cum multum litteræ, tum  
non minimum idus quoque Martiæ consolentur.  
Suscipe nunc meam deliberationem, qua sollicitor.  
ita multa ueniunt in mentem in utramque partem.  
Proficiscor, ut constitueram, legatus in Græciam:  
cædis impendentis periculum non nihil uitare ui-  
deor, sed casurus in aliquam uituperationem, quòd  
reip. defuerim tam graui tempore. sin autem man-  
sero; equidem uideo in discrimine; sed accidere pos-  
se suspicor, ut prodesse possim reip. Iam illa consilia  
priuata sunt, quòd sentio ualde esse utile ad confir-  
mationem Ciceronis, me illuc uenire. nec alia caus-  
sa profectionis mihi ulla fuit, cum consilium cepi le-  
gari ab Cæsare. tota igitur hac de re, ut soles, si  
quid



## LIB. XIV. EPIST.

quid ad me pertinere putas, cogitabis. Redeo nunc ad epistolam tuam. scribis enim esse rumores, me, ad lacum quod habeo, uenditurum, minusculam uero uillam utique Quinto traditurum, uel impenso pretio, quò introducatur, ut tibi Quintus F. dixerit, dotata Aquillia. ego uero de uenditione nihil cogito, nisi quid, quod magis me delectet, inueniero. Quintus autem de emendo, nihil curat hoc tempore: satis enim torquetur debitione dotis: in qua mirificas Q. Egnatio gratias agit: a ducenda autem uxore sic abhorret, ut quidquam libero letulo neget esse iucundius. Sed hæc quoque hactenus. redeo enim ad miseram, seu nullam potius remp. M. Antonius ad me scripsit de restitutione Sex. Clodij: quàm honorifice, quod ad me attinet, ex ipsius litteris cognosces: nisi enim tibi exemplum: quàm dissolute, quàm turpiter, quàmq. perniciose, ut non numquam Cæsar desiderandus esse uideatur, facile existimabis. quæ enim Cæsar numquam neque fecisset, neque passus esset, ea nunc ex falsis eius commentarijs proferuntur. ego autem Antonio facillimum me præbui. etenim ille, quoniam semel induxit animum, sibi licere quod uellet, fecisset nihilo minus me inuito. itaque mearum quoque litterarum misi tibi exemplum. Antonius consul S. D. Ciceroni. Occupationibus est factum meis, & subita tua profectio, ne tecum coram de hac re agerem. quam ob causam ue reor, ne absentia mea leuior sit apud te. quod si bonitas



nitas tua responderit iudicio meo, quod semper habui de te; gaudebo. A Cesare petij, ut Sex. Clodium restitueret: impetraui. erat mihi in animo etiam tum sic uti beneficio eius, si tu concessisses. quo magis laboro, ut tua uoluntate id per me facere nunc liceat. quod si duriores te eius miserae, & afflictæ fortunæ præbes; non contendam ego aduersus te. quamquam uideor debere tueri commentarium Caesaris. sed mehercule, si humaniter, & sapienter, & amabiliter in me cogitare uis, facilem te profecto præbebis, & uoles P. Clodium, in optima spe puerum repositum, existimare, non te insectatum esse, cum potueris, amicos paternos. patere, obsecro te, pro rep. uideri gessisse similitatem cum patre eius: non contempseris hanc familiam. honestius enim, & libentius deponimus inimicitias reip. nomine susceptas, quàm contumaciæ. Me deinde sine ad hanc opinionem iam nunc dirigere puerum, & tenero animo eius persuadere, non esse tradendas posteris inimicitias. quamquam, tuam fortunam, Cicero, ab omni periculo abesse, certum habeo: tamen arbitror malle te quietam senectutem, & honorificam potius agere, quàm sollicitam. Postremo, meo iure te hoc beneficium rogo. nihil enim non tua causa feci. Quod si non impetro, per me Clodio daturus non sum: ut intelligas, quanti apud me auctoritas tua sit, atque eo te placabilior rem præbeas. Vale. Cicero Antonio cos. S.

Quod mecum per litteras agis, unam ob causam

LL sam



LIB. XIV. EPIST.

*sam mallem coram egisses. non enim solum ex oratione, sed etiam ex uultu, & oculis, & fronte, ut aiunt, meum erga te amorem perspicere potuisses. nam cum te semper amaui, primum tuo studio, post etiam beneficio prouocatus: tum his temporibus resp. te mihi ita commendauit, ut cariores habeam neminem. litteræ uero tuæ, tum amantissime, tum honorificentissime scriptæ, sic me affecerunt, ut non dare tibi beneficium uiderer, sed accipere a te ita petente, ut inimicum meum, necessarium tuum, me inuito seruare nolles, cum id nullo negotio facere posses. Ego uero tibi istuc, mi Antoni, remitto, atque ita, ut me a te, cum his uerbis scripseris, liberatissime, atque honorificentissime tractatum existimem. idq. cum totum, quoquo modo se res haberet, tibi dandum putarem, tum do etiam humanitati, et naturæ meæ. nihil enim umquam non modo acerbum in me fuit, sed ne paullo quidem tristius, aut seuerius, quàm necessitas reip. postulauit. Accedit, ut ne in ipsum quidem Clodium meum insigne odiû fuerit umquam; semperq. ita statui, non esse insectandos inimicorum amicos, præsertim humiliores, nec his præsidij nosmet ipsos esse spoliandos. Nam de puero Clodio tuas partes esse arbitror, ut eius animum tenerum, quemadmodum scribis, his opinionibus imbuas, ut ne quas inimicitias residere in familijs nostris arbitretur. contendi cum P. Clodio, cum ego publicam causam, ille suam defenderet. nostras contentiones resp. dijudicauit. si uiuere-*

*ret,*



ret, mihi cum illo nulla contentio iā maneret. Quare, quoniam hoc a me sic petis, ut, quæ tua potestas est, ea neges te me invito usurum; puero quoque hoc a me dabis, si tibi uidebitur: non quo aut ætas nostra ab illius ætate quidquam debeat periculi suspicari, aut dignitas mea ullam contentionem extimescat: sed ut nosmet ipsi inter nos coniunctiores simus, quàm adhuc fuimus. interpellantibus enim his inimicitijs, animus tuus mihi magis patuit, quàm domus. Sed hæc hætenus: illud extremum. ego, quæ te uelle, quæq. ad te pertinere arbitrabor, semper sine ulla dubitatione summo studio faciam. hoc uelim tibi penitus persuadeas.

## CICERO S. D. ATTICO. 14

ITERA dum eadem ista mihi. coronatus Quintus noster Parilibus? Parilibus solus ne? et si addis Lamiā: quod demiror equidem: sed scire cupio, qui fuerint alij: quamquam satis scio, nisi improbum neminem. explanabis igitur hoc diligentius. ego autē casu cum dedissem ad te litteras VI. kal. satis multis uerbis, tribus fere horis post accipi tuas, & magni quidem ponderis. itaque ioca tua plena facetiarum, de hæresi Vestoriana, & de Pherionum more Puteolano, risisse me satis, nihil est necesse rescribere. πολιτικά τερά illa uideamus. Ita Brutos, Cassiumq. defendis, quasi eos ego reprehendam: quos satis laudare non possum. rerum ego uitia collegi, non hominum. sublato enim tyranno,

L L 2 tyrann-



## LIB. XIV. EPIST.

tyrannida manere uideo . nam quæ ille facturum non fuit , ea fiunt , ut de Clodio : de quo mihi exploratum est , illum non modo non facturum , sed etiam ne passurum quidem fuisse . sequetur Rufio Vestorianus , Victor numquam scriptus , ceteri , quis non ? cui seruire ipsi non potuimus , eius libellis paremus . Nam Liberalibus quis potuit in senatum non uenire ? fac id potuisse aliquo modo : num , etiam cum uenissimus , libere potuimus sententiam dicere ? non ne omni ratione ueterani , qui armati aderant , cum præsidij nos nihil haberemus , defendendi fuerunt ? illam sessionem Capitolinam mihi non placuisse , tu testis es . quid ergo ? culpa ista Brutorum ? minime illorum quidem , sed aliorum Brutorum , qui se cautos , ac sapientes putant : quibus satis fuit , lætari ; non nullis , etiam gratulari ; nullis , permanere . sed præterita omittamus : istos omni cura , præsidioque tueamur ; & , quemadmodum tu præcipis , contenti idibus Mart . simus : quæ quidem nostris amicis , diuinis uiris , aditum ad cælum dederunt , libertatem populo R . non dederunt . Recordare tua . non ne meministi clamare te , omnia periisse , si ille funere elatus esset ? sapienter id quidem : itaque ex eo quæ manarint , uides . Quæ scribis kalendis Iunij Antonium de prouincijs relaturum , ut & ipse Gallias habeat , & utriusque dies prorogetur : licebit ne decerni libere ? si licuerit ; libertatem esse recuperatam lætabor . si non licuerit ; quid mihi attulerit ista domini mutatio præter lætitiā , quam oculis cepi

in slo



iusto interitu tyranni? Rapinas scribis ad Opis fieri: quas nos quoque tum uidebamus. nã nos & liberati ab egregijs uiris, nec liberi sumus. ita laus illorum est, culpa nostra. & hortaris me, ut historias scribam: ut colligam tanta eorum scelera, a quibus etiam nunc obsidemur? potero ne eos ipsos non laudare, qui te obsignatorem adhibuerunt? nec me hercule me raudusculum mouet: sed homines beneuolos, qualescumque sunt, graues est insequi contumelia. sed de omnibus meis consilijs, ut scribis, existimo exploratius nos ad kal. Iun. statuere posse: ad quas adero; & omni ope, atque opera enitar, adiuuante me scilicet auctoritate tua, & gratia, et summa equitate causse, ut de Butbrotijs S. C. quale scribis, fiat. Quod me cogitare iubes, cogitabo equidem. etsi tibi dederam superiore epistola cogitandum. tu autem, quasi iam recuperata rep. uicinis tuis Massiliensibus sua reddis. hæc armis, quæ quàm firma habeamus, ignoro, restitui fortasse possunt, auctoritate non possunt. Vale.

CICERO S. D. ATTICO. 15

EPISTOLA breuis, quæ postea a te scripta est, sane mihi fuit iucunda, de Bruti ad Antonium, & de eiusdem ad te litteris. posse uidentur esse meliora, quàm adhuc fuerint: sed nobis, ubi sumus, & quò iam nos conferamus, prouidendum est. o mirificum Dolabellam meum. iam enim dico meum, antea, crede mihi, subdubitabam. magnam aua-

LL 3 *Θισόφρον*



## LIB. XIV. EPIST.

*ἡρώπνοιν* res habet: de saxo, in crucem, columnā tol-  
 lere, locum illum sternendum locare. quid quæris?  
 heroica. sustulisse mihi uidetur simulationem deside-  
 rij, adhuc quæ serpebat in dies, & inueterata, ue-  
 rebar, ne periculosa nostris tyrannoctonis esset.  
 nunc prorsus assentior tuis litteris, speroq. meliora.  
 quamquam istos ferre non possum: qui, dum se pa-  
 cem uelle simulant, acta nefaria defendunt. sed non  
 possunt omnia. incipit res melius ire, quā putā-  
 ram. nec uero discedam, nisi cum tu id me honeste  
 putabis facere posse. Bruto certe meo nullo loco de-  
 ero: idque, etiam si mihi cum illo nihil fuisset, face-  
 rem propter eius singularem, incredibilemque uir-  
 tutem. Piliæ nostræ uillam totā, quæq. in uilla sunt,  
 trado, in Pompeianum ipse proficiscens kal. Mai.  
 quā uelim Bruto persuadeas, ut *Ἀστυ* sit. Vale.

CICERO S. D. ATTICO. 16

V. NON. conscendens ab hortis Cluuianis in  
 phaselum epicopum has dedi litteras, cum Piliæ no-  
 stræ uillam ad Lucrinum, uillicosq. procuratores  
 tradidissem. ipse autem eo die in Pati nostri tyro-  
 tarichum imminebam, per paucis diebus in Pompe-  
 ianum, post in hæc Puteolana, & Cumana regna  
 renauigare. o loca ceteroqui ualde expetenda, in-  
 terpellantium autem multitudine pæne fugienda.  
 Sed ad rem ut ueniam, o Dolabellæ nostræ magnam  
*ἀπιστίαν*. quanta est *ἀναδεώπνοις*. equidem laudare  
 eum, & hortari non desisto. recte tu omnibus epi-  
 stolis



stolis significas, quid de re, quid de viro sentias. mihi quidem uidetur Brutus noster iam uel coronam auream per forum ferre posse. quis enim audeat uiolare, proposita cruce, uel saxo? præsertim tantis plausibus, tanta approbatione infimorum? Nunc, mi Attice, me fac ut expedias. cupio, cum Bruto nostro affatim satisfecerim, excurrere in Græciam. magni interest Ciceronis, uel mea potius, uel mehercule utriusque, me interuenire discenti. nam epistola Leonidæ, quam ad me misisti, quid habet, quæso, in quo magnopere lætemur? numquam ille mihi satis laudari uidebitur, cum ita laudabitur; QVO MODO NUNC EST. non est fidentis hoc testimonium, sed potius timentis. Herodi autem mandaram, ut mihi κατὰ μέτρον scriberet: a quo adhuc nulla littera est. uereor, ne nihil habuerit, quod mihi, cum cognossem, iucundum putaret fore.

Quod ad Xenonem scripsisti, ualde mihi gratum est. nihil enim deesse Ciceroni, tum ad officium, tum ad existimationem meam pertinet.

Flammam Flaminium audio Romæ esse. ad eum scripsi, me tibi mandasse per litteras, ut de Montani negotio cum eo loquerere. & uelim cures epistolam, quam ad eum misi, reddendam, & ipse, quod commodum tuo fiat, cum eo colloquare. puto, si quid in homine pudoris est, præstaturum eum, ne pro se quodam modo dependatur. De Attica pergratum mihi fecisti, quod curasti, ante scirem recte esse, quàm non belle fuisse. Vale.



IN Pompeianum ueni v. kal. Mai. cum pridie, ut antea ad te scripsi, Piliam in Cumano collocauissem. ibi mihi cenanti litteræ tuæ sunt redditæ, quas dederas Demetrio liberto prid. kal. in quibus multa sapienter, sed tamen talia, quemadmodum tute scribebas, ut omne consilium in fortuna positum uideretur. itaque his de rebus ex tempore, & coram. De Buthrotio negotio, utinam quidem Antonium conueniam: multum profecto proficiam. sed non arbitrantur eum a Capua declinaturum. quò quidem, metuo, ne magno reip. malo uenerit. quod idem L. Casari uidebatur; quem pridie Neapoli affectum grauiter uideram. quamobrem ista nobis ad kal. Iun. tractanda, & perficienda sunt. Sed hætenus. Quinctus filius ad patrem acerbissimas litteras misit: quæ sunt ei redditæ, cum uenissemus in Pompeianum: quarum tamen erat caput, Aquilliam nouercam non esse laturum. sed hoc tolerabile fortasse, illud uero? se ab Casare habuisse omnia, nihil a patre, reliqua sperare ab Antonio. o perditum hominem. sed μέλει. Ab Brutum nostrum, & Cassium, & ad Dolabellam epistolas scripsi. earum exempla tibi misi, non ut deliberarem reddendæ ne essent, (plane enim iudico esse reddendas) sed quòd non dubito, quin tu idem existimaturus sis. Ciceroni meo, mi Attice, suppeditabis quantum uidebitur; meq. tibi hoc onus imponere patiere.



re. quæ adhuc fecisti, mihi sunt gratissima. Librum meum illum ἀνέκδοτον non dum, ut uolui, perpoliui. ista uero, quæ tu contexi uis, aliud quiddam separatum uolumen expectant. ego autem (credas mihi uelim) minore periculo existimo contra illas nefarias partes, uiuo tyranno, dici potuisse, quam mortuo. ille enim nescio quo pacto ferebat me quidem mirabiliter: nunc, quacumque nos commouimus, ad Cæsaris non modo acta, uerum etiam cogitata reuocamur. De Montano, quoniam Flamma uenit, uidebis. puto rem meliore loco esse debere. Vale. Cicero S. D. Dolabellæ cos. suo.

Et si contentus eram, mi Dolabella, tua gloria, satisq. ex ea magnam lætitiā, uoluptatēq. capiebam: tamen non possum non confiteri, cumulari me maximo gaudio, quod uulgo hominum opinio socium me adscribat tuis laudibus. neminem conueni, (conuenio autem quotidie plurimos: sunt enim permulti optimi uiri, qui, ualetudinis causa, in hæc loca conueniant, præterea ex municipijs frequentes necessarij mei) quin omnes, cum te summis laudibus ad cælum extulerunt, mihi continuo maximas gratias agant. negāt enim se dubitare, quin tu, meis præceptis, & consilijs obtemperans, præstantissimum te ciuem, & singularem consulem præbeas. quibus ego quamquam uerissime possim respondere, te, quæ facias, tuo iudicio, & tua sponte facere, nec cuiusquam egere consilio: tamen neque plane assentior, ne imminuam tuam laudem, si omnis a meis consilijs



## LIB. XIV. EPIST.

consilijs profecta uideatur; neque ualde nego: sum enim audior etiam, quam satis est, gloria. Et tamen non alienum est dignitate tua, quod ipsi Agamemnoni, regi regum, fuit honestum, habere aliquem in consilijs capiundis Nestorem. mihi uero gloriosum, te iuuenem consulem florere laudibus, quasi alumnum disciplinæ meæ. Lucius quidem Cæsar, cū ad eum egrotum Neapolim uenissem, quamquā erat oppressus totius corporis doloribus, tamen ante, quam me plane salutauit, o mi Cicero, inquit, gratulor tibi, cum tantum uales apud Dolabellam, quantum si ego apud sororis filium ualerem, iā salui esse possemus. Dolabella uero tuo et gratulor, et gratias ago: quem quidem, post te consulem, solū possumus uere consulē dicere. deinde multa de facto, ac de re gesta: tum nihil magnificentius, nihil præclarior actum umquā, nihil reip. salutaris. atque hæc una uox omnium est. A te autem peto, ut me hanc quasi falsam hereditatē alienæ gloriæ sinas cernere, meq. aliqua ex parte in societatem tuarum laudum uenire patiari. quamquam, mi Dolabella, (hæc enim iocatus sum) libentius omnes meas, si modo sunt aliquæ meæ laudes, ad te transfuderim, quam aliquam partem exhauserim ex tuis. nam cum te semper tantum dilexerim, quantum tu intelligere potuisti; tum his tuis factis sic incensus sum, ut nihil umquam in amore fuerit ardentius. Nihil est enim, mihi crede, uirtute formosius, nihil pulchrius, nihil amabilius. semper amari, ut scis, M. Brutum,



Brutum, propter eius summum ingenium, suauissimos mores, singularem probitatem, atque constantiam: tamen idibus Mart. tantum accessit ad amorem, ut mirarer locum fuisse augendi in eo, quod mihi iam pridem cumulatam etiam uidebatur. quis erat, qui putaret ad eum amorem, quem erga te habebam, posse aliquid accedere? tantum accessit, ut mihi nunc denique amare uidear, antea dilexisse. Quare quid est, quod ego te hortor, ut dignitati & gloriæ seruias? proponam tibi claros uiros, quod facere solent, qui hortantur? neminem habeo clariorem, quam te ipsum. te imitere oportet, tecum ipse certes. nec licet quidem tibi iam, tantis rebus gestis, non tui similem esse. quod cum ita sit; hortatio non est necessaria, gratulatione magis utendum est. contigit enim tibi, quod haud scio an nemini, ut summa seueritas animaduersionis non modo non inuidiosa, sed etiam popularis esset, & cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tuæ: sed contigit magnitudine tum animi, tum etiam ingenij, atque consilij. legi enim concionem tuam: nihil illa sapientius. ita pedetentim, & gradatim tum accessus a te ad causam facti, tum recessus, ut res ipsa maturitatem tibi animaduertendi omnium concessu daret. Liberasti igitur et urbem periculo, & ciuitatem metu: neque solum ad tempus maximam utilitatem attulisti, sed etiam ad exemplum. quo facto, intelligere debes, in te posi-

tana



## LIB. XIV. EPIST.

tam esse remp. tibiq. non modo tuendos, sed etiam ornandos illos viros, a quibus initium libertatis profectum est. Sed his de rebus coram plura prope diem, ut spero. Tu, quoniam remp. nosq. conseruas, fac, ut diligentissime te ipsum, mi Dolabella, custodias. Vale.

CICERO S. D. ATTICO. 18

SAEPIVS me iam agitas, quod rem gestam Dolabella nimis in caelum uidear efferre. ego autem, quamquam sane probum factum, tamen, ut tanto opere laudarem, adductus sum tuis & unis, & alteris litteris. sed totum se a te abalienauit Dolabella, ea de causa, qua me quoque sibi inimicissimum reddidit. o hominem prudentem. kal. Ian. debuit: adhuc non soluit, praesertim cum se maximo cre alieno Faberij manu liberarit, & Opem ab eo petierit. licet enim iocari; ne me ualde conturbatum putes. atque ego ad eum VII. id. litteras dederam bene mane. eodem autem die tuas litteras uesperis acceperam in Pompeiano, sane celeriter, tertio ab te die. sed, ut ad te eo ipso die scripseram, satis aculeatas ad Dolabellam litteras dedi: quae si nihil profecerint, puto fore, ut me praesentem non sustineat. Albianum te confecisse arbitror. De Petulciano nomine, quod mihi suppeditatus es, gratissimum est, & simile tuorum omnium. sed ego Erotem ad ista expedienda factum mihi uidebar reliquisse: cuius non sine magna culpa uacillarunt. sed cum ipso uidero.



uidero. De Montano, ut saepe ad te scripsi, erit tibi tota res cura. Seruius proficiscens quod desperanter tecum locutus est, minime miror, neque ei quidquam in desperatione concedo, Brutus nosler, singularis uir, si in senatum non est kal. Iun. uenturus; quid facturus sit in foro, nescio. sed hoc ipse melius. Ego ex his, quæ parari uideo, non multum idibus Martijs profectum iudico: itaque de Græcia quotidie magis & magis cogito. nec enim Bruto meo, exsilium, ut scribis ipse, meditati, uideo quid prodesse possim. Leonidæ me litteræ satis delectarunt. De Herode tibi assentior. Saufeium legisse uellem. Ego ex Pompeiano VI. idus Mai. cogitabam. Vale.

## CICERO S. D. ATTICO. 19

NONIS Mai. cum esse in Pompeiano, accepi binas a te litteras, alteras sexto die, alteras quarto. ad superiores igitur prius. Quam mihi iucundum, oportune tibi Barnachum litteras reddidisse. Tu uero cum Cassio, ut cetera. quam commode autem, quod id ipsum, quod me mones, quatrduo ante ad eum scripseram, exemplumq. mearum litterarum ad te miseram, sed cum Dolabellæ auaritia (sic enim tu ad me scripseras) magna desperatione affectus essem; ecce tibi & Bruti, & tuæ litteræ. ille exsilium meditari. nos autē alium portum propiorem huic atati uidebamus: in quem malle equidem peruehi florente Bruto nostro, constitutaq. rep.



LIB. XIV. EPIST.

rep. sed nunc quidem, ut scribis, non utrum uis:  
 assentiris enim mihi, nostram ætatem præsertim a  
 castris civilibus abhorrere. M. Antonius ad me  
 tantum de Clodio rescripsit, meam lenitatem, &  
 clementiam & sibi esse gratam, & mihi uoluptati  
 magnæ fore. sed Pansa furere uidetur de Clodio,  
 itemq. de Deiotaro; & loquitur seuerè, si uelis cre-  
 dere. illud tamen non belle, ut mihi quidem uide-  
 tur, quòd factum Dolabellæ uehementer improbat.  
 De coronatis, cum sororis tuæ filius a patre accusa-  
 tus esset, rescripsit, se coronam habuisse honoris Cæ-  
 saris causa, posuisse luctus gratia: postremo, se li-  
 benter uituperationem subire, quòd amaret etiam  
 mortuum Cæsarem. Ad Dolabellam, quemadmo-  
 dum tibi dicis placere, scripsi diligenter: ego etiam  
 ad Sicam. tibi hoc oneris non impono. nolo te illum  
 iratum habere. Seruij orationem cognosco: in qua  
 plus timoris uideo, quàm consilij: sed quoniam per-  
 territi omnes sumus, assentior Seruio. Publilius  
 tecum tricatus est. huc enim Cærellia missa ab istis  
 est legata ad me: cui facile persuasi, mihi id, quod  
 rogaret, ne licere quidem, non modo non libere.  
 Antonium si uidero, accurate agam de Buthroto.  
 Venio ad recentiores litteras. quamquam de Seruio  
 iam recipsi, me facere magnam opā<sup>xi</sup> Dolabel-  
 læ. mihi mehercule ita uidetur, non potuisse maior  
 tali re, taliq. tempore. sed tamen, quidquid ei tri-  
 buo, tribuo ex tuis litteris. tibi uero assentior, ma-  
 iorem opā<sup>xi</sup> eius fore, si mihi, quod debuit, dissol-  
 uerit.



uerit, Brutus, uelim, sit Asturæ. Quod autem laudas me, quòd nihil ante de profectiōe constituam, quàm, ista quòd euasura sint, uidero: muto sententiam, neque quidquam tamen ante, quàm te uidero. Atticam meam gratias mihi agere de matre gaudeo: cui quidem ego totam uillam, cællamq. tradidi; eamq. cogitabam v. id. uidere, tu Atticæ salutē dices: nos Piliam diligenter tuebimur, Vale.

CICERO S. D. ATTICO, 20

E POMPEIANO naui aduectus sum in Luculli nostri hospitium VI. id. hora fere tertia. egressus autem e naui, accepi tuas litteras, quas tuus tabellarius in Cumanum attulisse dicebatur, nonis Mai. datas, a Lucullo postridie eadem fere hora, qua ueni, VII. id. Lanuuiο datas. audi igitur ad omnes. Primum, quæ de re mea gesta & in solutio-  
ne, & in Albiano negotio, grata, de tuo autem, cum in Pompeiano essem, Misenum uenit Antonius: inde ante discessit, quàm illum uenisse audissem: a quo in Samnium, uide, quid speres. Romæ igitur de Buthroto, L. Antonij horribilis concio, Dolabellæ præclara, iam uel sibi habeat nummos, modo numeret idibus, Tertullæ nollem abortum, tam enim Cassij sunt iam, quàm Bruti serendi. De regina uelim, atque etiam de Cesare illo, Persolui primæ epistolæ: uenio ad secundam. De Quinctis, Buthroto, cum uenero, ut scribis. Quòd Ciceroni suppeditas, gratum. Quòd errare me putas, qui  
remp.



remp. putem pendere a Bruto: sic se res habet: aut nulla erit, aut ab isto, istis ne seruabitur. Quod me hortaris, ut scriptam concionem mittam: accipe a me, mi Attice, καθολικὸν θεώρημα earum rerum, in quibus satis exercitati sumus. nemo umquam neque poeta, neque orator fuit, qui quemquam meliorem, quam se, arbitraretur. hoc etiam malis contigit: quid tu Bruto putas, & ingenioso, et erudito? de quo etiam experti sumus nuper in edicto. scripseram rogatu tuo. meum mihi placebat, illi suum. quin etiam, cum, ipsius precibus pæne adductus, scripsissem ad eum de optimo genere dicendi, non modo mihi, sed etiam tibi scripsit, sibi illud, quod mihi placeret, non probari. quare sine quæso sibi quemque scribere: suam cuique sponsam, mihi meam; suum cuique amorem, mihi meum. non scite: hoc enim Atilius, poeta durissimus. atque utinam liceat isti concionari. cui si esse in urbe tuto licebit, uicimus. ducem enim noui belli ciuilem aut nemo sequetur, aut ij sequentur, qui facile uincantur. Venio ad tertiam. Gratas fuisse meas litteras Bruto, & Cassio, gaudeo: itaque ijs recipi. Quod Hirtius per me meliorem fieri uolunt: do equidem operam; & ille optime loquitur; sed uiuit, habitatq. cum Balbo; qui item bene loquitur. quid credas, uideris. Dolabellam ualde placere tibi uideo. mihi quidem egregie. Cum Pansa uixi in Pompeiano. is plane mihi probabat se bene sentire, & cupere pacem. Caussam armorum quæri plane uideo.

Edictum



Edictum Bruti, & Cassii probo. Quæris, ut suscipiam cogitationem, quidnam istis agendum putem. consilia temporum sunt; quæ in horas commutari uides. Dolabellæ & prima illa actio, & hæc contra Antonium concio mihi profecisse permultum uidetur. prorsus ibat res. nunc autem uidemur habituri ducem: quod unum municipia, bonique desiderant. Epicuri mentionem facis, & audes dicere μή πολὺ τ' ἔσται. nō te Bruti nostri uulticulus ab ista oratione deterret? Quinctus filius, ut scribis, est dextellula. per eum igitur, quod uolumus, facile aufereamus. exspecto, si, ut putas, L. Antonius produxit Octauium, qualis concio fuerit. Hæc scripsi. statim enim Cassii tabellarius. eram continuo Piliam salutaturus: deinde ad epulas Vestorij, nauicula. Atticæ plurimam salutem. Vale.

## CICERO S. D. ATTICO. 21

CUM paullo ante dedissem ad te Cassii tabellario litteras, v. id. uenit noster tabellarius, & quidam portenti simile, sine tuis litteris. sed cito conieci, Laniuij te fuisse. Eros autem festinauit, ut ad me litteræ Dolabellæ perferrentur, non de re mea, (non dum enim meas acceperat) sed rescriptis ad eas, quarum exemplum tibi miseram, sane luculente. Ad me autem, cum Cassii tabellarium dimissem, statim Balbus. o dij boni, quàm facile perspiceres timere otium. & nosti uirum, quàm

MM      tectus:



## LIB. XV. EPIST.

tectus : sed tamen Antonij consilia narrabat ; illum  
 circuire ueteranos , ut acta Caesaris sancirent , idq.  
 se facturos esse iurarent : ut rata omnes haberent ,  
 eaq. diuuiari omnibus mensibus inspicerent . que-  
 stus est etiam de sua inuidia , eaq. omnis eius oratio  
 fuit , ut amare uideretur Antonium . quid quæris ?  
 nihil sinceri . mihi autem non est dubium , quin res  
 spectet ad castra . acta enim illa res est animo uiri-  
 li , consilio puerili . quis enim hoc non uidit , regni  
 heredem relictum ? quid autem absurdius , hoc me-  
 tuere , alterum in metu non ponere ? quin etiam hoc  
 ipso tempore multa ὑποπόλαια , Pontij Neapoli-  
 tanum a matre tyrannoctoni possideri . legendus mi-  
 hi sapius est Cato maior , ad te missus . amariorem  
 enim me senectus facit : stomachor omnia , sed mihi  
 quidem ἐσθιωται : uiderint iuuenes . tu mea curabis ,  
 ut curas . Hæc scripsi , seu dictavi , opposita secun-  
 da mensa , apud Vestorium . postridie apud Hirtium  
 cogitabam , & quidem πεντέλοιπον . sic hominem  
 traducere ad optimates paro . ἄνθρωπος πολὺς . nemo est  
 istorum , qui otium non timeat . quare talaria ui-  
 deamus , quiduis enim potius , quàm castra . Atti-  
 cæ salutem plurimam uelim dicas . Exspecto Octa-  
 uij concionem , & si quid aliud , maxime autem ec-  
 quid Dolabella tinniat , an in meo nomine tabulas  
 nouas fecerit . Vale ,

CICERO



CERTIOR a Pilia factus, mitti ad te idibus tabellarios, statim hoc nescio quid exaravi. Primum igitur scire te uolui, me hinc Arpinum XVI. kal. Iun. eò igitur mittes, si quid erit posthac. (quamquam ipse iam iamq. adero) cupio enim ante, quam Romam uenio, odorari diligentius, quid futurum sit. quamquam uereor, ne nihil coniectura aberrem. minime enim obscurum est, quid isti moliantur. meus uero discipulus, qui hodie apud me cenat, ualde amat illum, quem Brutus noster sauciavit. & si quæris, (perspexi enim plane) timet otium. ὑπόθεσιν autem hanc habent, eamq. præferunt, uirum clarissimum interfectum, totam remp. illius interitu perturbatam: irrita fore, quæ ille egisset, simul ac desistemus timere: clementiam illi malo fuisse: qua si usus non fuisset, nihil ei tale accidere potuisse. Mihi autem uenit in mentem, si Pompeius cum exercitu firmo ueniat, quod est εὐλογον, certe fore bellum. hac me species, cogitatioq. perturbat. neque enim iam, quod tibi tum licuit, nobis nunc licebit. nam aperte lætati sumus. deinde habent in ore, nos ingratos. nullo modo licebit, quod tum & tibi licuit, & multis. φαινοπροσωπί- τέον ergo, & ἰτέον in castra? millies mori melius, huic præsertim ætati. itaque me idus Martie non tam consolantur, quam antea, magnum enim men-

MM 2 dum



LIB. XIV. EPIST.

dum continent . et si illi iuvenes

ἄλλοις ἐν ἑδραῖς τὸν δ' ἀπαθουῶται λόγον.

Sed , si tu melius quippiam speras ; quod & plura  
audis , & interes consilijs ; scribas ad me uelim ;  
simulq. cogites , quid agendum nobis sit super lega-  
tione uotina . equidem in his locis moneor a multis ,  
ne in senatu kalendis . dicuntur enim occulte mili-  
tes ad eam diem comparati , & quidem in istos ; qui  
mibi uidentur ubiuis tutius , quàm in senatu , fo-  
re . Vale .

M. TVL-



275

M. TVLLII CICERONIS  
EPISTOLARVM AD T. POM-  
PONI VM ATTICVM  
LIBER XV.

CICERO S. D. ATTICO.

O FACTVM male de Alexione. incre-  
dibile est, quanta me molestia affece-  
rit; nec mehercule ex ea parte maxi-  
me, quòd plerique mecum; ad quem  
igitur medicum te conferes? quid mihi iam medico?  
aut, si opus est, tanta inopia est? amorem erga me,  
humanitatem, suauitatemq. desidero. etiam illud:  
quid est, quod non pertimescendum sit; cum homi-  
nem temperantem, summum medicum, tantus im-  
prouiso morbus oppresserit? sed ad hæc omnia una  
consolatio est, quòd ea condicione nati sumus, ut ni-  
hil, quod homini accidere possit, recusare debea-  
mus. De Antonio, iam antea tibi scripsi, non es-  
se eum a me conuentum. uenit enim Missenum, cum  
ego essem in Pompeiano. inde ante profectus est,  
quàm ego eum uenisse cognoui. sed casu, cum lege-  
rem tuas litteras, Hirtius erat apud me in Puteola-  
no. ei legi, & egi primum, quod attinet. nihil mi-  
hi concedebat. deinde ad summum, arbitrum me  
statuebat non modo huius rei, sed totius consulatus  
sui. Cum Antonio autem sic agemus, ut perspiciat,  
si in eo negotio nobis satisfecerit, totum me futu-

MM 3 rum



## LIB. XV. EPIST.

rum suum. Dolabellam spero domi esse. Redeamus ad nostros: de quibus tu bonam spem te significas habere propter edictorum humanitatem. ego autem perspexi, cum a me xvii. kal. de Puteolano Neapolim Pansa conueniendi causa profiscisceretur Hirtius, omnem eius sensum: seduxi enim, & ad pacem sum cohortatus. non poterat scilicet negare, se uelle pacem, sed non minus se nostrorum arma timere, quam Antonij, & tamen utrosque non sine causa praesidium habere, se autem utraque arma metuere. quid quaeris? οὐδὲν ὑγίης. De Quinto F. tibi assentior: patri quidem gratissima, & bellae tuae litterae fuerunt. Caerelliae uero facile satisfeci. nec ualde laborare mihi uisa est: & si illa, ego certe non laborarem. istam uero, quam tibi molestam scribis esse, auditam a te esse omnino demiror. nam quod eam collaudari apud amicos, audientibus tribus filiis eius, & filia: τοῦτο εὐλογον. quid est hoc? quid est autem, cur ego personatus ambulem? parum ne faeda persona est ipsius senectutis? Quod Brutus rogat, ut ante kalendas: ad me quoque scripsit: & fortasse faciam: sed plane, quid uelit, nescio. quid enim illi afferre consilij possum, cum ipse egeam consilio? & cum ille suae immortalitati melius, quam nostro otio, consuluerit? De Regina, rumor extinguetur. De Flamma, obsecro te, si quid potes. Heri dederam ad te litteras exiens e Puteolano, diuerteramq. in Cumanum. ibi pene ualentem uideram Piliam. quin etiam paullo clarius eam



eam uidi : uenerat enim in funus : cui funeri ego quoque operam dedi . Cn. Lucullus , familiaris noster , matrem efferebat . mansi igitur eo die in Sinuessano : atque inde mane postridie Arpinum proficiscēs , hanc epistolam exaravi . erat autem nihil noui , quod aut scriberem , aut ex te quærerem : nisi forte hoc ad te putas pertinere . Brutus misit ad me orationē suam , habitam in concione Capitolina ; petiuitq. a me , ut eam ne ambitiose corrigerem ante , quā e-deret . est autem oratio scripta elegantissime sententijs , uerbis , ut nihil possit ultra . ego tamen , si illā causam habuissem , scripsissem ardentius . ὅπου τις , uides , quæ sit , persona dicentis . itaque eam corrigere non potui . quo enim in genere Brutus noster esse uult , & quod iudicium habet de optimo genere dicendi , ita consecutus est ea oratione , ut elegantius nihil esse possit . sed ego solus alius sum , siue hoc recte , siue non recte . tu tamen uelim orationē legas , nisi forte iam legisti , certioresq. me facias , quid iudices ipse . quamquam uereor , ne cognomine tuo lapsus ὑπεραπὸ τοῦ σῆς sis in indicando . sed si recordaberis Ἀποδείκνους flumina , tum intelliges posse & ἀπὸ τῶν τὰ , & grauissime dici . sed hæc coram . nunc nec sine epistola , nec cum inani epistola uolui ad te Metrodorum uenire . Vale .

CICERO S. D. ATTICO.

XV. kal. e Sinuessano proficiscens , cum dedissem ad te litteras , diuertissemq. a Cumis in Ves-  
 MM 4 stiano ,



## LIB. XV. EPIST.

stiano, accepi a tabellario tuas litteras: in quibus ni-  
 mis multa de Buthroto. non enim tibi ea res maio-  
 ri curæ aut est, aut erit, quàm mihi. sic enim de-  
 cet, te mea curare, tua me. quamobrem id quidem  
 sic susceptum est mihi, ut nihil sim habiturus anti-  
 quius. L. Antonium concionatum esse, cognoui tuis  
 litteris, & alijs, sordide: sed, id quale fuerit, ne-  
 scio: nihil enim scripsisti. De Menedemo, probe.  
 Quintus certe ea dicitat, quæ scribis. Consilium  
 meum a te probari, quòd ea non scribam, quæ tu a  
 me postularis, facile patior: multoq. magis id pro-  
 babis, si orationem eam, de qua hodie ad te scripsi,  
 legeris. Quæ de legionibus scribis, ea uera sunt.  
 sed non satis hoc mihi uideris tibi persuasisse, quid de  
 Buthrotijs nostris per senatum speres confici posse.  
 quod puto, (tatum enim uideo) non uidemur esse ui-  
 cturi. sed, si etiam nos hoc fallat, de Buthroto te  
 non fallat. De Octauij concione idem sentio, quod  
 tu: ludorumq. eius apparatus, & Matius, ac Po-  
 stumus mihi procuratores non placent. Sæferna col-  
 lega dignus. sed isti omnes, quemadmodum sentis,  
 non minus otium timent, quàm nos arma. Balbum  
 leuari inuidia per nos uelim: sed ne ipse quidem id  
 fieri posse confidit: itaque alia cogitat. Quòd pri-  
 ma disputatio Tusculana te confirmat, sane gaudeo.  
 neque enim ullum est perfugium aut melius, aut pa-  
 ratius. Flamma quòd bene loquitur, non moleste  
 fero. Tyndaritanorum caussa, de qua laboras, quæ  
 sit, ignoro. hos tamen πεντέλοιπον mouere ista uiden-  
 tur,



tur, in primis erogatio pecuniæ. De Alexione doleo; sed, quoniam inciderat in tam grauem morbum, bene actum cum illo arbitror. quos tamen secundos heredes, scire uellem, & diem testamenti. Vale.

CICERO S. D. ATTICO.

3

XI. kal. accepi duas epistolas tuas; quibus duabus meis respondisti. una erat x v. kal. altera xii data. ad superiorem igitur. Prius accurre in Tusculanum, ut scribis: quò me vi. kal. uenturum arbitrabar. Quod scribis parendum uictoribus: non mihi quidem, cui sunt multa potiora. nam illa, quæ recordaris Lentulo, & Marcello cos. acta in æde Apollinis; nec caussa eadem est, nec simile tempus; præsertim cum Marcellum scribas, aliosq. discedere. erit igitur nobis coram odorandum, & constituendum, tuto ne Romæ esse possimus. noui conuentus habitatores sane mouent. in magnis enim uersamur angustiis. sed sint ista parui: quin & maiora contemnimus. Caluæ testamentum cognoui, hominis turpis, ac sordidi. Tabula Demonici quòd tibi curæ est, gratum. De Mario scripsi iam pridè ad Dolabellam accuratissime; modo litteræ redditæ sint. eius caussa & cupio, & debeo. Venio ad propiorem. Cognoui de Alexione, quæ desiderabam. Hirtius est tuus. Antonio, quàm est, uolo peius esse. De Quinto filio, ut scribis, A. M. cato de patre coram agemus. Brutum omni re, qua possum, cupio iuuare. cuius de oratiuncula idem te, quod me,



## LIB. XV. EPIST.

me, sentire uideo: sed parum intelligo, quid me uelis scribere, quasi a Bruto habita oratione, cum ille ediderit. qui tandem conuenit? an, sicut in tyrannū iure optimo casum multa dicentur, multa scribentur a nobis? sed alio modo, & tempore. De sella Cæsaris, bene tribuni. præclaros etiam XIV. ordines. Brutum apud me fuisse gaudeo, modo & libenter fuerit, & sat diu.

CICERO S. D. ATTICO. 4

X. KAL. VIII. ferre a Q. Fusio uenit tabellarius, nescio quid ab eo litterularum, ut me sibi restituerem, sane insulse, ut solet: nisi forte, quem non ames, omnia uidentur insulse fieri. scripsi ita, ut te probaturum existimem. mihi duas a te epistolas reddidit, unam XI. alteram X. kal. ad recentiore prius. et leuiorem laudo: si uero etiam Calpurnius, ἀνὸς ποταμῶν. Antonij consilia narras turbulenta: atque utinam potius per populum agat, quàm per senatum: quod quidem ita credo. sed mihi totum eius consilium ad bellum spectare uidetur, siquidem D. Bruto prouincia eripitur. quo modo ego de illius neruis existimo, non uidetur fieri posse sine bello. sed non cupio; quoniam cauetur Buthrotijs. rides? ast condoleo, non mea potius assiduitate, diligentia, gratia perfici. Quod scribis te nescire, quid nostris faciundum sit: iam pridem me illa ἀπορία sollicitat: itaque stulta iam iduum Martiarum est consolatio. animis enim usi sumus uirilibus, consilijs,



filijs, mihi crede, puerilibus. excisa enim est arbor,  
 non euulsa: itaque, quàm fruticetur, uides. redea-  
 mus igitur, quoniam sæpe usurpas, ad Tusculanas  
 disputationes. Saufeium pete. cælemus: ego num-  
 quam indicabo. Quod te a Bruto scribis, ut cer-  
 tior fieret, quo die in Tusculanum essem futurus: ut  
 ad te ante scripsi, VI. kal. et quidem ibi te quam-  
 primum peruidere uelim. puto enim nobis Lanui-  
 um eundum, & quidem non sine multo sermone. sed  
 μέλει σε. Redeo ad superiorem: ex qua prætereo  
 illa prima de Buthrotijs: quæ mihi sunt inclusa me-  
 dullis: sit modo, ut scribis, locus agendi. De ora-  
 tione Bruti, prorsus contendis committere: tam  
 multis uerbis agis. ego ne ut eam caussam, quàm is  
 scripsit? ego scribam non rogatus ab eo? nulla πα-  
 ρεγχείρησις fieri potest contumeliosior. at, inquis,  
 ἡρακλείδιον aliquod. non recusoid quidem; sed &  
 componendum argumentum est, & scribendi ex-  
 spectandum tempus maturius. licet enim de me, ut  
 libet, existimes: uelim quidem quamoptime. si  
 hæc ita manant, ut uidentur, (feres, quod dicam)  
 me idus Martiæ non delectant. ille enim numquam  
 reuertisset: nos timor confirmare eius acta non coe-  
 gisset: aut (ut in Saufeianam, reliquasq. Tuscula-  
 nas disputationes, ad quas tu etiam Vestorium hor-  
 taris) ita gratiosi eramus apud illum, quem dii mor-  
 tuum perdant, ut nostræ ætati, quoniam interfecto  
 domino liberi non sumus, non fuerit dominus ille fu-  
 giendus. rubeo, mihi crede: sed iam scripseram;  
 dele-



LIB. XV. EPIST.

delere nolui. De Menedemo, uellem uerum fuisset. De Regina, uelim uerum sit. Cetera coram, & maxime, quid nostris faciendum sit, quid etiam nobis, si Antonius militibus obsessurus est senatum. Hanc epistolam si illius tabellario dedissem, ueritus sum, ne solueret: itaque misi dedita opera: erat enim rescribendum tuis. Quam uellem, Bruto studium tuum nauare potuisses. ego igitur ad eum litteras. Ad Dolabellam Tironem misi cum mandatis, & litteris. eum ad te uocabis; & si quid habebis, quod placeat, scribes. Ecce autem de transuerso L. Caesar, ut ueniam ad se, rogat, in nemus; aut scribam, quod se uenire uelim: Bruto enim placere, se a me conueniri. o rem odiosam, & inexplicabilem. puto me ergo iturum, & inde Romam, nisi quid mutaro. Summatim adhuc ad te: nihil enim a Balbo. tuas igitur exspecto, nec actorum solum, sed etiam futurorum. Vale.

CICERO S. D. ATTICO. 5

A BRUTO tabellarius redijt: attulit & ab eo, & Cassio. consilium meum magnopere exquirunt, Brutus quidem, utrum de duobus. o rem miseram. plane non habeo, quid scribam: itaque silentio puto me usurum: nisi quid aliud tibi uidetur. sint tibi quid uenit in mentem, scribe quaeso. Cassius uero ueementer orat, ac petit, ut Hirtium quamoptimum faciam. sanum putas? ὁ δὲ θεῶν πρὸς ἀνθρώπους. epistolam tibi misi. Ut tu de prouincia Bruti, et Cassij per  
S. C.



S. C. ita scribit & Balbus ; & Hirtius quidem, se acturum. etenim iam in Tusculano est : mihi que, ut absim, uebementer auctor est : ille quidem, periculi causa ; quod sibi etiam fuisse dicit : ego autem, etiam ut nullum periculum sit, tantum abest, ut Antonij suspicionem fugere non curem, ne uidear eius secundis rebus non delectari, ut mihi causa sit, cur Romam uenire nolim, ne illum uideam. Varo autem noster ad me epistolam misit, sibi a nescio quo missam, ( nomen enim delebat ) in qua scriptum erat, ueteranos eos, qui reijciantur, ( nam partem esse dimissam ) improbissime loqui ; ut magno periculo Romæ sint futuri, qui ab eorum partibus dissentire uideantur. Quis porro noster itus, reditus, uultus, incessus inter istos ? quod si, ut scribis, L. Antonius in Decimum, reliqui in nostros ; ego quid faciam ? aut quo me pacto geram ? mihi uero deliberatum est, ut nunc quidem est, abesse ex ea urbe, in qua non modo florui cum summa, uerum etiam seruiui cum aliqua dignitate : nec tam statui ex Italia exire, de quo tecum deliberabo, quam istuc non uenire.

CICERO S. D. ATTICO.

6

CVM ad me Brutus noster scripsisset, & Cassius, ut Hirtium, quem adhuc bonum fuisse sciebant, neque confidebant fore, mea auctoritate meliorem facerem, ( Antonio est enim fortasse iratior, causæ uero amicissimus ) tamen ad eum scripsi, ei que dignitatem Bruti, & Cassij commendavi.

ille



## LIB. XV. EPIST.

ille quid mihi rescripsisset, scire te uolui, si forte idem tu, quod ego, existimares, istos etiam nunc uereri, ne forte ipsi nostri plus animi habeant, quàm habent. Hirtius Ciceroni suo S.

Rure an redierim, queris. an ego, cum omnes caleant, ignauiter aliquid faciam? etiam ex urbe sum profectus: utilius enim statui abesse. has tibi litteras exiens in Tusculanum scripsi. noli autem me tam strenuum putare, ut ad nonas recurram. nihil enim iam uideo opus esse nostra cura: quoniam praesidia sunt in tot annos prouisa. Brutus, & Cassius utinam, quàm facile a te de me impetrare possunt, ita per te exorentur, ne quod callidius in-eant consilium. cedentes enim hac ais scripsisse: quò? aut quare? retine, obsecro te, Cicero illos: noli sinere hac omnia perire, quæ funditus medius fidius rapinis, incendijs, cædibus peruertuntur. tantum, si quid timent, caueant, nihil præterea moliantur. non medius fidius acerrimis consilijs plus, quàm etiam inertissimis, dum modo diligentibus, consequentur. hac enim, quæ fluunt, per se diuturna non sunt, in contentione praesentes ad nocendum habent vires. quid speres de illis, ad me scribe. Habes Hirtij epistolam: cui rescripsi, nil illos callidius cogitare; idq. confirmari. hoc quaecumque esset, te scire uolui. Vale.

OBSIGNATA iam epistola, Balbus ad me, Seruiliam rediisse, confirmare non discessuros. nunc exspecto a te litteras.

CICERO



## CICERO S. D. ATTICO. 7

GRATVM, quòd mihi epistolae: quae quidem me delectarunt, in primis Sexti nostri. dices, quia te laudat. puto mehercule id quoque esse causa: sed tamen etiam ante, quàm ad eum locum ueni, ualde mihi placebat cum sensus eius de rep. tum scribendi cura, Seruius uero pacificator cum librariolo suo uidetur obijisse legationem, & omnes captiunculas pertimescere. debuerat autem, Non ex iure manu consertum, sed quae sequuntur. Tu quoque scribes.

## CICERO S. D. ATTICO. 8

POST tuum discessum binas a Balbo; nihil noui: itemq. ab Hirtio, qui se scribit uehementer offensum esse ueteranis. exspectat animus, quidnam agant de kal. Martijs. nisi igitur Tironem, et cum Tirone plures, quibus singulis, ut quid accidisset, dares litteras. atque etiam scripsi ad Antonium de legatione; ne, si ad Dolabellam solum scripsissem, iracundus homo commoueretur. quòd autem aditus ad eum difficilior esse dicitur, scripsi ad Eutrapelum, ut is ei meas litteras redderet, legatione mihi opus esse. honestior est uotiu: sed licet uti utraque. De te quaeso etiam atque etiam uide. uelim possis coram: si minus, litteris idem consequemur. Graeci ad me scripsit, C. Cassium sibi scripsisse, homines comparari, qui armati in Tusculanum mitteren-



terentur. id quidem mihi non uidebatur: sed cauendum tamen, ut ille, quæ plures uident. debet aliquid crastinus dies ad cogitandum nobis dare. Vale.

CICERO S. D. ATTICO. 9

III. non. uespera a Balbo redditæ mihi litteræ, fore nonis senatum, ut Brutus in Asia, Cassius in Sicilia frumentum emendum, & ad urbem mittendum curarent. o rem miseram: primum ullam ab istis, dein, si aliquam, hæc legatariam provinciam: atque haud scio, an melius sit, quàm ad Eurotam sedere. sed hæc casus gubernabit. ait autem, eodem tempore decretum iri, ut & ijs, & reliquis prætorijs provinciæ decernantur. hoc certe melius, quàm illa Persice porticus. nolo enim Lacedæmonem longinquam Lanuium existimari. rides, inquires, in talibus rebus? quid faciam? plorando fessus sum. Di immortales, quàm me conturbatum tenuit epistolæ tuæ prior pagina. quid autem iste in domo tua casus armorum? sed hunc quidem nimbum cito transisse lætor. tu quid egeris tua cum tristi, tum etiam difficili ad consiliandum legatione, uehementer expecto. est enim inexplicabilis: ita circumsidemur cõpijs omnibus. me quidem Bruti litteræ, quas ostendis a te lectas, ita perturbarunt, ut, quamquam ante egebam consilio, tamen animi dolore sim tardior. sed plura, cum ista cognoro. hoc autem tempore, quod scriberem, nihil erat, eoq. minus, quòd dubitabam, tu has ipsas litteras esses ne accepturus.



rus . erat enim incertum , uisurus ne te esset tabel-  
larius . ego tuas litteras uehementer exspecto .

CICERO S. D. ATTICO. IO

O BRUTI amanterscriptas : o iniquum tuum  
tempus , qui ad eum ire non possis . ego autem quid  
scribam ? ut beneficio istorum utantur ? quid tur-  
pius ? ut moliantur aliquid ? nec audent , nec iam  
possunt . age , quiescant auctoribus nobis ? quis in-  
columitatem praestat ? si uero aliquid de Decimo  
gratius ; quæ nostris uita , etiam si nemo molestus  
sit ? ludos uero non facere , quid scdus ? frumen-  
tum imponere , quæ est alia Dionis legatio ? aut  
quod munus in rep. sordidius ? prorsus quidem con-  
silia tali in re ne ijs quidem tuta sunt , qui dant : sed  
possim id negligere proficiens : frustra uero quid  
ingrediar ? matris consilio cum utatur , uel etiam  
precibus , quid me interponam ? sed tamen cogi-  
tabo , quo genere utar litterarum : nam silere  
non possum . statim igitur mittam uel Antium ,  
uel Circeos . Vale .

CICERO S. D. ATTICO. II

ANTIVM ueniante VI. kal. Bruto iu-  
cundus noster aduentus . deinde , multis audienti-  
bus , Seruilia , Tertulla , Porcia , querere , quid  
placeret . aderat etiam Fauonius . ego , quod eram  
meditatur in uia , suadere , ut uteretur Asiatica cu-  
ratione frumenti ; nihil esse iam reliqui , quod agere-

NN mus,



## LIB. XV. EPIST.

mus, nisi ut saluos esse; in eo etiam ipsi reip. esse  
 præsidium. quam orationem cum ingressus essem,  
 Cassius interuenit. ego eadem illa repetiui. hoc lo-  
 co, fortibus sane oculis, Cassius, ( Martem spira-  
 re diceres ) se in Siciliam non iturum. ego ne ut be-  
 neficium accepisse in contumelia? quid ergo agis?  
 inquam. at ille, in Achaïam se iturum. quid tu, in-  
 quam, Brute? Romam, inquit, si tibi uidetur.  
 mihi nero minime: tuto enim non eris, quid, si  
 possem esse? placeret ne? atque ut omnino neque  
 nunc, neque ex prætura in prouinciam ires: sed  
 auctor non sum, ut te urbi committas. dicebam ea,  
 quæ tibi profecto in mentem ueniunt, cur non esset  
 tuto futurus. multo inde sermone querebantur, at-  
 que id quidem Cassius maxime, amissas occasiones;  
 Decimumq. grauiter accusabat. ea negabam opor-  
 tere præterita: assentiabar tamen. cumq. ingressus  
 essem dicere, quid oportuisset, nec uero quidquam  
 noui, sed ea, quæ quotidie omnes; nec tamen illum  
 locum attingere, quemquam præterea oportuisse  
 tangi, sed senatum uocari, populum ardentem stu-  
 dio uehementius incitari, totam suscipere remp.  
 exclamat tua familiaris: Hoc uero neminem unquã  
 audiui. ego repressi. sed & Cassius mihi uidebatur  
 iturus; ( etenim Seruilia pollicebatur se curatu-  
 ram, ut illa frumenti curatio de s. c. tolletur )  
 & noster cito deiectus est de illo inani sermone. uel-  
 le enim se dixerat. constituit igitur, ut ludi, ab-  
 sente, se fierent suo nomine. proficisci autem mi-  
 hi



hi in Asiam uidebatur ab Antio uelle. ne multa,  
nihil me in illo itinere, præter conscientiam, dele-  
tavit. non enim fuit committendum, ut ille ex  
Italia prius, quàm a me conuentus esset, disce-  
deret. hoc dempto munere amoris, atque officij,  
sequebatur, ut mecum ipse:

Ἡ δὲ ὁδὸς σοι τὶ δυνάται νῦν θεοῦ πότι;

prorsus dissolutum offendi nauigium, uel potius  
dissipatum. nihil consilio, nihil ratione, nihil ordi-  
ne. itaque etsi antea quidem dubitavi, tamen  
nunc eo minus, euolare hinc, idq. quāprimum, ubi  
Nec Pelopidarum facta, neque famam audiam.  
Sed heus tu, ne forte sis nescius, Dolabella me sibi  
legauit ad IV. non. Apr. id mihi heri uespero nun-  
ciatum est. uotiuā ne tibi quidem placebat. etenim  
erat absurdum, quæ, si stetisset resp. nouissem, ea  
me, euersa illa, uota dissoluere. & habent, opi-  
nor, liberæ legationes definitum tempus lege Iulia,  
nec facile addi potest: idq. adeo genus legationis,  
ut, cum uelis, introire, exire liceat. quod nunc  
mihi additum est. bella est autem huius iuris quin-  
quennij licentia. quamquam quid de quinquennio  
cogitem? contrahi mihi negotium uidetur. sed  
ἐλάττωμα mittamus. Vale.

CICERO S. D. ATTICO. 12

BENE mehercule de Buthroto. at ego Tiro-  
nem ad Dolabellam cum litteris, quia iusseras, mi-  
seram. quid nocet? De nostris autem Antiatis

NN 2



LIB. XV. EPIST.

satis uidebar plane scripsisse, ut non dubitares, essent quin otiosifuturi, usuriq. beneficio Antonij contumelioso. Cassius frumentariam rem aspernabatur. eam Seruilia sublaturam ex s. c. se esse dicebat. noster uero, καὶ μᾶλα σεμνῶς, in Asiam; postea quàm mihi est assensus, tuto se Romæ esse non posse. ludos enim absens facere malebat. statim autem se iturum, simul ac ludorum apparatus ijs, qui curaturi essent, tradidisset. nauigia colligebat: erat animus in cursu. interea in eisdem locis erant futuri. Brutus quidem se aiebat Asturæ. L. quidem Antonius liberaliter litteris sine cura me esse iubet. habeo unum beneficium: alterum forte, si in Tusculanum uenerit, o negotia non ferenda, quæ feruntur tamen. τὰν δ' αἰτίαν τῶν ἐρῶντων τίς εἶχεν? Octauiano, ut perspexi, satis ingenij, satis animi: uidebaturq. erga nostros ἡρώας ita fore, ut nos uellemus, animatus. sed quid ætati credendum sit, quid nomini, quid hereditati, quid κατηχῆται, magni consilij est: uitricus quidem nihil censebat; quem Asturæ uidimus. sed tamen alendus est, & ut nihil aliud, ab Antonio seiungendus. Marcellus præclare, si præcipit nostro nostri: cui quidem ille deditus mihi uidebatur: Pansa autem, & Hirtio non nimis credebatur. bona indoles, εὖν διαμένῃ.

CICERO S. D. ATTICO. 13

VIII. kal. duas ate accepi epistolas: respondebo igitur priori prius. Assentior tibi, ut nec duces



ces simus, nec agmen cogamus, faueamus tamen.  
Orationem tibi misi. eius custodienda, & profe-  
renda arbitrium tuum. sed quando illum diem, cum  
tu edendam putes? Inducias, quas scribis, non in-  
telligo fieri posse. melior est ἀνατιθέμεναι: qua  
me usurum arbitror. Quod scribis, legiones duas  
Brundisium uenisse: uos omnia prius: scribes igitur,  
quidquid audieris. Varronis διάλογον exspe-  
cto. Iam probo ἡρακλείδιον, praesertim cum tu  
tantopere delectere. sed, quale uis, uelim scire.  
Quod ad te antea, atque adeo prius scripsi, (sic  
enim mauis ad scribendum tibi uere dicere) fe-  
cisti me acriorem. ad tuum iudicium, quod mihi  
erat notum, addidisti Peducei auctoritatem, ma-  
gnam quidem apud me, & in primis grauem.  
enitar igitur, ne desideres aut industriam meam,  
aut diligentiam. Vectenum, ut scribis, & Fa-  
berium foueo. Clodium nihil arbitror malitiose.  
quamquam, si quid egerit de libertate retinenda,  
qua certe nihil est dulcius, tibi assentior. Ita ne  
Gallo? o hominem nequam. quid enim dicam  
aliud? cautum Marcellum, me sic, sed non ta-  
men cautissimum. Longiori epistolae, superiori-  
q. respondi. nunc breuiori, propiori-  
q. quid responde-  
am, nisi eam fuisse dulcissimam? Res Hispanienses  
ualde bonae. modo Balbium incolumem uidcam,  
subsidium nostrae senectutis. De Anniano item,  
quod me ualde obseruat Visellia. sed haec quidem  
humana. De Bruto te nihil scire dicis: sed Selicia,  
NN 3 uenisse



## LIB. XV. EPIST.

uenisse M. Scaptium, eumq. non qua pompa, ad se  
 tamen clam uenturum, sciturumq. me omnia. quæ  
 ego statim. interea narrat eadem, Bassi seruum ue-  
 nisse, qui nuntiaret, legiones Alexandrinas in ar-  
 mis esse, Bassum arcessi, Cassium expectari. quid  
 queris? uidetur resp. ius suum recuperatura. sed  
 ne quid ante. nosti horum exercitationem in latro-  
 cinio, & amentiam. Dolabella, uir optimus, etsi  
 cum scribebam, secunda mensa apposita, uenisse  
 eum ad Baias audiebam, tamen ad me ex Formia-  
 no scripsit, quas litteras, cum e balneo exiissem,  
 accepi, sese de attributione omnia summa fecisse.  
 Veetenum accusat. tricatur scilicet, ut homo talis.  
 sed ait totum negotium Sextium nostrum suscepisse,  
 optimum quidem illum uirum, nostriq. amantissi-  
 mum: quero autem, quid tandem Sextius in hac re  
 facere possit, quod non quiuis nostrum? sed, si quid  
 præter spem erit, facies ut sciam. sin est, ut arbi-  
 tror, negotium perditum; scribes tamen, neque ista  
 res commouebit. Nos hic φιλοσοφούμεθα, (quid e-  
 nim aliud?) & τὰ περὶ τοῦ καδὲνκοντος magnifice  
 explicamus, προσφωνοῦμενq. Cicroni. qua de re c-  
 nim potius pater filio? deinde alia. quid queris?  
 extabit opera peregrinationis huius. Varronem ho-  
 die, aut cras uenturum putabant. ego autem in  
 Pompeianum properabam; non quo hoc loco quid-  
 quam pulchrius; sed interpellatores illic minus mo-  
 lesti. sed perscribe quaeso, quæ causa sit Myrtillo:  
 (pœnas quidem illum pependisse audiuimus) & satis ne  
 pa-



patet, unde corruptus. Hæc cum scriberem, tantum quod existimabam ad te orationem esse perlata. hui quàm timco, quid existimes. etsi quid ad me? quæ non sit foras proditura, nisi rep. recuperata: de quo quid sperem, non audeo scribere. Vale.

## CICERO S. D. ATTICO. 14

VI. KAL. accepi a Dolabella litteras, quarum exemplum tibi misi: in quibus erat, omnia se fecisse, quæ tu uelles. statim ei rescripsi, & multis uerbis gratias egi: sed tamen, ne miraretur, cur idem iterum facerem, hoc causse sumpsi, quòd ex te ipso coram antea nihil potuisssem cognoscere. sed quid multa? litteras hoc exemplo dedi. Cicero S. D. Dolabellæ cos. suo. Antea cum per litteras Attici nostri de tua summa liberalitate, summoq. erga se beneficio certior factus essem; cumq. tu ipse etiam ad me scripsisses, te fecisse ea, quæ nos uoluisssemus: egi tibi gratias per litteras ijs uerbis, ut intelligeres, nihil te mihi gratius facere potuisse. postea uero quàm ipse Atticus ad me uenit in Tusculanum huius unius rei caussa, tibi ut apud me gratias ageret, cuius eximiam quandam, & admirabilem in caussa Buthrotia uoluntatem, & singularem erga se amorem perspexisset: teneri non potui, quin tibi apertius illud idem his litteris declararem. ex omnibus, enim mi Dolabella, studiis in me, & officiis, quæ summa sunt, hoc, scito mihi & amplissimum uideri, & gratissimum esse, quòd perfeceris,

NN 4 ut



ut Atticus intelligeret, quantum ego te, quam tu me amares. quod reliquum est, Butbrotiam & causam, & civitatem, quamquam a te constituta est, (beneficia autem nostra tueri solemus) tamen uelim, receptam in fidem tuam, a meq. etiam tibi commendatam, auctoritate, & auxilio tuo tectam uelis esse. satis erit in perpetuum Butbrotijs praesidium; magnaq. cura, & solitudine Atticum, & me liberaris; si hoc honoris mei causa susceperis, ut eos semper a te defensos uelis. quod ut facias, te uehementer etiam atque etiam rogo. His litteris scriptis, me ad σωλάζεις dedi: quæ quidem, uereor, ne miniata cærulea tua pluribus locis notanda sint: ita sum μετέωρος, & magnis cogitationibus impeditus.

CICERO S. D. ATTICO. 15

L. ANTONIO male sit, siquidem Butbrotijs molestus est. Ego testimonium composui: quod, cum uoles, obsignabo. Tu nummos Arpinatum, si L. Fadius adilis petet, uel omnes reddito. ego ad te alia epistola scripsi de HS CX, quæ Statio curarentur. si ergo petet Fadius, ei uolo reddi; præter Fadium, nemini. apud me item puto depositum. id scripsi ad Erotem, ut redderet. Reginam odi. me iure facere scit. sponsor promissorum eius Ammonius: quæ quidē erant φιλόλογα, et dignitatis meæ, ut uel in concione dicere auderem. Saram autem præterquam quod nefarium hominem cognoui, præterea



terea in me contumacem. semel eum omnino domi  
meæ uidi. cum φιλοφρονῶς ex eo quærerem, quid  
opus esset; Atticum se dixit quære. superbiam  
autem ipsius reginæ, cum esset trans Tiberim in hor  
tis, commemorare sine magno dolore non possum.  
nihil igitur cum istis: nec tam animum me, quàm  
stomachum, non habere arbitrantur. Profectionem  
meam, ut uideo, Erotis dispensatio impedit. nam  
cum ex reliquis, quæ nonis Apr. fecit, abundare  
debeā; cogor mutuari; quodq. ex istis fructuosis re  
bus receptum est, id ego ad illud sanum sepositum  
putabam. sed hæc Tironi mandavi, quem ob eam  
causam Romam misi. te nolui impeditum impedi  
re. Cicero noster quo modestior est, eo me magis  
commouet. ad me enim de hac re nihil scripsit, ad  
quem nimirum potissimum debuit. scripsit hoc au  
tem ad Tironem, sibi post kal. Apr. (sic enim an  
nuum tempus confici) nihil datum esse; tibi pro tua  
natura semper placuisse, teq. existimasse id etiam  
ad dignitatem meam pertinere, eum non modo libe  
raliter a nobis, sed etiam ornate, cumulateq. tra  
ctari. quare uelim cures, (nec tibi essem molestus,  
si per alium hoc agere possem) ut permutetur  
Athenas, quod sit in annum sumptum. &  
scilicet Eros numerabit. eius rei causa Tironem  
misi. curabis igitur, & ad me, si quid tibi de  
eo uidebitur, scribes.

CICERO



TAMDEM a Cicerone tabellarius: et mehercule litteræ πεπιναμένως scriptæ: quod ipsum προκοπὴν aliquam significaret. itemq. ceteri præclara scribunt. Leonidas tamen retinet suum illud adhuc. summis uero laudibus Herodes. quid quæris? uel uerba mihi dari facile patior in hoc, meq. libenter præbeo credulum. Tu uelim, si quid tibi est a tuis scriptum, quod pertineat ad me, certiore me facias.

NARRO tibi: hæc loca nenuſta ſunt, abdita certe, & si quid ſcribere uelis, ab arbitris libera: ſed nescio quo modo οἶκος φίλος: itaque me referunt pedes in Tuſculanum: et tamen hæc πρόπο-γραφή ripulæ uidetur habitura celerem ſatietatem. equidem etiam pluuias metuo, ſi prognostica noſtra uera ſunt: ranæ enim ῥήτορ δούσιν. Tu, quæſo, faciam, ubi Brutum noſtrum, & quo die uidere offim. Vale.

DVAS accepi poſtridie idus, alteram eo die datam, alteram idibus. prius igitur ſuperiori. De Bruto, cum ſcies. De conſulum ſictō timore cognoueram. Sica enim φιλοσόφως ille quidem, ſed tumultuoſius ad me etiam illam ſuſpicionē pertulit. Quid tu autem, τὰ μὲν δίδόμενα? nullum enim uerbum a, Siregio. non placet. De Pletorio uicino tuo, permoleſte tuli, quemquam prius audiſſe, quàm me.

De



De Syro prudenter. L. Antonium per Marcum fratrem, ut arbitror, facillime deterrebis auctoritate, uel ui. sed nō dum acceperas litteras. nec cuiquam, nisi L. Fadjo ædili. aliter enim nec ante, nec iure fieri potest. Quod scribis tibi deesse HS c., quæ Ciceroni curata sint: uelim ab Eroti quæras, ubi merces insularum. Arabioni de Sitio nihil irascor. ego de itinere, nisi explicato Λ, nihil cogito. quod idem tibi uideri puto. Habes ad superiorem: nunc audi ad alteram. Tu uero facis, ut omnia, quod Seruiliæ non dees, id est Bruto. De regina gaudeo te non laborare, certe etiam tibi probari. Erotis rationes & ex Tirone cognoui, & uocaui ipsum. Gratissimum, quod polliceris, Ciceroni nihil defuturum: de quo mirabilia Messalla; qui, Lanuuiο rediens ab illis, uenit ad me. & mehercule ipsius litteræ sic et φιλοσόφως, & πικρῶς scriptæ, ut eas uel in acroasi audeam legere. quo magis illi indulgendum puto. De Buciliano Sextium puto non moleste ferre. Ego, si Tiro ad me, cogito in Tusculanum. Tu uero, quidquid erit, quod me scire par sit, statim. Vale.

CICERO S. D. ATTICO. 18

XVII. kal. etsi satis uidebar scripsisse ad te, quid mihi opus sit, & quid te facere uellem, si tibi commodum esset: tamen, cum profectus essem, & in lacu nauigare, Tironem statui ad te esse mittendum, ut ijs negotijs, quæ agerentur, interesset. atque etiam scripsi ad Dolabellam, me, si ei uideretur,



retur, uelle proficisci: petijq. ab eo de mulis uectu-  
ra itineris. ut in eis, cum intelligo te distantissimu  
esse qua de Buthrotijs, qua de Bruto, cuius etiam  
ludorum suorum curam, etiam administrationem  
suspicio ex magna parte ad te pertinere: ut ergo in  
eiusmodi re, tribues nobis paullum operæ: nec enim  
multum opus est. mihi res ad eadem, & eam qui-  
dem propinquam, spectare uidetur. uides homines:  
uides arma. prorsus non mihi uideor esse tutus. sin-  
tu aliter sentis, uelim ad me scribas. domi enim  
manere si recte possum, multo malo. Vale.

CICERO S. D. ATTICO. 19

QVIDNAM est, quod audendum amplius  
de Buthrotijs? Stetisse enim te frustra scribis. quid  
autem se refert Brutus? doleo mehercule te tam  
esse detentum. Quod decem hominibus referendum  
est acceptum, est illud quidem ἐργῶδες, sed ἀνερ-  
γόν, mihiq. gratissimum. De armis, nihil uidi aper-  
tius. fugiamus igitur, & ut ais, coram Theopha-  
nes quid uelit, nescio. scripserat enim ad me. cui  
rescripsi, ut potui. mihi autem scripsit, uenire ad  
me se uelle, ut & de suis rebus, & quedam, quæ  
ad me pertinerent. tuas litteras exspecto, uide que  
so, ne quid temere fiat. Staius scripsit ad me, lo-  
cutum secum esse Q. Ciceronem ualde asscueran-  
ter, se hæc ferre non posse, certum sibi esse ad Bru-  
tum, & Cassium transire. hoc enim uero nunc di-  
scere aueo. hoc ego, quid sit, interpretari non pos-  
sum.



sum. potest aliquid iratus Antonio: potest gloriam nouam quærere: potest totum esse xediasqua: & nimirum ita est. sed tamen & ego uereor, & pater conturbatus est: scit enim, quæ ille de hoc. mecum quidem *ἀγῶν*. nolim. plane, quid uelit, nescio. A Dolabella mandata habebo, quæ mihi uidebuntur, id est nihil. Dic mihi, C. Antonius uoluit ne fieri septemuir? fuit certe dignus. De Menedemo est, ut scribis. facies omnia mihi nota. Vale.

CICERO S. D. ATTICO. 20

EGI gratias Vecteno. nihil enim potuit humanius. Dolabellæ mandata sint qualibet, modo aliquid, uel quod Niciæ nunciem. quis enim hæc, ut scribis anteno? nunc dubitare quemquam prudenter, quin meus discessus desperationis sit, non legationis? Quod ais, extrema quædam iam homines de rep. loqui, & eos quidem uiros bonos: ego quo die audiui illum tyrannum in concione clarissimum uirum appellari, subdissidere cæpi: postea uero quàm tecum Lanuuij uidi nostros tantum spei habere ad uiuendum, quamtum acceperant ab Antonio, desperavi. itaque, mi Attice, fortiter hoc uelim accipias, ut ego scribo. genus illud interitus, quo casurus est, fædum duces, & quasi denuncia-  
tum nobis ab Antonio. ex hac nassa exire constitui, non ad fugam, sed ad spem mortis melioris. hæc omnis culpa Bruti. Pompeium Carthæiæ receptum scribis. iam igitur contra hunc exercitum. utra ergo  
ca-



## LIB. XV. EPIST.

castra? media enim tollit Antonius. illa infirma, hæc nefaria. properemus igitur. sed iuua me consilio, Brundisione, an Puteolis. Brutus quidem subito: sed sapienter. *πάγωτι*: quando enim illum? sed humana ferenda. tu ipse eum uidere non potes. dii illi mortuo, qui umquam Butbrötum. sed acta missa. uideamus, quæ agenda sint. Rationes Erotis, etsi ipsum non dum uidi, tamen & ex litteris eius, & ex eo, quod Tiro cognouit, propemodum cognitās habeo. uersuram scribis esse faciendam mensium quinque, id est ad kal. Nou. HS CCC: in eam diem cadere nummos, qui a Quinto debentur. uelim igitur, quoniam Tiro negat tibi placere, me eius rei causa Romam uenire; si te ea res nihil offendet, uideas, unde nummi sint, mihi feras expensum. hoc uideo in præsentia opus esse. reliqua diligentius ex hoc ipso exquiram, in his, de mercedibus dotalium prædiorum: quæ si fideliter Ciceroni curabuntur, quamquam uolo laxius, tamen ei propemodum nihil deerit. equidem uideo mihi quoque opus esse uaticum: sed id ex prædijs, ut cadet, ita soluetur. mihi autem opus est uniuerso quidem: etsi mihi uidetur iste, qui umbras timet, ad cædem spectare: tamen, nisi explicata solutione, non sum discessurus. sit ne autem excitata, nec ne, tecum cognoscā. Hanc putavi mea manu scribendam: itaque feci. De Fadio, ut scribis: utique alij nemini. rescribas uelim hodie. Vale.

CICERO



CICERO S. D. ATTICO. 21

NARRO tibi: *Quintus* pateri exultat lætitia: scripsit enim filius, se iccirco profugere ad *Brutum* uoluisse, quod, cum sibi negotium daret *Antonius*, ut eum dictatorem efficeret, præsidium occuparet, id recusasset: recusasse autem se, ne patris animum offenderet: ex eo sibi illum hostem. tum me, inquit, collegi, uerens, ne quid mihi ille iratus tibi noceret: itaque eum placavi. & quidē cccc certa, reliqua in spe. scribit autem *Staius*, illum cum patre habitare uelle. hoc uero mirum: & id gaudet. quem tu illo certiore nebulonem? Επεχὼν uestram de re *Canij* deliberationis probo. nihil erā suspicatus de tabulis: ἀνεπαύως restitutam arbitra, bar. Quæ differs, ut mecum coram: expectabo. Tabellarios, quoad uoles, tenebis: es enim occupatus. Quod *Xenonem*, probe. Quod scribo, cum absolucro. *Quinto* scripsisti, te ad eum litteras. nemo attulerat. *Tiro* negat iam tibi placere *Brundisium*, & quidem dicere aliquid de militibus. at ego iam destinaram, *Hydruntem* quidem. mouebant me tuæ quinque horæ. hic autem quantus πλοῦς? sed uidebimus. Nullas a te xi. kal. quippe: quid enim iam noui? cum primum igitur poteris, uenies. ego propero, ne ante *Sextus*; quem aduentare aunt. Vale.

CICERO



CICERO S. D. ATTICO. 22

GRATVLOR nobis *Quintum* filium exiisse: molestus non erit. *Pansa* bene loqui credo: semper enim coniunctum esse cum *Hirtio* scio: amicissimum *Bruto*, & *Cassio* puto, si expediet: sed quando illos uidebit? inimicum *Antonio*: quando, aut cur? quousque ludemur? Ego autem scripsi *Sextum* aduentare, non quo iam adesset, sed quia certe id ageret, ab armisq. nullus discederet. certe, si pergit, bellum paratum est. hic autem noster *Cytherius*, nisi uictorem, neminem uicturum. quid ad hanc *Pansa*? utro erit, si bellum erit; quod uidetur fore? sed & hanc, & alia coram, hodie quidem, ut scribis, aut cras. Vale.

CICERO S. D. ATTICO. 23

MIRIFICE torqueor, sine dolore tamen: sed permulta mihi de nostro itinere in utramque partem occurrunt. quousque? inquires. quoad erit integrum: erit autem usque dum ad nauem. *Pansa* si rescripserit, & meam tibi, & illius epistolam mittam. *Silium* expectabam: cui *ὑπόμνημα* compositum, si quid noui. Ego litteras misi ad *Brutum*: cuius de itinere etiam ex te uelim, si quid scies, cognoscere.

CICERO S. D. ATTICO. 24

TABELLARIUS, quem ad *Brutum* miseram, ex itinere redijt VII. kal. ei *Seruilia* dixit,

eo



eo die Brutum Puteolis profectum. sane dolui meas redditas non esse. Silius ad me non uenerat. causam composui. eum libellum tibi misi. te quo die expectem, uelim scire.

CICERO S. D. ATTICO. 25

DE meo itinere uariae sententiae: multi enim ad me. sed tu incumbe quaeso in eam curam. magna res est. an probas, si ad kal. Ian. cogitamus? meus animus est aequus, sic tamen, ut si nihil offensionis sit. & tu etiam scribe, quo die Olympia cum mysteria scilicet, ut tu scires. casus consilium nostri itineris iudicabit. dubitemus igitur. hiberna enim nauigatio odiosa; eoq. ex te quaesieram mysteriorum diem. Brutum, ut scribis, uisum iri a me puto. ego hic. uolo prid. kal. Vale.

CICERO S. D. ATTICO. 26

DE Quincti negotio uideo a te omnia facta. ille tamen dolet, dubitans, utrum morem gerat Leptæ, an idem infirmet Silio Mandibili. L. Pisonem uellem exire legatū. Ἡ δὲ δοῦρά φησιν S. C. uelim scire, quid sit. Tabellarius ille, quem tibi dixeram a me ad Brutum esse missum in Anagninum, ad me uenit ea nocte, quæ proxima ante kal. fuit, litterasq. ad me attulit: in quibus unum alienum summa sua prudentia, ut spectem ludos suos. rescripsi scilicet, primum me iam profectum, ut non integrum sit: dein, ἀποπόταλον esse, me, qui Romam omnino post

OO hacc



## LIB. XV. EPIST.

*hac arma non accesserim, neque id tam periculi mei  
 causa fecerim, quam dignitatis, subito ad ludos ue  
 nire. tali enim tempore ludos facere illi honestum  
 est, cui non necesse est spectare: mihi ut non est ne  
 cesse, sic nec honestum est. equidem illos celebrari,  
 & esse quam gratissimos mirabiliter cupio: idq. ita  
 futurum esse confido: & tecum ago, ut iam ab ipsa  
 commissione ad me, quemadmodum accipiantur;  
 deinde omnino reliquorum dies singulos persequa  
 re. sed de ludis haetenus. Reliqua pars epistolae: il  
 la nanque in utramque. sed tamen non nullos inter  
 dum iacit igniculos uiriles. quod quale uideretur,  
 ut posses interpretari, nisi ad te exemplum episto  
 lae. quamquam mihi tabellarius noster dixerat, ti  
 bi quoque se attulisse litteras a Bruto, easq. a Tu  
 sculano esse delatas. Ego itinera sic composueram,  
 ut nonis Quint. Puteolis essem. ualde enim festi  
 no, ita tamen, ut, quantum homo possit, quam cau  
 tissime nauigem. M. Aelium cura libera: ei sine  
 paucos specus in extremo fundo, et eos quidem sub  
 terraneos, seruitutis apud Thalnae quid habituros:  
 id me iam iam nolle, neque mihi quidquam esse tan  
 ti, sed, ut mihi dicebas, quam lenissime, potius ut  
 cura liberetur, quam ut me succensere aliquid su  
 spicetur. Item de illo Tulliano, cupide libero. cum  
 Caselio loquare. parua res est: sed tu bene attendi  
 sti. nimis callide agebatur. ego autem, si mihi impo  
 sisset aliquid, quod pæne fecit, nisi tua malitia af  
 fuisset; animo iniquo tulissem. itaque, ut erit, rem  
 impe-*



impediri malo. Octauam partem Tullij luminariū\* in ædium ad strane meminereis. cui Cærellia uideris mancipio dare ad eam summam, quæ sub præcone fuit maxima. id opinor esse CCCLXXX. Noui si quid erit, atque etiam si quid prospicies, quod futurum putes, scribes ad me quam sapissime uelim. Varroni, quemadmodum tibi mandavi, memineris excusare tarditatem litterarum mearum. Mundus istum. M. Ennius quid egerit de testamento, (curiosus enim) facias me uelim certiores. Ex Arpinati, VI. non. Vale.

CICERO S. D. ATTICO. 27

GAVDEO id te mihi suadere, quod ego mea sponte pridie feceram. nam cum ad te VI. non. darem, eidem tabellario dedi etiam ad Sextium, scriptas πάνυ φιλοεργως. Ille autem, quod Puteolos prosequitur, humane: quod queritur, iniuste. non enim ego tam illum expectare, cum de Cossano rediret, debui, quàm ille aut non ire ante, quàm me uidisset, aut citius reuerti. sciebat etiam me celeriter uelle proficisci, seseq. ad me in Tusculanum scripserat esse uenturum. Te, ut a me discesseris, lacrymasse, moleste ferebam. quod si me præsentem fecisses, consilium totius itineris fortasse mutassem. sed illud præclare, quod te consolata est spes breui tempore congregiendi: quæ quidem expectatio me maxime sustentat. meæ tibi litteræ non deerunt. De Bruto, scribam ad te omnia. Librum tibi celeri-

OO 2 ter



## LIB. XV. EPIST.

ter mittam de gloria. excudam aliquid ἡρακλεί-  
διον, quod lateat in thesauris tuis. De Planco,  
memini. Attica iure queritur. Quod me de Bac-  
chi, de Statuarum coronis certiore fecisti, ual-  
de gratum: nec quidquam posthac non modo tan-  
tum, sed ne tantulum quidem praterieris. Et de  
Herode, & Metio meminero, & de omnibus, quæ  
te uelle suspicor. Modo turpem sororis tuæ filium,  
cum hæc scriberem. aduentabat autem Εουλύσει  
cenantibus uobis. Vale.

## CICERO S. D. ATTICO. 28

EGO, ut ad te pridie scripseram, nonis consti-  
tueram uenire in Tusculanum. ibi igitur quotidie  
tuas litteras expectabo, & maxime de ludis; de  
quibus etiam ad Brutum tibi scribendum est. cuius  
epistolæ, quam interpretari ipse uix poteram, ex-  
emplum pridie tibi miseram. Atticæ meæ uelim  
me ita excuses, ut omnem culpam in te transferas,  
& ei tamen confirmes, me minime totum amorem  
eo mecum abstulisse.

## CICERO S. D. ATTICO. 29

BRUTI ad te epistolam misi. dii boni, quanta  
ἀμύχανα cognosces, cum legeris. De celebratio-  
ne ludorum, tibi assentior. Ad M. Aelium nullus tu  
quidem domum, sed sicubi inciderit. De Tulliano  
semisse, M. Axianum adhibebis, ut scribis. Quod  
cum Cosiano egisti, optime. Quod non solum mea,  
uerum



uerum etiam tua expedis, gratum. Legationem probari meam, gaudeo. Quod promittis, dii faxint: quid enim mihi, meis, iucundius? sed istam, quam tu excipis, metuo: Brutum cum conuenero, perscribam omnia. De Planco, & Decimo, sane uelim Sextum scutum abijcere. De Mundo, si quid scies. Rescripsi ad omnia. nunc nostra accipe. Quintus filius usque Puteolos: mirus ciuis, ut tu Fauonium, Asinium dicas: & quidem duas ob causas, & ut mecum, & *πεισάδαι* uult cum Bruto, & Cassio. Sed tu quid ais? scio enim te familiarem esse Othonum. ait hic sibi Iuliam ferre: constitutum enim esse dissidium. quæsiuit ex me pater, qualis esset fama. dixi, nihil sane me audisse, (nesciebam enim cur quæreret) nisi de ore, & patre. sed cur tu, inquam? at ille, filium uelle. tum ego, etsi *ἐβδελυπόμενν*, tamen negaui. putaui illa esse uera. *σκοπὸς* hoc est enim huic nostro, nihil præbere. illa autem *οὐ παρὰ τοῦτο*. ego tamen suspicor hunc, ut solet, alucinari. sed uelim quæras, (facile autem potes) & me certiores. Obsecro te, quid est hoc? signata iam epistola, Formiani, qui apud me cenabant, Plancum se aiebant, hunc Buthrotium, pridie, quàm hoc scribebam, id est IIII. nonarum, uidisse demissum, sine phaleris; seruulos autem dicere, eum, & agripetas eiektos a Buthrotijs. mæte. sed amabo te, perscribe mihi totum negotium. Vale.



M. TVLLII CICERONIS  
EPISTOLARVM AD  
T. POMPONIVM ATTICVM  
LIBER XVI.

CICERO S. D. ATTICO.

N ONIS Quinti. ueni in Puteolanum,  
iens ad Brutum. in Neside hæc scripsi.  
sed eo die, quo ueneram, cenanti Eros  
tuas litteras. Ita ne? nonis Iulij? me-  
hercule istis. sed stomachari totum diem licet. quid-  
quam ne turpius, quam Bruto, Iulij? redeo ad  
meum, igitur ἐλθωμεν. nihil uidi. Sed quid est quæ-  
so, quod agripetas Buthroti concisos audio? quid  
autem Plancus tam cursim (ita enim audiebam)  
diem, & noctem? sane cupio scire, quid sit. Meam  
profectionem laudari gaudeo. Dymæos agro pul-  
sos, mare infestum habere, nil mirum. uidendum  
est, ut mansio laudetur. ἐν ὁμοπλαίᾳ Bruti uidetur  
aliquid præsidij esse: sed, opinor, minuta nauigia.  
sed iam sciam, & ad te cras. De Ventidio, πανικὸν  
puto. De Sexto, pro certo habebatur, ad arma.  
quod si uerum est; sine bello civili uideo seruien-  
dum. quid ergo? καλ. Ian. in Pansa spes. λῆπος πο-  
λὺς, in uino & in somno istorum. DE CCX, opti-  
me. Ciceronis rationes explicentur. Obius enim re-  
cessis multa, quæ uellem: in his ne hoc quidem ma-  
lum, in mandatis sat abunde: HS LXXII satis es-  
se,



se, affatim prorsus, sed Xenonem perexigue, & ὑλίχως præbere, id est minutatim. quo plus permutasti, quàm ad fructum insularum, id ille annus habeat, in quem itineris sumptus accessit. hinc ex kal. Apr. ad HS LXXX accommodetur. nunc enim insula tantum. uidendum enim est, quid, cum Romæ erit. non enim puto socrum illam ferendam. Pindaro decumano negaram. Nunc, cuius rei causa tabellarium miserim, accipe. Quinctus filius mihi pollicetur se Catonem. egit autem & pater, & filius, ut tibi sponderem, sed ita, ut tum crederes, cum ipse cognosces. huic ego litteras ipsius arbitratu dabo: eæ te ne mouerint. has scripsi in eam partem, ne me motum putares. dii faxint, ut faciat ea, quæ promittit. commune enim gaudium: sed ego: nihil dico amplius. is hinc VII. idus. ait enim attributionem in idus, se autem urgeri acriter. tu ex meis litteris, quo modo respondeas, meditabere. Plura, cum & Brutum uidero, & Erotem remittam. Attica meæ excusationem accipio, eamq. amo plurimum: cui, & Piliæ salutem. Vale.

CICERO S. D. ATTICO. 2

VI. idus duas epistolas accepi, unam a meo tabellario, alteram Bruti. De Buthrotijs longe alia fama in his locis fuerat: sed cum alijs multis hoc ferendum. Erotem remisi citius, quàm constituerã, ut esset cum Hortensio, et quia equitibus quidem ait se idibus constituisse. Hortensius uero impuden-

OO 4 ter.



## LIB. XVI. EPIST.

ter. nihil enim debetur ei, nisi ex tertia pensione, quæ est kal. Sext. ex qua pensione ipsa maior pars est ei soluta aliquanto ante diem. sed hæc Eros uidebit idibus. De Publilio autem, quod perscribi oportet, moram non puto esse faciendam. sed cum uideas, quantum de iure nostro decesserimus, qui de residuis cccc HS, cc præsentia soluerimus, reliqua perscribamus; loqui cum eo, si tibi uidebitur, poteris, eum commodum nostrum expectare debere, cum tanta sit a nobis iactura facta iuris. Sed amabo te, mi Attice, (uides ne quàm blâde?) omnia nostra, quoad eris Romæ, ita gerito, regito, gubernato, ut nihil a me expectes. quamquam enim reliqua satis apta sint ad soluendum; tamen fit sæpe, ut ij, qui debent, non respondeant ad tempus. si quid eiusmodi acciderit, ne quid tibi sit fama mea potius. non modo uersura, uerum etiam uenditione, si ita res coget, nos uindicabis. Bruto tuæ literæ gratae erant. sui enim apud illum multas horas in Neside, cum paullo ante tuas litteras accepissem. delectari mihi Tereo uidebatur, & habere maiorem Attio, quàm Antonio, gratiam. mihi autem quo letiora sunt, eo plus stomachi, & molestiæ est, populum R. manus suas non in defendenda rep. sed in plaudendo consumere. mihi quidem uidentur istorum animi incendi etiam ad representandam improbitatem suam. sed tamen, dum modo doleant aliquid, doleant quidlibet. Consilium meum quod ais quotidie magis laudari; non



non moleste fero; expectabamque, si quid de eo ad me scriberes. ego enim in uarios sermones incidebam: quin etiam iccirco traherebam, ut quamdiutissime integrum esset. sed quoniam Euro uilla extrudimur, Brundisium cogito. facilius enim, & exploratior deuitatio legionum fore uidetur, quam piratarum, qui apparere dicuntur. Sextius vi. id. expectabatur, sed non uenerat quod sciam. Cassius cum classicula sua uenerat. ego, cum eum uidissem v. kalendas, in Pompeianum cogitabam, inde Aculanum. nosti reliqua. De Tutia ita putaram. De C. Metio non credo, nec tamen curo plus quam tu. Planco, & Oppio scripsi equidem, quoniam rogaras: sed, si tibi uidebitur, ne necesse habueris reddere. cum enim tua causa fecerint omnia; uereor, ne meas litteras superuacaneas arbitrentur. Oppio quidem utique: quem tibi amicissimum cognoui. uerum, ut uoles tu. Quoniam scribis hiematurum te in Epiro, feceris mihi gratum, si ante eò ueneris, quam mihi in Italiam te auctore ueniendum est. litteras ad me quam sapissime, sed de rebus minus necessarijs aliquem nactus: sin autem erit quid maius, domo mittito. Ηρακλείδιον, si Brundisium salui, adoriemur. de gloria misi tibi. custodes igitur, ut soles: sed notentur eclogarij. quos Saluius, bonos auditores nactus, in conuiuio dumtaxat legat. mihi ualde placent: mallem tibi. Etiam atque etiam uale.



TV VERO sapienter. nunc demum enim re-  
 scribo ijs litteris, quas mihi misisti, conuento An-  
 tonio Tiburi. sapienter igitur, quod manus dedisti,  
 quodq. etiam ultro gratias egisti. certe enim, ut  
 scribis, deferemur ocyus a rep. quàm a re familia-  
 ri. quod uero scribis te magis delectari, O TITE,  
 SI QUID EGO: addis mihi scribendi alacrita-  
 tem. Quod Erotem non sine munusculo exspecta-  
 re dicis; gaudeo non fefellisse eam rem opinionem  
 tuam. sed tamen idem σῶταγμα misi ad te retra-  
 ctatius, & quidem ἀρχέτυπον ipsum, crebris locis  
 inculcatum, & resectum. hunc tu translatum in ma-  
 crocolum lege arcano conuiuiis tuis, sed, si me amas,  
 hilaris, & bene acceptis; ne in me stomachum eru-  
 pant, cum sint tibi irati. De Cicerone, uelim ita  
 sit, ut audiuiamus. De Xenone, coram cognoscam:  
 quamquam nihil ab eo arbitror neque indiligenter,  
 neque illiberaliter. De Herode, faciam, ut man-  
 das, & ea, quæ scribis, ex Saufeio, & e Xenone  
 cognoscam. De Quinto filio, gaudeo tibi meas lit-  
 teras prius a tabellario meo, quàm ab ipso, reddi-  
 tas. quamquam te nihil fefellisset. uerūtamen. sed  
 exspecto, quid ille tecum, quid tu uicissim: nec du-  
 bito, quin suo more uterque. sed eas litteras Cu-  
 rium mihi spero redditurum: qui quidem etsi per se  
 est amabilis, a meq. diligitur; tamen accedet ma-  
 gnus cumulus commendationis tuæ. Litteris tuis  
 satis



satis responsum est. nunc audi, quod, etsi intelligo scribi necesse non esse, scribo tamen. Multa me mouent in discessu, in primis mehercule, quod disiungor a te. mouet etiam nauigationis labor, alienus non ab ætate solum nostra, uerum etiam a dignitate; tempusq. discessus subabsurdum. relinquimus enim pacem, ut ad bellum reuertamur; quodq. temporis in prædiolis nostris, & bel-  
le ædificatis, & satis amœnis, consumi potuit, in peregrinatione consumimus. Consolantur hæc aut proderimus aliquid Ciceroni: aut, quantum profici possit, iudicabimus. deinde tu iam, ut spero, & ut promittis, aderis. quod quidem si acciderit, omnia nobis erunt meliora. Maxime autem me angit ratio reliquorum meorum. quæ quamquam explicata sunt; tamen, quod & Dolabellæ nomen in ijs est, & attributio est mihi nominum ignota, conturbor, nec ulla res magis angit ex omnibus. itaque non mihi uideor errasse, quod ad Balbum scripsi apertius, ut, si quid tale accidisset, ut non concurrerent nomina, subueniret; meq. tibi etiam mandasse, ut, si quid eiusmodi accidisset, cum eo communicares. quod facies, si tibi uidebitur, eoq. magis, si proficisceris in Epirum. Hæc ego conscen-  
dēs e Pompeiano tribus ætuariolis decemscalmis. Brutus erat in Neside etiam nunc, Neapoli Cas-  
sius. Ecquid amas Deiotarum, & non amas Eram?  
qui, ut Blesamius uenit ad me, cum ei præscriptum esset, ne quid sine Sextij nostri sententia ageret, ne-  
que



## LIB. XVI. EPIST.

que ad illum, neque ad quemquam nostrum retulit. Atticam nostram cupio suauari: ita mihi dulcis salus uisa est, per te missa ab illa. referes igitur ei plurimam, itemq. Piliæ dicas uelim. Vale.

CICERO S. D. ATTICO. 4

ITA ut heri tibi narraui, uel fortasse hodie, (Quintus enim altero die se aiebat) in Nesida VIII. idus. ibi Brutus. quàm ille doluit de nonis Iulijs. mirifice est conturbatus. itaque sese scripturum aiebat, ut uenationem etiam, quæ postridie ludos Apollinares futura est, proscriberent, III. idus Quint. Libo interuenit. is Philonem, Pompeij libertum, & Hilarum suum uenisse a Sexto cum litteris ad consules, siue quo alio nomine sunt: earum exemplum nobis legit, si quid uideretur. pauca παρα λέξις: ceteroqui & satis grauitè, & non contumaciter. tantum addi placuit, quod erat, COS. solum, ut esset, PRAET. TRIB. PL. SENATVI; ne illi non proferrent eas, quæ ad ipsos missæ essent. Sextum autem nunciauit cum una solum legione fuisse Carthagine, eiq. eo ipso die, quo oppidum Boream cepisset, nunciatum esse de Cesare: capto oppido, miram lætitiā, commutationemq. animorum, concursumq. undique; sed illum ad sex legiones, quas in ulteriore reliquisset, reuertisse. ad ipsum autem Libonem scripsit, nihil esse, nisi ad larem suum liceret. summa postulatorum, ut omnes exercitus dimittantur, qui ubique sint. Hæc fere de Sexto. De Buthrotijs undique quærens



rens nihil reperiēbam. alij, concisos agripetas :  
alij, Plancum, acceptis nummis, relictis illis, au-  
fugisse. itaque non uideo sciturum me, quid eius  
sit, ni statim aliquid litterarum. Iter illud Brun-  
disium, de quo dubitabam, sublatum uidetur. le-  
giones enim aduentare dicuntur : hac autem naui-  
gatio habet quasdam suspiciones periculi : itaque  
constituebam uti ὁμοπλοία. paratiorem offendi Bru-  
tum, quā audiebam. nam & ipse Domitius bo-  
na plane habet dicrota, suntq. nauigia præterea lu-  
culenta Sextij, Buciliani, ceterorum. nam Cas-  
sij classē, quæ plane bella est, non numero, ul-  
tra Fretum. illud est mihi submolestum, quod pa-  
rum Brutus properare uidetur. primum confecto-  
rum ludorum nuncios expectat : deinde, quantum  
intelligo, tarde est nauigaturus. consistens in locis  
pluribus. tamen arbitror esse commodius tarde na-  
uigare, quā omnino non nauigare. etsi, cum pro-  
cesserimus, exploratiora uidebuntur, et tectis ute-  
mur. Tuas iam litteras Brutus expectabat : cui qui-  
dem ego non nouum attuleram de Tereo Attij. ille  
Brutum putabat. sed tamen rumoris nescio quid af-  
flauerat, commissione Græcorum, frequentiam non  
fuisse : quæ quidem me minime fefellit : scis enim,  
quid ego de Græcis ludis existimem. nunc audi quod  
pluris est, quā omnia. Quinctum fuit mecum dies  
complures, & si ego cuperem, ille uel plures fuif-  
set : sed, quantum fuit, incredibile est, quā me in  
omni genere delectarit, in eoq. maxime, in quo mi-  
nime



## LIB. XVI. EPIST.

nime satisfaciebat. sic enim commutatus est totus et scriptis meis quibusdam, quæ in manibus habebam, et assiduitate orationis, et præceptis, ut tali animo in remp. quali nos uolumus, futurus sit. hoc cum mihi non modo confirmasset, sed etiam persuassisset; egit mecum accurate multis uerbis, tibi ut sponderem, se dignum & te, & nobis futurum; neque se postulare, ut statim crederes, sed, cum ipse perspexisset, tum ut se amares. quod nisi fidem mihi fecisset, iudicassetquæ. hoc, quod dico, firmum fore; non fecissem id, quod dicturus sum. duxi enim mecum adolescentem ad Brutum. sic ei probatum est, quod ad te scribo, ut ipse crediderit, me sponso-rem accipere noluerit, eumquæ. laudans amicissime mentionem tui fecerit, complexus, osculatusquæ. dimiserit. quamobrem etsi magis est, quod gratuler tibi, quam quod te rogem; tamen etiam rogo, ut, si quæ minus antea propter infirmitatem ætatis constanter ab eo fieri uidebantur, ea iudices illum abiecis- se; mihiquæ. credas, multum allaturum uel plurimum potius, ad illius iudicium confirmandum, auctoritatem tuam. Bruto cum sæpe iniecissem de ὁμοπλοία, non perinde, atque ego putaram, arripere uisus est. existimabam μετεωρότερον esse: & hercule erat, & maxime de ludis. at mihi, cum ad uillam redissem, Cn. Lucceius, qui multum utitur Bruto, narrauit, illum ualde morari, non tergiuersantem, sed expectantem, si qui forte casus. itaque dubito, an Venu-  
siam



siam tendam, & ibi expectem de legionibus: si ab-  
erunt, ut quidam arbitrantur, Hydruntem: si neu-  
trum erit ἀσφαλές, eodem reuertar. iocari me pu-  
tas? moriar, si quisquam me tenet præter te: ete-  
nim circumspice: sed ante erubesco. O dies in auspi-  
cijs Lepidi descriptos, & aptos ad consilium redi-  
tus nostri. magna ῥοπή ad proficiscendum tuis litte-  
ris. atque utinam te illic. sed ut conducere putabis.  
Nepotis epistolam expecto. cupidus ille meorum?  
qui ea, quibus maxime γαυριῶ, legenda non putet.  
& αἰς μετ' ἀμύμονα. tu uero ἀμύμων: ille quidem  
ἀμβρωτος. Mearum epistolarum nulla est σιωπῶ-  
ν. sed habet Tiro instar septuaginta. & quidem  
sunt a te quædam sumendæ. eas ego, oportet, per-  
spiciam, corrigam. tum denique edentur.

## CICERO S. D. ATTICO. 5

EGO adhuc (perueni enim Vibonem ad Sicā)  
magis commode, quàm strenue nauigauī: remis e-  
nim magnam partem: prodromi nulli. illud satis  
oportune. duo sinus fuerunt, quos transmitti opor-  
tet, Pæstanus, & Vibonensis: utrumque pedibus  
equis transmisimus. ueni igitur ad Sicam, octauo  
die e Pompeiano; cum unum diem Velie constitis-  
sem: ubi quidem fui sane libenter apud Thalnam  
nostrum: nec potui accipi, illo absente præsertim,  
liberalius. 1 x. kal. igitur ad Sicam. ibi tamquam  
domi meæ scilicet: itaque obduxi posterum diem.  
sed putabam, cum Rhegium uenissē, fore, ut il-  
lic,



## LIB. XVI. EPIST.

*lic, δολιχὸν πλόον ὀρμαίνοντες, cogitaremus, corbi-  
 ta ne Patras, an actuariolis ad Leucopetram Ta-  
 rentinorum, aut inde Corcyram: & si oneraria,  
 statim ne Freto, an Syracusis. hac super re scribam  
 ad te Rhegio. Mehercule, mi Attice, sepe mecum,  
 ἢ δεῦρ' ὁδὸς σοι τί δυνάται; cur ego tecum non sum?  
 cur, ocellos Italiae, uillulas meas non uideo? sed id  
 satis, superque, tecum me non esse, fugientem pe-  
 riculum. nec id nunc quidem, nisi fallor, ullum est.  
 ad ipsum enim reuocat me auctoritas tua. scribis  
 enim, in caelum ferri profectionem meam, sed ita,  
 si ante kal. Ian. redeam: quod quidem certe eni-  
 tar: malo enim uel cum timore domi esse, quam si-  
 ne timore Athenis tuis. sed tamen prospice, quod  
 ista uergant, mihiq. aut scribe, aut, quod multo  
 malim, affer ipse. hac haecenus. Illud uelim in bo-  
 nam partem accipias, me agere tecum, quod tibi  
 maiori curae sciam esse, quam ipsi mihi. nomina  
 mea, per deos, expedi, exsolue: bella reliqui. sed  
 opus est diligentia, coheredibus pro Cluuiano kal.  
 Sext. persolutum ut sit. cum Publilio quomodo a-  
 gendum sit, uidebis. non debet urgere, quoniam  
 iure non utimur: sed tamen ei quoque satisfieri pla-  
 ne uolo. Terentiae uero quid ego dicam? etiam an-  
 te diem, si potes. quin, si, ut spero, celeriter in Epi-  
 rum; hoc, quod satis dato debeo, peto a te, ut ante  
 prouideas, planeq. expedias, et solutum relinquas.  
 sed de his satis; metuoque, ne tu nimium putes.  
 nunc negligentiam meam cognosce. De gloria li-  
 brum*



brum ad te misi: & in eo proœmium id est, quod in Academico tertio, id euenit ob eam rem, quod habeo uolumen proœmiorum. ex eo eligere soleo, cum aliquid σύγγραμμα institui. itaque iam in Tusculano, qui non meminisset meo abusum isto proœmio, conieci id in eum librum, quem tibi misi. cum autem in naui legerem Academicos, agnouì erratum meum: itaque statim nouum proœmium exaravi, & tibi misi. tu illud desecabis, & hoc agglutinabis. Piliæ salutem dices, & Atticæ, delicijs, atque amoribus meis. Vale.

## CICERO S. D. ATTICO. 6

VIII. id. Sext. cum a Leucopetra profectus, (inde enim trans mittebam) stadia circiter CCC processissem, reiectus sum Austro uehementi ad eandem Leucopetram. ibi cum uentum expectarem, (erat enim uilla Valerij nostri, ut familiariter essem, & libenter) Rhegini quidam, illustres homines, eò uenerunt, Roma sane recentes, in ijs Bruti nostri hospes, qui Brutum Neapoli reliquisset. hæc afferebant, edictum Bruti, & Cassii, & fore frequentem senatum kalendis: a Bruto, & Cassio litteras missas ad consulares, et prætorios; ut adessent, rogare. summam spem nunciabant, fore, ut Antonius cederet, res conueniret, nostri Romam redirent. Addebant etiam, me desiderari, subacufari. quæ cum audissem, sine ulla dubitatione abieci consilium profectiõis; quo mehercule ne an-

P P tea



## LIB. XVI. EPIST.

tea quidem delectabar. lectis uero tuis litteris, admiratus equidem sum, te tam uehementer sententiam commutasse; sed, non sine causa, arbitrabar. etsi, quamuis non fueris suasor, & impulsor profectiois meae, approbator certe fuisti, dummodo kal. Ian. Romae essem. ita fiebat, ut, dum minus periculi uideretur, abessem, inflammam ipsam uenirem. sed haec, etiam si non prudenter, tamen ἀνεμέοντα sunt; primum, quod de mea sententia acta sunt; deinde, etiam si te auctore, quid debet, qui consilium dat, praestare praeter fidem? Illud admirari satis non potui, quod scripsisti his uerbis: Bene igitur tu, qui δ'δυνασίαν, bene relinquis patriam? An ego relinquebam? aut tibi tū relinquare uidebar, tu id non modo non prohibebas, uerum etiam approbabas? grauiora, quae restant. Velim χόλιον aliquod elimes ad me, oportuisse te istuc facere. Ita ne, mi Attice, defensione eget meum factum, praesertim apud te, qui id mirabiliter approbasti? ego uero istum ἀπολογισμὸν σωτάζομαι, sed ad eorum aliquem, quibus inuitis, & dissuadentibus profectus sum. etsi quid iam opus est χολίῳ? si perseuerassem, opus fuisset, at hoc ipsum non constanter. nemo doctus umquam (multa autem de hoc genere scripta sunt) mutationem consilij, inconstantiam dixit esse. deinceps igitur haec. NAM si a Phaedro nostro, expedita excusatio esset. nunc quid respondemus? Ergo id erat meum factū, quod Catoni probare non possim, flagitij scilicet plenum,



plenum, & dedecoris. utinam a primo ita tibi esset uisum. tu mihi, sicut esse soles, fuisses Cato. Extremum illud uel molestissimū. Nam Brutus noster filet: hoc est, non audet hominem id ætatis monere. aliud nihil habeo, quod ex ijs a te uerbis significari putem. & hercule ita est. Nam xvi. kal. Sept. cum uenissem Veliam, Brutus audiuit. erat enim cum suis nauibus apud Heletem fluium citra Veliam millia passuum III. pedibus ad me statim. dij immortales, quàm ualde ille reditu, uel potius reuersione mea letatus? effudit illa omnia, quæ tacuerat: ut recordarer illud tuum, Nam Brutus noster filet. maxime autem dolebat, me kal. Sext. in senatu non fuisse. Pisonem ferebat in cælum: se autem letari, quòd effugissem duas maximas uituperationes, unam, quam itinere faciendo me intelligebam suscipere, desperationis, ac relictionis reip. (flentes mecum uulgo querebantur, quibus de meo celeri reditu non probabam) alteram, de qua Brutus, & qui una erant, multi autem erant) letabantur, quòd eam uituperationem effugissem, me existimari ad Olympia. hoc uero nihil turpius quouis reip. tempore. sed hoc ἀναπολόγητον. ego uero Austro gratias miras, qui me a tanta infamia auerterit. Reuersionis has speciosas causas habes, iustas illas quidem, & magnas, sed nulla iustior, quàm quod tu idem alijs litteris: Prouide, si cui quod debetur, ut sit unde par pari respondeatur. mirifica enim



LIB. XVI. EPIST.

*Superbia* est propter metum armorum . in  
 Freto medio hanc epistolam legi, ut, quid possem pro  
 uidere, in mentem non ueniret mihi, nisi quod præ-  
 sens me ipse defenderem. Sed hæc hætenus. reliqua  
 coram. Antonij edictum legi a Bruto, & horum  
 contra, scriptum præclare. sed quid ista edicta ua-  
 leant, aut quò spectent, plane non uideo. nec ego  
 nunc, ut Brutus censebat, istuc ad remp. capeffen-  
 dam uenio. quid enim fieri potest? num quis Piso-  
 ni est assensus? num redijt ipse postridie? sed abes-  
 se hanc atatem longe a sepulcro negant oportere.  
 Sed obsecro te, quid est quod audini de Bruto? Pi-  
 liam *περάξει δαι παραλήσει*, te scripsisse aiebat. ual-  
 de sum commotus. etsi idem te scribere, sperare  
 melius. ita plane uelim. ei dicas plurimam salutem,  
 & suauissimæ Atticæ. Hæc scripsi nauigans, cum  
 Pompeianum accederem, XIV. kal.

CICERO S. D. ATTICO. 7

CUM sciam, quo die uenturus sim, faciam,  
 ut scias. impedimenta expectanda sunt, quæ Ana-  
 gnia ueniunt: & familia ægra est. kal. uesperii lit-  
 teræ mihi ab Octauiano redditæ sunt. magna mo-  
 litur. ueteranos, quique Casilini, & Calatiæ sunt,  
 perduxit ad suam sententiam: nec mirum: quinge-  
 nos denarios dat: cogitat reliquas colonias obire.  
 plane hoc spectat, ut se duce bellum geratur cum  
 Antonio. itaque uideo pacis diebus nos in armis  
 fore. quem autem sequamur? uide nomen: uide  
 atatem



etatem . atque a me postulat , primum ut clam colloquatur , uel Capuæ . puerile hoc quidem , si id putat clam fieri posse . docui litteris , id nec opus esse , nec fieri posse . misit ad me Cæcinam quemdam Volaterranum , familiarem suum , qui hoc pertulit , Antonium cum legione Alaudarum ad urbem pergere , pecunias municipijs imperare , legionem sub signis ducere . consultabat , utrum Romam cum ∞ ∞ ∞ ueteranorum proficisceretur , an Capuam teneret , & Antonium uenientem excluderet , an iret ad tres legiones Macedonicas , quæ iter secundum mare superum faciunt , quas sperat suas esse . hæc congiarium ab Antonio accipere noluerunt , ut hic quidem narrat , & ei conuicium grande fecerunt , concionantemq̃ . reliquerunt . quid quæris ? ducem se profitetur , nec nos sibi putat deesse oportere . equidem suasi , ut Romam pergeret . uidetur enim mihi & plebeculam urbanam , & , si fidem fecerit , etiam bonos secum habiturus . o Brute ubi es ? quam tamè ἀκαρίαν amittis . non equidem hoc diuinaui , sed aliquid tale putavi fore . Nunc tuum consilium exquiro . Romam ne uenio , an hic maneo , an Arpinum ? ἀσφαλείαν habet is locus . fugiam Romam , ne desideremur , si quid actum uidebitur . hoc igitur explica . numquam in maiore ἀπορίᾳ fui . Vale .

CICERO S. D. ATTICO. 8

BINAE mihi uno die litteræ ab Octauio : nunc quidem , ut Romam statim ueniam : uelle se

PP 3 rem



## LIB. XVI. EPIST.

rem agere per senatum . cui ego , non posse senatum ante kal . Ian . quod quidem ita credo . ille autem addit , consilio tuo . quid multa ? ille urget : ego autem *οὐκ ἐμπιστευω* . non confido etati : ignoro , quo animo : nil sine Pansa tuo uolo : uereor , ne ualeat Antonius : nec a mari discedere libet : & metuo , ne quæ ἀπιστία me absente . Varroni quidem displicet consilium pueri , mihi non . firmas copias habet : Brutum habere potest : & rem gerit palam : centuriat Capuæ , dinumerat . iam , iamq̃ . uideo bellum . ad hæc rescribe . Tabellarium meum kalendis Romæ profectum sine tuis litteris , miror . Vale .

CICERO S. D. ATTICO. 9

VI . ueni , ad me , in Sinuessanum . eodem die , uulgo loquebantur , Antonium mansurum esse Casilini . itaque mutavi consilium . Statueram enim recta Appia Romam . facile me ille esset affecutus . aiunt enim eum Casariana uti celeritate . uerti igitur me a Minturnis Arpinum uersus . constituerā , ut pridie idus aut Aquini manerem , aut in Arcano . nunc , mi Attice , tota mente incumbere in hanc curam . magna enim res est . tria sunt autem , maneam ne Arpini , an propius accedam , an ueniam Romam . quod censueris , faciam : sed quamprimum . auide exspecto tuas litteras . VI . idus mane , in Sinuessano . Vale .

C I -



CICERO S. D. ATTICO. 10

NONIS accepi a te duas epistolas: quarum alteram kal. dederas, alteram pridie. igitur prius ad superiorem. Nostrum opus tibi probari lator. ex quo ante ipse posuisti, quæ mihi florentiora sunt uisa tuo iudicio. cæulas enim tuas miniatulas illas extimescebam. De Sica ita est, ut scribis. ast ægre me tenui. itaque perstringam sine ulla contumelia Sicæ, & Septimiæ: tantum, ut sciant *παῖδες παλαιοῦ* sine uallo Luciliano, eum ex C. Fadij filia liberos habuisse. atque utinam eum diem uideam, cum ista oratio ita libere uagetur, ut etiam in Sicæ domum introeat. sed illo tempore opus est, quod fuit illis triumuiris. moriar, nisi facete. tu uero leges Sexto, eiusq. iudicium mihi perscribes *εἰς ἐμοὶ μύριοι*. Caleni interuentum, & Caluenæ cauebis. Quod ucreris, ne *ἀδόλεχτος*: mihi tu? quis minus? cui, ut Aristophani Archilochi iambus, sic epistola longissima quæque optima uidetur. Quod me admones, tu uero etiam si reprehenderes, non modo facile paterer, sed etiam letarer, quippe cum in reprehensione est prudentia cum *ἀμενεία*. ita libenter ea corrigam, quæ a te animaduersa sunt, eodem iure, quo Rubriana potius, quàm quo Scipionis: & de laudibus Dolabellæ deruam cumulum. attamen est isto loco bella, ut mihi uidetur, *εἰς πονεία*, quodd eum contra ciues in acie. illud etiam malo, indignius esse hunc uiuere, quàm, quid in-

PP 4 di-



LIB. XVI. EPIST.

dignius. Πεπλογραφίαν Varronis tibi probari non  
molestē fero: quo adhuc ἡρακλείδιον illud non ab-  
stuli. Quod me hortaris ad scribendum; amice tu  
quidem, sed me scito agere nihil aliud. Grauedo  
tuā mihi molesta est. quaeso adhibe, quam soles, di-  
ligentiam. ΟΤΙΤΕ, tibi prodesse letor. Ana-  
gnini sunt, Mustela ταξιάρχης, & Laco, qui plu-  
rimum bibit. Librum, quem rogas, perpoliam  
& mittam. Hæc ad posteriorem. Τὰ περὶ τοῦ κα-  
δήκοντος, quatenus Panetius, absolui duobus: il-  
lius tres sunt. sed cum initio diuississet ita, tria ge-  
nera exquirendi officij esse; unum, cum delibera-  
mus, honestum, an turpe sit; alterum, utile, an in-  
utile; tertium, cum hæc inter se pugnare uidean-  
tur, quo modo iudicandum sit: qualis causa Regu-  
li; redire honestum, manere utile: de duobus pri-  
mis præclare differuit; de tertio pollicetur se dein-  
ceps scripturum, sed nihil scripsit. eum locum Po-  
sidonius persecutus. ego autem & eius librum ac-  
cersiui, & ad Athenodorum Caluum scripsi, ut ad  
me τὰ κεφάλαια mitteret: quem exspecto: quem  
uelim cohortere, & roges, ut quamprimum: in  
eo est περὶ τῶ κατὰ περισσιν καδήκοντος. Quod  
de inscriptione quaeris; nō dubito, quin τὸ καθήκον  
officium sit, nisi quid tu aliud: sed inscriptio ple-  
nior, de officijs. προσφωνῶ autem Ciceroni filio.  
uisum est non ἀνοικεῖον. De Myrtilo, dilucide. o  
qualis tu semper istos. ita ne in D. Brutum? de  
istis. Ego me, ut scripseram, in Pompeianum non  
abdidi,



abdidi, primo tempeſtatibus, quibus nihil tatrius :  
deinde ab Octauio quotidie litteræ, ut negotium ſu-  
ſciperem, Capuam uenirem, iterum remp. ſerua-  
rem, Romam utique ſtatim. αἰδεῖσθαι μὲν ἀνήνασθαι,  
δεισάνδ' ὑποδέχθαι. is tamen egit ſane ſtrenue, &  
agit. Romam ueniet cum manu magna. ſed eſt  
plane puer. putat ſenatum ſtatim. quis ueniet? ſi  
uenerit, quis, incertis rebus, offendet Antonium?  
kal. Ian. erit fortasſe præſidio: aut quidem ante  
depugnabitur. puero municipia mire fauent. iter  
enim faciens in Samnium uenit Cales, manſit Thea-  
ni. mirifica ἀπάντησις & cohortatio. hoc tu pu-  
tares? ob hoc ego citius Romam, quàm conſtitue-  
ram. ſimul ac conſtituero, ſcribam. etſi non dum  
ſtipulationes legeram: nec enim Eros uenerat. ta-  
men rem pridie idus uelim conficias. Episto-  
las Catinam, Tauromenium, Syracuſas commodius mit-  
tere potero, ſi Valerius interpres ad me nomina  
gratioſorum ſcripſerit. abij enim ſunt alias, noſtriq.  
familiares fere demortui. publice tamen ſcripſi, ſi  
uti uellet eis Valerius, aut mihi nomina mitteret.  
De Lepidianis feris Balbus ad me. Vſque ad IIII.  
kal. exſpectabo tuas litteras: deq. Torquati nego-  
tiolo ſciturum puto. Quincti litteras ad te miſi, ut  
ſcires, quàm ualde eum amaret, quem dolet a te  
minus amari. Atticæ, quoniam, quod optimum  
in pueris eſt, hilarula eſt, meis uerbis ſuauium  
dices. Vale.

C I C E -



## LIB. XVI. EPIST.

CICERO S. D. ATTICO. II

OPPII epistolæ, quia perhumana erat, tibi misi exemplum. De Ocella, dum tu muginaris, nec mihi quidquam rescribis, cepi consilium domesticum: itaque me pridie idus arbitror Romæ futurum. commodius est uisum, frustra me istic esse, cum id non necesse esset, quàm, si opus esset, non adesse. & simul, ne intercluderer, metuebam. ille enim iam aduentare potest: etsi uarij rumores, multiq̃ue, quos cuperem ueros: nihil tamen certi. ego uero, quidquid est, tecum potius, quàm animi pendeam, cum a te absim, & de te, & de me. sed quid dicam? bonum animum. De ἡρακλείδῳ Varronis, negotia salsa. me quidem nihil umquam sic delectauit. sed hæc, & alia maiora coram. Vale.

CICERO S. D. ATTICO. I3

O CASVM mirificum. v. idus cum ante lucem de Sinuessano surrexissem, uenissemq̃. diluculo ad Pontem Tiretium, qui est Minturnis, in quo flexus est iter Arpinas, obuiam mihi fit tabellarius, qui me offendit δολιχὸν πλόον ὁρμαίνοντα. ego statim, cedo, inquam, si quid ab Attico. non dum legere poteramus. nam & lumina dimiseramus; nec satis lucebat. cum autem luceret, ante scripta epistola ex duabus tuis prior mihi legi cæpta est. illa omnium quidem elegantissima. ne sim saluus, si aliter scribo, ac sentio. nihil legi humanius.



nus . itaque ueniam , quò uocas , modo adiutore te .  
 sed nihil tam ἀπορροδιόνυσον mihi primo uidebatur ,  
 quàm ad eas litteras , quibus ego a te consilium pe-  
 tieram , te mihi ista rescribere . ecce tibi altera , qua  
 hortaris παρὶννεμόεντα μίμναι , Νήσον ἐπὶ Λυπίνε ,  
 Appiam ἐν ἀπισέρῃ χορτα . itaque eo die μάσι Aqui-  
 ni . longulum sane iter , & uia inepta . inde postri-  
 die mane proficiscens , has litteras dedi . & quidem ,  
 ut a me dimitterem inuitissimus , fecerunt Erotis  
 litteræ . rem tibi Tiro narrabit . tu , quid faciendum  
 sit , uidebis : præterea , possim ne propius accedere ,  
 ( malo enim esse in Tusculano , aut uspiam in sub-  
 urbano ) an etiam longius discedendum putas . cre-  
 bro ad me uelim scribas . erit autem quotidie , cui  
 des . Quod præterea consulis , quid tibi censeam  
 faciundum : difficile est , cum absim : uerumtamen ,  
 si pares æque inter se , quiescendum : sin , latius ma-  
 nabit , & quidem ad nos , deinde communiter , aui-  
 de tuum consilium exspecto . timeo , ne absim , cum  
 adesse me sit honestius : uenire non audeo . De An-  
 tonij itineribus nescio quid aliter audio , atque ut ad  
 te scribebam . omnia igitur uelim explices , & ad  
 me certa mittas . De reliquo quid ego tibi dicam ?  
 ardeo studio historiæ . incredibiliter enim me com-  
 mouet tua cohortatio . quæ quidem nec institui , nec  
 effici potest sine tua ope . coram igitur hoc quidem  
 conferemus . In præsentia mihi uelim scribas , qui-  
 bus cos . C . Fannius M . F . tribunus pl . fuerit . ui-  
 deor mihi audisse , P . Africano , L . Mummio . id  
 igi-



## LIB. XVI. EPIST.

igitur quæro. tu mihi deijs rebus, quæ nouantur,  
omnia certa, clara. III. id. ex Arpinati. Vale.

CICERO S. D. ATTICO. 13

NIHIL erat plane, quod scriberem. nam,  
cum Puteolis essem, quotidie aliquid noui de Octa-  
uiano, multa etiam falsa de Antonio. ad ea autem,  
quæ scripsisti, ( tres enim acceperam III. id. a te  
epistolas ) ualde tibi assentior, si multum possit  
Octavianus, multo firmitus acta tyranni comproba-  
tum iri, quàm in Telluris, atque id contra Brutum  
fore. sin autem uincitur, uides intolerabilem An-  
tonium: ut, quem uelis, nescias. O Sextij tabel-  
larium hominem nequam. postridie Puteolis Ro-  
mæ se dixit fore. Quod me mones, ut pedetentim:  
assentior, etsi aliter cogitabam. nec me Philippus,  
aut Marcellus mouet. alia enim eorum ratio: et si  
non est, tamen uidetur. sed in isto iuvene, quan-  
quam animi satis, auctoritatis parum est. tamen  
uide, si forte in Tusculano recte possim, ne id me-  
lius sit: ( ero libentius: nihil enim ignorabo ) an  
hoc, cum Antonius uenerit. Sed, ut aliud ex alio,  
mihi non est dubium, quin, quod Græci καθήκον,  
nos officium. id autem, quid dubitas, quin etiam  
in rep. præclare caderet? non ne dicimus, consu-  
lum officium, senatus officium? præclare conuenit;  
aut da melius. Male narras de Nepotis filio. ual-  
de me hercule moueor, & moleste fero. nescieram  
omnino esse istum puerum. Caninium perdidit, ho-  
minem,



minem, quod ad me attinet, non ingratum. Athe-  
nodorum, nihil est, quod hortere. misit enim satis  
bellum ὑπόμνημα. Grauedini, quaeso, omni ratione  
subueni. Quinctus, tui patris nepos, scribit ad pa-  
tris mei nepotem, se ex nonis ijs, quibus nos ma-  
gna gessimus, adem Opis explicaturum, idq. ad  
populum. uidebis igitur, & scribes. Sexti iudi-  
cium exspecto. Vale.

CICERO S. D. ATTICO. 14

NOLI putare, pigritia facere me, quod non  
mea manu scribam: sed mehercule pigritia: nihil  
enim habeo aliud, quod dicam. & tamen in tuis  
quoque epistolis Alexim uideor agnoscere. sed ad  
rem uenio. Ego, si me non improbissime Dolabella  
tractasset, dubitassem fortasse, utrum remissior es-  
sem, an summo iure contenderem: nunc uero etiam  
gaudeo mihi causam oblatam, in qua & ipse sen-  
tiat, & reliqui omnes me ab illo alienatum: idq.  
præmeseram, & quidem me mea facere, & reip.  
causa, cur illum oderim, quod, cum eam me au-  
ctore defendere cœpisset, non modo deseruit emptus  
pecunia, sed etiam, quantum in ipso fuerit, euer-  
terit. Quod autem queris, quo modo agi placeat,  
cum dies uenerit: primum uelim eiusmodi sit, ut nō  
alienum sit, me Romæ esse; de quo ut de ceteris  
faciam, ut tu censueris: summa autem agi pror-  
sus uehementer, & seuerè uolo. etsi, sponsores  
appellare, uidetur habere quandam δυσωπία. ta-  
men,



## LIB. XVI. EPIST.

men, hoc quale sit, consideres uelim. possumus enim, ut sponsores appellentur, procuratorem introducere. neque enim illi litem contestabuntur. quo facto, non sum nescius sponsores liberari. sed & illi turpe arbitror, eo nomine, quod satisfato debeat, procuratores eius non dissoluere: & nostræ grauitatis, ius nostrum sine summa illius ignominia persequi. de hoc quid placeat, rescribas uelim. non dubito, quin hoc totum lenius administraturus sis. Redeo ad remp. Multa mehercule a te sæpe ἐν πολιτικῷ genere prudenter: sed his litteris nihil prudentius: Quamquam enim posset in præsentia belle iste puer retundere Antonium, tamen exitum exspectare debemus. at, quæ concio? nam est missa mihi. iurat, ita sibi parentis honores consequi liceat: & simul dextram intendit ad statuam. μὴ δὲ σῶδειν, εἴποτε τοιοῦτο. sed, ut scribis, certissimum esse uideo discrimen Cascae nostri tribunatum: de quo quidem ipso dixi Oppio, cum me hortaretur, ut adolescentem, totamq. causam, manumq. ueteranorum coupleterer, me nullo modo facere posse, ni mihi exploratum esset, eum non modo non inimicum tyrannoctonis, uerum etiam amicum fore. cum ille diceret, ita futurum: quid igitur festinamus? inquam. illi enim mea opera ante kal. Ian. nihil opus est: nos autem eius uoluntatem ante idus Dec. perspiciemus in Casca. mihi ualde assensus est. Quamobrem hæc quidem habetenus. Quod reliquum est, quotidie tabellarios habebis,



bebis, & ut ego arbitror, etiam, quid scribas, quotidie. Leptæ litterarum exemplum tibi misi: ex quo mihi uidetur σπατηλᾶς ille deiectus de gradu. sed tu, cum legeris, existimabis.

OBSIGNATA iam epistola, litteras ate, & a Sexto accepi. nihil iucundius litteris Sexti, nihil amabilius. nam tuæ breues: priores erant uberri-  
mæ. Tu quidem & prudenter, & amice suades, ut in his locis potissimum sim; quoad audiamus, hæc, quæ commotta sunt, quorsum euadant. sed me, mi Attice, non sane hoc quidem tempore mouet resp. non quo ea sit mihi quidquā carius, aut esse debeat: sed desperatis etiā Hippocrates uetat adhibere medicinam. quare ista ualeant. Me res familiaris mouet: rem dico? immo uero existimatio. cum enim tanta reliqua sint; ne Terentiæ quidem adhuc quod soluam expeditum est. Teretiam dico? scis nos pri-  
dem iam constituisse Montani nomine HS XXI I. dissoluere. pudenter hoc Cicero petierat, uti de suo. liberalissime, ut tibi quoque placuerat, promiseram; Eroti quæ dixeram, ut sepositum haberet. nō modo, sed iniquissimo fœnore uersuram facere Aurelius coactus est. nam de Terentiæ nomine Tiro ad me scripsit, te dicere, nummos a Dolabella fore. male eum credo intellexisse, si quisquam male intelligit; potius, nihil intellexisse. tu enim ad me scripsisti Cocceij responsum, & iisdem pæne uerbis Eros. ueniendum est igitur uel in ipsam flammam. turpius est enim priuatim cadere, quàm publice. itaque ce-  
teris



## LIB. XVI. EPIST.

teris de rebus, quas ad me suauissime scripsisti, perturbato animo, non potui, ut consueueram, rescribere. consenti in hac cura, ubi sum, ut me expediā: quibus autem rebus, uenit quidem mihi in mentem; sed certo constituere nihil possum, prius quā te uidero. qui minus autem ego istic recte esse possim, quā est Marcellus? sed non id agitur: neque id maxime curo: quid curem, uides. adsum igitur. Vale.

CICERO S. D. ATTICO. 15

IVCUNDISSIMAS tuas legi litteras. ad Plancum scripsi. habes exemplum. cum Tirone quid sit locutus, cognoscā ex ipso. Cum sorore ages attentius, si te occupatione ista relaxaris. Vale.

M. Cicero L. Planco præt. des. S. Attici nostri te ualde studiosum esse cognoui, mei uero ita cupidum, ut mehercule paucos æque obseruantes, atque amantes me habere existimem. ad paternas enim magnas, & ueteres, & iustas necessitudines magnam attulit accessionem tua uoluntas erga me, mea q. ergate par, atque mutua. Buthrotia tibi causa ignota non est: egi enim sæpe, tibi q. totam rem demonstraui: quæ est acta hoc modo. Ut primum Buthrotium agrum proscriptū uidimus; commotus Atticus libellum composuit. eum mihi dedit, ut darem Cæsari; eram enim cenaturus apud eum illo die. cum libellum Cæsari dedi, probauit causam, rescripsit Attico, æqua eum postulare: admonuit tamen, ut pecuniam reliquam Buthrotij ad diē soluerent.



soluerent. Atticus, qui ciuitatem conseruatam u-  
peret, pecuniam numerauit de suo. quod cum esset  
factum, adiuimus ad Cæsarem, uerba fecimus pro  
Buthrotijs, liberalissimum decretum abstulimus;  
quod est obsignatum ab amplissimis uiris. quæ cum  
essent acta; mirari quidem solebam, pati Cæsarem  
conuenire, eos, qui agrum Buthrotiū concupissent,  
neque solum pati, sed etiam ei negotio te præficere.  
itaque & ego cum illo locutus sum, & sæpius qui-  
dem; ut etiam accusarer ab eo, quod parum con-  
stantiæ suæ considerem: & M. Messallæ, & ipsi  
Attico dixit, ut sine cura essent: aperteque osten-  
debat, se præsentium animos (erat enim popula-  
ris, ut noras) offendere nolle: cum mare transis-  
sent, curaturum se, ut in alium agrum deduceren-  
tur. hæc illo uiuo, post interitum uero Cæsaris, ut  
primum ex S. C. causas consules cognoscere insti-  
tuerunt, hæc, quæ scripsi, ad eos delata sunt. pro-  
bauerunt causas sine ulla dubitatione, seq. ad te  
litteras daturos esse dixerunt. Ego autem, mi Plan-  
ce, etsi non dubitabam, quin & S. C. & lex, &  
consulum decretum, ac litteræ apud te plurimum  
auctoritatis haberent, teq. ipsius Attici causa uel  
le intellexeram: tamen hoc pro coniunctione, &  
beneuolentia nostra mihi sumpsi, ut id a te peterẽ,  
quod tua singularis humanitas, suauissimiq. mores  
a te essent impetraturi. id autem est, ut hoc, quod  
te tua sponte facturum esse certo scio, honoris no-  
stri causa libenter, prolixè, celeriter facias. mi-

QQ hi



## LIB. XVI. EPIST.

hi nemo est amicior, nec iucundior, nec carior *Attico*: cuius antea res solū familiaris agebatur, eaq. magna; nunc accessit etiam existimatio, ut, quod consecutus est magna & industria, & gratia, & uiuo *Cæsare*, & mortuo, id te adiuuante obtineat. quod si a te erit impetratum, sic uelim existimes, me de tua liberalitate ita interpretaturum, ut tuo summo beneficio me affectum iudicem. ego, quæ te uelle, quæq. ad te pertinere arbitror, studiose, diligenterq. curabo. da operam, ut ualeas. *Vale.*

*Cicero Planco prætoris des. S.* Iam antea petiui abs te per litteras, ut, cum caussa *Buthrotiorum* probata a consulibus esset, quibus & lege, & *S. C.* permissum erat, ut de *Cæsaris* actis cognoscerent, statuerent, iudicarent, eam rem tu adiuuares, *Atticum*q. nostrum, cuius te studiosum cognoui, & me, qui non minus laboro, molestia liberares. omnibus enim rebus magna cura, multa opera, & labore confectis, in te positum est, ut nostræ solitudinis finem quamprimum facere possimus, quamquam intelligimus, ea te esse prudentia, ut uideas, si ea decreta consulum, quæ de *Cæsaris* actis interposita sunt, non seruentur, magnam perturbationem rerum fore. equidem, cum multa, quod necesse erat in tanta occupatione, non probentur, quæ *Cæsar* statuerit; tamen otij, pacisq. caussa acerrime illa soleo defendere: quod tibi idem magnopere faciendum censeo. quamquam hæc epistola non suavis est, sed rogatoris. Igitur mi *Plance* rogo te, et  
etiam



etiam oro, sic mediū fidiū, ut maiore studio, magisq. ex animo agere non possim, ut totum hoc negotium ita agas, ita tractes, ita conficias, ut, quod sine ulla dubitatione apud consules obtinuimus propter summam bonitatem, & æquitatem causæ, id tu nos obtinuisse non modo facile patiare, sed etiam gaudeas. quā quidem uoluntate esse erga Atticum, sæpe præsens & illi ostendisti, & uero etiam mihi. quod si feceris, me, quem uoluntate, & paterna necessitudine coniunctum semper habuisti, maximo beneficio deinctum habebis. idq. ut facias, te uehementer etiam atque etiam rogo. Vale. Cicero Capitori suo S. Numquam putauī fore, ut supplex ad te uenirem: sed hercule facile patior datum tempus, in quo amorem experirer tuum. Atticum quanti faciam, scis. amabo te, da mihi & hoc: obliuiscere mea causā, illum aliquando suo familiari, aduersario tuo, uoluisse consultum, cum illius existimatio ageretur. hoc primum ignoscere, est humanitatis tuæ: suos enim quisque debet tueri: deinde, si me amas, omitte Atticum Ciceroni tuo: quē quanti facias, præ te soles ferre. totum hoc, ut, quod semper existimaui, nunc plane intelligam, me a te multum amari. Buthrotios cum Cæsar decreto suo, quod ego obsignaui cum multis amplissimis uiris, liberauisset, ostendissetq. nobis, se, cum agrarij mare transissent, litteras missurum, quem in agrum deducerentur: accidit, ut subito ille interiret. deinde, quemadmodum tu scis, (interfuiſti

QQ 2 enim



## LIB. XVI. EPIST.

enim, cum consules oporteret ex S. C. de actis Cæsaris cognoscere) res ab ijs in kal. Iun. dilata. accessit ad S. C. lex, quæ lata est ad vi. non. Iun. quæ lex earum rerum, quas Cæsar statuisset, decreuisset, egisset, consulibus cognitionem dedit. causa Buthrotiorum delata est ad consules. decretum Cæsaris recitatum est, & multi præterea libelli Cæsaris prolati. consules de consilij sententia decreuerunt secundum Buthrotios; Plancum dederunt. Nunc mi Capito (scio enim quantum semper apud eos, quibuscum sis, posse soleas, eo plus apud hominem facillimum, atque humanissimum Placum) enitere, elabora, uel potius eblandire, effice, ut Plancus, quem spero optimum esse, sit etiam melior opera tua. omnino res huiusmodi uidetur esse, ut sine cuiusquam gratia Plancus ipse pro ingenio, & prudentia sua non sit dubitaturus, quin decretum consulum, quorum & lege, & S. C. cognitio, & iudicium fuit, conseruet, præsertim cum, hoc genere cognitionum labefactato, acta Cæsaris in dubium uentura uideantur: quæ non modo ij, quorum interest, sed etiam ij, qui illa non probant, otij causa confirmare uelint. quod cum ita sit; tamen interest nostra, Plancum hoc animo libenti prolixoq. facere. quod certe faciet, si tu neruulos tuos, mihi sæpe cognitos, suauitatemque, qua nemo tibi par est, adhibueris. quod ut facias, te uehementer rogo. Vale. Cicero Cupiennio S. Patrem tuum plurimi feci; meq. ille mirifice & coluit, & amauit.



uit. nec mehercule umquam mihi dubium fuit, quin  
a te diligerer. ego quidem id facere non destiti. quā  
obrem peto a te in maiorem modum, ut ciuitatem  
Buthrotiam subleues, decretumq. consilium, quod  
ij secundum Buthrotios fecerunt, cum & lege, &  
S. C. statuendi potestatem haberent, des operam,  
ut Plancus noster quamprimum confirmet, & pro  
bet. hoc te uehementer, mi Cupienni, etiam atque  
etiam rogo. Vale. Cicero Planco præt. des. S.  
Ignosce mihi, quod, cum antea accuratissime de  
Buthrotijs ad te scripserim, eadem de re sæpius scri  
bam. non mehercule mi Plance facio, quod parum  
confidam aut liberalitati tuæ, aut nostræ amicitie;  
sed cum tanta res agatur Attici nostri, nunc uero  
etiam existimatio, ut id, quod probauit Cæsar,  
nobis testibus, & obsignatoribus, qui & decretis,  
& responsis Cæsaris interfueramus, uideatur obti  
nere potuisse, præsertim cum tota potestas eius rei  
tua sit, ut ea, quæ consules decreuerunt secundum  
Cæsaris decreta, & responsa, non dicam compro  
bes, sed studiose, libenterq. comprobes. id mihi sic  
erit gratum, ut nulla res gratior esse possit. etsi iam  
sperabam, cum has litteras accepisses, fore, ut ea,  
quæ superioribus litteris a te petissemus, impetra  
ta essent: tamen non faciam finem rogandi, quoad  
nobis nunciatum erit, te id fecisse, quod magna cū  
spe exspectamus. deinde enim, confido fore, ut alio  
genere litterarum utamur, tibiq. pro tuo summo  
beneficio gratias agamus. quod si acciderit, uelim

QQ 3 sic



## LIB. XVI. EPIST.

sic existimes, non tibi tam Atticum, cuius perma-  
 gna res agitur, quam me, qui non minus laboro,  
 quam ille, obligatum fore. Vale. Cicero Capi-  
 toni S. Non dubito, quin mirere, atque etiam sto-  
 machere, quod tecum de eadem re agam saepius.  
 Hominis familiarissimi, et mihi omnibus rebus con-  
 iunctissimi, permagna res agitur Attici. cognoui  
 ego tua studia in amicos, etiam in te amicorū. mul-  
 tum potes nos apud Plancum iuuare. noui humani-  
 tatem tuam: scio, quam sis amicis iucundus. nemo  
 nos in hac causa plus iuuare potest, quam tu. Et  
 res ista est firma, ut debet esse, quam consules de  
 consilij sententia decreuerunt, cum Et lege, Et S.  
 C. cognoscerent. tamen omnia posita putamus in  
 Planci tui liberalitate: quem quidem arbitramur  
 cum officij? tui, Et reip. causa decretum consulum  
 comprobaturum, tum libenter nostra causa esse  
 facturum. adiunabis igitur, mi Capito: quod ut fa-  
 cias, uehementer etiam atque etiam rogo. Vale.



308

T. POMPONII ATTICI  
VITA PER CORNELIVM  
NEPOTEM.

POMPONIVS Atticus, ab origine ultima stirpis Romanæ generatus, perpetuo a maioribus acceptam equestrem obtinuit dignitatem. patre usus est diligente, indulgente, & ut tum erant tempora, diti, in primisq. studioso litterarum. hic, prout ipse amabat litteras, omnibus doctrinis, quibus puerilis ætas impertiri debet, filium erudiuit. erat autem in puero, præter docilitatem ingenij, summa suauitas oris, & uocis, ut non solum celeriter acciperet, quæ tradebantur, sed etiam excellenter pronunciaret. quæ ex re a pueritia nobilis inter æquales ferebatur, clariusq. exsplendescibat, quàm generosi condiscipuli animo æquo ferre possent. itaque incitabat omnes studio suo. quo in numero fuerunt L. Torquatus, C. Marij filius, M. Cicero: quos consuetudine sua sic sibi deuinxit, ut nemo ijs perpetuo fuerit carior. pater mature decessit. ipse adolescentulus propter affinitatem P. Sulpicij, qui tribunus pl. interfectus est, non expers fuit illius periculi. namque Anicia, Pomponij consobrina, nupsit Servio fratri Sulpicij. itaque, interfecto Sulpicio, postea quàm uidit Cinnano tumultu ciuitatem esse perturbatam, neque sibi dari facultatem

QQ 4 pro



A T T I C I

pro dignitate uiuendi, quin alterutram partem offenderet, dissociatis animis ciuium, cum alij Sullanis, alij Cinnanis fauerent partibus, idoneum tempus ratus studijs obsequendisuis, Athenas se contulit: neque eo secius adolescentem Marium, hostem iudicatum, iuuat opibus suis: cuius fugam pecunia subleuauit. ac, ne illa peregrinatio detrimentum aliquod afferret rei familiari, eodem magnam partem fortunarum traiecit suarum. hic ita uixit, ut uniuersis Atheniensibus merito esset carissimus. nam præter gratiam, quæ iam in adolescentulo magna erat, sæpe suis opibus inopiam publicam leuauit. cum enim uersuram facere publice necesse esset; neque eius condicionem equam haberent; semper se interposuit, atque ita, ut neque uersuram umquam ab ijs acceperit, neque longius, quam dictum esset, debere passus sit. quod utrumque erat ijs salutare. nam neque indulgendo inueterascere eorum æs alienum patiebatur, neque multiplicandis usuris crescere. auxit hoc officium alia quoque liberalitate: nam uniuersos frumento donauit, ita ut singulis v i. modij tritici darentur, qui modus mēsuræ medimnus Athenis appellatur. hic autem sic se gerebat, ut communis infimis, par principibus uideretur. quo factum est, ut huic omnes honores, quos possent, publice haberent, ciuemq. facere studerent. quo beneficio ille uti noluit. quod non nulli ita interpretantur. amitti ciuitatem Romanā alia adscita. Quam diu affuit, ne qua sibi statua



statua poneretur, restitit; absens prohibere non  
 potuit. itaque aliquot ipsi, & Phidia locis sanctis-  
 simis posuerunt. hunc enim in omni procuratione  
 reip. actorem, auctoremq. habebant. Igitur pri-  
 mum illud munus fortunæ, quod in ea potissimum  
 urbe natus est, in qua domicilium orbis terrarum  
 esset imperij, ut eandem & patriam haberet, &  
 domum: hoc specimen prudentiæ, quod, cum in eam  
 se ciuitatem contulisset, quæ antiquitate, humanita-  
 te, doctrinaq. præstaret omnes, ei unus ante alios  
 fuerit carissimus. Huc ex Asia Sulla decedens cum  
 uenisset; quàm diu ibi fuit, secum habuit Pompo-  
 nium, captus adolescentis & humanitate, et doctri-  
 na. sic enim Græce loquebatur, ut Athenis natus  
 uideretur. tanta autem erat suauitas sermonis Lati-  
 ni, ut appareret in eo natium quendam leporem  
 esse, non adscitum. idem poemata pronunciabat &  
 Græce, & Latine sic, ut supra nihil posset. quibus  
 rebus factum est, ut Sulla nūquam a se dimitteret,  
 cuperetq. secum deducere. qui cum persuadere ten-  
 taret, Noli, oro te, inquit Pomponius, aduersum  
 eos me uelle ducere, cum quibus ne contra te arma  
 ferrem, Italiā reliqui. at Sulla, adolescentis officio  
 collaudato, omnia munera ei, quæ Athenis accepe-  
 rat, proficiscens iussit deferri. Hic complures annos  
 moratus, cum et rei familiari tantum operæ daret,  
 quantum non indiligens deberet paterfamilias; &  
 omnia reliqua tempora aut litteris, aut Athenien-  
 sium reip. tribueret; nihilo minus amicis urbana of-  
 ficia



A T T I C I

ficia præstitit. nam & ad comitia eorum uentita-  
uit: & si qua res maior acta est, non defuit: sicut  
Ciceroni omnibus eius periculis singularem fidem  
præbuit: cui ex patria fugienti HS CCC & quin-  
quaginta millia donauit. Tranquillatis autē rebus  
Romanis, remigravit Romam, ut opinor, L. Cotta,  
& L. Torquato cos. quem diem sic uniuersa ciuitas  
Atheniensium prosecuta est, ut lacrymis desiderij  
futuri dolorem indicaret. Habebat auunculum Q.  
Cecilium, equitem Romanum, familiarem L.  
Luculli diuitem, difficillima natura: cuius sic aspe-  
ritatem ueritus est, ut, quem nemo ferre posset,  
huius sine offensione ad summam senectutem reti-  
nuerit beneuolentiam. quo facto, tulit pietatis  
fructum: Cecilius enim moriens testamento ad-  
optauit eum, heredemq. fecit ex dodrante. ex qua  
hereditate accepit circiter centies HS. Erat nupta  
soror Attici Q. Tullio Ciceroni: easq. nuptias M.  
Cicero conciliarat, cum quo a condiscipulatu uiue-  
bat coniunctissime, multo etiam familiaris, quā  
cum Quinto: ut iudicari possit, plus in amicitia  
ualere similitudinem morum, quā affinitatem.  
utebatur autem intime Q. Hortensio, qui ijs tem-  
poribus principatum eloquentiæ tenebat, ut intelli-  
gi non posset, uter eum plus diligeret, Cicero, an  
Hortensius: & id, quod erat difficillimum, efficie-  
bat, ut, inter quos tantæ laudis esset æmulatio, nul-  
la intercederet obtrectatio, essetq. talium uirorum  
copula. In rep. ita est uersatus, ut semper optima-  
rum



rum partium & esset, & existimaretur, neque tamen se civilibus fluctibus committeret; quod non magis eos in sua potestate existimabat esse, qui se ijs dedissent, quam qui maritimis iactarentur. honores non petijt, cum ei paterent propter uel gratiam, uel dignitatem; quod neque peti more maiorum, neque capi possent conseruatis legibus, in tam effusis ambitus largitionibus, neque geri sine periculo, corruptis ciuitatis moribus. ad hastam publicam numquam accessit. nullius rei neque præs, neque manceps factus est. neminem suo nomine, neque subscribens accusauit. in ius de sua re numquã ijt. iudicium nullum habuit. multorum consulum, prætorumq. præfecturas delatas sic accepit, ut neminem in prouinciam sit secutus, honore fuerit contentus, rei familiaris despexerit fructum, qui ne cum Q. quidem Cicerone uoluerit ire in Asiam, cum apud eum legati locum obtinere posset. non enim decere se arbitrabatur, cum præturam gerere noluisset, affecclam esse prætoris. qua in re non solum dignitati seruiabat, sed etiam tranquillitati, cum suspiciones quoque uitaret criminum. quo fiebat, ut eius obseruantia omnibus esset carior, cum eam officio, non timori, neque spei tribui uiderent. Incidit Cæsarianum ciuile bellum. cum haberet annos circiter sexaginta. usus est ætatis uacatione, neque quoquam se mouit ex urbe. quæ amicis suis opus fuerant ad Pompeium proficiscentibus, omnia ex sua re familiari dedit. ipsum Pompeium con-  
iun-



iunctum non offendit. nullum ab eo habebat ornamentum, ut ceteri, qui per eum aut honores, aut diuitias ceperant: quorum partim inuitissimi castra sunt secuti, partim summa cum eius offensione domi remanserunt. Attici autem quies tantopere Caesari fuit grata, ut uictor cum priuatis pecunias per epistolas imperaret, huic non solum molestus non fuerit, sed etiam sororis filium Q. Ciceronem ex Pompeij castris concesserit. sic uetere instituto uitae effugit noua pericula. Secutum est illud occiso Caesare, cum respub. penes Brutos uideretur esse, & Cassium, ac tota ciuitas se ad eum conuertisse uideretur. sic M. Bruto usus est, ut nullo ille adolescens aequali familiaris, quam hoc sene, neque solum eum principem consilij haberet, sed etiam in conuietu. Excogitatum est a quibusdam, ut priuatum aerarium Caesaris intersectoribus ab equitibus Romanis constitueretur. id facile effici posse arbitrati sunt, si & principes illius ordinis pecunias contulissent. itaque appellatus est a C. Flauio, et Bruti familiaris, Atticus, ut eius rei princeps esse uellet. at ille, qui officia amicis praestanda sine factione existimaret, semperque a talibus se consilijs remouisset; respondit, si quid Brutus de suis facultatibus uti uoluisset, usurum, quantum ea paterentur; sed neque cum quoquam de ea re collocuturum, neque coiturum. sic ille consensionis globus huius unius dissensione disiectus est. Neque multo post superior esse coepit Antonius, ita, ut Brutus & Cassius prouin-



uinciarum, quæ ijs dicis caussa datæ erant a consuli-  
bus, desperatis rebus, in exsilium proficiscerentur.  
Atticus, qui pecuniam simul cum ceteris conferre  
noluerat florenti illi parti, abiecto Bruto, Italiaq.  
cedenti HS C M muneri misit: eidem in Epiro ab-  
sens CCC iussit dari: neque eo magis potenti adu-  
latus est Antonio, neque desperatos reliquit. Secu-  
tum est bellum gestum apud Mutinam. in quo se  
tantum eum prudentem dicam; minus, quàm de-  
beam, prædicem; cum ille potius diuinus fuerit; se  
diuinitio appellanda est perpetua naturalis boni-  
tas, quæ nullis casibus augetur, neque minuitur.  
Hostis Antonius iudicatus, Italia cesserat. spes re-  
stituendi nulla erat. non solum inimici, qui tamen  
erant potentissimi, & plurimi, sed etiam qui ad-  
uersarijs eius se dabant, & in eo lædendo aliquam  
consecuturos sperabant commoditatem, Antonij  
familiares sequebantur, uxorem Fuluiam omnibus  
rebus spoliare cupiebant, liberos etiam extinguere  
parabant. Atticus, cum Ciceronis intima familia-  
ritate uteretur, amicissimus esset Bruto, non mo-  
do nihil ijs indulset ad Antonium uiolandum, sed  
e contrario familiares eius, ex urbe profugientes,  
quantum potuit, texit; quibus rebus indiguerunt,  
adiuuit: P. uero Volumnio ea tribuit, ut plura a  
parente proficisci non potuerint. ipsi autem Fulvia,  
cum litibus distineretur, magnisq. terroribus ue-  
xaretur, tanta diligentia officium suum præsti-  
tit, ut nullum illa præstiterit uadimonium. *Atti-*



# A T T I C I

Attico, sponsor omnium rerum fuerit, quia etiam, cum illa fundum secunda fortuna emisset in diem, neque post calamitatem uersuram facere potuisset, ille se interposuit, pecuniamq. sine fenore, sineq. ulla stipulatione credidit, maximum existimans quæstum, memorem, gratumq. cognosci, simulq. aperire, se non fortunæ, sed hominibus solere esse amicum. quæ cum faciebat, nemo eum temporis causa facere poterat existimare. nemini enim in opinionem ueniebat, Antonium rerum potiturum. sed sensus eius a non nullis optimatibus reprehendebatur, quod parum odisse malos ciues uideretur. ille autem sui iudicii, potius, quid se facere par esset, intuebatur, quam quid alij laudaturi forent. conuersa fortuna est. ut Antonius redijt in Italiam, nemo non magno in periculo Atticum putarat, propter intimam familiaritatem Ciceronis, et Bruti. itaque ad aduentum imperatorum de foro decesserat, timens proscriptionem: latebatq. apud P. Volumnium, cui, ut ostendimus paullo ante, opem tulerat. tanta uarietas his temporibus fuit fortunæ, ut modo hi, modo illi in summo essent aut fastigio, aut periculo. habebat secum Gellium Caninium, æqualem, simillimumq. sui. hoc quoque sit Attici bonitatis exemplum, quod cum eo, quem puerum in ludo cognorat, adeo coniuncte uixit, ut ad extremam ætatem amicitia eorum creuerit. Antonius autem, etsi tanto odio ferebatur in Ciceronem, ut non solum ei, sed etiam omnibus suis ami-



amicis esset inimicus, eosq. uellet proscribere, multis hortantibus: tamen Attici memor fuit officij, & ei, cum requisisset, ubi nam esset, sua manu scripsit, ne timeret, statimq. ad se ueniret: se eum, et Gellium Canium de proscriptoru numero exemisse. ac, ne quod periculum incideret, quod noctu fiebat, praesidium ei misit. sic Atticus in summo timore non solum sibi, sed etiam ei, quem carissimum habebat, praesidio fuit. neque enim suae solum a quocumque auxilium petijt salutis, sed coniunctim, ut appareret nullam seiunctam sibi ab eo uelle fortunam. quod si gubernator praecipua laude fertur, qui nauem ex hieme, mariq. scopuloso seruat: cur non singularis eius existimetur prudentia, qui ex tot, tamq. grauib. procellis ciuilibus ad incolumitatem peruenit? quibus ex malis ut se emerferat, nihil aliud egit, quam ut plurimis, quibus rebus posset, esset auxilio. cum proscriptos praemijs imperatorum uulgus conquireret, nemo in Epirum uenit, cui res ulla defuerit: nemini non ibi perpetuo manendi potestas facta est: qui etiam, post praedium Philippense, interitumq. C. Cassij, & M. Bruti, L. Iulium Mocillam praetorium, & filium eius, Aulumq. Torquatum, ceterosq. pari fortuna percussos instituit tueri, atque ex Epiro ijs omnia Samothraciam supportari iusserit. difficile enim est omnia persequi, & non necessaria. illud unum intelligi uolumus, illius liberalitatem neque temporariam, neque callidam fuisse. id ex ipsis rebus, ac temporibus



A T T I C I

ribus iudicari potest, quod non florentibus se uenditauit, sed afflictis semper succurrit, qui quidem Seruiliam Bruti matrem non minus post mortem eius, quam florentem, coluerit. sic liberalitate utens, nullas inimicitias gessit, quod neque ladebat quemquam, neque si quam iniuriam acceperat, non malebat obliuisci, quam ulcisci. Idem immortalis memoria percepta retinebat beneficia: quæ autem ipse tribuerat, tam diu meminerat, quoad ille gratus erat, qui acceperat. itaque hic fecit, ut uere dictum uideatur: sui cuique mores fingunt fortunam. neque tamen prius ille fortunam, quam se ipse, finxit, qui cauit, nequa in re pleteretur. His igitur rebus effecit, ut M. Vipsanius Agrippa, intima familiaritate coniunctus adolescenti Cæsari, cum propter suam gratiam, & Cæsaris potentiam nullius condicionis non haberet potestatem, potissimum eius deligeret affinitatem, præoptaretque equitis Romani filiam generosarum nuptiis. atque harum nuptiarum conciliator fuit (non enim est celandum) M. Antonius, triumuir reip. cuius gratia cum augere possessiones posset suas, tantum absuit a cupiditate pecuniæ, ut nulla in re usus sit ea, nisi in deprecandis amicorum aut periculis, aut incommodis. quod quidem sub ipsa proscriptione perillustre fuit. nam cum L. Sausseij, equitis Romani, æqualis sui, qui cum eo complures annos, studio ductus philosophiæ, habitabat, habebatque in Italia pretiosas possessiones, triumuiro bona uendidissent, consuetudine



dine ea, quatum res gerebantur; Attici labore, atque industria factum est, ut eodem nuncio Saufeius fieret certior, se patrimonium amisisse, & recuperasse. idem L. Iulium Calidum, quem post Lucretij, Catulli q. mortem multo elegantissimum poetam nostram tulisse aetatem, uere uideor posse contendere, neque minus uirum bonum, optimis q. artibus eruditum, post proscriptionem equitum, propter magnas eius Africanas possessiones, in proscrip-  
torum numerum a P. Volumnio, praefecto fabrum Antonij, absentem relatum, expedit. quod in praesenti utrum ei laboriosius, an gloriosius fuerit, difficile fuit iudicare; quod in eorum periculis non secus absentes, quam praesentes amicos Attico esse curae, cognitum est. Neque uero minus ille uir, bonus paterfamilias habitus est, quam ciuis. nam cum esset pecuniosus, nemo illo minus fuit emax, minus aedificator: neque tamen non in primis bene habitauit, omnibus q. optimis rebus usus est. nam domum habuit in colle Quirinali Caecilianam, ab auunculo hereditate relictam, cuius amoenitas non edificio, sed silua constabat. ipsum enim tectum, antiquitus constitutum, plus salis, quam sumptus, habebat: in quo nihil commutauit, nisi si quid uetustate coactus est. Usus est familia, si utilitate iudicandum est, optima; si forma, uix mediocri. namque in ea erant pueri litteratissimi, anagnostae optimi, & plurimi librarij; ut ne pedisequus quidem quisquam esset, qui non utrumque horum pulchre

RR facere



A T T I C I

facere posset . pari modo artifices ceteri , quos cul-  
tus domesticus desiderat , apprime boni : neque ta-  
men horum quemquam , nisi domi natum , domiq.  
factum , habuit : quod est signum non solum conti-  
nentiae , sed etiam diligentiae . nam & non intempe-  
ranter concupiscere , quod a pluribus uideas , conti-  
nentis debet duci ; & potius diligentia , quàm pre-  
tio , parare , non mediocris est industria . Eelgans,  
non magnificus ; splendidus , non sumptuosus , omni  
diligentia munditiam non affluentem affectabat .  
supellex modica , non multa , ut in neutram par-  
tem conspici posset . Nec prateribo , quamquam non  
nullis leue uisum iri puté . Cum in primis lautus es-  
set eques Romanus , & non parū liberaliter in do-  
mum suam omnium ordinum homines inuitaret ; sci-  
mus , nō amplius , quàm terna millia aris , peræque  
in singulos menses ex ephemeride eum expensum  
sumptui ferre solitum . atque hoc non auditum ,  
sed cognitum prædicamus . saepe enim , propter fá-  
miliaritatem , domesticis rebus interfuimus . nemo  
in conuiuio eius aliud ἀρπάρα audiuit , quàm a-  
nagnosten : quod nos quidem iecundissimum arbi-  
tramur . neque umquam sine aliqua lectione apud  
eum cenatum est ; ut non minus animo , quàm uen-  
tre , conuiuae delectarentur . namque eos uocabat ,  
quorum mores a suis non abhorrerent . Cum tanta  
pecuniae facta esset accessio , nihil de quotidiano cul-  
tu mutauit , nihil de uitæ consuetudine ; tantaq. u-  
sus est moderatione , ut neque in ΗΣ uicies , quod a  
patre



patre acceperat, parum se splendide gesserit, neque in HS centies affluentius uixerit, quam instituerat, pariq. fastigio steterit in utraque fortuna, nullos habuerit hortos, nullam suburbanam, aut maritimam sumptuosam uillam, neque in Italia, præter Ardeatinum, & Nomentanum, rusticum prædium. omnisq. eius pecunie reditus constabat in Epiroticis, & urbanis possessionibus. ex quo cognosci potest, eum usum pecunie non magnitudine, sed ratione metiri solitum. Mendacium neque dicebat, neque pati poterat. itaque eius comitas non sine seueritate erat, neque grauitas sine facilitate: ut difficile esset intellectu, utrum eum amici magis uerentur, an amarent. Quidquid rogabatur, religiose promittebat; quod non liberalis, sed leuis arbitrabatur, polliceri quod præstare non posset. Idem in nitendo quod semel admisisset, tanta erat cura, ut non mandatam, sed suam rem uideretur agere. nusquam suscepti negotij eum pertresum est: suam enim existimationem in ea re agi putabat: qua nihil habebat carius. quo fiebat, ut omnia Ciceronum, Catonis, Marij, Q. Hortensij, A. Torquati, multorum præterea equitum Romanorum negotia procuraret. ex quo iudicari poterat, non inertia, sed iudicio fugisse reip. procurationem. Humanitatis uero nullam afferre maius testimonium possum, quam quod adolescens idem seni Sullæ fuerit incandissimus, senex adolescenti M. Bruto; cum equalibus autem suis Q. Hortensio, & M. Cicerone sic uixe-

RR 2 rit,



# A T T I C I

rit, ut iudicare difficile sit, cui ætati fuerit aptissimus. quamquam eum præcipue dilexit Cicero, ut ne frater quidem ei Quinctus carior fuerit, aut familiarior. ei rei sunt indicio, præter eos libros, in quibus de eo facit mentionem, qui in uulgus sunt editi, sexdecim uolumina epistolarum ab consulatu eius usque ad extremum tempus ad Atticum missarum: quæ qui legat, non multum desideret historiam contextam eorum temporum. sic enim omnia de studijs principum, uitijs ducum, æmulationibus reip. perscripta sunt, ut nihil in his non appareat; & facile existimari possit, prudentiam quodam modo esse diuinationem. non enim Cicero ea solum, quæ uiuo se acciderunt, futura prædixit, sed etiam, quæ nunc usu ueniunt, cecinit, ut uates. De pietate autem Attici quid plura commemorem? cum hoc ipsum uere gloriantem audierim in funere matris suæ, quam extulit annorum nonaginta, cum esset septem, & sexaginta, se numquam cum matre in gratiam rediisse, numquam cum sorore fuisse in similitudine, quam prope ætate æqualem habebat. quod est signum, aut nullam umquam inter eos querimoniam intercessisse, aut hunc ea fuisse in suos indulgentia, ut, quos amare deberet, irasci eis, nefas duceret. neque id fecit natura solum, (quamquam omnes ei paremus) sed etiam doctrina. nam et principum philosophorum ita percepta habuerat præcepta, ut his ad uitam agendam, non ad ostentationem, uteretur. moris etiam maiorum sum-

mus



mus imitator fuit , antiquitatis q̄. amator : quam adeo diligenter habuit cognitam , ut eam totam in eo uolumine exposuerit , quo magistratus ornavit . nulla enim lex , neque pax , neque bellum , neque res illustris est populo R. quæ non in eo suo tempore sit notata . & , quod difficillimum fuit , sic familiarum originem subtexuit , ut ex eo clarorum uirorum propages possimus cognoscere . fecit hoc idem separatim in alijs libris , ut , M. Bruti rogatu , Iuniam familiam a stirpe ad hanc ætatem ordine enumerauerit , notans , qui a quoque ortus , quos honores , quibusq̄. temporibus cepisset . pari modo , Marcelli Claudij , de Marcellorum ; Scipionis Cornelij , & Fabij Maximi , de Fabiorum , & Æmiliorum : quibus libris nihil potest esse dulcius ijs , qui aliquam cupiditatem habent notitiæ clarorū uirorum . Attingit quoque poetice ; credimus , ne eius expertus esset suauitatis . namque uersibus , qui honore , rerum gestarum amplitudine ceteros Romani populi præstiterunt , exposuit , ita , ut sub singulorum imaginibus facta , magistratusq̄. eorum non amplius quaternis , quinisq̄. uersibus descripserit : quod uix credendum sit , tantas res tam breuiter potuisse declarari . Est etiam unus liber græce confectus de consulatu Ciceronis . Hactenus , Attico uiuo , edita a nobis sunt . nunc , quoniam fortuna nos superstites ei esse uoluit , reliqua persequemur , & , quantum potuerimus , rerum exemplis lectores docebimus , sicut supra significauimus , suos cuique mores ple-

RR 3 rumque



A T T I C I

runque conciliare fortunam. namque hic contentus ordine equestri, quo erat ortus, in affinitatem peruenit imperatoris, diui Iulij filij, cum iam ante familiaritatem eius esset consecutus nulla alia re, quam elegantia uitæ, qua ceteros ceperat principes ciuitatis, dignitate pari, fortuna humiliores. tanta enim prosperitas Cæsarem est consecuta, ut nihil ei non tribueret fortuna, quod cuiquam ante detulerit, & conciliarit, quod ciuis Romanus quiuit consequi. Nata autem est Attico neptis ex Agrippa, cui uirginem filiam collocauit. hanc Cæsar uix anniculam Ti. Claudio Neroni, Drusilla nato, priuigno suo, despondit. quæ coniunctio necessitudinem eorum sanxit, familiaritatem reddidit frequentiore. quamuis ante hæc sponsalia, non solum cum ab urbe abesset, numquam ad suorum quæquam litteras misit, quin Attico mitteret, quid ageret in primis, quid legeret, quibusq. in locis, & quam diu esset moraturus: sed & cum esset in urbe, & propter suas infinitas occupationes minus sæpe, quam uellet, Attico frueretur, nullus dies temere intercessit, quo non ad eum scriberet, quo aliquid de antiquitate ab eo requireret; modo aliquam questionem poeticam ei proponeret; interdum iocans eius uerbosiores eliceret epistolas. ex quo accidit, cum ædes Iouis Feretrii in Capitolio, ab Romulo constituta, uetustate, atque incuria detecta prolaberetur, ut Attici admonitu Cæsar eam reficiendam curaret. Neque uero a M. Antonio minus absens



sens litteris colebatur, adeo ut accurate ille ex ultimis terris, quid ageret, quid curæ sibi haberet, certio-  
riorem faceret. Atticum. hoc quale sit, facilius existimabit is, qui iudicare poterit, quanta sit sapientia, eorum retinere usum, benevolentiamque, inter quos maximarum rerum non solum æmulatio, sed oblectatio tanta intercedebat, quantam fuit intercedere necesse inter Cæsarem, atque Antonium; cum se uterque principem non solum urbis Romæ, sed orbis terrarum esse cuperet. Tali modo cum septem, & septuaginta annos compleisset, atque ad extremam senectutem non minus dignitate, quam gratia, fortunaque, creuisset; (multas enim hereditates nulla alia re, quam bonitate, cōsecutus) tantaq. prosperitate usus esset ualeitudinis, ut annis xxx medicina non indignisset: nactus est morbum, quem initio et ipse, & medici contempserunt: nam putarunt esse τερασμὸν: cui remedia celeria, faciliaq. proponebantur. in hoc cum tres menses sine ullis doloribus, præterquam quos ex curatione capiebat, consumpsisset, subito tanta uis morbi in unum intestinum prorupit, ut extremo tempore per lumbos fistula putris eruperit. atque antea quidem morbi diurnitatem moleste ferebat, prius quam hoc ei accideret: postquam uero in dies dolores accrescere, febresq. accessisse sensit; Agrippam generum ad se accersiri iussit, & cum eo L. Corneli-  
um Balbum, Sextumq. Peducæum. hos ut uenisse uidit, in cubitum nixus, Quantam, inquit, curam

RR 4 di-



A T T I C I

diligentiamq. in ualetudine mea tuenda hoc tempore adhibuerim, cum uos testes habeam, nihil opus est pluribus uerbis commemorare. quibus quoniam, ut spero, satisfeci, me nihil reliqui fecisse, quod ad sanandum me pertineret: reliquum est, ut egomet mihi consulam. id uos ignorare nolui. nam mihi stat, alere morbum desinere. namque his diebus quidquid cibi sumpsi, ita produxi uitam, ut auxerim dolores sine spe salutis. quare a uobis peto, primum ut consilium probetis meum, deinde ne frustra dehortando conemini. Hac oratione habita, tanta constantia uocis, atque uultus, ut non ex uita, sed ex domo in domum uideretur migrare; cum quidem Agrippa eum flens, atque osculans oraret, atque obsecraret, ne ad id, quod natura cogeret, ipse quoque sibi acceleraret, & quoniam tum quoque posset temporibus superesse, se sibi, suisq. reseruaret, preces eius taciturna sua obstinatione depresso. sic cum biduum cibo se abstinuisset, subito febris decessit, leuiorq. morbus esse cepit: tamen propositum nihilo secius peregit. itaque die quinto postquam id consilium inerat, prid. kal. Apr. Cn. Domitio, C. Sosio cos. decessit. elatus est in lecticula, ut ipse præscripserat, sine ulla pompa funeris, comitantibus omnibus bonis, maxima uulgi frequentia. sepultus est iuxta uiam Appiam, ad quintum lapidem, in monumento Q. Cæcilij, auunculi sui.

M. TVLLII



317

M. TVLLII CICERONIS  
EPISTOLARVM AD  
M. IVNIVM BRVTVM  
LIBER I.

CICERO S. D. BRVTO.

CLODIVS, tribunus pl. designatus,  
ualde me diligit, uel, ut ἑμπατικώτερον  
dicam, ualde me amat. quod cum mihi  
ita persuasum sit; non dubito, (bene  
enim me nosti) quin illum quoque iudices a me ama-  
ri. nihil enim mihi minus hominis uidetur, quàm  
non respondere in amore ijs, a quibus prouocare.  
is mihi uisus est suspicari, nec sine magno quidem  
dolore, aliquid a suis, uel per suos potius inimicos  
ad te esse delatum, quo tuus animus a se esset alie-  
nior. non soleo, mi Brute, quod tibi notum esse ar-  
bitror, temere affirmare de altero. est enim peri-  
culosum, propter occultas hominum uoluntates,  
multiplicesq. naturas. Clodij animum perspectum  
habeo, cognitum, iudicatum. multa eius indicia,  
sed ad scribendum non necessaria. uolo enim hoc te-  
stimonium tibi uideri potius, quàm epistolam. au-  
ctus Antonij beneficio est: eius ipsius beneficij ma-  
gna pars a te est. itaque eum, saluis nobis, uellet sal-  
uum. in eum autem locum rem adductam intelli-  
git, (est enim, ut scis, minime stultus) ut utrique  
salui esse non possint: itaque nos mauult. de te uero  
ami-



## LIB. I. EPIST.

amicissime & loquitur, & sentit. quare, si quis secus ad te de eo scripsit, aut si coram locutus est; pecto a te etiam atque etiam, mihi ut potius credas, qui & facilius iudicare possum, quam iste nescio quis, & te plus diligo. Clodium tibi amicissimum existima, ciuemq. talem, qualis et prudentissimus, & fortuna optima esse debet. Vale.

CICERO S. D. BRUTO. 2

CUM hæc scribebam, res existimabatur in extremum adducta discrimen: tristes enim de Bruto nostro litteræ, nuncijq. afferebantur. me quidem non maxime conturbabant. his enim exercitibus ducibusque, quos habemus, nullo modo poteram diffidere. nec assentiebar maiori parti hominum. fidem enim consulum non condemnabam, quæ suspecta uehementer erat: desiderabam non nullis in rebus prudentiam, et celeritatem: quæ si essent usi, iam pridem remp. recuperassemus. non enim ignoras, quanta momenta sint in rep. temporum; & quid intersit, idem illud utrum ante, an post discernatur, suscipiatur, agatur. Omnia, quæ seuerè decreta sunt hoc tumultu, si, aut quo die dixi sententiam, perfectæ essent, & non in diem ex die dilata, aut quo ex tempore suscepta sunt ut agerentur, non tardata, et procrastinata, bellum iam nullum haberemus. Omnia, Brute, præstiti reip. quæ præstare debuit is, qui esset eo, quo ego sum, gradu senatus populiq. iudicio collocatus: nec illa modo,



do, quæ nimirum sola ab homine sunt postulanda, fidem, uigilantiam, patriæ caritatem. ea sunt enim, quæ nemo est, qui non præstare debeat. ego autem ei, qui sententiam dicat in principibus de rep. puto etiam prudentiam esse præstandam. nec me, cum mihi tantum sumpserim, ut gubernacula reip. prenderem, minus putarim reprehendendum, si inutiliter aliquid senatui suaferim, quàm si infideliter.

Acta quæ sint, quæq. agantur, scio perscribi ad te diligenter. Ex me autem illud est quod te uelim habere cognitum, meum quidem animum in aciem esse, neque respectum ullum quærere, nisi me utilitas ciuitatis fore conuerterit: maiores autem partes animi te, Cassiumq. respiciunt. Quamobrem ita te para, Brute, ut intelligas, aut, si hoc tempore bene res gesta sit, tibi meliorem remp. esse faciendam, aut, si quid offensum sit, per te esse eandem recuperandam.

CICERO S. D. BRVTO. 3

PLANCI animum in remp. egregium, legiones, auxilia, copias ex litteris eius. quare exemplum tibi missum arbitror, perspicere potuisti. Lepidi, tui necessarii, (qui, secundum fratrem, affines habet, quos oderit, proximos) leuitatem, & inconstantiam, animumq. semper inimicum reip. iam credo tibi ex tuorum litteris esse perspectum. Nos expectatio sollicitat, quæ est omnis iam in extremum adducta discrimen. est enim spes omnis in Bru

to



## LIB. I. EPIST.

to expediendo, de quo uehementer timebamus.  
 Ego hic cum homine furioso satis habeo negotij Seruilio: quem tuli diutius, quàm dignitas mea patiebatur; sed tuli reip. causa, ne darem perditis ciuibus hominem parum sanum illum quidem, sed tamen nobilem, quò concurrerent: quod faciunt nihilo minus: sed eum alienandum a rep. num putabam. finem feci eius ferendi. cœperat enim esse tanta insolentia, ut neminem liberum duceret. In Planci uero causa exarsit incredibili dolore, mecumq. per biduum ita contendit, & a me ita fractus est, ut eum in perpetuum modestiorem sperem fore. Atque in hac contentione ipsa, cum maxime res ageretur ad v. id. April. litteræ mihi in senatu redditæ sunt a Lentulo nostro, de Cassio, de legionibus, de Syria: quas statim cum recitauissem, cecidit Seruilius, complures præterea. sunt enim insignes aliquot, qui improbissime sentiunt. sed acerbissime tulit Seruilius, assensum esse mihi de Plancio. Magnum illud monstrum in rep. est, sed quo \*

BRVTVS S. D. CICERONI. 4

LITTERAS tuas ualde exspecto, quas scripsisti post nuncios nostrarum rerum, & de morte Trebonij. non enim dubito, quin mihi consilium tuum explices. Indigno scelere & ciuem optimum amisimus, & prouinciæ possessione pulsati sumus: quam recuperari facile est; neque minus turpe, aut flagitiosum erit, post recuperari. Antonius adhuc est  
 no-



nobiscum: sed mediusfidius & moueor hominis precibus; & timeo, ne illum aliquorum furor excipiat. plane astuo. quod si scirem, quid tibi placeret; sine solitudine essem. id enim optimum esse, persuasum esset mihi. quare quamprimum fac me certiore, quid tibi placeat. Cassius noster Syriam, legiones Syriacas habet, ultro quidem a Murco, et a Marcio, & ab exercitu ipso accersitus. Ego scripsi ad Tertiam sororem, & ad matrem, ne prius ederent hoc, quod optime ac felicissime gessit Cassius, quam tuum consilium cognouissent, tibi quidvisum esset. Legi orationes duas tuas, quarum altera kalendis Ian. usus es, altera de litteris meis, quæ habita est abs te contra Calenum. nunc scilicet hoc expectas, dum eas laudem. Nescio, animi, an ingenij tui maior in his libellis laus contineatur. Iam concedo, ut uel Philippici uocentur: quod tu quadam epistola iocans scripsisti. Duabus rebus egemus Cicero, pecunia, & supplemento: quarum altera potest abs te expediri, ut aliqua pars militum istinc mittatur nobis, uel secreto consilio aduersus Pansam, uel actione in senatu; altera, quæ magis est necessaria, neque meo exercitui magis, quam reliquorum. Hoc magis doleo, Asiam nos amisisse: quam sic uexari a Dolabella audio, ut iam non uideatur crudelissimum eius facinus interfectio Trebonij. Vetus Antistius me tamen pecunia subleuauit. Cicero filius tuus sic mihi se probat industria, patientia, labore, animi magnitudine, omni denique



## LIB. I. EPIST.

denique officio, ut prorsus numquam dimittere uideatur cogitationem, cuius sit filius. Quare, quoniam efficere non possum, ut pluris facias eum, qui tibi est carissimus; illud tribue iudicio meo, ut tibi persuadeas, non fore illi abutendum gloria tua, ut adipiscatur honores paternos. Kalendis Apr. Dyrrhachio.

CICERO S. D. BRUTO. 5

DATIS mane ad III. id. Apr. Scaptio litteris, eodem die tuas accepi kalendis Apr. Dyrrhachio datas, uesperis. itaque mane prid. id. Apr. cum a Scaptio certior factus essem, non esse eos profectos, quibus pridie dederam, & statim ire, hoc paullulum exaravi ipsa in turba matutina salutationis. De Cassio laetor, & reip. gratulor, mihi etiam, qui, repugnante, & irascente Pansa, sententiam dixerim, ut Dolabellam bello Cassius persequeretur. & quidem audacter dicebam, sine nostro S. C. iam illud cum bellum gerere. De te etiam dixi tum, quae dicenda putavi. Haec ad te oratio perferetur: quoniam te uideo delectari Philippicis nostris. Quod me de Antonio consulis: quoad Bruti exitum cognorimus, custodiendum puto. Ex his litteris, quas mihi misisti, Dolabella Asiam uexare uidetur, & in ea se gerere tate terrime. compluribus autem scripsisti, Dolabellam a Rhodijs esse exclusum: qui si ad Rhodum accessit, uidetur mihi Asiam reliquisse. id si ita est, istic tibi censeo commorandum:



randum: sin eam semel cepit; mihi crede, non erit,  
 at in Asiam censeo persequendum. nihil mihi ui-  
 deris hoc tempore melius acturus. Quod egere te  
 duabus necessarijs rebus scribis, supplemento, &  
 pecunia: difficile consilium est. non enim mihi oc-  
 currunt facultates, quibus uti te posse uideam, præ-  
 ter illas, quas senatus decreuit, ut pecunias a ciui-  
 tatibus mutuas sumeres. De supplemento autem  
 non uideo quid fieri possit. tantum enim abest, ut  
 Pansa de exercitu suo, aut delectu tibi aliquid tri-  
 buat, ut etiam moleste ferat, tam multos ad te ire  
 uoluntarios: quo modo equidem credo, quod his re-  
 bus, quæ in Italia decernuntur, nullas copias nimis  
 magnas esse arbitretur: quo modo autem multi su-  
 spicantur, ne te quidem nimis firmum esse uelit:  
 quod ego non suspicor. Quod scribis te ad Tertiam  
 sororem scripsisse, ut ne prius ederent ea, quæ ge-  
 sta a Cassio essent, quàm mihi uisum esset: uideo te  
 ueritum esse id, quod uerendum fuit, ne animi par-  
 tium Caesaris, quo modo etiam nunc partes appel-  
 lantur, uehementer comouerentur. sed ante quàm  
 tuas litteras accepimus, audita res erat, & peruul-  
 gata. tui etiam tabellarij ad multos familiares tuos  
 litteras attulerant. quare neque supprimenda res  
 erat, præsertim cum id fieri non posset: neque, si  
 posset, non diuulgandum potius, quàm occultan-  
 dum, putaremus. De Cicerone meo, & si tantum  
 est in eo, quantum scribis, tantum scilicet, quan-  
 tum debeo, gaudeo: & si, quod amas eum, eo  
 ma-



maiora facis ; id ipsum incredibiliter gaudeo , at eum diligi.

CICERO S. D. BRUTO. 6

QVAE litterae tuo nomine recitatae sunt idibus Apr. in senatu, eodemq. tempore Antonij, credo ad te scripsisse tuos : quorum ego nemini concedo : sed nihil necesse erat eadem omnes . illud necesse, me ad te scribere , quid sentirem de tota constitutione huius belli, & quo iudicio essem, quaq. sententia . Voluntas mea , Brute , de summa rep. semper eadem fuit , quae tua ; ratio quibusdam in rebus , non omnibus , paullo fortasse uehementior . Scis mihi semper placuisse , non rege solum , sed regno liberari remp. tu lenius , immortalis omnino cum tua laude : sed , quid melius fuerit , magno dolore sentimus , magno periculo sentimus . Recenti illo tempore , tu omnia ad pacem , quae oratione confici non poterant : ego omnia ad libertatem , quae sine pace nulla est : pacem ipsam bello , atque armis effici posse arbitrabar : studia non deerant arma poscentium : quorum repressimus impetum , ardoremq. restinximus . itaque res in eum locum uenerat , ut , nisi Caesari Octauiano deus quidam illam mentem dedisset , in potestatem perditissimi hominis , & turpissimi M . Antonij ueniendum fuerit ; quo cum , uides , hoc tempore ipso quod sit , quantumq. certamen . id profecto nullum esset , nisi tum conseruatus esset Antonius . Sed haec omitto . res enim a te gesta



sta memorabilis, & p̄ane celestis repellit omnes  
 repr̄ensiones; quippe, quæ ne laude quidem  
 satis idonea affici possit. Extitisti nuper uultu seue-  
 ro; exercitum, copias, legiones idoneas per te bre-  
 ui tempore comparasti. Dij immortales, qui ille  
 nuncius, quæ illæ litteræ, quæ latitia senatus, quæ  
 alacritas ciuitatis erat? nihil umquam uidi tam om-  
 nium consensione laudatum. Erat expectatio re-  
 liquiarum Antonij, quem equitatu, legionibusq̃.  
 magna ex parte spoliaras. ea quoque habuit exitū  
 optabilem. nam tuæ litteræ, quæ recitatae in se-  
 natu sunt, & imperatoris, & militum uirtutem,  
 & industriam tuorum, in quibus Ciceronis mei,  
 declarant. Quod si tuis placuisset de his litteris re-  
 ferri; & nisi in tempus turbulentissimum post di-  
 scessum Pansæ consulis incidissent: honos quoque  
 iustus, & debitus dijs immortalibus, decretus esset.  
 Ecce tibi idibus Apr. aduolat mane celer Pilus, qui  
 uir, dij boni, quā grauis, quā constans, quā  
 bonarum in rep. partium? hic epistolas affert duas,  
 unam tuo nomine, alteram Antonij. dat Seruilio tri-  
 buno pl. ille Cornuto: recitantur in senatu. ANTO-  
 NIVS PRO COS. magna admiratio, ut si esset re-  
 citatum, Dolabella imperator: a quo quidem uene-  
 rāt tabellarij, sed nemo Pili similis, qui proferre lit-  
 teras auderet, aut magistratibus reddere. Tuæ reci-  
 tantur, breues illæ quidem, sed in Antonium admo-  
 dum lenes. uehementer admiratus senatus. mihi  
 autem non erat explicatum, quid agerem. falsas

SS

dicerem?



## LIB. I. EPIST.

diccrem? quid, si tu eas approbasses? confirmare? non erat dignitatis tuæ. itaque ille dies silentio. Postridie autem, cum sermo increbuisse, Pilusq. oculos uehementius hominum offendisset, natum omnino est principium a me. de procos. Antonio multa. Sextius causæ non defuit post me, cum, quanto suum filium, quanto meum in periculo futurum, diceret, si contra procos. arma tulissent. nostri hominem: causæ non defuit. dixerunt etiam alij. Labeo uero noster, nec signum tuum in epistola, nec diem appositum, nec te scripsisse ad tuos, ut soles. hoc cogere uolebat, falsas litteras esse, & si queris, probabat. Nunc tuum est consilium, Brute, de toto genere belli. uideo te lenitate delectari, & eum putare fructum esse maximum. præclare quidem, si de alijs rebus, alijs temporibus locus esse solet, debetq. clementiæ. nunc quid agitur Brute? templis deorum immortalium imminet hominum egentium & perditorum spes, nec quidquid aliud decernitur hoc bello, nisi utrum simus, necne. cui parcimus? aut quid agimus? his ergo consulimus, quibus uictoribus uestigium nostrum nullum relinquetur? Nam quid interest inter Dolabellam, & quemuis Antoniorum trium? quorum si cui parcimus, duri fuimus in Dolabella. Hæc ut ita sentiret senatus, populusq. R. & si res ipsa cogebat, tamen maxima ex parte nostro consilio, atque auctoritate perfectum est. Tu si hanc rationem non probas, tuam sententiam defendam, non relinquam meam.



meam. neque dissolutum a te quidquam homines expectant, nec crudele. huius rei moderatio facilis est, ut in duces uehemens sis, in milites liberalis. Ciceronem meum, mi Brute, uelim quamplurimum tecum habeas. uirtutis disciplinam meliorem reperiet nullam, quam contemplationem, atque imitationem tui. XVI. kal. Mai.

SCRIPTA, & obsignata iam epistola, litteræ mihi redditæ sunt a te, plenæ rerum nouarum, maximeq. mirabiles: Dolabellam quinque cohortes misisse in Cherrhonesum. adeo ne copiis abundat, ut is, qui ex Asia fugere dicebatur, Europam appetere conetur? quinque autem cohortibus quidnam se facturum arbitratus est, cum tu eò quinque legiones, optimum equitatum, maxima auxilia haberes? quas quidem cohortes spero iam tuas esse; quoniam latro ille tam fuit demens. & tuum consilium uehementer laudo, quòd non prius exercitum Apollonia, Dyrrhachioq. mouisti, quam de Antoniij fuga audisti, Bruti eruptione, populi R. uictoria. itaque quod scribis, postea statuisse te, ducere exercitum in Cherrhonesum, nec pati sceleratissimo hosti ludibrio esse imperium populi R. facis ex tua dignitate, & e rep. Quod scribis de seditione, quæ facta est in legione quarta de Antoniis: quod dicam, in bonam partem accipias: magis mihi probatur militum seueritas, quam tua. Te beneuolentiam exercitus, equitumq. expertum esse, uehementer gaudeo. De Dolabella, ut scribis, si quid habes

SS 2

nou,



LIB. I. EPIST.

noui, facies me certio rem. in quo ualde delector,  
me ante prouidisse, ut tuum iudicium liberum esset  
cum Dolabella belli gerendi: & id ualde pertinuit,  
ut ego tum intelligebam, ad remp. ut nunc iudico,  
ad dignitatem tuam. Quod scribis, me maximo  
otio egisse, ut insectarer Antonios; idq. laudas:  
credo ita uiderit tibi; sed illam distinctionem tuam  
nullo pacto probo. scribis enim, acrius prohiben-  
da bella ciuilia esse, quam in superatos iracundiam  
exercendam, uehementer a te Brute dissentio: ine-  
que clementiae tuae concedo; sed salutaris seueritas  
uincit inanem speciem clementiae. quod si clementes  
esse uoluerimus, numquam deerunt bella ciuilia. sed  
de hoc tu uideris, de me possum idem, quod Plauti-  
nus pater in Trinummo: Mihi quidem aetas acta  
ferme est; tua istuc refert maxime. opprimemini,  
mihi crede, Brute, nisi prouideritis. neque enim  
populum semper eundem habebitis, neque senatum,  
neque senatus ducem. haec ex oraculo Apollinis  
Pythij edita tibi puta. nihil potest esse uerius.  
xiv. kal. Mai.

CICERO S. D. BRUTO. 7

NOSTRAE res meliori loco uidebantur. scri-  
pta enim ad te certo scio, quae gesta sunt. Quales  
tibi saepe scripsi, consules tales extiterunt. Cae-  
saris uero pueri mirifica indoles uirtutis. utinam tam  
facile eum florentem & honoribus, & gratia rege-  
re, ac tenere possimus, quam facile adhuc tenui-  
mus.



mus. est omnino illud difficilius: sed tamen non dif-  
fidimus. persuasum est enim adolescenti, & maxi-  
me per me, eius opera nos esse saluos. & certe, nisi  
is Antonium ab urbe auertisset, periissent omnia.  
triduo uero, aut quatrIduo ante hanc rem pulcher-  
rimam, timore quodam perculsa ciuitas tota ad te  
se cum coniugibus, & liberis effundebat: eadem  
recreata ad vii. kal. Mai. te huc uenire, quàm se  
ad te ire, malebat. quo quidem die magnorum meo-  
rum laborum, multarumq. uigiliarum fructum ce-  
pi maximum; si modo est aliquis fructus ex solida,  
ueraq. gloria. nam tantæ multitudinis, quantau-  
capit urbs nostra, concursus est ad me factus. ea  
cum usque in Capitolium deductus, maximo clamo-  
re, atque plausu in Rostris collocatus sum. nihil est  
in me inane; neque enim debet: sed tamen omnium  
ordinum consensus, gratiarum actio, gratulatioq.  
me commouet: propterea quod, popularem me  
esse in populi salute, præclarum est. Sed hæc te ma-  
lo ab alijs audire. Me uelim de tuis rebus, consi-  
lijsq. facias diligentissime certiore: illudq. consi-  
deres, ne tua liberalitas dissolutior uideatur. sic sen-  
tit senatus, sic populus R. nullos umquam hostes di-  
gniores omni supplicio fuisse, quàm ciues, qui hoc  
bello contra patriam arma ceperunt. quos quidem  
ego omnibus sententijs ulciscor, & persequor, om-  
nibus bonis approbantibus. tu quid de hac re sen-  
tias, tui iudicij est. ego sic sentio, trium fratrum  
unam, & eandem esse causam. Consules duos, bo-

SS 3 nos



LIB. I. EPIST.

nos quidem, sed dumtaxat bonos, amisimus. Hir-  
tius quidem in ipsa uictoria occidit, cum paucis die-  
bus magno praelio ante uicisset. nam Pansa fuge-  
rat, uulneribus acceptis, quæ ferre non potuit. re-  
liquias hostium Brutus persequitur, & Caesar. ho-  
stes autem omnes iudicati, qui M. Antonij sectam  
secuti sunt. itaque id S. C. plerique interpretantur  
etiam ad tuos siue captiuos, siue dediticios pertine-  
re. equidem nihil differui durius, cum nominatim  
de C. Antonio decernerem; quod ita statueram,  
a te cognoscere causam eius senatum oportere.  
x. kal. Mai.

BRUTVS S. D. CICERONI. 8

QVANTA sim latitia affectus, cognitis re-  
bus Bruti nostri, & consulum, facilius est tibi exi-  
stimare, quàm mihi scribere. cum alia laudo, &  
gaudeo accidisse, tum quod Bruti eruptio non solū  
ipsi salutaris fuit, sed etiam maximo ad uictoriam  
adiumento. Quod scribis, trium Antoniorum u-  
nam atque eandem causam esse; quid ego sentiam,  
mei iudicij esse: statuo nihil, nisi hoc; senatus aut  
populi R. iudicium esse de ijs ciuibus, qui pugnan-  
tes non interierunt. At hoc ipsum, inquires, inique  
facis, qui hostilis animi in remp. homines ciues ap-  
pelles. Immo iustissime. quod enim non dum sena-  
tus censuit, nec populus R. iussit, id arroganter nō  
præiudico, neque renoco ad arbitrium meum. il-  
lud quidem non muto, quod ei, quem me occidere  
res



res non coegit, neque crudeliter quidquam eripui,  
neque dissolute quidquam remisi; habuiq. in mea  
potestate, quoad bellum fuit. multo quidem hone-  
stius iudico, magisq. quod concedere possit resp. mi-  
serorum fortunam non insectari, quam infinita tri-  
buere potentibus, quæ cupiditatem, & arrogan-  
tiam incendere possint, qua in re, Cicero, uir opti-  
me ac fortissime, mihiq. merito & meo nomine,  
& reip. carissime, nimis credere uideris spei tuæ,  
statimque, ut quisque aliquid recte fecerit, omnia  
dare, ac permittere: quasi non liceat traduci ad ma-  
la consilia corruptum largitionibus animū. quæ tua  
est humanitas, æquo animo te moneri patieris, præ-  
sertim de communi salute: facies tamen, quod tibi ui-  
sum fuerit: etiam ego, cum me docueris. nūc Cicero,  
nunc agendū est, ne frustra oppressum esse Antoniū  
gausi simus; neu semper primi cuiusque mali exci-  
dendi causa sit, ut aliud renascatur illo peius. nihil  
iam neque opinantibus, aut patientibus nobis ad-  
uersi euenire potest, in quo non cum omnium cul-  
pa, tum præcipue tua futura sit, cuius tantā aucto-  
ritatem senatus ac populus R. non solum esse pati-  
tur, sed etiam cupit, quanta maxima in libera ciui-  
tate unius esse potest: quam tu non solum bene sen-  
tiendo, sed etiam prudenter tueri debes. pruden-  
tia porro, quæ tibi superest, nulla abs te desidera-  
tur, nisi modus in tribuendis honoribus. alia omnia  
sic adsunt, ut cum quolibet antiquorum comparari  
possint tuæ uirtutes. unum hoc, grato animo, libe-  
raliq.



LIB. I. EPIST.

raliq. profectum, cautiorem, ac moderatiorem liberalitatem desiderat. nihil enim senatus cuiquam dare debet, quod male cogitantibus exemplo, aut praesidio sit. itaque timeo, de consulatu, ne Caesar tuus altius se adscendisse putet decretis tuis, quam inde, si consul factus sit, descensurum, quod si Antonius ad alio relictum regni instrumentum occasionem regnandi habuit: quonam animo fore putas, si quis, auctore non tyranno interfecto, sed ipso senatu, putat se imperia quaelibet concupiscere posse? quare tum & facilitatem, & providentiam laudabo tuam, cum exploratum habere caepero, Caesarem honoribus, quos acceperit, extraordinarijs fore contentum. aliena, igitur, inquires, culpa me reum facies? prorsus aliena; si provideri potuit, ne existeret. quod utinam inspectare possis timorem de illo meum. His litteris scriptis, te consulem factum audiimus. tum uero incipiam proponere mihi remp. iustam, & iam suis nitentem uiribus, si istuc uidero. Filius ualet, & in Macedonia cum equitatu praemissus est. Idibus Mai. ex castris.

CICERO S. D. BRUTO. 9

AD V. kal. Mai. cum de ijs, qui hostes iudicati sunt, bello persequendis sententia dicerentur, dixit Seruilius etiam de Ventidio, & ut Cassius persequeretur Dolabellam. cui cum essem assensus, decreui hoc amplius, ut tu, si arbitrarere utile, exq. rep. esse, persequerere Dolabellam bello: si minus



minus id commodo reip. facere posses, siue non existimares e rep. esse, ut in iisdem locis exercitum contineres. nihil honorificentius potuit facere senatus, quam ut tuum esset iudicium, quid tibi maxime conducere reip. uideretur. equidem sic sentio: si manum habet, si castra, si ubi consistat uspiā Dolabella; ad fidem, & ad dignitatem tuam pertinere, eum persequi. De Cassii nostri copijs nihil sciebamus. neque enim ab ipso ullæ litteræ: neque nunciabatur quidquam, quod pro certo haberemus. quantopere autem intersit, opprimi Dolabellam, profecto intelligis; tum ut sceleris pœnas persoluat; tum ne sit, quò se latronum duces ex Mutinēsi fuga conferant. atque hoc mihi iam ante placuisse, potes ex superioribus meis litteris recordari. quamquam tum et fugæ portus erat in tuis castris, et subsidium salutis in tuo exercitu. quo magis nunc liberati, ut spero, periculis, in Dolabella opprimendo occupati esse debemus. sed hæc cogitabis diligentius, statues sapienter: facies nos, quid constitueris, & quid agas, si tibi uidebitur, certiores. Ciceronem nostrum in uestrum collegium cooptari uolo. existimo omnino absentium rationem sacerdotum comitijs posse haberi. nam etiam factum est antea. Caius enim Marius, cum in Cappadocia esset, lege Domitia factus est augur: nec, quo minus id postea liceret, ulla lex sanxit. est etiam in lege Iulia, quæ lex est de sacerdotijs proxima, his uerbis: Qui petit, cuius ueratio habebitur. aperte indicat,



LIB. I. EPIST.

cat, posse rationem haberi etiam non præsens. hac de rescripsi ad eum, ut tuo iudicio uteretur, sicut in rebus omnibus. tibi autem statuendum est de Comitio, & de Catone nostro. sed quamvis liceat absens rationem haberi, tamen omnia sunt præsens facilia. quod si statueris in Asiam tibi eundem, nulla erit ad comitia nostros accersendi facultas. omnino, Pansa uiuo, celeriora omnia putabamus. statim enim collegam sibi surrogasset: deinde ante prætoria, sacerdotum comitia fuissent. nunc per auspicia longam moram uideo. dum enim unus erit patricius magistratus, auspicia ad patres redire non possunt. magna sane perturbatio. tu tota de re quid sentias, uelim me facias certiore. III. non. Mai.

BRUTVS S. D. CICERONI. IO

NOLI expectare, dum tibi gratias agam. iam pridem hoc ex nostra necessitudine, quæ ad summam beneuolentiam peruenit, sublatum esse debet. Filius tuus a me abest. in Macedonia congre- diemur. iussus est enim Ambraciam ducere equites per Thessaliam: & scripsi ad eum, ut mihi Hera- cleam occurreret. cum eum uidero, (quoniam nobis permittis) communiter constituemus de reditu eius ad petitionem, aut ad commendationem hono- ris. Tibi Glycon, medicum Pansæ, qui sororem Achilleos nostri in matrimonio habet, diligentissi- me commendo. audimus, eum uenisse in suspicio- nem Torquato de morte Pansæ, custodiriq. ut pa- tricidam.



ricidam. nihil minus credendum est. quis enim maiorem calamitatem morte Pansa accepit? preterea est modestus homo, & frugi, quem ne utilitas quidem uideatur impulsura fuisse ad facinus. Rogo te, & quidem ualde rogo, (nam Achilleus nosler non minus, quam æquus est, laborat) eripias eum ex custodia, conseruesque. hoc ego ad meum officium priuatarum rerum æque, atque ullam aliam rem, pertinere arbitror. Cum has ad te scriberem litteras, ab Satrio, legato C. Trebonij, reddita est mihi epistola, a Tullio, & Deiotaro Dolabellam casum, fugatumque esse. græcam epistolam tibi missi Cyherci cuiusdam ad Satrium missam. Flavius nosler de controuersia, quam habet cum Dyrrhachinis hereditariam, sumpsit te iudicem. rogo te, Cicero, & Flavius rogat, rem conficias. quin ei, qui Flavius fecit heredem, pecuniam debuerit ciuitas, non est dubium: neque Dyrrhachini inficiantur: sed sibi donatum æs alienum a Cæsare dicunt. noli pati, a necessarijs tuis necessario meo iniuriam fieri. xvii. kal. Iun. ex castris, ad imā Candauia.

BRVTVS S. D. CICERONI. II

L. BIBVLVS quam carus mihi esse debeat, nemo melius iudicare potest, quam tu, cuius tantæ pro rep. contentiones, sollicitudinesque sunt, fuerunt. itaque uel ipsius uirtus, uel nostra necessitudo debet conciliare te illi. quo minus multa mihi scribenda esse arbitror. uoluntas enim te mouere debet



## LIB. I. EPIST.

debet nostra; si modo iusta est, aut pro officio necessario suscipitur. in Pansa locum petere constituit. eam nominationem a te petimus. neque coniunctiori dare beneficium, quam nos tibi sumus, neque digniorem nominare potes, quam Bibulum. De Domitio, & Appuleio quid attinet me scribere, cum ipsi per se tibi commendatissimi sint? Appuleium uero tu tua auctoritate sustinere debes. sed Appuleius in sua epistola celebrabitur. Bibulum noli dimittere ex sinu, tantum iam uirum, ex quanto, crede mihi, potest euadere, qui uestris paucorum respondeat laudibus.

CICERO S. D. BRUTO. 12

MULTOS tibi commendo, & commendem necesse est. optimus enim quisque uir, & cuius sequitur iudicium tuum: tibiq. omnes fortes uiri nauare operam, & studium uolunt: nec quisquam est, quin ita existimet, meam apud te & gratiam, & auctoritatem ualere plurimum: sed C. Nasennium, municipem Sueffanum, tibi ita comendo, ut neminem diligentius. Cretensi bello, Metello imperatore, octauum principem duxit: postea in re familiarum occupatus fuit. hoc tempore, cum reip. partibus, tum tua excellenti dignitate comotus, uellet per te aliquid auctoritatis assumere. forte uirum, Brute, tibi comendo, frugi hominem, et, si quid ad rem pertinet, etiam locupletem. pergratum mihi erit, si eum ita tractaris, ut merito tuo mihi gratias agere possit.

CICERO



FVNGERER officio, quo tu functus & in meo luctu, teq. per litteras consolarer, nisi scirem, ijs remedijs, quibus meum dolorem tu leuasses, te in tuo egere. ac uelim, facilius, quàm tunc mihi, nunc tibi tute medeare. est enim alienum tanto uiro, ut es tu, quod alteri praeceperit, id ipsum facere non posse. me quidem cum rationes, quas collegeras, tum auctoritas tua a nimio mærore deterruit. cum enim mollius tibi ferre uiderer, quàm deceret uirum, praesertim eum, qui alios consolari solet, ac uisasti me per litteras grauioribus uerbis, quàm tua consuetudo ferebat. itaque iudicium tuum magni aestimans, idq. ueritus, me ipse collegi, & ea, quæ didiceram, legeram, acceperam, grauiora duxi, tua auctoritate addita. Ac mihi tu Brute officio solum erat, & naturæ, tibi nunc populo, & scenæ, ut dicitur, seruiendum est. nam cum in te non solum exercitus tui, sed omnium ciuium, ac pæne gentium coniecti oculi sint; minime decet, propter quem fortiores ceteri sumus, eum ipsum animo debilitatum uideri. quamobrè accepisti tu quidem dolorem, ( id enim amisisti, cui simile in terris nihil fuit ) & est dolendum in tam graui uulnere: ne id ipsum, carere omni sensu doloris, sit miserius, quàm dolere: sed, ut modice, ceteris utile est, tibi necesse est. Scriberem plura, nisi ad te hæc ipsa nimis multa essent. Nos te, tuumq. exercitum expectamus:



## LIB. I. EPIST.

exspectamus : sine quo , ut reliqua ex sententia succedant , uix satis liberi uidemur fore . De tota rep. plura scribam , & fortasse iam certiora ijs litteris , quas Veteri nostro cogitabam dare .

CICERO S. D. BRUTO. 14

NULLAS adhuc a te litteras habebamus , ne famam quidem , quæ declararet , te , cognita senatus auctoritate , in Italiam adducere exercitum : quod ut faceres , idq. maturares , magnopere desiderabat resp. ingrauescit enim in dies intestinū malum , nec externis hostibus magis , quàm domesticis , laboramus : qui erant omnino ab initio belli , sed facilius frangebantur . erectior senatus erat , non sententijs solum nostris , sed etiam cohortationibus excitatus , erat in senatu satis uehemens , & acer Pansa , cum in ceteros huius generis , tum maxime in socerum . cui consuli non animus ab initio , nō fides ad extremum defuit . bellum ad Mutinam gerebatur , nihil ut in Cæsare reprehenderes , non nulla in Hirtio . huius belli fortuna , ut in secundis , fluxa ; ut in aduersis , bona . erat uictrix resp. cæsis Antonij copijs , ipso expulso . Bruti deinde ita multa peccata , ut quodā modo uictoria excideret e manibus . perterritos , inermes , saucios non sunt nostri duces persecuti : datumq. Lepido tempus est , in quo leuitatem eius , sæpe perspectam , maioribus in malis experiremur . sunt exercitus boni , sed rudēs , Bruti , & Planci . sunt fidelissima , & maxima



ma auxilia Gallorum. sed Casarem, meis consilijs  
adhuc gubernatum, præclara ipsum indole, admi-  
rabiliq. constantia, improbiſſimis litteris quidam,  
fallacibus interpretibus, ac nuncijs impulerunt in  
ſpem certiffimam conſulatus. quod ſimul atque ſen-  
ſi; neque ego illum abſentem litteris monere deſti-  
ti, nec accuſare præſentes eius neceſſarios, qui eius  
cupiditati ſuffragari uidebantur; nec in ſenatu ſcele-  
ratiffimorum conſiliorum fontes aperire dubitau.  
nec uero ulla in re memini aut ſenatum meliorem,  
aut magistratus: numquam enim in honore extra-  
ordinario potentis hominis, uel potentiffimi potius  
(quando quidem potentia iam in ui poſita eſt, &  
armis) accidit ut nemo tribunus pl. nemo alio ma-  
giſtratu, nemo priuatus auctor exiſteret. ſed in  
hac constantia, atque uirtute, erat tamen ſolicita ci-  
uitas. illudimur enim, Brute cum militum delicijs,  
tum imperatoris inſolentia. tantum quiſque in rep.  
poſſe poſtulat, quantum habet uirium. non ratio,  
non modus, non lex, non mos, non officium ualet,  
non iudicium, non exiſtimatio ciuium, non poſteri-  
tatis uerecundia. Hæc ego multo ante proſpiciens,  
fugiebam ex Italia, tum, cum me ueſtrorum ediſto-  
rum fama reuocauit. incitaſti uero tu me, Brute,  
Veliæ. quamquam enim dolebam in eam me urbem  
ire, quam tu fugeres, qui eam liberauiſſes, quod  
mibi quoque quondam acciderat; periculo ſimili,  
caſu triſtiore: perrexi tamen, Romamq. perueni;  
nulloq. præſidio quateſeci Antonium; contraq.  
eius



## LIB. I. EPIST.

eius arma nefanda. præsidia, quæ oblata sunt, Cæsaris consilio, & auctoritate firmaui. qui si steterit idem, mihiq. paruerit, satis uidemur habituri præsidij. sin autem impiorum consilia plus ualuerint, quàm nostra; aut imbecillitas ætatis non potuerit grauitatem rerum sustinere: spes omnis in te. quam obrem aduola obsecro, atque eam remp. Quam uirtute, atque animi magnitudine magis, quàm euentis rerum, liberaasti, exitu libera. omnis omnium concursus ad te futurus est. hortare idem per litteras Cassium. spes libertatis nusquam, nisi in uestrorum castrorum præsidij, est. firmos omnino & duces habemus ab occidente, & exercitus. hoc adolescentis præsidium equidem adhuc firmum esse confido; sed ita multi labefactant, ut, ne moueatur, interdum extimescam. Habes totum reip. statum, qui quidem tum erat, cum has litteras dabam. uelim deinceps meliora: sin aliter fuerit, quod dii omen auertant, reip. uicem dolebo, quæ immortalis esse debeat. mihi quidem quantulum reliqui est?

BRVTVS S. D. C I C E R O N I. 15

VETERIS Antistij talis animus est in remp. ut non dubitem, quin & in Cæsare, & Antonio se præstiturus fuerit acerrimum propugnato-rem communis libertatis, si occasione potuisset occurrere. nam qui in Achaia congressus, P. Dolabella milites, atque equites habente, quoduis adire periculum ex insidijs paratissimi ad omnia latronis maluerit



maluerit, quàm uideri aut coactus esse pecuniam dare, aut libenter dedisse homini nequissimo, atque improbiſſimo, is nobis ultro et pollicitus est, et dedit **xx HS** ex sua pecunia, & quod multo carius est, se ipsum obtulit, & coniunxit. huic persuadere cœpimus, ut imperator in castris remaneret, remq. publicam defenderet. Statuit eundem sibi, quoniam exercitum dimisisset: statim uero rediturum ad nos confirmavit, legatione suscepta, nisi pratorum comitia habituri essent consules. nam illi ita sentienti de rep. magnopere auctor fui, ne differret tempus petitionis suæ. cuius factum omnibus gratum esse debet, qui modo iudicarint hunc exercitum esse reip. tibi tanto gratius, quanto maiore animo, gloriaq. libertatem nostram defendis, & dignitatem, si contigerit nostris consilijs exitus, quem optamus, perfunctorus es. ego etiam, mi Cicero, proprie, familiariterq. te rogo, ut Veterem ames, uelisq. esse quam amplissimum. qui, etsi nulla re deterreretur a proposito potest, tamen excitari tuis laudibus, indulgentiaq. poterit, quo magis amplexetur, ac tueatur iudicium suum: & mihi gratissimum erit.

CICERO S. D. BRUTO. 16

ET SI daturus eram Messalla Coruino continuo litteras, tamen Veterem nostrum ad te sine litteris meis uenire nolui. Maximo in discrimine resp. Brute, uersatur; uictoresq. rursus decertare cogimur. id accidit M. Lepidi scelere, & amentia. quo tēpore

TT cum



## LIB. I. EPIST.

cum multa propter eam curam, quam pro rep. suscepī, grauitē ferrem, tum nihil tuli grauius, quā me non posse matris tuæ precibus cedere, non sororis. nam tibi, quod mihi plurimi est, facile me satisfacturum arbitrabar. nullo enim modo poterat causa Lepidi distinguī ab Antonio, omniumq. iudicio etiā durior erat, quod, cum honoribus amplissimis a senatu esset Lepidus ornatus, tum etiā paucis ante diebus præclaras litteras ad senatum misisset, repente non solum recepit reliquias hostiū, sed bellum acerrimum terra, mariq. gerit: cuius exitus qui futurus sit, incertum est. ita, cum rogamur, ut misericordiam liberis eius impertiamus, nihil affertur, quo minus summa supplicia, si, quod Iupiter omen auertat, pater puerorum uicerit, subeunda nobis sint. Nec uero me fugit, quā sit acerbum, parentum scelera filiorum pœnis lui: sed hoc præclare legibus comparatum est, ut caritas liberorum amiciores parentes reip. redderet. itaque Lepidus crudelis in liberos, non is, qui Lepidum hostem iudicat. atque ille, si, armis positus, de ui damnatus esset; quo in iudicio certe defensionem non haberet: eandem calamitatem subirent liberi, bonis publicatis. quamquam, quod tua mater, & soror deprecatur pro pueris, id ipsum, & multa alia crudeliora nobis omnibus Lepidus, Antonius, & reliqui hostes denunciant. itaque maximā spem hoc tempore habemus in te, atque exercitu tuo. cum ad reip. summam, tum ad gloriam, & dignitatem



tatem tuam uehementer pertinet, te in Italiam, ut ante scripsi, uenire quamprimum: eget enim uehementer tum uiribus tuis, tum etiam consilio resp. Veterem pro eius erga te beneuolentia, singulari q. officio libenter ex tuis litteris cōplexus sum; eum q. cum tui, tum reip. studiosissimum, amantissimum q. cognoui. Ciceronem meum propediem, ut spero, uidebo. tecum enim illum, & te in Italiam celeriter esse uenturum confido.

B R V T V S S. D. C I C E R O N I. 17

DE M. Lepido uereri me cogit reliquorum timor. qui si eripuerit se nobis; quod, uelim, temere, atque iniuriose de illo suspicati sint homines: oro atque obsecro te Cicero, necessitudinem nostram, tuam q. in me beueuolentiam obtestans, sororis meae liberos obliuiscaris esse Lepidi filios, me q. his in patris locum successisse existimes. hoc si a te impetro, nihil profecto dubitabis pro his suscipere. aliter alij cum suis uiuunt: nihil ego possum in sororis meae liberis facere, quo possit expleri uoluntas mea, aut officium. quid uero aut mihi tribuere boni possunt; si modo digni sumus, quibus aliquid tribuatur; aut ego matri, ac sorori, pueris q. illis praestaturus sum, si nihil ualuerit apud te, reliquum q. senatum contra patrem Lepidum Brutus auunculus? scribere multa ad te neque possum praesolicitudine, ac stomacho, neque debeo. nam si in tanta re, tam q. necessaria uerbis mihi opus est ad

T T 2 te



LIB. I. EPIST.

te excitandum, & confirmandum; nulla spes est, facturum te, quod uolo, & quod oportet. quare noli expectare longas preces: intueri me ipsum, qui hoc a te uel a Cicerone coniunctissimo homine, priuatim, uel a consulari, tali uiro, remota necessitudine priuata, debeo impetrare. quid sis factururus, uelim mihi quamprimum rescribas. Kal. Quint. ex castris.

CICERO S. D. BRUTO. 18

BREUES tuæ litteræ: breues, dico? immo nullæ. tribus ne uersiculis his temporibus Brutus ad me? nihil scripsissem potius. & requiris meas. quis umquam ad te tuorum sine meis uenit? quæ autem epistola non pondus habuit? quæ si ad te perlatæ non sunt, ne domesticas quidem tuas perlatas arbitror. Ciceroni scribis te longiorem daturum epistolam. recte id quidem: sed hæc quoque debuit esse plenior. ego autem, cum ad me de Ciceronis abs te discessu scripsisses, statim extrusi tabellarios, litterasq. ad Ciceronem, ut, etiam si in Italiam uenisset, ad te rediret. nihil enim mihi iucundius, nihil illi honestius. quamquam aliquoties ei scripseram, sacerdotum comitia mea summa contentione in alterum annum esse reiecta; quod ego cum Ciceronis causa elaboravi, tum Domitij, Catonis, Lentuli, Bibulorum: quod ad te etiam scripseram. sed uidelicet, cum illam pusillam epistolam tuam ad me dabas, non dum erat tibi id notum. quare omni studio  
ate,



ate, mi Brute, contendo, ut Ciceronem meum ne dimittas, tecumque adducas. quod ipsum, si remp. cui susceptus es, respicis, tibi iam iamque faciendum est. renatum enim bellum est, idque non paruo scelere Lepidi. exercitus autem Caesaris, qui erat optimus, non modo nihil prodest, sed etiam cogit exercitum tuum flagitari: qui si Italiam attigerit; erit ciuis nemo, quem quidem ciuem appellari fas sit, qui se non in tua castra conferat. et si Brutum praecclare cum Planco coniunctum habemus. sed non ignoras, quam sint incerti animi hominum, & infecti partibus, & exitus praeliorum. quin etiam, si, ut spero, uicerimus, tamen magnam gubernationem tui consilij, tuaque auctoritatis res desiderabit. subueni igitur per deos, idque quamprimum: tibi que persuade, non te idibus Martijs, quibus seruitutem a tuis ciuibz repulisti, plus profuisse patriae, quam, si mature ueneris, profuturum. III. id. Quint.

CICERO S. D. BRUTO. 19

MESSALLAM habes: quibus igitur litteris tam accurate scriptis assequi possum, subtilius ut explicem, quae gerantur, quaeque sint in rep. quam tibi is exponet, qui & optime omnia nouit, & elegantissime expedire, & deferre ad te potest? caue enim existimes, Brute, (quamquam non necesse est ea me ad te, quae tibi nota sunt scribere: sed tamen tantam omnium laudum excellentiam non queo si-

T. T. 3 lentio



## LIB. I. EPIST.

lentio praterire) caue putes, probitate, constantia,  
 cura, studio reip. quidquam illi esse simile: ut elo-  
 quentia, qua mirabiliter excellit, uix in eo locum  
 ad laudandum habere uideatur: quamquam in hac  
 ipsa sapientia plus apparet: ita graui iudicio, mul-  
 taq. arte se exercuit in uerissimo genere dicendi. tan-  
 ta autem industria est, tantumq. euigilat in studio,  
 ut non maxima ingenio, quod in eo summum est,  
 gratia habenda uideatur. Sed prouehor amore. non  
 enim id propositum est huic epistolae, Messallam ut  
 laudem, praesertim ad Brutum; cui & uirtus illius  
 non minus, quam mihi, nota est, & haec ipsa stu-  
 dia, quae laudo, notiora. quem cum a me dimittens  
 grauitus ferrem, hoc leuabar uno, quod ad te, tam-  
 quam ad alterum me, proficiscens, & officio fun-  
 gebatur, et laudem maximam sequebatur. Sed haec  
 haecenus. Venio nunc, longo sane interuallo, ad  
 quandam epistolam, qua, mihi multa tribuens,  
 unum reprehendebas, quod in honoribus decernen-  
 dis essem nimis, & tamquam prodigus. tu hoc:  
 alius fortasse, quod in animaduersione, poenaq. du-  
 rior: nisi fortasse utrumque tu. quod si ita est, utri-  
 usque rei meum iudicium tibi cupio esse notissimum:  
 neque solum ut Solonis dictum usurpem, qui & sa-  
 pientissimus fuit ex septem, & legum scriptor so-  
 lus ex septem. is remp. contineri duabus rebus di-  
 xit, praemio, & poena. est scilicet utriusque rei  
 modus, sicut reliquarum, & quaedam in utroque  
 genere mediocritas. sed non tanta de re propositum  
 est



est hoc loco disputare. quid ego autē secutus in bello  
sim in sententijs dicendis, aperire non alienum pu-  
to. Post interitum Caesaris, et uestras memorabi-  
les idus Martias, Brute, quid ego pratermissum a  
uobis, quantamq. impendere reip. tempestatem  
dixerim, non es oblitus. magna pestis erat depulsa  
per uos, magna populi R. macula deleta, uobis  
uero parta diuina gloria: sed instrumentum regni  
delatum ad Lepidum, & Antonium: quorum al-  
ter inconstantior, alter impurior, uterque pacem  
metuens, inimicus otio. his ardentibus perturban-  
da reip. cupiditate quod opponi posset præsidium,  
non habebamus erexerat enim se ciuitas in retinen-  
da libertate consentiens. nos tum nimis acres. uos,  
fortasse sapientius, excessistis urbe ea, quam libera-  
ratis: Italiae, sua uobis studia profitenti, remisistis.  
itaque cum teneri urbem a paricidis uiderem, nec  
te in ea, nec Cassium tuto esse posse, eamq. armis  
oppressam ab Antonio: mihi quoque ipsi esse exce-  
dendum putauī. tætrum enim spectaculum, oppres-  
sa ab impijs ciuitas, opitulandi potestate præcisa.  
sed animus idem, qui semper, infixus in patriæ ca-  
ritate, discessum ab eius periculis ferre non potuit.  
itaque in medio Achaico cursu, cum Etesiarum  
dixibus Auster me in Italiam, quasi dissuasor mei  
consilij, retulisset, te uidi Veliæ, doluiq. uehemen-  
ter. cedebas enim Brute, cedebas: quoniam Stoi-  
ci uestri negant fugere sapientis. Romam ut ueni,  
statim me obtuli Antoni sceleri, atque dementiæ.

T T 4

quem



## LIB. I. EPIST.

quem cum in me incitauissem, consilia inire cœpi, Brutina plane, (uestri enim hæc sunt propria sanguinis) reip. liberanda. longa sunt, quæ restant, prætereunda: sunt enim de me. tantum dico, Cæsarem hunc adolescentem, per quem adhuc sumus, si uerum fateri uolumus, fluxisse ex fonte consiliorum meorum. huic habita me honores, nulli quidem Brute, nisi debiti, nulli, nisi necessarij. ut enim primum libertatem reuocare cœpimus, cum se non dum ne Decimi quidem Bruti diuina uirtus ita commouisset, ut iam id scire possemus; atque omne præsidium esset in puero, qui a ceruicibus nostris auertisset Antonium; quis honos ei nõ fuit decernendus? quamquam ego illi tum uerborum laudem tribui, eamq. modicam: decreui etiam imperium: quod quamquam uidebatur illi ætati honorificum, tamen erat exercitum habenti necessarium. quid enim est sine imperio exercitus? statuam Philippus decreuit; celeritatem petitionis primo Seruius, post maiorem etiam Seruilius. nihil tum nimium uidebatur. sed nescio quo modo facilius in timore benigni, quàm in uictoria grati reperimur. ego enim, D. Bruto liberato, cum lætissimus ille ciuitati dies illuxisset, idemq. casu Bruti natalis esset, decreui, ut in fastis ad eum diem Bruti nomen adscriberetur. in eoq. sum maiorum exemplum secutus, qui hunc honorem mulieri Larentiæ tribuerunt, cui uos pontifices ad aram in Velabro facere soletis. quod ego cum dabam Bruto, notam esse in fastis



fastis gratissima uictoria sempiternam uolebam.  
atque illo die cognoui, haud paullo plures in senatu  
maleuolos esse, quam gratos. Eos per ipsos dies ef-  
fudi, si ita uis, honores in mortuos Hirtium, &  
Pansam, Aquilam etiam: quod quis reprehendit,  
nisi qui, deposito metu, praeteriti periculi fuerit  
oblitus? accedebat ad beneficij memoriam gratam  
ratio illa, quae etiam posteris posset esse salutaris.  
extare enim uolebam in crudelissimos hostes monu-  
menta odij publici sempiterna. Suspicio illud minus  
tibi probari, quod a tuis familiaribus, optimis illis  
quidem uiris, sed in rep. rudibus, non probabatur,  
quod, ut ouanti introire Caesari liceret, decreuerim.  
ego autem (sed erro fortasse: nec tamen is sum, ut  
mea me maxime delectent) nihil mihi uideor hoc  
bello sensisse prudentius. cur autem ita sit, aperien-  
dum non est; ne magis uidear prouidus fuisse, quam  
gratus. hoc ipsum nimium: quare alia uideamus.  
D. Bruto decreui honores, decreui L. Planco. prae-  
clara illa quidem ingenia, quae gloria inuitantur:  
sed senatus etiam sapiens, qui, qua quemque re pu-  
tat, modo honesta, ad rep. iuuandum posse addu-  
ci, hac utitur. At in Lepido repreheditur: cui cum  
statuam in Rostris statuissimus, ijdem illam euer-  
timus. Nos illum honore studuimus a furore reuo-  
care: uicit amentia leuissimi hominis nostram pru-  
dentiam. nec tamen tantum in statuenda Lepidi sta-  
tua factum est mali, quantum in euertenda boni.  
Satis multa de honoribus. nunc de pœna pauca sunt  
dicenda.



## LIB. I. EPIST.

dicenda. Intellexi enim ex tuis saepe litteris, te in ijs, quos bello deuicisti, clementiam tuam uelle laudari. existimo equidem, nil a te nisi sapienter: sed, sceleris pœnam prætermittere, ( id enim est, quod uocatur ignoscere ) etiam si in ceteris rebus tolerabile est, in hoc bello perniciosum puto. nullum enim bellum ciuile fuit in nostra rep. omnium, quæ memoria mea fuerunt, in quo bello non, utrumque pars uicisset, tamen aliqua forma esset futura reip. hoc bello uictores quam remp. simus habituri, non facile affirmarim: uictis certe nulla umquam erit. Dixi igitur sententias in Antonium, dixi in Lepidum seueras, neque tam ulciscendi causa, quàm ut & in præsens sceleratos ciues timore ab impugnanda patria deterrerem; & in posterum documentum statuerem, ne quis talem amentiam uellet imitari. quamquam hæc quidem sententia non magis mea fuit, quàm omnium. in qua uidetur esse illud crudele; quòd ad liberos, qui nihil meruerunt, pœna peruenit. sed id & antiquum est, & omnium ciuitatum: siquidem etiam Themistoclis liberi eguerunt. & si iudicio damnatos eadem pœna sequitur ciues; qui potuimus leniores esse in hostes? Quid autem queri quisquam potest de me; qui si uicisset, acerbiores se in me futurum fuisse confiteatur, necesse est? Habes rationem mearum sententiarum, de hoc genere dumtaxat honoris, & pœnæ. nam de ceteris rebus quid senserim, quidq. censuerim, audisse te arbitror. Sed hæc quidem non  
ita



ita necessaria: illud ualde necessariū Brute, te in Italiam cum exercitu uenire quamprimum. Summa est expectatio tui: qui si Italiam attigeris, ad te concursus fiet omnium. siue enim uicerimus; qui quidem pulcherrime uiceramus, nisi Lepidus perdere omnia, & perire ipse cum suis concupiuisset: tua nobis auctoritate opus est ad collocandum aliquem ciuitatis statum. siue etiam nunc certamen reliquum est: maxima spes est cum in auctoritate tua, tum in exercitus tui uiribus. Sed prospera per deos. scis, quantum sit in temporibus, quantum in celeritate. Sororis tuæ filijs quā diligenter consulam, spero te ex matris, & sororis litteris cogniturum. qua in caussa maiorem habeo rationem tuæ uoluntatis, quæ mihi carissima est, quā, ut quibusdam uideor, constantiæ meæ. sed ego nulla in re malo, quā te amando, constans & esse, & uideri. Vale.

BRVTVS S. D. CICERONI. 20

PARTICVLAM litterarum tuarum, quas misisti Octauio, legi, missam ab Attico mihi. Studium tuum, curaq. de salute mea nulla me noua uoluptate affecit. non solum enim usitatum, sed etiam quotidianum est, aliquid audire de te, quod pro nostra dignitate fideliter, atque honorifice dixeris, aut feceris. at dolore, quantum maximum capere animo possum, eadem illa pars epistolæ scriptæ ad Octauium de nobis afficit. sic enim illi gratias agis de rep. tam suppliciter,



## LIB. I. EPIST.

suppliciter, ac demisse. quid scribam? pudet condi-  
 tionis, ac fortunæ: sed tamen scribendum est. com-  
 mendas nostram salutem illi; quæ morte qua non  
 perniciosior? ut prorsus præteferas, non sublatam  
 dominationem, sed dominum commutatum esse.  
 uerba tua recognosce; & aude negare, seruientis  
 aduersus regem istas esse preces. unum ais esse,  
 quod ab eo postuletur, & expectetur, ut eos ciues,  
 de quibus uiri boni, populus R. bene existimet,  
 saluos uelit. quid, si nolit? non erimus? atqui non  
 esse, quàm esse per illum, præstat. ego mediusfi-  
 dius non existimo, tam omnes deos auersos esse, a sa-  
 lute populi R. ut Octavius orandus sit pro salute  
 cuiusquam ciuis, non dicam pro liberatoribus orbis  
 terrarum. inuat enim magnifice loqui, & certe de-  
 cet aduersus ignorantes, quid pro quoque timen-  
 dum, aut a quoque petendum sit. hoc tu Cicero pos-  
 se fateris Octavium, & illi amicus es; aut, si me  
 carum habes, uis Romæ uideri; cum, ut ibi esse pos-  
 sem, commendandus puero illi fuerim? cui quid a-  
 gis gratias, si, ut nos saluos esse uelit, & patiat,ur,  
 rogandum putas? an hoc pro beneficio est haben-  
 dum, quòd se, quàm Antonium, esse maluerit, a  
 quo ista petenda essent? uindicti quidem alienæ do-  
 minationis, non uicario, ecquis supplicat, ut opti-  
 me meritis de rep. liceat esse salutis? ista uero imbe-  
 cillitas, & desperatio, cuius culpa non magis in te  
 residet, quàm in omnibus alijs, & Casarem in cu-  
 piditatem regni impulit; & Antonio post interi-  
 tum



tum illius persuasit, ut interfecti locum occupare  
conaretur; & nunc puerum istum extulit, ut tu iu-  
dicares, precibus esse impetrandam salutem tali-  
bus uiris, misericordiaq. unius uix etiam nunc uiri-  
tutos fore nos, haud ulla aliare. quod si Romanos  
nos esse meminissimus; non audacius dominari cu-  
perent postremi homines, quam id nos prohibere-  
mus; neque magis irritatus esset Antonius regno  
Cæsaris, quam ob eiusdem mortem deterritus. Tu-  
quidem consularis, & tantorum scelerum uindex,  
quibus oppressis, uereor, ne in breue tempus dilata  
sit abs te perniciēs, qui potes intueri, quæ gesseris,  
simul & ista uel probare, uel ita demisse, ac facile  
pati, ut probantis speciem habeas? quod autem ti-  
bi cum Antonio priuatum odium? nempe, quia po-  
stulabat hæc; salutem ab se peti; precariam nos in-  
columitatem habere, a quibus ipse libertatem ac-  
cepisset; esse arbitrium suum de rep. quærenda esse  
arma putasti, quibus dominari prohiberetur; scili-  
cet, ut, illo prohibito, rogaremus alterum, qui se  
in eius locum reponi pateretur, an ut esset sui iuris,  
ac mancipij resp. ? nisi forte non de seruitute, sed de  
condicione seruiendi recusatum est a nobis. atqui  
non solum bono domino potuimus Antonio tolera-  
re nostram fortunam, sed etiam beneficijs, atque  
honoribus, ut participes, frui, quantis uellemus.  
quid erim neget ijs, quorum patientiam uideret  
maximum suæ dominationis præsidium esse? sed  
nihil tanti fuit, quo uenderemus fidem nostram, &  
liber-



LIB. I. EPIST.

libertatem. hic ipse puer, quem Caesaris nomen incitare uidetur in Caesaris interfectores, quanti aestimet, si sit commercio locus, posse nobis auctoribus tantum, quantum profecto poterit; quoniam uiuere, & pecunias habere, & dici consulares uolumus? ceterum nequidquam perierit ille: cuius interitu quid gauisi sumus, si, mortuo, nihilo minus seruituri eramus? nulla cura adhibetur. sed mihi prius omnia dii, deæq. eripuerint, quàm illud iudicium, quo non modo heredi eius, quem occidi, non concesserim, quod in illo non tuli, sed ne patri quidem meo, si reuiuiscat, ut, patiente me, plus legibus, ac senatu possit. An hoc tibi persuasum est, fore ceteros ab eo liberos, quo inuito nobis in ista ciuitate locus non sit? qui porro id, quod petis, fieri potest, ut impetres? rogas enim, uelit nos saluos esse. uidemur ergo tibi salutem accepturi, cum uitam acceperimus? quam, si prius dimittimus dignitatem, & libertatem, qui possumus accipere? An tu, Romæ habitare, id putas incolumem esse? res, non locus, oportet, præstet istuc mihi. neque incolumis Casare uiuo fui, nisi postquam illud consciui facinus: neque usquam exsul esse possum, dum, seruire, & pati contumelias, peius odero malis omnibus alijs. non ne hoc est in easdem tenebras recidisse? ab eo, qui tyranni nomē adsciuit sibi, (cum in Græcis ciuitatibus liberi tyrannorum, oppressis, illis, eodem supplicio afficiantur) petitur, ut uindices, atque oppressores dominationis salui sint? hanc



hanc ego ciuitatem uidere uelim, aut putem ullam, quæ ne traditam quidem, atque inculcatam libertatem recipere possit, plusq. timeat in puero nomen sublati regis, quàm confidat sibi; cum illum ipsum, qui maximas opes habuerit, paucorum uirtute sublatum uideat? Me uero posthac ne cõmendaueris Casari tuo, ne te quidem ipsum, si me audies. ualde care æstimas tot annos, quot ista ætas recipit, si propter eam causam puero isti supplicaturus es. Deinde, quod pulcherrime fecisti, ac facis in Antonio, uide, ne conuertatur a laude maximi animi ad opinionem formidinis. nam si Octavius tibi placet, a quo de nostra salute petendum sit; non dominum fugisse, sed amiciores dominum quæsisse uideberis. quem quòd laudas ob ea, quæ adhuc fecit; plane probo: sunt enim laudanda; si modo contra alienam potentiam, non pro sua suscepit eas actiones. cum uero iudicas tantum illi nò modo licere, sed etiam a te ipso tribuendum esse, ut rogandus sit, ne nolit esse nos saluos: nimium magnam mercedem statuis. id enim ipsum illi largiris, quod per illum habere uidebatur resp. neque hoc tibi in mentem uenit, si Octavius ullis dignus sit honoribus, quia cum Antonio bellum gerat; ijs, qui illud malum exciderint, cuius istæ reliquæ sunt, nihil, quo expleri possit eorum meritum, tributurum unquam populum R. si omnia simul congegserit. Ac uide, quanto diligentius homines metuant, quàm meminerint, quia Antonius uiuat, atque



LIB. I. EPIST.

atque in armis sit. de Casare uero quod fieri potuit,  
ac debuit, transactum est, neque iam reuocari in  
integrum potest. Octavius is est, qui quid de nobis  
iudicaturus sit, exspectet populus R. ? nos ij sumus,  
de quorum salute unus homo rogandus uideatur?  
ego ( ut istuc reuertar ) is sum, qui non modo non  
supplicem, sed etiam coerceam postulantes, ut sibi  
supplicetur. aut longe a seruientibus abero; mihiq.  
esse iudicabo Romam, ubicunque liberum esse lice-  
bit; ac uestri miserebor, quibus nec ætas, neque  
honores, neque uirtus aliena dulcedinem uiuendi  
minuere potuerit. mihi quidem ita beatus esse uide-  
bor, si modo constanter, ac perpetuo placebit hoc  
consilium, ut relatam putem gratiam pietati meæ.  
quid enim est melius, quàm, memoria recte facto-  
rum, & libertate contentum, negligere humana?  
sed certe non succumbam succumbentibus; nec uin-  
car ab ijs, qui se uinci uolunt; experiarque, & ten-  
tabo omnia, neque desistam abstrahere a seruitio  
ciuitatem nostram. si secuta fuerit, quæ debet, for-  
tuna; gaudebimus omnes: sin minus; ego tamen  
gaudebo. quibus enim prius hæc uita factis, aut cogi-  
tationibus traducatur, quàm ijs, quæ pertinuerint  
ad liberandos ciues meos? te, Cicero, rogo, atque  
hortor, ne defatigare, neu diffidas; semper in præ-  
sentibus malis prohibendis, futura quoque, nisi an-  
te sit occursum, explores, ne se insinuent. fortem,  
& liberum animum, quo & consul, & nunc con-  
sularis remp. uindicasti, sine constantia, & æqua-  
bilitate



bilitate nullum esse putaris. fateor enim, duriores  
 esse cōdicionem spectatæ uirtutis, quàm incognitæ.  
 benefacta pro debitis exigimus: quæ si aliter eue-  
 niunt; ut decepti ab his, infesto animo reprehendi-  
 mus. itaque, resistere Antonio Ciceronem, & si  
 magna laude dignum est; tamen, quia ille consul  
 hunc cōsularem merito præstare uidetur, nemo ad-  
 miratur. idem Cicero, si flexerit aduersus alios iu-  
 dicium suum, quod tanta firmitate, ac magnitudine  
 animi direxit in exturbando Antonio, non modo  
 reliqui temporis gloriam eripuerit sibi, sed etiam  
 præterita euanescere coget: (nihil enim per se am-  
 plum est, nisi in quo iudicij ratio extat) quia nemi-  
 nem magis decet, remp. amare, libertatisq. defenso-  
 rem esse, uel ingenio, uel rebus gestis, uel studio,  
 atque efflagitatione omnium. quare non Octavius  
 est rogandus, ut uelit nos saluos esse; magis tu te ex-  
 suscita, ut eam ciuitatem, in qua maxima gessiſti,  
 liberam, atque honestam fore putes, si modo sint  
 populo duces ad resistendum improborum consilijs.

B R V T O S. D. A T T I C O. 25

S C R I B I S mihi, mirari Ciceronem, quòd  
 nihil significem umquam de suis actis. quoniam ef-  
 flagitas, coactus tuo scribam, quæ sentio. Omnia fe-  
 cisse Ciceronem optimo animo, scio. quid enim mi-  
 hi exploratius esse potest, quàm illius animus in  
 remp. ? sed quædam mihi uidetur, quid dicam, im-  
 perite uir omniū prudentissimus, an ambitiose fecis

V V se,



LIB. I. EPIST.

se, qui ualentissimum Antonium suscipere pro rep.  
non dubitauit inimicum? nescio quid scribam tibi,  
nisi unum, pueri & cupiditatem, & licentiam po-  
tius esse irritatam, quam repressam a Cicerone; tan-  
tumq. eum tribuere huic indulgentiæ, ut se male-  
dictis non abstineat, ijs quidem, quæ in ipsum dupli-  
citer recidunt: quod & plures occidit uno, seq. prius  
oportet fateatur sicarium, quam obijciat Casca,  
quod obijcit; & imitatur in Casca Bestiam. an, quia  
non omnibus horis iactamus idus Martias, similiter  
atque ille nonas Decembres suas in ore habet, eo  
meliore condicione Cicero pulcherrimum factum  
uituperabit, quam Bestia, & Clodius reprehende-  
re illius consulatum soliti sunt? Sustinuisse mihi glo-  
riatur bellum Antonij togatus Cicero noster. quid  
hoc mihi prodest, si merces Antonij oppressi posci-  
tur in Antonij locum successio? & si uindex illius  
mali auctor extitit alterius, fundamentum, & ra-  
dices habituri altiores, si patiamur? ut iam ista, quæ  
facit, non dominationem, non; sed dominum Anto-  
nium timentis sint. ego autem gratiam non habeo,  
si quis, dum ne irato seruiat, rem ipsam non depre-  
catur. Immo triumphus, & stipendium decernitur,  
et omnibus decretis ornatur. pudeat cōspicere fortu-  
nam, cuius nomen susceperit. consularis hoc, an  
Ciceronis est? quoniam tacere non licuit, leges, quæ  
tibi necesse est molesta esse. ctenim ipse sentio, quan-  
to cum dolore hæc ad te scripserim. nec ignoro, quid  
sentias in rep. & quàm desperatam quoque sanari  
pu-



putes posse . nec mehercle te Attice reprehendo . ætas enim , mores , liberi segnem efficiunt : quod quidem etiam ex Flauio nostro perspexi . sed redeo ad Ciceronem . Quid inter Saluidenum , & eum interest ? quid autem amplius ille decerneret ? Timet , inquires , etiam nunc reliquias belli ciuilis . quisquam ergo ita timet profligatum , ut neque potentia eius , qui exercitum uictorē habeat , neque temeritatem pueri putet extimescendam esse ? an hoc ipsum ea re facit , quod illi propter amplitudinem omnia iam , ultroq̃ . deferenda putat ? o magnam stultitiam timoris , id ipsum , quod uerearis , ita cauere , ut , cum uitare fortasse potueris , ultro accersas , et attrahas . nimium timemus mortem , et exsilium , et paupertatem . hac mihi uidentur Ciceroni ultima esse in malis : & , dum habeat , a quibus impetret , quæ uelit , et a quibus colatur , ac laudetur , seruitutem , honorificam modo , non aspernatur ; si quidquam in extrema , ac miserrima contumelia potest honorificum esse . Licet ergo patrem appellet Octavius Ciceronem , referat omnia , laudet , gratias agat : tamen illud apparebit , uerba rebus esse contraria . quid enim tam alienum ab humanis sensibus est , quam eum patris habere loco , qui ne liberi quidem hominis numero sit ? atqui eò tendit , id agit , ad eum exitum prope- rat uir optimus , ut sit illi Octavius propitius . Ego uero iam ijs artibus nihil tribuo , quibus scio Cicero nem instructissimum esse . quid enim illi prosunt , quæ

VV 2 pro



LIB. I. EPIST.

pro libertate patriæ de dignitate, quæ de morte, ex  
filio, paupertate scripsit copiosissime? quâto autem  
magis illa callere uidetur Philippus, qui priuigno  
minus tribuerit, quàm Cicero, qui alieno tribuat?  
Desinat igitur gloriando etiam insectari dolores no-  
stros. quid enim nostra, uictum esse Antonium, si  
uictus est, ut alij uacaret, quod ille obtinuit? ta-  
met si tuæ litteræ dubia etiam nunc significant. Vi-  
uat hercule Cicero, qui potest, supplex, & obno-  
xius; si reque ætatis, neque honorum, neque rerû  
gestarum pudet. ego certe, qui cum ipsa re bellum  
geram, hoc est cum regno, & imperijs extraordina-  
rijs, & dominatione, & potentia, quæ supra leges  
se esse uelit, nulla erit tam bona condicio seruiendi,  
qua non deterrear; quamuis sit uir bonus, ut scri-  
bis, Antonius: quod ego numquam existimaui. sed  
dominum ne parentem quidem maiores nostri uo-  
luerunt esse. Te nisi tantum amarem, quantum Ci-  
ceroni persuasum est diligi ab Octauio, hæc ad te  
non scripsissem. dolet mihi, quod tu non stomacha-  
ris, amantissimus tum tuorum omnium, tum etiã  
Ciceronis. sed persuade tibi, de uoluntate propria  
mea nihil esse remissum, de iudicio largiter. neque  
enim impetrari potest, quin, quale quidque uidea-  
tur ei, talem quisque de illo opinionem habeat. Vel-  
lem mihi scripsisses, quæ condiciones essent Atticæ  
nostræ. potuissem tibi aliquid de meo sensu perscribere.  
Valetudinem Porciæ meæ tibi curæ esse non mi-  
ror.



reor. Denique, quod petis, faciam libenter: nam etiam sorores me rogant: & hominem noro, & quid sibi uoluerit.

M. CICERO S. D. M. BRVTO. 22

CVM sepete litteris hortatus essem, ut quamprimum reip. subuenires, in Italiamq. exercitum adduceres; neque id arbitrarer dubitare tuos necessarios; rogatus sum a prudentissima, & diligentissima femina, matre tua, cuius omnes curæ ad te referuntur, & in te consumuntur, ut uenirem ad se ad VIII. kal. Sext. quod ego, ut debui, sine mora feci. cum autem uenissem, Casca aderat, & Labeo, & Scaptius. at illa retulit, quæsiuitque, quidnam mihi uideretur, arcesseremus ne te, atque tibi id conducere putaremus; an, tardare, & commorari te, melius esset. Respondi id, quod sentiebam, & dignitati, & existimationi tuæ maxime conducere, te primo quoque tempore ferre præsidium labenti, & inclinatæ reip. quid enim abesse censes mali in eo bello, in quo uictores exercitus fugientem hostem persequi noluerunt? & in quo incolumis imperator, honoribus amplissimis, fortunisque maximis, coniuge, liberis, uobis affinibus ornatus, bellum reip. indixerit? quid dicam, in tanto senatus populiq. consensu; cum tantum resideat intra muros mali? Maximo autem, cum hæc scribebam, afficiebar dolore, quod, cum me pro adolescentulo, ac pæne puero resp. accepisset uadem,

VV 3 uix



## LIB. I EPIST.

uidebar, quod promiseram, præstare posse. est autem grauior, & difficilior animi, & sententiæ, maximis præsertim in rebus, pro altero, quàm pecuniæ, obligatio. hæc enim solui potest; & est rei familiaris iactura tolerabilis: reip. quod sponderis, quemadmodum soluas, nisi is dependi facile patitur, pro quo sponderis? quamquam & hunc, ut spero, tenebo, multis repugnantibus. uidetur enim esse indoles, sed flexibilis ætas, multiq. ad deprauandum parati; qui, splendore falsi honoris obiecto, aciem boni ingenij perstringi posse confidunt. itaque ad reliquos hic quoque labor mihi accessit, ut omnes adhibeam machinas ad tenendum adolescentem, ne famam subeam temeritatis. quâquam quæ temeritas est? magis enim illum, pro quo sponendi, quàm me, obligavi. nec uero pænitere potest temp. me pro eo spondisse, qui fuit in rebus gerendis tum suo ingenio, tum mea promissione constantior. Maximus autem, nisi me forte fallit, in rep. nodus est inopia rei pecuniariæ. obdurescunt enim magis quotidie boni uiri ad uocem tributi; quod ex centesima collatum, impudenti censu locupletum, in duarum legionum præmijs omne consumitur. impendent autem infiniti sumptus tum in hos exercitus, quibus nunc defendimur, tum uero in tuum. nam Cassius noster uidetur posse satis ornatus uenire. Sed & hæc, & multa alia coram cupio, idq. quamprimum. De sororis tuæ filijs, non expectaui, Brute, dum scriberes. omnino ipsa tempora (bellum enim ducetur)



ducetur) integram tibi caussam reſeruant. ſed ego  
a principio, cum diuinare de belli diuturnitate non  
poſſem, ita caussam egi puerorum in ſenatu, ut te  
arbitror e matris litteris potuiſſe cognoſcere. nec  
uero ulla res erit umquam, in qua ego non, uel uitæ  
periculo, ea dicam, eaq. faciam, quæ te uelle, quæq.  
ad te pertinere arbitrabor. Vale. VI. kal. Sext.



M. TVLLII CICERONIS  
EPISTOLARVM AD  
Q. FRATREM  
LIBER I.

MARCVS S. D. QVINCTO FRATRI.

**E**TSI non dubitabam, quin hanc episto-  
lam multi nuncij, fama denique esset  
ipsa sua celeritate superatura; tuq. an-  
te ab alijs auditurus esses, annum ter-  
tium accessisse desiderio nostro, & labori tuo: ta-  
men existimaui a me quoque tibi huius molestiæ  
nuncium perferri oportere. nam superioribus litte-  
ris, non unis, sed pluribus, cum iam ab alijs despe-  
rata res esset, tamen tibi ego spem maturæ decessio-  
nis afferebam; non solum, ut quamdiutissime te iu-  
cunda opinione oblectarem; sed etiam, quia tanta  
adhibebatur & a nobis, & prætoribus contentio,  
ut rem posse confici non diffiderem. nunc, quoniam  
ita accidit, ut neque prætores suis opibus, neque nos  
nostro studio quidquam proficere possemus: est om-  
nino difficile non grauius id ferre; sed tamen no-  
stros animos, maximis in rebus & gerendis, & su-  
stinendis exercitados, frangi, & debilitari mole-  
stia non oportet. Et quoniam ea molestissime ferre  
homines debent, quæ ipsorum culpa contracta sunt:  
est quiddā in hac re mihi molestius ferendum, quàm  
tibi. factum est enim mea culpa, contra quam tu  
mecum



*mecum & proficiscens, & per litteras egeras, ut  
priori anno non succederetur. quod ego, dum salu-  
ti sociorum consulo, dum impudentiæ non nullorum  
negotiatorum resisto, dum nostram gloriam tua  
uirtute augeri, expeto, feci non sapienter, præser-  
tim cum id commiserim, ut ille alter annus etiam  
tertium posset adducere. quod quoniam peccatum  
meum esse confiteor; est sapientiæ, atque humani-  
tatis tuæ, curare, & perficere, ut hoc, minus sa-  
pienter a me prouisum, diligentia tua corrigatur.  
Ac si te ipse uehementius ad omnes partes bene au-  
diendi excitaris, non ut cum alijs, sed ut tecum iam  
ipse certes; si omnem tuam mentem, curam, cogita-  
tionem, ad excellentem in omnibus rebus laudis cu-  
piditatem incitaris: mihi crede, unus annus additus  
labori tuo, multorum annorum lætitiā nobis, glo-  
riam uero etiam posteris nostris afferet. Quapro-  
pter hoc te primum rogo, ne contrahas, aut demit-  
tas animum, ne ue te obrui, tamquam fluctu, sic  
magnitudine negotij sinas, contraq. erigas, ac re-  
sistas, siue etiam ultro occurras negotijs. neque e-  
nim eiusmodi partem reip. geris, in qua fortuna do-  
minetur, sed in qua plurimum ratio possit, & dili-  
gentia. quod si tibi, bellum aliquod magnum, & pe-  
riculosum administranti, prorogatum imperium ui-  
derem; tremere animo; quod eodem tempore ef-  
se intelligerē etiam fortunæ potestatem in nos pro-  
rogatam. nunc uero ea pars tibi reip. commissā est,  
in qua aut nullam, aut perexiguam partem fortu-*

*na*



LIB. I. EPIST.

natenet, & quæ mihi tota in tua uirtute, ac moderatione animi posita esse uideatur, nullas, ut opinor, insidias hostium, nullam prælii dimicationem, nullam defectionem sociorum, nullam inopiam stipendij, aut rei frumentariæ, nullam seditionem exercitus pertimescimus: quæ persæpe sapientissimis uiris acciderunt; ut, quemadmodum gubernatores optimi uim temporis, sic illi fortunæ impetum superare non possent. tibi data est summa pax, summa tranquillitas, ita tamen, ut ea dormientem gubernatorem uel obruere, uigilantem etiam delectare possit. Constat enim ea prouincia primum ex eo genere sociorum, quod est ex hominum omni genere humanissimum; deinde ex eo genere ciuium, qui aut, quod publicani sunt, nos summa necessitudine attingunt; aut, quod ita negotiantur, ut locupletes sint, nostri consulatus beneficio incolumes se fortunas habere arbitrantur. At enim inter hos ipsos existunt graues controuersie, multæ nascuntur iniuriæ, magnæ contentiones consequuntur. Quasi uero ego id putem, non te aliquantulum negotij sustinere, intelligo permagnum esse negotium, & maximi consilij: sed memento, consilij me hoc esse negotium magis aliquanto, quam fortunæ, putare. quid est enim negotij, continere eos, quibus præsis, si te ipse contineas? id autem sit magnum, & difficile ceteris, sicut est difficillimum: tibi & fuit hoc semper facillimum, & uero esse debuit; cuius natura talis est, ut etiam sine doctrina uideatur moderata

rata



rata esse potuisse; ea autem adhibita doctrina est, quæ uel uitiosissimam naturam excolere possit. tu cum pecuniæ, cum uoluptati, cum omnium rerum cupiditati resistes, ut facis; erit, credo, periculum, ne improbum negotiatorem, paullo cupidiores publicanum comprimere non possis. nam Græci quidē sic te, ita uiuentem, intuebuntur, ut quendam ex annalium memoria, aut etiam e cælo diuinum hominem esse in prouinciam delapsum putent. Atque hæc nunc, non ut facias, sed ut te facere, & fecisse gaudeas, scribo. præclarum est enim, summo cum imperio fuisse in Asia triennium, sic, ut nullum te signum, nulla pictura, nullum uas, nulla uestis, nullum mancipium, nulla forma cuiusquam, nulla condicio pecuniæ, quibus rebus abundat ista prouincia, ab summa integritate, continentiaq. deduxerit. quid autem reperiri tam eximium, aut tam expetendum potest, quàm istam uirtutem, moderationem animi, temperantiam non latere in tenebris, neque esse abditam, sed in luce Asiæ, in oculis clarissimæ prouinciæ, atque in auribus omnium gentium, ac nationum esse positam? non itineribus tuis perterreri homines, non sumptu exhauriri, non aduentu commoueri; esse, quocunque ueneris, & publice, et priuatim maximam latitiam; cum urbs custodem, non tyrannum, domus hospitem, non expilatorem recepisse uideatur. His autem in rebus iam te usus ipse profecto erudiuit, nequaquam satis esse, ipsum hæc habere uirtutes, sed esse circumspiciendum



## LIB. I. EPIST.

spiciendum diligenter, ut in hac custodia provincie  
 non te unum, sed omnes ministros imperij tui so-  
 cijs, ciuibus, & reip. præstare uideare. quamquam  
 legatos habes eos, qui ipsi per se habituri sint ratio-  
 nem dignitatis suæ: de quibus honore, & dignita-  
 te, & ætate præstat Tubero: quem ego arbitror,  
 præsertim cum scribat historiam, multos ex suis an-  
 nalibus posse deligere, quos uelit, & possit imita-  
 ri. Allienus autem, noster cum animo, & bene-  
 uolentia, tum uero etiam imitatione uiuendi. Nam  
 quid ego de Gratidio dicam? quem certo scio ita la-  
 borare de existimatione sua, ut, propter amorem  
 in nos fraternum, etiam de nostra labore. Quæsto-  
 rem habes non tuo iudicio delectum, sed eum, quem  
 fors dedit. hunc oportet & sua sponte esse modera-  
 tum, & tuis institutis, ac præceptis obtemperare.  
 Quorum si quis forte esset sordidior, ferres eatenus,  
 quoad per se negligeret eas leges, quibus est adstri-  
 ctus; non ut ea potestate, quam tu ad dignitatem  
 permisisses; ad quæstum uteretur. neque enim mihi  
 sane placet, præsertim cum hi mores tantum iam  
 ad nimiam leuitatem, & ambitionem incubuerint,  
 scrutari te omnes sordes, excutere unumquemque  
 eorum, sed, quanta sit in quoque fides, tantum cui-  
 que committere. Atque inter hos, eos, quos tibi co-  
 mites, & adiutores negotiorum publicorum dedit  
 ipsa resp. dumtaxat finibus ijs præstabis, quos ante  
 præscripsi. quos uero aut ex domesticis conuictioni-  
 bus, aut ex necessarijs apparitionibus tecum esse



uoluisti, qui quasi ex cohorte prætoris appellari solent, horum non modo facta, sed etiam dicta omnia præstanda nobis sunt. sed habes eos tecum, quos possis recte facientes facile diligere, minus consilentes existimationi tuæ facillime coercere. a quibus, rudis cum esses, uidetur potuisse tua liberalitas decipi. nam ut quisque est uir optimus, ita difficillime esse alios improbos suspicatur. nunc uero tertius hic annus habeat integritatem eandem, quam superiores, cautiorem etiam, ac diligentiorum. Sint aures tuæ, quæ id, quod audiunt, existimentur audire, non in quas fictæ, & simulate quæstus causa insusurretur. Sit anulus tuus, non ut uas aliquod, sed tamquam ipse tu; non minister alienæ uoluntatis, sed testis tuæ. Accensus sit eo etiam numero, quo eum maiores nostri esse uoluerunt, qui hoc non in beneficij loco, sed in laboris, ac muneris non temere, nisi libertis suis, deferebant; quibus illi quidem non multo secus, ac seruis, imperabant. Sit licetor non suæ, sed tuæ lenitatis apparitor; maioraq. præferant fasces illi, ac secures dignitatis insignia, quàm potestatis. Toti denique sit prouinciæ cognitum, tibi omnium, quibus præsis, salutem, liberos, famam, fortunas esse carissimas. Denique hæc opinio sit, non modo ijs, qui aliquid acceperint, sed ijs etiam, qui dederint, te inimicum, si id cognoueris, futurum. neque uero quisquam dabit, cum erit hoc perspectum, nihil per eos, qui simulant se apud te multum posse, abs te solere impetrari.



## LIB. I. EPIST.

petrari. nec tamen hac oratio mea est eiusmodi, ut te in tuos aut durum esse nimium, aut suspiciosum uelim. nam si quis est eorum, qui tibi biennij spatium nunquam in suspicionem auaritiæ uenerit, ut ego Cæsum, & Chærippum, & Labeonem & audio, & quia cognoui, existimo: nihil est, quod non & ijs, & si quis est alius eiusmodi, & committi, & credi rectissime putem. sed si quis est, in quo iam offenderis, de quo aliquid senseris: huic nihil credideris, nullam partem existimationis tuæ commiseris. In prouincia uero ipsa si quem es nactus, qui in tuam familiaritatem penitus intrarit, qui nobis ante fuerit ignotus: huic quantum credendum sit, uide: non quin possint multi esse prouinciales uiri boni: sed hoc sperare licet, iudicare periculosum est. multis enim simulationum inuolucris tegitur, & quasi uelis quibusdam obtenditur uniuscuiusque natura: frons, oculi, uultus persæpe mentiuntur, oratio uero sæpiissime. quamobrem qui potes reperire ex eo genere hominum, qui pecuniæ cupiditate adducti careant ijs rebus omnibus, a quibus nos diuulsi esse non possumus; te autem, alienum hominem, ament ex animo, ac non sui commodi causa simulent? mihi quidem permagnum, uidetur, præsertim si ijdem homines priuatum non fere quemquam, prætores semper omnes amant. Quo ex genere si quem forte tui cognosti amantiores, ( fieri enim potuit ) quàm temporis: hunc uero ad tuum numerum libenter adscribito. sin autem id non perspicies:



*spicies : nullum erit genus in familiaritate cauendum magis : propterea quod & omnes uias pecuniæ norunt ; & omnia pecuniæ caussa faciunt ; & quicum uicturi non sunt , eius existimationi consulere non curant . Atque etiam e Græcis ipsis diligenter cauendæ sunt quædam familiaritates , præter hominum perpaucorum , si qui sunt uetere Græcia digni . sic uero fallaces sunt permulti , & leues , & diuturna seruitute ad nimiam assentationem eruditi . quos ego uniuersos adhiberi liberaliter , optimum quæque hospitio , amicitiaq. coniungi dico oportere . nimia familiaritates eorum neque tam fideles sunt ; ( non enim audent aduersari nostris uoluntatibus ) et uero inuident non nostris solum , uerum etiam suis . Iam qui in eiusmodi rebus , in quibus uereor etiam ne durior sim , cautus esse uelim , ac diligens ; quo me animo in seruis esse censes ? quos quidem cum omnibus in locis , tum præcipue in prouincijs regere debemus . quo de genere multa præcipi possunt : sed hoc & breuissimum est , & facillime teneri potest : ut ita se gerant in istis Asiaticis itineribus , ut si iter Appia uia faceres ; ne uel interesse quidquam putent , utrum Tralles , an Formias uenerint . At , si quis est ex seruis egregie fidelis , sit in domesticis rebus , & priuatis ; quæ res ad officium imperij tui , atque ad aliquam partem reip. pertinebunt , de ijs rebus ne quid attingat . multa enim , quæ recte committi seruis fidelibus possunt , tamen , sermonis , & uituperationis uitandæ*

*dæ*



## LIB. I. EPIST.

de causa, committenda non sunt. Sed nescio quo pacto ad præcipiendi rationem delapsa est oratio mea, cum id mihi propositum initio non fuisset. quid enim ei præcipiam, quem ego, in hoc præsertim genere, intelligam prudentia non esse inferiorem, quàm me, usu uero etiam superiorem? sed tamen, si ad ea, quæ faceres, auctoritas accederet mea, tibi ipsi illa putavi fore iucundiora. Quare sint hæc fundamenta dignitatis tuæ, tua primum integritas, & continentia; deinde omnium, qui tecum sunt, pudor; delectus in familiaritatibus & prouincialium hominum, & Græcorum percautus, & diligens; familiæ grauis, & constans disciplina. quæ cum honesta sint in his priuatis nostris, quotidianisq. rationibus; in tanto imperio, tam deprauatis moribus, tam corruptrice prouincia, diuina uideantur, necesse est. Hæc institutio, atque hæc disciplina potest sustinere in rebus statuendis, et decernendis eam seueritatem, qua tu in ijs rebus usus es, ex quibus non nullas simultates cum magna mea lætitia susceptas habemus. nisi forte me Paconij nescio cuius, hominis ne Græci quidem, ac Mysi, aut Phrygis potius, querelis moueri putas, aut Tuscanij, hominis furiosi, ac sordidi uocibus; cuius tu ex impurissimis faucibus inhonestissimam cupiditatem eripuisti summa cum æquitate. Hæc, & cetera plena seueritatis, quæ statuisti in ista prouincia, non facile sine summa integritate sustineremus. quare sit summa in iure dicendo seueritas, dum modo ea

do ea



do ea ne uarietur gratia, sed conseruetur æquabilis. sed tamen parui refert, abs te ipso ius dici æqualiter, & diligenter, nisi idem ab ijs fiet, quibus tu eius muneris aliquam partem concesseris. Ac mihi quidem uidetur non sane magna uarietas esse negotiorum in administranda Asia, sed ea tota iuris ditione maxime sustineri. in qua scientiæ, præsertim prouincialis, ratio ipsa expedita est: constantia est adhibenda, & grauitas, quæ resistat non solum gratiæ, uerum etiam suspicioni. Adiungenda etiam est facilitas in audiendo, lenitas in discernendo, in satisfaciendo, ac disputando diligentia. his rebus nuper Cn. Octauius iucundissimus fuit: apud quem primus liëtor quieuit, tacuit accensus; quoties quisque uoluit, dixit, & quàm uoluit diu. quibus ille rebus fortasse nimis lenis uideretur, nisi hæc lenitas illam seueritatem tueretur. cgebantur Syllani homines, quæ per uim, & metum abstulerant, reddere. qui in magistratibus iniuriose decreuerat, eodem ipsis priuatis erat iure parendum. hæc illius seueritas acerba uideretur, nisi multis condimentis humanitatis mitigaretur. quod si hæc lenitas grata Romæ est, ubi tanta arrogantia est, tam immoderata libertas, tam infinita hominum licentia, denique tot magistratus, tot auxilia, tanta uis, tanta senatus auctoritas: quàm iucunda tandem prætoris comitas in Asia potest esse? in qua tanta multitudo ciuium, tanta sociorum, tot urbes, tot ciuitates unius hominis nutum intuentur: ubi nullum

XX

au-



## LIB. I. EPIST.

*auxilium est, nulla conquestio, nullus senatus, nulla  
 concio. quare permagni hominis est, & cum ipsa  
 natura moderati, tum uero etiam doctrina, atque  
 optimarum artium studijs eruditi, sic se adhibere  
 in tanta potestate, ut nulla alia potestas ab ijs, qui-  
 bus is praesit, desideretur. Cyrus ille a Xenophonte  
 non ad historiae fidem scriptus, sed ad effigiem iusti  
 imperij: cuius summa grauitas ab illo Philosopho  
 cum singulari comitate coniungitur: quos quidem  
 libros non sine causa noster ille Africanus de mani-  
 bus ponere non solebat. nullum est enim praetermis-  
 sum in ijs officium diligentis, & moderati imperij.  
 eaq. si sic coluit ille, qui priuatus futurus numquam  
 fuit: quonam modo retinenda sunt ijs, quibus impe-  
 rium ita datum est, ut redderent, & ab ijs legibus  
 datum est, ad quas reuertendum est? Ac mihi  
 quidem uidentur huc omnia esse referenda ijs, qui  
 praesunt alijs, ut ij, qui eorum in imperio erunt,  
 sint quambeatissimi: quod tibi & esse antiquissi-  
 mum, & ab initio fuisse, ut primum Asiam atti-  
 gisti, constante fama, atque omnium sermone cele-  
 bratum est. Est autem non modo eius, qui socijs,  
 & ciuibus, sed etiam eius, qui seruis, qui mutis  
 pecudibus praesit, eorum, quibus praesit, commo-  
 dis, utilitatiq. seruire. cuius quidem generis, con-  
 stare inter omnes uideo, abs te summam adhiberi  
 diligentiam, nullum aes alienum nouum contrahi  
 ciuitatibus, uetere autem magno, & graui multas  
 abs te esse liberatas: urbes complures dirutas, ac  
 pene*



pæne desertas, in quibus unam Ioniæ nobilissimam, alteram Cariæ, Samum, & Halycarnassum, per te esse recreatas: nullas esse in oppidis seditiones, nullas discordias: provideri abs te, ut ciuitates optimatum consilijs administrarentur: sublata Mysiæ latrocinia, cædes multis locis repressas, pacem tota prouincia constitutam, neque solum illa itinerum, atque agrorum, sed multo etiam plura, & maiora oppidorum & furta, & latrocinia esse depulsa: remotam a fama, & a fortunis, & ab otio locupletum illam acerbissimam, ministram pratorum auaritiæ, calumniam: sumptus, & tributa ciuitatum ab omnibus, qui earum ciuitatum fines incolant, tolerari æquabiliter: facillimos esse aditus ad te: patere aures tuas querellis omnium: nullius inopiam, ac solitudinem non modo illo populari accessu, ac tribunali, sed ne domo quidem, & cubiculo esse exclusam tuo: toto denique imperio nihil acerbum esse, nihil crudele, atque omnia plena clementiæ, mansuetudinis, humanitatis. quantum uero illud est beneficium tuum, quod iniquo, & graui uectigali ædiliciorum, magnis nostris simultatibus, Asiam liberaſti? Enimuero, si unus homo nobilis queritur palam, te, quod edixeris, ne ad ludos pecuniæ decernerentur, HS C C sibi eripuisse: quanta tandem pecunia penderetur, si omnium nomine, quicumque Romæ ludos facerent, quod erat iam institutum, erogaretur? Quamquam has querellas hominum nostrorum illo consilio oppressimus, quod in



## LIB. I. EPIST.

*Asia nescio quonam modo, Romæ quidem non mediocri cum admiratione laudatur; quod, cum ad templum, monumentumq. nostrum ciuitates pecunias decreuissent; cumq. id & pro magnis meis meritis, & pro tuis maximis beneficijs summa sua uoluntate fecissent; nominatimq. lex exciperet, ut ad templum, monumentumq. capere liceret; cumq. id, quod dabatur, non esset interiturum, sed in ornamentis templi futurum; ut non mihi potius, quam populo R. ac dijs immortalibus datum uideretur; tamen id, in quo erat dignitas, erat lex, erat eorum, qui faciebant, uoluntas, accipiendum non putauî, cum alijs de causis, tum etiam ut animo æquiore ferrent ijs, quibus nec deberetur, nec liceret. Quapropter incumbe toto animo, & studio omni in eam rationem, qua adhuc usus es, ut eos, quos tuæ fidei, potestatiq. senatus, populusq. R. commisit, & credidit, diligas, & omni ratione tueare, ut esse quambeatissimos uelis. quod si te fors Afris, aut Hispanis, aut Gallis præfecisset, immanibus, ac barbaris nationibus: tamen esset humanitatis tuæ, consulere eorum commodis, & utilitati, salutiq. seruire. cum uero ei generi hominum præsimus, non modo in quo ipsa sit, sed etiam a quo ad alios peruenisse putetur humanitas: certe ijs eā potissimum tribuere debemus, a quibus accepimus. non enim me hoc iam dicere pudebit, præsertim in ea uita, atque in ijs rebus gestis, in quibus non potest residere inertia, aut leuitatis ulla suspicio, nos*  
*ea,*



ea, quæ consecuti sumus, ijs studijs, & artibus esse  
adeptos, quæ sint nobis Græciæ nonumentis disci-  
plinisq. traditæ. Quare, præter communem fidem,  
quæ omnibus debetur, præterea nos isti hominum  
generi præcipue debere uidemur; ut, quorum præ-  
ceptis simus eruditi, apud eos ipsos, quod ab ijs di-  
dicerimus, uelimus expromere. Atque ille quidem  
princeps ingenij, & doctrinæ Plato tum denique fo-  
re beatas res. putauit, si aut docti, & sapientes  
homines eas regere cæpissent, aut, qui regerent,  
omne suum studium in doctrina, ac sapientia collo-  
cassent. hanc coniunctionem uidelicet potestatis, &  
sapientiæ, saluti censuit ciuitatibus esse posse. quod  
fortasse aliquando uniuersæ reip. nostræ, nunc qui-  
dem profecto isti prouinciæ contigit, ut is in ea sum-  
mam potestatem haberet, cui in doctrina, cui in uir-  
tute, atque humanitate percipienda plurimum a  
pueritia studij fuisset, & temporis. Quare cura, ut  
hic annus, qui ad laborem tuum accessit, idem ad  
salutem Asiæ prorogatus esse uideatur. quoniam  
in te retinendo fuit Asia felicior, quàm nos in de-  
ducendo; persice, ut lætitia prouinciæ desiderium  
nostrum leniatur. etenim, si in promerendo ut ti-  
bi tanti honores haberentur, quanti haud scio an  
nemini, fuisti omnium diligentissimus; multo ma-  
iorem in his honoribus tuendis adhibere diligen-  
tiam debes. Equidem, de isto genere honorum  
quid sentirem, scripsi ad te ante. semper eos pu-  
taui, si uulgares essent, uiles; si temporis causa



constituerentur, leues: si uero, id quod ita factum est, meritis tuis tribuerentur, existimabam multam tibi in ijs tuendis operam esse ponendam. Quare, quoniam in istis urbibus cum summo imperio, & potestate uersaris, in quibus tuas uirtutes consecratas, & in deorum numero collocatas uides; in omnibus rebus, quas statues, quas decernes, quas ages, quid tantis hominum opinionibus, tantis de te iudicijs, tantis honoribus debeas, cogitabis. id autem erit eiusmodi, ut consulas omnibus, ut medeare incommodis hominum, prouideas saluti, ut te parentem Asiae & dici, & haberi uelis. Atque huic tuae uoluntati, ac diligentiae difficultatem magnam afferunt publicani: quibus si aduersamur, ordinem de nobis optime meritum, & per nos cum rep. coniunctum, & a nobis, & a rep. disiungemus. sin autem omnibus in rebus obsequimur; funditus eos perire patiemur, quorum non modo saluti, sed etiam commodis consulere debemus. Haec est una, si uere cogitare uolumus, in toto imperio tuo difficultas. nam, esse abstinentem, continere omnes cupiditates, suos coercere, & iuris aequabilem tenere rationem, facilem te in rebus cognoscendis, in hominibus audiendis, admittendisq. praebere, praclarum magis est, quam difficile. non est enim positum in labore aliquo, sed in quadam inductione animi, atque uoluntate. Illa causa publicanorum quantam acerbiter afferat socijs, intelleximus ex ciuibus, qui nuper in portorijs Italiae tollendis

non



non tam de portorio, quàm de non nullis iniurijs  
portitorum querebantur. quare non ignoro, quid  
socijs accidat in ultimis terris, cum audiuerim in  
Italia querellas ciuium. Hic te ita uersari, ut & pu-  
blicanis satisfacias, præsertim publicis male redem-  
ptis, & socios perire non sinas, diuinæ cuiusdam uir-  
tutis esse uidetur, idest tuæ. Ac primum Græcis  
id, quod acerbissimum est, quòd sunt uectigales,  
non ita acerbum uideri debet: propterea quòd sine  
imperio populi R. suis institutis per se ipsi ita fue-  
runt: nomen autem publicani aspernari non pos-  
sunt, qui pendere ipsi uectigal sine publicano non  
potuerunt, quod ijs æqualiter Sylla descripserat.  
non esse autem leniores in exigendis uectigalibus  
Græcos, quàm nostros publicanos, hinc intelligi po-  
test, quòd Caunij nuper omnes ex insulis, quæ erant  
ab Sylla Rhodijs attributæ, confugerunt ad sena-  
tum, nobis ut potius uectigal, quàm Rhodijs, pen-  
derent. quare nomen publicani neque ij debent hor-  
rere, qui semper uectigales fuerunt; neque ij asper-  
nari, qui per se pendere uectigal non potuerunt;  
neque ij recusare, qui postulauerunt. simul & il-  
lud Asia cogitet, nullam a se neque belli externi,  
neque discordiarum domesticarum calamitatem ab-  
futuram fuisse, si hoc imperio non teneretur. id au-  
tem imperium cum retineri sine uectigalibus nullo  
modo possit, æquo animo parte aliqua suorum fru-  
ctuum pacem sibi sempiternam redimat, atque o-  
tium. Quòd si genus ipsum, & nomen publicani non



L I B. I. E P I S T.

iniquo animo sustinebunt; proterunt ijs consilio, & prudentia tua reliqua uideri mitiora. possunt in pa-  
 etionibus faciendis non legem spectare censoriam,  
 sed potius commoditatem conficiendi negotij, & li-  
 berationem molestiae. potes etiam tu id facere, quod  
 & fecisti egregie, & facis, ut commemorares quan-  
 ta sit in publicanis dignitas, quantum nos illi ordini  
 debeamus; ut, remoto imperio, ac ui potestatis  
 & fascium, publicanos cum Graecis gratia, atque  
 auctoritate coniungas. sed & ab ijs, de quibus o-  
 ptime tu meritus es, & qui tibi omnia debent, hoc  
 petas, ut facilitate sua nos eam necessitudinē, quae  
 est nobis cum publicanis, obtinere, & conseruare  
 patiantur. Sed quid ego te hac hortor, quae tu non  
 modo facere potes tua sponte sine cuiusquam prae-  
 ceptis, sed etiam magna iam ex parte perfecisti?  
 non enim desistunt nobis agere quotidie gratias ho-  
 nestissimae, & maximae societates. quod quidem  
 mihi iccirco iucundius est, quod idem faciunt Grae-  
 ci. difficile est autem, ea, quae commodis, utilita-  
 te, & prope natura diuersa sunt, uoluntate con-  
 iungere. At ea quidem, quae supra scripta sunt,  
 non, ut te instituerem, scripsi: ( neque enim pru-  
 dentia tua cuiusquam praecepta desiderat ) sed me  
 in scribendo commemoratio tuae uirtutis delecta-  
 uit. quamquam in his litteris longior fui, quam aut  
 uellem, aut quam me putau fore. Vnum est, quod  
 tibi ego praecipere non desinam; neque te patiar,  
 quatum in me erit, cum exceptione laudari. omnes  
 enim,



enim, qui istinc ueniunt, ita de tua uirtute, integritate, humanitate commemorant, ut in tuis summis laudibus excipiant unam iracundiam. quod uirtutum cum in hac priuata, quotidianaq. uita leuis esse animi, atque infirmi uidetur: tum uero nihil est tam deforme, quàm ad summum imperium etiam acerbiter naturæ adiungere. quare illud non suscipiam, ut, quæ de iracundia dici solent a doctissimis hominibus, ea tibi nunc exponam; cum & nimis longus esse nolim, & ex multorum scriptis ea facile possis cognoscere. illud, quod est epistolæ proprium, ut is, ad quem scribitur, de ijs rebus, quas ignorat, certior fiat, prætermittendum esse non puto. Sic ad nos omnes fere deferunt, nihil, cum absit iracundia, te fieri posse iucundius; sed, cum te alicuius improbitas, peruersitasq. commouerit, sic te animo incitari, ut ab omnibus tua desideretur humanitas. quare, quoniam in eam rationem uitæ nos non tam cupiditas quædam gloriæ, quàm res ipsa, ac fortuna deduxit, ut sempiternus sermo hominum de nobis futurus sit: caueamus, quantum efficere, & consequi possumus, ut ne quod in nobis insigne uitiū fuisse dicatur. Neque ego hoc nunc contendo, quod fortasse cum in omni natura, tum iam in nostra ætate difficile est, mutare animū, & si quid est penitus insitum moribus, id subito leuare: sed te illud admoneo, ut, si hoc plene uitare non potes, quod ante occupatur animus ab iracundia, quàm providere ratio potuit, ne

occu-



occuparetur; ut te ante compares, quotidieq. meditare, resistendum esse iracundiae; cumq. ea maxime animum moueat, tum tibi esse diligentissime linguam continendam; quæ quidem mihi uirtus non interdum minor uidetur, quàm omnino non irasci. nam illud est non solum grauitatis, sed non nūquam etiam lentitudinis. moderari uero & animo, et orationi, cum sis iratus, aut etiam tacere, & tenere in sua potestate motum animi, & dolorem, etsi non est perfectæ sapientiæ, tamen est non mediocris ingenij. atque in hoc genere multo te esse iam commodiorem, mitioremq. nuntiant. nullæ tuæ uehementiores animi concitationes, nulla maledicta ad nos, nullæ contumeliæ perferuntur: quæ cum abhorrent a litteris, ab humanitate, tum uero contraria sunt imperio, ac dignitati. nam si implacabiles sunt iracundiae, summa est acerbitas: sin autem exorabiles, summa leuitas: quæ tamen, ut in malis, acerbitati anteponenda est. Sed quoniam primus annus habuit de hac reprehensione plurimum sermonis; credo propterea, quòd tibi hominum iniuriæ, quòd auaritia, quòd insolentia præter opinionem accidebat, & intolerabilis uidebatur; secundus autem multo lenior; quòd & consuetudo, & ratio, & ut ego arbitror, meæ quoque litteræ te patientiorem, lenioremq. fecerunt: tertius annus ita esse debet emendatus, ut ne minimam quidem rem quisquam possit ullam reprehendere. Ac iam hoc loco non hortatione, neque præceptis, sed precibus tecum fraternis



fraternis ago, totum ut animum, curam, cogitationemq. tuam ponas in omnium laude undique colligenda. quod si in mediocri statu sermonis, ac predicationis nostræ res essent; nihil abs te eximium, nihil præter aliorum consuetudinem postularetur. nunc uero, propter earum rerum, in quibus uersati sumus, splendorem, & magnitudinem, nisi summam laudem ex ista prouincia assequimur; uix uidemur summam uituperationem posse uitare. ea nostra ratio est, ut omnes boni cum faueant, tum etiam a nobis omnem diligentiam, uirtutemq. & postulent, & expectent; omnes autem improbi, quod cum ijs bellum suscepimus sempiternum, uel minimare ad reprehendendum contenti esse uideantur. Quare, quoniam eiusmodi theatrum est totius Asiæ, celebritate refertissimum, magnitudine amplissimum, iudicio eruditissimum, natura autem ita resonans, ut usque Romam significationes, uocesq. referantur: contende, quaeso, atque elabora, non modo ut his rebus dignus fuisset, sed etiam ut illa omnia tuis artibus superasse uideare. Et quoniam mihi casus urbanam in magistratibus administrationem reip. tibi prouincialem dedit; & si mea pars nemini cedit; fac, ut tua ceteros uincat. Simul & illud cogita, nos non de reliqua, & sperata gloria iam labore, sed de parta dimicare: quæ quidem non tam expetenda fuit, quam tuenda nobis est. Ac si mihi quidquam esset abs te separatum, nihil amplius desiderarem



## LIB. I. EPIST.

rarem hoc statu, qui mihi iam partus est: nunc uero res sic sese habet, ut, nisi omnia tua facta, atque dicta nostris rebus istinc respondeant, ego me tantis meis laboribus, tantisq. periculis, quorum tu omnium particeps fuisti, nihil consecutum putē. quod si, ut amplissimum nomen consequeremur, unus præter ceteros adiuuisti: certe idem, ut id retineamus, præter ceteros elaborabis. non est tibi his solis utendum existimationibus, ac iudicijs, qui nunc sunt, hominum, sed ijs etiam, qui futuri sunt. quamquam illorum erit uerius iudicium, obtrectione, & maleuolentia liberatum. Denique illud etiam debes cogitare, non te tibi soli gloriam querere: quod si esset, tamen non negligeres, præsertim cum amplissimis monumentis consecrare uoluisses memoriam nominis tui: sed ea tibi est communicanda mecum, prodenda liberis nostris: in qua cauendum est, ne, si negligentior fueris, non solum tibi parum consuluisse, sed tuis etiam inuidisse uidearis. Atque hæc non eo dicuntur, ut te oratio mea dormientem excitasse, sed potius ut currentem incitasse uideatur. facies enim perpetuo, quæ fecisti, ut omnes æquitatem tuam, temperantiam, seueritatem, integritatemq. laudent. sed me quædam tenet, propter singularem amorem, infinita in te auditas gloriæ. quamquam illud existimo, cum iam tibi Asia, sicut unicuique sua domus, nota esse debeat; cum ad tuam summam prudentiam tantus usus accesserit; nihil esse, quod ad laudem attineat, quod



quod non tu optime perspicias, & tibi non, sine cuiusquam hortatione, in mentem ueniat quotidie. Sed ego, qui, cum tua lego, te audire, & qui, cum ad te scribo, tecum loqui uideor, ideo & tua longissima quaque epistola maxime delector, & ipse inscribendo saepe sum longior. Illud te ad extremum & oro, & hortor, ut, tamquam poetae boni, & actores industrii solent, sic tu in extrema parte, & conclusione muneris, ac negotij tui, diligentissimus sis; ut hic tertius annus imperij tui, tamquam tertius actus, perfectissimus, atque ornatissimus fuisse uideatur. id facillime facies, si me, cui semper uni magis, quam uniuersis, placere uoluisti, tecum semper esse putabis, & omnibus ijs rebus, quas dices, ac facies, interesse. Reliquum est, ut te orem, ut ualitudini tuae, si me, & omnes tuos ualere uis, diligentissime seruias.

MARCUS S. D. QVINCTO FRATRI. 2

STATIVS ad me uenit ad VIII. kal. Nou. eius aduentus, quod ita scripsisti, direptum iri te a tuis, dum is abesset, molestus mihi fuit. Quod autem expectationem tui, concursumq. eum, qui erat futurus, si una tecum decederet, neque antea uisus esset, sustulit, id mihi non incommode uisum est accidisse. exhaustus est enim sermo hominum: & multae emissae iam eiusmodi uoces ἀλλ' αἰεί τινα φῶτα μέγαν. quae te absente cōfecta esse letor. Quod autem ideo a te missus est, mihi ut se purgaret; id necesse



## LIB. I. EPIST.

necesse minime fuit. primum enim numquam ille mihi fuit suspectus: neque ego, quæ ad te de illo scripsi, scripsi meo iudicio: sed cum ratio, salusq. omnium nostrum, qui ad remp. accedimus, non ueritate solum, sed etiam fama niteretur; sermones ad te aliorum semper, non mea iudicia, perscripsi. qui quidem quàm frequentes essent, & quàm graues, aduentu suo Statius ipse cognouit. etenim interuenit non nullorum querellis, quæ apud me de illo ipso habebantur; & sentire potuit, sermones iniquorum in suum potissimum nomen erumpere. Quod autem me maxime mouere solebat, cum audiebam illum plus apud te posse, quàm grauitas illius ætatis, & imperij prudentia postularet: quàm multos enim mecum egisse putas, ut se Statio commendarem? quàm multa autem ipsum ἀφελῶς mecum in sermone ita protulisse? id mihi non placuit; monui, suasi, deterrui. quibus in rebus etiam si fidelitas summa est; quod prorsus credo, quoniam tu ita iudicas: tamen species ipsa tam gratiosi liberti, aut serui dignitatem habere nullam potest. Atque hoc sic habeto, (nihil enim nec temere dicere, nec astute reticere debeo) materiam omnem sermonum eorum, qui de te detrahere uelint, Statium dedisse: & antea tantum intelligi potuisse, iratos tuæ seueritati esse non nullos; hoc manumisso, iratis, quod loquerentur, non defuisse. Nunc respondebo ad eas epistolas, quas mihi reddidit L. Cæsius: cui, quoniam ita te uelle intelligo, nullo loco deero. quarum

rum



rum altera est de Blaudentio Zeuxide: quem scribis  
certissimum matricidam tibi a me intime commen-  
dari. qua de re, & de hoc genere toto, ne forte me  
in Græcos tam ambitiosum factum esse mirere, pau-  
ca cognosce. Ego, cum Græcorum querellas nimis  
ualere sentirem, propter ominum ingenia ad fallen-  
dum parata; quoscumque de te queri audiui, qua-  
cumque potui ratione placavi. primum Dionysipo-  
litas, qui erant inimicissimi mei, leniui; quorum  
principem Hermippum non solum sermone meo,  
sed etiam familiaritate deuinxi. Ego Apamensem  
Hephæstum, ego leuissimum hominem Megaristū  
Antandrium, ego Niciam Smyrnæum, ego nugas  
maximas omni mea comitate cōplexus sum, Nym-  
phontem etiam Colophonium. quæ feci omnia, non  
quo me aut ij homines, aut tota natio delectaret.  
pertæsum est enim leuitatis, assentationis, animo-  
rum non officijs, sed temporibus seruientium. sed,  
ut ad Zeuxim reuertar, cum is de M. Casellij ser-  
mone secum habito, quæ tu scribis, ea ipsa loquere-  
tur, obstiti eius sermoni, & hominem in familiari-  
tatem recepi. Tua autem quæ fuerit cupiditas tan-  
ta, nescio, quod scribis, cupiisse te, quoniam Smyr-  
næ duo Mysos insuisses in culeum, simile in superio-  
re parte prouinciæ edere exemplum seueritatis tuæ,  
& iccirco Zeuxim elicere omni ratione uoluisse:  
quem, adductum in iudicium, fortasse dimitti non  
oportuerit; conquiri uero, & elici blandicijs, ut tu  
scribis, ad iudicium necesse non fuit, cum præsertim  
hominem,



LIB. I. EPIST.

hominem, quem ego & ex suis ciuibus, et ex multis alijs quotidie magis cognosco nobiliorem prope esse, quàm ciuitatem suam. At enim Græcis solis indulgeo. quid L. Cæcilium? non ne omni ratione placui? quem hominem? qua ira? quo spiritu? quem denique, præter Tuscenium, cuius caussa sanari non potest, non mitigui? ecce supra caput homo leuis, ac sordidus, sed tamen equestri censu, Catienus. etiam is lenietur. cuius tu in patrem quòd fuisti asperior, non reprehendo. certo enim scio, te fecisse cum caussa. sed quid opus fuit eiusmodi litteris, quas ad ipsum misisti? illum crucem sibi ipsi constituere, ex qua tu eum ante detraxisses: te curaturum, fumo ut combureretur, tota plaudente prouincia. Quid uero ad C. Fabium nescio quem? (nam eam quoque epistolam T. Catienus circumgestat) renuntiare tibi, Licinium plagiarium cum suo pullo Miluino tributa exigere. deinde rogas Fabium, ut & patrem, & filium uiuos comburat, si possit: sin minus, ad te mittat, uti iudicio comburantur. hæ litteræ abs te per iocum missæ ad C. Fabium, si modo sunt tuæ, cum leguntur, inuidiosam atrocitatem uerborum habent. ac si omnium mearum litterarum præcepta repetes; intelliges esse nihil a me, nisi orationis acerbicatem, & iracundiam, & si forte, raro litterarum missarum indiligentiam reprehensam. quibus quidem in rebus si apud te plus auctoritas mea, quàm tua siue natura paullo acrior, siue quædam dulcedo iracundiæ, siue dicendi sal, facetiæq.



cet iāq. ualuisse: nihil sane esset, quod nos pānite-  
ret. & mediocri dolore putas affici, cum audiam,  
qua sit existimatione Virgilius, qua tuus uicinus C.  
Octavius? nam si te interioribus uicinis tuis, Cili-  
censi, & Syriaco antepōnis; ualde magnum facis.  
atque is dolor est, quod, cum ij, quos nominauī, te  
innocentia non uincant, uicunt tamen artificio be-  
neuolentiæ colligendæ; qui neque Cyrum Xenophon-  
tis, neque Agesilaum nouerint; quorum regum  
summo in imperio nemo umquam uerbum ullum a-  
sperius audiuit. sed hæc a principio tibi præcipiens,  
quantum profecerim, non ignoro. nunc tamen de-  
cedens, id quod mihi iam facere uideris, relinque,  
quæso, quam iucundissimam memoriam tui. succes-  
sorem habes perblandum. cetera ualde illius aduen-  
tu tua requirentur. In litteris mittendis, ut sæpe ad  
te scripsi, nimium te inexorabilem præbuiſti. tolle  
omnes, si potes, iniquas, tolle inusitatas, tolle con-  
trarias. Staius mihi narrauit, scriptas ad te sole-  
re afferri, ab se legi, & si iniquæ sint, fieri te cer-  
tiores: ante quā uero ipse ad te uenisset, nullum  
delectum litterarum fuisse; ex eo esse uolumina se-  
lectarum epistolarum, quæ reprehendi solerent.  
hoc de genere nihil te nunc quidem moneo: sero est  
enim: ac scire potes, multa me uarie, diligenterq.  
monuisse: illud tamen, quod Theopompo mandauī,  
cum essem admonitus ab ipso, uide per homines a-  
mantestui, quod est facile, ut hæc genera tollan-  
tur epistolarum, primum iniquarum, deinde con-

XX tia-



LIB. I. EPIST.

trariarum, tum absurde, & inusitate scriptarum, postremo in aliquem contumeliosarum. Atque hæc tam esse, quàm audio, non puto: & si sunt, occupationibus tuis minus animaduersa; nunc perspice, & purga. Legi epistolam, quam ipse scripsisse Syl-la nomenclator dictus est, non probandam. legi non nullas iracundas. Sed tempore ipso de epistolis: nam, cum hanc paginam tenerem, L. Flavius, prætor designatus, ad me uenit, homo mihi ualde familiaris: is, mihi te ad procuratores suos litteras misisse, quæ mihi uisæ sunt iniquissimæ, ne quid de bonis, quæ L. Octauij Nasonis fuissent, cui L. Flavius heres est, deminuerent ante, quàm C. Fundanio pecuniam soluissent; itemq. misisse ad Apollonien-ses, ne de bonis, quæ Octauij fuissent, deminui paterentur prius, quàm Fundanio debitum solutum esset. hæc mihi uerisimilia non uidentur: sunt enim a prudentia tua remotissima. ne deminuat heres? quid, si inficiatur? quid, si omnino non debet? quid? prætor solet iudicare, deberi? quid? ego Fundanio non cupio? non amicus sum? non misericordia moueor? nemo magis: sed uia iuris eiusmodi est quibusdam in rebus, ut nihil sit loci gratiæ. atque ita, mihi dicebat Flavius, scriptum in ea epistola, quam tuam esse dicebat; te aut, quasi amicis tuis, gratias acturum, aut, quasi inimicis, incommoda laturum, quid multa? ferebat grauitè; id uehementer mecum querebatur: orabatque, ut ad te quamdiligentissime scriberem: quod facio; & te prorsus uehementer



menter etiam atque etiam rogo, ut & procuratori-  
 bus Flauij remittas de deminuendo, & Apollonien-  
 sibus ne quid præscribas, quod contra Flauium sit;  
 amplius, & Flauij caussa, & scilicet Pompeij fa-  
 cias omnia. nolo mediusfidius ex tua iniuria in il-  
 lum tibi liberalem me uideri. sed & te oro, ut tu  
 ipse auctoritatem, & monumentum aliquod decre-  
 ti, aut litterarum tuarum relinquo, quod sit ad  
 Flauij rem, et ad causam accommodatum. fert e-  
 nim grauitur homo & mei obseruantissimus, & sui  
 iuris dignitatisq. retinens, se apud te neque amici-  
 tia, neque iure ualuisse. & ut opinor, Flauij aliquã  
 do rem & Pompeius, et Cæsar tibi commendarunt;  
 et ipse ad te scripserat Flauius, et ego certe. quare,  
 si ulla res est, quam tibi me faciendam petente putes,  
 hæc ea sit. si me amas, cura, elabora, perfice, ut  
 Flauius & tibi, & mihi quammaximas gratias  
 agat. hoc te ita rogo, ut maiore studio rogare non  
 possim. Quod ad me de Hermia scribis, mihi me-  
 hercule ualde molestum fuit. Litteras ad te parum  
 fraterne scripseram; quas, oratione Diodoti, Lu-  
 culli liberti, commotus, de pactione statim quod  
 audieram, iracundius scripseram; & reuocare cu-  
 piebam. huic tu epistola, non fraterne scriptæ, fra-  
 terne debes ignoscere. De Censorino, Antonio, Cas-  
 sio, Scauola, te ab ijs diligi, ut scribis, uehemen-  
 ter gaudeo. cetera fuerunt in eadem epistola gra-  
 uiora, quam uellem. ὁρῶν τὴν νῆαν, & ἀπ᾽ ἀνέιν.  
 maiora ista erunt. Meæ obiurgationes fuerunt amo-



## LIB. I. EPIST.

vis plenissima, quæ sunt non nulla, sed tamen medio-  
 cria, & parua potius. ego te numquam ulla in re  
 dignum minima reprehensione putassem, cum te  
 sanctissime gereres, nisi inimicos multos habere-  
 mus. quæ ad te aliqua admonitione, aut obiurga-  
 tione scripsi, scripsi propter diligentiam cautionis  
 meæ; in qua & maneo, & manebo; & idem ut  
 tu facias, non desistam rogare. Attalus Hyphe-  
 menus mecum egit, ut se ne impedires, quo minus,  
 quod ad Q. Publiceni statuam decretum est, eroga-  
 retur. quod ego te rogo, & admoneo, ne talis uiri,  
 tamq. nostri necessarij honorem minui per te, aut  
 impediri uelis. Præterea Aesopi tragædi, nostri  
 familiaris, Licinius seruus, tibi notus, aufugit. is  
 Athenis apud Patronem Epicureū pro libero fuit:  
 inde in Asiam uenit: postea Plato quidam Sardia-  
 nus, Epicureus, qui Athenis solet esse multum, &  
 qui tum Athenis fuerat, cum Licinius eò uenisset;  
 cum eum fugitiuum postea esse ex Aesopi litteris co-  
 gnosset, hominem comprehendit, & in custodiã E-  
 phesi tradidit, sed in publicam, uel in pistrinum, non  
 satis ex litteris eius intelligere potuimus. tu, quo-  
 quo modo, quoniam Ephesi est, hominem inuesti-  
 ges uelim, summaq. diligentia uel tecum deducas.  
 noli spectare, quanti homo sit: parui enim pretij est,  
 qui iam nihil sit: sed tanto dolore Aesopus est affe-  
 ctus propter serui scelus, & audaciam, ut nihil ei  
 gratius facere possis, quàm si illum per te recupera-  
 rit. Nunc ea cognosce, quæ maxime exoptas.

Remp.



Remp. funditus amisimus, adeo, ut Cato adolescens, nullius consilij, sed tamen ciuis Romanus, & Cato, uix uiuus effugeret, quod, cum Gabinium de ambitu uellet postulare, neque prætore diebus aliquot adiri possent, uel potestatem sui facerent, in concionem adscendit, & Pompeium priuatus dictatorem appellauit. propius nihil est factum, quam ut occideretur. ex hoc, qui sit status totius reip. uidere potes. nostra tamen caussa non uidetur homines defuturi: mirandum in modum profitentur, offerunt se, pollicentur. & quidem cum spe summa, tum maiore etiam animo. spero superiores fore nos: confido animo, ut in hac rep. ne casum quidem ullum pertimescam. sed tamen se res sic habet. si diem nobis Clodius dixerit, tota Italia concurret, ut multiplicata gloria discedamus: sin autem ui agere conabitur, spero fore studijs non solum amicorum, sed etiam alienorum, ut ui resistamus. omnes & se, & suos liberos, amicos, clientes, libertos, seruos, pecunias denique suas pollicentur. nostra antiqua manus bonorum ardet studio nostri, atque amore. si qui antea aut alieniores fuerant, aut languidiores, nunc, horum regum odio, se cum bonis coniungunt. Pompeius omnia pollicetur, & Caesar: quibus ego ita credo, ut nihil de mea comparatione deminuum. tribuni pl. des. sunt nobis amici. consules se optime ostendunt. prætore habemus amicissimos, & acerrimos ciues, Domitium, Nigidium, Memmium, Lentulum, bonos etiam alios,



LIB. I. EPIST.

sed hos singulares. quare magnum fac animum habeas, & spem bonam. de singulis tamen rebus, quæ quotidie gerantur, faciam te crebro certiorē. Vale.

MARCUS S. D. QVINCTO FRATRI. 3

MI FRATER, mi frater, mi frater, tu ne id ueritus ea, ne ego iracundia aliqua adductus pueros ad te sine litteris miserim? aut etiam, ne te uidere noluerim? ego tibi irascerer? tibi ego possem irasci? scilicet. tu enim me afflixisti, tui me inimici, tua me inuidia; ac non ego te misere perdidī. meus ille laudatus consulatus mihi te, liberos, patriam, fortunas, tibi uelim ne quid eripuerit præter unum me. sed certe a te mihi omnia semper honesta, & iucunda ceciderunt; a me tibi luctus meæ calamitatis, metus tuæ, desiderium, mæror, solitudo. ego te uidere noluerim? immo uero me a te uideri nolui. non enim uidisses fratrem tuum; non eum, quem reliqueras; non eum, quem noras; non eum, quem flens flentem, prosequentem proficiscens dimiseras, ne uestigium quidem eius, nec simulacrum, sed quandam effigiem spirantis mortui. atque utinam me mortuum prius uidisses, aut audisses. utinam te non solum uitæ, sed etiam dignitatis meæ superstitem reliquissē. sed testor omnes deos, me hac una uoce a morte esse reuocatum, quod omnes in mea uita partem aliquam tuæ uitæ repositam esse dicebant. quare peccauī, scelerateq. feci. nam, si cecidissē, mors ipsa meam pietatem, amoremq. in te facile de-

de-



defenderet. nunc commisi, ut uiuo me careres; ui-  
uo me alijs indigeres, mea uox in domesticis pericu-  
lis potissimum occideret, quæ sape alienissimis præ-  
sidio fuisset. Nam quòd ad te pueri sine litteris ue-  
nerunt, quoniam uides non fuisse iracundiæ causa;  
certe pigritia fuit, & quædam infinita uis lacryma-  
rum, & dolorum. hæc ipsa me quo fletu putas scri-  
psisse? eodem, quo te legere certo scio. an ego pos-  
sum aut non cogitare aliquando de te, aut umquam  
sine lacrymis cogitare? cum enim te desidero, fra-  
trem solum desidero. ego uero suauitate prope fra-  
trem, prope æqualem, obsequio filium, consilio pa-  
rentem. quid mihi sine te umquam, aut tibi sine me  
iucundum fuit? quid, quòd eodem tempore deside-  
ro filiam? qua pietate, qua modestia, quo ingenio,  
effigiem oris, sermonis, animi mei? quid filium ue-  
nustissimum, mihiq. dulcissimum? quem ego ferus,  
ac ferreus e complexu dimisi meo, sapientio rem pue-  
rum, quàm uellem: sentiebat enim miser iam, quid  
ageretur. quid uero tuum filium? quid? imaginem  
meam; quem meus Cicero & amabat ut fratrem,  
et iam, ut maiorem fratrem, uerebatur. quid, quòd  
mulierem miserrimam, fidelissimam coniugem me  
prosequi non sum passus; ut esset, quæ reliquias com-  
munis calamitatis, communes liberos tueretur?  
Sed tamen, quoquo modo potui, scripsi, & dedi lit-  
teras ad te Philogono, liberto tuo, quas credo tibi  
postea redditas esse: in quibus idem te hortor, &  
rogo, quod pueri tibi uerbis meis nunciarunt, ut Ro-



## LIB. I. EPIST.

mam protinus pergas, & properes. primum enim  
 te presidio esse uolui, si qui essent inimici, quorum  
 crudelitas non dum esset nostra calamitate satiata:  
 deinde congressus nostri lamentatione pertimui, di-  
 gressum uero non tulissem: atque etiam id ipsum, quod  
 tu scribis, metuebam, ne a me distrahi non posses.  
 his de causis hoc maximum malum, quod te non ui-  
 di, quo nihil amantissimis, & coniunctissimis fra-  
 tribus acerbius, ac miserius uidetur accidere potuis-  
 se, minus acerbum, minus miserum fuit, quam fuisse it-  
 cum congressio, tum uero digressio nostra. Nunc, si  
 potes, id quod ego, qui fortis tibi semper uidebar,  
 non possum, erige te, & confirma, si qua subeun-  
 da dimicatio erit. spero, si quid mea spes habet au-  
 thoritatis, tibi & integritatem tuam, & amorem  
 in te ciuitatis, & aliquid etiam misericordiam no-  
 stri, presidij laturam. sin eris ab isto periculo uacuus,  
 ages scilicet, si quid agi posse de nobis putabis. de  
 quo scribunt ad me quidem multi multa, & se spe-  
 rare demonstrant: sed ego, quid sperem, non dispi-  
 cio; cum inimici plurimum ualeant, amici partim  
 deseruerint me, partim etiam prodiderint; qui in  
 meo reditu fortassis reprehensionem sui sceleris per-  
 timescant. sed, ista qualia sint, tu uelim perspicias,  
 mihiq. declares. ego tamen, quam tibi opus erit,  
 si quid periculi subeundum uidebis, uiuam. diutius  
 in hac uita esse non possum. neque enim tantum ui-  
 rium habet ulla aut prudentia, aut doctrina, ut  
 tantum dolorem possit sustinere. scio fuisse & hone-  
 stius



stius moriendi tempus, & utilius: sed non hoc solum, multa alia prætermisi: quæ si queri uelim præterita, nihil agam, nisi ut augeam dolorem tuum, indicem stultitiam meam. illud quidem nec faciendum est, nec fieri potest, me diutius, quàm aut tuum tempus, aut firma spes postulabit, in tam misera, tamq̃. turpi uita commorari; ut, qui modo fratre fuerim, liberis, coniuge, copijs, genere ipso pecuniæ beatissimus; dignitate, auctoritate, existimatione, gratia non inferior, quàm qui umquam fuerunt amplissimi; is nunc in hac tam afflicta, perditaq̃. fortuna neque me, neque meos lugere diutius possim. Quare quid ad me scripsisti de permutatione? quasi uero nunc me non tuæ facultates sustineant: qua in re ipse uideo miser, & sentio, quid sceleris admiserim, cum de uisceribus tuis, & filij tui satisfactorius sis, quibus debes, ego acceptam ex ærario pecuniam tuo nomine frustra dissiparim. sed tamen & M. Antonio, quantum tu scripseras, Capioni tantundē solutum est. mihi ad id, quod cogito, hoc, quod habeo, satis est. siue enim restituimur, siue desperamur; nihil amplius opus est. tu, si forte quid erit molestiæ, te ad Crassum, et ad Calidium conferas, censeo. quantum Hortensio credendum sit, nescio: me summa simulatione amoris, summaq̃. assiduitate quotidiana sceleratissime, insidiosissimeq̃. tractauit, adiuncto quoque Arrio: quorum ego cōsilijs, promissis, præceptis destitutus in hac calamitate incidi. sed hæc occultabis, ne quid obsint. illud caneto;



## LIB. I. EPIST.

ueto; & eo puto per Pomponium fouendum tibi esse ipsum Hortensium; ne ille uersus, qui in te erat collatus, cum ædilitatem petebas, de lege Aurelia, falso testimonio confirmetur. nihil enim tam timeo, quàm ne, cum intelligant homines quantum misericordiæ nobis tuæ preces, & tua salus allatura sit, oppugnent te uehementius. Messallam tui studiosum esse arbitror: Pompeium etiam simulatorem puto. sed hæc utinam non experiare. quod precarer deos, nisi meas preces audire desissent: ueruntamen precor, ut his infinitis nostris malis contenti sint: in quibus non modo tamen nullius inest peccati infamia, sed omnis dolor est, quòd optime factis pœna est maxima constituta. Filiam meam, & tuam, Ciceronemq. nostrum quid ego, mi frater, tibi commendem? quin illud mæreo, quòd tibi non minorem dolorem illorum orbitas afferet, quàm mihi. sed, te incolumi, orbi non erunt. reliqua, ita mihi salus aliqua detur, potestasq. in patria moriendi, ut me lacrymæ non sinunt scribere. Etiam Terentiam uelim tueare, mihiq. de omnibus rebus rescribas. Sis fortis, quoad rei natura patietur. Idibus Iun. Thessalonica. Vale.

MARCUS S. D. QVINCTO FRATRI. 4

AMABO te, mi frater, ne, si uno meo facto & tu, & omnes mei corruistis, improbitati, & sceleris meo potius, quàm imprudentiæ, misericordiæque, assignes. nullum est meum peccatum, nisi quòd



quod ijs credidi, a quibus nefas putaram esse me  
decipi, aut etiam quibus ne id expedire quidem ar-  
bitrabar. intimus, proximus, familiarissimus quis-  
que aut sibi pertimuit, aut mihi inuidit. ita mihi  
nihil misero, præter fidem amicorum. cautum me-  
um consilium fuit. quod si te satis innocentia tua,  
& misericordia hominum uindicat hoc tempore a  
molestia; perspicis profecto, ecquanam nobis salu-  
tis spes relinquatur. nam me Pomponius, & Sex-  
tius, & Piso noster adhuc Thessalonica retinue-  
runt, cum longius discedere propter nescio quos  
motus uetarent. uerum ego magis exitum illorum  
litteris, quam spe certa, expectabam. nam quid  
sperem, potentissimo inimico, dominatione obtre-  
ctatorum, infidelibus amicis, pluribus inuidis? De  
nouis autem tribunis pl. est ille quidem in me offi-  
ciosissimus Sextius, & spero, Curtius, Milo, Fa-  
dius, Gratidius, sed ualde aduersante Clodio: qui  
etiam priuatus eadem manu poterit conciones con-  
citare: deinde etiam intercessor parabitur. hæc mi-  
hi proficiscenti non proponebantur; sed sæpe triduo  
summa cum gloria dicebar esse rediturus. quid tu  
igitur, inquires? quid? multa conuenerunt, quæ  
mentem exturbarent meam, subita defectio Pom-  
peij, alienatio consulum, etiam prætorum timor,  
publicanorum arma. lacrymæ meorum me ad mor-  
tem ire prohibuerunt: quod certe & ad honestatē,  
& ad effugiendos intolerabiles dolores fuit aptissi-  
mum. sed de hoc scripsi ad te in ea epistola, quam  
Phaetonti



## LIB. I. EPIST.

Phaetonti dedi. Nunc tu, quoniam in tantum luctum, laboremq. detrusus es, quantum nemo unquam; si leuare potes communem casum misericordia hominum, scilicet incredibile quiddam assequeris. sin plane occidimus; me miserum, ego omnibus meis exitio fuero; quibus ante dedecori non eram. sed tu, ut ante ad te scripsi, perspice rem, & pertenta, & ad me, ut tempora nostra, non ut amor tuus fert, uere perscribe. ego uitam, quoad putabo tua interesse, aut ad spem seruandam esse, retinebo. tu nobis amicissimum Sextium cognosces, credo tua causa uel Lentulum, qui erit consul. quamquam sunt facta uerbis difficiliora. tu, & quid opus sit, & quid sit, uidebis omnino. si tuam solitudinem, communemq. calamitatem nemo despexerit: aut per te confici aliquid, aut nullo modo poterit. sin te quoque inimici uexare cœperint: ne cessaris. non enim gladijs mecum, sed litibus agetur. uerum hæc absint uelim. Te oro, ut ad me de omnibus rebus scribas, & in me animi potius, aut consilij putes minus esse, quàm antea, amoris uero, & officij non minus. Vale.



359

M. TVLLII CICERONIS  
EPISTOLARVM AD  
Q. FRATREM  
LIBER II.

MARCVS S. D. QVINCTO FRATRI.

EPISTOLAM, quam legisti, mane  
dederam. sed fecit humaniter Licinius,  
quòd ad me, misso senatu, uesperu uenit,  
ut, si quid esset actum, ad te, si  
mibi uideretur, perscriberem. Senatus fuit  
frequentior, quàm putabamus esse posse mense  
Decembri, sub dies festos. consulares nos fuimus, &  
duo consules designati, P. Seruilius, M. Lucullus,  
Lepidus, Volcatius, Glabrio, prætore. sane  
frequentes fuimus, omnino ad ducentos. commorat  
expectationem Lupus. egit causam agri Campani  
sane accurate: auditus est magno silentio. materiam  
rei non ignoras. nihil ex nostris actionibus  
prætermisit. fuerunt non nulli aculei in C. Cæsare,  
contumelie in Gellium, expostulationes cum absente  
Pompeio. causa sero perorata, sententias se rogaturum  
negavit, ne quod onus simultatis nobis imponeret:  
ex superiorum temporum conuicijs, & ex præsentis  
silentio, quid senatus sentiret, se intelligere dixit.  
Milo cæpit dimittere. tum Marcellinus, Noli, inquit,  
ex taciturnitate nostra Lupe, quid aut probemus hoc  
tempore, aut improbemus, iudicare.



## LIB. II. EPIST.

care. ego, quod ad me attinet, itemq. arbitror ceteros, iccirco taceo, quod non existimo, cum Pompeius absit, causam agri Campani agi conuenire. tum ille se senatum negauit tenere. Racilius surrexit, & de iudicijs referre cœpit: Marcellinum quidem primum rogauit. is cum grauius de Clodianis incendijs, trucidationibus, lapidationibus questus esset, sententiam dixit, ut ipse iudices per prætorem urbanum sortiretur: iudicum sortitione facta, comitia haberentur: qui iudicia impediuiisset, eum contra remp. esse facturum. approbata ualde sententia, C. Cato contra dixit, & Cassius, maxima acclamatione senatus, cum comitia iudicijs anteferreret. Philippus assensit Lentulo. postea Racilius de priuatis me primum sententiam rogauit. multa feci uerba de toto furore, latrocinioq. P. Clodij: eum tamquam reum accusaui, multis, et secundis admirationibus cuncti senatus. orationem meam collaudauit satis multis uerbis, non me hercule indiserite, Seuerus Antistius; idq. iudiciorum causam suscepit, antiquissimamq. se habiturum dixit. ibatur in eam sententiam. tum Clodius rogatus, diem dicendo eximere cœpit. furebat, a Racilio se contumaciter, urbaneq. uexatum. deinde eius operæ repente a Græcostasi, & Gradibus clamorem satis magnum sustulerunt, opinor in Q. Sextilium, & amicos Milonis incitatæ. eo metu iniecto, repente, magna querimonia omnium, discessimus. Habes acta unius diei, reliqua, ut arbitror, in mensem Ianuarium



rium reijcientur. De tribunis pl. longe optimum  
 Racilium habemus. uidetur etiam Antistius ami-  
 cus nobis fore, nam Plancius noster totus est. Fac,  
 si me amas, ut considerate, diligenterq. nauiges de  
 mense Decembri. Vale.

MARCVS S. D. QVINCTO FRATRI. 2

NON occupatione, qua eram sane impeditus,  
 sed paruula lippitudine adductus sum, ut dictarem  
 hanc epistolam, & non, ut soleo, ad te ipse scribe-  
 rem. Et primum me tibi excuso in eo ipso, in quo te  
 accuso. me enim adhuc nemo rogauit, num quid in  
 Sardiniam uellem: te puto saepe habere, qui, num  
 quid Romam uelis, quærant. Quod ad me de Len-  
 tuli, & Sexti nomine scripsisti; locutus sum cum  
 Cincio. quo modo res se habet, non est facillima. sed  
 habet profecto quiddam Sardinia appositum ad re-  
 cordationem præteritæ memoriæ. nam, ut ille Grac-  
 chus augur, postea quàm in istam prouinciam uenit,  
 recordatus est, quid sibi in cæpo Martio, comitia cõ-  
 sulum habenti, contra auspicia accidisset: sic tu mi-  
 hi uideris in Sardinia de forma Minuciana, & de  
 nominibus Pomponianis in otio recogitasse. sed ego  
 adhuc emi nihil. Culeonis auctio facta est. Tuscula-  
 no emptor nemo fuit. si condicio ualde bona fuerit,  
 fortasse non omittam. De ædificatione tua, Cyrum  
 urgere non cesso: spero eum in officio fore: sed om-  
 nia sunt tardiora propter furiosæ ædilitatis exspe-  
 ctationem, nam comitia sine mora futura uiden-  
 tur;



LIB. II. EPIST.

tur: edicta sunt ad XI. kal. Febr. te tamen sollicitum esse nolo. omne genus a nobis cautionis adhibetur. De rege Alexandrino, factum est S. C. cum multitudine reduci, periculosum reip. uideri. reliqua cum esset in senatu contentio, Lentulus ne, an Pompeius reduceret; obtinere causam Lentulus uidebatur. in ea re nos & officio erga Lentulum mirifice, & uoluntati Pompeij præclare satisfecimus. sed per obrectatores Lentuli res calumnia extracta est. consecuti sunt dies comitiales, per quos senatus haberi non poterat. quid futurum sit latrocinio tribunorum, non diuino: sed tamen suspicor per uim rogationem Caninium perlaturum. in ea re Pompeius quid uelit, non dispicio: familiares eius quid cupiant, omnes uident. creditores uero regis aperte pecunias suppeditant contra Lentulum. sine dubio res a Lentulo remota uidetur esse, cum magno meo dolore: quamquam multa fecit, quare si fas esset, iure ei succensere possemus. Tu, si ita expedit, uelim, quamprimum bona, & certa tempestate conscendas, ad meq. uenias. innumerabiles enim res sunt, in quibus te quotidie in omni genere desiderem. Tui, nostriq. ualent. Vale. XIV. kal. Febr.

MARCUS S. D. QVINCTO FRATRI. 3

SCRIPSI ad te antea superiora: nunc cognosce, postea quæ sint acta. A kal. Febr. legationes in idus reijciebantur. eo die res confecta non est. ad

IV. non.



IV. non. Milo affuit. ei Pompeius aduocatus uenit. dixit Marcellus, a merogatus. honeste discessimus. producta dies est in VIII. id. Interim, reiectis legationibus in idus, referebatur de prouincijs quæstorum, & de ornandis prætoribus. sed res, multis querellis de rep. interponendis, nulla transacta est. Cato legem promulgauit de imperio Lentulo abrogando. uestitum filius mutauit. Ad VIII. id. Milo affuit: dixit Pompeius, siue uoluit. nam, ut surrexit, opera Clodianæ clamorem sustulerunt: idq. ei perpetua oratione contigit, non modo ut acclamatione, sed ut conuicio, & maledictis impediretur. qui ut perorauit, (nam in eo sane fortis fuit; non est deterritus; dixit omnia, atque interdum etiam silentio, cum auctoritate peregerat) sed ut perorauit, surrexit Clodius. ei tantus clamor a nostris, (placuerat enim referre gratiam) ut neque mente, neque lingua, neque ore consisteret. ea res acta est, cum hora sexta uix Pompeius perorasset, usque ad horam octauam; cum omnia maledicta, uersus etiam obscenissimi in Clodium, & Clodiam dicerentur. ille furens, & exsanguis interrogabat suos in clamore ipso, quis esset, qui plebem fame necaret? respondebant opera, Pompeius: quis Alexandriam ire cuperet? respondebant, Pompeius: quem ire uellent? respondebant, Crassum. is aderat tum, Miloni animo non amico. hora fere nona, quasi signo dato, Clodiani nostros consputare cœperunt. exarsit dolor.

Z Z      urgere



LIBER II. EPIST.

urgere illi, ut loco nos mouerent. factus est a nostris impetus; fuga operarum; eiectus de Rostris Clodius. ac nos quoque tum fugimus, ne quid in turba. senatus uocatus in curiam. Pompeius domum. neque ego tamen in senatum; ne aut de tantis rebus tacerem, aut in Pompeio defendendo (nam is carpebatur a Bibulo, Curione, Fauonio, Seruilio filio) animos bonorum offenderem. res in posterum dilata est. Clodius in Quirinalia produxit diem. ad VII. id. senatus ad Apollinis fuit, ut Pompeius adesset. acta res est grauius a Pompeio. eo die nihil perfectum est. ad VI. id. ad Apollinis S. C. factum est, ea, quæ facta essent ad VIII. idus, contra remp. esse facta. eo die Cato est uehementer in Pompeium inuectus, & eum oratione perpetua, tamquam reum, accusauit: de me multa, me inuito, cum mea summa laude dixit, cum illius in me perfidiam increparet. auditus est magno silentio maleuolorum. respondit ei uehementer Pompeius, Crassumq. descripsit; dixitq. aperte, se munitiorem ad custodiendam uitam suam fore, quam Africanus fuisset, quem C. Carbo interemisset. itaque magnæ mihi res iam moueri uidebantur. nam Pompeius hæc intelligit, nobiscumq. communicat, insidias uitæ suæ fieri, Catonem a Crasso sustentari, Clodio pecuniam suppeditari; utrumque & ab eo, & a Curione, Bibulo, ceterisq. suis obtrectatoribus confirmari; uehementer esse prouidendum, ne opprimatur, concionario illo populo a se prope alienato



nato, nobilitate inimica, non a quo senatu, iuven-  
tute improba. itaque se comparat: homines ex a-  
gris accersit. operas autem suas Clodius confirmat.  
manus ad Quirinalia paratur. in eo multo sumus  
superiores ipsius copiis. sed magna manus ex Pice-  
no, & Gallia expectatur; ut etiam Catonis roga-  
tionibus de Milone, & Lentulo resistamus. Ad  
IV. id. Sextius ab indice Cn. Nerio Pupinia de am-  
bitu est postulatus, & eodem die a quodam M. Tul-  
lio de ui. is erat ager. domum, ut debuimus, ad  
eum statim uenimus, eiq. nos totos tradidimus:  
idq. fecimus prater hominum opinionem, qui nos  
ei iure succensere putabant: ut humanissimi, gra-  
tissimiq. & ipsi, & omnibus uideremur: itaq. fa-  
ciemus. sed idem Nerius index edidit ad allegatos  
Cn. Lentulum Vatiā, & C. Cornelium. Eodem  
die S. C. factum est, ut sodalitates, decuriatiq. di-  
scederent, lexq. de ijs ferretur, ut, qui non disces-  
sissent, ea pœna, quæ est de ui, tenerentur. Ad  
III. id. dixi pro Bestia de ambitu, apud prætorem  
Cn. Domitium, in foro medio, maximo conuentu:  
incidiq. in eum locum in dicendo, cum Sextius, mul-  
tis in templo Castoris uulneribus acceptis, subsidio  
Bestiæ seruatus esset. hic πορρονοῦντα μὲν quiddam  
ἀκαίρως de ijs, quæ in Sextium apparabantur cri-  
mina; & eum ornaui ueris laudibus, magno assen-  
su omnium. res homini fuit uehementer grata. Quæ  
tibi eo scribo, quod me de retinenda Sextij gratia  
litteris monuisti. Pridie id. hæc scripsi ante lucem.



LIBER II. EPIST.

eo die apud Pomponium in eius nuptijs eram cenaturus. cetera sunt in rebus nostris, cuiusmodi tu mihi fere dissidenti prædicabas, plena dignitatis, & gratiæ: quæ quidem tua, mi frater, prudentia, patientia, uirtute, pietate, suauitate etiam, tibi, mihiq. sunt restituta. Domus tibi ad lucum Pisonis Liciniana conducta est. sed, ut spero, paucis mensibus post kal. Quint. in tuam commigrabis. tuam in Carinis mundi habitatores Camiæ conduxerunt. Ate post illam Olbientem epistolam nullas litteras accepi. quid agas, & ut te oblectes, scire cupio, maximeq. te ipsum uidere quamprimum. Cura, mi frater, ut ualeas: et quamquam est hiems, tamen Sardiniam istam esse cogites. xv. kal. Mart.

MARCUS S. D. QVINCTO FRATRI. 4

SEXTIVS noster absolutus est ad 11. id. Mart. &, quod uehementer interfuit reip. nullam uideri in eiusmodi caussa dissensionem esse, omnibus sententijs absolutus est. illud, quod tibi sæpe curæ esse intellexeram, ne cui iniquo relinqueremus uituperandi locum, qui nos ingratos esse diceret, nisi illius peruersitatem quibusdam in rebus quam humanissime ferremus, scito hoc nos in eo iudicio consecutos esse, ut omnium gratissimi iudicaremur. nam in defendendo moroso homine cumulatissime satisfacimus, &, id quod ille maxime cupiebat, Vatinium, a quo palam oppugnabatur, arbitrato nostro concidimus, dijs hominibusq. plaudentibus.

quin



quin etiam Paullus noster, cum testis productus  
esset in Sextium, confirmavit, se nomen Vatini de-  
laturum, si Macer Licinius cunctaretur: & Ma-  
cer a Sextij subsellijs surrexit, ac se illi non defutu-  
rum affirmavit. quid quæris? homo petulans, & au-  
dax, Vatinius ualde perturbatus, debilitatusq. di-  
scessit. Quinctus tuus, puer optimus, eruditur e-  
gregie. hoc nunc magis animaduerto, quod Tyran-  
nio docet apud me. Domus utriusque nostrum adi-  
ficatur strenue. redemptori tuo dimidium pecuniæ  
curaui. spero nos ante hiemem contubernales fore.  
De nostra Tullia, tui mehercule amantissima, spero  
cum Crassipede nos confecisse. dies erant duo, qui  
post Latinas habentur religiosi. ceteroqui conse-  
ctum erat. Latiar erat exiturus. \*

MARCUS S. D. QVINCTO FRATRI. 5

DEDERAM ad te litteras antea, quibus erat  
scriptum, Tulliam nostram Crassipedi pridie non.  
Apr. esse desponsatam: ceteraq. de re publica, &  
priuata perscripseram. postea sunt hæc acta. Nonis  
Apr. S. C. Pompeio pecunia decreta in rem fru-  
mentariam ad HS MCCCC. sed eodem die ue-  
hementer actum de agro Campano, clamore sena-  
tus prope concionali. acriorem causam inopia pe-  
cuniæ faciebat, & annonæ caritas. Non prætermit-  
tam ne illud quidem. M. Furium Flaccum, equi-  
tem Romanum, hominem nequam, Capitolini, &  
Mercuriales de collegio eiecerunt, præsentem, ad

ZZ 3 pedes



## LIB. II. EPIST.

pedes uniuscuiusque iacentem. Ad VIII. id. Aprilis sponsalia Crassipedi praeui. huic conuiuium puer optimus Quintus tuus, meusque. quod perleuiter commotus fuerat, defuit. Ad VI. id. Apr. ueni ad Quintum, eumque. uidi plane integrum: multumque is mecum sermonem habuit, & perhumanum de discordijs mulierum nostrarum. quid quaeris? nihil festiuus. Pomponia autem etiam de te quaestita est. sed haec coram agemus. A puero ut discessi, in aream tuam ueni. res agebatur multis structoribus. Longilium redemptorem cohortatus sum. fidem mihi faciebat, se uelle nobis placere. domus erit egregia. magis enim cerni iam poterat, quam quantum ex forma iudicabamus. itemque nostra celeriter aedificabatur. eo die cenauimus apud Crassipidem. cenatus, in hortos ad Pompeium lectica latus sum. Lucceium conuenire non potueram, quod abfuerat. uidere autem uolebam, quod eram postridie Roma exiturus, & quod ille in Sardiniam iter habebat. hominem conueni; & ab eo petiui, ut quamprimum te nobis redderet. statim, dixit. erat autem iturus, ut aiebat, ad III. id. Apr. ut aut Labrone, aut Pisis conscenderet. tu, mi frater, simul ac ille uenerit, primam nauigationem, dummodo idonea tempestas sit, ne omiseris. ἀμφοτέρω autem illam, quam tu soles dicere, bono modo desidero, sic prorsus, ut aduenientem excipiam libenter, latentem etiam nunc non excitem. Tribus locis aedifico: reliqua reconcinno: uino paullo liberalius, quam solebam.



bam. opus erat si te haberem, paullisper fabris lo-  
 cum dare. sed & hæc, ut spero, breui inter nos com-  
 municabimus. Res autem Romanæ sic se habent.  
 Consul est egregius Lentulus, non impediante col-  
 lega, sic inquam bonus, ut meliorem non uiderim.  
 dies comitiales exemit omnes. nam etiâ Latinæ in-  
 staurantur: nec tamen deerant supplicationes. sic  
 legibus perniciosissimis obsistitur, maxime Cato-  
 nis. cui tamen egregie imposuit Milo noster. nam  
 ille uindex gladiatorum, & bestiariorum emerat  
 de Cosconio, & Pomponio bestiarios; nec sine his  
 armatis umquam in publico fuerat: hos alere non  
 poterat, itaque uix tenebat. sensit Milo: dedit cui-  
 dam non familiari negotium, qui sine suspitione eme-  
 ret eam familiam a Catone. quæ simul atque abdu-  
 cta est; Racilius, qui unus est hoc tempore tribu-  
 nus pl. rem patefecit, eosq. homines sibi emptos  
 esse dixit, (sic enim placuerat) & tabulam pro-  
 scripsit, se familiam Catonianam uenditurum. in  
 eam tabulam magni risus consequebantur. hunc  
 igitur Catonem Lætulus a legibus remouit, & eos,  
 qui de Casare monstra promulgarunt, quibus in-  
 tercederet nemo. Nam quod de Pompeio Caninius  
 agit, sanequam refrixit. neque enim res probatur;  
 & Pompeius noster in amicitia P. Lentuli uitupe-  
 ratur. & hercule non est idem. nam apud illam  
 perditissimam, atque infimam facem populi pro-  
 pter Milonem suboffendit: & boni multa ab eo desi-  
 derant, multa reprehendunt. Marcellinus autem

ZZ 4

hoc



LIB. II. EPIST.

hoc uno mihi quidem non satisfacit, quod eum nimis aspere tractat. quamquam id senatu non inuito facit. quo ego me libentius a curia, & ab omni parte reip. subtrahō. In iudicijs ij sumus, qui fuimus, domus celebratur, ita, ut cum maxime. unum accidit imprudentia Milonis incommode, de Sex. Cælio: quem neque hoc tempore, neque ab imbecillis accusatoribus mihi placuit accusari. ei tres sententiæ tæterrime in consilio defuerunt. itaque hominem populus reuocat: & retrahatur, necesse est. non enim ferunt homines; & quia, cum apud suos diceret, pæne damnatus est, uident damnatum. ea ipsa in re Pompeij offensio nobis obstitit. senatorum enim urna copiose absoluit, equitum adæquauit, tribuni æuarij condemnarunt. sed hoc incommodum consolantur quotidianæ damnationes inimicorum; in quibus me perlubente Seruius allisus est, ceteri conciduntur. Cato concionatus est, comitia haberi non siturum, si sibi cum populo dies agendi essent exempti. & Appius a Cæsare non dum redierat. Tuas mirifice litteras exspecto. atque adhuc clausum mare scio fuisse: sed quosdam uenisse tamen Olbia dicebant, qui te unice laudarent, plurimiq. in prouincia fieri dicerent. ijdem aiebant, nunciare, te prima nauigatione transmissurum. id cupio: & quamquam te ipsum scilicet maxime, tamen etiam litteras tuas exspecto. Mi frater. Vale.

NARCVS



MARCUS S. D. QVINCTO FRATRI. 6

AD II. id. Apr. ante lucem hanc epistolam dictaueram, scripseramq. in itinere, ut eo die apud T. Titium in Anagnino manerem. postridie autem in Laterio cogitabam; inde, cum in Arpinati quinque dies fuisset, ire in Pompeianum, rediens aspicere Cumanum; ut, quoniam in nonas Mai. Miloni dies prodita est, prid. non. Romæ essem, teq. mi carissime, & suauissime frater ad eam diem, ut sperabam, uiderem. Aedificationem Arcani ad tuum aduentum sustentari placebat. Fac mi frater ut ualeas, quamprimumq. uenias. Vale.

MARCUS S. D. QVINCTO FRATRI. 7

O LITTERAS mihi tuas iucundissimas, expectatas, ac primo quidem cum desiderio, nunc uero etiam cum timore. atque has scito litteras me solo accepisse post illas, quas tuus nauta attulit, Olbia datas. sed cetera, ut scribis, presenti sermoni reseruentur. hoc tamen non queo differre. Idibus Mai. senatus frequens diuinus fuit in supplicatione Gabinio deneganda. adiurat Procilius hoc nemini accidisse. foris ualde plauditur. mihi cum sua sponte iucundum, tum iucundius, quod me absente, (est enim εὐλακρινὲς iudicium) sine oppugnatione, sine gratia nostra. eram Antij. Quod, idibus, & postridie, fuerat dictum, de agro Campano actum iri, non est actum. in hac causa mihi aqua haeret.  
sed



sed plura, quàm constitueram. coram enim. Vale  
mi optime, ac optatissime frater, & aduola. idem  
te nostri rogant pueri. illud scilicet: cenabis, cum  
ueneris. Vale.

MARCUS S. D. QVINCTO FRATRI. 8

PLACITVRVM tibi esse librum meum  
susplicabar: tam ualde placuisse, quàm scribis, ual-  
\*de gaudeo. Quod me admones de non curantia;  
suadesque, ut meminerim Iouis orationem, quæ  
est in extremo illo libro: ego uero memini, & illa  
omnia mihi magis scripsi, quàm ceteris. sed tamen  
postridie, quàm tu es profectus, multa nocte cum  
Vibullio ueni ad Pompeium: cumq. ego egissem de  
istis operibus, atque inscriptionibus; per benignè  
mihi respondit; magnam spem attulit; cum Crasso  
se dixit loqui uelle; mihiq. ut idem facerem,  
suasit. Crassum consulem ex senatu domum redu-  
xi. suscepit rem; dixitq. esse, quod Clodius hoc  
tempore cuperet per se, & per Pompeium consequi:  
putare se, si ego eum non impedirem, posse me adi-  
pisci sine contentione, quod uellem. totum ei ne-  
gotium permisi, meq. in eius potestate dixi fore. in-  
terfuit huic sermoni P. Crassus, adolescens nostri,  
ut scis, studiosissimus. illud autem, quod cupit Clo-  
dius, est legatio aliqua, si minus per senatum, per  
populum, libera, aut Byzantium, aut Brogitarum,  
aut utrumque. plena res nummorum. quod ego non  
nimium laboro, etiam si minus assequor quod uolo.

Pom-



Pompeius tamen cum Crasso locutus est. uidentur negotium suscepisse. si perficiunt, optime: sin minus, ad nostrum Iouem reuertamur. Ad III. id. Mai. S. C. factum est de ambitu in Afranij sententiam; quam ego dixeram, cum tu adesses. sed, magno cum gemitu senatus, consules non sunt persecuti eorum sententias, qui Afranio cum essent assensu, addiderunt, ut prætore ita crearentur, ut dies LX. priuati essent. eo die Catonem plane repudiarent. quid multa? tenent omnia, idq. ita omnes intelligere uolunt. Vale.

MARCUS S. D. QVINCTO FRATRI. 6 |

TV METVIS, ne me interpelles? primum, si in isto essem, tu scis quid sit interpellare. ante Ateius? mehercule mihi docere uidebaris istius generis humanitatem: qua quidem nihil utor abs te. tu uero ut me & appelles, & interpelles, & obloquare, & colloquare, uelim: quid enim mihi suauius? non mehercule quisquam μουτοπάτακτος libentius sua recentia poemata legit, quàm ego te audio quacunque de re, publica, priuata, rustica, urbana. sed mea factum est inuisa uerecundia, ut te proficiscens non tollerem. opposuisti semel ἀντί-εχτον causam, Ciceronis nostri ualetudinem: conticui. iterum Cicerones: quieui. nunc mihi incunditatis plena epistola hoc aspersit molestiæ, quòd nideris, ne mihi molestus esses, ueritus esse, atque etiam nunc uereri. litigare tecum, si fas esset.

sed



sed mehercule istuc si umquam suspicatus ero, nihil dicam aliud, nisi uerebor, ne quando ego tibi, cum sum una, molestus sim. uideo te ingemuisse. sic fit. εἰ δ' ἄν, ἀλλ' ἐζῆσας: numquam enim dicam, ἔα πᾶσας. Marium autem nostrum in leeticam mehercule coniecissem, non illam regis Ptolemæi Anicianam. memini enim, cum hominem portarem ad Baias Neapoli octophoro Aniciano, macharophoris centum sequentibus, miros risus nos edere, cum ille, ignarus sui comitatus, repente aperuit leeticam, & pæne ille timore, ego risu corruui. tunc, ut dico, certe sustulissem, ut aliquando subtilitatem ueteris urbanitatis, & humanissimi sermonis attingerem. sed hominem infirmum in uillam apertam, ac ne rudem quidem etiam nunc, inuitare nolui. hoc uero mihi peculiare fuerit, hic etiam isto frui. nam illorum prædiorum scito mihi uicinum Marium lumen esse. Apud Anicium, uidebimus, ut paratum sit. nos enim ita philologi sumus, ut uel cum fabris habitare possimus. habemus hanc philosophiam, non ab Hymetto, sed ab area Syra. Marius & uale tudine est, & natura imbecillior. De interpellatione, tantum sumam a uobis temporis ad scribendum, quantum dabitis. utinam nihil detis; ut potius uestra iniuria, quàm ignauia mea cessem. De rep. nimium te laborare doleo, & meliorem ciuem esse, quàm Philoeteten; qui, accepta iniuria, illa spectacula quærebat, quæ tibi acerba esse uideo. amabo te, aduola. consolabor te, & omnem abstergebo



bo dolorem. & adhuc, si me amas, Marium: sed appropriate. hortus domi est. Vale.

MARCUS S. D. QVINCTO FRATRI. IO

EPISTOLAM hanc conuicio efflagitarunt codicilli tui. nam res quidem ipsa, & is dies, quo tu es profectus, nihil mihi ad scribendum argumenti sane dabat. sed quemadmodum, coram cum sumus, sermo nobis deesse non solet: sic epistolæ nostræ debent interdum alucinari. Tenediorum igitur libertas securi Tenedia præcisa est; cum eos, præter me, & Bibulum, & Calidium, & Fauonium, nemo defenderet. De te magis ab Sipylo mentio est honorifica facta; cum te unum dicerent postulati-  
ni L. Sextij Pansa restitisse. reliquis diebus, si quid erit quod te scire opus sit, aut etiam si nihil erit, tamen scribam quotidie aliquid. Prid. id. neque tibi, neque Pomponio deero. Lucretij poemata, ut scribis, ita sunt, multis luminibus ingenij, multæ tamen artis. sed, cum ueneris, uirum te putabo: si Sallustij Empedoclea legeris, hominem non putabo. Vale.

MARCUS S. D. QVINCTO FRATRI. II

GAVDEO tibi incundas esse meas litteras. nec tamen habuissem scribendi nunc quidem ullum argumentum, nisi tuas accepissem. nam prid. id. cum Appius senatum infrequentem coegisset, tantum fuit frigus, ut populi conuicio coactus sit nos dimittere.



LIB. II. EPIST.

dimittere. De Commageno rege, quod rem discusse-  
ram, mirifice mihi & per se, & per Pomponiū blan-  
ditur Appius. uidet enim, hoc genere dicendi si-  
utar in ceteris, Februarium sterile futurum. cumq.  
lusi iocose satis: neque solum illud extorsi oppidu-  
lum, quod erat positum in Euphrate, & Zeugma-  
te; sed præterea togam sum eius prætextam, quam  
erat adeptus Casare consule, magno hominum risu  
cauillatus. Quod nolit, inquam, renouare honores  
eosdem, quo minus togam prætextam quotannis  
interpollet. decernendum nihil censeo. uos autem  
homines nobiles, qui Busrenum prætextatum non  
ferebatis, Commagenum feretis? Genus uides, &  
locum iocandi. multa dixi in ignobilem regem;  
quibus totus est explosus. quo genere commotus, ut  
dixi, Appius, totum me amplexatur. nihil est  
enim facilius, quam reliqua discutere. sed non fa-  
ciam, ut illum offendam; ne imploret fidem Iouis  
hospitalis, Graios omnes conuocet, per quos mecum  
in gratiam redijt. Theopompo satisfaciemus. De  
Casare, fugerat me ad te scribere. uideo enim, quas  
tu litteras expectaris. sed ille scripsit ad Balbum,  
fasciculum illam epistolarum, in quo fuerat & mea,  
& Balbi, totum sibi aqua madidum redditum esse;  
ut ne illud quidem sciat, meam fuisse aliquam epi-  
stolam. sed ex Balbi epistola pauca uerba intellexe-  
rat, ad quæ rescripsit his uerbis: De Cicerone ui-  
deo te quiddam scripsisse, quod ego non intellexi:  
quantum autem coniectura consequebar, id erat  
huius-



huiusmodi, ut magis optandum, quam sperandum putarem. Itaque postea misi eodem illo exemplo litteras. Iocum autem illius de sua egestate ne sis aspernatus. ad quem ego rescripsi, nihil esse, quod posthac arcæ nostræ fiducia conturbaret: lusiq. in eo genere & familiariter, & cum dignitate. amor autem eius erga nos perfertur omnium nuncijs singularis. Et litteræ quidem ad id, quod expectas, ferre cum tuo reditu iungentur. reliqua singulorum dierum scribemus ad te, si modo tabellarios tu præbebis. quamquam eiusmodi frigus impendebat, ut summum periculum esset, ne Appio suæ ædes uerentur. Vale.

MARCVS S. D. Q VINCTO FRATRI. 12

RISI niuem atram: teq. hilari animo esse, & prompto ad iocandum, ualde me iuuat. De Pompeio, assentior tibi, uel tu potius mihi. nam, ut scis, iam pridem istum canto Cæsarem. mihi crede, in sinu est; neque ego discingor. Cognosce nunc idus. Decimus erat Cælio dies. Domitius ad numerum iudices non habuit. uereor, ne, homo tater, & ferus, Polla Seruius ad accusationem ueniat. nam noster Cælius ualde oppugnatur a gente Clodia. certi nihil est adhuc: sed ueremur. Eodem igitur die Tyrijs est senatus datus frequens. frequentes contra Syriaci publicani. uehementer uexatus Gabinus: exagitati tamen a Domitio publicani, quod eum essent cum equis persecuti. noster Lamia paullo ferocius, cum

Domitius



## LIB. II. EPIST.

Domitius dixisset, *Vestra culpa hæc acciderunt, equites Romani; dissolute enim iudicatis; Nos iudicamus, uos laudatis, inquit. actum est eo die nihil: nox diremit. Comitialibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum; & quod Gabinia sanctum sit, etiã cogi, ex kal. Febr. usque ad kal. Mart. legatis senatum quotidie dari. ita putantur detrudi comitia in mensem Martium. sed tamen his comitialibus tribuni pl. de Gabinio se acturos esse dicunt. Omnia colligo, ut noui scribam aliquid ad te: sed, ut uides, res me ipsa deficit. itaque ad Callisthenem, & Philistum redeo: in quibus te uideo uolutatum. Callisthenis quidem uulgare, & notum negotium, quemadmodum Græci aliquot locuti sunt. Siculus ille capitalis, creber, acutus, breuis, pæne pusillus Thucydides. sed, utros eius habueris libros, (duo enim sunt corpora) an utrosque, nescio. me magis de Dionysio delectat. ipse est enim ueterator magnus, & pers familiaris Philisto. Sed quod adscribis, aggrediari ne ad historiã: me auctore potes. Et quoniam tabellarios sumministras, hodierni diei res gestas Lupercalibus habebis. Oblecta te cum Cicerone nostro quam bellissime.*

MARCUS S. D. QVINCTO FRATRI. 13

*DVAS adhuc a te accepi epistolas, quarum alteram in ipso discessu nostro, alteram Arimino datam. plures, quas scribis te dedisse, non acceperam.*

*Ego*



Ego me in Cumano, & Pompeiano, præter quam  
quod sine te, ceterum satis commode oblectabam:  
& eram in eisdem locis usque ad kal. Iun. futurus.  
scribebam illa, quæ dixeram, πολιτικά, spissum sane  
opus, & operosum: sed, si ex sententia successerit,  
bene erit opera posita: sin minus, in illud ipsum ma-  
re deiciemus, quod scribentes spectabamus: aggre-  
diemur alia; quoniam quiescere non possumus. Tua  
mandata persequar diligenter, & adiungendis ho-  
minibus, & quibusdam non alienandis. maxime ue-  
ro mihi curæ erit, ut Ciceronem tuum, nostrumq.  
uideam scilicet quotidie, sed inspiciam, quid discat,  
quam sæpissime: &, nisi ille contemnat, etiam ma-  
gistrum me ei profitebor. cuius rei non nullam con-  
suetudinem nactus sum in hoc horum dierum otio;  
Cicerone nostro minore perdocendo. Tu, quemad-  
modum scribis, quod, etiam si non scriberes, face-  
re te diligentissime tamen sciebam, facies scilicet,  
ut mea mandata digeras, persequare, conficias.

Ego, cum Romam uenero, nullum prætermittam  
Cæsaris tabellarium, cui litteras ad te non dem. his  
diebus, (ignosces) cui darem, fuit nemo ante hunc  
M. Orfium, equitem Romanum, nostrum, & per-  
necessarium, & quod est ex municipio Atellano,  
quod scis esse in fide nostra. itaque eum tibi commen-  
do in maiorem modum, hominem domi splendidum,  
gratiosum etiam extra domum: quem, fac, ut tua  
liberalitate tibi obliges. est tribunus mil. in exer-  
citu uestro. gratum hominem, obseruantemq. co-

Aa gno-



gnosces. Trebatium ut ualde ames, uehementer te rogo. Vale.

MARCUS S. D. QVINCTO FRATRI. 14

AD IV. non. Iun. quo die Romam ueni, accepi tuas litteras, datas Placentiæ, deinde alteras, \* postridie datas Blandenonæ, cum Caesaris litteris, refertis omni officio, diligentia, suauitate. Sunt ista quidem magna, uel potius maxima: habent enim uim magnam ad gloriam, & ad summam dignitatem: sed mihi crede, quem nosti, quod in istis rebus ego plurimi æstimo, id iam habeo, te scilicet primū tam inservientem communi dignitati, deinde Caesaris tantum in me amorem: quem omnibus ijs honoribus, quos me a se expectare uult, antepono. litteræ uero eius, una datæ cū tuis, quarum initium est, quā suauis ei tuus aduentus fuerit, & recordatio ueteris amoris; deinde se effecturum, ut ego in medio dolore, ac desiderio tui, te, cum a me abesses, potissimum secum esse lætarer; incredibiliter delectarunt. quare facis tu quidem fraterne, quod me hortaris, sed mehercule currentem nunc quidem, ut omnia mea studia in istum unum conseram, ego uero ardēti quidem studio, ac fortasse efficiam, quod sæpe uiatoribus, cum properant, euenit, ut, si serius, quā uoluerunt, forte surrexerint, properando etiam citius, quā si de multa nocte uigilassent, perueniant, quod uelint. sic ego, quoniam in isto homine colendo tam indormiui diu, te mehercule



le sape excitante, cursu corrigam tarditatem, tum  
 equis, tum uero, quoniam scribis poema ab eo no-  
 strum probari, quadrigis poeticis. modo mihi date  
 Britanniam, quam pingam coloribus tuis, penicil-  
 lo meo. sed quid ago? quod mihi tempus, Romæ  
 præsertim, ut iste me rogat, manenti, uacuum o-  
 stenditur? sed uidero: fortasse enim, ut sit, uincet  
 tuus amor omnes difficultates. Trebatium quod ad  
 se miserim, persalse, & humaniter etiam gratias mi-  
 hi agit: negat enim, in tanta multitudine eorum, qui  
 una esset, quemquam fuisse, qui uadimonium conci-  
 pere posset. M. Curtio tribunatum ab eo petiui;  
 (nam Domitius se derideri putasset, si esset a me  
 rogatus. hoc enim est eius quotidianum, se ne tribu-  
 num mil. quidem facere. etiam in senatu lusit, Ap-  
 pium collegam propterea isse ad Cæsarem, ut ali-  
 quem tribunatum auferret) sed in alterum annum.  
 id & Curtius ita uolebat. Tu, quemadmodum me  
 censes oportere esse in rep. & in nostris inimicijs,  
 ita & esse, & fore auricula infima scito molliorem.  
 Res Romanæ sic se habebant. erat non nulla spes co-  
 mitiorum, sed incerta. erat aliqua suspicio dicta-  
 turæ, ne ea quidem certa: summum otium foren-  
 se, sed senescentis magis ciuitatis, quàm acqwie-  
 scentis: sententia autem nostra in senatu eiusmodi,  
 magis ut alij nobis assentiantur, quàm nosmetipsi.  
 τοιαῦτ' ὁ τλήμων πόλεμος ἐξεργάζεται.

Calamo & atramento temperato, charta etiam  
 dentata res agetur. scribis enim, te meas litteras

Αα 2 su-



LIB. II. EPIST.

superiores uix legere potuisse . in quo nihil eorum ,  
 mi frater , fuit , quæ putas . neque enim occupatus  
 eram , neque perturbatus , neque iratus alicui . sed  
 hoc facio semper , ut , quicumque calamus in manus  
 meas uenerit , eo sic utar , tamquam bono . Verum  
 attende nunc , mi optime , & suauissime frater , ad  
 ea dum rescribo , quæ tu in hac eadem breui episto-  
 la παρατηρήσεις ualde scripsisti : de quo petis , ut ad  
 te nihil occultans , nihil dissimulans , nihil tibi in-  
 \*dulgens , genuine , fraterneq. rescribam , id est u-  
 trum uoles , ut dixerimus , ad expediendum te ; si  
 causa sit , commorere . Si , mi Quinte , parua aliqua  
 res esset , in qua sciscitare , quid uellem : tamen ,  
 cum tibi permissurus essem , ut faceres , quod uel-  
 les , ego , ipse quid uellem , ostenderem . in hac ue-  
 ro re hoc profecto quæris , cuiusmodi illum annum ,  
 qui sequitur , expectem . plane aut tranquillum no-  
 bis , aut certe munitissimum : quod quotidie domus ,  
 \*quod forum , quod theatri significationes declarant :  
 neque laborant , quod mea conscientia copiarum no-  
 strarum , quod Caesaris , quod Pompeij gratiam te-  
 nemus . hæc me , ut confidam , faciunt . sin aliquis  
 erumpet amentis hominis furor ; omnia sunt ad  
 eum frangendum expedita . hæc ita sentio , iudico ,  
 ad te explorate scribo : dubitare te , non assentato-  
 rie , sed fraterne ucto . quare suauitatis equidem no-  
 stræ fruendæ causâ cuperem te ad id tempus ueni-  
 re , quod dixeras : sed illud malo tamen , quod pu-  
 tas , magis etiam illa , ( etenim magni aestimo me )

ἀμφο-



ἀφιλαφίαν illam tuam, & expectationem debitorum tuorum. Illud quidem sic habeto, nihil nobis expeditis, si ualebimus, fore fortunatius. parua sunt, quæ desunt, (quo, nostris quidem moribus) & ea sunt ad explicandum expeditissima. modo ualeamus. Ambitus redit immanis: numquam fuit par. Idibus Quint. fenus fuit Z Z ex Z, coitione Mem- \* mij est quo cum Domitio hanc Scaurus unum uincere. Messalla flaccet. non dico ὑπερβολάς. uel HS centies constituunt in prærogatiua pronunciare. res ardet inuidia. Tribunicij candidati compromiserunt, HS quingenis in singulos apud M. Catonem depositis, petere eius arbitratu, ut, qui contra fecisset, ab eo condemnaretur. quæ quidem comitia gratuita si fuerint, ut putatur; plus unus Cato fuerit, quàm omnes leges, omnesq. iudices.

CICERO S.D. QVINCTO FRATRI. 15

CUM a me litteras librarij manu acceperis, ne paullum otij me habuisse iudicato; cum autem mea, nullum. sic enim habeto, numquam me a causis, & iudicijs districtiorem fuisse, atque id anni tempore grauissimo, et caloribus maximis. sed hæc, quoniam tu ita præscribis, ferenda sunt: neque committendum, ut aut spei, aut cogitationi uestræ ego uidear defuisse; præsertim cum, tametsi id difficilius fuerit, tamen ex hoc labore magnam gratiam, magnamq. dignitatem sim collecturus. itaque, ut tibi placet, damus operam, ne cuius ani-

Aa 3 mum



mum offendamus, atque ut etiam ab ijs ipsis, qui  
 nos cum Cæsare tam coniunctos dolent, diligamur,  
 ab æquis uero, aut etiam a propensis in hanc par-  
 tem uehementer excolamur, & amemur. De am-  
 bitu cum atrocissime ageretur in senatu multos  
 dies, quòd ita erant progressi candidati consula-  
 res, ut non esset ferendum; in senatu non fui. Sta-  
 tui ad nullam medicinam reip. sine magno præsi-  
 dio accedere. Quo die hæc scripsi, Drusus erat  
 de præuaricatione a tribunis æuarijs absolutus, in  
 summa quattuor sententijs, cum senatores, & e-  
 quites damnassent. Ego eodem die post meridiem  
 Vatinius aderam defensurus. ea res facilis est.  
 comitia in mensem Septembrem reiecta sunt. Scau-  
 ri iudicium statim exercebitur: cui nos non deerim-  
 us. σὺ δ' εἰ πρὸς σοφοκλέους, quamquam a te actam  
 fabellam uideo esse festiue, nullo modo probaui. Ve-  
 nio nunc ad id, quod nescio an primum esse debuerit.  
 O iucundas mihi tuas de Britannia litteras. time-  
 bam Oceanum: timebam litus insulæ. reliqua non  
 equidem contemno, sed plus habent tamen spei,  
 quàm timoris; magisq. sum sollicitus expectatione  
 ea, quàm metu. te uero ὑπόδειξις scribendi egre-  
 giam habere uideo. quos tu situs, quas naturas re-  
 rum, & locorum, quos mores, quas gentes, quas  
 pugnas, quem uero ipsum imperatorem habes? ego  
 te libenter, ut rogas, quibus rebus uis, adiuuabo,  
 & tibi uersus, quos rogas, γλαῦκα εἰς Ἀθήνας, mit-  
 tam. Sed heus tu, calari uideor a te. quo modo  
 nam,



nām, mi frater, de nōstris uersibus Cēsār ? pri-  
mum librum se legisse, scripsit ad me ante, & pri-  
ma sic, ut neget, se ne græca quidem meliora le-  
gisse: reliqua ad quendam locum παρὰ τοῦ πρώτου: hoc  
enim utitur uerbo. dic mihi uerum, num aut res,  
aut χαρακτήρ non delectat? nihil est, quod uerea-  
re: ego enim ne pilo quidem minus me amabo.  
hac de re φιλαλίδως, & ut soles, scribe fraterne.  
Vale.



M. TVLLII CICERONIS  
EPISTOLARVM AD  
Q. FRATREM  
LIBER III.

MARCVS S. D. QVINCTO FRATRI.

E G O. ex magnis caloribus (non enim meminimus maiores) in Arpinati summa cum amœnitatis fluminis me refeci ludorum diebus, Philotimo tribulibus commendatis. In Arcano ad IV. id. Sept. fui. ibi Messidium cum Philoxeno, aquamq., quam ij ducebant non longe a uilla, belle sane fluentem uidi, præsertim maxima siccitate: uberio remq., aliquanto sese collecturos esse dicebant. Apud Herum recte erat. In Manliano offendi Diphilum Diphilo tardio rem: sed tamen nihil ei restabat præter balnearia, & ambulationem, & auiarium. uilla mihi ualde placuit: propterea quod summam dignitatem pauimentata porticus habebat: quod mihi denique apparuit, postea quàm & ipsa tota patet, & columnæ politæ sunt. totum in eo est, quod mihi erit curæ, tectorium ut continuum sit. pauimenta recte fieri uidebantur. cameras quasdam non probavi, mutariq., iussi. Quo loco in porticu, te scribere aiunt, ut atriolum fiat; mihi, ut est, magis placebat. neque enim satis loci esse uidebatur atriolo; neque fere solet, nisi in ijs ædificijs fieri, in quibus est atrium maius;



ius; nec habere poterat adiuncta cubicula, & eius-  
modi membra. nunc hoc uel honestate testudinis, \*  
uel ualde boni aestiui locum obtinebit. tu tamen,  
si aliter sentis, rescribe quamprimum. In balnearijs  
assa in alterum apodyterij angulum promoui: pro-  
pterea quod ita erant posita, ut eorum uaporarium,  
ex quo ignis erumpit, esset sub tectum cubiculi. sub-  
grande cubiculum autem, & hibernum altum ual-  
de probaui; quod ampla erant, & loco posita, am-  
bulationis uno latere, eo quod est proximum bal-  
nearijs. Columnas neque rectas, neque e regione  
Diphilus collocarat. eas scilicet demolietur; aliquan-  
do perpendiculo, & linea discet uti. omnino spero  
paucis mensibus opus Diphili perfectum fore: curat  
enim diligentissime Cæsius, qui tum mecum fuit.  
Ex eo loco recta, Vitularia uia, profecti sumus in  
Fusidianum fundum, quem tibi proximis nuncijs Ar-  
pini de Fusidio HS CCCICCC∞ emeramus.  
ego locum æstate umbrosiorem uidi numquam, per-  
multis locis aquam profluentem, & eam uberem.  
quid quæris? iugera L prati Cæsius irrigaturum fa-  
cile te arbitrabatur. equidem hoc, quod melius in-  
telligo, affirmo, mirifica suauitate te uillam habi-  
turum, piscina, & salientibus additis, palæstra,  
& silua uiridicata. Fundum audio te huic Bouillia-  
num uelle retinere. de eo quid uideatur, ipse consti-  
tues. Cæsius aiebat, aqua dempta, & eius aquæ  
iure constituto, & seruitute fundo illi imposita, ta-  
men nos pretium seruare posse, si uendere uellemus.  
scripsisse



## LIB. III. EPIST.

Messidium mecum habui. is se ternis nummis inpe-  
dem tecum transegisse dicebat: sese autem mensum  
pedibus aiebat passum. cccc ∞. mihi plus ui-  
sum est. sed præstabo, sumptum nusquam melius  
posse poni. Chilonem arcesseram Venafro. sed eo  
ipso die quattuor eius conseruos, & discipulos Ve-  
nafri cuniculus oppresserat. Idibus Sept. in Laterie  
fui: uiam perspexi: quæ mihi ita placuit, ut opus  
publicum uideretur esse, præter CL passus. sum e-  
nim ipse mensus ab eo ponticulo, qui est ad Furinæ  
Satricum uersus. eo loco puluis, non glarea inie-  
cta est. et mutabitur: & ea uia pars ualde accliuis  
est. sed intellexi aliter duci non potuisse, præsertim  
cum tu neque per Locustæ, neque Varronis uelles  
ducere. Veluinus ante suum fundum prope munie-  
rat: Locusta non attigerat: quem ego Romæ ag-  
grediar, & ut arbitror, commouebo: & simul  
M. Taurum, quem tibi audio promississe, qui nunc  
Romæ erat, de aqua per fundum eius ducenda ro-  
gabo. Nicephorum uillicum tuum sane probaui:  
quæsiuiq. ex eo, ecquid ei de illa ædificatiuncula La-  
terij, de qua mecum locutus es, mandauisses. tum  
is mihi respondit, se ipsum eius operis HS x ∞  
conductorem fuisse; sed te postea multa addidisse  
ad opus, nihil ad pretium, itaque id se omisisse. mi-  
hi hercule ualde placet, te illa, ut constituebas,  
addere. quamquam ea uilla, quæ nunc est, tam-  
quam philosophia uidetur esse, quæ obiurget cete-  
rarum uillarum insaniam. uerumtamen illud addi-  
tum



tum delectabit. topiarium laudavi; ita omnia con-  
uestit edera, quā basim uillæ, quā intercolumnia am-  
bulationis; ut denique illi palliati topiariam facere  
uideantur, & hederam uendere. iam ἀποδύτης  
nihil alsius, nihil muscosius. Habes fere de rebus ru-  
sticis. Urbanam expolitionem urget ille quidem &  
Philotimus, & Cincius, sed etiam ipse crebro in-  
teruiso; quod est facile factu. quamobrem ea te cu-  
ra liberatum uolo. De Cicerone, quod me sem-  
per rogas, ignosco equidem tibi; sed tu quoque  
mihi uelim ignoscas. non enim concedo tibi, plus  
ut illum ames, quā ipse amo. atque utinam his  
diebus in Arpinati, quod & ipse cupierat, &  
ego non minus, mecum fuisset. quod ad Pompo-  
niam, si tibi uidetur, scribas uelim; cum aliquo exi-  
bimus, eat nobiscum, puerumq. ducat. clamores  
efficiam, si eum mecum habuero otiosum: nam Ro-  
mæ respirandi non est locus. id me scis antea gratis  
tibi esse pollicitum: quid nunc putas, tanta abs te  
mihi mercede proposita? Venio nunc ad tuas lit-  
teras: quas pluribus epistolis accepi, dum sum in  
Arpinati: nam mihi uno die tres sunt redditæ, &  
quidem, ut uidebantur, eodem abs te datæ tempo-  
re: una pluribus uerbis, in qua primum erat, quod  
antiquior dies in tuis fuisset adscripta litteris, quā  
in Cæsaris. id facit Oppius non numquam necessario,  
ut, cum tabellarios constituerit mittere, litterasq.  
a nobis acceperit, aliqua re noua impediatur, & ne  
cessario serius, quā constituerat, mittat, neque  
nos,



## LIB. III. EPIST.

nos, datis iam epistolis, diem commutari curemus.  
 Scribis de Cæsaris summo in nos amore. hunc & tu  
 fouebis, & nos, quibuscumque poterimus rebus,  
 augebimus. De Pompeio, & facio diligenter, &  
 faciam, quod mones. Quod tibi mea permissio man-  
 sionis tuæ grata est; id ego, summo meo dolore, &  
 desiderio, tamen ex parte gaudeo. In hippodamis,  
 & non nullis alijs arcessendis quid cogites, non intel-  
 ligo. nemo istorum est, quin abs te munus, fundi  
 suburbani instar, expectet. Trebatium uero meum  
 quoddam istò admisceas, nihil est. ego illum ad Cæsa-  
 rem misi; qui mihi iam satisfecit: si ipsi minus, præ-  
 stare nihil debeo; teq. item ab eo uindico, & libe-  
 ro. Quod scribis te a Cæsare quotidie plus diligi,  
 immortaliter gaudeo. Balbum uero, qui est istius  
 rei, quemadmodum scribis, adiutor, in oculis fero.  
 Trebonium meum a te amari, teq. ab illo, per gau-  
 deo. De tribunatu quod scribis, ego uero nomi-  
 natim petiui Curtio, & mihi ipse Cæsar nomina-  
 tim Curtio paratum esse rescripsit, meamq. in ro-  
 gando uerecundiam obiurgauit. si cui præterea  
 petiero, id quod, etiam Oppio dixi, ut ad illum  
 scriberet; facile patiar mihi negari: quoniam illi,  
 qui molesti sunt, sibi negari a me non facile patiun-  
 tur. ego Curtium, id quod ipsi dixi, non modo roga-  
 tione, sed etiam testimonio tuo diligo, quod litteris  
 tuis studium illius in salutem nostram facile perspe-  
 xi. De Britannicis rebus, cognoui ex tuis litte-  
 ris nihil esse, nec quod metuamus, nec quod gau-  
 deamus.



deamus. De publicis negotijs, quæ uis ad te Tironem scribere, negligentius ad te ante scribebam, quod omnia minima maxima ad Cæsarem mitti sciebam. Rescripsi epistolæ maximæ: audi nunc de minuscula. in qua primum est de Clodij ad Cæsarem litteris: in quo Cæsaris consilium probo, quod tibi, amantissime petenti, ueniam non dedit, uti ullum ad illam furiam uerbum rescriberet. Alterum est de Caluenti Marij oratione. quod scribis, miror, tibi placere me ad eum rescribere, præsertim cum illam nemo lecturus sit, si ego nihil rescripsero; meâ in illum pueri omnes, tamquam dictata, perdiscant. Libros meos, quos expectas, inchoaui, sed conficere non possum his diebus. Orationes efflagitatas pro Scauro, pro Plancio absolui. Poema ad Cæsarem, quod composueram, incidi. Tibi quod rogas, quoniam ipsi fontes iam sitiunt, si quid habebo spatij, scribam. Venio ad tertiam. Balbum quod ais mature Romam bene comitatum esse uenturum, mecumq. assidue usque ad id. Mai. futurum, id mihi pergratum, perq. iucundum erit. Quod me in eadem epistola, sicut sæpe antea, cohortaris ad ambitionem, & ad laborem: faciam equidem, sed quando uiuemus? Quarta epistola mihi reddita est idibus Sept. quam ad 1 v. idus Sext. ex Britannia dederas. in ea nihil sane erat noui, præter Erigonâ: quam si ab Oppio accepero, scribam ad te quid sentiam: nec dubito, quin mihi placitura sit. Et, quod præterij de eo, quem scripsisti de Milonis plausu  
scri-



## LIB. III. EPIST.

scripsisse ad Casarem; ego uero facile patior, ita Casarem existimare, illum quammaximum fuisse plausum. & prorsus ita fuit: & tamen ille plausus, qui illi datur, quodam modo nobis uidetur dari. Reddita est etiam mihi peruetus epistola, sed sero allata, in qua de æde Telluris, & de porticu Catulli me admones. sit utrumque diligenter. ad Telluris quidem etiam tuam statuâ locavi. Item de hortis, quod me admones; nec fui umquam ualde cupidus, & nunc domus suppeditat mihi hortorum amœnitatem. Romam cum uenissem ad XIII. kal. Oct. absolutum offendi in ædibus tuis tectum; quod super conclauia non placuerat tibi esse multorum fastigiorum; id nunc honeste uergit in tectum inferioris porticus. Cicero noster, dum ego absum, non cessauit apud rhetorem. de eius eruditione quod labores, nihil est: quoniam ingenium eius nosti; studium ego uideo; cetera eius, suscipio, ut me putem præstare debere. Gabinium tres adhuc factiones postulant, L. Lentulus, flaminis filius, qui iam de maiestate postulauit; Ti. Nero, cum bonis subscriptoribus; C. Memmius trib. pl. cum L. Capitone. ad urbem accessit ad XII. kal. Oct. nihil turpius, nec desertius, sed his iudicijs nihil audeo confidere, quod Cato non ualebat, adhuc de pecunijs repetundis non erat postulatus. Pompeius a me ualde contendit de reditu in gratiam; sed adhuc nihil profecit, nec, si ullam partem libertatis tenebo, proficiet. Tuas litteras uehementer exspecto. Quod scribis,

bis,



bis, te audisse, in candidatorum consularium coitione me interfuisse; id falsum est. eiusmodi enim patetiones in ea coitione factae, quas postea Memmius patefecit, ut nemo bonus interesse debuerit: & simul mihi committendum non fuit, ut ijs coitionibus interesssem, quibus Messalla excluderetur; cui quidem uehementer satisfacio rebus omnibus; ut arbitror, etiam Memmio. Domitio ipsi multa iam feci, quae uoluit, quaeque a me petiuit. Scaurum beneficio defensionis ualde obligauit. adhuc erat ualde incertum, & quando comitia, & qui consules futuri essent. Cum hanc iam epistolam complicarem, tabellarij a uobis uenerunt ad XI. kal. Sept. uicesimo die. O me sollicitum; quantum ego dolui in Caesaris suauissimis litteris: sed, quo erant suauiores, eo maiorem dolorem illius ille casus afferebat. Sed ad tuas uenio litteras. primum tuam reman- sionem etiam atque etiam probo, praesertim cum, ut scribis, cum Caesare communicaris. Oppium miror quidquam cum Publilio: mihi enim non pla- cuerat. Quod interiore epistola scribis, me idibus Sept. Pompeio legatum iri; id ego non audiui; scripsi- que ad Caesarem, Vibullium Caesaris mandata de mea mansione ad Pompeium pertulisse, nec ad Op- pium. quo consilio? quamquam Oppium ego te- nui: quod priores partes Bibuli erant. cum eo enim coram Caesar egerat, ad Oppium scripserat. Ego uero nullas de rebus oportidas habere possim in Caesaris rebus. ille mihi secundum te, & libe-

ros



## LIB. III. EPIST.

ros nostros ita est, ut sit pæne par. uideor id iudicio  
 facere: iam enim debeo: sed tamen amore sum in-  
 census. Cum scripsissem hæc infima, quæ sunt mea  
 manu, uenit ad nos Cicero tuus ad cenam, cum Pom-  
 ponia foras cenaret, deditq. mihi epistolam legen-  
 dam tuam, quam paullo ante acceperat ab Aristo-  
 phane modo, ualde mehercule & suauem, & gra-  
 uem; qua sum admodum delectatus. dedit etiam  
 alteram illam mihi, qua iubes eum mihi esse affi-  
 xum, tamquam magistro. quàm illum epistolæ illæ  
 delectarunt? quàm me? nihil puero illo suauius;  
 nihil nostri amantius. Hæc inter cenam Tironi di-  
 ctavi: ne mirere alia manu esse. Annali litteræ  
 tuæ pergratæ fuerunt, quod & curares de se dili-  
 genter, & tamen consilio se uerissimo iuuares. P.  
 Seruilius pater ex litteris, quas sibi a Cæsare missas  
 esse dicebat, significat, ualde te sibi gratum fecis-  
 se, quod de sua uoluntate erga Cæsarem humanis-  
 sime, diligentissimeq. locutus esses. Cum Romam  
 ex Arpinati reuertissem, dictum mihi est hippo-  
 damum ad te profectum esse. non possum scribere,  
 me miratum esse, illum tam inhumaniter fecisse, ut  
 sine meis litteris ad te proficisceretur: illud scribo,  
 mihi molestum fuisse. iam enim diu cogitaueram,  
 ex eo, quod tu ad me scripseras, ut, si quid esset,  
 quod ad te diligentius perferri uellem, illi darem:  
 quod mehercule hisce litteris, quas uulgo ad te mit-  
 to, nihil fere scribo, quod si in alicuius manus inci-  
 derit, moleste ferendum sit. Minucio me, & Sal-  
 uio,



uio, & Labeoni reseruabam. Labeo autem tarde proficiscetur, aut hic manebit. Hippodamus nenum quidem quid uellem rogauit. T. Pinarius amabiles ad me de te litteras mittit, se maxime literis, sermonibus, cenis denique tuis delectari. is homo semper me delectauit: fraterq. eius mecum est multum. quare, ut instituisti, complectere adolescentem. Quod multos dies epistolam in manibus habui propter commorationem tabellariorum; ideo multa coniecta sunt, aliud alio tempore, uelut hoc. T. Anicius mihi saepe iam dixit, sese tibi suburbanum, si quod inuenisset, non dubitaturum esse emere. in eius sermone ego utrumque soleo admirari; & te de suburbano emendo, cum ad illum scribas, non modo ad me non scribere, sed etiam aliam in sententiam scribere; & cum ad illum scribas, nihil te recordari de se, de epistolis illis, quas in Tusculano eius mihi ostendisti, nihil de praeceptis Epicharmi, γνῶντι, πῶς ἄλλω κέχρηται. totum denique uultum, animum, sermonem eius, quemadmodum conijcio, quasi. sed haec tu uideris. de suburbano, cura, ut sciam, quid uelis: & simul, ne quid ille turbet, uide. Quid praeterea? quid? etiam. Gabinus ad IV. kal. Oct. noctu in urbem introiit: & hodie hora octaua, cum edicto C. Alfi de maiestate eum adesse oporteret, concursu magno, & odio uniuersi populi pene afflictus est. nihil illo turpius. proximus est tamen Piso. itaque mirificum ἐμβόλιον cogito in secundum meorum librorum inducere, di-



LIB. III. EPIST.

centem Apollinem in consilio deorum, qualis reditus duorum imperatorum futurus esset, quorum alter exercitum perdidisset, alter uendidisset. Ex Britannia Cæsar ad me kal. Sept. dedit litteras, quas ego accepi ad 1v. kal. Oct. satis commodas de Britannicis rebus; quibus, ne admirer, quod a te nullas acceperim, scribit; se sine te fuisse, cum ad mare accesserit, ad eas ego litteras nihil scripsi, ne gratulandi quidem causa, propter eius luctum. Te oro etiam atque etiam, mi frater, ut ualeas.

MARCUS S. D. QVINCTO FRATRI. 2

AD VI. id. Oct. Saluius Ostiam uesperinaue profectus erat cum ijs rebus, quas tibi domo mitti uolueras. eodem die Gabinium ad populum luculente calefecerat Memmius, sic ut Calidio uerbum facere pro eo non licuerit. postridie autem eius diei, qui erat tum futurus, cum hæc scribebam ante lucem, apud Catonem erat diuinitio in Gabinium futura inter Memmium, & Ti. Neronem, & C. & L. Antonios M. F. putabamus fore, ut Memmio daretur: etsi erat Neronis mira contentio. quid queris? probe premitur, nisi noster Pompeius, dijs, hominibusq, inuitis, negotium inuertit. cognosce nunc hominis audaciam, & aliquid in rep. perdita delectare. Cum Gabinus, quacumque ueniebat, triumphum se postulare dixisset, subitoq. bonus imperator noctu urbem hostium plane inuasisset, in senatum se non committebat. interim ipso decimo



decimo die, quo ipsum oportebat hostium numerum, & militum renuntiare, in re hasit, summa infrequentia: cum uellet exire, a consulibus retentus est: introducti publicani. homo undique actus, cum a me maxime uulneraretur, non tulit, & me trementi uoce exsulem appellauit. hic, o di, nihil umquam honorificentius nobis accidit: consurrexit senatus cum clamore ad unum, sic, ut ad corpus eius accederet; pari clamore, atque impetu publicani. quid quæris? omnes, tamquam si tu esses, ita fuerunt. nihil hominum sermone foris clarius. ego tamen teneo ab accusando, uix mehercule, sed tamē teneo; uel quòd nolo cum Pompeio pugnare; (satis est, quòd instat de Milone) uel quòd iudices nullos habemus. ἀποτ᾽ ὕψους formido. addo etiam maleuolentiam hominum; & timeo, ne illi me accusante aliquid accidat: nec despero rem & sine me, & non nihil per me confici posse. De ambitu postulati sunt omnes, qui consulatum petunt, a Memmio Domitius; a Q. Curtio, bono & erudito adolescente, Memmius; a Q. Pompeio Messalla; a Triario Scaurus. magnares in motu est: propterea quòd aut hominum, aut legum interitus ostenditur. opera datur, ut iudicia ne fiant. res uidetur spectare ad interregnum. Consules comitia habere cupiunt, rei nolunt, & maxime Memmius, quòd Caesaris aduentu sperat se futurum consulem: sed mirum in modum iacet. Domitius cum Messalla certus esse uidebatur: Scaurus refrixerat. Appius sine lege



## LIB. III. EPIST.

riata confirmat se Lentulo nostro successurum: qui quidem mirificus illo die, quod pæne præterij, fuit in Gabinium: accusavit maiestatis: nomina data, cum ille uerbum nullum. Habes forensia. Domi recte; & ipsa domus a redemptoribus tractatur non indiligenter. Vale.

MARCUS S. D. QVINCTO FRATRI. 3

OCCUPATIONVM mearum signum tibi sit librarij manus. diem scito esse nullum; quo die non dicam pro reo. ita, quidquid conficio, aut cogito, in ambulationis fere tempus confero. negotia nostra sic se habent: domestica uero, ut uolumus. ualent pueri, studiose discunt, diligenter docentur, & nos, & inter se amant. Expolitiones utriusque nostrum sunt in manibus, sed tua ad perfectum. iam, res rustica Arcani, & Laterij. præterea de aqua, de uia nihil prætermisi quadam epistola, quin enucleate ad te perscriberem. sed me illa cura sollicitat, angitq. uehementer, quod, dierum iam amplius L. interuallo, nihil a te, nihil a Cæsare, nihil ex istis locis non modo litterarum, sed ne rumoris quidem affluxit. me autem iam & mare istuc, & terra sollicitat: neque desino, ut sit in amore, ea, quæ minime uolo, cogitare. quare non equidem iam te rogo, ut ad me de te, de rebus istis scribas: (numquam enim, cum potes, prætermittis) sed hoc te scire uolo, nihil fere me umquam ita expectasse, ut cū hac scribebam, litteras tuas. Nunc cognosce ea,  
quæ



quæ sunt in rep. Comitiorum quotidie singuli die tolluntur obnuntiationibus, magna uoluntate bonorum omnium: tanta inuidia sunt consules. propter suspicionem pactorum a candidatis præmiorum. candidati cōsulares quattuor omnes rei. causæ sunt difficiles: sed enitemur, ut Messalla noster saluus sit: quod est etiam cum reliquorum salute coniunctum. Gabinium de ambitu reum fecit P. Sylla, subscribente priuigno Memmio, fratre Cæcilio, Sylla filio. contra dixit L. Torquatus, omnibusq. libentibus non obtinuit. quæris, quid fiet. sciemus de maiestate triduo: quo quidem in iudicio odio premittur omnium generum: maxime testibus ceditur: accusatoribus frigidissimis utitur. consilium uarium, quæsitior grauis, & firmus. Alsus, Pompeius uehemens in iudiciis rogandis. quid futurum sit, nescio: locum tamen illi in ciuitate non uideo. animum præbeo ad illius perniciem moderatum, ad rerum euentum lenissimum. Habes fere de omnibus rebus. unum illud addam. Cicero tuus, nosterq. summo studio est Pæonij sui rhetoris, hominis, opinor, ualde exercitati, & boni: sed nostrum instituendi genus esse paullo eruditius, & δεικνύτερον, non ignoras. quare neque ego impediri Ciceronis iter, atque illam disciplinam uolo: & ipse puer magis illo declamatorio genere duci, & delectari uidetur: in quo quoniam ipsi quoque fuimus, patiamur illum ire nostris itineribus. eodem enim peruenturum esse confidimus. sed tamen, si nobiscum eum



LIB. III. EPIST.

rus aliquò eduxerimus, in hanc nostram rationem, consuetudinemq. inducemus. magna enim nobis a te proposita merces est: quam certe nostra culpa numquam minus assequemur. Quibus in locis, & qua spe hiematurus sis, ad me quamdiligentissime scribas, uelim. Vale.

MARCUS S. D. QVINCTO FRATRI. 4

GABINIUS absolutus est. omnino nihil accusatore Lentulo, subscriptoribusq. eius infantius: nihil illo consilio sordidius. sed tamen, nisi incredibilis contentio, preces Pompeij, dictaturæ etiam rumor plenus timoris fuisset, ipsi Lentulo non respondisset; qui cum illo accusatore, illoq. consilio sententijs condemnatus sit XXXI cum LXX tulissent. est omnino tam graui fama hoc iudicium, ut uideatur reliquis iudicijs periturus, & maxime de pecunijs repetundis. sed uides nullam esse remp. nullum senatum, nulla iudicia, nullam in ullo nostrum dignitatem. quid plura de iudicibus? duo prætorij sederunt, Domitius Calvinus: is aperte absoluit, ut omnes uiderent: & Cato: is, diruptis tabellis, de circulo se subduxit, & Pompeio prius nunciauit. Aiunt non nulli, item Sallustius, me oportuisse accusare. his ego iudicibus committerem? quid essem, si me agente esset elapsus? sed me alia mouerunt. non putasset sibi Pompeius de illius salute, sed de sua dignitate mecum esse certamen: in urbem introisset: ad inimicitias res uenisset. cum Aesernino Samnite

Pa-



Pacideianus comparatus uiderer: auriculam fortasse mordicus abstulisset: cum Clodio quidem certe redisset in gratiam. ego uero meum consilium, si praesertim tu non improbas, uehementer approbo. ille, cum a me singularibus meis studiis ornatus esset; cumq. ego illi nihil deberem, ille mihi omnia; tamen in rep. me a se dissentientem non tulit (nihil dicam grauius) & minus potens eo tempore, quid in me florentem posset, ostendit. nunc, cum ego ne curem quidem multum posse, res quidem publica certe nihil possit, unus ille omnia; cum illo ipso contenderem? sic enim faciendum fuisset. non existimo te putare id mihi suscipiendum fuisse. Alterutrum, inquit idem Sallustius: defendisses, idq. Pompeio contendenti dedisses. etenim uehementer orabat. lepidum amicum Sallustium, qui mihi aut inimicitias putet periculosas subeundas fuisse, aut infamiam sempiternam. ego uero hac mediocritate delectar. Ac mihi illud iucundum est, quod, cum testimonium secundum fidem, & religionem grauissime dixissem, reus dixit, si in ciuitate licuisset sibi esse, mihi se satisfacturum; neque me quidquam interrogauit. De uersibus, quos tibi a me scribi uis, deest mihi quidem opera, quæ non modo tempus, sed etiam animum uacuum ubi omni cura desiderat: sed abest etiam *ἐνδοξία* quæ. non enim sumus omnino sine cura uenientis anni, etsi sumus sine timore. simul & illud, (sine ulla mehercule ironia loquor) tibi istius generis in scribendo

Bb 4 priores



LIBER III. EPIST.

priores partes tribuo, quàm mihi. De bibliotheca tua Græca supplenda, libris commutandis, Latinis comparandis, ualde uelim ista confici, præsertim cum ad meum quoque usum spectent. sed ego, mihi ipsi ista per quem agam, non habeo. neque enim uenalia sunt, quæ quidem placeant, & confici nisi per hominem & peritum, & diligentem non possunt. Chrysippo tamen imperabo, & cum Tyrannione loquar. De fisco quid egerit Scipio, quæram. quod uidebitur rectum esse, curabo. De Ascanione, tu uero, quod uoles, facies: me nihil interpono. De suburbano, quod non properas, laudo: ut habeas, hortor. Hæc scripsi ad VIII. kal. Nou. quo die ludi committebantur, in Tusculanum proficiscens, ducensq. mecum Ciceronem meum in ludum discendi, non lusionis, ea re non longius, quàm uellem, quod Pontinio ad triumphum ad III. non. Nou. uolebam adesse. etenim erit nescio. quid negotioli. nam Cato, & Seruilius prætores prohibituos se minantur: nec, quid possint, scio. ille enim & Appium consulem secum habebit, & prætores, & tribunos pl. sed minantur tamen, in primisque Ἀπὸ πνέων Q. Scauola. Cura, mi suauissime, & carissime frater, ut ualeas.

MARCUS S. D. QVINCTO FRATRI. 5

QVOD quæris, quid de illis libris egerim, quos, cum essem in Cumano, scribere institui: non cessavi, neque cesso: sed saepe iam scribendi totum consilium



consilium, rationemq. mutavi. nam, iam duobus factis libris, in quibus nouendialibus ijs ferijs, quæ fuerunt Tuditano, & Aquillio cos. sermo est a me institutus. Africani, paullo ante mortem, & Lælij, Phili, Manilij, Q. Tuberonis, & Lælij generorum, Fannij, & Scæuolæ; sermo autem in nouem & dies, & libros distributus de optimo statu ciuitatis, & de optimo ciue; (sane texebatur opus luculenter; hominumq. dignitas aliquantum orationi ponderis afferebat) hi libri cum in Tusculano mihi legerentur, audiente Sallustio, admonitus sum ab illo, multo maiore auctoritate illis de rebus dici posse, si ipse loquerer, de rep. præsertim, cum essem non Heraclides Ponticus, sed consularis, & is, qui in maximis uersatus in rep. rebus essem: quæ tam antiquis hominibus attribuerem, ea uisum iri ficta esse: oratorum sermonem in illis nostris libris, quod esset de ratione dicendi, belli a me remouisse, ad eos tamen retulisse, quos ipse uidissem: Aristotelem denique, quæ de rep. & præstante uiro scribat, ipsum loqui. commouit me, & eo magis, quod maximos motus nostræ ciuitatis attingere nō poteram; quod erant inferiores, quàm illorum ætas, qui loquebantur. ego autem id ipsum tum eram secutus, ne, in nostra tempora incurrens, offenderem quempiam. nunc & id uitabo; & loquar ipse tecum; & tamen illa, quæ institueram, ad te, si Romam uenero, mittam. puto enim te existimaturum, a me libros illos non sine aliquo meo stomacho



## LIB. III. EPIST.

cho esse relictos. Caesaris amore, quem ad me perscribis, unice delector: promissis ijs, quæ ostendit, non ualde pendeo; nec honores sitio; nec desidero gloriam: magisq. eius uoluntatis perpetuitatem, quam promissorum exitum, exspecto: uiuo tamen in ea ambitione, & labore, tamquam id, quod non postulo, exspectem. Quod me de faciendis uersibus rogas: incredibile est, mi frater, quam egeam tempore: nec sane satis commoueor animo ad ea, quæ uis, canenda. ὑποθήσεις uero, & ea, quæ ipse ego ne cogitando quidem consequor, tu, qui omnes isto eloquendi, & exprimendi genere superasti, a me petis? facerem tamen, ut possem: sed, quod te minime fugit, opus est ad poema quadam animi alacritate, quam plane mihi tempora eripiunt. abduco equidem me ab omni reip. cura, dedoq. litteris: sed tamen indicabo tibi, quod mehercule in primis te cælatum uolebam. angor mi suauissime frater, angor, nullam esse remp. nulla iudicia, nostrumq. hoc tempus ætatis, quod in illa auctoritate senatoria florere debebat, aut forensi labore iactari, aut domesticis litteris sustentari. illud uero, quod a puero adamaram,

Αἰὲν ἀπὸ τοῦ Δεῖν, καὶ ὑπεύροχον ἔμμεναι ἄλλων,  
totum occidisse: inimicos a me partim non oppugnatos, partim etiam esse defensos: meum non modo animum, sed ne odium quidem esse liberum: unumq. ex omnibus Casarem esse inuentum, qui me tantum, quantum ego uellem, amaret; aut etiam, si-  
cut



cut alij putant, hunc unum esse, qui uellet. quorum  
tamen nihil est eiusmodi, ut ego me non multa con-  
solatione quotidie leniam. sed illa erit consolatio  
maxima, si una erimus. nunc ad illa uel grauissimum  
accedit tui desiderium. Gabinium si, ut Tansa pu-  
tat oportuisse, defendissem, concidissem. qui illum  
oderunt, (ij sunt toti ordines) propter quem ode-  
runt, me ipsum odisse cepissent. tenui me, ut puto,  
egregie: tantum ut facerem, quantum omnes uide-  
rent. & in omni summa, ut mones, ualde me ad  
otium, pacemq. conuerto. De libris, Tyrannio est  
cessator: Chrysippo dicam: sed res operosa est, &  
hominis perdiligentis: sentio ipse, qui in summo stu-  
dio nihil assequor. de latinis uero quod me uertam,  
nescio: ita mendose & scribuntur, & ueneunt: sed  
tamen, quod fieri poterit, non negligam. Crebrius,  
ut ante ad te scripsi, Romæ est: & qui omnia adiu-  
rant, debere tibi ualde renunciant. Ab ærario puto  
confectum esse, dum absum.

MARCUS S. D. Q. VINCTO FRATRI. 6

QUATTUOR tragædias XVI. diebus ab-  
soluisse cum scribas, tu quidquam ab alio mutuaris?  
& κλέος quæris, cum Electram, & Troadem scri-  
pseris? cessator esse noli, & illud, γνῶμι σεαυτὸν,  
noli putare ad arrogantiam minuendam solum esse  
dictum, uerum etiam ut bona nostra norimus. sed  
& istas, & Erigonam mihi uelim mittas. Habes  
duas epistolas proximas. Vale.

MARCUS



MARCUS S.D. QVINCTO FRATRI. 7

ROMAE, & maxime Appia, ad Martis, mira proluuiēs: Crassipedis ambulatio ablata, horti, tabernæ plurimæ: magna uis aquæ usque ad piscinâ publicam. uiget illud Homeri,

ματ' ὀπωρινῶ, ὅτε λαβρότατον χέει ὕδωρ  
Ζῆς. cadit enim in absolutionem Gabinij,  
ὅτε δὴ γ' ἀνδρασι κατεσάμενος χαλεπήνη:

Οἱ βίη εἰν ἀγορῇ σχολίας κρίνωσι δέμισας,  
Εκ δὲ δίκην ἐλάσωσι, θεῶν ὅπιν ἐκ ἀλέγοντες.

sed hæc non curare decreui. Romam cum uenero, quæ perspexero, scribam ad te, & maxime de dicta tura; & ad Labienum, & ad Ligurium litteras dabo. Hanc scripsi ante lucem, ad lychnuchum ligneolum; qui mihi erat periucundus, quòd eum te aiebant, cum esses Sami, curasse faciendum. Vale, mi suauissime, & optime frater.

MARCUS S.D. QVINCTO FRATRI. 8

SUPERIORI epistolæ quod respondeam, nihil est: quæ plena stomachi, & querellarum est: quo in genere alterâ quoque te scribis pridie Labieno dedisse, qui adhuc non uenerat. deleuit enim mihi omnem molestiam recentior epistola. tantum te & moneo, & rogo, ut in istis molestijs, & laboribus, & desiderijs recordere, consilium nostrum quod fuerit profectionis tuæ. non enim commoda quedam sequebamur parua, ac mediocria. quid enim



enim erat, quod discessu nostro emendum putare-  
mus? præsidium firmissimum petebamus ex optimi,  
potentissimi uiri beneuolentia ad omnem statum no-  
stræ dignitatis. plura ponuntur in spe, quàm in pe-  
cunijs: reliqua ad iacturam struentur. quare si cre-  
bro referes animum tuum ad rationem & ueteris  
consilij nostri, & spei; facilius istos militiæ labores,  
ceteraque, quæ te offendunt, feres, & tamen, cum  
uoles, depones. sed eius rei maturitas neque dum  
uenit, & tamen iam appropinquat. Etiam illud  
te admoneo, ne quid ullis litteris committas, quod si  
prolatum sit, moleste feramus. multa sunt, quæ e-  
go nescire malo, quàm cum aliquo periculo fieri cer-  
tior. plura ad te uacuo animo scribam, cum, ut spe-  
ro, se Cicero meus belle habebit. tu uelim cures, ut  
sciam, quibus nos dare oporteat eas, quas ad te de-  
inde litteras mittemus, Cæsaris ne tabellarijs, ut is  
ad te protinus mittat, an Labieno. ubi enim isti sint  
Neruij, & quàm longe absint, nescio. De uirtute,  
& grauitate Cæsaris, quam in summo dolore adhi-  
bisset, magnam ex epistola tua accepi uoluptatē.  
Quod me institutum ad illum poema iubes perfice-  
re: etsi distentus cum opera, tum animo sum mul-  
to magis, quoniam tamen ex epistola, quam ad te  
miseram, cognouit Cæsar me aliquid esse exorsum,  
reuertar ad institutum, idque perficiam his suppli-  
cationum otiosis diebus: quibus Messallam iam no-  
strum, reliquosque molestia leuatos uehementer gau-  
deo: eumque quod certum consulem cum Domitio  
nume-



## LIB. III. EPIST.

numeratis, nihil a nostra opinione dissentitis. ego Messallam Caesari praestabo. sed Memmius in aduentu Caesaris habet spem. in quo illum puto errare. hic quidem friget. Scaurum autem iam pridem Pompeius abiecit: res prolatae; ad interregnum comitia adducta; rumor dictatoris, iniucundus bonis; mihi etiam magis, quae loquuntur. sed tota res et timetur, et refrigescit. Pompeius plane se negat uelle. antea ipse mihi non negabat. Hirrus auctor fore uidetur: o di, quam ineptus, quam se ipse amans sine rivali. Crassum Iunianum, hominem mihi deditum, per me deterruit. uelit, nolit, scire difficile est. Hirro tamē agente nolle se non probabit. aliud hoc tempore de rep. nihil loquebantur: agebatur quidem certe nihil. Serrani Domestici filij funus perlucentuosum fuit. ad I V. kal. Dec. laudauit pater scripto meo. Nunc de Milone. Pompeius ei nihil tribuit, et omnia Guttæ; dicitque se perfecturum, ut in illo Caesar incumbat. hoc horret Milo, nec iniuria: et, si ille dictator factus sit, pæne diffidit. intercessorem dictaturæ si iuuerit manu, et praesidio suo, Pompeium metuit inimicum: si non iuuerit, timet, ne per uim perferatur. ludos apparat magnificentissimos, sic inquam, ut nemo sumptuosiores: stulte, bis, terque, non postulatus: uel quia munus magnificum dederat: uel quia facultates non erant: uel quia magister: uel quia potuerat magistrum se, non ædilem, putare. Omnia fere scripsi. Cura, mi carissime frater, ut ualeas.

MARCUS



MARCUS S. D. QVINCTO FRATRI. 9

DE Gabinio nihil fuit faciendum istorum, quæ  
 amantissime cogitata sunt. τό τε μοι χίνοι. feci sum-  
 ma cum grauitate, ut omnes sentiunt, & summa  
 cum lenitate, quæ feci. illum neque urfi, neque le-  
 uauī. testis uehemens fui, præterea quieui: exitum  
 iudicij fædum, & perniciosum leuissime tuli. quod  
 quidem bonum mihi nunc denique redundat, ut his  
 malis reip. licentiaq. audacium, qua ante rumpe-  
 bar, nunc ne mouear quidem. nihil est enim perdi-  
 tius his hominibus, his temporibus. itaque ex rep.  
 quoniam uoluptatis nihil iam capi potest; cur stoma-  
 cher, nescio. litteræ me, & studia nostra, & otium,  
 uillæq. delectant, maximeq. pueri nostri. angit  
 unus Milo: sed uelim finem afferat consulatus. in  
 quo enitar non minus, quàm sum enisus in nostro:  
 tuq. istinc, quod facis, adiuuabis. de quo cetera,  
 nisi plane uis eripuerit, recte sunt. de re familia-  
 ritate. ὁ δὲ μαίνεται ἐκ ἑτ' ἀνεκτῶς, qui ludos HS  
 CCC comparet: cuius in hoc uno considerantiam  
 & ego sustinebo, ut potero, & tu ut possis, est tuo-  
 rum neruorum. De motu temporum uenientis an-  
 ni, nihil te intelligere uolueram domestici timoris,  
 sed de communi reip. statu. in quo, etiam si nihil pro-  
 curo, tamen nihil curare uix possum. quàm autem  
 te uelim cautum esse inscribendo, ex hoc conijcito,  
 quòd ego ad te ne hæc quidem scribo, quæ palam in  
 rep. turbantur; ne cuiusquam animum meæ litteræ  
 inter-



## LIB. III. EPIST.

interceptæ offendant. quare domestica cura te leuatum uolo. In rep. scio quàm sollicitus esse soleas. uideo Messallam nostrum consulem; si per interregem, sine iudicio; si per dictatorem, tamen sine periculo. odij nihil habet. Hortensii calor multum ualebit. Gabinij absolutio lex impunitatis putatur. ἐν παρέργῳ. De dictatore tamen actum adhuc nihil est. Pompeius abest: Appius miscet: Hirrus parat: multi intercessores numerantur: populus non curat: principes uolunt: ego quiesco. De mancipijs, quod mihi polliceris, ualde te amo: et sum equidem, uti scribis, & Romæ, & in prædijs infrequens. sed caue, amabo, quidquam, quod ad meum commodum attineat, nisi maximo tuo commodo, & maxima tua facultate, mi frater, cogitaris. De epistola Vatinijs risi. sed me ab eo ita obseruari scio, ut eius ista odia non sorbeam solum, sed etiam concoquam. Quod me hortaris, ut absoluam; habeo absolutum suauē, mihi quidem ut uidetur, ἕως ad Cæsarem. sed quæro locupletem tabellarium; ne accidat quod Erigonæ tuæ, cui soli, Cæsare imperatore, iter ex Gallia tutum non fuit. \* quid, si cementum bonum non haberem, deturbem ædificium? quod quidem quotidie mihi magis placet; in primisq. inferior porticus, et eius conclauia fiunt recte. De Arcano, Cæsaris opus est, uel mehercule etiam elegantioris alicuius. imagines enim istæ, & palæstra, & piscina, & nilus multorum Philotimorum est, non Diphilorum. sed & ipsi ea adibimus, & mittemus,



& mandabimus. De Felicis testamento, tum magis querere, si scias. quas enim tabulas se putauit obsignare, in quibus in uncis firmissimum tenuerat, (lapsus est per errorem & suum, & Sicuræ serui) non obsignauit: quas noluit, eas obsignauit. ἀλλ' οἷμα ἔγωγε: nos modo ualeamus. Ciceronem, & ut rogas, amo, & ut meretur, & ut debeo: dimitto autem a me, & ut a magistris ne abducam, & quod mater Pomponia discedit, sine qua edacitatem pueri pertimesco. sed sumus una tamen ualde multum. Rescripsi ad omnia. Mi suauissime, & optime frater uale.

AD OCTAVIUM EPISTOLA;  
quam Ciceronis esse, uix credimus.

SI per tuas legiones mihi licitum fuisset, quæ nomini meo, populoq. R. sunt inimicissimæ, uenire in seuatum, coramq. de rep. disputare, fecissem, neque tam libenter, quàm necessario. nulla enim remedia, quæ uulneribus adhibentur, tam faciunt dolorem, quàm quæ sunt salutaria. sed quoniam cohortibus armatis circūseptus senatus nihil aliud uere potest decernere, nisi timere; in Capitolio signa sunt; in urbe milites uagantur; in campo castra ponuntur; & Italia tota legionibus, ad libertatem nostram conscriptis, ad seruitutem adductis, equitatuq. exterarum nationum distinetur: cedam tibi in præsentia foro, curia, & sanctissimis deorum immortalium templis: in quibus, reuiuiscite iam libertate, deinde rursus oppressa, senatus nihil con-

Cc     sulitur,



AD OCTAVIUM

sulitur, timet multa, assentitur omnia. post etiam paullo, temporibus ita postulantibus, cedam urbe: quam per me conseruatam, ut esset libera, in seruitute uidere non potero: cedam uita; quæ quamquam sollicita est, tamen, si profutura est reip. bona spe posteritatis me consolatur; qua sublata non dubitanter occidam: atque ita cedam, ut fortuna iudicio meo, non animus mihi defuisse uideatur. illud uero, quod & præsentis doloris est indicium, et præteritæ iniuriæ testimonium, & absentium sensus significatio, non prætermittam, quin, quoniam coram id facere prohibeor, absens prosum, siquidem mea salus aut utilis reip. est, aut coniuncta certe publicæ salutis. nam per deum immortalium fidem (nisi forte frustra eos appello, quorum aures, atque animus a nobis abhorret) perq. fortunam populi R. quæ quamquam nobis infesta est, fuit aliquando propitia, & ut spero, futura est, quis tam expers humanitatis, quis huius urbis nomini, ac sedibus usque adeo est inimicus, ut ista aut dissimulare possit, aut non dolere? aut, si nulla ratione publicis incommodis mederi queat, non morte proprium periculum uitet? nam, ut ordiar ab initio, & perducam ad extremum, & nouissima conseram primis, quæ non posterior dies acerbior priore, & quæ non insequens hora antecedente calamitosior populo R. illuxit? M. Antonius, uir animi maximi, (utinam etiam sapientis consilij fuisset) C. Casare fortissime, sed parum feliciter reip. dominatione semo-



to, concupierat magis regium, quàm libera ciuitas pati poterat, principatum: publicam dilapidabat pecuniam: ærarium exhauriebat: minuebat uectigalia: donabat ciuitates ex commentario: dictaturam gerebat: leges imponebat: prohibebat dictatorem creari legibus: S. C. ipse repugnabat in senatu: prouincias unus omnes concupiebat, cui sordebat Macedonia prouincia, quam uictor sibi sumpserat Cæsar. quid de hoc sperare, aut expectare non oportebat? extitisti tu uindex nostræ libertatis, ut tunc quidem, optimus; (quod utinam neque nostra nos opinio, neque tua fides sefellisset) & ueteranis in unum conductis, & duabus legionibus a perniciæ patriæ ad salutem auocatis, subito prope iam affectam, ac prostratam remp. tuis opibus extulisti. quæ tibi non, ante quàm postulares, maiora quàm uelles, plura quàm sperares, detulit senatus? dedit fasces, ut cum auctoritate defensorum haberet, non ut imperio se aduersum armarer: appellauit imperatorem: hostium exercitus pulso tribuens honorem, non ut sua cæde cæsus ille fugiens exercitus te nominaret imperatorem: decreui in foro statuam, locum in senatu, summum honorem ante tempus: si quid aliud est, quod dari possit, addat. quid aliud est maius, quod uelis sumere? sin autem supra ætatem, supra consuetudinem, supra etiam mortalitatem tuam tibi sunt omnia tributa: cur aut ingratus crudeliter, aut immemor beneficii scelerate circumscribis senatum?

C c 2 quò



AD OCTAVIUM

quò te misimus? a quibus reuenteris? còtra quos ar-  
 manimus? quibus arma cogitas inferre? a quibus  
 exercitum abducis? aduersus quos aciem struis?  
 cur hostis relinquitur, cuius hostis loco ponitur?  
 cur castra medio itinere longius aduersariorum ca-  
 stris, & propius urbem mouentur? o me numquam  
 sapientem, & aliquando id, quod non erat, frustra  
 existimatum. quantum te popule R. de me fefellit  
 opinio. o meam calamitosam, ac precipitem sene-  
 ctutem. o turpem exacta, dementiq. etate cani-  
 tiem. ego patres conscriptos ad paricidium indu-  
 xi: ego remp. fefelli: ego ipse senatum sibi manus  
 afferre coegi, cum te Iunonium puerum, & ma-  
 tris tuæ partum aureum esse dixi. at te fata patrie  
 Paridem futurum prædicabant, qui uastares ur-  
 bem incendio, Italiam bello, qui castra in templis  
 deorum immortalium, senatum in castris habitu-  
 rus esses. o miseram, & in breui tam celerem, &  
 tam uariam reip. commutationem. quisnam tali  
 futurus ingenio est, qui possit hæc ita mandare lit-  
 teris, ut facta, non ficta, uideantur esse? quis erit  
 tanta animi facilitate, qui, quæ uerissime memo-  
 ria propagata fuerint, non fabulæ similia sit existi-  
 maturus? cogita enim Antonium hostem iudica-  
 tum, ab eo circumfessum consulem designatum,  
 eundemq. reip. parentem: te profectum ad consu-  
 lem liberandum, & hostem opprimendum, hostemq.  
 a te fugatum, & consulem obsidione liberatum: de-  
 inde paullo post, fugatum illum hostem accersi-  
 tum,



tum, tamquam coherede mortua rep. ad bona populi R. capienda: consulem designatum rursum inclusum eò, ubi se non mœnibus, sed fluminibus, & montibus tueretur. hæc quis conabitur exponere? quis credere audebit? liceat semel impune peccare. sit erranti medicina confessio. uerum enim dicam. utinam te potius Antoni dominum non expulsemus, quàm hunc reciperemus: non quòd ulla sit optanda seruitus, sed quia dignitate domini minus turpis est fortuna serui. in duobus autem malis cum fugiendum maius sit, lenius est eligendum. ille ea tamen exorabat, quæ uolebat auferre: tu extorques. ille consul prouinciam petebat: tu priuatus concupisisti. ille ad malorum salutem iudicia constituebat, & leges ferebat: tu ad perniciem optimorum. ille a sanguine, & incendio seruorum Capitolium tuebatur: tu cruore, & flamma cuncta delere uis. si, qui dabat prouincias Cassio, & Brutis, & illis custodibus nominis nostri, regnabat: quid faciet, qui uitam adimit? si, qui ex urbe eiciebat, tyrannus erat: quem hunc uocemus, qui ne locum quidem reliquit exsilio? itaque, si quid illæ maiorum nostrorum sepultæ reliquæ sapiunt, si non una cum corpore sensus omnis uno atque eodem consumptus est, igni; quid illis interrogantibus, quid agat nunc populus R. respondebit aliquis nostrum, qui proximus in illam æternam domum discesserit? aut quem accipient de suis posteris nuncium illi ueteres Africani, Maximi, Paulli, Scipiones? quid de sua patria au-



AD OCTAVIVM EPISTOLA.

dient, quam spolijs, triumphisq. decorarunt? an esse quendam annos xx natum, cuius avus fuerit argentarius, adstipulator pater, uterque uero precarium fecerit quæstum, sed alter usque ad senectutem, ut non negaret; alter a pueritia, ut non posset non confiteri: eum agere, capere remp. cui nulla uirtus, nullæ bello subactæ, & ad imperium adiunctæ provinciae, nulla dignitas maiorum conciliaffet opem potentium, sed forma per dedecus pecuniam, & nomen nobile consceleratum impudicitiae dedisset: ueteres uulneribus, & ætate confectos Iulianos gladiatores, egentes, reliquias Cæsaris ludi, ad rudem compulisset, quibus ille septus omnia misceret, nulli parceret, sibi uiueret? qui tamquam in dotali matrimonio remp. testamento legatam sibi obtineret? audient duo Decij, seruire eos ciues, qui ut hostibus imperarent, uictoriæ se deuouerunt. audiet C. Marius, impudico domino parere nos, qui ne militem quidem habere uoluit, nisi pudicum. audiet Brutus, eum populum, quem ipse primo, post progenies eius a regibus liberauit, pro turpi stupro datum in seruitutem. quæ quidem si nullo alio, me tamen inter nuncio ad illos celeriter deferentur: nam si uiuus ista subterfugere non potero, una cum istis uitam simul fugere decreui.

VERBA



VERBA GRAECA,  
LATINIS EXPRESSA.

EX LIBRO I.

- ep. 1. ἀδύατον : quod fieri non potest.  
eadem. ἐπεὶ ἐχέριον οὐδὲ βοεῖν : quoniam non  
agitur de uictima, neque de bubulo ter  
gore. Ex Homero enim uerbum ἀρ-  
ύδην subaudiendum est.  
eadem. ἑρμαθῆνα : Hermathena, Minerua, Mer-  
curij ἡ. statua.  
ep. 5. χησιομαθῆ : utilia discentem, hoc est, de-  
ditum litteris non uulgaribus.  
eadem. γυμνασιώδης : apta gymnasio.  
ep. 7. Εὐμολπιδῶν πάτρια : Eumolpidarum ri-  
tus patrios.  
ep. 8. οἰκεῖον : proprium.  
ep. 10. σκέψεις, καὶ ἀναβολαὶ : considerationes,  
et dilationes.  
eadem. ταυτόματον ἡμῶν : casus noster.  
ep. 11. ἐν τοῖς πολιτικοῖς : in civilibus.  
eadem. τοποθεσίαν : loci descriptionem.  
eadem. Ἀθηκώτερα : magis Attica.  
eadem. φιλορήτορα : rhetoricæ studiosum.  
ep. 12. πανήγυρις : conuentus.  
eadem. μάλ' ἀριστοκρατικῶς : ualde pro statu opti-  
matum.  
eadem. γενικῶς : generaliter.



- eadem. λιχύθους : pigmentorum ampullas.
- eadem. ἀνεπερπερασάμην : uendit aui me.
- eadem. ἐπιχειρήματα : argumenta.
- eadem. ὑπόδεσις : materia.
- eadem. Ἀρειος πάγος : Areopagus.
- eadem. ἀπρακτότατος : rebus agendis ineptus,  
ignauissimus.
- eadem. καχέλις : habitu uitiorum deprauatus.
- ep. 13. φιλέλληνες : Græcorū studiosi, et amatores.
- eadem. παντοίης ἀρετῆς μιμήσκεο : omnis uirtutis reminiscere.
- ep. 14. ὕστερον πρότερον, Ομηρικῶς : ordine conuerso, Homericè.
- eadem. πρὸς τὸ πρότερον : ad prius.
- eadem. ἔσπετε νῦν μοι μοῦσαι : dicite nunc mihi muse. hemistichium Homericum.
- eadem. παρρησίαν : loquendi licentiam.
- eadem. ἀγῶνα : certamen.
- eadem. ἐπισημασίας : significationes.
- eadem. ἀποθέωσιν : consecrationem.
- eadem. φιλοσοφίαν : philosophandum.
- eadem. ἀμαλθεῖον : Amaltheū, bibliotheca s. tua.
- eadem. Ἀμαλθεία : Amalthea.
- ep. 15. τοποθεσία : loci descriptione.
- ep. 16. ἀφελέστατος : simplicissimus.
- eadem. πολιτικὸς ἀνὴρ οὐδ' ὄναρ : ciuilis uir ne in somnio quidem.
- ep. 17. τὸ ἐπὶ τῇ φακῇ μύρον : in lente unguentum.  
proverbium.

eadem.



*eadem.* ἐπιφωνήματα: acclamationes.

*eadem.* νῆφε, καὶ μέμνησ' ἀτίσειν. ἄρθρα παῦτα τῶν  
φρενῶν: uigila, & memineris non cre-  
dere. hi sunt nerui sapientie.

*eadem.* τίς πατέρ' αἰνήσει: quis patrem laudabit?

*eadem.* ἐγκωμιαστικά: laudatina.

*eadem.* ἱστορικά: historica.

*ep.* 18. οἱ μὲν πᾶρ', οὐδὲν εἰσιν, οἷς δ' οὐδὲν μέλει.  
hi, qui adsunt, nihili sunt, illis uero,  
nihil curæ est.

*eadem.* ὑπόπιον: liuor.

EX LIBRO II.

*ep.* 1. μυροθήκιον: unguenti, & pigmentorum  
arculam.

*eadem.* ὑπόμνημα: commentarium.

*eadem.* σεμνότερός τις, καὶ πολιτικώτερος: graui-  
or, & ciuiliior aliquis.

*eadem.* ἀποσπάσματα: partes quædam auulse.

*eadem.* φιλόπατρις: studiosus patriæ.

*eadem.* πολιτεία: republica.

*eadem.* ἄλις σπουδῆς: satis studiij est.

*ep.* 2. θεῖοι: patrui.

*eadem.* Πελιναίων: Pelinaeorum. (sunt autem  
populi.)

*eadem.* Κορινθίων, καὶ Αθηναίων: Corinthiorum &  
Atheniensium.

*eadem.* Ἡρώδης: Herodes.

*ep.* 3. Δαγγέλια: boni nunciij præmia.

*eadem.* Κύρε παιδείαν: Cyri institutionem.

*eadem.*



- eadem.* τὰς διαφάσεις: *lucidas radiorū egressiones.*
- eadem.* ἔσω ὅψις μὲν η, α, τὸ δὲ ὁρώμενον, β, γ, ἀκτῖ-  
 νες δὲ δ καὶ ε: *sit aspectus η, α: quod autem uidetur, β, γ: radij uero, δ, ε.*
- eadem.* κατ' εἰδώλων ἐμπλάσεις: *per simulacrorum incurSIONES.*
- eadem.* εἰδῶλα: *species, imagines.*
- eadem.* ἔγχυσις: *effusio.*
- eadem.* ὑπόστασιν: *statum.*
- eadem.* πολιτείαν: *remp.*
- eadem.* σωκρατικῶς εἰς ἐκάτερον: *more Socraticorum in utramque partem.*
- eadem.* τὴν ἀρέσκουσαν: *sententiam quæ placeat.*
- eadem.* κατάκρισις: *sanctio.*
- eadem.* Ἀριστοκρατικῶς: *pro statu optimatum.*
- eadem.* εἰς οἰωνὸς ἄριστος ἀμυνέσθαι περὶ πάτρης: *in uic augurium optimum defendere patriā.*  
*Homeri uersus ἱλ. μ.*
- eadem.* Θεοφράστου περὶ φιλοτιμίας: *Theophrasti de honorum studio.*
- ep. 5.* αἰδέομαι τρώας, καὶ τρώαδας ἑλκεσιπέπλους:  
*uereor Troianos, & Troianas longis & humum uerrentibus indutas stolis.*  
*Homeri uersus ἱλ. ζ.*
- eadem.* πολυδάμας μοι πρῶτος ἐλεγχεῖν ἀναθήσει:  
*Polydamas mihi primus uitio dabit.*  
*Homeri uersus ἱλ. χ.*
- eadem.* Θεοφάνης: *Theophanes.*
- eadem.* φιλοσοφεῖν: *philosophari.*
- eadem.*



eadem. ἐπὶ χολῆς : in otio.

ep. 6. γεωγραφικά : de terræ descriptione commentarios.

eadem. ὁμοειδεῖς : uniformes.

eadem. ἀνθηρογραφεῖσθαι : floride scribi.

eadem. πολιτὰ τέον : nauanda opera reip.

eadem. ἀνέκδοτα : non edita.

eadem. πολιτὰ ὅμαι : publice curo.

ep. 7. κατὰ τὸ πρακτικὸν : ad agendi rationem quod spectet.

eadem. καὶ ὑπὸ σέγῃ Πυκνᾶς ἀκοῦσαι τε καὶ δόξαι  
σηφρενὶ : Et sub tecto frequentem audire guttam dormienti animo . est autem finis uersus, Et uersus integer.

ep. 9. βοῶπις : bouis oculos habens.

eadem. παλινωδίαν : mutationem cantus.

eadem. διβάφω : bis tinctus purpura.

eadem. σοφιστεῖν : sapientiæ studium exercere.

eadem. ἐπαγγέλλομαι ἀνδρὶ ἀπαμύεσθαι ὅς τις πρότερος χαλεπήνῃ : profiteor me ultimum, quicumque prior laeserit.

eadem. Κικέρων ὁ μικρὸς ἀσπάζεται Τίτον Ἀθηναῖον :  
Cicero paruulus salutatur Titum Atheniensem.

ep. 10. ὑποσόλοιον : subabsurdum.

eadem. ἀναφαίνεσθαι : apparere.

ep. 13. πηχεῖ ἀλλ' ἀγαθὴ κουροτρόφος . οὐτι ἔγωγε  
Ἡ γαῖης δυνάμει γλυκερώτερον ἄλλο ἰδέσθαι :  
Aspera , sed bona puerorum nutritrix



trix: nequaquam ego ea terra possum  
dulcius quidquam aspicere.

ep. 12. Δαγγέλια: boni nunciij.

eadem. συγκύρημα: casum.

eadem. ζώτης φωνῆς: uiuæ uocis.

eadem. βοώπιδος: bonis oculos habentis.

eadem. ἀτελγοῦς: intemperantis.

eadem. ὀξύπεινος: famelicus, auidissimus.

eadem. συμπόσιον: conuiuium.

eadem. κατ' ὁπώραν τραχύτης: autumnno ipso asperitas.

eadem. ἀδικογάρχοι: iniusti magistratus.

eadem. καὶ Κικέρων ὁ φιλόσοφος τὸν πολιτικὸν Τίτον ἀπ' ἀζέται: & Cicero philosophus Titum salutatur reip. deditum.

ep. 13. αὐθωρεῖ: eadem hora.

eadem. Τηλέπυλον Λαεστρυγονίην: Telepylum urbem Lastrigoniā.

eadem. φιλοσοῶμεν: philosophemur.

ep. 14. Δ' ἀνατρέψας: quæ facile possint immutari.

eadem. ἐν τυραννεῖσθαι: sub tyranno esse.

eadem. Κικέρων ἀριστοκρατικώτατος παῖς: Cicero status optimatum studiosissimus puer.

ep. 16. φυσᾷ γὰρ οὐ μικροῖσιν αὐλίσκοις ἔτι, ἀλλ' ἄρ' ἵσται φύσαισι φορβείας ἄτερ: intumescit enim non paruis tibiolis amplius, sed efferis follibus sine lingula.

eadem. ἰσοφίζετο: cauillabatur, malitiose cogitabat.

eadem.



eadem. τὸν πρακτικὸν εἶον: *uitam in agendo positā.*

eadem. τὸν θεωρητικὸν: *quæ in rerum contemplatione collocatur.*

eadem. πρὶ δε λέων, ὅτι δὲ: *ante leo, post uero.*

eadem. εἰ δὲ μὴ: *si uero non.*

ep. 17. ὁμολογουμένως τυραννίδα συσχεδάζεται:

*sine dubio ad tyrannidem uiam munit.*

eadem. ἔλπις: *bona spes.*

eadem. ἀδιαφορία: *æquanimitas.*

eadem. ἀφιλόδοξον: *ambitione uacans.*

eadem. κατὰ τὸ κηδεμονικόν: *curiose.*

eadem. ὑποθήκας: *documenta.*

eadem. περὶ τῶν ὅλων: *de summa rerum.*

ep. 38. σκοπός: *scopus.*

eadem. κατὰ λεπτόν: *minutatim.*

ep. 19. ἄλις δρυὸς: *satis est quercus .i. glandium.*

eadem. τυφλώηω: *cacutio.*

eadem. τῷ καλῷ προσέπονθα: *erga honestum sum affectus.*

eadem. ἀσφάλειαν: *securitatem, cautionem, presidium ad furorem Clodij.*

eadem. ἀκκιζόμεθα: *dissimulamus.*

eadem. ἐν ἀνίγμασιν: *obscure dictis.*

ep. 20. ἀλληγορίας: *allegorijs.*

ep. 25. ἐλικτὰ, καὶ οὐδὲν: *inuoluta, & nihil.*

eadem. τὰς τῶν κρατούων: *est autem initium senarioli, qui est huiusmodi apud Euripidem in Phœnissis. τὰς τῶν κρατούων ἀμαθίας φέρειν χέων: potentium stulti-*



*Stultitias ferre oportet.*

EX LIBRO IV.

- ep. 3. μυσικώτερα: *secretiora.*  
ep. 4. συλλάβους: *indices ex membranula.*  
ep. 5. παλινωδία: *mutatio cantus.*  
eadem. ὑποθέσει: *argumento.*  
ep. 6. πολιτικὸς: *reip. deditus.*  
eadem. ὁ παδοὶ: *assēctatores aliorum in militia.*  
eadem. ταγοὶ: *duces.*  
eadem. σπάρταν ἔλαχες ταύταν, κόσμει: *Spartam  
sortitus es hanc, orna.*  
eadem. βαθύτης: *profunditas.*  
eadem. ἑκαρότερον: *oportunius.*  
ep. 7. οὐχ ὁσίη φθιμένοισι: *impium mortuis. uide  
de commentarium.*  
eadem. ὁ δὲ οὐκ ἐμπάζετο μύθων: *hic uero non curabat  
sermones.*  
ep. 8. μήπω μέγ' εἶπης πρὶν τελευτήσαντ' ἰδῆς: *nil  
magnum dixeris prius, quam mortuum uideris, senarius.*  
eadem. σύκω, μὰ τὴν δῆμητρα, σῦκον, οὐδὲ ἐν Οὐ-  
τῶς ὁμοιον γέγονεν: *fico, per Cererem,  
ficus nulla umquam tam similis fuit.  
est autem senarius, et senarij principium.*  
eadem. περίσσις: *status.*  
eadem. πολιτικῶς: *ciuilititer.*  
eadem. γραμμὴν: *lineam.*  
ep. 10. καὶ τὸ δὲ φακυλίδου: *hoc Phocylidis.*  
ep. 15. αὐδὲν γλυκύτερον, ἢ πάντα εἰδέναι: *nihil  
dul-*



dulcius, quàm omnia scire.

ep. 13. σκυλμὸν: uexationem, perturbationem.

eadem. ὀξύπεινος: ita curiosus, ut omnia scire cupiam: audissimus, ut fame percitus.

eadem. τὴν παροῦσαν καλᾶσαι τυπωδῶς: præsentem statum reip. quoquo modo informatum.

ep. 15. συμπάθειαν: parem animi affectionem.

eadem. ἡμερόλεγον: ut quæque singulis diebus acciderunt.

eadem. ἀρεοπαγίτας: areopagitas.

eadem. τέμπη: loca amœna.

eadem. σῆμα δέ τοι ἐρέω: signum autem tibi dicam. Homerus ἰλ. †.

eadem. ἐξοχή: excellentia.

ep. 16. ἐξωτερικοὺς: exteriores.

eadem. πολιτεία: in libris de republica.

eadem. τεχνολογίαν: de arte ratiocinationem.

eadem. ἐμφιλοσοφῆσαι: philosophari.

ep. 17. ἀπικισμὸς: Attica locutio.

eadem. συμπάθεια: similis affectio.

EX LIBRO V.

ep. 3. σπουδαιότερον: grauius.

ep. 4. δυσδιάγνωστον: difficile cognitu.

ep. 5. διαλόγους: sermones.

ep. 9. φιλοφροσυνέστατα: studio benignissimo.

ep. 10. ἔρδει τις: faciat quisque. (subaudi, quam nouit artem.)

eadem. δυσδαιμόνητα: difficilia mitigatu.

eadem.



- eadem. βαθύτητα: profunditatem.
- eadem. μελέτη: meditatio, exercitatio.
- eadem. ἄνω καὶ κάτω: sursum, & deorsum.
- ep. 11. ἄφρακτα: sunt naues non tectae, nec munitae ad pugnandum.
- eadem. ἐπὶ κωπόν: genus nauigij.
- eadem. οἷα τ' ἂν δέσποινα: qualis hera fuerit.
- eadem. ἀνεξίαν: tolerantiam.
- eadem. μετέωρος: suspensus.
- eadem. ὑπομνηματισμὸν: decretum, monumentū.
- eadem. συμπαθῶς: cū affecti animi significatione.
- eadem. νομανδρίαν: uide commentarios.
- ep. 12. σωηγωνίαν: cum illo mærebam.
- eadem. πολιτικώτερον: ciuilius.
- ep. 14. παράγγελμα ἐνιαύσιον: quod mandauit de annua administratione.
- eadem. ἐν δόμυχον: occultum.
- ep. 16. ἐπικεφάλια: tributa per capita.
- ep. 17. συμφιλοδοξοῦσιν: simul gloriae seruiunt.
- ep. 18. κεφάλαιον: caput.
- eadem. συμπάθειαν: parem affectionem.
- ep. 19. τὸ νεμεσᾶν: indignari.
- eadem. τῷ φθονεῖν: ab inuidendo.
- ep. 20. ἐν ἐπιτομῇ: summam.
- eadem. πανικὰ: subita quædam, tamquam auctore Pane deo, terricula.
- eadem. κενὰ τοῦ πολέμου: inania quædam in bello.
- Aristoteles lib. 111. ἠθικῶν.
- eadem. μόρφ: qui omnia carpit.
- eadem.



eadem. πεφυσίωμαι : elatus sum.  
 eadem. λαμπρὰ : splendida.  
 eadem. ἐν παρόδῳ : in transcurso.  
 eadem. ἀπόροσιτον : non facilem accessu.  
 eadem. ἀδωροδόκητον : incorruptum largitione.  
 eadem. κέρασ : cornu.  
 ep. 21. ἀνήμερήματι : felici eius diei successu.  
 eadem. ἀκροτελεύτιον : conclusionem.  
 eadem. γλυκύπικρον : dulce & amarum.  
 eadem. ὑπερβολικῶς : supra ueritatem.  
 eadem. τέθριππα : quadrigas.  
 eadem. κέρασ : cornu.  
 eadem. ὁδοῦ πάρεργον : obiter.  
 eadem. ἐνδομύχῳ : arcano.

EX LIBRO VI.

ep. 1. οἰκονομίαν : domesticæ rei ordinem.  
 eadem. οἶχεται : euanescit.  
 eadem. βαδύτητα : grauitatem.  
 eadem. ὑπομεμφιμοίρας : subquerulas.  
 eadem. ἐξ ἀφαιρέσεως : per extractionem.  
 eadem. προσανατρεφόμενν : recreatam.  
 eadem. ἀκοινωνήτως : incommunicabiliter, ad tol-  
 lendam amicitie communionem.  
 eadem. ἐγκεδύσματα : hortationes.  
 eadem. τὸ γὰρ ὦ, μετ' ἐμῷ : quod enim bene est,  
 mecum est.  
 eadem. ἱστορικὸν : historicum.  
 eadem. ἐκ ἑλαθες : non fefellisti.  
 eadem. ἀφελῶς : simpliciter.

Dd eadem.



- eadem. οἰκονομία: dispositio.
- eadem. χεδιάζοντα: temere, non ordine scribentē.
- eadem. πολιτάρια: administrationem publicam.
- eadem. κέρας: cornu.
- eadem. ἰσοδυναμοῦσαν: quæ idem ualeat.
- eadem. διαίρεσιν: diuisionem.
- eadem. ἀγραφον: non scriptum.
- eadem. αὐτονομίαν: libertatem suis utendi legibus.
- eadem. τὸ παραδοξότατον: inopinatissimum.
- eadem. μηδὲν αὐτοῖς: nihil illis, subaudi, crede.
- eadem. ὧν παραγμάτων ἀσυγκλώσων: o res quæ con-  
iungi non possunt.
- eadem. πολυδάκους: Pollucis ædem.
- eadem. ἀνισορροσίαν: inscitiam historiarum.
- eadem. ἠπόρησας: dubitasti.
- eadem. Ἄπολιν τὸν τῆς ἀρχαίας: Eupolim illum  
ueteris. s. comædiæ scriptorem.
- eadem. τί λοιπόν; quid reliquum?
- eadem. πολλοῦ γε καὶ δεῖ: multum quidem abest.
- eadem. χρύσεια χαλκείων: aurea pro æreis. Ho-  
meri locus ἰλ. ζ.
- eadem. ἀναντιφώνητον: sine responsione.
- eadem. αἰδέσθαι μὲν ἀνήνασθαι, δεῖσαν δ' ὑποδέχθαι:  
ueriti sunt quidem recusare, timue-  
runt autem accipere. Homeri uersus  
integer ex ἰλ. η.
- eadem. παρῖσθησαι: scire.
- eadem. προπύλαιον: uestibulum.
- ep. 2. ἰστορικώτατος: historiarum peritissimus.
- eadem.



eadem. νεώκτις : nuper ædificata.

eadem. τῶ τῶν νεῶν καταλόγῳ : in navium enumeratione, apud Homerum uidelicet.

eadem. ἀναλογία : proportio, analogia.

eadem. φλιῦς, ὀποῦς, σιποῦς : Phlius Phliuntis, urbs Lacedæmoniorum : Opus Opuntis, urbs Locrorum, per contractionē. integrum est ὀπίεις ὀπέεντος : Sipus Sipuntis, urbs Dauniorum in Apulia.

eadem. ὀπουῶτιοι, σιπουῶτιοι : gentile nomen ab ὀποῦς, σιποῦς.

eadem. αὐτονομίαν : libertatē suis legibus utendi.

eadem. ὑπερβολικῶς : supra modum.

eadem. δῆθειαν : fatuam simplicitatem.

ep. 3. πολλὰ δ' ἐν μεταχίμῳ Νότος κυλίνδει κεί-  
ματ' Ὀρεῖνς ἁλὸς : multos autem in intermedio Auster uoluit fluctus lati maris. est enim proprie μεταίχμιον id spatium, quod est inter duos exercitus.

eadem. ἀκοινῶνιτον : aptum ad dirimendam amicitiam.

eadem. μουσικώτερον : secretius.

ep. 4. τῆς δάμαρτός μου ὁ ἀπελδύθερος (οἶδα ὃν λέ-  
γω) ἔδοξε μοι πρῶτην, ἐξ ᾧν ἀλογόμενος πα-  
ρεφδέγγετο, πεφυρακέναι τὰς ψήφους ἐκ τῆς  
ᾧν τῶν ὑπαρχόντων τῷ Κροτωνιάτῃ τυραν-  
νοκτόντι. δέδοικα δὴ, μή τι νοήσης. εἰς δὴ πε-  
τῷτο περισκεψάμενος, τὰ λοιπὰ ἐξ ἀσφαλείας :  
uxoris meæ libertus (nosti quem dico) ni-

Dd 2 sus



sus est mihi dudum e uerbis , quæ inconfi-  
derate protulit , turbasse calculos , seu suf-  
fragia ex coemptione bonorum Crotonia-  
tæ tyrannicidæ . timeo , ne quid intelligas ,  
unus quidem hoc si consideraueris , reli-  
qua in tuto .

ep. 5. τῆς ξυωόρου τῆς ἐμῆς οὐξ ἐλδ' ἑρως , ἔδοξε  
μοι θαμὰ βαρβρίζων , καὶ αἰλύων τοῖς ξυλλό-  
γοις , καὶ ταῖς λέξαις ὑπότι πεφυρακέναι τὰς  
ψήφους ἐν τοῖς ὑπάρχουσι τοῖς τοῦ Κροτων-  
ιάτου . uxoris meæ libertus uisus est mihi  
sepe garriens , & in conciliabulis , &  
confessionibus nugantium aliquid turbasse  
calculorum in bonis Crotoniatæ .

eadem. ἐξ ἄσεως ἐπαλόφου τειχῶν παρέδωκεν ἡμῶν  
γάμου ὀφειλήματα ὁ Κάμιλλος , αὐτόν τε ὀ-  
φείλοντα μινᾶς κδ . ἐκ τῶν Κροτωνιατικῶν ,  
καὶ ἐκ τῶν Χερρόνησιτικῶν μη . καὶ κληρονο-  
μήσαι χμ . κ . μ . τούτων δὲ μηδὲ ὀβολὸν  
διαλύσασθαι πάντων ὀφειληθέντων τοῦ δα-  
τέρου μηνὸς τῇ νομηνίᾳ . τὸν δὲ ἀπελδύτε-  
ρον αὐτοῦ , ὄντα δμῶνυμον τῷ Κόνωνος πα-  
τρὶ , μηδὲν ὀλοχερῶς πεφροντικέναι . ταῦ-  
τα οὖν , πρῶτον μὲν , ἵνα πάντα σώζῃ·  
δύτερον δὲ , ἵνα μηδὲ τῶν τόκων ὀλιγορή-  
σῃς τῶν ἀπὸ τῆς προεκκειμένης ἡμέρας , ὅσας  
αὐτὸν ἠνέγκαμεν . σφόδρα δέδοικα . καὶ γὰρ  
παρὴν πρὸς ἡμᾶς κατασκεψόμενος , καὶ τι  
χεδὸν ἐλπίσας . ἀπογνοὺς δὲ , ἀλόγως ἀπέ-



ἐν, ἐπειτὸν, αἰχρὸν τοι δηρὸν τε μένειν :  
 e septicollis urbis mœnibus tradidit (id est,  
 scripsit ad me) nostri coniugij (id est, uxo-  
 ris meæ) æs alienum Camillus . debere  
 eam uidelicet minas 24 ex bonis Croto-  
 niaticis ; ex Cherrhonesiticis 48. ex here-  
 ditatibus autem percepisse 640. 20. 40.  
 atque ex his ne obolum quidem dissoluisse  
 ex omni ære alieno, secundi mensis kalen-  
 dis . libertum autem ipsius eum, qui Co-  
 nonis patri cognominis est, nihil ne ipsum  
 quidem curasse : primum igitur hoc ; om-  
 nia ut custodias : deinde, ut ne usuras qui-  
 dem negligas eas, quæ current, ab eo,  
 quem ante diximus, die . Ego quidem, per  
 eos dies, quibus illum (Timotheum uide-  
 licet) pertuli, ualde magno in timore fui .  
 erat enim apud nos, ut exploraret, ac  
 aliqua etiam spe adductus . qua cum exci-  
 disset, temere abiit, fatus, Turpe qui-  
 dem est remanere diu . Hoc autem postre-  
 mum hemistichium est Homericum . totus  
 uersus hic est,

Αἰχρὸν τοι δηρὸν τε μένειν, κενεὸν τε νέεσθαι .  
 Turpe quidem est remanere diu, uacu-  
 umq. reuerti. ἰλ. β.

eadem. λεληθότως : latenter.

eadem. ἄλλο πρόβλημα : alia quæstio.

ep. 6. πυρὸς εἰς δῆμον : frumenta in populum.

D d 3 eadem.



- eadem. προπύλω : vestibulo.  
 eadem. ἐπέχειν : hæsitare, dubitare.  
 eadem. ἐποχῆς : dubitationis.  
 eadem. παλλιγενεσίαν : regenerationem.  
 ep. 7. ἐν αἰνιγμοῖς : anigmatice.  
 eadem. ἀφελῶς : simpliciter.  
 ep. 8. αἰσχρὸν σιωπᾶν : turpe tacere.  
 ep. 9. σύγχυσιν : confusionem.  
 eadem. παραφύλαξον : observa.  
 eadem. τὴν τῷ φουρατῷ φιλοτιμίαν αὐτότατα : tur-  
 batoris auaritiam quammaxime.  
 eadem. κενὸν : inanem.  
 eadem. ἄτυφον : sine ambitione, parui animi.  
 eadem. ἐπέχειν : dubitare.  
 eadem. ἀδέτησις : improbatio.  
 eadem. ἐποχὴ : cunctatio.  
 eadem. τοῦ μὲν ὄνειρον ἐμοί : meum mihi somnium.  
 prouerbum est.  
 eadem. ἐπιχρονία ἐποχὴ : diuturna dubitatio.

EX LIBRO VII.

- ep. I. φιλοτιμία : ambitio.  
 eadem. ὀρέσθημα : quæstionem.  
 eadem. ἀλλ' ἐμὸν οὐ ποτε θυμὸν ἐνὶ στήθεσιν ἔπειδες.  
 Ὡς οὐδὲν γλύκιον ἢς πατρίδος : sed meū  
 nunquam animum in pectoribus per-  
 suasisti. quod nihil dulcius sua patria.  
 eadem. αἰδέομαι : uereor.  
 eadem. τρωάς, καὶ τρώαδας : Troas & Troadas.  
 eadem. πουλυδάμας μοι πρῶτος ἐλεγχείην καταθή-

σθι :



σει: Polydamas mihi primus probrum  
inferet.

eadem. ἔδοῦ πάρεργον: præter propositum, ut e-  
grediar a proposito.

eadem. ἐπίκτιτα: fluxa, non diuturna.

eadem. ἐκβολὴ λόγου: egressio orationis.

eadem. Ἐπίοριον: parabilem.

eadem. φυράτης: permistor.

eadem. ἀλλὰ τὰ μὲν προτετύχθαι εἰδομέν, ἀγνύ-  
μενοί περ: sed hæc quidem facta esse si-  
namus, licet dolentes. id est, præterita  
omittamus, licet cum dolore.

eadem. ἀμεμπτα: non accusanda.

ep. 2. τῶν νεωτέρων: iuniorum.

eadem. οὐτόχθων: nativa, & indigena.

eadem. σοργὴν φυσικὴν: amorem naturalem.

eadem. πρὸς τὰ τέκνα: in filios.

ep. 3. ἀμεταμέλητα: non pænitenda.

eadem. τὸ σκάφος τῶν ἀπιδῶν: nauigium Atri-  
darum.

eadem. συντομα: compendiosa.

eadem. δῆμους: uicos.

eadem. ζήτημα: quaestionem.

ep. 4. τεκμηριῶδες: coniecturale, iudicium.

ep. 5. τοῖς ἀπαύτως: obuiam mihi uenientibus.

eadem. δύχρησα: inutilia.

eadem. ἀπότρεψαι: abstergito.

ep. 6. ἵνα γὰρ ἂν τόδε μείζον ἐπει κακὸν: neque enim  
maius sequetur malum. Hom. ὁδ. μ.

Dd 4

ep. 7.



- ep. 7. παλινωδία : *mutatio cantus.*  
eadem. λῆψις : *quartana correptio.*  
eadem. ἀβδηριτικὸν : *Abderiticum.*  
eadem. ἐμπολιτεύομαί σοι : *tecum de republica disputo.*  
ep. 8. πολιτικὸν σκέμμα : *ciuilis consideratio.*  
eadem. φιλοσοφώτερον διδκρινήσομεν : *sapientius dijudicabimus.*  
eadem. σύγχυσιν τῆς πολιτείας : *confusionem rei publicæ.*  
eadem. ξυῶς ἐνυάλιος : *communis Mars . Homerilocus ἰλ. Σ.*  
eadem. πολιτικῶς : *ciuilititer.*  
eadem. ἄμορπον ἀντιπολιτευομένου χρεωφειλέτην : *deforme, & turpe est, aduersantis in republica debitorem esse.*  
ep. 9. διδκρινήσεις πρόβλημα πολιτικὸν : *dijudicabis quæstionem ciuilem.*  
ep. 11. τῆ καλῆ : *honesti.*  
eadem. χρεῶν ἀποκοπὰς, φυγάδων καθόδους : *tabulas nouas, exsulum restitutiones.*  
eadem. τὴν θεῶν μεγίστην ὥς ἔχειν τυραννίδα : *dearum maximam ut obtineat tyrannidē. Euripides in Phænissis.*  
eadem. ἐνχολάζω σοι : *otium tecum disputans confutuo.*  
eadem. ἀπορῶ : *dubito.*  
eadem. οὕτως που τῶν πρόθεν ἐπενδόμεθα κλέα ἀνδρῶν : *sic sane superiorum lugebamus laudes*



laudes uirorum.

- eadem. ἐπίσκοπον : speculatorem, custodem.  
 eadem. ὄρμη : impetus.  
 ep. 12. φαλαρισμὸν : Phalaridis imitationem.  
 eadem. αἰδέομαι τρώας : uereor Troianos.  
 ep. 13. ἀπορίαν : dubitationem.  
 eadem. ἥρωα : heroem.  
 eadem. πολιτικῶς : civiliter.  
 eadem. ἀσρατήγητος : regendi exercitus ignarus.  
 eadem. πρὸς τὸ ἀσφαλές : ad securitatem.  
 eadem. μάντις δ' ἄριστος : uates autem optimus.  
 ep. 16. σιτισιδέστερον : magis Sextianum.  
 eadem. ὑπεκδέμενος : cum dimisero, transpor-  
 tauero.  
 ep. 17. Ἰδδισιόδηον : quod falso Hesiodo adscri-  
 bitur.  
 eadem. μηδὲ δίκην : neque causam. totum car-  
 men est, μηδὲ δίκην δικάσης, πρὶν ἀμ-  
 φοῖς μῦθον ἀκούσης : ne causam ante iu-  
 dicaueris, quàm utriusque partis ora-  
 tionem audiueris.  
 ep. 19. καὶ σωμαποθανεῖν : & simul mori.  
 ep. 20. φαινοπροσώπειν : apparere, uultum osten-  
 dere.  
 eadem. σκέμμα : consideratio.  
 eadem. ἀπορία : dubitatio.  
 EX LIBRO VIII.  
 ep. 2. διπλῇ : nota in margine adscripta, sic a  
 græcis appellata.

ep. 8.



ep. 8. ἀπροσφωνήτες: insalutatos.

eadem. τὸ καλὸν: honestum.

eadem. πρὸς ταῦθ' ὅ, τι χεῖρ, καὶ παλαμάδων, καὶ  
πάν ἐπ' ἐμοὶ τεκταινέδων: ad hæc, quod  
oportet, & faciant, & omnia in me  
fabricentur.

eadem. τὸ γὰρ &, μετ' ἐμῶ: quod enim bene est,  
mecum est.

eadem. πολλὰ χαίρειν τῷ καλῷ: multam salutem  
honesto.

ep. 9. Ὀγενῆ: generosa, nobilia.

eadem. σῶδι ημερδόμεν: simul diem conterimus.

eadem. τέρας: monstrum.

ep. 11. σκοπὸς: scopus.

eadem. προθεσπίζω: præfagio.

eadem. ἱλίας: ilias.

eadem. περὶ ὁμονοίας: de concordia.

ep. 16. ἀπολιτικώτατον: maxime ciuilis guber-  
nationis expertem.

eadem. ἀσρατηγικώτατον: maxime imperatorie  
artis ignarum.

eadem. ἀπαντήσεις: occursus obuiam.

eadem. αἰδέομαι τρώας: timeo Troianos.

#### EX LIBRO IX.

ep. 1. κενόσπουδα: inanis studiij plena.

eadem. ἀναπάντητον: in quo nemo occurrat.

ep. 2. ἀπὸ τῆν διάλυσιν: sub ipsa accessione febris.

eadem. ἀπαρρησίασον: minime liberam.

eadem. τίς δ' ἐστὶ δούλος, τῷ δανεῖν ἀφροντίς ὦν:  
quis-



quisnam est servus ; de morte securus  
qui sit ?

eadem. ἀσμένισον : gratissimum.

ep. 4. δέσεις : materias.

eadem. Εἰ μενετέον ἐν τῇ πατρίδι τυραννουμένη : τυραννουμένης δὲ αὐτῆς, εἰ παντὶ τρόπῳ τυραννίδος κατάλυσιν πειρατέον, καὶ μὴ μίλλῃ διὰ τοῦτο περὶ τῶν ὅλων ἢ πόλιν κινδυνάσειν. εἰ δ' ἀλαβητέον τὸν καταλύοντα, μὴ αὐτὸς ἄρῃται. εἰ πειρατέον ἀρήγειν τῇ πατρίδι εἰρήνην μᾶλλον, ἢ πολέμῳ. εἰ πολιτικὸν τὸ ἡσυχάζειν ἀναχωρήσαντά ποι τῆς πατρίδος τυραννουμένης, ἢ διὰ παντὸς ἰτέον κινδύνου τῆς ἐλευθερίας πέρι. εἰ πόλεμον ἐπακτέον τῇ χώρᾳ, καὶ πολιορκητέον αὐτὴν τυραννουμένην. εἰ καὶ μὴ δοκιμάζοντα τὴν διὰ πολέμου κατάλυσιν τῆς τυραννίδος συναπογραπτέον ὅμως τοῖς ἀρίστοις. εἰ τοῖς δ' ἐργέταις, καὶ φίλοις συγκινδυνάτέον ἐν τοῖς πολιτικοῖς, καὶ μὴ δοκῶσιν δ' βεβουλεῦσθαι περὶ τῶν ὅλων. εἰ ὁ μέγιστος τὴν πατρίδα δ' ἐργετήσας, δι' αὐτὸ δὲ τοῦτο ἀνήκεστα πασῶν, καὶ φθονηδεῖς, κινδυνάσειεν ἂν ἐθελοντὴς ὑπὲρ τῆς πατρίδος : ἢ ἀφετέον αὐτῷ ἑαυτοῦ ποτε, καὶ τῶν οἰκιστάτων ποιῆσαι πρόνοιαν. ἀφεμένῳ τὰς πρὸς τοὺς ἰσχύοντας διαπολιτείας : an manendum in patria tyrannide oppressa : ea uero tyrannide oppressa, an quouis modo tyrannidis euersio tentanda



da est, etiam si ciuitas propter id de summa rerum periculum subitura sit. Vtrum cauendum tyrannidem destruenti, ne ipse de medio tollatur. An tentandum ferre opem patriæ pace potius, quàm bello. Vtrum ciuile sit, secedentem aliquò, quiescere, oppressa a tyranno patria, an quodcunque subeundum discrimen pro libertate. an bellum inferendum regioni, eaq. sit obsidenda a tyranno oppressa. an etiam is, qui non probet, ut bello tyrannis dissoluatur, tamen subscribere optimatibus debeat. An cum bene meritis & amicis una subeunda sint, pericula, etiam si illi minus recte de summa rerum consuluisse uideantur. (hic Pompeium notat, ut ep. 1. huius l.) Vtrum de patria bene meritus, ob eamq. causam grauissima quæque passus, & inuisus, (hic se ipsum describit, qui, Catilinæ coniuratione oppressa, pro maximis meritis crudelissima supplicia pertulerat) ultro pro patria discrimine subire debeat, an permittendum ei, ut sui ipsius inter- dum, & familiarissimorum rationem habeat, dimissis aduersus potentes concertationibus pro rep.

eadem. τῶν προύργου τι: quæ sunt ex re.

eadem. ἀκαρπός: intempestiuus.

ep. 5. ἀσμάχως: bono stomacho.

eadem.



*eadem.* αὐτίκα γάρ τοι ἔπειτα μεδ' ἔκτορα πότμος  
ἔτοιμος : *statim enim tibi deinde post*  
*Hectorem mors parata.*

*eadem.* αὐτίκα τεθναίνην, ἐπεὶ οὐκ ἄρ' ἔμελλον ἑταίρῳ  
κτεινομένῳ ἐπαμῶναι : *utinam statim*  
*obeam, postea quàm non eram socio,*  
*cum interficeretur, suppetias laturus.*

*eadem.* ἑταίρῳ : *sodali.*

*eadem.* ἀ' ἐργέτη : *bene merito.*

*ep. 6.* οὐδέ μοι ἦτορ ἔμπεδον, ἀλλ' ἀλαλύκτῃμαι.  
*neque enim mihi cor firmum, sed con-*  
*sternato sum animo. Homerus ἰλ. κ.*

*eadem.* αἰχρᾶ φαντασία : *turpitudinis imago.*

*eadem.* ἐν δυνάμει : *in potestate.*

*eadem.* σὺν τε δὺ' ἐρχομένῳ : *pariterq. duo euntes.*

*ep. 7.* τὸ σωέχον : *proximum.*

*eadem.* ἀπάντησις : *occursus*

*eadem.* πολίτῳ : *actionem publicam.*

*eadem.* μή μοι γοργεῖν κεφαλὴν δεινοῖο πελώρου : *ne*  
*mihi gorgoneum caput horrendi et gra-*  
*uis monstri.*

*eadem.* εἰδώς σοι λέγω : *sciens tibi dico.*

*eadem.* ἀχαρισίας : *ingrati animi.*

*eadem.* ὁ πλοῦς ὥραος : *nauigatio idonea.*

*eadem.* Μέντορ πῶς τ' ἄρ' ἴω, πῶς τ' ἄρ' προσπύξομαι  
αὐτῶν ; *Mentor, quonam modo aude-*  
*am, &, quonam modo amplexabor*  
*ipsum ? Homerus ὀδ. γ.*

*ep. 8.* θέσεις : *materias.*

*eadem*



- eadem. Διονύσιος ἐν Κορίνθῳ : Dionysius Corinthi.
- eadem. τότε μοι χάνοι δ'ρεῖα χθῶν : tunc mihi de-  
hisceat lata terra.
- ep. 9. ἐν τοῖς ἐρωτικοῖς : in rebus amatorijs.
- eadem. ἀλογίως : inconsiderate.
- eadem. ὑποκορίζη : leni uocabulo appellas.
- eadem. χρησμὸς : oraculum.
- eadem. ἀσπονδον : implacabilem.
- eadem. φιλόπατρις, ἀσπολιτικὸν : studiosum pa-  
triæ, ac ciuilem.
- eadem. γενικώτερον : generalius.
- eadem. νεκύαν : turbam mortuorum.
- eadem. ἀπορῶ : dubito.
- eadem. σερκτέον : probandum.
- eadem. τὸ μέλλον παραδοκίσεις : quod futurum est,  
expectabis.
- eadem. ὑπὸ τὴν λῆψιν : sub accessionem quartanæ  
febris.
- eadem. ἀσμένισον : gratissimum.
- eadem. πολιτικὸν : ciuile.
- eadem. μακροψυχίαν : affectionem animi longin-  
qua spectantis.
- eadem. δ'δαίμονα : felicem.
- ep. 10. οὐκ ἔς' ἔτυμος λόγος : non est uerus sermo.
- eadem. ἀήμεριαν : felicem diei successum.
- ep. 11. συναγωγὴ : collectio.
- eadem. ἐσάλπιζεν : turba canebat.
- eadem. λάπισμα : falsa quedam ostentatio.
- eadem. γοντεῖαν : præstigationem.
- eadem.



eadem. πειθανάγκην : suasionem uiolentam.

eadem. αἱ γὰρ τῶν τυράννων δέησις : φησὶ πλάτων,  
οἷδ' ὅτι μεμιγμένα ἀνάγκαις : tyrannorum enim preces, inquit Plato, non  
sunt quædam permixtæ necessitatibus.

eadem. ἀλίμενα : sine portu loca.

eadem. ὑπηρεσίαν : ministerium.

eadem. ἀδημονῶν : se occultans.

ep. 12. διατροπὴν : infamiam.

eadem. αὐθεντικῶς : auctoritate quadam domini  
utentem.

ep. 14. τέτλα, κυώτερον : perfer, grauius tulisti.  
sumptum ex Homeri uersu de Ulyssse  
suum cor alloquente.

eadem. ἄλλα μὲν αὐτὸς : alia quidem ipse.

eadem. ἄλλα δὲ καὶ δαίμων ὑποθήσεται : alia autem  
uel deus suggeret.

ep. 18. ἀναθεώρησις : speculatio.

#### EX LIBRO X.

ep. 1. μὴ μὰν ἀσπουδεῖ γε, καὶ ἀκλειῶς ἀπολοίμην :  
ne negligenter & inglorius peream.

eadem. ἀλλὰ μέγα ῥέξας τί κ' ἐσομένοισι πυθέσθαι :  
sed magno aliquo facinore edito, quod  
uel a posteris audiatur.

eadem. τῶν πολιτικωτάτων σκεμμάτων : maxime  
civilium considerationum.

eadem. ἄλῃ : error.

eadem. πολιτεύεον : uersandum in republica.

ep. 7. τῶν τε παραχρῆμα δι' ἐλαχίστης βουλῆς κρά-  
τις



τις ος γνῶμων, καὶ τῶν μελλόντων ἐπὶ  
πλεῖστον τοῦ γενησομένου ἄριστος εἰκαστής.  
Et presentium, quæ repente accidunt,  
minima deliberatione peritissimus co-  
gnitor Et futurorum optimus plerun-  
que coniecttor.

eadem. τότε ἄμεινον, ἢ χεῖρον ἐν τῷ ἀφανεῖ ἐτι προ-  
εώρα μάλις: quid melius, aut quid  
peius, uel obscurissimis in rebus promi-  
debat maxime.

eadem. πλεδοκῶν: tempestatem ad nauigandum  
idoneam expectans.

eadem. εὐρυγῆς: amoris.

eadem. σωτήζης: colliquatio.

eadem. συμπάθειαν: parem affectionem animi.

eadem. ζηλοτυπία: æmulatio.

ep. 8. τυραννικῶς: tyrannice.

eadem. αὐθεντικῶς: pro certo.

eadem. σκυτάλην λακωνικὴν: Scytalem Laconicā.  
uide comment.

eadem. σιὼ θεῷ τοι λέγω: saltem si deus fauerit.

eadem. δυσουρία: urinæ difficultas.

eadem. ἀρχὴ: principium.

eadem. ἀνηθοποίητον: nequaquam formatis mo-  
ribus.

eadem. ἡδὺς ἐπιμελητέον: moribus adhibenda di-  
ligentia.

ep. 9. ὑπουλον: subdolum.

eadem. ἀφράκτω: detecto nauigio.

eadem.



- eadem. ἀποτόμως: concise.  
 eadem. θυμικώτερον: stomachosius.  
 ep. 10. παραπλουτέον: abnauigandum.  
 eadem. ἀλλὰ τὰ μὲν προτέτυχθαι, εἰάσομεν ἀχνύμε  
 νοί περ: sed quæ quidem ante acta sunt,  
 omitemus quamuis tristes.  
 eadem. σφάλμα: error.  
 eadem. ἀρετὴ: uirtus.  
 eadem. διδασκτὸν: res, quæ tradi possit docendo.  
 ep. 11. περὶ κοιλιολυσίαν γίγνεσθαι: circa uentris  
 solutionem esse.  
 ep. 12. ὧ πολλῆς ἀγεννείας: o multam ignobilitatē.  
 ep. 16. ἐπ' ἡμῖν ἔκτονον ἡυτόκησεν: septimestrem sal-  
 μα reperit.  
 eadem. Κωρυκαῖοι: Corycæi.

EX LIBRO XII.

- ep. 1. γεροντικώτερον: senilius.  
 eadem. λέξις: confabulatio.  
 ep. 2. τί γὰρ αὐτῷ μέλει; quid enim illi curæ est?  
 eadem. βεβίωται; uita traducta est?  
 eadem. πρόβλημα: quæstio.  
 ep. 3. ἀγνήδως: sincere, sine fūco.  
 eadem. μακάρων νῆσοι: beatorum insulæ.  
 eadem. πάθει: afflictione.  
 eadem. σκέψαι: considera.  
 eadem. ἀλογηθῆ: negligatur.  
 eadem. μελήσει: curæ sit.  
 ep. 4. ἐνερδότερον: rubicundiores.  
 eadem. πρόβλημα ἀρχιμήδειον: quæstio Archimedea.

E e eadem.



- eadem. ψαδῶς : falso.
- eadem. ἀκουσμα : auditio.
- ep. 5. ἔρανον : collationem.
- eadem. γιψῶσαν κρήνην : siticulosum fontem.
- eadem. πειρήνην : Pirenen.
- eadem. ἄμπνδμα σεμνὸν Αλφείου πειρήνην : requiē  
uerendam Alphei Pirenen.
- eadem. ποῖ ταῦτ' ἄρ' ἀποσκήψῃ ; quonam hac mo-  
do excusabis ?
- eadem. γεωμετρικῶς : more geometrico.
- eadem. ἀρχέτυπα : exemplaria.
- ep. 6. πάντα φιλόδημον : omnem popularem.
- eadem. θεωρίαν : speculationem.
- eadem. τέλος : finem.
- ep. 7. Ὀπινές : uenustum.
- ep. 10. ᾧ ὁπεραντολογία δούς : cui infinitam lo-  
quacitatem tribue.
- ep. 12. συμπάχω : una afficior.
- ep. 13. ἀποθέωσιν : consecrationem.
- eadem. μεδαρμόζομαι : adaptor . ἀνεμέστητον γὰρ.  
nulla enim inuidia est.
- ep. 22. πολιτικοὶ : optimates.
- ep. 24. τετυφῶθαι : tumefactum esse.
- eadem. ἐγγήραμα : senectutis requies.
- ep. 28. ἐντάφιον : sepulcrum.
- ep. 34. ἀλόγως : sine ratione.
- ep. 36. εἰς ἀποθέωσιν : in consecrationem.
- ep. 37. Κύριος : nomen libri ab Antisthene scripti.
- ep. 39. συμβουλευτικὸν : deliberativum.
- eadem.



eadem. Αριστοτέλους ἡ Θεοπόμπου πρὸς Ἀλέξανδρον.  
*Aristotelis et Theopropi ad Alexandrū.*

ep. 40. φιλαίτιον συμφορὰ: querula calamitas.

eadem. πρόπλασμα: praesigmentum.

ep. 43. συμπαθῶς: cum significatione animi.

eadem. εἰκοδεσποτικά: patris familias officia.

ep. 44. σωτάγματα: opera.

eadem. ἀκηδία: torpedō.

eadem. ἀνεκτότερα: tolerabiliora.

eadem. σῶμαον: contubernalem.

eadem. ὑπόθεσις: argumentum.

ep. 50. τοῦτο δὲ μηλώση: hæc uero conijcies, dispi-  
cies, indagabis.

ep. 51. ἀπόγραφα: descripta.

EX LIBRO XIII.

ep. 1. καταβίωσιν: tenuem uictum.

ep. 4. ὁ λόγον: rationi consentaneum.

ep. 6. ὁ λόγώτατον: maxime rationi cōsentaneū.

ep. 8. Παναγίς περὶ προνοίας: Panatij de proui-  
dentia.

ep. 9. ἐκτενέσερον: contentius.

eadem. φιλοσοργότερον: amantius.

eadem. ἄφρατα: infanda.

eadem. ἀδιήγητα: inenarrabilia.

eadem. Διχαίρως: oportune.

ep. 10. παρὰ τὴν ἱστορίαν: præter historiam.

eadem. κοινώτερα: communiora.

eadem. πολιτικώτερα: ciuiliora.

eadem. οὐ γὰρ ὄνειδος: non enim opprobrium.

Ee 2 ep. 12.



ep. 12. φιλολογώτερα: eruditiora.  
 eadem. προσφώνησιν: nuncupationem.  
 eadem. καλλιπίδης: callippides.  
 eadem. αὐτῷ τῷ μέτρῳ, καὶ λωϊόν: eadem mensu-  
 ra, & melius.  
 eadem. αἴνε δύναι: si possis.  
 eadem. περὶ τελῶν συντάξιν: de finibus opus.  
 eadem. ἀκαδημικὴν: Academicam.  
 eadem. Αντιόχεια: Antiochia.  
 ep. 13. ζηλοτυπεῖσθαι: invideri.  
 eadem. φιλαυτία: amor sui.  
 eadem. ἀπορῶ: dubito.  
 eadem. αἰδέομαι τρώας: uereor Troas.  
 eadem. μέμψιν: accusationem.  
 ep. 16. παρὰ τὸ πρέπον: præter decorum.  
 eadem. ἀπαιδυσία: ignorantia.  
 eadem. ἀτριφία: ruditas.  
 eadem. Αντιόχεια: Antiochia.  
 ep. 18. πολυγραφώτατος: in scribendo plurimus.  
 eadem. ζηλοτυπεῖν: inuidere.  
 ep. 19. ἀκίνδυνος: periculo carentia.  
 eadem. φιλένδοξος: ambitiosus.  
 eadem. ἀκαταληψίαν: opinionem eorum, qui ni-  
 hil comprehendi posse dicunt.  
 eadem. κωφὸν πρόσωπον: muta persona.  
 eadem. Ἀριστοτέλειον: Aristotelicum.  
 eadem. περὶ τελῶν: de finibus.  
 eadem. περιπατητικὰ: peripatetica.  
 eadem. ἀζηλότυπον: sine inuidia.

eadem.



eadem. λογικώτερα: eruditiora.  
 eadem. ἐρμείον: insperatum lucrum.  
 eadem. πιθανὰ: suaviora.  
 ep. 20. φιλαίτιος: contentionis cupidus.  
 eadem. φιλοσόφος: philosophice.  
 eadem. δεδήχθαι: morsum esse.  
 eadem. μὴ γὰρ αὐτοῖς: ne enim ipsis.  
 ep. 21. προβολήν: ingressum.  
 eadem. ἐποχῇ: retentioni.  
 eadem. λόγοισιν Ερμόδωρος: uerbis Hermodorus.  
 eadem. προσφονῶ: nuncupo.  
 eadem. ἀδιόρθωτα: inchoata, non perfecta.  
 eadem. ἔωλα: obsoleta.  
 eadem. περὶ μικρὰ σπουδάζειν: paruis studere.  
 eadem. εὐλόγως: facile.  
 eadem. εὐγενέστερος: generosior.  
 ep. 22. ἀσμενέστατα: libentissime.  
 eadem. τὰ κατὰ μέρος: particularia.  
 eadem. εὐλογίαν: honestam rationem.  
 ep. 23. συμβίωσις: conuiuius.  
 eadem. εὐλόγως: decenter.  
 ep. 24. δισθέραι: pellicea tegumenta.  
 eadem. αἰδέομαι τρώας: uereor Troas.  
 ep. 25. ἀσαφέστερος: obscurior.  
 eadem. δεινὸς ἀνὴρ, τάχα κεν καὶ ἀναίτιον αἰτιώωτο:  
 grauis uir, & qui forte uel insontem  
 accuset.  
 eadem. περιοχαῖς: argumenta.  
 ep. 27. κολακία: assentatio.

Εε 3.

eadem.



- eadem. ἐπίτρυμα: *lucrum, quod acquiritur.*  
 eadem. ἀπότρυμα: *damnum, vel quod amittitur.*  
 eadem. παρακινδυνάειν: *periclitari.*  
 eadem. μείλιγμα: *lenimentum.*  
 eadem. σπουδή: *studium.*  
 ep. 28. πρόβλημα. Αρχιμήδειον: *quaestio Archimedeae.*  
 ep. 29. ἀφίδρωμα: *sedes rei quæ dedicatur.*  
 eadem. τὸν τύφον μου πρὸς θεῶν προποφώρησον: *elationi meæ per deos morem gerito.*  
 ep. 30. κολακίαι: *assentationes.*  
 eadem. πολιτικὸν σύλλογον: *civilem conuentum.*  
 ep. 31. καταβάσεως: *descensus.*  
 eadem. κερφικὰ: *fatua.*  
 ep. 32. περὶ ψυχῆς: *de animo.*  
 eadem. διὰ σημείων: *per notas.*  
 eadem. σύλλογον: *conuentum.*  
 eadem. πομπᾶσαι καὶ τοῖς προσώποις: *ostentare etiam personis.*  
 ep. 33. δυσωπία: *uitiosa uerecundia.*  
 eadem. καταβάσεως: *descensus.*  
 eadem. ἄλογον: *consentaneum.*  
 ep. 37. ἀξιοπίστως: *fide dignum.*  
 eadem. φοβερόν ἦν: *formidabile erat.*  
 eadem. ἀνεμοφόρητα: *leuia, a uentis dissipata.*  
 ep. 38. ἐκ ἐπέστησεν: *non aduertit.*  
 eadem. πότερον δίκας τεῖχος ὕψιον, ἢ χολιᾶς ἀπά-  
 τας: *utrum iustitiæ murum altum, an*  
*obliqua fraudis. ἀναβᾶς διαβιῶ, sub-*  
*intelli-*



intelligitur . quod ex Platonis lib. 11. de  
republica cognoscitur .

eadem. δίχα μοι νόος, ἀτέκλειαν εἰπεῖν : ambigit ani-  
mus, ut uerum dicam.

ep. 39. σκολιὰ : obliqua, dissimulationem.

eadem. φαίδρε περὶ θεῶν : Phædri de dijs.

eadem. φιλοτέχνημα : comminiscendi artes.

eadem. τὰ ὅλα : cuncta.

ep. 40. χολιαῖς ἀπάταις : obliquis fraudibus.

ep. 41. καὶ μάλα κατηφής : admodum tristis.

eadem. σὺ δὲ, τί σιώνεις; tu uero, quid cogitabūdus?

eadem. ἀπὸνδου : immitis.

ep. 43. μνημονικὸν ἀμάρτημα : memoria error.

ep. 46. ἀλόγως : temere.

ep. 47. μέμψιν ἀναφέρει : accusationem imponit.

ep. 49. πρὸς ἴσον ὅμοιον : ad æqualem, similemq̃.

eadem. ἀκολαδίτως : sine assentatione.

ep. 50. ἀμεταμέλητον : quem non pœnitet.

eadem. ἀμετικὴν : uomitum.

eadem. ἀδεῶς : intrepide.

eadem. οἱ περὶ αὐτὸν : qui apud eum.

eadem. πονεῖν εὐδέν : studiosum, siue seriū nihil.

eadem. φιλόλογα : erudita.

eadem. ἐπισαθμίαν : diuersorium.

#### EX LIBRO XIV.

ep. 2. σαλάκωμα : inanem iactantiam.

eadem. φαλάκρωμα : caluitium.

ep. 3. πανικὸν : uanus terror.

eadem. διάθεσιν : affectum.

Εε 4 eadem.







bellica: at tu quidem placida curato mune-  
ra eloquentiæ. Verba sunt Iouis alloquen-  
tis Venerem: sed quod apud Homerum est  
γάμοιο, Cicero mutat in λόγοιο.

ep. 14. πολιτικώτερα: civiliora.

ep. 15. ἀναθεώρησιν: animaduersionem.

ep. 16. ἀριστείαν: præclarum facinus.

eadem. ἀναθεώρησις: animaduersio. significat rem  
esse memorabilem, et quæ multa in se con-  
tineat animaduersione digna; qualia sunt,  
quæ supra tetigerat, de saxo, in crucem,  
columnam tollere, &c.

eadem. κατὰ μέτρον: per filum. Vide comment.

ep. 17. μελήσει: curæ erit.

eadem. ἀνέκδοτον: non editum.

eadem. φράξιν: facinus.

ep. 20. καθολικὸν θεώρημα: præceptum, (sic enim  
θεώρημα Cicero uertit in libro de fato).  
quod in omnes conueniat.

eadem. μὴ πολιτδέεσθαι: accedendum non esse ad  
temp.

ep. 21. ὑποσόλοικα: subabsurda.

eadem. βεβίωται: acta uita est.

eadem. πεντέλοιπον: quod reliquū est de quinque.  
Vide commentarium nostrum.

eadem. λῆρος πόλυς: multæ nugæ.

ep. 22. ὑπόθεσιν: argumentum.

eadem. ἄλογον: rationi consentaneum.

eadem. φαινοπροσωπητέον: hilari uultu agendū est.  
eadem.



eadem. ἰτέον: eundum.

eadem. ἄλλοις ἐν ἐδοῖς τόνδ' ἀπωδοῦται φόβος:  
alijs in bonis dedecus hoc effugiunt.

EX LIBRO XV.

ep. 1. οὐδὲν ὑγιές: nihil sani.

eadem. ὑπεραπικὸς: plus quam Atticus.

eadem. Δημοθένης: Demosthenis.

eadem. ἀπικώτατα: in primis Attica.

ep. 2. πεντέλοιπον: quod reliquū est de quinque.

ep. 3. ἄνω ποταμῶν: retro fluminum, scilicet  
cursus est.

eadem. ἀπορία: dubitatio.

eadem. μελήσει: curæ erit.

eadem. παρεγχείρησις: conatus.

ep. 5. θησαυρὸς ἄνθρακες: thesaurus carbones.

ep. 11. ἢ δεῦρ' ὁδὸς τί σοι δώαται νῦν θεοπόπε;  
iter hoc tibi quid ualet nunc o uates?

eadem. βλάσφημα: maledictum.

ep. 12. καὶ μάλα σεμνὸς: & ualde grauis.

eadem. τὰν δ' αἰτίαν τῶν βρούτων τίς εἶχεν; caussam  
uero Brutorum quis tuebatur?

eadem. κατηχήσει: instructione.

eadem. εἰὰν διαμένῃ: si permanserit.

ep. 13. ἀναντιφωνησία: taciturnitas.

eadem. διάλογον: dialogum.

eadem. Ἡρακλείδιον: Heraclideum opus.

eadem. φιλοσοφούμεθα: philosophamur.

eadem. τὰ περὶ τῆς καθήκοντος: quæ de officio.

eadem. προσφωνοῦμεν: nuncupamus.

ep. 14.



- ep. 14. σωτήξεις: confectionem librorum.  
eadem. μετέωρος: animi pendens.  
ep. 15. φιλόλογα: ab æquitate non aliena.  
eadem. φιλοφρόνως: benigne.  
ep. 16. πεπινωμένως: eleganter.  
eadem. προκοπὴν: progressum in litteris.  
eadem. οἶκος φίλος: domus cara.  
eadem. ῥωπογραφία: scriptio de plantis.  
eadem. ῥητορδύουσιν: rhetorissant.  
ep. 17. φιλοσόργως: peramanter.  
eadem. διδόμενα: data.  
ep. 19. ἐργῶδες: laboriosum.  
eadem. ἀνεκτὸν: tolerabile.  
eadem. χεδίασμα: ex tempore factum, subitum  
consilium.  
ep. 20. πάχωτι: patior aliquid, angor.  
ep. 21. ἐποχὴν: retentionem.  
eadem. ἀκεραίως: sincere.  
ep. 26. ψαδωγράφω: false perscripto.  
eadem. ἀτοπώτατον: absurdissimum.  
ep. 27. πάνυ φιλοσόργως: ualde amanter.  
eadem. βουλύσει: uespera.  
ep. 29. ἀμηχανία: inopia consilij.  
eadem. πείσασθαι: inducias facere.  
eadem. ἐβδελυτόμην: abominabar.  
eadem. σκοπὸς: scopus.  
eadem. ἔπαρά τούτῳ: non apud hunc.

EX LIBRO XVI.

- ep. 1. ἔλθωμεν: eamus.

eadem.



- eadem. ὁμοπλοία: societate nauigandi.  
 eadem. λῆρος πολὺς: nugæ multæ.  
 eadem. γλίχρως: parce, tenuiter.  
 ep. 3. σῶταγμα: uolumen elaboratum.  
 eadem. ἀρχέτυπον: archetypum, exemplar.  
 ep. 4. παρὰ λέξιν: præter uerbum.  
 eadem. μετεωρότερον: suspensiore animo.  
 eadem. ἀσφαλές: tutum.  
 eadem. ῥοπή: momentum.  
 eadem. γαυριῶ: glorior.  
 eadem. μετ' ἀμύμονα: post expertem culpæ. al-  
 ludit autem ad illud Homeri, μετ' ἀμύ-  
 μονα πηλείωνα.  
 eadem. ἀμύμων: reprehensionis expers.  
 eadem. ἄμβροτος: immortalis.  
 eadem. σωαγωγὴ: collectio, uolumen.  
 ep. 5. δολιχὸν πλόον ὀρμαίνοντες: longam navi-  
 gationem meditantes.  
 eadem. ἢ δεῦρ' ἔδὸς τί σοι δώαται; iter huc tibi  
 quid potest?  
 eadem. σύγραμμα: conscriptio.  
 ep. 6. ἀνεμέσητα: inuidia carentia.  
 eadem. εὐθανασίαν: facilem mortem.  
 eadem. χόλιον: annotatiunculam.  
 eadem. ἀπολογισμὸν σωτάξομαι: defensionem  
 componam.  
 eadem. ἀναπολόγητον: quod defendi nequit.  
 eadem. δυσχερσία: difficultas uersuræ faciendæ.  
 eadem. πειράζεσθαι παραλύσει: tentare paralyti.  
 ep. 7.



- ep. 7. ὀκασίαν: occasionem.  
 eadem. ἀσφαλείαν: securitatem.  
 eadem. ἀπόρις: dubitatione.  
 ep. 8. σκέπτομαι: confidero.  
 eadem. ἀριστεία: actio præclara.  
 ep. 10. παῖδες παίδων: natorum.  
 eadem. εἷς ἐμοὶ μυρίοι: unus mihi mille.  
 eadem. ἀδόλεχος: loquax.  
 eadem. ἄμενεια: constantia.  
 eadem. εἰρωνεία: dissimulatio.  
 eadem. πεπλογραφίαν: peplo descriptionem.  
 eadem. σαξιάρχης: ordinis ductor.  
 eadem. τὰ περὶ τῆ καθήκοντος: de officio.  
 eadem. τὰ κεφάλαια: capita.  
 eadem. περὶ τοῦ κατὰ περίσασιν καθήκοντος: de offi-  
 cio, cui quædam adiecta est circumstantia.  
 eadem. ὁροσφωνῶ: alloquor, scribo.  
 eadem. ἀνοικεῖον: alienum.  
 eadem. αἰδέσθαι μὲν ἀνήνασθαι, δεῖσαν δ' ὑποδέχθαι:  
 pudebat quidem abnuere, ueriti sunt  
 autem suscipere.  
 eadem. ἀπάντησις: occursum.  
 ep. 12. δολιχὸν πλόν ὁρμαίνοντα: longam nauiga-  
 tionem cogitantem.  
 eadem. ἀπροσδιόνυσον: inexpectatum.  
 eadem. ἐν ἀριεὶ ἔχοντα: sinistra habentem.  
 ep. 14. ἐν πολιτικῷ: in civili.  
 eadem. μηδὲ σωθῆναι, εἴποτε τοιῦτο: ne saluus qui-  
 dem fiam, si quid tale umquam.  
 eadem.



*eadem.* στρατηλάξ: *imperator, dux.*

EX LIB. I. EPIST. AD BRVTVM.

*ep. 1.* ἐμφατικώτερον: *expressius.*

EX LIB. I. EPIST. AD Q. FR.

*ep. 2.* ἀλλ' αἰεὶ τινα φῶτα μέγαν: *sed semper quendam hominem ingentem.*

*eadem.* ἀφελῶς: *inconsiderate.*

*eadem.* ὁρᾷ δὲ τὴν ναῦν, ἔσ' ἅπαξ θανεῖν: *rectam nauim, ἔσ' semel mori.*

EX LIBRO II.

*ep. 3.* προνομιονισάμην: *præcuravi, prouidi.*

*eadem.* Δικαίως: *oportune.*

*ep. 7.* εἰλικρινές: *sincerum.*

*ep. 9.* μισοπάτακτος: *a musis percussus.*

*eadem.* ἀντίεκτον: *aquilibrem.*

*eadem.* εἰδ' ἐν αἰῶ' ἐζήσας: *si uero in terra uixisses.*

*eadem.* ἔα πάσας: *mitte omnes.*

*ep. 17.* πολιτικά: *de republica.*

*ep. 14.* τοιαῦθ' ὁ τλήμων πόλεμος ἐξεργάζεται: *talia ærumnosum bellum efficit.*

*eadem.* πραγματικῶς: *negotialiter.*

*eadem.* ὑπερβολῶς: *supra quam res est.*

*ep. 15.* σωδείπνους σοφοκλέους: *concenatores Sophoclis.*

*eadem.* ὑπόθεσιν: *argumentum.*

*eadem.* γλαῦκα εἰς Αἰθίνας: *noctuan Athenas.*

*eadem.* ῥαθυμώτερα: *segniora.*

*eadem.* χαρακτὴρ: *stylus.*

*eadem.*



*eadem.* φιλαλίθως : ingenue.

EX LIBRO III.

*ep.* 1. ἀποδυτηρίῳ : loco , ubi lauaturi uestes exuebant .

*eadem.* δευτέρα φροντίδας : secundas curas.

*eadem.* γνῶθι πῶς ἄλλῳ κέχρηται : nosce , quemadmodum alio usus fuerit .

*eadem.* ἐμβόλιον : interpositionem.

*ep.* 2. ἀπότρυγμα : repulsam.

*ep.* 3. δετηκώτερον : philosophicis quæstionibus aptius .

*ep.* 4. ἐνθουσιασμός : diuinus furor.

*eadem.* ἄρη πνέων : Martem spirans.

*ep.* 5. ὑποθέσεις : argumenta.

*eadem.* αἰὲν ἀριστερεῖν , καὶ ὑπείροχον ἔμμεναι ἄλλων :  
semper strenue se gerere , & præstantiorem esse alijs .

*ep.* 6. κλέος : laudem.

*eadem.* γνῶθι σεαυτὸν : nosce te ipsum.

*ep.* 7. ἡματ' ὁπωρινῶ , ὅτε λαβρότατον χέει ὕδωρ  
Ζεὺς ὅτε δὴ γ' ἀνδρεσσιν κατεσάμενος χαλεπήνη·  
Οἱ βίη εἰς ἀγορῇ σκολίας κρίνωσι δέμισας,  
Εκ δὲ δίκην ἐλάσσει , θεῶν ὅπιν ἢ ἀλέγοντες.  
die autumnali cum abundantissimam pluit a quam Iupiter , cum iam hominibus iratus succenset , qui per vim in foro aliquas sententias ferant , iustitiam autem expellant , deorum uocem non curantes .

*ep.* 9. τότε μοι χάνοι : tunc mihi dehiscat.

*eadem.*



*eadem.* ὁ δὲ μαίνεται ἐκ ἑτ' ἀνεκτῶς: *hic autē non*  
*amplius tolerabiliter.*

*eadem.* ἐν παρέργῳ: *obiter.*

*eadem.* ἔπος: *tamen.*

*eadem.* ἀλλ' οἰμοζέτω: *sed ploret.*

## R E G I S T R V M.

A B C D E F G H I K L M N O P Q R S T V X  
Y Z. A A B B C C D D E E F F G G H H I I K K  
L L M M N N O O P P Q Q R R S S T T V V  
X X Y Y Z Z. A a B b C c D d E e.

*Omnes sunt quaterniones.*




5813675



non

VX  
KK  
VV







~~17~~ 18

L. 9